

R. R. receipt

26

10

36.18.A.4

2000



✓
VI
7
—

36.18. A. H.



8,40. G. 13

Euāgelista-

R I V M M A R. M A R V L I

Spalatenſis, opus verè Euangelicum,
ſub fidei, ſpei & charitatis titulis
in VII. Libros partitum, at-
que emaculatiuſ quàm
olim, in lucem e-
ditum.




ACCESSIT HVIC, PRO-

PTER IDEM FERE ARGV-
mentum, Meginhardi uiri undecunque doctiſ-
ſimi, ad dominum Guntherum, de fide, uarie-
tate ſymboli, & ipſo ſymbolo apoſtolico, &
peſte multarum hereſum, ſed inſigniorum, Libel-
luſ, nunc diligentiuſ quàm olim recognituſ, &
excuſuſ

P A R I S I I S

Apud Iacobum Keruer, via ad diuum
Iacobum, ſub duobuſ galliſ.

I 5 4 5.



Questo libro si può adoperare

1847

1847

1847

1847

1847

1847

1847

1847

1847

1847

1847

1847

1847

1847

1847

1847

1847

1847


1847

1847

1847

FRANCISCVS IV-

*lianvs venetus, lecto-
ri felicitatem.*



AVD SANE ME LA-
tet multos, vt humano ge-
neri opitularentur, & nomē
sibi ex hoc pararent, multa
ingenij sui monimenta re-
liquisse. Cū enim alia ve-
tustate deficiant, sola lite-
rarum monimenta & æter-
na sunt, & mortalitum res
æternitati commendāt. Ni-

hil sanè æquē humanū est, quā alteri prodesse. Quo-
modo enim melius ciuium cœtus publicè priuatimq;
nisi ab homine adiuentur? Huiusmodi igitur viris de
humano genere benè meritis templa dicata, arę erectę,
statuæ cōsecratę fuere. Quid igitur Marci Maruli sin-
gularis viri laudibus par referemus? Cuius vigiliæ cæ-
terorum labores à deo superant, vt quanto illi cæteris
præstiterunt, tanto hic ipsis præstantior iudicetur, qui
tanquam lucidum sydus hac nostra ætate enituit, qui
non solum sibi natus, imò ad communem omnium v-
tilitatem nullis sudoribus parcit, vt hominibus auxi-
lio sit: viuit, vt nos viuere faciat: laborat, vt quietem
inueniamus: vt, inquam, benè beate que viuendo (pro-
ut ipse præ cæteris docet) cœlorum sedes sortiti, beati
a quo sempiterno fruamur, nosque etiam in diuorum
numerus relatos mortales ipsi ceu numina colant.

Quid hoc mai⁹ excogitari potest? Spreuit diuitias, spre-
 uit honores, ab iis, in quibus summum bonum mortales
 collocant, se penitus abdicauit. Quid cætera comme-
 morem, cum paruula admodum sapius inclusus cella,
 inter syluestres arbores, feris tantum comitatus vitam
 degat, vt his curis alienus, nobis proffit. Scriptis semper
 vacat, quæ salutem vniuerso terrarum orbi afferant,
 his se penitus addixit: Quid hoc viro, imò diuino spi-
 ritu sanctius, quid beatius, qui in carne præter car-
 nem viuens cœlestem vitam in terris agit? Quis ita-
 que tam assiduam eius in scribendo curâ non admire-
 tur, præsertim cum plurima ab eo volumina iam perfe-
 cta sint? Ad describendi facilitatem, sermonis elegan-
 tiam, quodque verborum pondere, sententiarumque
 gravitate nulli cōcedit. Interdum tamen sedati amnis
 more labitur, modo paulum assurgens, sine vllis sale-
 bris quasi torrens pro rei qualitate decurrit incitati-
 ōr. Acerrimè vitia insectatur. Taceo multiplicem lite-
 rarum cognitionem, vt vtrum elegantiore stylo, an
 doctrina magis valeat, non facilè possis diiudicare. Do-
 nauit itaque nos diuino hoc opusculo, vt alias alia. Cui
 Euāgelistarium nomen indidit, ex intimis sacræ theo-
 logiæ fontibus, abditaque instrumenti lectione hau-
 sum. Totam tripartitam moralem philosophiam cō-
 plectitur. Cuius diuina consilia si exequenda curabi-
 mus, in diuorum quidem cœtu gaudebimus. Quo igi-
 tur maiori munere donari potuimus? Quare quantum
 ipsi debemus quis verbis queat consequi? Commenda-
 uit hoc salutiferum opus Francisco Lucensi sacerdoti
 integerrimo. (Cui enim aptius diuina commendari pos-
 sunt, q̃ illi qui quotidie diuina attrectat? Qui vt bonos
 & doctos viros colit, & ab eisdem colitur. (Simile enim
 simili veteri prouerbio facillimè hæret,) ita illorum
 opera vt quàm emendatissima excudantur, vehemen-
 ter laborat. Leges itaque opus à viro & doctissimo &
 optim

EPISTOLA.

optimo elucubratum : à sacerdote verò rarissimo dili-
gentissime excusum . Tu igitur nocturna versato ma-
nu , versato diurna , cum tantum utilitatis ex huius le-
ctione capturus sis . Benè vale , & deum optimum maxi-
mum deprecare , vt Marulo nostro Nestoreos an-
nos largiatur , ipsumque feliciorem reddat . Expe-
ctato interim opus eiusdem Maruli de imita-
tione C H R I S T I , compluraque o-
puscula Christianæ pietatis cul-
tori fructuosissima . Itē
rum vale.

a iij, FRAN

FRANCISCVS IV-

lianus Venetus, Marco Ma

rulo viro doctissimo

& optimo.

Quæ veterum pietas, fidei quæ gloria nostræ,
Iam pridem scriptis innotuere tuis.
Sicilicet hoc vario deducta exemplo labore,
Et docuit miræ sedulitatis opus.

Nunc cœli dum pandis iter, dum numina nobis,
Vt mihi sis magni numinis instar, agis.

Quare agè, quo tantū cœptum est pede, fortiter aude:
Et tua quo virtus te vocat, ista pete.

Sic decus, & nomen, laudemque paraueris, vt tu
Extinctus superis adnumerere tuis.

FRANCISCVS IVLIA-

nus Venetus, Francisco Lu-

censi sacerdoti in-

tegerrimo.

Quanta tui est Maruli scribēdo gloria, tāta est
Laus tua qui Marulū viuere posse doces.
Adde, quod ingenio quātū contendere neruis
Fas fuit, vt latè splendeat, vnus agis.

Profuerat tibi Marce parum, noctesque diesque
Peruigilem studiis inuigilasse tuis.

Frustra omnis labor, & frustra hæc industria, ni te
Et populo, & longo vindicet iste fitu.

Hic vitam dedit æternam, astruxitque nitorem,
Hic tibi quæ deerant, cætera penè dedit.

INDEX TITVLO

RVM CVIVS QVE CAPI-

tis septem Euangelistarij li-
brorum.

Tituli capitum libri I.

D E fide deo præstanda.	cap.	1
De fidei constantia & virtute.	cap.	2
De fide sine operibus.	cap.	3
De perfidia.	cap.	4
In illos qui de miraculis quæ scripta sunt, dubitant.	cap.	5
De ecclesia fide fundata.	cap.	6
In eos qui in ecclesia nequiter se habent.	cap.	7
De lege & Euangelio.	cap.	8
In contemptores legis vel Euangelij.	cap.	9
De conuersis ad deum.	cap.	10
De auerfis à deo.	cap.	11
De animi constantia.	cap.	12
De animi inconstantia.	cap.	13
De animi fortitudine.	cap.	14
De animi imbecillitate.	cap.	15
De contemptu gloriæ.	cap.	16
De gloriæ appetitione.	cap.	17
De mortis conditione.	cap.	18
De vitæ cupiditate.	cap.	19
De perfectione vitæ.	cap.	20
De vita solitaria.	cap.	21
De bono sacerdote.	cap.	22
De malo sacerdote.	cap.	23
De studio lectionis.	cap.	24
De auditionis cura.	cap.	25
De contemplatione.	cap.	26

De loco & tempore contemplationis.	cap. 27
De prauis cogitationibus cauendis.	cap. 28

Tituli capitum libri II

D e spe veniæ.	cap. 1
De desperatione.	cap. 2
De decem præceptis.	cap. 3
De mandatorum consideratione.	cap. 4
De præuaricatorum pœna.	cap. 5
De vigilia.	cap. 6
De malo somnolentiæ.	cap. 7
De somniis.	cap. 8
De oratione fructuosa.	cap. 9
De oratione infructuosa.	cap. 10
De peccatorum pœnitentiâ.	cap. 11
Qualem oporteat esse pœnitentiâ.	cap. 12
De obstinatione non admittentiũ pœnitentiâ.	cap. 13
Ad desperantem exhortatio.	cap. 14
De peccatorum confessione.	cap. 15
De iis qui confiteri negligunt.	cap. 16
De sacramento corporis Christi.	cap. 17
In eos qui sacramentum malè sumunt.	cap. 18
In eos qui sacramentum sumere recusant.	cap. 19
De ieiunio & refectiõne.	cap. 20
Quale debet esse ieiuniũ & quãta sit eius virtus.	ca. 21
De vitio victũ delicatiorem exigentium	cap. 22
De vitio malè ieiunantium.	cap. 23
De vitio ieiunare nolentium, ventriq̃ue indulgentiũ.	cap. 24
De remedio crapulæ.	cap. 25
De perseuerantia virtutum.	cap. 26
De leuitate ad vitia relabentium.	cap. 27

Tituli capitum libri III.

I N D E X.

D e prudentia & simplicitate	cap. 1
De prudentia vitiosa & simplicitate stu.	cap. 2
Quid sit sapientia, & ubi quærenda	cap. 3
De scientia diuinitus tradita, & sapientis officio.	ca. 4
Quòd sapientia donum dei sit, & vera sapientia Christi imitari	cap. 5
Quòd sola dei sapientia efficit beatos	cap. 6
Quæ sapientia vitanda	cap. 7
Quòd sapiens docere alios debet	cap. 8
De dæmonum natura	cap. 9
Quare creatus diabolus	cap. 10
De nominibus dæmonum propriis	cap. 11
De nominibus dæmonum brutis	cap. 12
De nominibus dæmonum publicæ digni.	cap. 13
De nominibus dæmonum priuatae conditio.	cap. 14
De denominatione dæmonum à rebus inanimatis	cap. 15
Quòd tentationes pati necesse sit, maximè circa principia cōuersionis	cap. 16
De duobus tentationum generibus	cap. 17
Quòd diabolo imminutæ sint vires	cap. 18
Quomodo vincitur tentatio diaboli	cap. 19
De tentationibus carnis	cap. 20
De remediis contra carnis tentamenta	cap. 21
De reparatione lapsi	cap. 22
Oratio contra tentationes carnis, & post victoriam actio gratiarum.	cap. 23
Quòd oportet nos conformari Christo	cap. 24
De consortio fugiendo	cap. 25
De consortio habendo	cap. 26
De paupertate colenda.	cap. 27
De diuitiarum confidentia	cap. 28
De diuitiarum malo & paupertatis bono	cap. 29
Ne quis timeat necessaria sibi defutura	cap. 30
Tituli ca-	

Tituli capitum libri IIII.

D E charitate erga deum	cap. 1
De charitate erga proximum	cap. 2
De charitate erga inimicos	cap. 3
De malo odij	cap. 4
De pace publica & priuata	cap. 5
De pace seruorum dei	cap. 6
De pace animæ & corporis	cap. 7
De pace simulata	cap. 8
De bonitate	cap. 9
Quòd bonitatis & perfectio donū dei fit	cap. 10
De moderatione virtutum	cap. 11
De fructibus bonitatis	cap. 12
De præmio iustorum	cap. 13
De peccatis principalibus per septem lepræ genera significatis	cap. 14
De peccatorum differentia	cap. 15
Quæ mala peccato accedant	cap. 16
Quæ peccata sunt præcipuè dānabilia	cap. 17
Vnde tanta peccantium multitudo	cap. 18
De quinque sensibus	cap. 19
De visu	cap. 20
De auditu	cap. 21
De odoratu	cap. 22
De gustu	cap. 23
De tactu	cap. 24
De remedio contra sensuum voluptatem	cap. 25

Tituli capitum libri V.

D E temperantia.	cap. 1
De virginitate	cap. 2
De	

INDEX.

De castitate viduali	cap.	3
De consortio diuersi sexus vitando	cap.	4
De remediis aduersus tantamenta libidinis	cap.	5
De matrimonio	cap.	6
De viri vxorisque officio	cap.	7
De coninge diligenda temporeq; cōtinendi	cap.	8
De coniuge eligenda	cap.	9
De filiorum educatione, familiaq; regenda	cap.	10
De fornicatione vitanda	cap.	11
De triplici eleemosynarum genere	cap.	12
Quibus danda est eleemosyna	cap.	13
Quantum pauperi sit largiendum	cap.	14
Pro quibus facienda est eleemosyna	cap.	15
De eleemosynæ vtilitate	cap.	16
De vitio auaritiæ	cap.	17
De vana diuitum spe	cap.	18
Quòd auaritia multorum causa sit malorū	cap.	19
Ad diuites exhortatio	cap.	20
De beneficiis conferendis vt deo similes si.	cap.	21
De beneficiis dispensandis	cap.	22
Qualiter nos gerere debemus in dādis beneficiis	cap. 23	
De beneficiis accipiendis	cap.	24
De beneficiis reddendis	cap.	25
Vtrum debemus pro beneficio cui suessit iniuria,	cap.	26

Tituli capitum libri. VI.

V trum deo reddi possit beneficium	cap.	1
De gratis erga deū in testamēto vete.	cap.	2
De gratis erga deū in testamēto nouo	cap.	3
De ingratias ante diluuium	cap.	4
De beneficiis Iudæis collatis post diluuium.	cap.	5
De ingratitude Iudæorum in deum, & quæ pro idolatria passi sunt	cap.	6
Mala decem tribuum	cap.	7
		Mala

Mala duarum tribuum	cap. 3
Mala iudeorum post Christi passionem propter incredulitatem	cap. 4
De ingratitude hæreticorū & iudæ pditione	cap. 10
De officio catholici prædicatoris	cap. 11
Quid potissimè prædicandum sit	cap. 12
Qui prætermittendi, & qui docendi, & qualiter corripiendi	cap. 13
Vt prædicator ab adulatione procul sit, & prædicandi tempora obseruet	cap. 14
De prædicantium meritis	cap. 15
De prædicantium beatitudine	cap. 16
Quantum prodest habere prædicatorem	cap. 17
Quantum nocet prædicatorem non habere	cap. 18
De corporis manuumque labore	cap. 19
De otio inutili & infructuoso	cap. 20
De humilitatis virtute	cap. 21
De exaltatione humilium in lege	cap. 22
De exaltatione humilium in euangelio	cap. 23
De humilitate Christi	cap. 24
De humilitate vitiosa	cap. 25

Tituli capitū libri VII.

D E superbiæ vitio	cap. 1
Quanta mala pariat superbia	cap. 2
In eos, qui sanctitatis ostentatione alios car.	cap. 3
Quòd superbi succumbant passionibus, & quæ sint illa per quæ notantur superbi	cap. 4
Quòd alij dignitate, alij humilitate laudari appetūt, alij deo quoque se audent comparare	cap. 5
Quòd sancti quandoque lapsi sint per superb.	cap. 6
De superbia diaboli & superbiorum damnati.	cap. 7
De superbiorum pœna	cap. 8
De obedientia deo præstanda.	cap. 9
Quorum imperio parendum sit	cap. 10
De inobe.	

INDEX.

De inobedientiæ pœna	cap. 12
De patientia calum.	cap. 13
De patientia persecutionis	cap. 14
De patientia ingratitudinis, percussione, & bonorum ablationis	cap. 15
De patientia morbi & aduersitatum	cap. 16
Quantum profint res aduersæ	cap. 17
De patientia lobi, & quare bo. accidunt mala	cap. 18
De patientia martyrij	cap. 19
De exhortationibus ad patientiam martyrij	cap. 20
Verba sanctorum martyrum ad tyrannum in ipsos fa- cipientem	cap.
Quòd non debemus vltro nos offer. suppli.	cap. 22
Quòd multum prodest in calamitatibus recolere pas- siones Christi	cap. 23
De impatientiæ vitio erga deum	cap. 24
De impatientiæ vitio erga proximum	cap. 25
De ira non vitiosa, sed vtili, & de ira dei	cap. 26
De remediis iracundiæ	cap. 27
De benedicendi studio	cap. 28
De maledicendi nequitia	cap. 29
De calumnia & detractiōe	cap. 30
De delatorum malignitate	cap. 31
De maledicentiæ vitandæ cura	cap. 32
In fine operis peroratio	cap. 33

FINIS.

M. M. A.

M. MARVLI PRAEFATIO IN SVVM EVANGELISTARIVM.



Vemadmodum inter marmora ophites, inter gemmas adamas, inter metalla aurum estimatione pretioque præstare putatur, & sicut sol omniũ siderum fulgentiss. pulcherrimusq; habetur: ita supra omnes scientias eminet illa, quam ethicem vocat, quia de morum vitæque cultu pertractat. Cum enim nihil in homine laudabilius virtute sit, nihil vitio detestabilius, quid ea doctrina magis egregium magisque amplectendum videri debet, quæ hominem ipsum instruit ac erudit, quæ ratione & à malitia declinet, & studeat probitati? Sed licet in isto tam præclaro docendi genere multa quidæ sapienter & acutè à philosophis inuenta tractataque ferantur, quis tum tanta desipit temeritate, vt illa cum his, quæ nobis diuinitus tradita sunt, vlla ex parte audeat conferre? Errare vtique ipsi philosophi potuere, sicuti & errarunt in plurimis, quoniam homines erant: deus autem quia solus consummatissimæ sapientiæ est, falli aut errare nullo modo potest, Eius ergo, quo nihil est verius, nihil sapientius, leges, præceptaque viuendi & nobis suscipienda proponimus, & alios vt suscipiant hortamur. Quibus profectò si obtemperare curabimus, non erit ipsa tibi pretium virtus, vt Stoici dixerunt, sed virtuti merces accedet, pro mortalitate immortalitas, pro corruptione incorruptio, pro miseria beatitudo, denique deo ipso frui licebit, cū dei iussa peregerimus, eiusque perpetuo gaudebimus conspectu, qui sua luce omnia illustrat, sua sapientia omnia guber-

gubernat, sua potentia omnia sustentat. Nihil nobis ad perfectam consummatamq; felicitatem deesse poterit, cum ab ipsius maiestate atq; gloria, quā eloqui vel excogitare nemo potest, recepti atq; assumpti fuerimus. Ut igitur ad tā immensum & incōprehensibile bonum pervenire tandem valeamus, veteris nouique instrumenti, quorum deus est autor, acta institutionesque perscrutabimur. Tria praecepta sunt, quae in his observanda nobis mandantur: Fides. Spes, Charitas. Fides, ut credamus verissima esse, quae Moyses & prophetae, quae Christus & Apostoli divino spiritu afflati, locuti sunt. Spes, ut exequendo ea quae iubentur, illa quae promissa sunt, accepturos nos minimè diffidamus. Charitas, ut nihil agamus, neque dicamus, nisi quod deo gratum & hominibus credimus profuturum. Et quoniam quicquid vel agendum vel fugiendum praecipitur, ad haec tria satis commodè referri queat, ex iis quae scripturi sumus, alia sub fidei, alia sub spei, alia verò sub charitatis titulo expediemus: nihil omnino asserentes à scripturarū sensu autoritateque alienum. Non erit itaque meum quod docebo, sed diuinum, & de ipso sanctorum voluminum thesauro fideliter sincereque depromptum : ut quicquid dixerō, tam verum sit, quā ipsa veritas. Etenim statui atque decrevi, nusquam à lege, nusquam ab euangelio discedere, sed per utriusque scripturae spatia discurrendo, quae magis necessaria nobis videbuntur, passim colligere, & in septem digesta libros quā diligentissimè potero explanare, discereque volentibus offerre. Nihil in his inferetur externum, ne alienis indigere videamur: nostra tantū, quae nobis in omni differenda de moribus materia satis abundeque suppetunt, in medium proferentur, nullo exoticici coloris fūco linita, sed sola sui puritate cōtenta. Porro opus ipsum Euāgelistarum noīe consecrabitur, quāvis nō solum euangelij, sed etiā legis dicta exempla q; cōtinebit. Nam quoties per synecdochē à

P R A E F A T I O.

chen à parte totum designare volum⁹, ab ea parte quæ
 insignior videtur, vocabulum imponi debet : vnde &
 puppim pro naui, & animam pro homine quædoque le-
 gimus apud authores. Præstat autem legi euangelium:
 quia in lege futurorum signa erant, quæ in euangelio
 impleta videmus: illic typus & vmbra, hic veritas &
 vmbrae caliginem dissipās desiderata lux. Illic præ-
 terea per seruos suos nobis locutus est deus, hic per fili-
 um, & tunc quidem in Adam mortui eramus, nunc vi-
 uimus in Christo. Explicata tandem rerum, quas aggre-
 dimur propositione, inscriptionisque ratione ostensa,
 reliquum est, vt spiritu sancto aspirante vela pandam⁹,
 & ab ipsa (quam deo debemus) fide, illo benè iuuante
 institutum opus auspicemur. Vt tamen cuique
 mox constet, quæ materia in singulis per-
 tractetur libris libuit prius indi-
 cem librorum & eorū-
 dem capitum cum
 titulis seria-
 tim subno-
 tare.

P R A E F A T I O N I S F I N I S.

Euan-

EVANGELISTARI

Marci Maruli, viri in Euangelicis literis exercitissimi Liber I. quòd verissima sint, certaqué fide amplectenda, quæ Moses & prophetæ, quæque Christus & Apostoli diuino afflati spiritu tradiderunt, edocens: aliaque plura Christi præclara complectens dogmata: quæ videlicet accommodatius sub fidei titulo digeri visa sunt.

De fide deo præstanda. Cap. I.



Rimus igitur sperandæ beatitudinis gradus, fides est. Credamus deo, credamus dei filio, & quicquid spiritu sancto instructi diuini homines de iis, quæ non vidimus, nobis testati sunt, indubitatæ credulitatis assensu suscipiamus. Vt iactò rectæ fidei fundamento, cæteras,

quibus beata vita comparatur, virtutes superædificare possimus, & de nobis dici queat: beati, qui non viderunt & crediderunt. Vnde etiam sacramentum corporis & sanguinis sui dominus sub panis, vini que specie instituit: vt non quod cernimus, neque quod tangimus, sed quod credimus, in terra adorantes, hoc ipsum videre in cælo mereamur, exultantes. Et quoniam vnus fidei nostræ finis est, diuino frui conspectu, consulens nobis ipse

Iohan. 20.

A saluator

- Marc. 1. saluator noster ait: Pœnitemini & credite euangelio.
Tunc enim plurimum prodest euāgelii fides, cum nos
Idem. 10. delictorum, quibus deum, hominēque offendimus, pœ-
nitet. Idem alibi præcipit, dicens: Habete fidem dei.
Qui fidem dei habent, hi non humanæ solertiæ calli-
dē inuentis, argutēque conclusis credunt, sed soli veri-
tati diuinitus reuelatæ firmiter adhærent, humanam
doctrinam diuinæ semper posthabentes. Idcirco qui-
dem & ad Samaritanam mulierem, id est, ad animam
per fidem saluandam, ipse veritatis magister Christus
dixit: Crede mihi mulier, quasi diceret, mihi crede,
Iohan. 4. qui dei sapientia sum, non philosophis, qui humana sa-
piunt, non poëtis priscae fatuitatis scriptoribus, qui in
deorum vix numeranda multitudine delirant, neque
Iudæis, qui trinitatem denegant, non intelligentes in
vna, simplici que substantia personarum pluralitatem,
quam & ipse sanctus propheta Dauid vidit, dicens: Di-
xit dominus domino meo, sede à dextris meis. Et alibi:
Psal. 109. Verbo dei cœli firmati sunt, & spiritu oris eius omnis
Psal. 42. virtus eorum. Quod si rectè acciperent, etiam in vete-
ribus scripturis mysterium sanctæ trinitatis contineri
faterentur, & nobiscum simul sentirent. Crede mihi,
inquit. Distantiam quidam faciunt, inter credere deo,
& credere in deum: vt credere in deum, sit per fidem
operari, & eius cui credimus, præcepta exequi. Hinc
Iohan. 6. idem ait: Hoc est opus dei, vt credatis in eum, quem mi-
hi sit ille. Prius tamē credimus, deinde operi accingimur:
alterum sine altero, nihil proficit ad salutem. Caterū,
fieri solet, vt ad sectæ huius professionem accedentes,
non nihil suspensum animum primitus gerant. Deinde
(si tamen dignoscenda veritatis propositio hoc agunt)
magis illuminati, nihil verius esse existimant, quàm
quod sacrarum literarum monumentis contineri co-
gnoscunt. Qui ita in fide stabiliri cupiunt, omnes autē
cupere debent, deo supplicent, & hominem illum imi-
tentur,

tentur, qui in euangelio ait: Credo domine, adiuua in- Marc. 9.
 credulitatem meā, simul enim & credebat & quasi in-
 credulus nutabat. Et quoniam experimento iam didi-
 cerat, suam credulitatem omnino infirmam esse & im-
 becillam, nisi auxilio iuuetur diuino, à domino opē pe-
 tiit, vt perfectius crederet. Porro, qui iam de religione
 nihil dubitant, continuo de Iudæa ad montes transmi-
 grare cupiunt, ad altiora virtutum culmina conscendere
 nituntur, & credendo in filium, peruenire festinant ad
 patrem, ipso filio dicente: Qui credit in me, non credit
 in me, sed in eum, qui misit me. Fide enim penetramus
 vsque ad inuisibilia dei. Ne autem ipsum, qui est mis-
 sus minus aliquid habere putares, quàm eum, qui mit-
 tit. Rursum ait: Creditis in deum, & in me credite. Iohan. 14.
 Aequalem se illi testatur, dum eandem ipse de se fidē exi-
 git, quæ habetur de deo patre. Cui sententiæ & illud di-
 ctum congruit: Ego & pater vnum sumus, non propter Idem. 10.
 assumptam humanitatem, in qua minor sum patre, sed
 propter substantiæ vnitatem, in qua illi æqualis sum.
 Cum ergo patris & filij & spiritus sancti vnam ean-
 demque deitatem confessi fuerimus, consequens est, vt
 de ipsius filij doctrina nihil hæsitemus. Postquam au-
 tem omnes prorsus ambiguitatis tenebræ cordis late-
 bras excefferint, tunc reliquum erit, vt nobis ad bene,
 beatèque viuendum & cupiditas accendatur, & detur
 facultas. Quod quidem futurum pollicetur dominus,
 dicens: Qui habet, dabitur ei, & abundabit: hoc est, qui Matth. 13.
 habet fidem, merebitur gratiam, & fructibus exubera-
 bit virtutum. Sic & luxurioso, prodigòq; filio, post of- Luc. 15.
 fensam ad patrem reuertenti, petentique veniam, non
 solum ignoscitur, sed etiā datur stola, vt veteri homine
 deposito, nouū induat: anulus in manu, vt iustitiæ ope-
 ribus incumbat: calceamenta in pedibus, vt ipse firmi-
 ter incedens, aliis quoque se itineris quo ad Christum
 peruenitur, ducem præstet: atq; alios doceat, quod ipse

- prius & didicerit & fecerit. Semper tamē meminerit, ad fidei perfectionem non, nisi deo adiuuante, se posse peruenire, cum saluator dicat: Nemo potest venire ad me, nisi pater, qui misit me, traxerit eum. Illi ad Christum trahuntur, qui trahi volunt, qui que orant vt trahantur. Nemo saluatur inuitus. Vt velimus, nostrū est: vt autem velimus & possimus, dei est. Si quis sitit, inquit, veniat ad me & bibat. Sitiant igitur & esuriant iustitiam, qui iustitiæ pabulo saturari volunt, & tunc demum ex abūdātia cordis os loquetur. Ipse enim subiungit, dicens: Qui credit in me, sicut dicit scriptura: Flumina de vētre eius fluent aque viuæ. Quod exponēs Euāgelista, ait: Hoc autem dixit de spiritu, quem accepturi erant credētes in eum. Fidelis ergo Christianus, veritatis & intelligētiæ impletur spiritu, quo iam plenus, saluberrimis vitæ præceptis incipit scaturire. Minimē quippe otiosi sunt, qui diuino agūtur spiritu. Hic idem Christum dominum in se manentem habet, dicēte illo: Manete in me, & ego in vobis. Et rursum: Qui manet in me, & ego in eo. Quātum autem boni ex hoc cōsequamur, continuō declarat, dicēs: Hic fert fructum multum. Ne quis tamen quicquam suæ libertatis arbitrio magis, q̄ gratiæ tribuat diuinæ, subiunxit: Quia sine me nihil potestis facere. Itaque vt possimus, vt valeamus ad vitæ melioris, perfectiorisque statum peruenire, futuri ædificij fundamenta non alibi ponenda sunt, quā supra firmissimam petram Christum, qui de semet loquens, ait: Et super hanc petram ædificabo ecclesiam meam. Quam petram ille, qui primus confessus est, Petri nomen accipere meruit, & inter apostolos tenere principatū. Hoc igitur quod Iudæis dictum est: Si filij Abrahæ estis, opera Abrahæ facite, nobis quoq; dictum putemus: Credidit Abraham deo, & reputatum est ei ad iustitiam. Fides sola nunquam ei ad iustitiam reputaretur, nisi congruis fidei virtutum ornamentis
- Iohan. 6.
- Iohan. 7.
- Iohan. 19.
- Matth. 16.
- Iohan. 9.
- Genes. 15.

namentis sese excoluisset. Et hoc est quidem quod alibi ait dominus: Qui credit in me, opera quæ ego facio, & ipse faciet, & maiora horum faciet. Maius enim est pie, iusteque vivere, quàm miracula facere, quæ etiam per impios quâdoque fiunt. Sed qui ex veritate est, inquit, audit vocem meam, hoc est, qui in me credit, qui sum veritas, hic præceptis meis obtemperat, & me imitari pro viribus contendit.

Iohan. 14.

Iohan. 18.

De fidei constantia & virtute.

Cap. II.

CAeterum nisi rectæ religionis fides semel suscepta constanter teneatur, virtutes quoque effluere ac dissipari necesse est. Conuulsio quippe fundamento, quicquid super ædificatum fuerit, corruiet. Firma sanè fides fuit cæcorum illorum, qui increpiti, ut tacerent, magis clamabant: Domine, miserere nostri fili David, Chananæa quoque mulieris incôcussa permansit credulitas: & quod credendo atque sperando poposcerat, perseverando impetrauit. Inuicta denique fuit ipsorum martyrum in credendo constantia. Cæde, vire, occide, inquit, cuncta quæ homini inferri possunt tormenta, prius in corpore nostro perferemus, quàm Christum negabimus. Hi ergo fuere, qui domum sibi non in terra, sed in cælo ædificare volentes, fidei suæ fundamentum supra firmam petram posuerant: atque ideo domus illa nec fluminis illusione, nec validis ventorum flatibus potuit moueri. Sed hanc quoque in credendo constantiam à deo petendam esse docet dominus, dum ad Petrum conuersus, ait: Ego rogam pro te, ut non deficiat fides tua. Stabilitæ autem in deo fidei quanta vis virtusque sit, quis explicet? Chananæa credens, responsum accipit: Fiat tibi sicut vis, quod multo plus est, quàm si audisset: Fiat tibi sicut petisti. Minus enim interdum petimus quàm volumus, ne impudens videatur petitio.

Luc. 18.

Marc. 10.

Matth. 20.

Idem. 18.

Luc. 22.

Matth. 15.

- Iohan. 8. Et illud profectò ad credulos est dictum : Cognoscetis veritatem, & veritas liberabit vos. Casso nimirum labore tota gentilium philosophorum schola defudauit in quærenda veritate, quam sola Christi aperuit fides. Frustra Romani liberos se esse iactitarunt, dum orbì terrarum dominarentur. Fidei enim Christianæ veritas, verè liberos reddidit credentes, non potetiæ fastus terrenæ. Sola quippe ex corruptibilibus incorruptos, & ex mortalibus facit immortales. Virtus etiam fidei in eo enituit, quòd ex tam infirmo principio tantū roboris concepit, vt humiles homines, pauperes, inermes, neque persecutionibus neque cædibus cohiberi potuerint, quin longè latèque reuelatæ diuinitus veritatis verba disseminarent. In omnem terram exiuit sonus eorum, & in fines orbis terræ verba eorum. Hoc sanè fuit granum illud sinapis, quod minimū erat omnium seminum: postquam autem creuit, maius factum est omnibus oleribus: euasitque arbor grandis, in cuius ramis volucres cœli habitauerunt. Nusquam enim alibi cœlestia contemplantium mentes iucundius conquiescunt, quàm in ipsa Euangelicæ doctrinæ lectione: Si habueritis, inquit, fidem, sicut est granū sinapis. Ad naturam seminis referendum est, ex quo fit arbor magna. Magna igitur fide opus est, vt magna operemur, & credentibus nihil impossibile sit. Etenim perfectè credentes nihil inutiliter petent, ideo nec montes transtulisse feruntur, non quia nequiuierint, sed quia nō expedierit. Non minus autem mirabile fuit, mortuos suscitasse, quādoquidem fecerunt, quàm montes transtulisse: quod fecissent, si vtile fore cœsuisent. Vnde alibi etiam dominus ait: Si potes credere, omnia possibilia sunt credenti. Sed videamus quæ nā sunt ista omnia, quæ factu possibilia dicat. Centurionis fides seruum suum paralyticum sanat, dum ipse à domino audit: Vade, & sicut credidisti fiat tibi. Fides mulieris hæmorrhoiden patientis

tis, ipsam morbo liberavit: sibi brem tetigit saluatoris, nihil de omnipotentia eius hæsitans, & meruit audire: Filia, fides tua te saluam fecit. Fides leprosum munda- Luc. 7.
 uit: & ei, qui reuersus pro beneficio accepto gratias egit, dicitur: Surge, vade, quia fides tua te saluum fecit. Fides cæcum illuminauit, qui dum misericordiam implorat vt videret, statim audiuit: Respice, fides tua te saluum fecit, & confestim vidit, atque vt benefactori gratiam quam poterat, referret, sequebatur illum, vt Euangelista ait, & magnificabat deum: Fides Iairi synagogæ principis, filiam eius mortuam vitæ restituit. Domino enim iubente vt surgeret, quæ iam exanimis plangebatur, viua in pedes se erexit. Fidei denique merito Martha & Maria Lazarum fratrem, quem mortuum sepultumque, & iam fœtentem fleuerant, iterum viuum receperunt, dicente domino. Qui credit in me, etiam si mortuus fuerit, viuet. Et rursum: Si credideritis, inquit, videbitis gloriam dei: Præcessit ergo fides & subsequutus est tam grandis miraculi effectus. Omnium tamen quæ per fidem Christi facta sunt, quæque sũt, sicutve, hoc maximum quidem est, quod per eam ipsi credentes de mundi huius miseriis ad cœlestem transferantur beatitudinem, perpetuæque felices efficiantur. Omnis, inquit, qui confitebitur me coram hominibus, Matth. 10.
 confitebor & ego eum, coram patre meo, qui in cœlis Marc. 8.
 est. Si ergo in terra vt oportet crediderimus, illic certe in cœlesti gloria coronabimur, vt optamus. Beatus, Luc. 12.
 inquit, qui non fuerit scandalizatus in me. Scandalizantur illi qui dubitant, nec satis credunt. Vnde Apostolus: Nos, ait, prædicamus Christum crucifixum, ludæis scandalum, gentibus autem stultitiam, ipsis autem Idem. 7.
 vocatis Iudæis atque Græcis, Christum dei virtutem & 1. Cor. 1.
 dei sapientiam. Sed post Christum quid quæso beatius matre Christi: & ipsa tamen ideo beata prædicatur, quia de pueritio sibi cœlitus allato nihil dubitauit, sic
A iiij enim

Luc. 1.

Iohan. 5.

Iohan. 6.

Iohan. 17.

enim spiritus sanctus per os Elizabeth eius cognatæ ad eam dixit: Beata quæ credidisti, quoniam perficientur ea, quæ dicta sunt tibi à domino. Porro ne quis quasi propinquæ ad propinquam dictum cauilletur, audiat ipsum dominum dicentem: Amen, amen dico vobis, quia qui verbum meum audit, & credit ei, qui misit me, habet vitam æternam, & in iudicium non venit, sed transit à morte in vitam. Vnde etiam latroni in cruce credenti atque confitenti, respondit: Hodie mecum eris in paradiso. In paradiso utique omnium bonorum pleno, & nulli vnquam obnoxio molestiæ, nulli querelæ, cū iterum veritas dei dicat: Qui venit ad me, non esuriat: & qui credit in me, non sitiet in æternum, & paulo post: Hæc est, inquit, voluntas patris mei, qui misit me, ut omnis qui videt filium, & credit in eum, habeat vitam æternam: & ego resuscitabo eum in nouissimo die, ut videlicet non solum in anima beatus sit, sed etiã in corpore. Atque ut se esse filium hunc, in quem credere oporteat, ostenderet, postea intulit: Qui credit in me, habet vitam æternam. Præsentis temporis verbo utitur, ut credentes, & secundum ea quæ credunt, viuentes, iam beatæ æternitati prædestinatos monstraret. Ne autem minus rectè credendo, ab ipsa patris diuinitate filium separemus Arrianæ impietati assentientes, alibi idem ad patrem conuersus, dixit: Hæc est autem vita æterna, ut cognoscant te solum deum verum, & quem misisti Iesum Christum. Pater igitur & filius, & utriusque communis spiritus sanctus solus verus deus est, trinus in personis, vnus in substantia. Et si hoc credere vita æterna est, profectò qui sanctæ trinitatis fidem non tenent, licet vnum deum, vnum dominum & credant & prædicent, vitam æternam habere non poterunt.

De fide

De fide sine operibus. Cap. III.

VT autem fides nostra ex omni parte perfecta sit, operibus compleatur iustitiæ. Vt quid enim euangelio credimus, si secundū euangelium non uiuimus? Quid Christum confitemur, si præceptis eius non obedimus? Talis fides iuxta Iacobi apostoli sententiā, mortua est. Mortui sunt ergo illi, qui quod uerbis credere se aiunt, factis non probant. De quibus dominus ait: Dicunt & non faciunt. Illis utique comparandi, qui Christum spinis coronatū, genu flexo adorabant, non ut eum venerarentur, sed ut deriderent. Vel etiam illis simillimi, qui eidem sitiētī uinum quidem porrigebant, sed felle mixtum. Quare autem illi uinum illud gustauit, & bibere noluit? quia licet diligat consentientium fidem, fidei tamen præceptis aduersantes non recipit. Quamuis enim aliquis ad nuptias fidei inuitatus ueniat, uestem tamē nuptialem, hoc est, virtutum ornamenta non habens, de ædibus eliminatur, & (quod deterius est) manibus pedibūque ligatis, proiicitur in tenebras exteriores: ibi erit (inquit) fletus & stridor dentium, ut discas eos damnādos esse, qui vel per otium vel malitiā beatitudine fidelibus promissa se fecerint indignos. Quos etiam cum fatuis uirginibus in euangelio conferre possumus. Virginitatem quippe fidei habent, quia syncerē credunt: sed piæ rectæque actionis oleum, quo fides ipsa illustratur, non habent. Frustrataque clamant, Domine domine, aperi nobis, ipso domino aditum præcludente, ac respondente. Amen, amen dico uobis, nescio uos. Quid quæso infelicius, quid calamitosius, & ab illo ignorari, qui solus nouit omnia? Illos autem nescire dicitur deus, quos à se reiecit, & procul à beatorum repellit cōsortio. Unde ait: Non omnis qui dicit mihi, domine domine, intrabit in regnum cœlorum: sed qui facit uoluntatem patris

Matth. 25.

Matth. 27.

Matth. 22.

Matth. 25.

Matth. 7.

Matth. 7.

patris mei qui in cœlis est, ipse intrabit in regnum cœ-
lorum. Nemo itaque sibi de sola fide plaudent: iustitiam
iungat fidei, si vitæ æternæ præmia consequi desiderat:
alioquin ne miracula quidē aliquando fecisse illi pro-
derit, à quo abest iustitia. Ideo subditur, Multi dicent
mibi in illa die, domine domine, nōne in nomine tuo
dæmonia eiecimus? & in nomine tuo virtutes multas
fecimus? Et tunc confitebor illis, quia nunquam noui
vos, Discedite à me omnes qui operamini iniquitatem.

1. Cor. 13.

Hoc idem Apostoli verba docent, dicētis. Si fidem ha-
buero, ita vt montes transferam, charitatem autē non
habuero, nihil sum. Cæterum hoc quoque mali, cre-
dentibus & non operantibus contingit, quod cum sese

Matth. 21.

otio dederint, etiam fide deficere incipiant. Hoc in illa
fici arbore apparuit, quæ quoniam fructibus carebat,
maledicto domini arefacta, etiam folia quæ sola habe-
bat amisit. Exiccato autem omni humore, nulli vsui a-
pta nisi ignibus fuit. Ita nonnulli quī Christiano cen-
sentur nomine, cum sese ignauia corruperint, si quid
Christianitatis conceperant, totum consumunt, æter-
nisq; ardoribus digni efficiuntur, cum infidelibus cru-
ciandi, nisi poenitentiam egerint, & ante vitam corre-
xerint, quam iusti iudicis sententiam subire cogantur.
Sed si neque fides actionibus bonis carēs à morte libe-
rat, quanto damnabiliorem putabimus perfidiam.

De perfidia.

Cap. IIII.

NVnc ergo quam perniciosum sit, ab euāgelica ve-
ritate dissentire, ipsorum euāgeliorum testimo-
niis probare conabimur, vt cum aduersariorum
mens pertinacior nullis argumētis flecti queat, saltem
nostri ea secum considerantes, in proposito fidelis pro-
fessionis intentius perseuerent, fortiusque stabiliātur.
Qui non crediderit, inquit, condemnabitur, ne videli-
cet bona consequatur fidelibus promissa, sed poena in-
fidelibus

Marc. 16.

fidelibus propofita puniatur. Pœnæ autem vel maxi-
 ma pars erit, meminiffe æternæ beatitudinis quā ami-
 ferunt, minas domini contemnendo, dicentis. Qui me Luc. 9.
 erubuerit & meos sermones, hunc filius hominis eru- Idem. 12.
 befceat, cum venerit in maiestate fua & patris & sancto- Idem. 24.
 rum angelorum. Et iterum: Qui negauerit me, inquit,
 coram hominibus, negabitur coram angelis dei. Hoc
 ipfum eft, quod de illis, qui inuitati venire neglexerāt,
 dixit: Nemo virorum illorum, qui vocati funt, gufta-
 bunt cœnam meam. Et cum fummi boni participes ef-
 fe nullo modo poffunt increduli, additur dolori cumu-
 lus, quod continuo post vitæ huius finem, fumum ma-
 lum subire cogantur. Hoc quoque tibi indicat ille in
 euangelio, qui non habens veftem nuptialem, id eft, fi-
 dei lauacro carens, non folum propellitur è conuiuio,
 fed etiam ligatis manibus ac pedibus, in tenebras mit-
 titur exteriores. Væ etiam illi dicitur, quo fide aduer-
 fante, fideli alicui fcâdalum oritur: & melius cum ipfo
 actum iri, fi molari lapide ad collum alligato, in mare
 proiiciatur. Etenim remiffior pœna eū manet, qui per
 incredulitatem fe folum perdit, & peruerfa fuafione a-
 lios non inquinat. Quamuis autem leuius crucietur,
 æternæ tamen morti, ficut & illi, qui alienæ subuerfio-
 nis authores funt, obnoxius eft. Si non credideritis (in-
 quit) quia ego fum, in peccato veftero moriemini. Quid
 fit ita mori, Iohannes in Apocalypfi oftendit dicens:
 Timidis, & incredulis, & execratis, & homicidis, & for-
 nicatoribus, & veneficis, & idololâtris, & omnibus mē-
 dacibus, pars illorum erit in stagno ardenti igne & ful-
 phure, quod eft mors fecunda. Qui ergo in peccato in-
 credulitatis moriuntur, inferni ardoribus traditi funt.
 Hoc vt magis manifestum faceret dominus, ait: Si quis Iohan. 15.
 in me non māferit, mittetur foras ficut palmes, & are-
 fceat, & colligent eum, & in ignē mittent, & ardet. Tri-
 tici præterea & zizaniarum parabola, diftantiam fi-
 delis

- Matth. 13.** delis & infidelis demonstrat, dicente domino: Colligite primum zizania, & alligate in fasciculos ad comburendum: triticum autem congregate in horreum meum. Alteri ergo in igne proiicientur, alteri ad usum domini in thesauris celestibus translati seruabuntur. Quamobrem de nobis sollicitus saluator noster, ut hereticorum doctrinam deuitemus, hortatur & ait: Caueat à fermento pharisæorum & sadducæorum. Parum enim fermenti, ut Apostolus inquit, totam massam corrumpit. Idem rursum ait: Videte ne quis vos seducat. Multi enim venient in nomine meo, dicentes quia ego sum, & multos seducet. Cum hæreticis igitur & bonarum mentium seductoribus, perniciofa est conuersatio. Si quos ergo diuinitati Christi derogare videris, eos non Christianos esse existima, sed Antichristos: nō minus execrādos illos, qui in domo Caiphæ in eum spuerunt, & faciem eius velare, quique caput ipsius & spinis compungere, & arundine ausi sunt verberare. Nā Christi caput deus, Christus autem caput nostrum est. Rursum, si quem circa humanitatem eius errare senseris, eum sic existima, quasi qui ipsum vestibus exuat, & nudum extentumque affigere cruci non dubitet. Talis Manichæorum fuit impietas, qui Christum non ex virgine natum dicebant, sed tantummodo in phantasmate visum. Horum profectō & his similium fugiendum est consortium. Sunt enim in pellibus ouium lupi rapaces, dū simulatione credulitatis fidelibus insidiantur. Sunt abominatio desolationis stans in loco sancto. Fingunt enim se cum ecclesia Christi sentire, & tamen maligne argumentationis machinis eam destruere & euertere conantur, & sancta eius prophanare. Malè interpretantur scripturas, diuersique sensus dogmata conscribunt, & se veritatis assertores esse prædicant, ut Iudam imitati osculo Christum prodant, & spongiam fellis calamo impositam ori eius offerant, illis ipsis qui olim hoc egerunt,

Idem. 16.

Marc. 14.

Hæretici.

egerunt, deteriores. Si quid eos petieris, porrigent tibi pro pane lapidem, pro pisce serpentem, pro ovo scorpionem, pro bono videlicet malum, pro veritate mendacium, pro antidoto venenum. Quo autem facilius illos declines, audi dominum dicentem: Ex fructibus eorum cognoscetis eos. Aut enim terrenarum rerum studiosi, cœlestia contemnūt, otiosi que in foro negotiantur, & in vinea domini operari nolunt: aut voluptatibus & impuditiæ serviunt, porcis illis similes, qui receptis intra se immunditiæ spiritibus, in profundum maris præcipites iere, aut avaritiæ student, cum Iuda vendentes dominum, & cum custodibus accepta pecunia, negantes eius resurrectionem, aut de omnibus dubij atque animo suspensi, nihil affirmare audent, quibus dicitur: Quare timidi estis, necdum habetis fidē? aut procaces sunt, ut illi qui prætereuntes Christum in cruce pendentem blasphemabant, aut iniqui & in omne scelus proni, satanæ primogeniti, quibus dicere possis: Vos ex patre diabolo estis, aut prorsus in errore ita obdurati, ut nec ratione, nec autoritate, nec miraculis moveantur, facti lapides, in quibus semen verbi dei arefcit, & spinæ, in quibus præfocatur, & via in qua cōculcatur, quibus dominus ait: Quod scimus loquimur, & quod vidimus testamur, & testimonium nostrū non accipitis. Hi sunt qui lapides cordis sui tollunt, ut his obstinationis telis Christum repellant, & ipse abscondit se, ne quando veritatem agnoscant, qui mendaciam occalluerunt, quibus si ipse sua voce dixerit: Ego sum, retrorsum abibunt, & in eodem corrueant luto vitiatorum, quo tam nequiter infecti sunt. Et quoniam occæcavit eos ipsa animi malignitas, cum etiā ab aliquo fideli doctore quæ vera sunt audierint, non satis intelligunt, & tenebris repleti, lucis disciplinam suscipere nequeunt. In tenebris ergo & in umbra mortis sedent, & diligunt magis tenebras quàm lucem, quibus ait dominus:

Matth. 7.

Matth. 8.

Marc. 4.

Iohan. 3.

minus:

Iohan. 33.

minus: Queretis me, & non inuenietis. Querētis quippe eum in scripturis, dum sanæ intelligentiæ sensum peruertunt, minimè ipsum inueniunt, terrenarumque rerum impediti curis, cœlestia capere nequeunt, mundumque magis quam mundi dominum diligentes, non iam mundani, sed mundus appellantur, domino ita de illis ad patrem dicente: Pater, iuste mundus te non cognouit. Huius mundi dominus, diabolus est: Apostolus enim cum de diabolo loqueretur: Princeps mundi huius, inquit, & ne incertum esset de quo mundo diceret, addidit: Mundi tenebrarum harum. Ille itaque qui pertinaciter errat, & mundus tenebrarum est, & diaboli seruus. Dei creatura es ô homo, dei iuris es, cur auerteris ab eo cuius es, & illi te tradis cuius non es? Dicitur est: Date deo, quæ dei sunt: & tu quæ dei sunt, porrigis diabolo. Quid tunc dicturus es, cum ipsum, cuius doctrinam contemnis, te iudicantem videris, tibi que dicentem videris, tibi que dicentem audieris, In propria veni, & mei me non receperunt? Qua fronte, qua fiducia tunc rogabis vt ipse te recipiat, quem omnino negare nō poteris, abs te receptum non fuisse? Quid de illorum incredulitate dicam, qui ne miraculis quidem mouentur, quos tamen admonens dominus, ait: Si mihi non vultis credere, operibus credite, quæ si ab homine fieri nullo modo possunt, cur nō creditis in me aliquid esse supra hominem? Cæci vident, claudi ambulant, leprosi mundantur, mortui resurgunt: & vos me hominē esse confitemini, deum negatis. Talia & ab hominibus facta sunt inquit: sed qui hoc fatentur, nōne verius dicerēt non ab hominibus, sed per homines facta fuisse, si considerare vellent, in cuius nomine, quo inuocato facta sint? Quod si hæc miracula, vt debent, facta esse à deo credunt, & per quos ea ipse fecerit, veraces & sanctos fuisse non negāt, dicant, quis vnquam illorum, se vel deum, vel dei filium esse confessus sit? Et si eum se

Ephes. 6.

Iohan. 11.

Iohan. 10.

esse Christus affirmauerit, cur eius verbis fidem non præstant, cum etiam ipsi homines, quibus talia agendi data fuit potestas, in nomine Christi ea se egisse nunquam dissimularint? Quibus certè si crederent, & in Christum, qui ab iisdem prædicatus est, crederent. Porro cum nec operibus volunt credere, audiant inelamantem: Væ tibi Corozain, væ tibi Bethsaida: quia si in Tyro & Sidone factæ fuissent virtutes, quæ factæ sunt in vobis, olim in cilicio & cinere poenitentiam egissent. Veruntamen dico vobis, Tyro & Sidoni remissius erit in die iudicii, quàm vobis. Tyrus & Sidon ciuitates idololatræ erant, vitiisque deditæ: & tamen his acrius punientur illi, qui cum per inuocationem Christi non pauca prodigia facta viderint, Christum non vt deum recipiunt, & minus aliquid patre affirmare non dubitant.

Matth. ix.

In illos qui de miraculis, quæ scripta sunt, dubitant. Cap. V.

Sunt qui signa illa quidem facta fuisse legunt, sed an verè facta fuerint, animo suspensi sunt, ac simile aliquid suis ipsi oculis intueri, spectareque affectant. Quibus respondens dominus, ait: Generatio praua & adultera signum quærit. Et quoniâ qui dubitant, indigni sunt, vt tale aliquid cernant signum, inquit, non dabitur ei, nisi signum Ionæ prophetæ. Quæri potest, cur dictum sit: Et signum non dabitur ei, cum Iudæis incredulis multa signa data fuerint? Sed qui signo, id est, miraculo dominicæ resurrectionis, cuius typus Ionas fuit, non crediderunt, quod maximum erat, multo minus aliis non ita magnis credere poterant. Maius est enim semet à morte reuocare ad vitam, quàm alios ad vitam incorruptibilem atque immortalem, quàm ad corruptibilem atque mortalem. Non est ergo eis datum signum efficacius ad credendum Christo, quàm ipsa resurrectio.

Matth. 16.

Johan. 4.

Idem. 8.

Matth. 12.

surrectio Christi, quam tamē subornatis per largitionem custodibus, denegare conati sunt. Eorū perfidiam imitantur, qui miracula ipsi cernere quærunt, & de illis quæ in Euangelio recensentur, dubitant. Phariseis quoque & sadducæis infidis comparandi, qui de cœlo signū sibi ostendi petierunt, non satis habentes ea, quæ facta coram, se in terra viderant. Iure igitur ac meritō talibus exprobrauit dominus, dicens: Nisi signa & prodigia videritis, non creditis. Et si non credideritis, inquit, quia ego sum, moriemini in peccato vestro. Mori autem in peccato, vt suprā offendimus, omni alia morte peius est. Qui dubitat, Christi aduersarius esse conpincitur, ipso dicente: Qui non est mecum, contra me est. Petrus dubitando cœpit mergi, discipuli non potuerunt eiicere dæmonium. Zacharias factus est mutus, & hi quidem quod dubitando amiserant, credendo recuperarunt. Tu quoque nisi dubitare desieris, non poteris euitare dæmonum dolos, nec loqui ea quæ tibi salutis esse possent, nec iam emergere de abyssu inferni, si modo cum corde isto dubio tibi decedere cōtigerit. Quod si cum Thomā hastenus dubitasti, iam & cum eodem credens Christum confitere, dicens: Dominus meus & deus meus. Alioqui ne illa quidem, quæ bene egeris, prodesse tibi poterūt ad salutem. Nisi enim firma petra, quæ est Christus, fundamentum tui ædificij fuerit, quicquid operis extructum erit, corruet. Vt autem operis tui labor non sit irritus, crede deo, non hominibus: apostolis, non philosophis: ecclesiæ dei, non diaboli synagogæ, cum filius dei dicat: Omnis plantatio quam non plantauit pater meus cœlestis, eradicabitur, hoc est, omnis religio, omne dogma, quod alio præterquàm deo authore inductum fuerit, diu stare non poterit.

De ecclesia fide fundata. Cap. VI.

PER hanc ergo fidem diuinitus nobis reuelatā ædificatā est ecclesia supra firmissimā petram Christum, dei filium, dominum nostrum. Si fideles sumus ipsi sanctæ dei ecclesiæ, cuius caput est Christus, membra corporis Christi sumus. Qui autem non credit ecclesiæ, nec potestati eius subiicitur, ille abscisus & abiectus est, atque cum mortuis computatus, nisi forte pœnituerit eum erroris, ac rursus per fidem iunxerit se ecclesiæ, mandatæque eius perfecerit. Solo enim fidei glutino corporis huius membra ferruminantur, spe firmantur, charitate perficiuntur. Igitur quicquid catholicæ apostolicæque ecclesiæ recepit autoritas, & te illud citra omnem cordis hēsitationem recipere oportet, & quicquid seruandum constituit, obseruare: si cum Christo viuere mauis, quàm cum infidelibus interire. Ecclesia nauis illa apostolorū est, quæ fluctibus & pro-

Marc. 6

cellis multarum hæresum inquietabatur, sed dum fideles in remigando laborarent, hoc est, in tuenda defendendæque veritate fatigarentur, ope adiuti diuina, superiores euasere. Suscepto enim Iesu in nauī, cessauit ventus: & turbines errorum dissipati sunt. Sed obserua quod ad laborātes venit Saluator, non ad desides & pigros, & à iustis operibus otiosos. Qui ergo quod per se facere potest, non omittit, facile impetrabit, vt etiam illa, quæ per se facere nequit, efficiat. Porro prima ab initio ecclesia illa in euāgelio parabola est. Homo plā-

Luc. 2 ei

tauit vineam, id est: deus pater domum Israël: circumdedit eam sepe, custodia muniuit angelorum: posuit in ea lacum siue torcular, id est, legem præceptis vitæ redundantem: ædificauit turrim, id est, templum. Turris quippe arx est vr̄bis, ita oratoria nobis munimenta sunt, ad quæ confugientes, carnis dæmonūque impugnationes minus timemus, orationis armis accincti, &

eccelestis cōtemplationis fide proteſti. Sequitur, Et peregre profectus eſt, non diſcedendo, ſed permittendo, vt in vtranque partem libera ſit operandi facultas. Miſit deinde ſeruos ad fructus vineæ colligendos. Miſit enim prophetas, qui mandatorum dei obedientiam exigerent, ſed agricolæ, id eſt, Iudæi proterui, & nullius bonæ diſciplinæ patientes, nec dei ſui nuntiis pepercerūt alium afficiendo verberibus, vt Micheam: alium vulnerando ac perimendo, vt Iſaiam, Ieremiam, Zachariam, & alios non paucos prophetas, neminem prorsus vitiorum ſuorum reprehēſorem æquo animo tolerantes. Poſt prophetas miſit filium ſuum chariſſimum & vnigenitum, dicens: Reuerentur filium meum, non quia ignoraret quid facturi eſſent, ſed innuens quid facere deberent. At illi, Hic eſt hæres, inquiunt, venite, occidamus eum. Occiderunt, & eiecerūt extra vineam, id eſt, extra Hieruſalem. Extra ciuitatem enim crucifixerunt dominum Ieſum, vel extra vineam, extra Iudæorum eccleſiam, vt ab ipsis eiectus, exciperetur colendus à nobis. Sequitur enim, Quid ergo faciet dominus vineæ? Malos malè perdet, & vineam locabit aliis, hoc eſt, omnibus in Chriſtum credentibus, tam gentibus quàm Iudæis, veteribus noua copulans. Chriſtus lapis angularis, illa implens, & iſta inchoans. Veruntamen quantum interſit inter eccleſiā & ſynagogam, ipſa nominum interpretatio declarat. Synagoga Græcè, Latine congregatio dicitur. Eccleſiā autem conuocatio interpretatur. Hæc propria naturæ rationalis, illa etiam ad pecudes pertinet. Itaque eccleſiæ ſicut magis ſingulare nomen, ita dignitas maior & gratia plenior. Hæc ergo ciuitas illa, in quam mittuntur apoſtoli, vt domino parent paſcha, hoc eſt, cibum de quo ipſe ait: Caro mea verè eſt cibus, & ſanguis meus verè eſt potus. In eccleſia quippe carni & ſanguini domini cōmunicamus, accedentes ad cœnaculum grande ſtratum, id eſt, ad altare

Marc. 14.

Luc. 19.

tare nomini eius cōsecratum, vt non nostro, quod exiguum est, sed Christi meritò vitam cōsequamur æternam. In ecclesia deo preces offerimus, dicente domino: Domus mea, domus orationis est. In ecclesia per baptismum renouamur, & encēgia facimus, dum nouum hominem induimur, qui secundum Christum natus est. In ecclesia peccatorum nobis vincula relaxantur. Hæc est enim stabulum illud, in quod homo à latronibus in via vulneratus, curandus infertur. In ecclesia laborātium, in cœlo requies est, quibus dicitur: Vos autem contristabimini, sed tristitia vestra vertetur ī gaudiū. Ecclesia est ergo mulier parturiēs, quæ (vt in euangelio scriptum est) tristitiam habet, quia venit hora eius: cū autem peperit puerum, iam non meminit pressuræ, propter gaudium, quia natus est homo in mūdum. Tristitia quidem afficitur, dum persecutiones tolerat, siue corporis, siue animi: sed cū ab imis ad superna se transfert, tanto perfunditur gaudio, vt præcedentis angustia prorsus obliuiscatur. Quia natus est homo in mūdum, hoc est, quia filij ecclesiæ iam immortalitatis natiuitate lætantur, translati de mundo isto corruptibili ad mūdum incorruptionis, & de terreno habitaculo ad cœleste regnum. Cuius immensam & ineffabilem gloriam nunc in ecclesia laboribus occupata constituti, cogitatione comminiscimur, dum solennia sacra celebramus. Mariam imitando, quæ sedens ad pedes domini, sermonum eius dulcedine pascebatur, vt cum ipsa postea dicere possimus: Vidi dominum, & hæc dixit mihi.

Iohan. 10.
Luc. 10.

Iohan. 16.

Luc. 10.

*In eos, qui in ecclesia nequiter se
habent.*

Cap. VII.

CAeterum meminisse debemus, illis in ecclesia non esse locum, qui terrenis intenti negotiis, corpus non animum in eam afferunt, nec tunc quidē va-

B ij nis

Iohan. 2.

nis colloquiis & nugis inutilibus abstinentes, iocisquæ & risu, cum à sacerdote diuina peraguntur. Sciant eos minus fortasse culpabiles fuisse, qui domini flagello eiekti fuere de templo, dicentis: Nolite facere domum patris mei, domum negotiationis. Illi verò eam latronum speluncam faciunt, qui ineffrenatæ libidinis ardore, nulla loci aut sacrificiorum habita ratione, pudicitia infidiantur alienæ, vel oris nutu, vel oculorum nictu, vel impudenti aliquo verborum prolatsu. Melius cum iis ageretur, si nunquā domum dei adiiissent, quàm vt ingressi, sic in ea, quali in prostibulo, versari non dubitent. Deterius tamen adhuc peccant, qui ea mète illuc conueniunt, vt simpliciorum fidē perniciosas quaestionibus peruertant, zizania superiaciētes, vbi satum est triticum. Hi scindunt tunicam domini inconsutilem, ecclesiæ turbantes vnitatem, seque ipsos deprauato scripturarum sensu in errorem implicantes. Longè sese ab his faciat, qui matris ecclesiæ, cuius Christus sponsus est, filius esse desiderat.

Iohan. 18.

De lege & Euangelio. Cap. VIII.

Luc. 18.

Ecclésiæ vero sanctæ fortissimi parietes sunt Lex & Euangelium. Nihil enim (vt Apostolus ait) ad perfectum adduxit Lex. Ille qui Christo domino legis præcepta se custodisse dixerat, audit vnū sibi adhuc deesse, vt bonis quæ habebat, in vsus pauperū distractis, cœlestes diuitias parare sibi maturet. Hoc ergo legi deesse apparuit, vt terrenarum rerū cura contempta, cœlestibus tantum bonis comparandis inhiemus. Lex enim & prophetæ vsque ad Iohannem, quia illi præsentem tantummodo felicitatem obseruatoribus legis promittebant. Iohannes autem primus regnum cœlorum cœpit euangelizare. Atque ideo dicitur: A diebus Iohannis vsque nunc regnum cœlorum vim patitur, & violenti rapiunt illud. Tunc enim primū vim intulimus

Luc. 16.

Matth. 11.

intulimus cœlesti regno, cū pro nobis pugnante Christo, victus est ille, qui omnes ab Adam descendentes ob delictum victos tenuit. Disce tamen quod violēti rapiunt illud, non ignavi, nec qui à vitiis superantur, sed qui his repugnando victores euadunt. Nullibi autem certior vincendi spes, quàm in euangelio, in quo certantibus suffragatur gratia. Quia lex per Moſen data est, gratia & veritas per Iesum Christum facta est. Hoc certè optimum vinum in fine conuiuij reſeruauit nobis benignissimus sponſus, cui dicitur: Tu autem ſeruaſti bonum vinum vsque adhuc, id est, vsque ad sextam ætatem, quam ſex hydriæ figurabāt. Prima enim ætas fuit ab Adam vsque ad Noë: ſecunda, à Noë ad Abraham: tertia, ab Abraham ad Dauid: quarta, à Dauid ad tranſmigrationem Babylonis: quinta, à tranſmigratione ad Iohannem: ſexta, à Iohanne vsque in finem ſeculi. In hac igitur poſtrema ætate, in qua nos ſumus, aque verſæ ſunt in vinum, quia ſcripturarum literalis intelligentia, allegorici ſenſus recepit ſaporem. Iam de plenis hydriis haurimus Chriſti myſteria, quæ diu ſub verborum velamento latuerant, & tunc quidem granum ſinapis minimum erat, quod poſtea acceptum homo miſit in hortum ſuum, & creuit, & factū eſt in arborem magnam. In omnem enim terram ſparſit ſe veri dei ſonus, qui prius Iudææ tantum finibus arctabatur. Et volucres cœli, inquit, requieuerunt in ramis eius. Illis quippe in euangelio iucūda quies eſt, qui ſpem ſuam de terra tollentes, in cœlo collocant, neque quicquam de promiſſionibus Chriſti, dubitantes, aiunt: Sermo tuus veritas eſt. Cauent itaque à fermento phariſæorum, quod eſt pernicioſa hæreticorum doctrina, & ei fermento penitus inhærent, quod acceptum mulier abſcondit in farinæ ſatis tribus, hoc eſt, ad illam intelligentiam doctorum tota credulitate accedunt: quam approbavit eccleſia, tripliciſque ſenſu diſtinxit, hiſto-

Iohan. 7.

Idem. 2.

Aetas I.

II.

III.

III.

V.

VI.

Luc. 13.

Iohan. 7.

Luc. 11.

rico, morali, spiritali: donec fermentetur totum, donec totum sanè rectèque intelligatur, ita vt nullus errori supersit locus. Cæterùm licet præferamus euāgelium legi, vtriusque tamen vnum authorem deum cōfitemur, vtramque approbamus. Nec solui legem per euangelium disimus, sed adimpleri: in illa figuras esse, in hoc veritatem: in illa promissionem, in hoc perfectionem. Facilius est, inquit, cœlum & terram præterire, quàm de lege vnum apicem cadere. Quicquid ergo ceremoniæ, sacrificia, prophetæ futurum nuntiabant: partim impletum est in primo Christi aduentu, partim in secundo implendum expectamus, ne quis frustra aliquid scriptum aut significatū putet. Quicquid autem in lege ad vitæ, morumque institutionem spectat, sicut veteribus, ita & nouis hominibus est obseruandum, & cum euangelio communicandum, ac de vtriusque scripturæ moralibus præceptis cum Psalmista dicendum: Eloquia domini eloquia casta, argentum igne examinatum, probatum terræ, purgatū septulum. Nihil est his preciosius, nihil suauius. Quod idem tibi testatur ad dominum, dicēs: Bonum mihi lex oris tui, super milia auri & argenti. & q̄ dulcia, faucibus meis eloquia tua, super mel ori meo. Nihil ita sedat iracundiam, moderatque affectus, & in viam æqui honestiq; animum dirigit. Pax multa, inquit, diligentibus legem tuam, & non est illis scandalum. Lucerna pedibus meis verbum tuum, & lumen semitis meis. Multa quidem & ipsi sapientiæ professores philosophi ad componendos animi mores verè, rationabiliterque præceperunt, sed cura diuinis humana conferri nequeunt. Potentius ista influunt, si fideliter suscipiantur, efficacius mouēt, tenacius hærent, sæcūdius fructificāt, felicius ad optatum prouehūt finem, & cum incommutabili bono nos coniungunt. Vetus igitur, noua q; lex, duo denarij sunt stabulario dati, id est, ecclesiæ præsidij, vt his peccatorū

Luc. 16.

Psal. 118.
Ibidem.

Luc. 10.

Luc. 22.

rum nostrorum vulnera curentur. Sunt etiam duo gladij, quos in medium proferentibus apostolis, satis esse dixit dominus, cum vtriusque testamenti doctrina satis, superque sit aduersus quasque repellendas diaboli insidias, ac prauas ab animo abscindendas cupidines. Vetus tamen testamentum fuit Agar ancilla in seruitute generans, & nouum Sara liberæ proliis mater, qua libertate donauit nos Christus. Ideoq; dominus quinque panes hordeaceos turbæ dedit serui, veluti quinque libros Mosi. Nos autem pane qui de cælo descendit, vescimur, vt cum eodem qui nos liberauit, ascendantus in cælum. Deniq; legis pascha cum lactucis agrestibus, quæ amarissimæ sunt, comedebatur. At in euangelio pars piscis affi cum fauo mellis domino à mortuis resurgenti offertur, vnde Apostolus clamat, dicens: Si Coloss. 3.
con surrexistis cū Christo, quæ sursum sunt sapite, non quæ super terram.

In contemptores legis uel Euangelij.

Cap. IX.

Sed neque legis contemptoribus impune erit, cum diuinus sermo dicat. Qui declinat aures suas ne audiatur legem, oratio eius erit execrabilis. Frustra enim deum precatur, qui dei iussa parui æstimat. Hoc idem per Ieremiam spiritus sanctus affirmat, dicens. Ecce ego Iere. 6.
adducam mala super populum istum, fructum cogitationum eius, quia verba mea non audierunt, & legem meam proiecerunt. Posthæc denuntiat illis captiuitatem futuram, vt qui ad legis præscriptum sponte seruire deo neglexerunt, inuiti seruiant inimicis dei gentique infideli. Et si talia legis præuaricatoribus debetur, quanto magis aduersus euangelij sui irrisores indignatio desauiet Christi. Horum autem qui euangelium despiciere videntur, tria genera sunt. Alij quippe ne audire quidem volunt diuinos, qui in ecclesia recitantur

B iij fer-

Iohan. 9.

Marc. 7.

1. Ti. 4.

Luc. 6.

sermone. Alij autem audiunt, sed quæ præcipiuntur, ea exequi aspernantur: alij verò magis temerario ausu ita audiunt, vt ea econtrario arguere præsumant: & veritatis verba, quæ non intelligunt, peruertere aliquo modo conantur. De primis conqueritur dominus, ad eosdem dicens, Quare loquelam meam non cognoscitis: quia non potestis audire sermonem meum. Et, vt ostenderet eos, qui audire diuina dedignantur, ex parte diaboli esse: Qui ex deo est (inquit) verba dei audit, propterea vos non auditis, quia ex deo non estis. Hi ergo & surdi sunt & muti, cum nec aures accommodent ecclesiæ doctoribus, nec quicquam tale aliquando loquantur. Qui nisi cõuersi postremò sese offerant Christo, ita vt ipse digito tangat eorum aurem, & saliuam palatum, nunquam sanitatem consequentur, semper ad ea quæ salutis sunt, surdi & muti erunt: atque vt ita etiam ad malum sicut ad bonum surdi & muti forent, sed vt deterius peccet, & laeuam aurem habent, qua ea, quæ carnis sunt, auidissimè audiant: & sinistram linguam, qua vel nugas garriat, vel alios infament, vel proximo maledicant. Quod nisi tandè ad Christum adduci se permiserint, qui labefacta solo verbo instaurat, quis eos curare poterit? De istis, vt reor, prophetauit Apostolus, cum diceret: Sanam doctrinam non sustinebunt, sed ad sua desideria coaceruabunt sibi magistros prurientes auribus, & à veritate quidem auditum auertent, ad fabulas autem conuertentur. Sunt quippe in his plurimi, qui pudendis gentilium poetarum cantibus tota die operam impendunt, & ne horam quidem diuinarum in ecclesia recitationum vacare auditionibus queunt. Transeamus ad eos, quos auditores tantum & non factores verbi esse diximus: de quibus domini sententia est. Qui audit & non facit, similis est homini ædificanti super terram sine fundamèto, in quam illisus est fluuius, & continuo cecidit, & facta est ruina domus eius magna. Audire

dire enim & nolle facere, deficere est. Deficiens autem & se sibi non restituens, quotidie deterior fit, patetque omnibus diaboli insidiis, nulla circumspecte mētis virtute munitus: tantoque facilius supplantatur, quanto se putat magis tutum. Nam sicut arborem ventorum pulsata procellis ruere necesse est, cuius radix vitiosa fuerit, ita illum labi quoties voluptatū illecebris prouocabitur necesse erit. Neque minus in istos qui facere nolunt, quàm in illos qui audire negligunt: exclamant prophetæ, apostoli, euāgelistæ, omnes catholici doctores. Cecinimus vobis, & non saltastis: lamentauimus, & non planxistis. Quid enim aliud omnes diuinæ continent scripturæ, nisi virtutum laudem, vitiorumque detestationem atque querelam? Porro istis etiam qui sacra eloquia vel audire renuūt, vel si audiant, secundum ea viuere nolunt, nequiores sunt, qui eadem audiendo coram arguere, atque iisdem petulāter obtrectare audent, & sophismatum strophis docere, ipsa dei præcepta vel impossibilia factu, vel inter se pugnantia, vel aliqua in parte minus rationi consentanea esse, quasi verò quicquam rationabilius, consultius, iustius homo possit indagare, quàm hominum opifex præcipere. Si quis tam prophana præsumptione ducitur, inter hæreticos erit habendus, & de fidelium cœtu repellendus, ne sanum gregem morbida contaminet pecus. Adeunt ecclesiam, audiunt epistolas, audiunt euangelia, & sicut in Iohanne scriptum est, dicunt, Durus est hic sermo, quis potest eum audire? Nihil credunt nisi quod naturæ consentaneum putant, & nesciunt omnium auctorem supra naturam esse, & vt se talem probet, supernaturalia loqui operarique solere. Quibus qui nō adhibuerit fidem, necesse est vt dei omnipotentiam denegent, fateaturque quod naturaliter fieri nequit, id neo diuinitus fieri posse. Qua in re naturam deum alterum constituere videntur, si nihil maius deo quàm natura

Matth. m.

Iohan. 6.

tribuen-

Iohan. 3.

tribuendum censent, quibus dei verbum respōdens, ait: Queritis me interficere, quia sermo meus non capit in vobis, hoc est, quia non estis capaces à me prædicatæ veritatis, ideo in me diuinitatem natura potētiorē, & humani ingenii captu maiorē esse non creditis. Ego autem quod vidi apud patrem, hoc loquor. Ego enim & pater vnum sumus, vna substantia, eadem natura, licet non eadem persona, alia quippe persona est geniti, alia genitoris, & tamen vtriusque vna eademque diuinitas, eademvis & gloria cum sancto spiritu, quem ambo simul spirant, sibi æqualem, sibi que consubstantialem. Quod sanctæ trinitatis mysterium in vna deitate, nisi fides teneat, lingua non explicat. Ob hoc quidam, quia comprehendere nequeunt, retrocedunt, cum potius persuadere sibi deberēt, tanto ea magis deo tribuenda esse, quanto minus à nobis, qui homines nō dii sum⁹, possint intelligi. Alioquin fateri oporteret, quod nemo vnquam ausus est dicere, aut deum non esse homine maiorem, aut hominem deo esse æqualem, si ad omnia quæ dei sunt, humani vis intellectus posset penetrare. Sunt tamen nonnulli, qui in peruerſitatis suæ proposito ita obdurāt, vt credulitatem nostram etiam irridere non dubitent, atque hi ferē sunt, qui gōtilium philosophorum argutias secuti, nihil credendum putant, quod ipsa hominis ratione queat inuestigari, & suorum ambagibus argumentorum vsi, quicquid non satis intelligunt, id verum esse denegant. A quibus euangelicæ veritatis assertores auersi, ne in tam duro solo frustra verbi semen iaciant, nullam frugem facturū, dicunt. Quia repellitis verbum dei, & indignos vos iudicatis æternæ vitæ, ecce conuertimur ad gentes. Quæ videlicet & audiunt euangelij prædicationes, & quod audiunt, credunt: & quod credunt, opere complere pro viribus nituntur. Vos verò increduli meniētote ab ipsa veritate, id est, à dei filio dictum: Qui me erubuerit, &

meos

Act. 13.

Luc. 9.

meos sermones, hunc filius hominis erubescet, cum venerit in maiestate sua, & patris, & sanctorum angelorum. Huius autem hominis infelicitati, quem Christus erubescet, nulla vitæ præsentis infelicitas potest comparari. Nam qui receptus à deo non fuerit in gratiam, à diabolo recipietur in damnationem suppliciumque sempiternum.

De conuersis ad deum. Cap. X.

VT autem alterum ex his euiemus, alterum sequamur, sarcina peccatorum deposita, quæ nos in abyssum deprimit inferni, ad illa conuertamur, quæ de terra erigunt pauperem, & in cælo collocant. Imitemur Simonem leprosum, ut flagitiorum lepra curati, mereamur hospitem habere Christum. Neque nos prioris vitæ pudor impediat, aut horror in desperationem trahat. Benignissimus est, qui ad coenam invitari iubet pauperes, debiles, cæcos, & claudos, id est, omni scelerum genere inquinatos, & neminem prorsus repudiat ad se cum peccatorum poenitudine accedentem. Hic est qui prodigum filium, cum bona paterna peregre profectus dilapidasset, ad se reuersum osculo excepit, amplexibus fouit, & lætatus est, quod ille, qui perierat inuentus esset, & qui mortuus fuerat, reuixisset. Diu multumque in nequitia cœno immerfus iacuiisti, expergiscere tandem & erige te, ut munderis. Mulier quæ XI l. annos profluuio sanguinis laborauerat, cum Christi fimbriam tetigisset, sana discessit. Altera, quod euiginti annos morbi vi inclinata, domino manu ei imponente curatur, & cœlum aspicere incipit, quæ tanto tempore pecudum more terram tantum spectauerat. Plus dicam, octo & triginta annorum lāguorem sustinuit. Ille, quem ad probaticā piscinam sanum surgere iussit dominus, ita, ut qui tam diu fracto, debilitatoque corpore immobilis in lectulo decubuerat, illum ipsum

Marc. 14.

Luc. 14.

Luc. 15.

Marc. 9.

Luc. 13.

Iohan. 5.

ipsum lectulum quo ferebatur, ipse humeris suis referret, domumque rediret, non solum sanitati, verum etiam vigori viribusque restitutus. His autem curationibus tam diutina tabe marcescentium corporum, significauit tibi dominus, quod ipse medicus animorum sit, quantum ad multam aetatem in peccatis versati fuerint, tantum ut curari cupiant & rogent. Non enim sanat ille nisi volentem. Nam & hunc prius interrogasse dicitur, an vellet sanus fieri, atque ut velle audiuit, non distulit, quin statim sanum redderet. Nemo ergo desperet: quandiu viuimus, misericordiae locus est: tunc iudicamur, cum morimur, & si ante impetratae veniae priuilegium nobiscum deferimus hinc decedentes, in electorum numero ascribimur. Sin verò sine illo vitam obimus, ad mortem nunquam intermorturam descendimus, ad tenebras exteriores, ubi est fletus & stridor dentium, & poenarum finis omnino nullus. Beati igitur illi, quorum antequam iudicabuntur, erunt praua in directa & aspera in vias planas, qui priusquam opera ipsorum iustitiae libra examinabuntur, luporum feritatem quam induerunt, cum agnorum mansuetudine commutabunt. Nunc ergo tempus acceptabile, nunc dies salutis, nunc accessus ad eum datur, à quo dictum est: Qui venit ad me, non eiiciam foras. Non aliter ad eum venit, nisi desinendo à malis, & quod bonum est operando. Itaque non solum iniqui, sed etiam otio indulgentes, ab eo qui saluare potest, procul sunt. Ficum illam, quae foliorum tantum luxuria exuberans, fructu carebat, maledicendo dominus ariditate damnauit. Sub qua cum lateret Nathanaël Israelita, licet dolo carēs, non poterat loqui cum Iesu, egressus autem & magis alacris animi affectu saluatoris quaerens conspectum, eum ipsum quem scribae & pharisaei cognoscere nequiuērūt, confiteri coepit, dicens, Rabbi, tu es filius dei, tu es rex Israel. Veruntamen si sensus quoque non satis sanos habeas,

Luc. 10.

Iohan. 6.

Marc. 11.

Iohan. 1.

habeas, quicquid illis blanditur, mortiferum puta, & illa quæ deo placent, iis indulge. Si visus te ad peccandum sollicitat, cæcus es, cum Barthimæo perge inuocare Iesum, & petere ut videas, tunc ipso imperante discedent ab oculis tenebræ illæ, in quibus spectandarum mulierum concupiscētia habitabat, vel delectatio aliquam vanitatem videndi versabatur, cælumq; ac sidera contueri incipies, & per ea quæ videntur ipsa dei inuisibilia contemplari. Quod si te auditus & loquendi intemperies in malum præcipitant, surdus & mutus es, quia dum te audire vel loqui ea quæ mundi sunt, nimium delectat, ab his quæ dei sunt, & aures auertis ne audias, & os comprimis ne loquaris. Cum surdo igitur & muto à domino posce remedium. Ille huiusmodi hominis aures digito tetigit, & salua linguam, atque is, qui utroque malo affectus fuerat, utroque liberatus abiit. Statim enim (ut Marcus ait) aperte sunt aures eius, & solutum est vinculum linguæ eius, & loquebatur rectè. Postremò quibuscunque vitiis corruptus viuis, ita ut mortuus sis cum viuas, quantum potes ad illum qui viuificat mortuos, te verte. Nam & mortui audiunt vocem filij dei, & qui audierint, viuent: modo ne tardes tibi iam in morte posito querere salutem, dum inueniri potest. Fugit tempus, dies adueniat extremus, atque hic fortasse crastinus est aut hodiernus, & tu tibi tutum putas differre turpis vitæ correctionem? noli iuuentæ confidere, omni ætati cõmunis est mors. Nec prosperæ valetudini crede. Quidam dum rident, dum iocantur, dum cum aliis colloquuntur, repente concidē. Pelle igitur moras omnes, & prauas cupidines de pectore proicere festina, atque de spelunca latronum fac domum orationis, in qua habitare dignetur Christus. Hoc pacto qui nunc nouissimus es apud deum, iam inter primos computaberis. In nouissimis erant Mathæus, Zachæus, latro, sed conuersi ad dominum, primi facti

Marc. 10.

Iohan. 5.

facti sunt. Matthæus reliquit teloneū, & fuit apostolus. Zachæus auaritiā largitate mutauit, & salus facta est domui eius, cum Christum suscepisset hospitio. Latronem aliena per vim rapuisse poenituit, & saluatori se commedans, meruit de cruce transferri ad paradysum. Audi Christum clamantem: Venite ad me omnes qui laboratis & onerati estis, & ego reficiam vos. Hinc tu tandem ad vocantem conuersus, dic. Iniquitates meæ supergressæ sunt caput meum, & sicut onus graue grauata sunt super me. Tunc ille occurrens tibi, protinus te omni fasce liberabit, & expeditum ad se trahere incipiet, vt qui flagitiis coopertus mergebaris in profundum, iam his omnibus emundatus ascendas in cælum.

Matth. 11.

Psal. 77.

De auersis à deo. Cap. XI.

Iohan. 6.

Luc. 11.

Iohan. 8.

ET cum tāta felicitas sit eorum, qui ad deum conuersi mores suos corrigunt, non ambigimus æquē grandem esse miseriam illorum qui obdurantur. Prædica, argue, obsecra, increpa opportunè, importune. Nihil proficis, cum in spinis, quæ sementem verbi dei præfocant, seminas, vel super lapide, vbi semen radices agere non valens arefcit, vel in via, vbi conculcatur & atteritur. Corā praua assuetudine corruptis hominibus quoties de deo, de sanctis, de vitæ honestate incidit sermo, corrugant nares, contrahunt frontem, os distorquent, vultum auertūt, & taciti etiam dicere videntur. Durus est hic sermo. Quis potest eum audire? Tales erant pharisæi illi ac legis periti, quorum scelera cum argueret dominus, cœperunt (vt Lucas ait) grauius insistere, & os eius opprimere. De quibus in Iohanne conqueritur Saluator, & ait: Non potestis audire sermonem meum. Dextera igitur aure carēt, ne honesta audiantur, veluti Malchus ille, cum à Petro vulnus accepisset. Is tamen adduci ad Iesum vt curaretur sustinuit. Isti verò peruiacius audatum obturasse videntur;

dentur, vt aspis, ne intelligant vocem sapienter incantantis. Quod si vltra eis præcepta salutis ingerere per-
 seueraueris, indignantur, & iam in contumeliã pro-
 rumpunt. Totus in peccatis natus es, inquit, & doces
 nos? Vnde autem fit, quod tam obstinato proposito cœ-
 lestem aspernentur disciplinam, parabolã euangelij de
 nuptiis recitata docet. Ad quas inuitati quoniam veni-
 re noluerunt, alius (inquit) abiit in villam suã, alius
 ad negotiationem suam. Deliciæ quippe huius seculi,
 & ipsa terrenarum opum cupiditas, auertunt animum
 à cœlestium contemplatione, & caduca bona æternis
 præferre compellunt, quia hæc futura expectantur, il-
 la verò præsentis voluptati deliniunt. ita, vt quæ non-
 dum habentur, iam vel non esse omnino, vel haberi non
 posse credantur. Illi ergo qui tam impiè subuersi sunt,
 nec fidei certæ, nec firmæ spei sunt. Alij luxuriæ, alij
 auaritiæ studēt, & cùm sensuum suorum affectibus ser-
 uiant, virtutibus vacui & ad vitia proni efficiuntur. Re-
 cedente enim domino de templo cordis eorū, non re-
 linquitur lapis super lapidem, qui non destruat. Vt
 que adeo Barrabã, id est, diabolum sibi dimitti gaudent,
 vt eundem Christo domino, qui pro ipsis crucifixus est,
 anteferre non dubitent. Attendant tamen si nondum
 penitus obsurduerunt, & cognoscant ad se quidem om-
 nia illa pertinere, quæ salutarem doctrinam nolenti-
 bus admittere, minatus est Christus dominus: ad illos
 enim quos iustitiæ suæ doctores constituit, & ad prædi-
 candum gentibus destinauit, dixit. Quicumque non re-
 ceperint vos, neque audierint sermones vestros, exeun-
 tes foras de domo vel ciuitate, excutite puluerẽ de pe-
 dibus vestris. Amen dico vobis, tolerabilius erit terræ
 Sodomorum & Gomorræorum in die iudicii, quàm il-
 li ciuitati. Sodoma enim & Gomorra ante euangelium
 subuersæ sunt, at isti vltro oblatum respuunt ac repel-
 lunt, dum præceptis eius contraria operantur. O miram
 mentis

Psal. 57.

Iohan. 9.

Matth. 22.

Matth. 10.

mentis peruersæ cæcitatē. Non vident quàm labile bonum sit mūdanz luxuriæ voluptas cui adhærent, quàm firmum & stabile cœleste regnum quod contemnunt, quàm graue, perpetuūque malum infernalis cruciatus, quem mox subire coguntur. Sed iam istos in damnationis interitum tam pertinaciter currentes relinquamus, cum etiam ab ipso omniū domino relictī esse videantur: & illis pro tempore consulamus, qui ad capefendas accedunt virtutes, vt in eo bono, quod semel sibi proposuerint, constanter perseuerēt. Sicut enim in vitiis obdurare perniciosissimum est, ita in bene viuendi cura minus esse constantem, turpe, indecorūque habetur.

De animi constantia. Cap. XII.

Firmum ac stabilem esse oportet dei seruum, nec iniuria laceffitum irasci, nec laudatum insolenter efferi. Vtrunque præstitit mulier illa Chananæa.

Matth. 15.

Cum enim canibus compararetur, quibus nō erat concedendus panis filiorum, non est indignata, sed magis semet submisit, dicens: quōd etiam catelli micas panis comedant, quæ de mensa cadunt dominorum. Rursum cum responsum domini accepisset: Magna est fides tua, fiat tibi sicut vis, nequaquam tantæ commendationis gloria sese extulit, sed potius eandem humilitatem, quam contempta non deseruerat, egregiè deinde probata conseruauit, fidei suę magnitudinem magis ad diuinæ largitatis gratiam referens, quàm ad arbitrij sui libertatem. Quod si quicquam ex eo sibi iactanter arrogasset, filiam pro qua supplicauerat, sanam non recepisset. Et nos igitur si ab iis, quæ nequiter commisimus, purgari cupimus, modis omnibus caueamus, nē in eodē relabamur luto, alioqui per inconstantiæ vitiū, nec satis creduli esse argueremur, nec ipsa quæ intra nos est, sanari filia poterit. Est autem constantis animi re-

pugnare

pugnare cupiditatibus, à bono instituto nunquam deflecti, & cum semel ad colendam æqui, honestique virtutem conuersus fueris, nusquam ab ea discedere velle. profectò qui sic sibi constiterit, intrepidus vitæ finem expectabit, spe certissima firmatus de morte se transitum ad immortalitatem & illam beatitudinem, quam nec fando exprimere, nec cogitando possumus complecti. Nos ergo tantæ mercedis cupiditate flagrâtes, cum sanctius viuendi domum ædificare cœperimus, fundamentum eius supra petram stabiliamus: & ipsam virtutum structuram nec malignorum spirituum venti cōcutere poterunt, nec præsentium aduersitatum flumina obruere, immobilis, inuictaque persistabit, donec ad culmen vsque perducatur summæ, perpetuæque integritatis. Frustra autem Christum in cordis nostri monumento condimus, si constantiæ lapidem ad ostium monumēti non ad mouemus, vt eo aditū inimicis Christi quantū in nobis est, prohibeamus. Qui sunt isti inimici procul, longéque abigendi, nisi vitia ipsa quæ salutaribus vitæ monitis reluctantur atque obfistunt, & quicquid probè, laudabiliterq; ædificatum fuerit, destruere festinant? Ab his quidem quicunque se illēsum, incontaminatūque custodierit, hic verè Christi discipulus erit; cuiusdem dominus iure ac meritò dicere poterit: Tu es Petrus, & super hanc petram ædificabo ecclesiam meā. Ille enim verè petra est supra petram, qui dum Christi vestigiis innititur, in his in finem vsque fixus perseueret, & in dēmino confidēs, sicut mons Sion non mouetur in æternum. Vt autem ista constantiæ virtus, quāta sit magis patefeat, instabilitatis quoque vitiū quā execrandum habeatur, consideremus.

Luc. 6.

Matth. 16.

De animi inconstantia. Cap. XIII.

Quemadmodum firmum & constantem animum, supra petræ soliditatem ædificare diximus,

C ximus,

Luc. 6.

ximus, & id quod ab eo fabricatum fuerit, contra dæmonum præualere certamina, quam aduersus malorū, quæ mortalibus contingunt, acerbiter: Ita e contrario debilem, & in proposito minus persistētem, domui illi comparandum esse arbitramur, quàm moli arenæ impositam & ventorū concutit status, & impetus subruit fluuiorum, atque ad solum vsque concidere compellit. Is enim, qui inconstans fuerit, facili quidem & fraudibus diaboli cedit, & violētiae persecutionum, & fastui ambitionis & cumulandarū opum cupidini. Seruabit fortasse fidem, quandiu nemo aduersabitur, sed si qua foedæ voluptatis appetitione cor titillare serpētis antiqui calliditas cœperit, si tyrannus minari necem, si collati magistratus dignitas efferre, si animum habendi auiditas inquietare, adulterio inquinabitur, vt Herodes: metu ad negādum subuertetur, vt Petrus. Optimum quenque contemnet, vt pontifices & scribæ Christum, dum lucra sectatur, vt Iudas, nec furtis abstinebit, nec sacrilegio. Quàm autem turpissimum sit, cū bene cœperis malè desinere, & nunc hoc, nunc aliud velle, aliæ quoque in euangelio similitudines indicio sunt. Inconstantis quippe hominis volubilitas comparatur arundini vento agitatæ, dum Iohannes Baptista talis non esse asseritur. Adde quòd arundo ipsa & fragile lignum sit, & infructuosum, vacuūque intus, ac nodis quidem plurimis intersectum. Ita vir sibi minus constans, tentationibus succumbit, bonarum actionum sterilis est, vanitatibus affluit, & multorū vinculis innodatur peccatorum. Eundem lunatico illi conferre possumus, quem nunc in ignem, nunc in aquam cadere solere dixerunt. Inconstans igitur, vt luna mutatur: & cum iam penè plenus bonorum creditur, tunc deficere incipit: cūmq; alternis motibus agitur, & nunc igne charitatis incalescat, nūc aqua malitiæ frigeat, promptius tamen ad id quod malum est rapitur, & ad peccata

Matth. 11.

Eccles. 27.

cata declinat. Quàm autē difficulter, ne in scelere perseveret, effici queat, disce. Lunaticum hunc apostoli curare non potuerunt, à Christo sanatus est, qui ipsis mirantibus, quare sibi id non licuerit, dixit: Hoc dæmoniorum genus non posse eiici, nisi per orationem & ieiunium, ostendens grauissimā quidem esse animi ægritudinem inconstantiam. Hanc præterea rotarum instabilitati cōparat scriptura: Præcordia fatui, inquit, Eccle. 32. quasi rota carri, & quasi axis versatilis cogitatus ilius. Et quoniam rota ista nō solum instabilis est, sed etiam dū tracto curru vertitur, magnos edit stridores, & crebra reuolutione atteritur ac deperit. Sic hominis inconstantis leuitas, quicquid bene fecerit, ipse suas laudationes iactabundus garrit: & facinus illud, quò meritum aliquod apud deum consequi sibi potuisset, euacuat inanis gloriæ cupiditate: deinde hanc ipsam gloriam prauis operibus, ad quæ semper pronior est, destruit: & in suimet infamiam turpiter conuertit. Nam quamuis aliquando etiam non improbi ingenij esse videantur, nunquam tamen non maiore sui parte malus est. De quo Iacobus apostolus: Vir, inquit, duplex animo, inconstans est in omnibus viis suis. Quippe qui nūc hoc, nunc illud appetit, cui quod modo placuit, modo displicet: & rursum quod displicebat, placet. Qui si quando boni aliquid agere aggreditur, semper antequam perficiat, cessat, atque idem nec sedere, nec stare diu potest. Multiplex, varius, discors est, secum pugnās, sibi quemet cōtrarius, nec in verbis, nec in factis idem. Profectò qui talis est, nunquam aliquo honestioris vite studio proficere poterit, imò cum in seculi huius pelago vela faciens, frequenter naufragetur, mergendum tandem in profundo inferni facile coniici potest. Nunquam enim sic resipiscit, vt nō cras deterior quàm hodie sit. Nos ergo ne quādo ad eius tam damnosam animi mobilitatem, tam periculi plenam declinemus, di-

scamus, post constantiam etiam fortes esse. Et iam de ipsa fortitudinis virtute, prout nobis diuinus euangelij sermo suggerit, differamus.

De animi fortitudine. Cap. XIII.

Fortis animo is est, qui nulli rerum fragilium cupidini succumbit, & neque aduersitatibus frangitur, neq; prosperitatibus insolescit: cœlestibus tantummodo bonis adipiscendis inhiat, cœtera cōtemnit. Fortis est igitur, qui vincit auaritiam, & audit dominum dicentem: Cauete ab omni auaritia, quia non in abundantia cuiusquam vita eius ex iis quæ possidet. Superata autem auaritia, ad munificentiam, liberalitatemque se confert: & ea quæ habet, indigentibus dilargitur, dum ad perfectioris vitæ sublimitatem ascendere festinat, iuxta illud saluatoris dictum: Si vis perfectus esse, vade & vende omnia quæ habes, & da pauperibus, & habebis thesaurum in cœlo, & veni sequere me. Non erat perfectio contemnere diuitias, nisi addidisset dominus, veni sequere me. Omnibus abundare virtutibus quærit, qui Christum imitari decernit. Christi enim imitator quàm primum veterē exuit hominem, & induit nouum, superbiam mutât humilitate, iracundiam lenitate, incontinentiam castitate, & breuiter vitium virtute. Atq; ita malarum passionum victor efficitur, cum ad diuersas ab his actiones animū conuertere cœperit. In his deinde confirmatus omnes præsentium tribulationum ictus excipit clypeo patientiæ, de omnibus deo gratias agens, minúsque se pati confitēs, quàm peccata sua mereatur. Hoc est illud quod præcipit dominus, & ait: Qui vult venire post me, abneget semetipsum, & tollat crucē suam, & sequatur me. Ac ne quis crucis nomine, quod dura, asperaque significat, turbetur, discipulos suos consolatus est, dicens: In mūdo pressuram habebitis, sed confidite, ego vici mundum, quasi diceret:

Luc. 12.

Matth. 19.

Matth. 17.

Iohan. 16.

diceret: Sicut ego propria virtute calcaui mundi huius ærumnas, ita & vobis vincēdi facultatem conferam, vt per me mala omnia magno animo perferendo, illis omnibus fortiores, potentioresque sitis, tantū non in vobis, sed in me spem, fiduciamque habeatis. Hunc præterea fortis animi virum, Christi que domini sectatorem, quemadmodum aduersa non deiiciunt, ita nec secunda arroganter erigūt. Frustra enim in aduersis vinceret, si in prosperis per inanis gloriæ appetentiam superaretur. Itaq; in dignitate constitutus non sibi blāditur, sed aliis prodesse affectat, nec tam præpositum se esse meminit, quàm eorum, quibus præest, ministrum, à domino admonitus, dicente: *Quicumque voluerit inter vos maior fieri, sit vester minister: & qui voluerit inter vos primus esse, erit vester seruus: sicut filius hominis nō venit ministrari, sed ministrare, & dare animam suam redemptionem pro multis.* Præstantis autem ac strenui animi est, dominandi cupidinem, quæ sæpe robustissimos vicit, superare, ipsamq; regū pompam & principum luxuriam pro nihilo ducere, atque in omnibus cū Christo humiliari. Quid enim esse potest maius Christo? qui eiusmodi humilitatem sic in se commēdauit, vt dei filius non dedignaretur esse hominis filius, & formam serui assumere, cū esset omnium dominus. Denique fugisse dicitur in euangelio, cū eum regem facere vellent. Et non est regnum meum de hoc mūdo, inquit, vt suo exemplo non in terra regnare, sed in cœlo desideremus. Vnde & mercedem humilitatis, & non humilitatis poenā proposuit, dicēs: *Qui se humiliat, exaltabitur: & qui se exaltat, humiliabitur.* Ad hanc animi fortitudinem pertinet, ipsam etiam, quam præcipuè vulgus formidat, mortem contemnere, nec vllo supplicij genere sic terreri, vt à bono, honestoque discedas. Nolite timere eos, inquit, qui occidūt corpus, *Matth. 10.* animam autem nō possunt occidere: sed potius eum ti-

Matth. 10.

Iohan. 18.

Matth. 10.

mete qui potest corpus & animam perdere in gehennam. Si ergo casus inciderit, vt aut moriendum sit, aut peccandū, eligatur potius mors corporis quàm animæ: mors enim animæ peccatum est. Quod si metu mortis percussus, vitæ fragili, & velis & nolis citò perituræ nunc peperceris, illam stabilem & immortalem, qua sancti fruuntur, amittes. Ait enim: Qui voluerit animam suam saluam facere, perdet eam. Nam si quis peccare mauult quàm mori, hic sibi viuet, & deo morietur. Deo autem mori, est in inferni barathrum ruere, & nullum cum iis, qui verè viuunt, habere cōsortium. Sequitur: Et qui perdiderit animā suam propter me, inueniet eam. Sed ne fortè dubius & incertus quæras, quo locorū inueniet eam: ait: Vbi ego sum, illic & minister meus erit. Quid autem illo homine felicius, qui merebitur esse socius Christi? Sed si cum illo simul viuere volumus, mundo moriamur nullū recusantes, quò deo gratificari possimus laborem, nulli cedētes aduersantium persecutioni. Nam dum tyrānus minatur necem, Christus aperit paradysum: dū homo impius tormentis cruciat, clemens deus refrigerij sempiterni sedem constanter tolerātibus parat, præmiūque magnitudine tanto ampliat magis, quanto grauius pro amore suo affligimur, si tamen vindictam in eos qui affligunt, non appetimus, sed e contrario bene illis facimus, benèque optamus, à quibus malè accipimur, dicente domino: Diligite inimicos vestros, & bene facite iis qui oderunt vos, & orate pro persequentibus vos. Hoc prior præstitit ipse qui præcepit, deinde serui eius, qui suis persecutoribus monstrabant viam salutis, & à quibus tormenta patiebantur, eis ignosci orabant. Proprium itaque Christianæ fortitudinis est seipsum vincere, & affectibus contra rationem nitentibus imperare, nec carni, sed spiritui obedire, ipsumq; dominum pro viribus imitari, eiūque sese quàm simillimum reddere.

Iohan. 12.

Matth. 5.

reddera. Sed iam fortitudine contrariam pusilli animi imbecillitatem in medium proferamus. Fit enim ut magis elucescat virtus ex comparatione vitiorum.

De animi imbecillitate. Cap. XV.

Sic eum fortem esse cōstituiamus, qui cupiditatibus dominatur, quis erit imbecillus & infirmus, nisi qui sese his in seruitutem dederit? Hæc autē seruitus multo turpior atque fœdior est, quàm illa quam fecit captiuitas, aut quam nascendi attulit conditio. Neutra enim istarum officit, quinetiam in ipsis magis liberi dominis nostris esse possumus. Maior quippe libertas est, non esse subiectū vitiis, quàm non esse hominis mancipium. Verè igitur imbecillus est, quem superat auaritia, vel fraudulentia, vel simulatio, vel arrogantia, vel vana gloria, vel ira, vel gula, vel luxuria, vel libido, vel inconstantia, vel timor, vel otiositas, vel eorum quæ ab ecclesia recepta sunt, incredulitas, cæteraque id genus: quoniam rationi naturæque repugnant, quisquis illis seruiert, non iam inter homines computandus, sed inter pecudes erit numerandus. Ratio enim propria hominis est, bestiarū autem naturā id tantum sequi quod suggerit appetitus, nullūque boni ac mali discriminē habere in his quæ appetuntur. Imbecillus es igitur, si iugo premeris auaritiæ, cui seruiendo non poteris seruire deo. Non potestis (inquit) deo seruire & māmonæ, hoc est, deo & diuitiis. Syri enim diuitias mammonam appellant. Qui autem diuitias præferunt Christo, & nihil egeno porrigunt, ipso dei filio in fine iudicante aucturi sunt: Esuriui & non dedistis mihi manducare. Cuius criminis conuictus diues ille, qui se tantum pascebat, in inferno sepelitur, ut semper miser sit, quem miserrorum non tetigit pietas, dum sua cupidè retinet, & pecuniā magis quàm Christū diligit. Imbecillus item es, quan-

Matth. 6.

do alterū dolo seducere contendis, ab iniustitiæ enim vitio superaris, quoties alios fraude aliqua supplantare moliris. Non poterit in eo pectore habitare Christus, in quo domicilium sibi fecit dolus. Nam ipse de eiusmodi homine dixit: Vulpes foueas habent, & volucres cœli nido, filius autem hominis non habet vbi reclinet caput suum. Nō habet Christus ibi requiem, vbi stabulantur vulpinæ fraudes, & volucrum instar altè se erigentis hominis elatio. Fraudulentia autem comes est simulatio. Semper enim simulationibus utitur fraudulentus, aliud facillè præferens, aliud in corde occultans. Qui licet homines fallat, deum non potest decipere. Si modestum, si pium, si castum, si deniq; iustum se esse sinxerit, cum longè alius sit, nōne cum illis damnabitur, quibus dictum est: Væ vobis scribæ & pharisæi hypocritæ, qui mundatis quod de foris est calicis & paropfidis, intus autem pleni estis rapina & immunditia. Væ vobis, qui similes estis sepulchris dealbatis, quæ à foris apparent hominibus speciosa, intus verò plena sunt ossibus mortuorum & spurcitia. Quanto igitur melius id esse quod apparere vis, quàm quod non es videri velle? Imbecillis quoque es, si committis vt te sibi subiiciat superbia, teque arroganter incedere cogat. Ea superatus, aliis præferri cōcupisces, & plus honoris quàm quod mereris, tibi exhiberi postulabis. Quam rem scribis & pharisæis, exprobrans dominus, ait: Omnia opera sua faciunt, vt videantur ab hominibus, dilatant enim phylacteria sua, & magnificant fimbrias: amant autem primos recubitus in cœnis, & primas cathedras in synagogis, & salutationes in foro, & vocari ab hominibus rabbi. Ergo & inanis gloria cupido arrogantibus dominatur, de quibus in euangelio Iohannis dicitur: Dilexerunt gloriam hominum magis, quàm gloriam dei. Statuit ergo eos diabolus supra elatæ iactantiæ pinnaculum, vt quò altius ascend

Matth. 3.

Matth. 23.

Ibidem.


Iohan. 2.
Luc. 4.

ascenderint, gratius elidantur, cum deciderint. Vis
nosse quàm infirmi sint, qui sic corruunt: non vi co-
acti, sed verbis deliniti sua sponte labuntur. Diabolus
enim, nisi imbecillior homine esset, non ei quem supra
templū posuerat, dixisset, mitte te deorsum, sed ipsa
met eum præcipitem dare tētaisset. Quis ergo corruit,
nisi qui imbecillis inimici callidæ suggestioni pareat,
vt non inuitus, sed volens subuertatur & cadat. A quo
quidem casu eo difficilius exurgūt ambitiosi, quò ma-
gis adulantium sibi palpatione delectātur. Ideo in eu-
angelio dictum est: Væ vobis, cum bene dixerint vobis
omnes homines. Et per prophetam dominus: Popula
meus, qui te beatum dicunt, ipsi te decipiunt, & viam
gressuum tuorum dissipāt. Væ ergo illis, qui per adu-
lationem ita hallucinantur, vt se peccatores esse non
agnoscant cum laudantur. Cares præterea mentis for-
titudine, si te iracundia occupat, & furere compellit.
Talis fuit sacerdotum ille princeps, qui cum audisset
Iesum confitentem se à dextris dei sedere, in rabiem
concitatus vestimēta scidit, & in clamorem prorupit,
blasphemum eum vocans, qui assertor erat veritatis.
Neque enim potuit quod verum erat intelligere, ira
præpeditus, aut quod rectum est iudicare. Usque adeò
exacerari solent, qui supra modum irascuntur. Sed ne-
que ille fortis est habendus, qui ventri seruit, & omne
suum studium in cibo, potuque delicatius, quàm ratio
postulat, comparādo ponit. Vt autem cognoscas quàm
perniciosa gulæ seruitus sit, de manducante & bi-
bente cum ebriosus in euangelio est scriptum, quòd di-
uidet eum dominus, partemque eius ponet cum hypo-
critis, vt videlicet ibi ficta crucietur abstinentia, vbi
simulata torquetur sanctitas. Illic, inquit, erit fletus &
stridor dentium, vt miserabiliter lugeant, qui in con-
uiuuiis immoderatè latati sunt, & esuriendo siccis cre-
pitent dentibus, quos esculentis, poculentisque resper-
serant

Luc. 6.
Isai. 55.

Matth. 23.

Matth. 24.



Luc. 6.

serant crapulando. Atque ideo alibi dicitur: Væ vobis qui saturati estis, quia esurietis. Qui autem gulæ atque ventri sese in seruitutem dedit idem luxuriæ, libidinisque vitio facillè cedit. Ventrì enim repletionem venas inflari, intumescereque necesse est, & inde pudèda ipsa in Venerem cõcitari, & in turpem pruritus exardescere. Quam autem malè cum illo agitur, qui his affectibus est addictus, prodigi filij in euangelio miserabilis testatur euentus. Deuorasse dicitur substantiam suam cū meretricibus, & ad inopiam redactus pauisse porcos. Etenim substantiam nostram deuoramus, cum per peccatum diuinæ gratiæ lumen in nobis consumimus, atque ita porcos pascimus, rem gratam faciendo immundis spiritibus, qui nos ad impudicitiam stimulant, & si peccato inquinatos viderint, gaudent. Peccare autem non tantum opere libidinoso, sed & que, verumetiam turpi cogitatione possumus, dicente domino:


Luc. 15.

Omnis qui viderit mulierem ad concupiscendum eam, iam mœchatus est eā in corde suo. Hoc autè quod viris dicitur, etiam mulieres respicit, quia caput mulieris vir est. Ita fit, vt quod capiti vetitum est, nec corpori licere intelligatur, præterea imbecillis animi certissimum argumentum est, voluntas incerta, nunc hoc aliud placet, proposito semper labenti & instabili. Quod si ille qui bene institutus perseverat vsque in finem, saluus erit: nōne is qui in via vitæ multiplex ac varius est, procul erit à salute? Profectò nihil prodest corrigi, vbi contingit repenti deprauari. Sed cætera percurramus, cum de isto inconstantia vitio abundè dictum est supra. Igitur neque ille fortis erit, qui timore perterritus delinquit, & dum vel rerum suarum, vel corporis detrimentum, vel vitæ periculum cauet, deum offendere nō veretur. Timuit Pilatus Casarem, quando Christum damnauit, quem confessus erat esse innocentem. Timuerunt apostoli, cum comprehendi vidis-

Matth. 5.

sent

Luc. 2.



sent Iesum, & dum fragili vitæ metuunt, veram deferendo fugerunt. Timuit Petrus, quando dominum se nosse negavit, pro quo postea spiritu sancto confirmatus, mori non timuit. Infirmi etiam atque abiecti animi indicium est ociositas. Nonnulli quippe virtutis operibus ideo exerceri nolunt, quia veretur ne labori succumbant, maluntque ignauo otio torpescere, quam vllam religiosæ vitæ fatigationē subire. Hi sunt palmitēs illi infructuosi, à vera vite abscindendi; & cum nullum sanctæ actionis humorem habentes exaruerint, mittendi in ignem, vt ardeant. Tempus enim ad bene agendum datum, nihil agendo consumpserunt, defoderuntque in terra talentum, à domino ideo commodatum, vt rediens exigit illud cum foenore. Et si hac lege talentum istud accipimus, quomodo restituemus, si lucrari nihil fecerimus? Postremò, qui animo imbecillo est, ne fidelis quidem esse poterit. Semper enim dubius pendet, & dum errare metuit, errat, diuersarum gentium diuersas considerat sectas, & cui earum adhaerendum sit, incertus fluctuat. Cum nulla verior, credibiliórque religio sit, quàm quæ deo authore tradita est hominibus. Istos verò qui adhuc in ambiguo versantes, nihil affirmare audent, pusilli animi esse declarat ipse dominus, qui discipulis tempestatem formidantibus. Quid, inquit, timidi estis, necdū habetis fidem? De talibus alibi ait: Ad tempus credūt, & in tempore temptationis recedūt. Ac ne plura enumerādo longius protrahatur oratio, cuicumque vitia dominantur imbecillis & infirmus est. Fortis autē inuictus, cui adest virtus, quem non deferit ratio, qua ipse suam voluntatem à seculi voluptatibus auersam, ad ea, quæ cœlo digna sunt, dirigit, & ad æterna properans, ea quæ temporalia sunt, constanti atque erecto animo contemnit.

Marc. 14.

Iohan. 15.

Marc. 4.

De contemptu gloriæ. Cap. XVI.

QUOD si in fortibus cenſeri cupimus, præter
iam dicta, hominū rumuſculos, & famæ mun
danæ blandimēta ne aucupemur. Si quid be
nefeceris, notum eſſe ei ſat eſt, qui fidelium hominum
benefacta, æternæ beatitudinis mercede compēſat. In
anem autem gloriā ſemper fugiendam eſſe ſaluator
noſter & exemplo monſtrauit, & præceptis docuit. De
ſcendens de monte, leproſo mundato iniūxit ne cui di
ceret, in hoc inſtruens oportere nos quidem beneficos
eſſe erga proximum, & tamen laudationes hominum
non quærere. Duobus quoque cæcis, cum redintegratis
oculis viſum eis contuliffet, comminatus dicitur, vt ca
uerent ne quis ſciat, quamuis euangelifta ſubiungens,
dicat: Illi autem exeuntes (in domo enim ſanati fuerāt)
diffamauerunt eum in tota terra illa. Ex quo diſcimus,
beneficia quæ contulimus, tacere quidem, quæ autem
recepimus, prædicare: vt in altero oſtentatio, in altero
vitetur ingratitudo. Idcirco cæci iſti poſt acceptam ſa
nitatem, ne iuſſi quidem ſilentium tenere potuerunt,
neque tamen ob hoc reprehēduntur, quia & dominus
ideo iuſſit vt doceret humilitatem, & illi ideo nō obe
dierunt, ne magis ingratitudine offenderent. Iterū glo
riam hominū minimè appetendam eſſe oſtendens, cum
multos aduerſa valetudine, variisſque morbis oppreſ
ſos priſtinæ ſanitati reſtituiſſet, præcepit eis, vt Ma
thæus ait, ne manifeſtum ſe facerent. Quanquam enim
non poſſumus non eſſe manifeſti, quoties erga plurimos
pietate, liberalitatēq; vtimur, nulli tamen alij, niſi ſo
li deo, hoc quod pro eius amore præſtamus, notum fie
ri cupere debemus. Quemadmodum in eis, qui graui
morbo liberati ſunt, ſanitas latēre non poterat, & ta
men ipſe, qui eam induxit, medicus, quaſi latēre poſſet,
ne vulgaretur imperauit, teſtatus bona quidem omni
loco,

Matth. 8.

Luc. 5.

Marc. 9.

Matth. 12.

loco, omni tēpore facienda esse, non tamen ideo, vt alij
 sciant, sed vt obsequiū præstetur deo, qui ea fieri præ-
 cipit, ad suam, non ad hominum gloriam, vt eam mer-
 cedem, quam nemo alius præstare potest, ab ipso reci-
 pere mereamur. Nullo modo celari potest illius vita,
 quem mortuum fuisse omnibus manifestum est, & ta-
 men dominus filia archisynagogi fuscitata, non solum Marc. 5.
 præcepisse dicitur, sed vehemēter præcepisse, vt nemo
 id sciret. Quorsum ergo spectat, quod ita præcipiat, ni-
 si ne per bonū quod agimus, vulgi vocus requiramus?
 Qui enim id captant, mercedē à domino promissam,
 non merentur. Sed quæri potest, cum toties opera sua
 præceptor humilitatis celari iusserit, cur apud Gerge-
 zæos dæmoniaco sanato, dixit: Redi in domum tuam, Luc. 8.
 & narra quanta tibi fecit deus, quare hic nūtiari man-
 dat, quod in supradictis tegi silentio præcipit? Respō-
 deamus, quia alibi de se tanquam de homine silentium
 imponendo, iactantiam vitandam docuit. Hic autē
 quasi de deo narrare oportere non dissimulauit, vt &
 nos quicquid bene agimus, non ad nostram, sed ad dei
 laudem referamus. Itaque non dixit, quanta ego, sed
 quanta tibi fecit deus. Illud quoque qualiter accipi de-
 beat, nunc indagandum occurrit, quod in Marco scri-
 ptum legimus: Et ingressus domum, neminē voluit scī-
 re, & non potuit latēre. Sed hoc apud gentiles in fini-
 bus Tyri & Sydonis gestum esse meminisse debemus,
 quibus non antequam Iudæis prædicandum erat euā-
 gelium. Quia ergo vulgandi gentibus euangelij non-
 dum tempus erat, dominus Iesus noluit tunc illis nun-
 tiari per apostolos, sed tantum agnosci per miracula,
 his duntaxat, qui vtrō ad fidem venturi erant. Nō er-
 go voluit aliquid quod non potuit, sed & quomodo vo-
 luit, latuit: & quomodo noluit, latēre non potuit, roga-
 tisque à muliere Syrophœnissa, filiam eius à dæmonis Ibidem.
 vexatione liberauit, vt dum verbi prædicatio subtra-
 hitur,

Marc. 7.

hitur, mirabilium operatio credere volētes inuitaret. Neq; enim repudiari debent, qui non vocati ad Christum veniunt, si etiam vocati, cum venerint, saluentur. Cæterum, quia gloriæ contemptorem etiam inuitum ac nolentem sequitur gloria, apud eundē euangelistam habemus, quod saluator noster his, qui surdum & mutum hominem ad se adduxerant, & sicut rogarunt, sanum receperant, præceperit ne cui dicerent: sed quanto magis præcipiebat vt tacerent, tanto plus prædicabant, & eo amplius admirarentur, dicētes: Bene omnia fecit, & surdos fecit audire, & mutos loqui. Præcipiebat sanē vt tacerēt, sed tamen prædicantes non increpuit. Quo etiam nos opera nostra, & ad laudē nostram latere velimus, & ad profectū aliorum non latere. Sciebat enim ille, cui etiā futura præsentia sunt, quia magis prædicaturi erant, quod multis profuturum esset, & nequaquam ex hac causa silentium imperabat, sed ex ea, qua inanem gloriam non admittebat. Alioquin superuacaneum foret iubere aliquid eis, quos contrarium facturos non ignorabat. In omnibus igitur iustitiæ, pietatisque operibus quærendæ propriæ laudis absit intentio, sed aliene vtilitatis causa, vt innotescamus non desit charitas, & id quoties videbitur opportunū, hoc est, cum non sit periculum, vt vel auditor iactantiæ crimē imputet, vel doctor committat. Quod quoniam frequenter contingit, semper tutius existima, nihil de te prædicare, nihil quod deo teste agis, ab aliis inspicere. Gloriæ quippe mundanæ cupiditate duci omnino nefas esse etiam tunc monstrauit dominus, cum diceret: Ego non quæro gloriam meam. Qui illum verē imitari desiderat, non quærat gloriam suam, sed gloriam dei, monente Apostolo ac dicente: Siue manducatis, siue bibitis, vel aliud quid facitis, omnia in gloriam dei facite. Illi omnia in gloriam dei faciūt, qui nihil ex iis, quæ bene laudabiliterque agunt, sibi arrogat: sed cuncta

Iohan. 3.

1. Cor. 10.

cuncta ad gratiam dei, qua semper indigemus, referunt. Latere volunt, ne ipsi laudentur: latere nolunt, ut laudetur deus, obseruantes præceptum dicentis: Sic luceat lux vestra coram hominibus, ut videant opera vestra bona, & glorificent patrem vestrum qui in cælis est. Neque hoc repugnare putemus alteri sententiæ postea dictæ. Attēdite ne iustitiam vestram faciatis coram hominibus, ut videamini ab eis. Per hoc enim quod subiunxit: Ut videamini ab eis, ostentationem facti prohibet, non spectaculum. Eadem ratione & eleemosynam fieri iubet in occulto, & orationem in abscondito, ut totum optimi cuiusque studium sit, non suam laudem, sed dei quærere. Huiuscemodi occultationem, & parabola illa nobis insinuat. Simile est regnum cælorum thesauro abscondito in agro, quem qui inuenit homo, abscondit. Thesaurum in agro, vitam perfectiorem in ecclesia intellige. Hanc cum inueneris, ita abscondere debes, ut quod per gratiam spiritus sancti adeptus es, per tuam inanem iactantiam non amittas. Et quoniā hoc cæleste donum comparari non potest, nisi contemnantur terrena. Vadit, inquit, & vendit vniuersa quæ habet, & emit agrum illum. Renūtiat enim omnibus carnis voluptatibus qui perfectus est, ut voluptate spiritus quæ in deo habetur, frui possit. Quanto tamen perfectior fuerit, tanto minus latere poterit. Nō potest abscondi ciuitas in monte posita, neque lucerna super candelabrum lucens. Quamuis in solitudine & in montibus ferarum petat cubilia ac humano cultu semotus, deo tamē volente, proditur, ut alij suo exemplo ad calcandam mundi gloriam, cælestium amore accendantur. Solus ergo in domino gloriari poterit, qui vanitatis humanæ pompam honoresque contempserit. Sic enim & Apostolus gloriatus est, dicens: Absit mihi gloriari, nisi in cruce domini nostri Iesu Christi, per quem mihi mundus crucifixus est, & ego mundo. Et si humilitas ista sanctos

Matth. 5.

Matth. 13.

Galat. 6.

sanctos deceat, profecto non sancti sed stulti sunt, qui terrenæ laudis honore delectantur: Horum nunc demum mentia veri assertionem ostendenda est, ne quis errore lapsus vitium amplectatur pro virtute: & dum honorari ab hominibus appetit, à deo reprobari mereatur.

De gloriæ appetitione. Cap. XVII.

Matth. 23.

Scribas & phariseos inanis gloriæ arguebat dominus, cum de illis diceret: Omnia opera sua faciunt ut videantur ab hominibus. Dilatant enim phylacteria sua, & magnificant fimbrias, amant autem primos recubitus in cœnis, & primas cathedras in synagogis, & vocari ab hominibus Rabbi. Igitur qui gloriæ hominum appetit, non Christum, sed Christi aduersarios, scribas & phariseos imitatur: quantoque magis humano ore laudari concupiscit, tanto grauius iudicio condemnatur diuino. Multos quidem vanæ gloriæ cupiditas à Christi religione dissidere, & contra veritatem stare compellit. Dum enim ceteris ingenio & eruditione præstare videri volunt, scripturæ sensus ab ecclesiâ receptos atque approbatos impugnare nituntur, nec ad hæreticorum prauitatem declinare timent, ut aliquid se acutius inuestigasse rudi plebeculæ persuadeant, & apud indoctos doctorum laudem sibi comparent. Quamobrem talibus est dictum: Quomodo vos potestis credere, qui gloriam ab inuicem accipitis, & gloriam quæ à solo deo est, non queritis? Plerique autem eundem appetendam gloriæ vitio superati, tametsi fideles sint, si tamen ab infidelibus honorantur, cauere ore confiteri, quod corde credunt, & humanam laudem fide ipsa potiorem habet. Siquidem tales illi erant, de quibus Iohannes memorat, dicēs: Ex principibus multi crediderunt in eum, sed propter phariseos non constebantur, ne de synagoga eiicerentur. Dilexerunt enim gloriam hominum magis, quam gloriam dei. Quam ergo

Iohan. 5.

Iohan. 12.

ergo perniciosum vitium est inanis gloria, quæ alios ita infatuat, ut Christum confiteri non audeant, alios etiam ut negare non vereantur. Verum esse quod dicimus, nostræ quoque ætatis exempla probant. Vidimus non paucos ex Christianis transisse ad Machumetanos & præfecturæ sibi collatæ honore illectos, eorum ritus legesque subisse, maluisseque sine Christo, quàm sine potestate vivere. Cæterum ne illi quidem, quamvis cum fidelibus censeantur, virtutum suarum fructum aliquem referre poterunt, qui in his non ad laudem dei, sed ad plebis plausum exercentur. Humilitatem præ se ferunt, & in postremo conuiuij loco discumbunt, non quia humiles sint, sed ut esse videantur. Vel sicut in euangelio dicitur. Exterminant facies suas, ut appareant hominibus ieiunantes, eleemosynas faciunt, & tubis insonant ostentationis, ut misericordiæ sibi laudem vendicent, atque ita bonum opus malo fine corrumpunt. Cumque ab ipso bonarum actionum remuneratore deo mercedem recipere potuissent æternam, fragile & caducam malunt, fucum videlicet istum volatilem auræ popularis. Huius tam peruersæ sanctimonix & illi erant, qui saluatorem nostrum interrogauerunt, dicentes. Quare nos & pharisæi ieiunamus frequenter, discipuli autem tui non ieiunant? Quæ autem utilitas est, vacuum cibo gerere ventrem, & gloriæ cupiditate repleti? Hac tamen & pharisæus ille refertus erat, quam certè nec coram deo puduit arrogantius quàm decebat sese efferre. Deus, gratias ago tibi, inquit, quia nō sum sicut cæteri homines, raptores, iniusti, adulteri, veluti etiā hic publicanus, ieiuno bis in sabbato, decimas de omnium quæ possideo. Gratias quidē deo agere debuit, sed aliis detrahere, sequē tam improba iactatione efferre non debuit. Sic reliquos depreffit, quasi sibi æquandus esset nemo, sic semetipsum commēdauit quasi ad ea quæ faciebat, nihil vltra addi oporteret, cum ieiunare adiu-

Matth. 6.

Marc. 2.

Luc. 18.

mentū potius virtutis quā virtus fit, & decimas dare, æs alienum soluere, nō aliquid sua sponte offerre. Tantum autē hac ostētatione profecit, vt publicano, quem procaciter taxauerat, minus iustus de templo discederet, documentoque esset, peccatorem, qui se humiliat, magis esse deo charum, quā innocentem, qui sese aliis preferendum iactat. Non possumus tamen, quin tangeremur aliquando glorię palpatione, sed statim aduocanda ratio est, vt quod caro blanditur, mētis iudicio protinus repellatur. Nam & apostolos Zebedæi filios honoris tentauit ambitio, cum alter ad dexterā, alter ad sinistram domini, quem mox in terra regnaturum putabant, sedere concupiscent. Et quoniam terrenis adhuc affectibus ducebantur, responsum est eis. Nescitis quid petatis. Quod si nescit quid petat, qui præferri cæteris appetit, nōne cæcos & impruidos homines facit ipsa humanæ laudis affectatio? Etenim dum laudari cupiunt, ad vulgi opinionem viuant necesse est, & magis placeant simulatione quā veritate. Necesse est etiam vt offensi irascantur, ne timidi & abiecti reputentur: vt inuideāt, ne aliis minoris existimationis habeantur, vt reliqua huiusmodi perpetrent, quæ vulgus fieri amat, quamuis ea boni & æqui ratio nō admittat. Ideo sanē apostoli præceptum est. Non efficiamur inanis gloriæ cupidi, inuicem prouocantes, inuicem inuidentes. Cum igitur plurimum mali ex laudis humanæ captatione soleat oriri, & nihil solidi boni nasci, quinimō cœlestis merces, quæ nobis à domino promissa est, tolli: quandoquidem illi, qui sic afficiuntur, mercedem dicuntur accepisse, contempta huiusce vanitatis cura. Apostolum audiamus monentem: Qui gloriatur, in domino gloriatur. Non enim qui seipsum commendat, ille probatus est, sed quem deus commendat. Audiamus & dominum præcipientem: Cum omnia feceritis quæ præcepta sunt vobis, dicite: Serui inutiles sumus, fecimus

mus enim quod facere debuimus. Ad hæc semper peccatores nos esse meminerimus. Si enim dixerimus quia peccatum non habemus nosipfos seducimus, & veritas in nobis non est. Denique nihil boni vel in nobis, vel extra nos esse, de quo quasi de nostro gloriari possumus, dicente Apostolo: Quid habes quod non acceperisti: & si acceperisti, quid gloria ris quasi non acceperis? Cum ergo cuncta quæ agimus aut dicimus laude digna, ad deum referenda sint, ut ad bonorum omnium autorem atque largitorem, profecto aliquid ex his nostræ virtuti ascribere velle, summæ ingratitude criminis est, arrogantiaque non ferendæ. Facile autem gloriam præsentem continet, qui semper fragilitatis humanæ memor erit, quam in primis mortis nostræ testatur conditio, de qua peropportune quidem nunc tractabitur.

1. Cor. 4.

De mortis conditione. Cap. XVIII.

Non est ibi stabilis gloria, ubi non est vita diuturna. Nobilem ignobili, liberum seruo, diuites pauperi, strenuum ignauo, doctum indocto, sapientem stulto, regem denique privato æquat mors. Et si fama superstes viuat, quid ad te? quam voluptatem ex eo capies, si non audis quid de te post te dictitent homines? Solent illi quidem qui per adulationem viuo laudes dixerunt, de mortuo nonnihil obloqui, quippe cuius iam neque benevolentiam captent, neque vim formident. Sed esto ut lauderis, & in ore viuas multorum, & hoc insuper abs te illi, qui ad inferos descendunt, perferant, nunquid nuncio isto illa tibi leuare cruciatus poterunt, & non magis grauare, si ideo te noueris fuisse damnatum, quia non virtuti laborasti dum viueres, sed gloriæ, & hominibus magis placere quam deo sollicitus fuisti? Quam igitur imprudenter, imò quam stulte inanis gloria quæritur, quæ etiam in infamiam verti potest, & si non vertatur, vel ignorata nihil iuuat, vel cognita plus

Luc. 16.

doloris ei cuius est, affert q̄ consolationis. Quid profuit diuiti in euangelio quotidie splēdide epulari, purpura byssoq; indutum in publicū procedere, à plurimis honorari? aut quid nocuit Lazaro mendico canibus tantū qui hulnera eius lingebāt, esse notū? Si hic defunctus ab angelis in sinu Abrahæ collocatur, si ille in inferno sepelitur, & in igne ardet, & gutta aquę indiget, & nullū supplicij finem sperat? Vtriusq; exitū cōsidera, & iam magis optabis inglorius & ignotus deo seruire, q̄ quærendæ laudis gratia, vrbibus ac prouinciis imperare. Nunc reliqua, quæ ad mortē hominis pertineant, euāgelij loca præcurrendo, more holitoris inter salubres herbas, eam tantū, quę ad præsentem vsum facit decerpentes inquiramus. Naturale est omnibus animantibus mortē timere. In his tamen quæ ratione vtūtur, id est, in hominibus, timorem istum à natura insitū, vitæ immortalis cupiditas superat ac vincit. Vtrunq; de saluatore nostro euāgelistæ nobis prodidere. Sic enī in Matthæo legimus. Cœpit Iesus cōtristari & mœstus esse, tūc ait illis, Tristis est anima mea vsq; ad mortē. Quamuis alij mœstitiæ huius causam assignent non timori mortis, sed ei dolori quē capiebat ex proditiōe Iudæ proditoris, aliorūque in se credere nolentium, posset hoc tamen, quod propinqua iam passione est dictum, & ad metum mortis referri, non tam quia timuit, quàm vt hac etiam in re, sicut in cæteris in se hominis naturam ostēderet. Separari autem à corpore nemo est qui vellet, nisi idem per separationem istam ad æternam beatitudinem se transiturum speraret. Paulus apostolus nunquam dixisset, Cupio dissolui, nisi cupitæ dissolutionis causa potior subesset, quàm in corpore viuere, quàm ipse ostendit continuo subiungens. Et esse cum Christo. Christus autem postquam cœpit contristari, vel, vt alius euangelista ait, tædere & pauere, ex natura passibili & infirma, ex eadem paulò post dixit. Pater mi, si

Matth. 26.

mi, si possibile est, trāseat à me calix iste. Sed quoniam ratio ipsa in nobis vincere debet naturalē carnis motum, nihil moratus intulit. Veruntamen non sicut ego volo, sed sicut tu. Vt semper dei volūtas prāferatur hominis voluntati. Vis non timere mortem? crede in illum qui ait, Ego sum via, veritas, & vita. Hic est enim via morum, veritas fidei, vita retributionis. Propterea quidem etiam hortatur nos dicens. Amen, amen dico vobis, quia qui verbū meum audit, & credit ei qui misit me, habet vitam æternam, & in iudicium nō venit, sed transit à morte in vitam. Quod si in Adam morimur, & in Christo reuiuiscimus, si de morte nobis trāsitus est ad vitam, nō est cur mortalitatem exui timeamus, mox immortalitatem induendi, tantōque minus cum etiam corpus nostrum rursus assumpturi simus, non quale deponimus, tetrum, tardū, graue, ignobile, terrenum, fragile, mortale, sed lucidum, agile, leue, gloriosum, omni pristina fece carens, nullis casibus obnoxium, beatitudinis capax, mortis experts, dicente Apostolo: Nostra conuersatio in cœlis est, vnde & saluatorē expectamus dominū nostrum Iesum Christum, qui reformabit corpus humilitatis nostræ cōformatum corpori claritatis suæ. Nos hac tanta spe confirmati non solum mortem non timere, sed etiā nullum mortis genus debemus exhorrescere. Ideo dominus noster cum asperrimam tum ignominiosissimā elegit crucis mortem. Quem secuti sancti martyres omnes tyrannorum minas contempserunt, omnia vicere tormenta, magis timentes deum offendere, quā quācunq; extrema perpeti. Quid quod etiam multi ante persecutionem, imò ante Christum, cum nondū paradisi ianua pateret, mori optarint? Ingemiscens David ait, Hei mihi quia incolatus meus prolōgatus est. & Elias, Sufficit mihi domine, tolle animam meam, & Iob. Quare non in vulua mortuus sum? egressus ex utero non statim perij? & Io-

Iohan. 14.

Iohan. 5.

Phil. 3.

Psalm. 119.

3. Reg. 19.

Iob. 3.

Jonas.4.

Pfal.115.

Pfal.33.

Apoc.14.

Luc.8.

Iohan.11.

1. Theff.4.

Pfal.125.

nas. Domine tolle quæso animam meam à me: quia melior est mihi mors quàm vita. Quod si hi quibus adhuc clausus erat aditus regni cœlestis, hinc decedere optarunt, nos timebimus quibus per Christum à maledicto iam liberatis patet paradisus? quosque corpore isto exutos protinus excipit cœlestis claritatis habitaculum sempiternum? Ob hoc ergo probata vitæ homines mori non formidant, quia preciosa in conspectu domini mors sanctorum eius. Ob hoc autem impij & iniqui terrêtur, quia mors peccatorum pessima. Itaque non dolore vehementi, neque immodico fletu prosequi debemus eorum funera, qui fide virtutêque satis præditi vixerūt. Beati enim sunt mortui qui in domino moriuntur, amodo dicit spiritus, vt requiescât à laboribus suis. Vnde non immerito felicem talium obitum scriptura sæpè numero dormitionem appellat, vt quiete eos & vita simul frui significet. Puellam suscitaturus dominus. Non est mortua (inquit) sed dormit. Et de Lazaro, Lazarus amicus noster dormit, sed vado vt à somno excitem eum. Paulus quoque cum de mortuis loqueretur: Fratres, inquit, nolo vos ignorare de dormientibus. Et in psalmo habetur: Cum dederit dilectis suis somnum. Honestiore igitur quàm mortis vocabulo mors notata est iustorum, qui in domino viuūt. Vnde Christus iudex nuncupatus est viuorum & mortuorū. Plura quippe mortis genera sunt. Et propriè mors corporis recedente anima quæ viuificat illud: est per metaphoram mors animæ cum propter peccatū à deo deseritur: est mors reorū pœna in inferno, hæc in Apocalypsi secunda mors appellatur. Quamuis enim anima etiam peccatrix immortalis sit, mortua tamen est, tum quando in corpore non deo viuit sed peccato, tū quando in inferno pœnas luit æternas. Nam cum mors primorum hominum in pœnam peccati data sit, ipsa pœna quæ pro peccatis inferitur, mortis interdum nomine designa-

designatur. Atque ideo sanè nec ipsam corporis mortem bonam esse dicimus, quia stipendium peccati est, quia sine dolore est, sed tamen vt malis perniciosam, ita bonis vtilem. Alteri enim moriuntur vt in æternum viuant, alteri vt in æternum crucientur: fugienda ista, expetenda illa, etiam cum tormentis & suppliciis pro tempore tolerandis. Si enim tolerabimus & contregnabimus. Magis excoctum aurū purius nitet, & terra per se ferax, si aratro aut ligone versata fuerit, fructus humiliores reddet. Mortis tempore nō est iustitiæ nostræ operibusque confidendum, sed in misericordia dei sperandum, cum sanctus Apostolus dicat: Non ex operibus Tit. 3. quæ fecimus nos, sed secundum magnā misericordiam suam saluos nos fecit. Animam igitur à corpore decedentem soli illi qui saluare potest, commendemus. Qui vt hoc nobis insinuaret, iā morti propinquus, iam spiritum traditurus. Pater, inquit, in manus tuas commendo spiritum meum, & hæc dicens expirauit. Et nos ergo commendando animam deo, misericordiāq; eius implorando, ac precibus insistendo vitam istam finiamus, & tūc sequetur quod paulò antè diximus: Preciosa in conspectu domini mors sanctorū eius, & beati mortui qui in domino moriuntur. Cæterum, sicut nō timere mortem ad seruos dei pertinet, ita e contrario eam formidare ad seruos mūdi. Quod vt clarius constet, de vana præsentis vitæ cupiditate aliquid dicamus.

De vitæ cupiditate. Cap. XIX.

SI diu viuendi vel vota vel confidentiam hominum rectè perpenderit, plurimos quidem, qui ita afficiuntur, vanitatis imprudentiæque arguemus. Diu viuere sperabat diues ille in euāgelio, qui frugum Luc. 12. hubertate lætatus dilatare cogitabat horrea, cellariāque ampliare, & his quæ vna ætas attulerat, per annos multos frui, Tantos autem cogitatus abscidit nūquam

D iij satis

fatis prouisa mors, atq; nocte illa qua ipse sibi longior a felicioraque vitæ spatia promittebat, coactus est decedere, & cuncta quæ collegerat, aliis relinquere possidenda. Frustra igitur aliquid diuturnum fore speratur, quod statim potest deficere. Sed aliud est sperare, dices, aliud cupere, licet non idem sint, alterum tamen ab altero pendet, & ex desiderio spes, ex spe oritur desiderium. Alioqui quid stultius esse potest, quàm cupere aliquid quod te affecuturū non speras? Sed cupis diu viuere, simul & speras, veruntamen times ne te spes ista fallat, atque ita inter spem metūque dubius fluctuas. Et cum ita sit, quæro abs te, cū voti compos fueris, cum ad decrepitam vsque ætatem perueneris, quàm diu vixisti? annos centum aut plures fortasse, si toto hoc tempore deo vixisti, præclare quidem tecum agitur: mox enim in æternum viuere incipies: at si tibi tātum, malè profectò rebus tuis cōsuluisi. Voluptas quippe omnis quæ cum ætate præteriit pro nihilo est, peccata autem manent & perdurant, quibus grauatus animus ad inferos ruit, ibi pro breuibus deliciis poenas luiturus sempiternas. Quid quod omnium hominū breuissima vita est super terram: at que (vt Iacobus apostolus ait) vapor ad modicum parēs. Quæ res cum neminem lateat, quid quæso tantopere cupimus, quod velimus nolimus, citò pertransiturum non ignoramus? Diu vixit Adam, diu Mathusalem, aliique nōnulli ex patribus. Diuturnitas tamen ista senescente mundo defecit. Quis enim nostra memoria centesimum vitæ attigit annum? cum præsertim Psalmista dicat: Dies annorum nostrorum in ipsiſ septuaginta anni, si autem in potētatibus octoginta anni, & amplius eorum labor & dolor. Quare si quem inuenire potes octogenarium senem sanum, neminem certè reperiēs cui vel aures non obsurduerint, vel visus non hebetauerit, vel pedes non titubent, manus non tremant, dorsum non curuetur, dētes, si qui reliqui

Iacobi. 4.

Psal. 89.

liqui sunt, non fluitent, & tota corporis deformat a facies non penitus alia sit quàm fuerat. Adde tussim, apoplexiam, paralyfim, stomachi cruditatē, ventris tormina, inguinum tumorem, spirādi difficultatem, mingendi stranguriam, aliaque huiusmodi multa, quæ an nositas ipsa secum apportat, nec corpus modo, verum etiam mentem infestans. Videas enim plerosque delirare per ætatem, & qui paulò antè sapientes habiti erant, iam ridiculos esse. Cùmque tot mala vna senectus afferat, nōne satis apparet eum, qui diu viuere appetit, non vitam appetere, vt putat, sed morbos? Si quibus autem contingat, quod rarissimum est, vt etiam in senecta integris sensibus, vegetoque corpore & mente illæsa sint, hoc donum dei est, cœlestisque gratiæ fauor, non longæuæ ætatis, quæ cuncta corrumpere consueuit; beneficium. Quod Ecclesiasticus testatur, dicēs: Dedit dominus ipsi Cāleph fortitudinem, & vsq; in senectutem permansit illi virtus. In Iob etiam legimus: Sperabam quòd ætas prolixior loqueretur, & annorū multitudo doceret sapientiam, sed, vt video, spiritus est in hominibus, & inspiratio omnipotentis dat intelligētiā. Denique in euangelio dominus: Dabo vobis, inquit, os & sapientiam. Hanc vero sapientiam & iuuenes expetere & senes debent. Quam si adepti fuerint, dabunt certè operam non vt diu, sed vt bene viuant, neque vt ætate, sed moribus graues sint. Nam diu viuere hoc quoq; malè habet, quod necesse sit, vt qui diu vixerit, mortes videat multorū, lugeat liberorum orbitatem, ingemiscat coniugis, fratrum, cognatorūmq; funera, & frequenter exitu tristetur amicorum. Quinetiam vel sua vel aliorum adhuc viuētium infortunia deploret, quandoquidē crebrius mala quàm bona contingere mortalibus solent. Quas ob res vnā tantum habemus (vt equidem reor) vitæ diuturnioris concupiscendæ causam, vt videlicet quo plus vixerimus, humiliores

Eccles. 46.

Iob. 2.

Luc. 12.

beriores pœnitudinis nostræ fructus colligere possimus, tantoq; maius promereri apud deum præmium, quanto prolixioris temporis laborem eidem seruiendo sustinuerimus, dum & aliis prodesse optamus, & pro nobismetipsis cupimus facere satis. Alioqui lōgam vitam desiderare, non dei, sed seculi amatorum est, qui nullo præsentium voluptatum haustu satiantur: qui semper viuere vellent, vt semper peccare possent. Et tamen malè cupita senectus in eo illis bene consulit si venerit, quod lasciuiendi vires obscenósque amputet affectus, & ad continentiam cogat vel inuitos. Cæterū, quoniam fidei integritati congruit, nō solum quæ iusta sunt obseruare, sed etiam quæ consulta perficere, opportunè nunc occurrit, de perfectæ religionis professione facere sermonem.

De perfectione vitæ. Cap. XX.

Matth. 23.

Perfectioris vitæ conuiuium est, ad quod inuitat nos dominus: multos quidem vocat, sed nō omnes qui vocati sunt veniunt: alium retinet corporis voluptas, alium cumularundū opum cupiditas impedit. De quibus dicitur, Illi autē neglexerunt, & abierunt, alius in villam suam, alius verò ad negotiationem suam. His grauiati venire omnino nequeunt. Deponendum est ergo onus, si altiora cupis ascendere, & de paucorum esse numero electorum. Tūc te verè à deo electum esse noveris, cum magno animo illa quæ multorum sunt, contemnere cœperis, & omnem prorsus affectum ad solum Christum conuerteris, solū imitari statueris. Ait enim, Qui amat patrem aut matrem plus quàm me, non est me dignus, qui amat filium aut filiam super me, nō est me dignus. Ita tuos ama, vt deū non offendas, alioquin plus te illos diligere argueris, quorum causa peccare non timueris, quandoquidem etiam propria mors magis est eligenda, quàm crimen cōmittendum. Ideo subditur,

ditur. Et qui non accipit crucem suam, & sequitur me, non est me dignus. Etenim quemadmodum ipse crucifigi voluit, ut nos redimeret, ita tu crucis mortem timere non debes, dum tuum confiteris redemptorem. Tunc autem verè vivere incipis, cum pro eius nomine occideris. Qui perdiderit animam suam (inquit) propter me, inueniet eam. Transít enim de morte ad vitam, de terreno habitaculo ad cœleste regnum semper beatus futurus, qui mori innocens maluit quàm nocēs vivere. Solent autem parentes cognatíque qui mundana sapiūt, modis omnibus iter impedire ad perfectionem tendentium, conqueruntur se derelictos, omni se solatio destitutos. Qua in re cauendū est, ne nostra erga parentes pietas, impietas fiat in deum. Contemnēdi quippe sunt, quoties à dei seruitio auertere nos moluntur, & quasi odio habendi, ne nos odio simus deo, si vocationes eius atque inuitamēta crebrò cordibus nostris infusa neglexerimus, cū præsertim ipse dominus noster dicat, Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Denique ait, Qui non renuntiat omnibus quæ possidet, non potest meus esse discipulus. Non potest toto pietatis affectu inhærere Christo, cui⁹ animus aliqua terrenarū rerum cura in diuersum distrahitur, in eo enim deficiat necesse est, in quo adhuc aliqua carnali cupiditate inclinatur, propterea quidem vocati apostoli, quoniam aliter sequi Christū non poterant, & retia & patrem reliquerunt. Non poterāt effici Christi discipuli, nisi per omnia ei se conformari studuissent, æmularenturque eius paupertatem, humilitatem, castitatem, docendi studiū, omnes iuuandi curam, omnia sustinendi patientiam. Si quis vult, inquit, post me venire, abneget semetipsum, & tollat crucem suā, & sequatur me. Abnegat semetipsum, qui non iam carni

Luc. 14.

Matth. 4.

Luc. 16.

carni paret, sed spiritui: non iam mūdo, sed mundi domino seruit, vt longè alius sit, quàm qui hactenus fuerat. Tollit autem crucem suam, qui pro veritate afferenda nec supplicia deuorat, nec mortem horret, atque ita Christum sequitur. Ille enim cū dominus esset, formam serui accepit: & qui in se impassibilis erat, in homine assumpto crucem passus est, ne id nos pro nomine eius subire timerem⁹, quod ille pro amore nostro perferre voluit. Ne autem paupertatem timeas. Quærite, inquit, primum regnum dei, & hæc omnia, quæ videlicet vitæ necessaria sunt, adiicientur vobis. Ne etiam mortem exhorrescas, ait: Qui credit in me, nō morietur in æternum. Ne denique suppliciis terrearis: Mundus, inquit, gaudebit, vos verò contristabimini, sed tristitia vestra conuertetur in gaudiū. Tu interea si perfectæ consummatæque religionis laboribus implicari durum putas, promissæ mercedis magnitudinem considera. Ait enim: Vos qui secuti estis me, in regeneratione cum sederit filius hominis in sede maiestatis sue, sedebitis & vos super sedes XII. iudicantes XII. tribus Israël. Perfectis ergo suam communicaturus est dignitatem, qui cum ipso communicare, non dubitarunt laborum angustiarumque patientiam. Duodecim autem sunt qui iudicant, & totidem qui iudicantur: quia illi filij lucis sunt, tanquā duodecim horæ diei: hi verò filij tenebrarum sub eodem nocturnarum horarū numero cōprehenfi. Quamuis enim non omnes damnandi sunt, minus tamen illis clari, quos perfectionis opera commendant. Sequitur: Et omnis qui reliquerit domum, vel fratres, vel sorores, aut patrem, aut matrem, aut uxores, aut filios, aut agros propter nomen meum, centuplum accipiet, & vitam æternam possidebit, hoc est, sublimiorem beatitudinis obtinebit gradum, vitæque perenni perfruetur. Exquisitæ enim sanctitatis viri, licet vitæ æternitate alijs in paradiso sanctis pa-

res

Matth., 19.

res erunt, beatitudinis tamen magnitudine atque gloria illis præstabunt, dicente Apostolo: Stella enim à stella differt in claritate, sic & resurrectio mortuorum. Quanto quis plenius in se Christi similitudinem expresserit eum hîc imitâdo, tanto illi proximior est futurus in cœlesti regno. Hoc certè ipse pollicetur, dicens: Si quis mihi ministrat, me sequatur: & vbi ego sum, illic & minister meus erit. Si quis mihi ministraverit, honorificabit eum pater meus. Hæc talia si rectè perpenderit, profectò iam nihil tibi aut factu difficile videbitur, aut toleratu durum. Iam tibi sedebit animo vendere vniuersa quæ habes, diuitias, voluptates, concupiscências, & emere thesaurum illum præ omnibus mundi thesauris concupiscendû: nunc quidem in ænigmate absconditum, tunc autem manifestum futurum, cum videbimus illum sicuti est. Hoc idem enim est & pretiosa margarita, qua cõparata nihil erit vltrâ desiderandum, cum omnis plenitudo gratiæ in Christo sit: in quo sunt omnes thesauri sapientiæ & scientiæ absconditi. In ipso enim inhabitat (vt Apostolus ait) omnis plenitudo diuinitatis corporaliter. Libèter igitur eliges esse cum Christo pauper, vt in deo diues sis: optabis cum illo emori mundo, vt viuas deo: terrena denique omnia sordere tibi incipient, cum in cordis tui hospitio suscepis Christum. Nihil illo est dulcius, nihil suauius. Iure suo dixit, cum ad sui seruitium fideles inuitaret, Iugum meum suaue est, & onus meû leue. Hoc diuinus psalmista sensit, dicens: Gustate & videte, quoniam suauis est dominus. Hac certè dulcedine affecti erant apostoli, cum inter flagella gauderent, quoniam digni habiti sunt pro nomine Iesu contumeliam pati. Et cum sœuissimi tyranni tormenta proponerent, necem minarentur, ne Iesum euangelizarent, tacere omnino non poterât: tanto illis nomen domini sui iucundius fuit, quàm vitæ presentis vsus, aut doloris per supplicia

1. Cor. 15.

Iohan. 19.

Coloss. 2.

Matth. 23.

Psal. 33.

plicia infligendi euasio. Tales itaq; esse debent, qui volunt montem excelsum conscendere cum Petro, & operarii fieri vineę domini, & abiecta seculi huius sarcina, per foramen acus transire, percalcatisque mūdi angustis, ad beatam illam regni cœlestis amplitudinē peruenire. Tu igitur qui relicta sindone nudus impiorum manus effugisti, ne reuertaris tollere tunicā tuam, nec aratrū tenens respicias retrò, vt aliquando imprudenter cōcupiscere incipias, quod propter Christum prudenter reliquisti. Multo melius est, nō nouisse viā perfectionis, quā postquam noueris regredi velle, & cum Anania Sapphirāque spiritu sancto mentiri audere.

De vita solitaria. Cap. XXI.

Hic excellentissimę professioni accommodatissima solitudo est. Da igitur operam, vt in cœnobio cella, in deserto locus ab humano cultu vacuus, legendi, scribendi, orandi, & ea quę æterna sunt contemplandi opportunitatē tibi præsent. Nulla horum libera meditatio habetur in frequentia cœtūque multorum. Vulgi clamor, vrbani tumultus, amicorum interpellatio, mulierum conspectus, cognatorum mortes, mentem deo intentam conturbant, nec in illo conquiescere ipsam pro voto sinunt. In solitudine autem concupiscentiæ quoque magna pars tollitur, dum illa quę malè cōcupiscuntur, nostris aspectibus procul submota latent, cum multo magis visa moueant animum, quā cogitata: & quod rarius cernitur, facilius oblietetur, quantum præterea viro religioni dedito conferrat ipsa solitudo, ex euangelio discitur. Principis filia vita defuncta, non antea à morte suscitatur, quā tibi cines & tumultuantium turba excluderetur. Solitudo itaq; præcipuè quærenda est, vt anima in peccatis mortua, per pœnitentiam ad gratiam viuificatē reuocetur. Quoniam vt modo diximus, & pessimæ animi cupidine

pidines minus in secessu virium habent: & mens terre-
 narum rerum curis expedita, ad contemplanda diuina
 magis attollitur, dicente ad discipulos domino: Venite Marc. 6.
 seorsum in desertum locum, & requiescite pusillū. Mul-
 ta quidem vbique pugna, sed tamen in deserto requies
 aliqua, quamuis pusilla. Certior autem ibi vincēdi spes
 est, vbi post laborem ad vires refocillandas, nonnulla
 quietis conceditur mora. Quod nobis innuere volens
 dominus, in deserto tentatus, à diabolo collatis signis
 victoria potitur: fuso denique fugatōque hoste trium-
 phans, angelorum vititur ministerio. Scriptū est enim:
 Tunc reliquit eum diabolus, & ecce angeli acceperunt, Matth. 4.
 & ministrabant ei. Idem eos, qui in Iudæa sunt, vt ad Luc. 21.
 montes fugiant, hortatur. Iudæa, confessio & glorifica-
 tio interpretatur: vt is qui Christum confitetur, & ad
 celsiorem beatitudinis gloriam aspirat, frequentiam fu-
 giat, solitudinēque delectetur. Quod si docendi officio
 fungitur, & vicos vrbēsq; peragrarare necesse est, tan-
 tis per in publicum prodeat, donec populo salutis con-
 grua per sermonem insinuet: Erat enim Iesus, vt Lucas Idem, 21.
 ait, diebus docens in templo: noctibus verò exiens mo-
 rabatur in monte, qui vocatur Oliueti, vt nobis osten-
 deret & tempus & locum orationi contemplationique
 aptum. Commodissimè enim tunc oratur, cum cuncta
 silent. Inter orandum autem in montem ascendere iu-
 beris, vt sicut montium fastigia cœlo proximant, ita tu
 ad cœlestia cōtemplanda animo subleueris. Hoc ipsum
 Marcus quoque testatus est, dicens: Et cū dimisisset eos, Marc. 6.
 quos videlicet docuerat, abiit in mōtem orare, Domi-
 nus ergo noster, quod verbis docuit, hoc exemplo mon-
 strauit, in ipso orationis tempore secedendū esse à tur-
 ba, & in loco secretiore orandum. Vnde iterum Lucas. Luc. 5.
 Ipse autem secedebat, inquit, in desertū, & orabat. De-
 sertum istud mons Oliueti erat, mons autem contem-
 plationis altitudinem designat, Sed ad hanc altitudi-
 nem

Luc. 19.

nem ascendere nequimus, nisi hominum frequentiam fugerimus. Zachæus præ turba non poterat videre Iesum. Difficile est enim in medio plebis versari, & mentem in deo fixam firmamque habere. Ascendit ergo arborem sycomorum ut videret Iesum, altiusque sese ceteris erexit, non superbia, sed cogitatione, extra turbam quærens, quod in turba inuenire non poterat. Iohannes quoque Baptista in matris aluo sanctificatus, ut sanctior fieret, desertum incoluit, ibi manens Christum baptizare meruit, & de illo prophetare, & ab illo testimonium accipere, dicente. Inter natos mulierum non surrexit maior Iohanne Baptista, atque hunc eundem, quem homines ut prophetam honorabant, ipse plus quam prophetam esse asseruit. Postremo ipse dominus Petro, Iacobo, Iohanni diuinitatis suæ claritatem ostensurus non solum in montem, sed in montem excelsum duxisse eos dicitur, tanta visione non poterant esse digni, nisi à turba secederent, & humana transgressi, sublimitate contemplationis cœlestibus infererentur. Ex his quæ dicta sunt, discere possumus, ut ille perquam raro cōuersetur cum hominibus, qui sæpe cum deo esse desiderat. Nunc his qui sacerdotalibus initiari sacramentis volunt, ostendamus quibus rebus & bonus constet sacerdos, & malus efficiatur, ut discant quæ sibi expetenda, quæque fugienda sint, ut bonorum potius gloriam consequantur, quam in sortem concedant malorum.

Marc. 9.

De bono sacerdote. Cap. XXII.

Antea actalis dignitas sacerdotalis est, ut nulla maior homini conferri possit. Et quoniam angelicæ sublimitati exequatur, sacerdos ipse aliquando in scripturis angelus est appellatus. Ut illud Malachiæ: Labia sacerdotis custodiunt scientiam, & legem requirent ex ore eius, quia angelus est domini exercituum. Iohannes etiam in Apocalypsi, septem angelis,

Malac. 2.

Apoc. 2.

septem

septem in Asia ecclesiarum episcopis scribere iubetur, hoc est, Ephesi, Smyrnæ, Pergami, Thiatyræ, Sardis, Philadelphæ, & Laodiciæ. In his singulis singuli episcopi erant, & officij sacerdotalis meritò angeli nominantur. Hoc tamen minus mirabimur, si meminerimus ipsum dei filium Iesum Christum sacerdotem factum, deo patre ad eum dicente: Tu es sacerdos in æternū secundum ordinem Melchisedech. Nihil isto sacerdote maius, nihil mirabilius excogitari potest: ita nec sacerdotij honore quicquam præstantius haberi. Cæterum, iuxta domini sententiam: Cui multum datum est, multum petent ab eo. Omnibus ergo virtutibus excultum atque exornatum oportet esse sacerdotē. Vt igitur verè sacerdos sit, necessaria est illi sobrietas, castitas, fides, charitas, iustitia, prudentia, scientia, terrenarumq; rerum contemptus, & cœlestium desiderium atq; amor. Vt sit sobrius, dominum audiat in Ezechiele præcipientem: Vinum non bibit omnis sacerdos, quando ingressurus est atrium interius, quod antè in Levitico ad Aaron dictum est: Vinum & omne quod inebriari potest, non bibetis tu & filij tui, quando intrabitis in tabernaculum testimonij, ne moriamini. Nec aliter novus pontifex noster Christus monuisse suos discipulos videtur, cum diceret: Attēdite ne forte grauentur corda vestra in ebrietate & crapula, & in curis huius seculi. Castum quoque oportere esse sacerdotem, & carnalis copulæ abstinentem idem dominus docuit, apostolis imperans vt præcingant lumbos suos, & lucernas ardentes in manibus habeant. Lucernæ in manibus opera iustitiæ sunt, quorum fundamentum castitatem esse voluit, dum lumbos prius, in quibus generandi vis est, restringi iubet balthæo castitatis. Veteri verò lege ideò concessum sacerdotibus fuit matrimonium, quia sola tribus Leui & domus Aarō sacerdotalis erat, nec aliis licebat hoc fungi officio. Ne igitur Leuita-

Luc. 12.

Ezec. 44.

Leuitici. 10

Luc. 12.

Ibidem.

rum genus in paucis conclusum deficeret, reparandum per connubia erat. At nunc non carnis quæritur successio, sed spiritus, translatoq; sacerdotio ad tribum Iuda, id est, ad Christum, quicumque Christianus est, nisi vxori alligatus fuerit, potest eligi in sacerdotem. Omnes tamen qui Christo in sacerdotio succedunt, castos esse decet, sicut & ipse castus fuit, vt noui sacerdoti, tanto purior successio sit quàm veteris, quanto & sacerdos noster Christus omnibus qui ante illum hoc munere vti sunt, noscitur esse præstantior. Neq; enim arietum vt olim, aut vitulorum sanguine nunc sacrificatur, sed ipse Christus verus deus & verus homo, vnus & immortalis, licet aliena specie velatus, offertur. Quòd si etiam priscis dictum sit: Mundamini qui fertis vasa domini, quanto magis nostris conuenit omnis mundicies, quibus non solum ferre vasa domini, sed etiam ipsum dominum quotidie & contrectare manibus & ore sumere mos est? Tam igitur mente quàm corpore mundus castusq; sit, qui ad eiusmodi ministerium se nouerit esse electum. In primis tamen fidelem esse conuenit. Quid enim castitas aut aliqua alia virtus ei prodesse poterit, si qua orthodoxæ fidei pars in illo labascere cœperit? Fide igitur opus est, vt reliqua rectè prospereq; succedant. Quis est, inquit, fidelis seruus & prudens, quem constituit dominus super familiam suam, vt det illis cibum in tempore? Familiæ dei sacerdotes præpositi sunt, vt verbi exempliq; cibo eam pascât, qui si fideles ac prudentes fuerint, beatitudinis quoque magnitudine cæteris præferentur. Sequitur enim: Quem sic agentem inuenerit dominus, super omnia bona sua constituet eum, vt qui multos fideliter docuit, prudenterq; rexit, multis inter sanctos honorabilior magnificentiorq; habeatur. Charitatem etiam præcipuè amplecti debet sacerdos, vt cui vni commissa cura animarum est pro earum salute, si

Isaia 52.

Matt. 24.

te, si ita casus inciderit, nec supplicia recusat, nec mortem metuat. Bonus enim pastor ponit animam suam pro ouibus suis. Idem præterea iustitiam omnem, quam alios docet, prior impleat, ne quod verbis ædificat, si aliter ac præcipit, vixerit, exemplo destruat atque dissipet. Nisi abundauerit iustitia vestra (inquit dominus) plus quam scribarum & pharisæorum, non intrabitis in regnum cælorum. Prudentia quoque opus est sacerdoti, ad noxia quæque cauenda doloque diaboli declinandos. Insidiis facile patebit, nisi perquam cautè incesse- rit. Estote prudentes (ait saluator) sicut serpentes. Callidissimus omnium serpens diabolus est. Qui ergo non minus prudens erit ad cauendum, quam diabolus astutus ad nocendum, neque blanditiis eius capiatur, neque vim formidabit. Vt autem cautus & circumspectus fiat sacerdos, necessariam sibi esse scripturarum scientiam nouerit intelligentiamque mysteriorum, sine qua neque se ab aduersario se tueri commodè poterit, neque alios vite doctrinis rectè institueret, aut ad virtutem aptè exhortari, in Aggæo scriptum est: Interroga sacerdotes legem, & in Ezechiele de sacerdotibus loquens dominus: Populum meum docebunt, inquit, quid sit inter sanctum & pollutum, inter mundum & immundum ostendens eis, & cum fuerit controuersia, stabunt in iudiciis meis & iudicabunt. Exigitur ergo à sacerdote ut eruditus in lege sit, & quicquid in sacris literis continetur, pro viribus ediscat, alioqui sacerdotio indignus existimabitur, dicente domino per Osee prophetam: Quia tu scientiam repulisti, repellam te ne sacerdotio fungaris mihi. Postremo loco diximus, præsentium contemptorem esse sacerdotem. Nam si Christi minister fuerit, paruo erit contentus, dum summa sperat, & ut dominum suum imitetur, paupertate gaudebit, diuitias contemnet. Neque enim potest esse talis magistri discipulus, nisi

Iohan. 10.

Matth. 5.

Aggæi 2.

Ezec. 44.

Osee 4.

renunciet omnibus quæ possidet, vt caduca respuens dignus euadat, cui tribuantur æterna. Sed ne in veteri quidem lege Leuitis data est possessio in tribubus vt scirent non in terra, sed in cælo sibi possessionem esse quærendam dicente domino Aaron: In terra eorum nihil possidebitis, nec habebitis partem inter eos, ego pars & hæreditas tua in medio filiorum Israël. Decimisigitur & eleemosynis, quæ altari offeruntur, vitiat qui seruit altari. Quod autem necessario victui superest, indigentibus tribuat, dispensatoremque se esse agnoscat bonorum ecclesiæ, non possessorem: Apostolis & eorum successoribus præceptum esse meminerit:

Num. 13.

Matth. 10.

Nolite possidere aurum, neque argentum, neque pecuniam in zonis vestris. Quid tibi cum diuitiis, si illius domini seruus es, qui nõ habuit in terra vbi caput reclinaret suum, neque didrachmam qua pro se & discipulo solueret portorium? domini, inquam, in stabulo geniti, in præsepio positi, in cruce nudi, in sepulchro conditi alieno, nihil denique in hoc seculo quasi suum possidentis, non quia non liceret ei frui omnibus si vellet, cum esset dominus omnium, sed vt doceret non esse ei opus terrenis diuitiis, qui ad cœlestes thesauros aspiraret, difficileq; esse duobus dominis seruire, deo & mammonæ, difficillimum verò vt quis auri argenti que pondere grauatus, ad ætherea regna possit conscendere. Ex his igitur quæ dicta sunt, eum sacerdotij honore dignum censebimus, qui sobriè, pudicè, fideliter, piè, iustèque vixerit, qui in cauendo prudens, in erudiendo doctus, in concupiscendo modicus, & in obsequendo ei cui se dedicauit, fuerit assiduus. Quisquis autem sese talem in sacerdotio exhibuerit, hic verè erit sal terræ, cuius doctrinis cæterorum corda ne in peccatis putrescant, condientur, erit lux mundi, ciuitas supra montem posita, lucerna super candelabrum lucens, vt omnibus conspicuus, omnes qui sanctè inno-

Matth. 5.

centerq;

centerq; volent viuere, suo illuminet exemplo, suæ famæ gloria concitet ad virtutem. Hic demum de terris ad cælum translatus illorum perpetuo fruetur confortio, illorum perennis beatitatis erit particeps, quibus in Psalmo spiritus sanctus loquitur, dicens: Sacerdotes eius induam salutari, & sancti eius exultatione exultabunt. Christum enim induent, ei que feliciter adhærebunt qui in ecclesia vices Christi, sicut oportuit, gerere studuerunt. Psal. 131.

De malo sacerdote. Cap. XXIII.

PORRò sicut lux tenebris collata luculentior videri consuevit, ita appetibilior fit virtus, quoties contrarij vitij malignitas monstratur. Cum igitur de bono sacerdote satis dictum sit, operæpretium est, quemadmodum proposuimus, vt aliquid etiam de malo dicamus. Malus est sacerdos, qui non potest dicere cum propheta: Portio mea dominus, cum terrenis opibus inhiet, & non solum his quæ possidet non renunciet, sed etiam ea quæ nondum adeptus est, cupidè affectet. Sunt quos negotiari in domo dei non pudet, imò nec scenerari, ecclesiasticasque dignitates ambitione atque largitionibus comparare, quas cum acqvisierint, cuncta ecclesiæ bona, quæ pauperibus distribuenda erant, in suos vsus cōuertunt. Hi sunt quos vendentes & ementes de templo suo eiicit dominus, dicēs: Domus mea domus orationis est, vos autem fecistis eam speluncam latronum. Meritò igitur talium cathedras euertit, & cum principibus populi sui in cœlestibus confidere prohibet, vtpote quibus non cœlestis boni adipiscendi, sed terreni abutendi cura semper ac studium fuit. Nihil pensi habuerunt prodesse commissæ sibi plebi, delinquentes corripere, bonos fouere, afflictos consolari, dubiis consulere, sed ignauia atque otio deditis magis ventrem suum quam gregem domini.

E iij cum

cum pascere solliciti fuere. Malus item est sacerdos, qui vidit lupum venientem, id est, hæreticum aliquē perversa doctrina fideli gregi insidiantem, & illius dolo alios rapi, alios dispergi, alios mactari, nec tamen it obuiā perfidiæ, sed auersus fugit, ita vt fugiendo ostendat se pastoris nomine indignum. Vnde dicitur: Mercenarius fugit, quia mercenarius est, & non pertinet ad eum de ouibus. Non quia non pertineat ad eum, sed quia sic agat, tanquam si nihil omnino ad eum pertineat, quandoquidem non animarum lucrum, sed pecuniæ quæritet, terrenamque mercedem cœlestibus præferat diuitiis. Talium avaritiam per Malachiam prophetam redarguit dominus, dicens: Quis est in vobis qui claudat ostia, & incendat altare meum gratuito? Et quoniam qui eiusmodi vitio laborant, à deo reprobati sunt, sequitur. Non est mihi voluntas in vobis dicit dominus exercituum, & munus non suscipiam de manu vestra. Per Ezechielem verò etiam comminatur, dum ait: Væ pastoribus Israël, qui pascebant semetipsos, nōne greges à pastoribus pascuntur? lac comedebatis, & lanis operiebamini, & quod crassum erat occidebatis: gregem autem meum non pascebatis, quod infirmum fuit non consolidastis, & quod ægrotum non sanastis, quod confractum est non alligastis, & quod abiectum est non reduxistis, sed cum austeritate imperabatis eis, & cum potentia, & dispersæ sunt oves meæ, eò quòd non esset pastor. Quo pacto enim est pastor qui nec religiosæ vitæ exemplis, nec sanæ doctrine monitis gregem sibi creditum alere curat? Quo autem magis deliciis luxuriæque indulget, eo grauius in inferno supplicium feret per Amos prophetam dicente domino: Væ vobis qui opulenti estis in Sion, & confiditis in monte Samariæ, optimates, capita populorum ingredientiés pompaticè domum Israël. Quicquid de pastoribus dicitur, & de presbyteris dictum intelligas.

gas. Cui enim sacramenta vitæ quis ministrat, eius & pastor esse debet, quantum officio suo conuenit, monendo, corripiendo, & quicquid commodis eius cui præficitur, salutique opportunum putabit, exequendo. Episcopi tamen proprium est & peculiare, publicos edere ad populum sermones, vitia reprehendere, ad capeffendas exhortari virtutes, transgressores legis apostolica authoritate castigare, ad pœnitentiam conuersos recipere. Quibus in rebus defecerit, vel per ignorantiam si nesciat, vel per negligentiam si nolit, vel pusillanimitatem si metuat, de fidelium cœtu excludetur, & canibus mutis per contumeliam comparabitur. Cur enim episcopus est, si docere nescit? aut cur scit si non vult? aut quid velle prodest, si non audet quod debet implere? Sed neque presbyter assumat curam animarum, si modò se ad eam rem ineptum nouerit. Male subitur onus, quod imbecillæ vires ferre nequeunt. In eos ergo, qui doctoris ecclesiastici sibi munus vendicant, & nequaquam docent, siue ignorance confusi, siue negligentia corrupti, per Isaiam exclamat dominus & ait: Speculatores eius cæci omnes nescierunt vniuersi, canes muti non valentes latrare. Et iterum: Ipsi pastores, inquit, ignorauerunt intelligentiam, omnes in viam suam declinauerunt, vnusquisque ad avaritiam suam, à summo vsque ad nouissimum. Perditos autem plebis mores vulgi que licentiam illorum qui præsumt incuriæ ascribi, in Ezechiele vel verbis domini discimus: Si dicente me, inquit, ad impium, morte morieris, non annunciaueris ei neque locutus fueris, vt auertatur à via sua impia & viuat, ipse impius in iniquitate sua morietur, sanguinem autem eius de manu tua requiram. Impius ergo peribit quia peccauit. Sacerdos qui eius tuendæ salutis præpositus est quia tacuit, quia peccantem non increpauit, quia errantem in viam reducere non curauit. Atque tanti periculi non igna-

Isaiæ 6.

Ezech.,.

tum, Fiant dies eius pauci, & episcopatum eius accipiat alter. & alia multa, quæ licet ad Iudam domini sui proditorem referantur, nihilominus ad sui quoque similes redundant. Sui autem similes sunt, qui ad apostolatum electi, potentioribus ita blandiuntur, ut eorum scelera dissimulent, & sic dominum osculo prodant. Eundem etiam vendunt, dum nihil ita cupide ut lucra sectantur, sed cum hi tam immani ingenti que supplicio destinati sint, illi qui ut debent, officio suo funguntur, dici non potest, quam grandi mercede remunerabuntur. De his nempe Apostolus ad Timotheum scribens, ait: Qui bene præfunt presbyteri, duplici honore digni habeantur, maxime qui laborant in verbo & doctrina. Duplici honore dignus est, cui & reuerentia exhiberi debet, & victus necessarius suppetitari, cum scriptum sit: Non alligabis os bouis triturantis. Et: Dignus est operarius mercede sua. Tunc tamen melius duplici honore digni erunt, cum animæ simul & corporis beatitudine perfruentur & aliquot felicitatis gradus cæteris eminentiores apparebunt. Satis hæc de sacerdote, nunc de sanctorum lectionum studio, fidei animæ admodum necessario tractabimus. Nihil enim rectè discitur, quod de ipso veritatis fonte non hauritur.

1. Tim. 5.

Deut. 25.

Matt. 10.

De studio lectionis. Cap. XXIII.

Igitur ad scripturæ diuinæ studium omnes qui perfectionis iter ingredi cupiunt, conuocamus cum Iohanne in Apocalypsi: Qui sitit, veniat: & qui vult, accipiat aquam vitæ gratis. Beati sunt, qui sitiunt & esuriunt iustitiam, sed nisi scripturarum lectioni operam impendant, iustitiæ præceptis nequaquam saturari poterunt. Sicut autem sitientibus dulcis est potus, ita discere cupientibus diuina sapit lectio.

Apoc. 22.

Illi

2. Tim. 6.

Scribit mo-
re antiquo-
rum.

Iohan. 19.

illi duntaxat ad cœlestem cibum nauseant, & manna fastidiunt, qui Aegyptiorum iurulentis repleti, id est, inani gentilium poëtarum eloquio deliniti, magis fabularum fictione quàm veritatis doctrina delectantur. Hi sunt qui (vt Apostolus inquit) elegerunt sibi magistros prurientes auribus, & ad fabulas conuersi, auditum à veritate auertunt. Nos contempta istorum stultitia, in quibus nulla solida sapientia est, illis tantummodo lectionibus incumbamus, quæ nobis iter, quoad immortalitatem peruenitur, ostendunt. Alioquin aquam istam vitæ, ad quam nos Iohannes apostolus inuitat, haurire non poterimus. Veteris igitur nouique instrumenti literas assidue perscrutemur. In his plenissime discitur, quid facere, quid vitare, quid credere, quid amare, quid sperare nos oporteat, vt cœlo digni simus cum terram reliquerimus. In his deum patrem à quo omnia, in his filium, per quem omnia: in his spiritum sanctum, in quo omnia facta sunt, inuenies: & hæc tria vnum deum, vnam hypostasim esse melius credendo intelliges, quàm intelligendo credes. Magnum quippe mysterium est sancta trinitas, humanæ sapientiæ altitudinem excedit, fide percipitur, sine qua ad beatorum æternitatem nemo transfertur. Audiamus autem in Euangelio dominum Iesum patri suo loquentem ac dicentem: Hæc est vita æterna, vt cognoscant te solum deum verum, & quem misisti Iesum Christum. Vt igitur fide ac virtutibus proficere possimus, abeamus cum Iesu per scripturarum fata, vellentes veteris nouæque legis spicas: & vt triticum sub paleis latens comedere valeamus, confricemus eas manibus intelligentiæ spiritualis, promentes in lucē, quicquid sub figurarum ambage condi credimus, nihil erit menti deo dicatæ iucundius, quàm nosse sensum domini, & verba aliud quàm sonant significantia intelligere. Et quoniam hanc spicarum confricationem

sabba-

sabbato ab apostolis factam legimus, hoc admonet nos ea quæ mystica sunt, cōmodè perpendi considerari que non posse, nisi cum secularibus curis liberi & expediti, sabbatum, id est, quietem agimus. Terrenarum enim rerum sollicitudo legentem implicat, & ipsa in diuersum mentem distrahens cogitatio, quæ leguntur, quæque audiuntur, non satis intelligere permittit. Intentione animi opus est, vt lecta percipias, & percepta ediscas, teneasque memoriter. Postquam autem mysticos sensus literæ tegumento velatos deprehenderis, & eos vel ad ecclesiæ nouitatem, vel ad animæ vtilitatem transtuleris, adhuc altius tibi erit insurgendum, vt etiam cœlestia perscruteris, & de visibilibus gradum ad inuisibilia facias. In montem excelsum ascendentibus discipulis apparuit dominus Iesus: non qua solebat Matth. 4. specie, sed longè elegantiori. Resplenduit enim facies eius vt sol, vestimenta eius alba facta sunt vt nix. Hunc montem ipse si mente conscenderis, videbis primum cum Christo loquentes Moysen & Eliam, atque intelliges legis ceremonias oraculaque prophetarū in Christo esse completa, ingentemque capies voluptatem, cū talia cognoscere cœperis. Vnde etiam Petrus tam valde huiusmodi visione cœpit delectari, vt ibi figere tabernacula cuperet, cœlestium oblitus. Sed neque ipse de his humilioribus oblectamentis egredi poteris, vt in sublime raptus nudam contempleris diuinitatem, nisi & te sicut apostolos lucida spiritus sancti nubes obumbrauerit, dei patris vox roborauerit, & filij eius gratia illuminauerit. Totius autem trinitatis fauore supra humanæ naturæ conditionem erectus, nec Moysen amplius, nec Eliam conspicias, sed Iesum solum. Cessant enim & figurarum vmbre, & futura prædicantium vox, cū veritatis lux oritur, & quæ ventura erant, eueniunt. Non est ergo nostrarū virium, sed opis diuinæ, vt quis legendo mysteria intelligat: quāto mi-

nus vt etiam supercœlestis contemplationis dulcedine
 mens in deum eleuata perfundatur. Hoc tamen illis
 frequentius conceditur, qui libros diuinos ita legunt,
 vt à sanctorum interpretatione non discedant: à per-
 uerfis sensibus, qui cum ecclesia non concordant peni-
 tus abhorrentes. Quare igitur in sancta lectione bo-
 nas margaritas, vt scias quid lex præcipiat, quid nun-
 cient prophetæ. Sed inuenta deinde preciosa marga-
 rita, quæ est Euangelium Christi omnibus aliis præ-
 ferendum scripturis, eam amplectere, eam exoscula-
 re, eam pro viatico habere cum ambulas, pro cibo cum
 recumbis, pro puluillo cum dormis, pro speculo cum
 vigilas, nunquam Euangelicus codex vel de manibus
 tuis discedat, vel de memoria exeat. In eo si assiduus
 fueris, cœlestium desiderio terrena contemnes, & hoc
 quidem erit, vendere omnia quæ in præsentī vita pos-
 sidentur, & ipsam emere margaritam, quæ Christi
 conuersatione fulget, & humanæ redemptionis precio
 taxatur. Quicquid autem nouum continet instrumen-
 tum, ad Euangelium pertinere censemus. Itaque cum
 Euangelio & Pauli epistolæ & aliorum apostolorum,
 & Lucæ Actus, & Iohannis Apocalypsis, & eruditorum
 hominum approbati de religione tractatus, frequen-
 ter in manibus habendi legendique tibi erunt, vt fi-
 de stabiliaris, vt virtutibus præstes, & in Christo do-
 mini meditatione perseverans, in deo tandem con-
 quiescas. Nihil ita innocentiam conseruat, & cordis
 puritatem custodit, vt scripturarum, quas diuini ho-
 mines sancto distante spiritu ediderunt, quotidiana
 lectio. Non est vt imperitiā excuses. Lege multa: & si
 solido cibo nondum vesci potes, lactis poculum ne
 spernas. Denique sume quod potes, fragmenta verò
 quæ supersunt, in doctiorum cophinos colligenda di-
 mitte. Homines & iumenta pascit dominus, doctos &
 indoctos admittit, neminem repellit. In monte apo-
 stolos

stolos docuit : de monte verò descendens, prædicauit plebi. Habes in Euangelio & vias planas, per quas incedere cum simplicibus iuuat. Habes & montes excelsos, quorum altitudinem si adire nequueris, mirari proderit. Medicamenta quibus rebus composita sunt, licet ignoret ægrotus, prosunt tamen ei, eleuantque languorem. Ita diuina verba si legantur, etiam non intellecta vim habent ad animæ sanitatem conferendam. Te nunc appello, qui diu multumque in gentilium libris versatus es, dum te comptus delectat sermo, & musici poëtarum cantus deliniunt, quantum inde tibi emolumentum contraxeris parumper cogita, & cum nihil ista tibi ad salutem profuisse cognoueris, ad Iesum tandem quæso conuersus, dic cum Petro: Præceptor, per totam noctem laborantes nihil cepimus, in verbo autem tuo laxabo rete. Et cum hoc (inquit euangelista) fecissent, concluderunt piscium multitudinem copiosam. Quod si demum in scripturæ sacræ pelago piscari te delectabit, tu quoque implebis pectoris tui nauiculam saluberrimorum præceptorum copia, quibus & ipse viuere, & alios docendo poteris sustentare. Tanta est enim diuinorum virtus verborum, vt fideliter & incorruptè & contentè legentibus intellectum illuminet, animum exhilaret, atque illa quæ præcipiuntur, perficiendi facultatem suppeditet. Quod si tacta fimbria vestimenti domini, virtus de illo exhibit & sanabat omnes, quomodo sermo eius ex intimis effusus præcordiis, dum legitur, dum auditur, animi malè affecti morbos non curabit, & à periculis perditionis non eruet? Ergo quoties aliquo seculi huius turbine agitaris, quoties carnis pugnam spiritus patitur, & pedibus laquei dæmonum inuidia tenduntur, ad euangelicas lectiones te conuerte, dormientemque in puppi saluatorem strepentibus
inter

Luc. 5.

inter legendum vel orandum oculis excita, statim illo imperante, omni tentationum æstus concidet, & concupita redibit trāquillitas. Tūc etenim diuina te lectio docebit in aduersis patientiam, in prosperis modestiam, in deum pietatem, in proximos charitatem: præstabitque in dubiis consilium, in periculis opem, in tentationum certamine victoriam. Quis hoc tibi Tullius, quis Demosthenes, quis Socrates, quis Aristoteles, aut si ad poëtas respicis, quis Homerus vel Vergilius conferre poterit? Quandoquidem nec sibiipfis quicquam prodesse potuerunt, veritatis nobis diuinitus reuelatæ penitus ignari. Porro cū experiri cœperis voluptatem atque fructum, quem tibi lectio suggeret diuina, protinus cum Psalmista cōcines: Eloquia domini eloquia casta, argentū igne examinatum, probatum terræ, purgatum septuplum. & quā dulcia faucibus meis eloquia tua domine super mel & fauum ori meo. Dulcia sanē in cortice eloquia domini, sed multò dulciora in medulla. Sacros codices piē indubitantérque legenti adsistit Christus, applaudunt angeli, congratulantur sancti, & cœlestium verborum sono maligni exterrentur spiritus ac fugiunt: denique nihil ita aut virtutes animi conseruat, aut vitia repellit, vt frequens diuinas literas legendi vel audiendi cura. Quo autem rarius his vacabis, eo citius cades, exurgesque difficilior.

Psal. 11.
Psal. 118.

De auditionis cura. Cap. XXV.

Avdire quoque quæ in ecclesia leguntur, vel eos qui absque lectione in pulpitis declamāt, auscultare plurimum expedit. Plus etiam eruditi hominis ore prolata verba mouere solēt, quā si eadem ipse conscripta legeris. Nuda in libris verba iacent, quæ si ab oratore aliquo aptè disertéque recitentur. Ipse gestus, ipse aspectus, ipsa que pronūciatio multum

ora-

orationi addet ornamenti efficaciamq; ad suadendum atque dissuadendum. Delectet te igitur cum legere quæ sancta sunt, tum quoties ab alio leguntur vel prædicantur audire. Discipulum docilem te esse volo. Is enim docilis est, qui docentem attentè audit. Ad huiuscemodi studium te hortatur Ecclesiasticus, dicens: Esto mansuetus ad audiendum verbum dei, ut intelligas & cum sapientia proferes responsum verum, Quasi dicat, discite prius, & postea docebis. Et iterum: Si, inquit, dilexeris audire, sapiens eris. Idem nobis præcipit Iacobus apostolus, cum ait: Sit autem omnis homo velox ad audiendum, tardus autem ad loquendum. Temerarius enim magister est, qui nondum ipse discipuli partes implevit, & iam alios instruere præsumit. Ut autem tacitè contentèque auscultes, & non aliò aures, aliò mentem diuidas, in mansuetudine, inquit, suscipite insitum verbum, quod potest saluare animas vestras. Inferi enim verbum non potest, nisi in molli corde & totis viribus ad audiendum intento. Verbum, inquit, quod potest saluare animas vestras. Frustrà quippe verbis illis præbemus auditum, quorum suauiloquentia aures tantum demulcentur, & nulla comparatur animo utilitas. Rectè itaque his duntaxat intendendum præcipit, quæ ad consequendam æternam salutem nos erudiunt. Sed nec audire profectò multum prodest, nisi audita memoriter retineantur: nec memoriter retinere, nisi quod memoriæ mandatum est, opere compleatur. Audis castitatis, patientiæ, mansuetudinis, charitatis præcepta: ne sinas illa per incuriam effluere, sed corde complexus foue, ut cum Psalmista dicere possis: In corde meo abscondi eloquia tua domine, ut non peccem tibi. Memento præterea de ipsa dei genitrice scriptum esse in Evangelio: Maria autem conseruabat omnia verba hæc in corde suo, ita & tu quicquid ab ecclesiæ sanctæ doctoribus prædicari audieris,

Eccl. 5.

Iacobi 1.

Psalm. 118.

Lucæ 2.

ris, in intima cordis aure reconde, veluti preciosum vnguētum in pixide, quo postea opportunè vtaris ad tuā aliorumque salutem. Quòd si terra bona fueris, non petrosa, non spinis obsita, susceptum verbi semen haberem tibi fructum faciet: & sicut didiceris, ita & operari incipias, ac secundum legis euangelicæ præcepta reliquum vitæ cursum dirigere studebis. Alioquin neque legere, neque audire proderit si ab iis quæ præcipiuntur, morum conditio discors erit. Et si nosse desideras quantū ignauus auditor & impiger inter se differant, audi in Euangelio dominum dicentem: Omnis qui venit ad me, & audit sermones meos, & facit eos, ostendam vobis cui similis sit: Similis est homini ædificanti domum qui fodit in altum, & posuit fundamentum supra petram, inundatione autem facta, illisum est flumen domui illi, & non potuit eam mouere, fundata enim erat supra petram. Qui autem audit & nō facit, similis est homini ædificanti domum suam supra terram sine fundamento, in quam illisus est fluuius, & continuo cecidit, & facta est ruina domus illius magna. Sicut ergo infirmus & imbecillus est, qui non facit opera, ita ad omnem malignæ temptationis impetum constans est & stabilis, qui assiduè in bonis operibus exercetur. Quamobrem sollicitè nos admonet Iacobus apostolus, & ait: Estote factores verbi & non auditores tantum, fallentes vosmetipsos, quia si quis auditor est verbi & non factor, hic comparabitur viro consideranti vultum natiuitatis suæ in speculo: considerauit enim se & abiit, & statim oblitus est qualis fuerit: qui autem perspexerit in lege perfectæ libertatis, & permanserit in ea, nō auditor obliuiosus factus, sed factor operis, hic beatus in facto suo erit. Ideo quidē & dominus in Euangelio: Beati, inquit, qui audiunt verbum dei & custodiunt illud. Hanc itaque beatitudinem opere magis quàm auditione constare ostendit, dum subiungit: Et

custo-

Lucæ 6.

Lucæ 12.

custodiunt illud. Custodiunt autem illud, qui bene beateq; viuendi rationem edocti, peccatis in quibus haftenus fuisse se recognoscunt, finem statuunt, & ab his per poenitentiam resilientes ad capeffendas virtutes disponuntur, magnamque capiunt voluptatem vel legendo diuina vel audiendo. In quo Mariam ad pedes domini sedentem diligēter obserua, tantaque perfusa in sermonis eius dulcedine, vt nulla sororis Marthæ interpellatione inde mota sit: & quoniam toto corde celestis magistri amplectebatur disciplinam, optimam partem dicitur elegisse, quæ non auferetur ab ea. Christum enim elegerat, in cuius vnus contemplatione tam suauiter quiescebat. Quotus autem quisque est, qui sic in ecclesia sacris prædicationibus interesse nititur, vt præcepta vitæ absque operatione non elabi sinat? alius nullo amoris affectu illa suscipit, alius tamen etfi donec audit aliquantulum compungitur, mox tamen inde discedens ad consuetas nequitiae sordes reuertitur, tanto nequior factus, quāto inexcusabilior. Talibus dicit dominus: Qui ex deo est, verba dei audit, propterea vos non auditis, quia ex deo non estis. Non ergo omnes, qui in auditorio sunt, audiunt verbum dei, sed is qui illud quod audit, opere perficere contendit, & hic quidem ex deo est: illi verò non ex deo, sed potius ex diabolo sunt, qui diaboli obstinationem duritiamque imitantur, nec omnino à vitiis resipiscere quicquam pensi habent. Itidem tibi diuini prædicatores cum Iohanne apostolo respondebunt, si eorum monita contempleris, dicentes: Nos ex deo sumus, qui nouit deū, audit nos, qui non est ex deo, non audit nos: Omnes natura ex deo sumus, vitio autem nostro fit vt ex deo non simus. Porro dici non potest, quā pessimè cum homine illo agitur, qui cū dei creatura sit, iam non dei, sed aliorum esse conuincitur.

Idem 10.

Iohan. 8.

1. Ioh. 14.

De contemplatione. Cap. XXVI.

Psal. 23.

Marci 5.

Q Voniā autem in scripturis alia ad actionem pertinent, alia ad contemplationē, templum videtur, ut ista quæ sub fidei titulo explicauimus, contemplandi ratione claudamus. Igitur ad consideranda dei opera puritate mentis opus est, ut authoris dulcedinem fidelis considerator valeat degustare. Quis enim ascēdet in montem domini, aut quis stabit in loco sancto eius, nisi innocens manibus & mundo corde? Illos ergo magis ad hanc rem idoneos esse certum est, qui vitæ probitate perfectioni Euangelicæ propius accedūt. Hinc apostolis ipsis datur nosse mysterium regni dei. Hinc Paulus ad tertium usque rapitur cœlum. Hinc Iohanni futura, quibus referta est Apocalypsis, reuelantur, & vnica sanctæ trinitatis diuinitas in principio sui Euangelij declarata plenissimè innotescit. Idcirco saluator noster illum, quæ a dæmonio liberauerat, continuo volentem sibi adherere non permisit, sed prius ut se exerceret, iussit: alijs prædicādo dei beneficium quod acceperat. Necesse autem est ut sanctis actionibus quā sapissimè copuletur, & penè assidua comes sit pia cōtemplatio, si in his ut debemus, perseverare atque proficere cupimus. Sic enim bene operando acquiritur ut rectè contemplemur, ita contemplando, ut sanctius officiosiusque operemur. Nihil quippe ita mouet atque allicit animum ad colendum omnium authorem deum, ut opera eius cogitatione percurrendo beneficiaque perpendendo, quæ omnem taxationem supereminent & excedunt, immensa atque infinita, eoque magis optanda ac desideranda, quo minus humano ingenio explicari comprehendique possint. Ad illa ergo cōsurgat animus terrenis negotijs expeditus, & non solum ea quæ oculis cernimus, sed etiam quæ intellectu percipiuntur cogitet.

Verun-

Veruntamen ab his quæ videtur incipiat, vt quasi per gradus ascendendo ad ea quæ non videntur queat peruenire. Primum itaque cum propheta ad deum cõuersus dic: Meditabor in operibus tuis. Quæ nam sunt opera ista: terra, mare, cœlum, quorũ ille admiratione captus in eam tandem prorupit vocem: Quàm magnificata sunt opera tua domine, omnia in sapientia fecisti. In medio enim firmasti terram sua mole libratã, partim aridam, partim aquis circumfusam, collocasti tam varia in mari piscium genera, q̃ in sicco quadrupedum pedibusq; carentium reptilium, & supra terram aëra permeantium volucrũ, produxisti de terra tot frugum species, tot arborum, tot lapidum, tot metallorum, & qui his vteretur, præstantissimum inter animantia hominem. Tuum opus sunt cœlestia, sol, luna, stellæ; quarum cursus, naturas, formam, decoremq; oculis intuemur, & tamen qua materia consistit, dicere nequimus. Tu cœlum quo omnia ista circundantur, extendisti, quod statutis initio reuolutionibus, perpetuò moueri ac circumferri videmus, quemadmodũ cætera omnia, & nos soli (proh nefas) legem tuã toties præterimus. Miramur præterea nubes pendere, ventos concitari, micare ignes, fulmina ruere, pluuias, grãdines, niuēsq; defluere, & tellurem ab iis irrigari, quæ singula si dignè considerentur, tantum admirationis habent, vt non solum dei sapientiam, à quo facta sunt testentur, sed eiusdem potentiam, qua nihil potētius, & bonitatem, qua nihil melius, possit excogitari. Ille homines corporeos, ille incorporeos angelos fecit, vtrosque ad fruendam cœlestis regni beatitudinem benignissimè constituens. Ex his tamen non parua pars per arbitrij libertatē suo aduersata est creatori. Inter quos angeli cū peccassent, à tanto bono diuina largitate sibi collato excidēre. Itaque protinus de cœlo præcipitati, & in intima corruentes irreuocabili damnatione puniti sunt.

Psal. 70.

Psal. 103.

Homini autem quandiu in corpore viueret, quia ignorantia magis quàm malitia peccauerat, datus est pœnitentiæ locus, vt quod seductus malè appetendo commisit, dolendo emendaret. Sed tamen pristinæ gratiæ statum recuperare de radice corrupta geniti nequiuimus, donec ille qui non per copulam carnis, sed de virgine intacta per spiritum sanctum est natus, in mundum veniret, & nos corporis sui sacrificio expiatis deo patri reconciliaret. Exinde credentibus atque pœnitentibus cœlum patere cœpit. Quòd si quis à malo, quod deinceps commisit, nō se correxerit, atque ita obierit, ipse quoque cum reprobis spiritibus pœnis mancipabitur sempiternis. Tunc enim quisque ratam iudicis in se sententiam accipit, cùm de corpore egreditur, iterum postea cum corpore simul iudicandus, cùm mortui resurgent viui, & canente tuba throni positi erunt, vt quisque illud quod viuendo meruit præmium consequatur. Hinc demum neque beatorum gloriæ ullus vnquam erit finis, neque supplicij iniquorū. Atque hæc sanè sunt nouissima illa quorum nos memores esse iubet Salomon ne peccemus. Nihil enim vel peccandi appetitum magis frenat, quàm futuræ damnationis metus, vel ad virtutem magis excitat, quàm mercedis promissæ spes: vt igitur probè innocenterq; viuas, imitare prophetam dicentem: Cogitavi dies antiquos, & annos æternos in mente habui. Antiqui sunt dies, qui prætereunt, & ad præsentis vitæ breuitatem pertinent, anni verò æterni ad vitæ futuræ infinitatem spectant: & si finiti ad infinitum nulla est comparatio, cur quæso pro breuib; deliciis amittimus æternas, & non potius cum breui labore transimus ad quietem gaudij perennis? Conscij igitur fragilitatis nostræ, nec per se bonum quod cupimus, valentes perficere, leuemus oculos ad montes cum Psalmista, & mente cœli culmina penetremus. Inde veniet nobis auxilium
à do-

à domino, qui fecit cœlum & terram & omnia. Non possumus rectè de illo aliquid speculati, nisi ab ipso adiuti, qui que nobis relictî retrò labimur, dei ac domini nostri ope subleuati vsque ad thronum maiestatis eius perueniemus. Ad contemplandam itaque diuinitatis altitudinem, dic cum propheta: Ad te domine leuaui animam meam, deus meus in te confido, & tunc fiet quod in alio psalmo dicitur: Accedet homo ad cor altum, & exaltabitur deus. Quanquam tam altè accedere, vel tam profundè de deo cogitare nequimus, quin ille semper omni meditatione nostra in immensum maior sit: exaltatur tamen in nobis, quoties quæ vera sunt de ipso sentimus, & quemadmodum sentimus, ita nec palam confiteri metuimus. Deum autem sicut decet contemplantibus multa interdum infunditur spiritus sancti suauitudo, qua delectatus propheta orabat, dicens: Lætifica animam serui tui, quia ad te domine animam meam leuaui, quia tu domine suauis & mitis, & multum misericors omnibus inuocantibus te. Hac ipsa cœlestium meditationum iucunditate temperari calamitatum suarum mœrorem humilis Iob optabat, cùm diceret: Quis mihi tribuat vt cognoscam & inueniam illum, & veniam vsque ad solium eius? Tutissimum sibi refugium ratus in miseriis celsitudinis diuinæ contemplationem. Qui enim cœlestis æternitatis bonum mente complectitur, caduca omnia facilè contemnit. Quosdam talis meditatio intantum occupat, vt abstracti à sensibus toto corpore obstupescant, mortuisque simillimi appareant, cùm per dies multos nihil de necessitatibus corporis curantes immoti mutique perdurent. Id Græci extasim, nostri stuporè appellant. Hunc passus Paulus transcendit cœlos & audiuit arcana verba, quæ non licet homini loqui: nescireque se fatetur, vtrum cum corpore an extra corpus raptus fuerit, cùm id sibi contigisset, Iohannes quoque

Psal. 24. 1.

Psal. 85.

Iob 11.

2. Cor. 11.

Apocal. 1.

in Apocalypsi se in spiritu non in corpore fuisse ait cum dominum vidit: Et cum vidissem eum, inquit, cecidi ad pedes eius tanquam mortuus. Sed quo viso per se stare non poterat, ab eo erectus mirabili mysteriorum visione perfrui cepit. Diuus quoq; Hieronymus noster hanc se gratiam a domino quandoque accepisse gloriatur, ut secessu quodam mentis & angelorum choris interesset, & nescio quibus oculis in vno deo vidisset trinitatem, ac per hebdomadam vel plurimum dierum spacium de corporeis nihil curaret, sibi que tandem redditus, eorum quæ viderat desiderio recordatione que afficeretur & fieret. Nouit ergo dominus eis quos elegit, etiam ante mortem suæ dulcedinis mella delibanda porrigere, quæ tunc plenis poculis propinaturus est, cum illos omni prorsus terrenæ labis fece deterfa ad se sursum iusserit venire, & sanctorum ciues ac suos domesticos fieri beatos in æternum futuros.

De loco & tempore contemplationis.
Cap. XVII.

CAeterum & locum aptum, & tempus huic rei congruum obseruare debemus. Tunc enim mens liberius intentiusque contemplationi suæ inhæret, cum a turba secedimus, & nemine interpellante soli in solo loco sedemus nihil aliud agentes, nihil curantes, eis tantum rebus intenti, quas animo volumus menteque versamus. Ob hoc plerique relictis vrbibus deserta & solitudines incolunt, existimantes non posse se commodè cum deo simul & hominibus esse, colloquiis enim eorum cœlestis contemplationis ardorem interceptum frigescere, in se-

cessu verò in dies magis accendi solere. Tempus præterea nocturnum maximè accommodum videtur. Tunc siquidem omnia animantia quiescunt, neque hominum, neque pecudum vox auditur, nec auicularum garritus auribus obstrepit, nihilque sentitur, quod mentem cœli secreta rimantem grauet, aut quicquam molestat. Hoc tibi affirmat Psalmista, dicens: Meditatus sum in nocte: cum corde meo, & scopebam spiritum meum. Summum etiam mane, dum adhuc nox dubia & dies incertus, quod crepusculum appellant, non minus erit opportunum quàm nox ipsa. Nam tunc quoque nocturnum silentium adhuc perdurat, & quod plus est, discusso iam sopore ciboque digesto syncerior animus ad quæque consideranda viuaciorque consurgit. Vnde idem propheta in alio Psalmo ait: Præuenerunt oculi mei ad te diluculo, ut meditarer eloquia tua. Sed interim neque nos fortasse quicquam musitare oportet dum contemplamur. Loquentis enim meditatio, oratio nuncupatur, sicut & legentis lectio, & audientis auditio. Nam licet etiam orando, legendo, audiendo pensemus æstimemusque ea quæ dicuntur, propriè tamen contemplatio ipsa est, quæ cum silentio, & neque sensuum, neque corporis, sed sola mentis agitatione perficitur. De huiusmodi contemplatione in Ieremia scriptum est: Sedebit solitarius & tacebit, quia leuauit se supra se. Veruntamen præ omnibus quæ piis animis recolenda & contemplanda sunt, expediens erit redemptionis nostræ ruminare mysteria, & eadem quàm sæpissimè ad memoriam reuocare. Quanto enim maius beneficium fuerit, tanto illud rememorando magis erga benefactorem amore accendimur. Primorum parentum præuicatio, de paradisi deli-

Psal. 76.

Psal. 113.

Thren. 3.

ciji

ciis omnem ipſorum expulerat poſteritatem, eademq; damnationis lege ſimul omnes præmebamur. Miſertus autem deus filium ſuum miſit vnigenitum, qui vt pro nobis ſatisfaceret, carnem ſuſcepit ſerui, cùm eſſet omnium dominus: viam veritatis demonſtrauit, cùm totus terrarum orbis præter Iudæam, impiæ religionis erroribus plenus foret. Morti æternæ obnoxij eramus, ille vltro ſe morti crucis obtulit, vt nos à morte liberatos ad felicia vitæ promiſſa reuocaret. Mortuus & ſepultus reſurrexit, cœlumque cum homine aſſumpto aſcendit, vt homines de terræ puluere tandē ſurrecturos monſtraret, & cum corpore iam neque mortalitati neque corruptioni ſubiecto, ſicut nec ille ſubiectus eſt, cœlum petituros, ſi modò ipſum ſequi fide opereque voluerint. Igitur tãti ac talis beneficii magnitudinem animo metiendo, quis adeò ingratus erit, vt potius eligat illa, quæ caro appetit, quæ mundus blanditur, quæ ſuadet diabolus, quam quæ omnium creator deus, omnium redemptor ac ſaluator Chriſtus iubet: cùm præſertim per iſta mundati ad cœleſte regnum perducamur, per illa autem æterni ignis cruciatibus mæcipandi ſimus. O ſtupendam obſtinatorum cæcitatē. In tanta temporis breuitate nolunt carere voluptatibus, per quas certiffimum eſt ad inferos præcipitium, & laborem tam modici temporis defugiunt, per quem aditus ad ſupernam beatitudinem veriffimè comparatur ſine ſine fruendam.

De prauis cogitationibus cauendis.

Cap. XXVIII.

Quantum autem ad bene beatēq; viuendum conferre ſolet diuinarum rerum contemplatio, tantum ad malè agendum alliciunt cogitationes prauæ. Quæ cùm etiam inuitis nobis & nolen-
tibus

tibus frequenter obrepant, quanto violentiores putas fore, si quando victus manum dederis, qui nunc repugnas? Mihi crede, nisi semper bellū cum illis quā pacem malueris, per sensuum tuorum ianuas ad animam vsque ingredientur, & per blandimenta eā subuertent, subuersam interiment. Anima enim mala cogitatione Iacobi 1.
 fœcunda, parit peccatum: peccatū verò cū perpetratum fuerit, generat mortem. Igitur tametsi aduersarius hic noster, id est, perniciosus cogitatus, non potest sic penitus repelli & in fugam conuerti, quin rursū aliquando collectis viribus in prælium redeat, mentisq; nostræ arcem oppugnet, portis instet: donec tamen intus non irruerit, ac dominari cœperit, tuti sumus: nec verendum est ne fortè per vim irrumpat, neminem vincit nisi volentem. De illis duntaxat, qui se in potestaté eius non inuitè dedunt, triumphare consuevit, & eos ad interitum vsq; perducere. Nihil itaq; aliud est, impuræ cogitationi totum animi assensum præbere, quā ab hoste nobis infensissimo sanguinisq; nostri in primis cupido superari velle. Manifesta autem stultitia est, ei spontè cedere, à quo nil nisi necem speres. Hoc tibi testatur Salomon, dicens: Qui cogitat mala facere, stultus vocabitur. Ac ne fortè de furioso, cuius error excusatur, dictum putares, continuo intulit: Cogitatio stulti peccatum est, Stultus ergo, nec tamen excusabilis peccator erit, qui quicquid appetitio suggererit, illud protinus curabit sequi: & carni magis quā spiritui seruire decernet. Quæris quonā pacto non solum in factis aut dictis, verumetiam in ipsa cogitatione possit esse peccatum? Rem alienam iniuste concupiscis, bonum alterius inuides, læsus vindictā appetis, visæ mulieris venereo amore turpiter exardescis, & quodcunque malum ita cogitas, vt si posses, perficere velles, ab illo qui etiam occultorū iudex est, pro facto tibi imputabitur. Alter enim deus, alter homo
 iudi-

Prover. 24.

iudicat, deus quem nihil latet, in omnibus voluntatis affectum pensat: homo verò, quia cordis alieni secreta rimari nequit, cōmissum tantummodo crimen examinat, nec quærit, prudens an imprudens feceris aliquid mali, sed semper tanquam voluntarium punit. Deniq; apud deum qui odit fratrem suum, homicida est, apud homines verò non habetur pro homicida, nisi qui cōficit hominem. Apud deum qui viderit mulierem ad concupiscendā, iam mœchatus est eam in corde suo: apud homines nisi cōmissi adulteri, conuictus fuerit, pro concupiscentia quæ cordis crimen est, plecti non debet. Sed quid prodest, pro cogitato flagitio humanæ legis multam non subire, cū propter illud iudicio dāneris diuino, & æterni reus habearis supplicij? Lex diuina vxorē proximi, bouē, ancillam, & quicquid illius est, concupiscere prohibet, si concupieris tantum, legē dei præuaricatus es, qui autē sic peccat, nisi eū poenituerit, nō poenam temporariā meretur, sed æternā. Ideo in sacris literis est scriptū: Peruersæ cogitationes separāt a deo. Et iterū: Abominabile domino cor prauum. Quod si beati sunt mundo corde, quia deū videbunt, profectò qui immūdæ cogitationes scditate inquinantur, deū videre non poterunt. Quis autē dicere queat, quāta sit infelicitas illius desperare conspectū, in quo vno videndo omnis nostra beatitudo consistat? Quamobrē totis viribus est cauendū, ne cū tanto animæ nostrę dispendio, illicitę cogitationis laqueis irretiamur, & dominus, cui nihil est absconditū, sicut olim Iudæis, ita etiam nobis exprobet, dicens: Vt quid cogitatis mala in cordibus vestris: Primò suggestioni lasciuientium cogitationū erit resistendū, ne placeant, deinde si quicq; delectauerint, ne catenus gratę sint, vt vsq; ad cōsensum facti animū inclinent. Quod si euenierit, iam certē cōmisisti scelus illud, quod cogitasti vt cōmitteres, si adesset facultas, dareturq; occasio. Quo-

tie

Sapient. 1.
Prouer. 11.

Matth. 9.

ties enim iniquæ actionis implendæ potestas tollitur, volûtas peccâdi pro facto habetur. Cum ergo se nobis noxij perniciosique ingerent cogitatus, præteruolare præterq; labi sinatur. Non habebunt in corde nostro vllum remorandi locû, si contraria illis cœperimus cogitare, & vitij virtutisq; finē taciti perpédere. Brevis est vitiorum voluptas, sed æternû suppliciû. Brevis est virtutis exercédæ labor, sed inestimabile & infinitum præmiû. Faceſſat igitur malignæ cogitationis mortifera delectatio, quæ incautos in barathrum præcipitat inferni. Maneat autē diuinorû operum diuinarumq; legum meditatio salubris, quæ nos ad cœleſte regnum transmittat, & ſanctorû angelorû faciat eſſe cōſortes. Verûtamen ſi ad puræ contēplationis domû cupimus peruenire, nō ſolûm ſceleſtæ cogitationis vitæde erûnt, ſed etiam futiles ac vanæ. Vana cogitatio eſt circa ea quæ fluxa atq; fragilia ſunt, nec quicquam in ſe ſolidæ vtilitatis habent. Imprudentis eſt igitur de bonis corporis aut externis cogitare, quæ permanere nullo modo queunt, & æterni ac ſtabilis boni, ad quod fruendû creati ac nati ſumus, non ſatis recordari: cû præſertim hoc haberi nō poſſit, niſi illa contemnuntur: neq; liberè & expeditè de hoc aliquid conſiderari, niſi illa fermè obliuiſcâtur. Quandoquidem omnia relinquerè & ſe ſolûm ſequi iubet eos dominus, qui inter ipſius diſcipulos cenſeri deſiderant. Sola itaq; de deo cogitatio vana eſſe nō potèſt. Ideo Salomonis te ſapiētia hortâtur, & ait: In omnibus viis tuis cogita dominum, & ipſe diriget grefſus tuos. Aliud verò cogitantes, vanitatis arguimur, dicente propheta: Dominus ſcit cogitationes hominû quoniâ vanæ ſunt. Conſecta eſt prima propoſiti operis pars, quâ titulo Fidei applicandâ cenſuimus: nûc de Spe, & quæ illi magis arbitramur conuenire, ſpiritu ſancto inſtruento differemus.

LIBRI I. FINIS.

EVAN-

Prouer. 3.

Pſal. 93.

EVANGELISTARII

MARCI MARVLI LI-

ber II. de spe & aliis virtutibus ac
vitiis, quæ vel spem conse-
quuntur, vel ei ad-
uersantur.

De spe veniæ.

Cap. I.

Matth. 4.



PES EST SUMMI BONI
Deo miserante potiundi expectatio.
Peccauimus domino, legi iussisq; eius
non vt oportuit parendo, agamus pœ-
nitentiam, & speremus veniam, & mi-
serebitur nostri deus noster. Pœniten-
tiam, inquit, agite, & appropinquabit regnum celo-
rum. Sed de pœnitentia postea suo loco tractabitur, mo-
dò autem quàm misericors est dominus, quàm facile
iis, quos delicti pœnitet, ignoscat, videamus: vt & ipsi
nobis remissurum delicta confidentius speremus, cum
aliis quoque multis eum remisisse ex Euangelio didi-
cerimus. Remisit Matthæo teloneum, Zachæo frau-
des, mulieri deprehensæ adulterium, latroni rapinas
& homicidia, apostolo negationem. Igitur si mercatu-
ræ negotiationiq; operam impendis, desine vsuris rem
quærere, atque hactenus quæsisse dole, sicut fecit Mat-
thæus, quicquid dolo, fraudibusve interuersum est, re-
stituere, & tantum vitæ necessariis contentus esto, sicut
fecit Zachæus, ac tum demum poteris esse discipulus
Christi, cum desieris esse māmōnæ seruus. Porro si ve-
nereæ voluptatis obscœnitatibus es pollutus, & tua te
accusat conscientia, ingemisce compunctus, ora vt mun-
deris, mundata autem conscientia per confessionis pœ-
nitentiæque sacramentum, dicet tibi dominus, quod
antè

Lucæ 5.

Idem 19.

antè dixit adulteræ: Vbi sunt qui te accusabant? nemo te condemnauit? nec ego te condemnabo. Vade, & noli amplius peccare, præterea si fortè odio habes fratrem tuum, si rapuisti, si percussisti, si occidisti, confitere crimen, dic te dignum supplicio, sed tamen vt misereatur tui dominus instanter postula. Vis nosse quantum hoc tibi profuturum sit? Ille qui sic peccauerat, sic pœnituerat, de cruce ascendit ad paradisum, angelorumque fit socius, qui fuerat latronum. Cæterum si etiam omnium maximum scelus commisisti, hoc est, si Christo renunciaisti, & vel Iudaica vel Machumetana, vel aliqua alia impietate subuersus es, cogita quò excideris, quantum mali perpetraveris: & ad mentem sanam rediens amaris fidei fletibus, Petri exemplo, laua perfidiæ sordes, & mereberis rursus fieri membrum ecclesiæ, à cuius corpore auulsus fueras, & iam cum mortuis computatus. Hæc tecum meditare, hæc mente reuolue. Nunquam veniam desperabis ô peccator, si & istorum quos modò commemorauimus crimina, & domini erga ipsos benignitatem atq; misericordiam rectè mensus fueris. Sed fortasse dices, non solum grauiora & horrenda sunt peccata mea, verumetiam plurima, vixque vllò calculi numero comprehensibilia. Igitur ne multitudo criminum spei tuæ detrimentum faciat, respice mulierem illam, cui quotidiana delicta peccatricis cognomentum indiderant. Videns onere tot flagitiorum se infelicitè premi, accessit ad Iesum, lachrymis pedes eius lauit, capillis deterfit, vnguento perfudit, & statim mortifero fasce leuatur, dimittunturque ei peccata multa, quia dilexit multum. Vtrum de Maria Magdalena dictum, an de quadam alia, incertum est, & tamen de Maria quoque septē dæmonia eiecta fuisse Marcus testatur, per quæ vitiiis quibus inquinata fuerat, purgatam designat. Et ipsa igitur perpetua diaboli serua fuit, sed cū finem iniquitatibus fecisset, meruit

Lucæ 23.

Lucæ 7.

Marc. 16.

Iohan. II.

ruit feri discipula Christi. Remissorem autem vt magnum ita & multorum peccaminum se esse ostendere volens dominus, mulierem duodeuiginti annos inclinatam erexit, Lazarum post quadridui sepulturam iam potentem ad vitam reuocauit. Quāuis ergo diu te satanas alligatum tenuerit, quamuis longo peccandi vsu am obduraueris, & toto tempore in scelerum tuorum monumento iacens contabueris, exolve tandem vincula, rumpe laqueos omnes: & diutinam mortem detestatus, ad illum conuertere qui suscitatur mortuos, & qui sepultos tumulatosque facit reuiuiscere, & excusso de pedibus puluere mudatos exire, qui dimitti iubet peccanti non tantum septies, sed etiam septuagies septies. Semper itaque spera in domino, & ora cum propheta & dic: Miserere mei deus secundem magnam misericordiam tuam, & secundum multitudinem miserationum tuarum dele iniquitatem meam: vt & misericordiam magnitudo magnitudinem, & miserationum multitudo multitudinem tollat delictorum. Postremo ita tibi persuadeas velim, nullum esse omnino vitiorum genus, nullum numerum, quin vtrumque clementia ignoscat diuina his quos peccasse poenitet, & misericordiam implorare non piget, a peccatis quibus deus offenditur pro viribus abstinendo, quibus placatur iustitiae operibus sese exercendo. Solis impoenitentibus & desperatis non est veniae locus, nequius tamen peccant qui desperant, quam qui praesumunt, de vtrorumque nunc vitio cum de spe veniae satis haecenus dictum sit, breuiter explicemus.

Psal. 2.

De desperatione. Cap. 2.

Qui praesumunt, quoniam in peccatis perseuerando se saluari sperant, dei iustitiae derogant. Qui vero desperant, quia sibi ignosci posse diffidunt, dei misericordiam denegant. Praesumptione

ptione vsuse est latro à sinistris dominicæ crucis pendens, cum dixit: Si tu es Christus, saluum fac teipsum & nos. Non eum erroris pœnitet dubitando de Christo, non criminis, rapinas quas fecerat silentio præmittendo, & tamen arroganter petit vt saluetur. Sed licet ille de pœna, quam tunc patiebatur, liberari postularit, ei tamen illi simillimi sunt, qui corrigi nolunt, & pœna quâ in inferno luituri sunt, se liberos fore sperant, deum quidem misericordem esse confitentes, iustum autem negantes. His contrarij sunt qui desperant. Grauitatem enim delictorum suorum considerant, & magnitudinem diuinæ miserationis non perpendunt. Desperauit Cain, cum fratre interempto diceret: Maior est iniquitas mea, quàm vt veniam merear. Si de dei clementia rectè sensisset, profectò etiâ id quod non merebatur, ab eo sese impetraturum pœnitendo sperasset. Nemo quippe veniâ accipit, quia ipse meretur, sed quia benignus est ille, qui eam largitur. Desperauit & Iudas domini sui proditor: Peccaui, inquit, tradens sanguinem iustum, restituitque argenteos, quos iniquè acceperat. Sed nec pœnitentia illi profuit, nec satisfactio, quia dolore superatus ad laqueum confugit, non ad dei misericordiam. Dolere quidem debuit de peccato, sed non ita vt spem quæ in deo est, de manibus dimitteret. Nos igitur qui deum in multis offendimus, & dolendo de culpa veniam speremus, & sperando veniam de culpa, doleamus. Vtrunque necessarium est ei, qui & pœnas cupit euitare, & beatitudinem consequi sempiternam. De spe autem temerè præsumendum dicitur: Spes impiorum peribit. Et de errore desperantium: Si desperaueris, inquit, lapsus in die angustie, imminuetur fortitudo tua. Dies angustie, dies iudicii est. Cuius autem tunc fortitudo imminuta fuerit, hic demonum accusationibus grauatus, damnationi succumbet.

Lucæ 23.

Gene. 4.

Matt. 28.

Prouer. 10.

Prouer. 24.

De decem præceptis.

Cap. 3.

Exodi 20.
Præceptū I.

- I.** Illius autem spes nunquam fallitur, qui dei præcepta quàm potest studiosè obseruat, dicente domino in Euangelio: Si vis ad vitam ingredi serua mandata. Mandata vocat quæ decalogo continentur: Non habebis deos alienos, deus enim vester vnus est. Qui somniis & sortilegiis & maleficorum diuinationibus fidem præstant, deos alienos colunt. Cùm enim solius diuinæ sapientiæ sit, futura nosse: hoc quod dei est, aliis tribuere præsumunt. Non facies sculptile, eo videlicet animo, vt adores illud, ac pro deo habeas. Non est sceleris huius expers, qui pecuniam seculique diuitias magis quàm æquum bonumque diligit. Apostoli auctoritate hoc probamus, qui Colossensibus scribens, auaritiâ simulachrorum seruitutem appellat. Neque tamen per hoc mandatum ars reprobata est sculptorum vel pictorum. Non pingere aut fingere simulachra ventantur, sed adorare, ideo sequitur: Non adorabis ea neque coles: ego enim sum dominus deus tuus. Quòd autem nos quoque Christi sanctorumque imagines adoremus, non ad ipsas imagines, ne idololatriæ arguamur, sed ad eos quorum ipsæ imagines apparent, adorationem dirigimus. Idcirco autem eiusmodi simulachra publicè proponi solent, vt quoties conspecta fuerint, ad memoriam res gestas eorū quibus dicata sunt, reuocent: & ad imitandum fidelium mentes accédant.
- II.** Non assumes nomen domini dei tui in vanum, ne contemnere videare, quod præcipuè oportet reuereri.
- III.** Memento vt diē sabbati sanctifices. Nos verò sabbati obseruationem ad diem dominicum trāstulimus, ne cum Iudæis in Christum non credentibus videamur sentire, qui eum in sepulchro mortuū sabbato quiescente fatentur quidem, sed postea viuum resurrexisse negant. Itaque ob resurrectionis reuerentiam, eò quo facta est die

die ab operibus vacamus, nec tamen ita superstitiosè, vt Iudæi sabbato. Nam & mensas paramus, & calices abluimus, & multa huiusmodi agimus. Etenim seruilis opera quæ vetantur, peccata potissimè, quibus deus offenditur intelligimus, à quibus certè tunc magis est abstinendum, cū diuino cultui opera impenditur. Neque aliam ob rem festo die cessare debāt manuum exercitia, nisi vt quisque cæteris omnibus curis expeditus diuina tantum tractet, templa visitet, precationibus incumbat, missalibus sacrificiis intersit, prædicationes audiat, & totum tempus illud in dei laudē cultumque expendat. Cū ergo dominicis feriatisq; ab ecclesia institutis diebus maximè à scelere abstinendū sit, cur vos infrenis ac petulans iuuentus tunc præcipuè in ganeis crapulamini: in choreis lasciuitis: in iocis & ludis defluitis: alearum tesserarumque lusionibus tempus diuino honori dedicatum impiè cōsumitis: In quo quidem lusu nec amissæ pecuniæ damnum sine infamia, nec lucrum sine restitutionis debito, nec vsus est sine peccato, nisi fortè periurare, & dolos intēdere, & aliena iniquè concupiscere; & inter se idētidem rixari atque in contumeliam prorumpere fas esse dixerimus, omitto quod interdum nec manibus temperatur, & vsque ad vulnera cædesque peruenitur. Quanto ergo leuius crimen ab his diuertere, & alicuius honestæ artis laboribus diem illum conterere, quàm per otium ad tam nefanda flagitia conuerti? Profectò minus offenderitis, nullum omnino diem festum agere, quàm hunc quem agitis tot vitiorum obscœnitatibus profanare. Concessus fuit olim Iudæis repudiij libellus, ne in vxores quæ displicuissent veneno sœuirent, sed potius viuas dimitterent. Agè iam permittatur & vobis, vt omnes dies profesti sint, nullus festus, vt potius manuū labore occupetur animus, quàm nihil agendo malè agere assuescat. Nullus igitur sit vobis dominicus dies, ne ip-

sum qui dominicus est, in diabolicum cōuertatis, dum
eo toto tempore, quo ab operibus vacui estis, non tã do-
mino quàm diabolo seruitis. Itaq; non quidem ad vos
pertinere arbitror hoc quod dicitur: Memeto vt diem
sabbati sanctifices, cùm nequaquam sanctificetis eum,
sed polluat. Vt autem & ad vos pertineat, redite iam
ad mentem & intelligite, ideo festis diebus à seculari-
bus negotiis feriandum præcipi, vt exerceamur in di-
uinis, & non vt hauriendis luxuriis, voluptatibusque
incumbamus. Et hæc sanè præcepta sunt, quæ ad dei
duntaxat cultum spectant, reliqua verò circa cha-
ritatem, quam proximis debemus, versantur: Honora,
inquit, patrem tuum, & matrem tuam, vt sis longæuus
super terram, quam dominus deus tuus dabit tibi. Na-
tura ipsa nos prouocat, gratis parentes nostros colere
& amare, quãto magis hoc facere debemus, cùm etiam
præmium proponatur longæuitatis? Neque si quos-
dam in primis parentum studiosos parum diu vixisse
noueris, de promissione diffidas. Ideo terrenū & tẽpo-
rale bonū interdum citò subducitur, vt cœleste & æter-
nū gradu beatitatis celsiore cumuletur. Non occides.
Cùm neminem tibi lædere liceat, multò minus interiri-
mere. Ne iudici quidem aliquem capitis reum ex odio
fas est interficere, sed ex lege. Quamobrem non tibi,
sed illi, qui exequendis legibus præficitur, dictum est:
Maleficos ne patiaris viuere. Priuato autem hominī
ne iniuriam quidem quam accepit, vlcisci permitti-
tur, dicente domino: Mihi vindictam & ego retri-
buam. Non mœchaberis. Omnis coitus hoc mandato
prohibetur, extra matrimonij copulam. Si continere
non potes, cur sine vxore es? Sin potes, cur mona-
chum non profiteris? Illud, ne damneris: hoc, vt mer-
cedis plus capias voto suscepto castitatis. Non furtum
facias. Furti actio est in eum, qui contrectat rem alic-
nam invito domino. Igitur contra hoc præceptum
peregīt,

III.

V.

Exodi 23.

Rom. 18.

VI.

VII.

peregit, non solùm, qui aliquid furto sustulit, sed etiam qui per vim rapuit, vel per fraudem elicit, vel casu inuentum restituere noluit. Non loqueris VIII. contra proximum tuum falsum testimonium. Cùm enim Christus dei filius veritas sit, quicquid aduersus veritatem dicitur, deum offendit. Non tamen omne mendacium ita graue crimen est, sed illud tantùm, quod aduersatur charitati, & cum alicuius detrimento perficitur. Fingere autem & mentiri quod nemini noceat, leuis est culpa. Interdum ne culpa quidem, sed potius meritum, vt cùm finguntur parabolæ siue apologi ad præcepta virtutis. Nemo quippe ignorat ea conficta esse, non vt mendacium dicatur, sed vt veritas disciplinæ salutaris iucundius exprimatur, gratius acceptetur, tenaciusque menti discantis infideat. Hoc me fecisse nullo modo poenitet edito illo quinquaginta tabularum libello, dum prodesse plurimis cupio, non commento, sed veritate. De pernicioso autem mendacij genere scriptum est: Os quod mentitur, occidit animam. De hoc verò quod excusamus ac defendimus, abundè in parte eius libri, quem de religiosè viuendi institutione inscripsimus, est tractatum, vbj sanctorum exemplis probatur, non solùm fingere quandoque licere, sed etiam esse necessarium, quoties consultum iri volumus, vel nostræ vel aliorum saluti. Non concupisces domum proximi tui. IX. Non desiderabis vxorem eius. His postremis dei mandatis apertè discimus, non modo factò dictoque posse delinqui, verumetiam sola mali concupiscentia. Et si rem alienam nefas est concupiscere, multò magis auferre, & si desiderare tantùm alterius coniugem non debemus, multò minus cum illa rem habere. Concupiscentia enim & desiderium quamuis crimine non careant, facilius tamen coërcentur, si cupita non perficiuntur, difficilius autem cùm in consuetu

dinem facti venerint. Insatiabiles nempe bestiae sunt auaritia & libido, non implentur haustu, sed quo magis hauserint, plus esuriunt. Hoc quod sequitur, non seruum, non ancillam, non bouem, non asinum, neque omnia quae illius sunt, cum illo quod de domo non concupiscenda dicitur iungendum censeo, ne ex decalogo hendecalogum faciamus. Cum ergo in fine his duobus praeceptis prauae cupidines vitandae iubeantur, quaerimus quomodo eas vitabimus cum interdum etiam inuitis ac repugnantibus nobis sese ingerant, animumque non parum sollicitent ac laceessant? Sed quandiu refragamur, nihil nocent, nocent autem cum eas dominari permittimus, & cum scelus quod nondum peractum est, volumus, totoque tandem voluntatis affectu eo ferimur, quo ille blandiendo inducunt. Concupiscētia itaque mali nihil aliud est, quam firmus in malum consensus, quod quamuis non fiat, factum tamen iri cupimus.

De mandatorum consideratione.

Cap. 4.

Num. 15.

HAec sunt legis mandata in tabulis lapideis digito dei descripta, ut cum omnia quae legis sunt didiceris, ista potissimum teneas, quae modo magis exquisito magisque mirabili tradita sunt populo fidei. Cur enim ea deus in marmore sculpenda curauit, nisi quia aeterna esse voluit: ac nequando de memoria exeant, palliorum fimbriis assui iussit vittas hyacinthinas, quas quoties aspicerent, toties eorum quae ad comparandas animi virtutes praecepta sunt, recordarentur. Nobis vero quibus non iam litera, sed spiritu viuere conuenit, vittae istae in corde non in palliis reponendae sunt, & nunquam dimittendae. Quid enim ita ardens amplecti debemus, ut mandatorum memoriae: quorum observatio nos ex corruptibilibus facit incorruptos,

ptos, & ex mortalibus immortales, & ex terrenis cœlestes, quæ denique diabolo nos eripit & deo coniungit. Talia considerabat vir sanctissimus David, cum diceret: Quàm dulcia faucibus meis eloquia tua domine, super mel ori meo. Vis ut & tibi dulcia sint, noli in verbis diuinis eloqui iornatum requirere, ita composita sunt, ut & docti & indocti quod omnibus pariter profuturum erat, intelligerent: sed attende qualis quantusque sit, per quem prolata sunt, per illum utique qui solus & acumen ingenij hominibus præstat, & ipsum dicendi leporem impartit. Idem enim & fons bonorum omnium est, & largitor, & cuius tam dicta quàm facta nulla prorsus in parte argui queant, cum solus in cunctis ut maximè potens, ita summè sapiens sit. Cogita etiam quanta tibi in his obseruandis quæ præcepta sunt promittantur, certè non argentum, neque aurum, neque terreni regni fortunæ subiecta potentia, aut gloriæ humanæ fragile bonum, sed illa firma atque stabilis beatitudo, qua nihil melius, nihil maius ab homine optari possit. Cum ista animo permenfus fueris, tunc non solùm, quàm dulcia faucibus meis eloquia tua domine dices, verum etiam cum eodem propheta lætatus cātabis: In via testimoniorum tuorum delectatus sum, sicut in omnibus diuitiis. Et iterum: Bonum mihi lex oris tui super milia auri & argenti. Et rursus: Dilexi mādāta tua super aurū & topazion. Item eodem psalmo: Lætabor ego super eloquia tua, sicut qui inuenit spolia multa. Quid enim illis pretiosius: quid optabilius, quæ sola nos efficere queant cœlo dignos, æternitatis compotes, summi boni certos perpetuosque professores. Talia si tecum (ut debes) quotidie reputaueris iam tandem cœlestium mādatorum amore captus, atque ad eorum authorem deum cōuersus, dices: Ignitum eloquium tuum vehementer, & seruus tuus dilexit illud. Non poteris enim illud non maximè diligere,

Psal. 118.

Ibidem.

re, in quo tibi tam grande bonum propositura esse intellexeris. Prudentia præterea mirum in modum proficere, & sapientia compleri incipies. Hoc tibi Baruch propheta verbis promittitur, neque enim fallit ille per cuius os spiritus sanctus locutus est: Audi, inquit, Israël mandata vitæ, auribus percipe vt scias prudentiam. Et Iesus Sirach filius, cuius dicta sacris voluminibus inferi meruerunt, Fili (ait) concupiscens sapientiam, conserua iustitiam, & deus præbebit illam tibi. Ac ne de aliqua alia quàm quæ in mandatis continetur, iustitia dictum putares, alibi explanat, dicens: In mandatis dei assiduus esto, & ipse dabit tibi cor, & concupiscentia sapientiæ dabitur tibi. Hinc est quod in his versatus Dauid, omnibus humanæ scientiæ professoribus se sapientiozem factum audet asserere, & domino confidenter loquitur, dicens: Super omnes docentes me intellexi, quia iustitia tua meditatio mea est, & super senes intellexi, quia mandata tua quæsiui. Abeat igitur cum suis dissertationibus Plato, & cum argumentis Aristoteles, & cum sophismatum callidis captionibus omnes veteris academix philosophi: vera sapientia est, deum nosse, & tam edicta quàm interdicta eius, tota animi sedulitate obseruare. Cæterum ne quis obseruandorum difficultatem ignauix suæ fauens insipienter excuset, & impossibilia esse prædicet, audiat Iohannem apostolum dicentem: Hæc est charitas dei, vt mandata eius custodiamus, & mandata eius graui non sunt: audiat & Moysen in Deuteronomio sibi loquentem: Mandatum hoc quod ego præcipio tibi hodie, non supra te est, neque procul positum, nec in cœlo situm, vt possis dicere: Quis nostrum valet in cœlum ascendere, vt deferat illud ad nos vt audiamus atque opere compleamus? neque trans mare positum, vt causeris & dicas: Quis è nobis poterit mare transfretare, & illud ad nos vsque deferre, vt possimus audire

dire & facere q̄ præceptum est: sed iuxta te est sermo valde, in ore tuo & corde tuo, vt facias illū. Quid ergo quod supra nos nō est amplecti recusamus? & quare quod cordi insitum est, id euellere ac proijcere conamur? nonne cum hoc agimus, intus quibusdā conscientiae stimulis pungimur? quasi qui contra naturæ vim nitamur, dum ab his quæ iubentur declinamus. Perspicuum est igitur quia prauis affectibus superati, neq; deo neque conditionis nostræ rationi obedimus. Quæ præterea dementia est, imo quis furor, vitiū sequi male, cuius finis poena perennis est, quā virtutem, qua beatitudo comparatur æterna? Beatitudinē autem decalogi obseruatoribus promissam quis ambiget, cum veritas, in euangelio (vt suprā retulimus) dicat: Si vis ad vitam ingredi, serua mandata? Idē dominus alibi quoque cum de deo patre loqueretur. Scio, inquit, quia mandatum eius vita æterna est. Si ergo tantæ mercedis compotes esse cupimus, dei mādātā ne deseramus. Quæ sicut perfectę virtutes sunt, ita perfectionis numero, id est, decade cēsentur. Hæc est itaq; frugum decima sanctorum in horreum dei inferenda, multo melius quā illa quæ de terræ fœtibus collecta offerri solent. Hæ sunt decem conchæ à vero Salomone positæ, in quibus lauari debet, non pecudum vt olim, sed animarum nostrarum victimæ in holocaustum charitatis deo consecrandæ. Hæc est cithara illa, illeq; decachordus, ad quem nos hortatur Dauid, dicens: Confitemini domino in cithara, & psalterio decem chordarum psallite ei. Hæ denique sunt decem plagæ illæ, quibus Pharaō aduersarius noster percutitur, & nos per eas liberati, ad terram vsque promissionis perducimur, terram lacte & melle manantem, id est, lucis æternæ candore visionisque diuinæ dulcedine repletam: quæ non mortuorum terra, sed viuentium dicitur: nequis alibi viuere cupiat, quā vbi semper felix

Iohan. 12.

Mala. 3.

2. Para. 4.

Psal. 36.

Exod. 3.

eiter uiuat, & nō mori nō possit. Cumq; ad tam inæsti-
 mabile bonum hæc sola via peruenitur ad eam ipsam
 Salomon sapientiæ dono insigniste dirigit ac stimu-
 lat, dicens: Conserua fili præcepta patris tui, id est dei:
 & ne dimittas legem matris tuæ, id est, ecclesiæ: liga ea
 in corde tuo iugiter, & circunda gutturi tuo, vt videli-
 cet neque cogitatione delinquas, neque lingua labaris.
 Cū ambulaueris, inquit, gradientur tecum, & cū
 dormieris, custodiant te ne pecces, & vigilans loquere
 cum eis. Quæris, cur ita? ne scilicet quandiu per huius
 vitæ curricula incedis, iustitiæ iter deferas, & vel per
 quietem diaboli ludificationibus capiaris: vel cū eui-
 gilas, de mundo prius quàm de deo cogites. In quo qui-
 dem imitandus est nobis ille, qui ait: Quomodo dilexi
 legem tuam domine, tota die meditatio mea est. Igitur
 quotidie tecum reuolue, quotidie mente rumina, quæ-
 cunque deo placent vt facias, quæcunque displicent vt
 deuities. Ac si quando pigebit cuncta repetere, ad sum-
 mam illam in Euangelio à domino factam protinus
 recurre: Diliges, inquit, dominum deum tuum ex toto
 corde tuo, & ex tota anima tua, & ex tota mente tua,
 hoc est maximum & primum mandatum. Secundum
 autem simile huic: Diliges proximum tuum sicut te-
 ipsum. In his duobus mandatis, inquit, vniuersa lex
 pendet & prophetæ. Omnia quippe præcepta, tam le-
 gis quàm Euangelij, ad hunc ipsum rediguntur finem,
 vt deus & proximus diligatur. Ita tamen proximū dili-
 ge, vt deum non offendas: ita deum ama, vt nihil ma-
 gis, nihil æquè amasse arguaris. Et si charitas dei hæc
 est, sicut Iohannes apostolus testatur, vt mandata eius
 custodiamus, mendax est professò, qui se deum dilige-
 re dicitur, & præcepta eius non seruat. Quæ quo dili-
 gentius adhuc studiosiusque amplectamur, cū de ob-
 seruatorum præmio satis dictum sit, de transgressorum
 quoque pœna aliquid memoremus.

Prouer. 6.

Psal. 118.

Matt. 22.

1. Iohan. 3.

De prauaricatorum pœna. Cap. 5.

Si quis interim alteri infensus malignè cauilletur, sibi in mandatis ne occidat vetari, & non ne odio habeat, aut aliquod aliud iniuriæ inferat genus, meminisse debet, cuncta quæ in altera tabula cōscripta sunt, ad illam summam redigi, qua iubemur ita proximos vt nosmetipsos diligere. Quo semel recepto, nō solū ab omni offensa erit cessandū, sed etiam bene cuique optandum, benèque faciendum, & quod nobis indigentibus ab aliis exigeremus, id aliorū necessitati præstandum. Si cui tamen quicquam m̃cum in decalogo imprefectumque videtur, omnium perfectionem ex Euāgelio petat: Non veni, inquit saluator, soluere legem, sed adimplere. Quamobrem sicut legis, ita & Euangelij mandata obseruare nobis necesse est, si saluti nostræ consultum iri volumus. Nam & ipso Euangelij author Christus, quæcunque docendo tradidit nobis, ea se à patre accepisse dixit, hoc quoque habens à patre vt filius sit, patri tamen coæternus & consubstantialis: atque ita fiet, vt illa quæ vel per patrem, vel per filium, vel per spiritū sanctum iubentur, vnius dei iussa esse credamus, vnius maiestatis imperia. Quædam tamen ad tempus obseruanda, vt illa quæ futurorum figuras continebant: quædam semper, vt hæc ipsa de quibus nunc agitur, quæ ad vitæ morumque institutionem spectant: illa verò quæ perfectionis sunt, id est, vt paupertatem castitatemque colamus, monasticæ vitæ modum normamque sectantes, nostro relicta sunt arbitrio, antequam ea seruandi voto nos obligemus, quod si voluerimus, præstare tenebimur, non minus quàm illa quæ iussa sunt. Præuaricator est qui secus fecerit. Sed iam redeat vnde digressa est oratio, & sicut instituimus ipsas præuaricatorum pœnas fidelium traditionum scripta percurrente, sollicitè scrutemur. Neque hoc

Matth. 5.

Deute. 27.

Deut. 20.

Leuit. 16.

hoc sine dolore, imo nec sine metu, ne ipsi quoque cum peccatores simus, in illas incidamus. Legimus enim in Deuteronomio execrationes de monte Hebal, à Leuitis dei iussu prolatas, & inter legendum contremiscimus. Maledictus, inquiunt, qui facit sculptilè, quòd est contra primæ tabulæ mandatum. Contra secundæ autem præcepta delinquentibus dicitur, Maledictus qui non honorat patrem suum & matrem suam. Maledictus qui trāsferit terminos proximi sui. Maledictus qui errare facit cæcum in itinere. Maledictus qui perueruertit iudicium aduenæ, pupilli, & viduæ. Maledictus qui dormit cum vxore patris sui, & reuelat operimentum lectuli eius, & qui dormit cum iumento, vel cum sorore, vel cum socru, vel cū vxore proximi: & qui percusserit proximum, & qui pro pretio vitæ infidiatur alienæ. Post multa, Maledictus, aiunt, qui nō permanet in sermonibus legis huius, nec eos opere perficit. Deinde iterum ad maledicendū acrius insurgentes, ad transgressoremq; conuersi dicunt: Maledictus eris in ciuitate, maledictus in agro, maledictum horreum tuum, & maledictæ reliquæ tuæ, maledictus fructus ventris tui, & fructus terræ tuæ, armenta bouum tuorum, & greges ouium tuarum. maledictus eris ingrediens, & maledictus egrediens. Longum foret cuncta referre quæ ibi colliguntur, sed breuiter, nihil prorsus mali, q̃ in hac vita mortalibus accidere possit, præmittitur: vsq; adeo grate crimen est, diuinis nolle parere mandatis, & aduersus ea niti propriæ voluntatis libidini blandiendo. Eadem enumerantur in Leuitico, & præcipuè fames, pestilentia, gladius: multisque in locis scripturæ idipsum non filetur: vt quod toties repeti audis, euenturū peccatis exigentibus minimè dubites. Nam in Isaia quoque loquens ipse terræ cœlique conditor ac dominus, ait: Si volueritis & audieritis me, bona terræ comedetis: quod si nolueritis, & me ad iracundiā pro-

uocaueritis, gladius deuorabit vos. Multa huiuscemo-
 di in Ieremia, multa in Ezechiele, nec pauca in reli-
 quis prophetis leguntur, ininis terroribusque plenas
 quorum quàm certus euentus fuerit, cum plurima vr-
 biù excidia, tum potentissimorù quondam regum in-
 felicissimi exitus testantur. Primus Israhëitarum rex
 Saul, sicut à Samuele propheta, ei prædictum fuerat,
 quia voci domini non obediuit, à Palæstinis magno 2.Re.1.
 prælio superatus, cum liberis occubuit, sceptrum
 quoque regni de domo & familia illius ad alios fuit
 translatum: vt quale scelus sit, dei mandata præte-
 risse, non ipse solum, sed etiam filius, qui reliquus erat,
 nepotesque eius sentirent. Vt autem post hunc alio-
 rum quorundam parem fortunam silentio transeam.
 Sedechiæ maiori deploratione digna clades compel-
 lit, si modo plorandi sunt, qui iustè pro scelere pu-
 niuntur. Hic capta à Chaldæis Hierosolyma cum fu-
 geret, cõprehensus vinculisq; constrictus, coram rege 4.Re.25.
 vnà cum liberis adducitur: hi spectante patre truci-
 dantur, ille deinde etiam oculis orbatur, quos mallet
 ante erutos, ne filiorum cædem videret. Vincens po-
 sfremò & cæcus in Babylonem est ductus, templum
 ipsum atq; domus vrbis igni consumptæ, turres ac
 mœnia solo æquata, populus captiuus, præter eos,
 qui ceciderant, Babylonem translatus, quæ ferè om-
 nia per Ieremiam prophetam comminatus fuerat do-
 minus tam regi ipsi, quàm populo, eo quòd filios
 Rechab patri magis obediens fuisse comperisset,
 quàm illos sibi. Iusiurandum enim violauerant, re-
 belles facti Chaldæorum regi Nabuchodonosoro, tem-
 plum dei sui gentilium ritum secuti polluerant, pro-
 phetis vera vaticinantibus illuserant, & cum pro-
 pterea tot mala se passuros audissent, deprauatos ani-
 mi mores corrigere neglexerant. Contempta itaq;
 diuinitas non distulit vindictam, vbi in flagitio co-
 gnouit

Iere.33.

gnouit obduratos, & cum nulla denunciatione futuræ ultionis deterreri possent, vltima calamitate afflixit. Ante hac ob idem delictum & Samaria ab Assyriis debellata, & populus cum rege Osee patriis auulsi sedibus, in Assyriamque traducti seruiuerunt. Nemo ergo regum, nemo principum vel sibi vel imperij sui viribus nimio plus confidat. Si quis præuaricator mandatorum dei esse perseuerauerit, & nec vno aut altero flagello commonitus ab impietate animum auerterit, repente videbit misceri omnia quæ ditionis suæ sunt, hoc capi, illos cædi, alios desciscere, diutinam libertatem statim seruitute mutari, & opes illas, quas multorum annorum victoriæ aceruauerant, paruo temporis momento hostium prædam fieri. Neque enim hoc humana vires efficiunt, sed iniuriarum suarum ultor deus, qui solo nutu & cælum diruere, & terram potens est dissipare. Secure felicitateque regnabit, qui ipsum regem regum & dominum dominantium nouerit colere ac reuereri. Nobis tamen nulla omnino seculi huius aduersa æquè timere conuenit, atque illa quæ post præsentis vitæ finem peccatoribus infliguntur. Præsentia enim mala quâuis teterrima venerint, longiora esse nequeunt vitæ nostræ breuitate, nullumque infortunium tam immane esse potest, quod non leniat ac mitiget aduentantis & iam iamque affuturæ mortis expectatio. At verò illa supplicia, quorum nullus speratur finis, nulla intermissio, nullum leuamen, quis non exhorrescat? nisi qui ne his quidem, quæ de inferorum pœnis diuinitus tradita sunt, fidem adhibet, quæ sanè incredulitas nequaquam à suppliciis hominem liberat, sed eidem duplicat eorum grauitatem. Leuiora sunt enim, quæ fragilitate naturæ peccamus, quàm quæ animi malitia credere nolendo committimus. Igitur siue quis credit, siue non credit, si aliter ac omnibus præceptum est, vixerit, saluus esse non poterit, quia longè est à peccatoribus saluus.

lus. Mandati transgressio primos homines Adam & Euam eiecit de paradiso, angelos de cœlo præcipitauit: & tu eiusdē fortasse delicti reus, illo ascendere speras? Fallet te spes ista, fallet profectō, nisi pœnitentiā egeris. Pœnitenti autē præstabitur miseratio, dicente domino: Pœnitentiam agite, & appropinquabit vobis regnum cœlorum, quēd si ad viam iustitiæ, à qua procul aberras, reueri neglexeris, iam tandem tuæ imbecillitati derelictus, peccata super peccata cumulabis, ac veluti absque gubernaculo in mari fluctuās nauis, quocunque concupiscentiæ tuæ te impellet flatus, eo fere-
 ris. Id tibi futurum ille qui nouit omnia antequam fiant, prædicit in psalmo, ita loquens: Non audiuit populus meus vocem meam, & Israël non attendit mihi, & dimisit eos secundum desideria cordis eorum, ibunt in adinuentionibus suis. Nihil illo homine infelicius, à quo diuinæ benignitatis auxilium subtrahitur. Cum enim sic destitutus, nihil boni per se agere possit, & suis affectibus ad malum pronis anhelet, continuò in omne nefas præceps feratur necesse est. Idcirco non solum à paradisi expectatione excluditur, verumetiam in dies grauius futurum sibi supplicium cōferat in inferno. Ille enim seruus (vt in Euangelio legitur) qui cognouit voluntatem domini sui. & non se præparauit, & non fecit secundum voluntatem eius, plagis vapulabit multis. Ne igitur æterni ignis magis omnibus expauescendo tormento obnoxij simus post præteriti delicti pœnitentiam, ad iustitiæ capescenda opera accingamur, auxilium à domino implorantes, vt ea quæ nos facere iussit, ipso adiuuante faciamus, & quæ fieri vetuit, vitemus. Ita Christianæ hæreditatis, quæ omnem nostræ æstimationis computationem superat, confort es esse merebitur, cum ipse Christus dicat: Quicumq; fecerit voluntatē patris mei qui in cœlis est, ipse meus frater, soror & mater est, quasi diceret: Is mihi in cœlesti

Matth. 4.

Psal. 80.

Lucæ 12.

Matth. 12.

lesti regno erit coniunctissimus, atque arcta in primis cognatione copulatus, qui hic in exequendis dei mandatis mihi proximus effici studuerit, vt sit particeps Christi gloriæ, qui Christi prius extiterit obedientiæ comes. Cæterum, quoniam vndique insidiæ, vndique laquei nos circudent, magnoperè nobis vigilandum erit, ne in illis incidamus. Non incongruè igitur post mandatorum tractationem de vigilia differemus.

De vigilia.

Cap. 6.

Vitæ mortalium tempus quàm breuissimum est, ipsi senes parum se vixisse conqueruntur. Sed cum vigilia sit, nonne etiam tantò minus viuunt aliquis, quantò plus quieti ac somno indulget? Nolo tamen vt extendendæ in longius spatium vitæ gratia, vigiliarum obseruatio te delectet, sed ea duntaxat de causa vt & à vitiis facilius abstineat, & virtutibus proficiat magis. Vigilando autem vtrunque effici posse faciliè nobis persuadebimus, si noui veterisque instrumenti fidelia testimonia audire voluerimus. Clamat in Euangelio dominus: Vigilate & orate ne intretis in tentationem. Periculum ergo imminet illis, qui vltra naturæ necessitatem dormiunt, ne carnis diabolice tentationibus superati delinquant. Nam & si spiritus promptus est vt obediat deo, caro tamen infirma, & ad vitium prona, nisi vigiliæ freno teneatur, faciliè corruet. Cuius quidem periculi minimè ignarus apostolus Petrus, nostræ salutis prospiciens, ait: Sobrii estote & vigilate, quia aduersarius vester diabolus tanquam leo rugiens circuit, quærens quem deuoret, cui resistite fortes in fide. Vigilantia primò opus est, ne imparati opprimamur: deinde fide, vt resistamus & vincamus. Quòd si sæpius vincere contigerit, etiam uirtute proficere continget. Superatis enim nequitiae suggestionibus, restat vt ad bonorum operationem cōuertamur.

tamur. Ad hæc autem perficienda non sufficit nostra fragilitas. Nisi enim dominus ædificauerit domum, in vanum laborant qui ædificant eam. Ope igitur indigemus diuina, quæ precibus impetratur, dicente domino: Petite & dabitur vobis. Precationibus verò offerendis nullum tempus magis idoneum esse horis nocturnis, nullum accommodatius esse creditur. Atq; ideo propheta hortatur nos: In noctibus extollite manus vestras in sancta, & benedicite dominum, Nox itaque meditationum mater est, dies actionum, has inter se vices partisse videntur, quandoquidem saluator quoq; noster ut huiusce rei nobis documēto esset, per diem docuisse in templo, noctu autem in monte Oliueti exiens orasse perhibetur. Noctu ergo surgentes meditando atque orando quæramus cum sanctis mulieribus virtutum aromata ut illis vngamus Iesum. Si cum sanctimonie odore ad se venientes conspexerit, qua pietate est, iucundè gratanterq; suscipiet, & in nobis implebitur dictum illud, Beati sunt serui illi, quos cum venerit dominus, inuenerit vigilantes. Præterea quemadmodum ætas vitæ nostræ brevis est, ita & incerta. Plurimos frustratur speratæ senectutis expectatio. Denique quis est qui vnum diem, imo vnam horam à mortis periculo alienā possit sibi promittere? Quam multos dum sani ambulant, dum fabulantur, dum rident, vel casus exterior, vel morbus interior repente deiicit & extinguit? In eo itaq; nostræ salutis consultitur, quòd saluator ait, Videte, vigilate & orate, nescitis enim quando tempus sit. Sicut homo qui peregrè profectus reliquit domum suam, & dedit seruis suis potestatem cuiusq; operis, & ianitori præcepit ut vigilet. Vigilate ergo, nescitis enim quando dominus domus veniat, serò, an media nocte, an galli cantu, an manè, ne cum venerit repente, inueniat vos dormientes. Ac ne solis discipulis id præceptum quis

Psal. 126.

Psal. 133.

Mat. 13.

quis diceret, quod vobis dico, inquit, omnibus dico vigilate. Dominus domus huius, id est, corporis humani est Christus, serui sunt quinque sensus, ianitor anima: hæc si bene vigilauerit, sensus ipsi ad bene operandum rectè disponentur. Isto autem modo expectatus dominus cum venerit, neque in seruis, neq; in ianitore quod condemnet inueniet. Tametsi dominus noster in fine seculorum vêturus sit, vt simul omnes iudicet, cuiusq; tamen merita in exitu vitæ discutit, & singulorum facta diiudicat. Qualis ergo quisque nunc decesserit, talis etiam in illo vltimo iudicio cum corpore apparebit. Vigilare itaque iubemur, ne mors imparatos occupet. Et quoniam nescimus diem neque horam, semper est vigilandum. Semper autē vigilat, qui semper à malo abhorret: & bonum, vt deo placeat, agere pro viribus non cessat. Fieri quidem nequit, quin partem aliquam temporis quieti cedamus, cum nostræ conditionis imbecillitas, vt cibo, ita somno quotidie indigeat. Sed audeo dicere, quod somnus quoque iusti vigilia sit. Nam vbi diurna opera piè religiosèque peregit, & antè somnum quæ deo grata sunt cogitauit, etiam post somnum quæ cogitauerat perficere maturat. Ideoque citius expergiscitur & exurgit, vt quanto minus dormierit, tanto plus apud deum meriti bene operando sibi comparet. Igitur non plures horas dormitioni impartit, quàm naturæ necessitas postulat, vt totum quod superest, semper in dei laudem, aut orando, aut aliquid aliud agendo expendat. Si quod momētum otio transierit, illud sibi deperisse arbitratur. Porrò satis erit, sex horas ad mediam noctem somno dare, à media verò nocte Romano ritu initium diei capere, nisi aliqua corporis imbecillitas longiorem sibi quietem exegerit. Iste autem à media nocte ad sacrificia laudis deo offerenda exurgendi mos omnibus monachorum collegiis iam inoleuit, & quod ecclesiæ instituto probatum

tum apparet, id sequi, id curare atq; amplecti saluberrimum esse sentimus. Sic olim sanctissimi viri prædicauerunt, sic docuerunt, sic suo exemplo factitandum ostenderunt. Dauid ipse, quem deus præ omnibus Iudeæ regibus dilexit. Memor fui (inquit) de nocte nominis tui domine, & custodiui legem tuam. Et iterum, Media nocte surgebā ad confitendū tibi. Isaias qui cuncta quæ euangelistæ narrant, multo antequam euenirent prædixit, ipse amore in deum accensus, ait, Anima mea desiderauit te in nocte, sed & spiritu meo in præcordijs meis de mane vigilabo ad te. Ieremias quoque antè sanctificatus quàm natus, futuram Hierosolymæ euersionem lugens, & precibus misericordiam implorādā suadens, nullas efficaciores fore credidit, quàm quæ nocturno tempore factæ fuissent. Ideo consurge (inquit) lauda in nocte, in principio vigiliarum effunde sicut aquam cor tuum ante conspectum domini. Et in euangelio legimus pastoribus vigilias noctis agentibus angelo adueniente saluatoris natiuitatem fuisse nuntiātam. Cuius memoriam ecclesia quoq; a media nocte (tunc enim de virgine editus creditur) celebrare consuevit. Tunc etiam cum in templum puer Iesus est illatus: Anna Phanuelis filia redemptorem Israël agnouit sanctarum vigiliarū merito, quia nō discedebat de tēplo, vt euāgelista ait, ieiunijs: & obsecrationibus seruies nocte ac die. Paulus apostolus cū Sylla discipulo in carcere positi, media nocte deo laudes decantant, & carceris fundamenta quassantur, ostia referantur, vincula soluuntur, & ipsi, non refragante, sed rogante magistratu liberi dimittuntur, in tantum profuit nocte intempesta ad hymnos deo reddendos exurrexisse. Hos æmulando tu qui sanctus es, ama vigilias, vt sanctior sis, & tu, qui peccator es, vt citius veniam impetres. Artifices partem noctis suo vendicant labori, vt quo plus operis cōfecerint, plus lucri consequantur.

Psal. 118.

Isaiæ. 15.

Thren. 2.

Lucæ. 2.

Ibidem.

Actu. 15.

Pro. 4.

tur. Quod ergo illis pro adipiscenda pecunia non est iniucundum, sapè enim cantant dum exercentur, hoc tibi molestum esse poterit pro lucranda cœlesti gloria: Nimum delicatus es, ne dicam stultus, si tantū boni tibi parare posse speras tota nocte stertēdo. Illis tantum & nocte & die dormire satius esset, de quibus dicitur: Non dormiunt nisi cū malè fecerint, qui ideo peruiigilant, vt latrocinentur, vt furentur, vt crapulentur, vt libidini luxuriæq; satisfaciant. Minus enim peccarent, dū dormiunt nihil agendo, q̄ malè agendo dum vigilant. Tales vigilię tam fugiendæ sunt, q̄ hę de quibus loquimur, expetendæ. His aduersus mortiferā voluptatis illecebras armamur, his diaboli vires frangimus, & in dies efficimur fortiores. In his orando, legendo, meditando, quā suavis est dominus gustamus. Per has mundatur animus, acuitur intellectus, mens ad cœlestia contemplanda erigitur, & gaudia illa quę eloqui nescit, se interdum sensisse miratur. Hę sunt sanctarum vigiliarum dotes, hęc commoda, quę si tanta non essent, imò si minora forent quā dicimus, vigilādum tamen nobis esse suaderē, ne somnolentię damna subire cogamur. Quę nunc nosse operę precium erit, vt mali comparatione bonum ipsum quanti faciendum sit magis pateat.

De malo somnolentię.

Cap. 7.

CVius longior quā natura postulat fuerit somnus, non solum bene agendi tempus perdit, sed etiā ipse ad vitia promptior fit, dum corpori magis q̄ animo obsequium præstat. Rarò videbis eos qui somniculosi sunt, à luxuria libidinibusque abstinere. Cū crapulati fuerint, graui sopore premuntur, quos ronchizantes non facilius excites quā syluestres vrsos, aut vitulos marinos. Putas experrecti ad orationes procumbant, vel ad decantandos psalmos instent? ientacula

tacula conquirunt, prandia deinde parari iubent, & cū
 hesternas perpotationes diu dormiendo vix edormie-
 rint, iam sese nouis ac recentibus ingurgitant. Ne tunc
 quidem vigilare putandi sunt cū vigilant. Nam eo
 quoque tempore inertī veterinosq; stupore premi vi-
 dentur, oscitant, hiatant, languentibus nictant ocellis,
 seque elatis lacertis ac pro lato pectore distendant, &
 nisi totam noctem dormierint, somnum à se fugisse la-
 mentantur: tunc remedia quibus reuocetur disquirūt,
 iam papauer, iam lactucæ parantur, iam titillatio cir-
 ca digitos volasq; pedum discurrit, seruis ibi pruritum
 excitantibus, vt dominus qui vsque manē soporem suū
 continuare nequiuīt, eo iam non interrupto ad meri-
 diem duret. Atque istos tam effœminato otio assidue
 torpētes de improviso mors occupat. Neque enim diu
 viuere queunt qui multo somno dediti marcent, tur-
 ment vultus lurido colore infecti, putrescentiaque vi-
 scera repēte inuadens valetudo dissoluere festinat, Et
 quoniam nulla his cura fuit sanctis actionibus inuigi-
 lare, quibus nixi in cœlum euolarent, peccatis prægra-
 uati ad inferos descendunt. Quod sibi valde metuens
 propheta orabat, cū diceret: Respice & exaudi me
 domine deus meus, illumina oculos meos, ne vnquam
 obdormiam in morte, ne quando dicat inimicus meus
 præualui aduersus eum. Profectò nisi inimicus præua-
 leret, id est, nisi periculū esset dormientibus, ne inimi-
 ci huius dolis capiantur, sine causa dominus discipulos
 increpauisset, cū dixit: Sic nō potuistis vna hora vigila-
 re mecum: Quare autem illos vigilare vellet, cōtinuò
 palam fecit, dicens: Vigilate & orate, vt non intretis in
 tentationem. Huiusmodi quidem periculi testis est
 etiam parabola illa, in qua legitur: Cū dormirent
 homines, venit inimicus homo, & superseminauit zi-
 zania in medio tritici. Et illa altera: Si sciret pater fa-
 milias qua hora fur venturus esset, vigilaret vtique,

H ij & non

Matt. 26.

Matt. 13.

Matt. 14.

& non fineret perfodi domum suam. Inimicus igitur noster & fur diabolus est. Somnolentis & otio vacantibus magis insidiantur, quia minus prouidi sunt ad cernendum, facileq; ad omnes voluptatum illecebras inclinantur. Qui certè si capti & irretiti fuerint, tunc demum intelligent, quam malè dormierint, cum villicationis suæ reddere rationem compellètur. Dàtum quippe sibi tempus ad pœnitendum, ac bene agendum, inutiliter imo & nequiter consumpsere. Nihil de futura vita cogitantes, dum præsentem in delicijs corporis dormiendo lasciuiendo que transigunt.

De somniis.

Cap. 8.

DE istorum numero etià illos esse dixerim, quos vana somniorum suorum imagines quasi futuri diuinæ ita delectant, vt quotidie visa enarrèt & si quando sequatur euentus, vera se vidisse iactitent, veluti digni quibus cœlestis prouidentiae mysteria pandantur, cum magis illis conueniat, in Prouerbiis dictū: Quasi qui apprehendit umbram & persequitur ventum: sic & qui attendit ad visa mendacia. Neq; tamen imus inficias quandoque per somnium vera nunciari. Nam vt obiter aliquid ea de re dicamus: Iacōb duodecim tribuum pater, cum obdormisset, vidit cœlestem scalam, angelosq; ascendentes & descendentes, & à domino audiuit, terræ in qua dormiret, se possessorē fore, semenque suum per orbem esse propagandum. Hoc in Genesi legimus, & ibidem de Iosepho eius filio, cuius somnio cognitum est, ipsum patri matrique ac fratribus honorabilem futurum manipulorum & stellarum quæ vidit, solis quoque & lunæ argumēto. Ab his enim per quietem se adoratum dixerat. Idem Ioseph magistri pincernarū Pharaonis & pistorum præpositi, cum quibus tunc in carcere erat, somnia interpretatus est, diuersæ quidem sortis, sed certissimi euentus, ac nihil prorsus

Eccl. 4.

Gene. 20.

Gene. 37.

Gene. 40.

prorsus ab interpretationis sententia discrepantis, Pre-
 terea in Iudicum libro, Gedeonis victoria aduersum Iudic. 7.
 Madianitas, antè per nocturnam imaginè fuit vulgata
 quàm euenisset, quodam somniantè quòd hordeaceus
 panis castra Madianitarum suo ictu subuertisset. Re-
 gum quoque historia testatur Salomoni dormienti ap-
 paruisse dominum, fuisseq; locutum, & sicut petierat,
 rerum scientiam ac sapientiam contulisse. Somnio fi-
 dem fecit euentus. Nam eum sapientissimum inter re-
 ges fuisse satis constat. Danielis etiam somnia de ven-
 tis pugnantibus ac bestiis de mari ascendentibus, & a-
 liis quæ leguntur, nisi futuræ veritatis signa extitissent
 ne scripta quidè in voluminibus diuinis fuissent. Ve-
 niamus ad euangelium: Magi ne ad Herodem reuerte-
 rentur somnio admoniti, capitis periculum euaserunt: Danic. 7.
 Iosephus in somnis accepto responso, cum puero Iesu &
 matre eius, virgine fugit in Aegyptum, vt ipsum Iesum
 neci subtraheret, qua Herodes ipsum solum quærîtas,
 aduersus infan- Matth. 2.
 tem multorum infantiam erat sauitu-
 rus. Ad hæc non pauca in sanctorum vitis relata legi-
 mus, quibus credere compellimur, per quietem sæpenu-
 mero quæ vera sunt reuelari: cum præsertim ipse do-
 minus (vt in numeris scriptum est) dicat: Si quis fuerit Num. 12.
 inter vos propheta domini, in visione apparebo ei, vel
 per somnium loquar ad illum. Sunt tamen quædæ, quæ
 per dæmonum illusiones accidunt, vana atque falla-
 cia, veris tamen interdum mixta vt credantur. Demo-
 nis enim calliditas quo animo, falsum aliquid suadet,
 eodem & verum reuelat, vtique vt nimium credulos,
 & iam sibi liberè confidentes facilius euertat, atque in
 fontem alicuius mortiferi erroris præcipitet incautos.
 Prudentia igitur opus est ad deuittandos dolos, quos il-
 le veterator nobis dormientibus per ipsa somniorum
 phantasmata struere consuevit. Minimū itaque erit ei
 credendum, qui perpetuus humani generis aduersarius

esse noscitur. Quicquid ille quocunque modo sugges-
serit, nisi virtute diuina compulsus suggerat, non veri-
tatem, sed laqueos esse certò scias. Tunc etiã magis erit
cauendum, cum se ostenderit amicum, & palpare ani-
mum blanditiis cœperit. Illa verò insomnia, quæ vel
ab aliqua animi passione, vel corporis morbo, vel ne-
gotiorum cura, vel diurna verborum vltro citroque
habitorum contentione prouenire solent, semper va-
na futiliaque sunt, & nulla prorsus fide digna. Quod si
quid ita vt somnium est euenerit, nō somnio credas,
sed cuidam præfagæ mentis diuinationi. Fieri enim
non potest, quin aliquando ita contingat, vt futurum
prædicimus. Porro visa illa, quæ diuinitus immittun-
tur, quamuis verissima semper sint, non tamen omni-
bus æquè accidunt. Bonis quippe ad consolationem,
malis ad terrorem. Bonorum sunt illa quæ præmisi-
mus, malorum autē ista quæ dicemus: Pharao rex cum
dormiret, boues vidit septē crassas, & totidē alias ma-
cilentas, eodemq; numero triticeas spicas, alias turgē-
tibus aristis plenas, alias effœtas, exiles, ac prorsus va-
nas, & quemadmodum ista differens Ioseph sanctitate
notus prædixerat, septennem annonæ copiam, septen-
nis fames est subsecuta. Nabuchodonosori quoque re-
gis dirum ac triste somnium, siue statuam quam vidit,
confideres, vario metallo compactam, siue arborem su-
pra modum proceram, atque amplam, utroque enim
somnia Daniele interpretante didicit, futuram regni
cladem, & suimet qui felicissimus putabatur, extre-
mam miseriam. Pilati etiam vxor in euangelio multa
per visum se passam conqueritur propter Christum,
& marito vt missum illum faceret, nititur persuade-
re. Hoc quoque obseruandum, quod iniqui insomnia-
rum suorum quid portendant ignari, à sanctis inter-
pretationem accipiunt, vt Pharao à Iosepho, & Nabu-
chodonosor à Daniele. Vnde apparet, somnia ista quæ
diuino

Gene. 41.

Danie. 2.

Danie. 4.

Matt. 27.

diuino sunt consilio, & impiis obici quandoque; sed non, nisi electis dei seruis reuelari. Taceant igitur peccatores, ad quos non pertinet iudicium somniorum, aut eos ad quos pertinet interrogent, ne per viam non suam incedentes, presumptione labantur. Vt autem nobis quoque spiritu sancto largiente interpretandi donetur facultas, minus temporis demus somno ut plus concedamus virtuti. Id si fecerimus, ne tunc quidem cum dormimus, quod terreat somniabimus, sed quod consoletur, quodque euigilantibus quoque gratum sit.

De oratione fructuosa. Cap. 9.

Sanctarum vigiliarum propria est quam deo offerimus, oratio. Opportune igitur nunc de illa differemus. Ad Philippenses scribens Apostolus. Nihil solliciti sitis, inquit, sed in omni oratione & obsecratione cum gratiarum actione petitiones vestrae innotescant apud deum. In quo mihi quidem videtur docere, ut oremus eum qui potest dare quod petimus, obsecremus autem per ea, quae illi quae oramus, chara esse nouimus, ut facilius ad praestandum id quod poscimus inclinetur, & cum praestiterit, gratias agamus, ne imputata ingratitude vitio amittamus. Habes orationis formam, discite qualiter te habere oporteat inter orandum, secessum pete, ne quid oranti impedimento sit. Intra in cubiculum tuum, saluator ait, & clauso ostio ora patrem tuum in abscondito. Sed is etiam clauso precatur ostio, qui sensibus a rerum fragilium cura sequestratis, & mente & corpore in illum dirigitur cui supplicat. Qui sic se habent, etiam cum in conuentu multorum orauefint, in abscondito orare putandi sunt. Priuata tamen orationi semper magis apta est solitudo. Nam & dominus noster, ut se nobis imitandum proponeret, dimissa turba (sicut euangelista ait) ascendit in montem solus orare. Hac profecto de causa a suis

Philip. 4.

Matt. 6.

Matt. 14.

H iij) etiam

Matth. 26.
Lucæ 22.

Lucæ 18.

3. Reg. 9.
Daniel. 9.

Ephes. 3.

Mar. 11.

etiam discipulis quandoque se submouit, vt cùm diceret: Sedete hic donec vadam illuc & orem. Et sicut Lucas ait, auulsus est ab eis quantum iactus est lapidis. Locus igitur ab omni strepitu vacuus, si fieri potest, eligatur offerendæ deo præcationi, vt purior synceriorque offeratur. Deinde cùm cogitaueris, quàm potens, quàm immensus sit, quem allocuturus es, quàm ediuersò tu vilis atque abiectus, humiliter quantum potes accede, suspirans, ingemiscens, lachrymas etiam si potes fundens, illumque imitare publicanum, qui stans à longe, vultu in terram deiecto, pectus percutiebat suum. Peccatorum quippe conscius non est ausus propius accedere, non oculos in cælum subleuare, & vt à se poenā exigeret, à pectoris verberatione non cessauit. Verum ne quis vel dignitate præditus, vel à deo iam gloriam consecutus, minus se submittat, ad scripturarum testimonia animum applicet, & videbit Salomonem regem in dedicatione templi fixis in terra genibus & manibus ad cælum expansis, deprecantem. Audiet Danielē prophetam dicentem: Posui faciem meam ad dominum deum meum, rogare & deprecari in ieiuniis, sacco & cinere. Inde transiens ad euangelium, considerabit vas electionis Paulum apostolū, qui ait: Curuo genua mea ad patrem domini nostri Iesu Christi. Ipsum quoque Christum dominum contemplantur quo nemo sanctior, nemo magnificentior, modò prono corpore in faciem procumbentem, modò erecto in cælum suspicientem, & modò positus genibus orātem, non quòd illi nostris humiliationibus opus esset, sed quòd nos illius indigeremus exemplo. Porro quoties peccatis, quæ à nobis commissa sunt, ignosci petimus, antè illis à quibus iniuriā accepimus, ignoscamus. Ipsius enim domini præceptum est: Cùm stabitis ad orandum, dimittite si quid habetis aduersus aliquem, vt & pater vester qui in cælis est, dimittat vobis peccata vestra. Quod si vos
non

non dimiseritis, nec pater vester qui in cœlis est, dimittet vobis peccata vestra. Et Apostolus: Volo, inquit, viros orare in omni loco, leuantes puras manus sine ira & Timot. 2. disceptatione. Quomodo enim tibi placatum iri deū speras, nisi prius ipse placatus fueris proximo tuo? Tu deum quem semper summè reuereri debebas, offendidisti: alius te, qui homo es, non deus: creatura, non creator: peccator, nō iustus: & licet ille qui læsit, lædere nō debuerit, tu tamen lædi merebare, quid enim mali nō meretur is qui deo peccat? & si dixerimus quia peccatum non habemus, nos ipsos seducimus & veritas in nobis non est. Nunc considera quàm iustè poscas tibi ignosci, qui deo deliqueris, cum tu homini nō vis ignoscere, qui deliquit tibi. Post remissam autem omnem iniuriam, accede ad offerendas preces, non frigide sed ardentè: non remissè, sed perseveranter. Attende quid Ieremias propheta monendo dicat: Leuemus, inquit, corda nostra cum manibus ad dominum in cœlos. Quod & apostolus docet, dicens: Orabo spiritu, 1. Cor. 14. orabo & mente, psallam spiritu, psallam & mente. vt videlicet & lingua sermonem resonet, & mens circa ea quæ dicuntur, intenta sit. Parum diligens est precator, qui aliò verba, aliò cogitationes dirigit, & cū corpore in ecclesia sit, animo vagatur foras per vrbis loca, vel secessus ruris. Quando hic cum Apostolo dicere poterit: Conuersatio nostra in cœlis est, si ne ibi quidem vbi est, se esse noscit? Nec semel orasse sufficit, instandum est vt impetres quod postulas. Eadem preces frequenter replicandæ, & in his quæ ad animæ salutem pertinent, vsque ad finem est perseverandum, dicente ipso qui saluat: Petite, & dabitur vobis: quærite, Matt. 15. & inuenietis: pulsate, & aperietur vobis. Omnis enim qui petit accipit, & qui quærit inuenit, & pulsanti aperietur. Chananæa mulier cū domino supplicasset, repulsa non recessit, cōtempta magis se submisit, & quonia

Lucæ 11.

Lucæ 22.

1. Theſſ. 5.
Actu. 1.

Mar. 11.

Iohan. 14.

niam humiliter orando perſeueravit, quod popoſce-
rat, accipere meruit. Hanc rogandi aſſiduitatem com-
mendat etiam parabola illa de muliere vidua, quæ du-
rum & faſtidioſum iudicem petendi improbitate, vt
ipſam de aduerſarij iniuria vindicaret, compulit: & il-
la alia parabola de homine qui nocte intempeſta pul-
ſando amici ianuam, & clamitando dormientem exci-
tauit, excitatum furgere coëgit, & panes quotquot vo-
lebat ſibi commodare. Dominus præterea cùm futuri
iudicij terrores prædicendo explicuiſſet, adiecit: Vigi-
late itaq; omni tempore orantes, vt digni habeamini
fugere iſta omnia, & ſtare ante filium hominis. Deniq;
quod verbis docuit, opere confirmavit, ter enim eaſdẽ
preces repetiſſe dicitur, & factus in agonia oraſſe pro-
lixius, multumq; ſudaſſe dum oraret, vt diſcas, etiam
cùm multum oraueris, non remittere cordis affectum
quem non ſolùm cùm rogamus q̃q̃ tunc magis, verum
etiam cùm non rogamus nos habere neceſſe eſt, vt im-
pleatur quod Apoſtolus ait: Sine intermiſſione orate.
Poſt glorioſam domini aſcenſionem de ipſis eius apo-
ſtolis traditum eſt, quòd perſeuerantes erant in oratio-
ne cum mulieribus & Maria matre Ieſu & fratribus
eius. Et ſi Apoſtolis opus erat iugi orationũ ſacrificio,
quis tutum ſe à tẽtationum periculo ſperabit, niſi ſem-
per orauerit? Hoc quoque roganti neceſſarium, vt nũ-
quam de dei miſericordia diſſidat, ſed ſemper ſe impe-
traturum ſperet quod petit, ſi modò illud fuerit ſibi,
vel ei pro quo petit, profuturum. Omnia, inquit, quæ-
cunque orantes petitis, credite quia accipietis, & eue-
niet vobis. Malè tamẽ id credit, qui veritati quæ Chri-
ſtus eſt, non adhæret, eodem dicente: Veri adoratores
adorabunt patrem in ſpiritu & veritate. Et vt oſten-
deret quare ſic adorandus eſſet, Spiritus, inquit, eſt
deus: & eos qui adorant eum, in ſpiritu & veritate
oportet adorare, Hoc ſpiritus aſſatus Dauid, in ean-
dem

dem sententiam prorupit, dicens: Propè est dominus Pfal. 144.
 omnibus inuocantibus eum, omnibus inuocantibus
 eum in veritate. Frustra igitur hæretici precibus in-
 sistunt, frustra omnes illi qui Christi religionem ve-
 ritatis fide non sequuntur, nunquam futuræ salutis
 quàm orant, compotes erunt, nisi crediderint. Ad hæc
 si precatione poposceremus rem aliquam, cuius incer-
 tus est exitus, id est, qua impetrata nescimus, vtrum
 commodo an incommodo nobis futura sit, dei volun-
 tati committamus: vt non quod ipsi cupimus præstet,
 sed quod ille nouit, neque noxium neque inutile fore,
 quia redemptor quoque noster, cum passionis cali-
 cem transferri à se patrem rogasset, ita orationem
 clausit, vt diceret: Veruntamen non mea voluntas, Lucæ 22.
 sed tua fiat: non quòd ipse nesciret crucem, quam sub-
 iturus erat, omnium credentium fore salutera, sed
 quòd instruere nos vellet, vt semper voluntati no-
 stræ præferamus dei voluntatem. Vnde ab eodem e-
 docti, quotidie orando dicimus: Fiat voluntas tua sicut
 in cœlo & in terra. Cæterum cùm eius voluntas sit, vt
 pie iusteque viuamus, hoc quoque his verbis posci-
 mus, vt leges atque præcepta quæ dedit nobis, per nos
 impleantur. Frustra enim imbecillitas nostra ad id ni-
 teretur, nisi illam gratia iuuaret diuina. Et si per se
 bonum aliquod agere possemus, necesse non esset ora-
 re vt possimus. Charitas præterea, quam omnibus de-
 bemus, exigit vt sicut pro nostris, ita & pro his preces
 offeramus deo, vota quæ faciamus. Iacobi apostoli sen-
 tentia est: Orate pro inuicem vt saluemini. Paulus quo Iaco. 2.
 que apostolus hortatur, dicens: Obsecro primum om-
 nium fieri obsecrationes, orationes, postulationes, gra-
 tiarum actiones, pro omnibus hominibus, pro regibus
 & omnibus qui in sublimitate constituti sunt, vt quie-
 tam & tranquillam vitam agamus in omni pietate
 & castitate. Denique dominus noster etiam pro per-
 secu-

- Actu. 7. secutoribus nos orare iussit, & ipsemet pro illis, à quibus probra, maledicta, verbera, & in crucem actus mortiferas plagas patiebatur, orauit patrem, ignosciq; eis postulauit. Quanti autem id meriti sit, primus martyr Stephanus ostendit, qui iis à quibus lapidabatur veniam precaturus, vidit celos apertos, & Iesum stantem à dextris virtutis dei, ab eodem utiq; iamiam suscipiendus, cuius in diligendis inimicis mansuetudinem fuerat imitatus. Quò autem facilius ad assequendam beatitudinem voti nostri compotes simus, expediet quidē eos etiam quos deo charissimos esse constat, vt pro nobis deprecantur obsecrare, vt quod ipsi non meremur, illorum qui digni sunt suffragiis obtineamus. Ita fecisse gentiles quosdam in euangelio Iohannis legimus. Cupiditate enim affecti videndi Iesum, rogauerunt Philippum, Philippus Andream, ambo dominum: quid secutum sit, euangelista nō explicat. Non tamen dubito, quin ipse dominus per apostolos exoratus hoc concesserit, quod fortasse iis tacentibus vel non concessisset, vel concedere distulisset, Sanctos ergo in auxilium nobis inuocemus, quia in psalmo est scriptum: Oculi domini super iustos, & aures eius in preces eorum. Et Iacobus apostolus: Multum valet, inquit, deprecatio iusti assidua. Plus potuit vnus Moyse oratio, quàm multorum arma. Illo namque orante victæ sunt inimicorum copiar, quo tacente superabant. Ad Eliæ prophete preces celum dedit pluuiam & terra fructum, cum trium annorum & sex mensium siccitate cuncta in agris exaruisissent. Idem viduæ Sareptanę inopiam farinæ oleiq; copia exuberare fecit, filioque eius mortuo, cum orasset, vitam instaurauit. Eliseus quoque deum precatus viginti hordeaceis panibus centum virorum famem saturauit, ita vt etiam reliquæ superfuerint. Deinde Sunamitidi hospite diu sterili prolem à domino exorauit, & qui natus fuerat, puerum vita defunctum reuiuiscere
- Ioh. 12.
- Psal. 137.
Iacobi 5.
- Exod. 17.
3. Reg. 17.
4. Reg. 4.
- Ibidem.
4. Reg. 5.

uiscere fecit, postremò Naamam Syrum lapræ morbo laborantem sanitati restituit, nec terrenis corporibus modò, verum etiam cœlestibus iusti atque fidelis hominis præualeat oratio. Iosue Israëliti exercitus dux Iosue 10. oblati deo precibus solem & lunam stare compulsi, donec inimicos ad fugam conuersos persecutus inter-
 nicione deleret. Pro Ezechia rege supplicante angelus 4.Reg.9. è cœlo delapsus pugnauit, & Assyrios qui ipsum obsederant, cœcidit: centum octoginta quinque milia viro-
 rum vna nocte fuere desiderata. Nullus vnquam exer-
 citus tam feliciter armis confligit, quàm eo tempore
 sua solus Ezechias oratione. Sed etiam quando graui 4.Reg.20. morbo affectus se moriturum audisset, longiora vitæ
 spatia oranti quindecim anni additi sunt. Longū esset
 referre veteris nouæque scripturæ miracula, percur-
 rendo quando quanta vis atque virtus precum sancta-
 rum sit, quot mortuos ipsi etiam Christi discipuli susci-
 tarint, quot cæcis visum, quot claudis gressum, quot in-
 curabili ægitudine oppressis pristina restituerint sa-
 nitatem. Audi insuper quid ipsa veritas dicat: Omnia,
 inquit, possibilia sunt credenti, & omnia quæcunque
 petieritis in oratione credentes accipietis. Et alibi: Matth. 21.
 Quodcūque petieritis patrem in nomine meo, hoc fa-
 ciam. Et iterum: Si quid petieritis patrem in nomine
 Iohan. 14. meo, dabit vobis. Iohan. 17. Quid ais Iudæ? quid tu Mahumeta-
 ne? quid vos omnes qui in Christū non creditis, nonne
 incassum cœleste bonum speratis, quia illud in nomi-
 ne Christi non petitis? Non enim potestis in eius no-
 mine petere, quem non recipitis fide, quem dei filium
 esse negatis. Suis autem fidelibus illi ait: Si manseritis
 Iohan. 15. in me, & verba mea in vobis manserint, quodcunque
 volueritis petetis, & fiet vobis. Manemus in Christo
 cum credimus, manent in nobis verba Christi, cum ea
 operibus comprobamus. Hoc si præstabimus, nubes cœ-
 losque penetrabit oratio, & illi beati spiritus qui To-
 bia

Tob. 12.
Apoc. 8.

biæ preces offerebant domino, etiam nostras offerre curabunt. Et sicut in Apocalypsi scriptum est: Fumus incensorum de orationibus sanctorum ascendit coram deo de manu angeli, ita & nostræ orationes ascendent. Neque vlli dubium esse potest, quin ille cuncta quæ petierit à domino impetraturus sit, cuius internuntij spiritus ipsi angelici esse non dedignantur. Neque enim hoc ideo permittit omnium præcius, & semper ubique præsens deus, quòd indigeat ut hominum opera orationesque ad se perferantur: sed ut per angelorum officium suam erga pios promptosque peccatores benevolentiam testetur. Amare se plurimum eos ostendit, quos talibus uti concedit ministris. Quibus certè si digni fuerimus, hoc est, si quemadmodum oportet, orauerimus, præterita peccata condonabuntur, præsentia repellentur, futura faciliè vitari poterunt, ipsa animi virtus roborabitur, caro obediet spiritui, & superatis diaboli tentamentis, bonorum operum fructus cummulabitur. Reliquum erit, ut re bene gesta hinc decedentes à domino coronemur. Sed iam de illis quoque pauca dicamus, quorum preces vel nullius vel minimi momenti sunt, ut simul discamus, nos eorum dissimilimos esse oportere, si diuinum nobis fauorem precum laudemque cultu cupimus conciliare.

De oratione infructuosa. Cap. 10.

Thre. 3.
Ibidem.

NE supplicationibus nostris propitiatur deus peccata obstant. In Ieremia scriptum est: Opposuisti nubem, ne transiret oratio. Vnde idem propheta sub persona plebis peccatricis coram deo quæritur & ait: Nos iniquè egimus, & ad iracundiam prouocauimus, idcirco tu inexorabilis es. Nisi enim omnium prorsus delictorum quæ commisimus, nos poenituerit, & de omnibus pariter dolore mœrorèque satisfacere stu-

studuerimus, frustra procumbimus ad orandum. Nimum impudens est, qui vel vna in re offendere nō cessat, & ab eo quem offendit, orat gratiam. Quid supplicando atque obsecrando placare deum tibi iratum speras, & à luxuria non discedis, & fornicari non desinis? vel aliud quod legi diuinæ aduersatur, agere non omit-
tis? De istiusmodi supplicatoribus lamentatur in euā-
gelio saluator noster, dicens: Quid vocatis me domine
domine, & non facitis quæ dico? Quod si fortè conti-
gerit, vt per inuocationem diuini nominis miraculum
aliquod efficias, noli propterea credere deū tibi recon-
ciliatum, si in delicto perseveras, nō tuo merito id con-
ceditur, sed necessitati aliorum. Multi, inquit, dicent
mihi in illa die, domine domine nōne in nomine tuo
prophetauimus, & in nomine tuo dæmonia eiiecimus,
& in nomine tuo virtutes multas fecimus? Et tunc con-
fitebor illis, quia nunquam noui vos, discedite à me om-
nes qui operamini iniquitatem. Tunc te nosse incipiet,
cū ab eo scelere, in quo nunc obstinatus perduras,
abstinere decreueris, tunc & gratiam conferet vt ab-
stineas, & cum pro tua oraueris salute, voti compos vt
efficiare præstabit. Intantum autem obstinatorū non
acceptat orationem, vt etiam pro eis orare vetet, præ-
fertim si incorrecti impœnitentesq; decesserint, quod
Iohannes apostolus in epistola testatur, dicens: Est pec-
catum ad mortem, non pro illo dico vt roget quis. Ipse
quoque dominus Iudæorum pertinaciæ iratus, ad Iere-
miam prophetam loquens ait: Tu ergo noli orare pro
populo hoc, nec assumes pro eis laudem & orationem,
& non obsistas mihi, quia non exaudiam te. Timeant
itaque horum verborum sententiā qui in peccato per-
sistere non timent. Quod si in scelere perseveraturum
aliquem constaret, nemo fidelis pro salute illius orare
auderet, nisi sibi licere arroganter crederet, quod non
licuit prophetæ. Nos verò ideo etiam pro obstinatissi-
mis

Lucæ. 6.

Matth. 7.

1. Iohan.

Ierem. 7.

Matt. 5.

mis rogamus, quia nescij futurorum speramus ad pœnitentiam redituros. Certum est tamen cassas vanasq; esse preces, per quas aliis id postulatur quod non merentur accipere. Illorum etiam inefficax & inutilis erit deprecatio, qui lingua quidem mansuetudinem atque humilitatem præferunt dum deo supplicant, & in corde aduersus proximum odij facibus ardent. A deo diligi volunt, & homini ad imaginem dei facto, Christi sanguine redempto, insensi sunt. Audi quid præcipiat dominus: Si offers, inquit, munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum. Quamobrem nisi remiseris omnem offensam, nisi reconciliatus fueris, nisi eum etiam qui aduersum te indignatur, quantum potes, placaueris, curam non solum tuam, sed etiam alienam salutis gerens, non poteris munus orationis offerre domino. Non enim exaudiet te, nisi charitatem quam omnibus debes, viderit in te. Illius quoque reprobam in primis habetur oratio, qui quicquid petierit, non eo tendit, ut deo placeat. Nam siue pro corporis valetudine, siue pro rebus vite necessariis, aut pro quauis alia re orabimus, semper ea fine orandum erit, ut commodius ei, qui bona omnia tribuit seruiatur. Sed auari ideo orant, ut terrena bona lucrentur, ideo gloriæ cupidi ut ab hominibus laudentur. Quare ad primos certe pertinet quod in Euangelio dicitur: Vae vobis scribæ & pharisæi hypocritæ, qui comeditis domos viduarum, orationes longas orantes, propter hoc amplius accipietis iudicium. Non enim solum pro auaritiæ crimine punientur, sed & pro sanctimoniam simulatione. Secundos imitari dominus prohibet, dicens: Cum oratis, non eritis sicut hypocritæ qui amant in synagogis & in angulis platearum stantes orare, ut videantur ab hominibus: Amen dico vobis

Matt. 23.

Matth. 6.

bis, receperunt mercedem suam. Non ergo recepturi
 sunt dei gloriam, quam orando nō expetunt, cū iam
 receperint gloriam hominum, quam concupierant.
 Utuntur & hi quidem dominica oratione, sanctorum
 psalmis precibusque ab ecclesia constitutis, dominus
 tamen non attendit verba, sed animū intentionemque
 orātis, & magis irritatur quā placatur, cū id quod
 bonum est, proposito vsurpatur non bono. Tale quippe
 facinus & Ieremias deuouet, dicens: Maledictus qui fa- Ier. 48.
 cit opus domini fraudulenter. Cū ergo hic quoque
 fraudulenter agat, qui orandi studium ad laudem dei
 institutum, ad suam vertere nititur, erit utique male-
 dictus: & dum vulgi plausum captat, videri nō esse san- Psal. 52.
 ctus cupiens, nisi poenitentiam egerit, non effugiet poe-
 nam, dicente propheta: Deus dissipauit ossa eorū, qui
 hominibus placent. Præterea neque eorum ad impe-
 trandam gratiam proficit supplicatio, qui quāuis be-
 nefecerint, iactanter tamen facta sua prædicant, cū
 teste conscientia contenti esse deberent, & quicquid
 laudabiliter egissent, non sibi, sed deo tribuere. Talis
 fuit Phariseus ille, qui ingressus templum vt oraret, Lucæ 18.
 deprimere aliorum mores cœpit, suos verò insolenter
 efferre: Deus gratias tibi ago, inquit, quia non sum si-
 cut cæteri homines raptores, iniusti, adulteri, velut
 etiam hic publicanus, ieiuno bis in sabbato, decimas
 do omnium quæ possideo. Si ista quæ faciebat, ad dei
 laudem non ad suam dixisset, nec se cæteris prætulisset,
 non peccasset, sed & se gloriari voluit, & alios petu-
 lanter incessere, & præcipue publicanum tunc eodem
 loco, sed multò submissius orātem. Ideo peccatoris hu-
 militas meruit veniam, iusti superbia damnationem,
 domino de utroque sententiam ferente, cū diceret:
 Amen dico vobis, descendit hic iustificatus in domum
 suam præ illo. Quod si tantum potest humilitas adhi-
 bita peccato, quanto plus poterit innocentia probeq;
1 factis

factis copulata: Sunt qui nimis negligenter orant, sum-
mis labijs verba murmurant, nec satis quid dicant,
attendunt, non dissimiles illis qui per quietem som-
niantes loquuntur, quos per Isaiam arguens dominus,
ait: Hic populus labijs me honorat, cor autem eorum
longè est à me. Tales certè si exaudiret, non reprehen-
deret. Et quoniam inter orandum semetipsos non in-
telligunt, faciunt vt nec à deo intelligantur. Qualem
igitur affectum orandi habent, talem & fructum suæ
orationis referunt. Ex his (vt equidem reor) erat ille,
cui in Apocalypsi deum audimus loquentem: Vtinam
frigidus esses aut calidus, sed quia tepidus es, & nec fri-
gidus nec calidus, incipiam te euomere ex ore meo. Fri-
gus timoris est, calor ad amorem refertur, tepiditas
autem desidix otioque tribuitur. Otiosi igitur & ter-
rena magis quàm cœlestia curantis deprecatio, quoniã
neque satis timet, neque satis amat, tantum abest vt
quicquam impetret, vt etiã (si fas est dicere) nauseam
ei faciat quem precatur. Cùm enim admodum somni-
culosè roget, illud quod petit, cõtemnere potius quàm
desiderare videtur. Nam si magnipenderet quod po-
scit, enixè in primis ardentèrque instaret, diceretque
cum propheta: Clamaui in toto corde meo, exaudi me
domine. Qui sic non clamant, non facilè exaudiuntur.
Nonnulli verò satis cupidè orant, sed fide dubia adhuc
atque nutanti, veluti ille in euangelio, qui filium se-
cum attulit ad Iesum, vt à vexatione liberaretur, &
ait: Si quid potes, adiuua nos misertus nostri. Quandiu
suspensò animo fuit, possit ne id sibi à domino præsta-
ri, quod rogabat non accepit. Postquam autem firma
stabiliq̃ue fide opus esse ad impetrādum didicit, & se
iam verè credere nihilq̃ue de domini virtute dubita-
re respōdit, filium pro quo orabat sanum recipit. Hanc
dubiæ & fidelis postulationis inter se distantiam Ia-
co. apo. verba satis declarant, vbi ait: Si quis indiget sa-
pien-

Isai x. 29.

Mat t. 11.

Marci 9.

piencia, postulet à deo qui dat omnibus affluenter, & non impropere, & dabitur ei. Postulet autem in fide nihil hæsitans, qui enim hæsitat, similis est fluctui maris, qui à vento mouetur & circumfertur. Non ergo æstimet homo ille, quòd accipiat aliquid à domino. Ex his igitur quæ diximus, perspicuum est, eos qui vel de religione quicquam dubitant, vel in peccato aliquo perdurant pro æterna salute, quam credentibus ac poenitentibus promissam esse constat, orantes non exaudiri, quibus dicere possis, cum Iacobo apostolo: Petitis, & nō accipitis, eo quòd malè petatis. Quod quidem & ecclesia deo in psalmis loquens confitetur, cum ait: Odientes me disperdidisti. Clamauerunt, nec erat qui saluos faceret, ad dominum, nec exaudiuit eos. Contraria his agamus oportet, si volumus vt petita nobis concedantur, vt videlicet ista per quæ precantium labor irritus efficitur, vitemus, & illa faciamus quæ nos cum precamur, voti compotes reddunt. Quoties autem id quod orando poscimus, non euenerit, aut dilatum credamus vt aptiori detur tempore, aut non fuisse profuturum si datum esset, aut ne daretur peccata nostra obstinuisse. Si verò ~~x~~ sententia successerit petitio, gratias deo agamus, neq; quicquam nostris meritis, sed totum eius erga nos benignitati deputemus. De orandi ratione satis dictum sit: nunc vt confidentius ad orandum procedamus, de peccatorum poenitentia, sine qua omnino placere non possumus, tractandum videtur.

Iacobi 3.
Psal. 17.

De peccatorum poenitentia. Cap. II.

Poenitentia nos à peccatorum sordibus emundat, & pristina restituit puritati. Vnde læprosus in Euangelio Christum suppliciter adorās, & curari cupiens, morbo liberatur. Leprosus in scripturis peccatum designat. Peccati ergo læpra domino iubente, ab animo poenitētis fugatur, vt ibi virtutes inferātur,

Matth. 9.

- Matth. 8. vnde vitia pullulabant. In huiusce rei figura & paralyticus de lecto surgit, & mulier à sanguinis profluvio curatur, & qui mortui erant reuiuiscunt, & alij multi varijs languoribus grauati eleuantur. Nam quemadmodum hi credendo & pœnitendo corporis consecuti sunt salutem, ita animæ fideles à peccatorum ægritudine per pœnitentiam liberatæ saluantur. Sic saluatus est Dauid, qui de adulterij homicidijq; crimine, quod
2. Reg. 12. commiserat dolens: Peccaui, inquit, domino, & continuo peccatum sibi remissum esse meruit audire, & tunc quidem ad altiora se extendens, clamauit: Cor mundum crea in me deus, & spiritum rectum innoua in visceribus meis, vt impetrata delictorum venia spiritus sancti donum in ipso reparetur, per quod vitæ quoq; sanctitate possit proficere. Quod autem sceleri veniam impetret pœnitentia, etiam per Ezechielem prophetam dei verbis edocemur: Si impius, inquit, egerit pœnitentiam ab omnibus peccatis suis quæ operatus est, & custodierit omnia præcepta mea, & fecerit iudiciū & iustitiam, vita viuet, & non morietur, omnium iniquitatum eius quas operatus est, non recordabor, in iustitia sua quam operatus est, viuet. Nunquid voluntatis tuæ est mors impij, dicit dominus deus, & non vt conuertatur à viis suis & viuatur? Et iterum: Impietas impij non nocebit ei, in quacunque die conuersus fuerit ab impietate sua. Pœnitentia igitur nitrum est & herba fullonum, quæ non corpora, sed animam nitidam reddit, & resina illa Galaad, quæ non carnis ægritudini, sed mentis medetur vitiis. Mens autem post peccatorum purificationem spiritu sancto fauente illuminatur, virtutumq; incenditur amore, ita vt ab iis quæ deo displicent penitus expiata, cogitare incipiat quæ sint illa, quibus ille plurimum oblectatur, cupiēs eidem in omnibus obsequi, in omnibus semper fideliter seruire. Hæc est igitur gratia, quæ pœnitentibus datur, fidusque illud lumen

eulentum, quod magos, cum regem mundi natum quæ-
 rerent, præcessit, sed cum itinere ad Herodem diuer-
 tissent, fulgor viæ salutaris index euauit: vbi verò di-
 scessum est ab Herode, rursus idem lumen apparens,
 illos usque ad dominum, quem quærebant, perduxit.
 Ergo diuinæ gratiæ mentem nostram irradians lux, la-
 tet & obscuratur, sed ad vitia diuertimus: cum autem
 ab his per pœnitentiam recedimus, quàmprimum exo-
 ritur, & intelligentiam mundati cordis illustrat, vt ad
 contemplationem cœlestium erigatur, cui prius terre-
 na tantum curæ erant. Sic & cæcis visus, & surdis au-
 ditus, & vox mutis tribuitur in Euangelio: vt qui in
 tenebris peccati fuerunt, per pœnitentiam illuminen-
 tur: & qui dei præcepta audire nolebant, conuersi etiã
 perficere studeant: & qui docendi non ignari, sed otio
 dediti linguam compescuerant, iam alios ad capeffen-
 dam virtutem hortando atque instruendo ora resol-
 uant. Talibus ab Apostolo dicitur: Eratis aliquândo te-
 nebræ, nunc autem lux in domino. Vt filij lucis ambu-
 late. Vnde idem peccatorem ad pœnitentiam solici-
 tat, dicens: Surge qui dormis & exurge à mortuis, & il-
 luminabit te Christus. Ceterum, nisi prorsus omnium
 quæ turpiter & iniquè perpetrauimus nos pœnituerit,
 lux ista in nobis locum non habebit. Non potest fulge-
 re dies quandiu pars aliqua noctis remanet, neque syn-
 cerum esse frumentum, donec à minutissimis etiam pa-
 leolis & cunctis pulueris micis euentisatum non fuerit.
 Denique veluti cæcus ille, qui nondum satis credulus,
 visu recepto quasi per caliginem cernebat, videban-
 turque ei homines (vt Marcus ait) tanquam arborum
 effigies incedentium, deinde plena fide Christum susci-
 piens, iterumque ab ipso contactus, clarè videre cœpit
 omnia. Ita nunquam perfectè illuminari poterit, cu-
 ius non erit ex omni parte pœnitentiã perfecta, de qua
 perfectione inferius, quantum dominus nostras quoque

Ephe. 1.

Marci 8.

tenebras illustras dignabitur, dicemus. Interim reliqua pœnitentiæ bona cursim prosequamur. Post mentis illuminationem pœnitentia animi robur viresque sup-
 peditat ad insultus dæmonum reprimendos, carnisq;
 vitanda blandimenta. Anima enim sicut peccatorum
 vinculis irretitur, ita pœnitentiæ ope operaque solui-
 tur ac liberatur, expedita intrat in domum fortis ipsa
 iam fortior, & quæ antea diabolo ligata fuerat, nunc dia-
 bolum ligat, vasque eius diripit, nihil in se relinques,
 quod ille suum esse possit dicere. Quâdiu autem serua
 peccati fuit, & domus & vas diaboli erat, postq̃ pecca-
 re desiit, & quod peccauerat pœnitendo deleuit, facta
 est domus orationis & vas iustitiæ, atque ita prævaluit
 aduersarij sui potentiæ suæ pœnitentiæ virtute. Ad hæc
 percurrere veteris instrumēti historias, & inuenies He-
 bræum populum propter peccata hostili potestati fre-
 quenter subiectum, propter pœnitentiam liberatum;
 propter peccata victos, propter pœnitentiam victoria
 potitos. Hoc Iudicum liber continet, hoc Regum gesta
 testantur. Sic Rhoboam, ne Aegyptij armis disperde-
 retur, obtinuit, Sic Achab malum quod capiti suo mox
 incubiturum per prophetam didicerat, distulit ad po-
 stores, sic Iosaphat Ammonitas Idumeosq; vicit & nu-
 mero & armis impar, sic Ioram Assyriorum obsidione
 & Ioachan eorundem seruitute liberatur. Ob hoc pro
 Ezechia stans angelus domini concidit Assyrios. Ob
 hoc Manasses Babylonio iugo erutus, regno quod ami-
 serat restituitur. Ob hoc Iosias non vidit malum, quod
 vidisset, si delicti eum non pœnituisset. Eius pœniten-
 tiæ merito, ne impœnitens quidem populus dei vindi-
 ctam sensit, quâdiu ille vixit. Quinetiam pœnitentiæ
 tanta vis est, vt immutabilis dei mutare posse senten-
 tiam videatur. Post dies quadraginta subuertendam
 Niniuem Ionas à domino iussus prædixerat, & tamen
 Ninuitis in cilicio, cinere, atque ieiuniis pœnitentiā
 agen-

Populus Is-
 raël.

Rhoboam.
 Achab.

Iosaphat
 Ioram
 Ioachan
 Ezechi.
 Manasses
 Iosias.

Ninuitæ
 Ionæ 2.

agentibus ignoscitur:& quoniam illi peccandi superbiam in pœnitendi humilitatem conuerterant, diuinum decretum reuocatur. Nec deum ipsum pudet figulo se comparare, vt in Ieremia legimus, qui vas luteum fingens, cum rota currente fortè dissipasset, rursum illud in eandem faciem refecit:& ecce, inquit, sicut lutum in manu figuli, sic vos in manu mea domus Israël. Repente loquar aduersum gentem & aduersum regnū, vt eradicem & destruam & disperdam illud. Si pœnitentiam egerit gens illa à malo suo, quod locutus sum aduersum eam, & ego pœnitentiam agam super malo, quod cogitavi vt facerem ei, & subitò loquar de gente & regno, vt ædificem & plantem illud. Attendāt principes terræ ista, & si qua regni dispendia patiuntur, non fortunæ imputent, quæ nulla est, sed sibi qui deum offenderunt:& si in integrum restitui cupiunt, pœnitentiam agant, delinquentes corripiant, iustitiam seruent. Deus irasci desinet, si illi quibus nunc irascitur, correcti, sanctius viuere incipient: Alioqui penitus delendi, nisi se corrigant. Id testantur duorum regum diuersi exitus Pharaonis & Nabuchodonosor. Alter toties flagellatus duritiam cordis non dimisit, ideoque cum toto exercitu qui ipsum sequebatur, fluctibus obrutus, periit. Alter inēte alienatus, vrbe eiectus, & cum brutis computatus, quia deum contempserat, inter aduersa animo resipiscens deo se submisit: & pœnitudine ductus, veniam ab eo petiit, quo miserante calamitatibus liberatus & in regno fuit receptus. Diuina igitur prouidentia cum pœnitentibus clemēter ignoscit, tum in vitio pertinaces diu frustra puniens, iustè postremò disperdit, & quos temporali animaduersione ad emendationem vitæ compellere nequit, eos æternis pœnis afficiendos condemnat. Sicut autem deprauatæ mentis obstinatio sua grauitate hominem in abyssum deprimit ac pessundat, ita pœnitentia sua virtute sursum

Ierem. 18.

Pharao.
Nabuchodonosor.

Luca 13.

sum in sublime vsq; ad cœleste regnum euehit, & quò nihil est sublimius, deo coniungit. Hinc est quod saluator in Euangelio ait: Pœnitentiam agite, appropinquet enim regnum cœlorum. Hoc regnum domus est illa, ad quam ouis à grege suo aberrans cùm inuenta fuerit, humeris reportatur pastoris, & sit gaudium in cœlo super vno peccatore pœnitentiam agente, magis q̃ supra nonagintanouem iustis, qui non indigent pœnitentia. Denique pœnitēti in cruce latroni, Christumq; confitenti, ab eodem responsum est: Hodie mecum eris in paradiso. Et in Apocalypsi beati dicuntur, qui lauāt stolas suas in sanguine agni, vt sit potestas eorum in ligno vitæ, & per portas intrent ciuitatem. Beati sunt qui peccatorum maculas lauant, sed eas in sanguine agni lauare oportet, quia pœnitentia nihil iuuaret, si Christi passio sub maledicto venūdatus nō redemisset. Lauantur itaque in sanguine agni qui in Christum credentes eius misericordiam pœnitendo & sperando implorant, & eodem miserante, bonū quod cupiunt, consequuntur. Neque enim nisi fideles forent, quos peccasse pœnitet, per portam, id est, per ipsum qui ait: Ego sum ostium ouium, ciuitatem illam, patriam beatorū perpetuam atque perennem, ingredi potuisset. Quanta confetat nobis pœnitentia diximus, nunc qualis esse debeat, vt ea conferantur, dicemus.

Qualem oportet esse pœnitentiam.

Cap. 12.

Matt. 21.

EX arbitrij libertate proficiscatur oportet, quicquid operis vel pœnam meretur, vel præmium. Pœnitentia igitur nisi voluntaria fuerit dei aduersus peccatorem iram placare non poterit. Libertas ista in illa duorum filiorum parabola manifesto apparet, qui à patre iussi, vt vineam cultum irent, alter negauit

gavit se iturum, & pœnitentia motus, iuit: alter iubenti quidē assensit, sed mutato proposito ire noluit. Paruo momento vtriusque in contrarium reuoluta est voluntas. Is tamē patris imperium peregrisse dicitur, quā nolle obedire pœnituit, & quod antē noluerat, rursū voluit, suāque sponte fecit, quod liberum erat facere nolle. Hoc si inuitus fecisset, inter non obediētes habendus esset, nō enim pro eo quod quis nolens, sed pro eo quod volens benefacit, laudem meretur atque gloriam. Voluntas ergo vt bene de deo mereri possit, libera ad pœnitentiam agendam accedat, non coacta, non vi aliqua compulsā. Deinde voluntariæ pœnitentiæ iungenda est submissæ mentis humilitas. Ille qui à patre recedendo peccauerat, veniam petendo, dixit: Non sum dignus vocari filius tuus, fac me sicut vnū de mercenariis tuis, ideo æquari fratri qui non deliquerat, vel etiam præferri meruit. Et publicanus dum cernuus orat, indignūque se iudicat in cœlum suspicere, Christo testante, rediit iustificatus, cœli ciuis futurus, qui peccati seruus fuerat. Sed si ne iustus quidem, nisi se humiliauerit, exaudietur, quanto minus peccator veniam impetrare poterit, nisi simul & pœniteat & humilietur? Hoc ipsum dominus à nobis exigens, clamat: **Conuertimini ad me in toto corde vestro, in ieiunio, & fletu, & planctu, & scindite corda vestra, & non vestimenta vestra.** Cor autem humiliatum, & intus pœnitentiæ dolore scissum, lachrymæ (si fieri potest) foris per ora manantes testentur. Mulieri peccatrici in Euangelio dimittuntur peccata multa, quia dilexit multum. Sed dilectionis huius testes lachrymæ erant, quibus pedes domini rigauit: capilli, quibus rigatos terfit: labia, quibus terfos osculatus est: vnguentum, quo illos post oscula vnxit. Mœror, humilitas, amor, simul mixta erant, omnium tamen causa fuerat amor, quo cōcupiuit cum ipso in gratiam redire, quem offenderat. Petrus quoq; apo-

Lucæ. 15.

Idem. 15.

Iohel. 2.

Lucæ. 7.

Matt. 26.

Iacobi 4.

2. Cor. 7.

Matth. 7.

Dan. 10.

Iohannes
Baptista.

apostolus negationis crimen fletibus diluit amaris, & qui ante lachrymas domino infidus extiterat, post lachrymas regni cœlestis clauēs ipso tradente accipere meruit. Ad eiusmodi fletum Iacobus apostolus nos inuitat, dicens: Emundate manus peccatores, & purificate corda duplices animo, miseri estote, & lugeate, & plorate, risus vester in luctum conuertatur, & gaudium in mœrorem. Humiliamini in conspectu domini, & exaltabit vos. Per hoc quod in fine subiunxit, docet pœnitentis lachrymas æterna consolatione esse dignas. Eadem Pauli sententia est, vbi ait: Quæ secundum deum tristitia est, pœnitentiam in salutem stabilem operatur. Tristitiam verò istam atque fletum, ne leuitatis esse videatur, vitæ austerioris obseruatio comitari debet, vt quod per voluptatum illecebras peccatum est, per corporis afflictionem purgetur. Intrate, inquit dominus, per angustam portam, quia angusta & arcta via est quæ ducit ad vitam. Quod si per viam istam sanctos & pios homines cœlum ascendisse credimus, quomodo qui peccauerunt id assequi posse sperant, nisi & ipsi per eam inceserint? Iob iustus nullius mortiferi delicti conscius, & qui summi dei verbis laudatus fuerat, præter illa quæ ad patientiæ probationem pertulit, saccum consui, inquit, super cutem meam, & operui cinere carnem meam, facies mea intumuit à fletu, & palpebræ meæ calligauerunt. Daniel inter prophetas egregius habitus est, visionum somniorumque intelligentia donatus est, puer adhuc senes iudicauit, & tamen ego Daniel, inquit, lugebam trium hebdomadarum diebus, panem desiderabilem non comedi, & caro & vinum non introierunt in os meum, sed neq; vnguento vnctus sum. Quid de Iohanne Baptista dicam? in matris vtero sanctificatus, de muliere genitus prælatus, plus quàm propheta habitus, deserti angustias volens patitur, pilis camelorum vestitur, zona pellicea

præ

præcingitur, & in tam vili habitu vilius nutritur, locustas & mel sylvestre comedens & aquam bibens, à vino autem & sicera se abstinens. Si ergo electorum dei talis in terra vita fuit nullius penè culpæ consciorum, quos labores, quas vigilias, quæ ieiunia, quas asperitates, nobis tot criminum iniquatione fœdatis non vltro subeundas dixerim, vt mundemur? Veruntamen quorum durioris vitæ rigorem sponte susceptum imitari proposuerimus, eorum sequi debemus & mores. Frustra enim aliquis corpus exterius fatigationibus exercet, si mens intus non se omnino disponat, ita vitio abstinere, vt etiam diligenter incumbat studio virtutum. Ideo dictum est: Facite fructum dignum Matt. 13. pœnitentiæ, quia maximè pœnitentibus conuenit, vt dimissis flagitiis, bene beatèque viuendi exercitationibus operam impendant, vt videlicet superbiam excludat humilitas, libidinem castitas, avaritiam liberalitas, crapulam abstinentia, otium labor, dolum simplicitas, odium charitas, & quicquid culpabile fuerat, contraria probitas compenset. Atque ita in cubilibus (vt Isaias ait) in quibus prius dracones habitabant, Isaiæ 35. orietur viror calami & iunci, & erit ibi semita, & via sancta vocabitur. Hoc est quod Apostolus nobis suadet, vt deponamus veterem hominem, qui corrumpitur per desideria erroris, & induamus nouum, qui secundum deum creatus est, in iustitia & sanctitate veritatis. Hac tali negotiatione talenta nobis credita duplicantur, & qui super pauca fidelis fuerit, super multa constitutus intrabit in gaudium domini sui. Super omnia verò cauendum est, nedum pœnitentiam mirè procrastinamus, pœnitentiæ tempus effluat, & in peccatorum luto adhuc defixos repente mors occupet. Vide igitur ne te iuuenilis fallat ætas, ne salubre corpus & robustæ vires decipiant. Nulli ætati parcit mors, & sicut senes ita & pueros rapit, quinimo rari Thess. 4.
admo-

Eccle. 5.

admodum sunt, quos ad senectam vsque patitur peruenire. Plurimos præterea eadem dies sanos fortesq; incedere vidit, & exanimis concidere. Nulla vitæ securitas est, semper inter pericula versantium. Potes vel morbi vi, vel venenati cibi haustu, vel serpentis ictu, vel ficarij alicuius improuiso percussu, vel alio aliquo inopinato casu protinus extinguï, denique quod multis accidit, potest & tibi. Idcirco sicut in Ecclesiastico scriptum est: Non tardes conuerti ad dominum, & ne differas de die in diem, subito enim venit ira illius, & in tempore vindictæ disperdet te. Expectaris à domino, vt sceleris perpetrati te pœniteat, & mores vitio corruptos virtutis operibus cures ne pereas, tu verò tuimet oblitus, perire mauis quàm corrigi, & tam benignum dominum, tam pium patrem non cessas offendere. Iam tandem excute insaniam istam & resipisce ac saniore vsus consilio, rumpe moras omnes, pone finem flagitijs, & supplex veniam ora, vt deo miserante, dum miserendi superest tempus, mereri cœlestia incipias, cùm terrena spreueris. Quòd si cunctantem mors præuenerit (vide in quanto verseris discrimine) æternam, quæ pœnitentibus datur, beatitudinem amittes, & in ignem inextinguibilem, quo currunt obstinati, perpetuò cruciandus deiicieris. Nihil est quod magis cauere debes, ergo & nihil magis accelerare quàm pœnitentiam, per quam talia cauentur, & mutata sorte tam immensum malum vitatur, tamque immensum bonum acquiritur. Hæc sunt igitur verè pœnitentis officia, quæ retulimus, vt videlicet volens non inuitus ad pœnitendum accedas, vt humiliaris, vt lugeas, vt vitam magis laboriosam viuas, vt præterita peccata succedentium virtutum meritis compenses, vtque in primis cures, ne pœnitendi tempus tarda conuersione imprudenter amittas. Ista tamen omnia cùm perfeceris, vide ne quid tibi tribuas, totum diuinæ gratiæ acceptum referre

ferre debes, & cum propheta dicere: Scio domine quia non est hominis via eius, nec viri est vt ambulet & dirigat gressus suos. Nam si humana fragilitas ad agendum pœnitentiam diuino non indigeret auxilio, Ieremias non orasset: Conuertere nos domine ad te & conuertemur, nec saluator dixisset: Sine me nihil potestis facere. Et: Nemo potest venire ad me, nisi pater qui misit me traxerit eum. Cui sententiæ Pauli apostoli dictum concordat, vbi ait: Non volentis neque currentis, sed miserentis est dei. Vnde Philippensibus etiam scripsit, dicens: Cum metu & tremore vestram salutem operamini. Deus est enim qui operatur in vobis & velle & perficere pro bona voluntate. Idem arroganter sese offerentem increpans ait: Quid habes quod non accepisti? si autem accepisti, quid gloriaris, quasi non acceperis?

Thren. 5.

Iohan. 15.

Iohan. 6.

Philip. 2.

1. Cor. 4.

*De obstinatione non admittentium
pœnitentiam. Cap. 13.*

NVnc illos conueniamus, qui peccandi assuetudine obdurantur, qui que graui aliquo execrandoque commisso crimine veniam desperant, & cum ad pœnitentium conuerti alteris arduum videatur, alteris, vanum, vtri que in propositio perditissimæ vitæ immobiles perseverant. Enitendum est, si modo possumus, quod irrationabiliter conceperunt, ratione discutere, qua fortasse compulsi, mortiferum venenum euomere curabunt quod hauserunt. Tu qui multum temporis peccando consumpsisti, & ætatem ad bene agendum datam, in delicijs, in luxurijs, in obscœnitatibus turpiter contriuisi quo excideris cogita, & vel in fine de regione longinqua incipe redire ad patrem quem reliquisti. Difficile est, inquis, ab vſitatis desistere, & pellem iam inueteratâ serpentis more cum noua com-
mu-

mutare. Sed nisi de Iudæa transferis ad Galilæam domini resurgentis gloriam videre non poteris. Tametsi hoc tibi difficillimum sit, incipe tamen, tenta, experire, quanto magis tardas, tanta rem factu difficilior rem reddes. Neque enim ad hanc difficultatem, quam caufaris, nisi per moras dilationesque conuersionis descendisti, quo longius abieris, durius erit reuerti, oneri quotidie addendo, nisi rursus de illo demere incipias, grauitate crescente opprimeris. Quandiu ergo pœnitentiam agere cunctaris, in dies deterior euadas necesse est, Iesu autem recedente de templo corporis tui (templum enim dei eras, dum innocenter viueres) non relinquetur lapis super lapidem qui non destruat, omnis virtutum vis dissipabitur abscedente domino virtutis. Reliquum erit, vt vbi eradicata bona fuerint, inde exurgant mala, & de corrupto semine deterior exhuberet seges, & fiant nouissima tua prioribus peiora. Quanto ergo satius vt in tempore resipiscas, & cum diu dormieris, iam tandem expergiscaris, atque à vitiis quæ sequeris auersus, incipias iter ingredi virtutis? Quod si parumper perpendere volueris, quantum lucri facturus es, si te corrigas, quantum boni consecuturus, multò certè alacrius festinantiusque reditum expedies ad probitatem, quam ad nequitiam discessum hætenus expedisti. An tu ignoras iumenta onere grauata segnius à stabulis abire solere, celerius verò ad stabula remeare? & hoc quidem oneris deponendi pabuli que sumendi gratia. Nunquid ipse minus prouidus pigritabis fascē istum peccatorum, quo premeris abiicere, & ad pastum cœlestis manna festinare? non quam veteres Israëlitæ manducauerunt in deserto & mortui sunt, sed qua qui rectè vsi fuerint, viuunt in æternum. Consule igitur saluti tuæ dum licet. Nam quò tunc tendis, in vltima viæ crepidine terribile precipitium est quò si corrueris, nunquam inde resurges.

Nulla

Nulla est enim redemptio in inferno. Quò autem à nobis reuocaris, inde aditus est ad cœlestem beatitudinē, ad angelorum gloriam, ad requiem gaudiumque sanctorum. Nequaquam erit ita ut videtur difficile à prauis actionibus desistere, atque ad iustitiæ sanctitatisque opera accingi, si vel malorum pœnam, vel bonorum æstimare libuerit prēmium. Præterea ignaui est profectò eiusce rei exequendæ difficultatem prætere, quam sæpè à plurimis peractam fuisse constat. **Matth. 9.**

Zachæus. Zachæus ante apostolatam diu multumque avaritiæ studio vestigalium publicorum conducturas factitauit, quo die autem à Christo vocatus est teloneum reliquit, & qui satis longum tempus mammonæ seruierat, statim fit dei seruus Christi; Apostolus, Zachæus quoque ætatem in exigendis vsuris contriuerat, viso tandem domino, totum quod scœnore quæsitum erat, distribuere pauperibus cœpit, & illis quos aliquid defraudauerat satis facere. Eodem itaque die, quo finem criminum fecit, Christum domi suæ hospitem mernit habere. Multa id genus exempla tibi de scripturis possem proponere, si in his recensendis occupari vellem.

Luc. 13. Currentem per consueta vitia rotam affixo pœnitentiæ pax illo sistere non vales, si alij non pauci valuerint. Seruū est dies, at etiā nouissimis datur denarius sicut primis. Et mulier duodeuiginti ānos inclinata, ad cœlestē medicū tandē accedens extento dorso erigitur, quoniā eum qui mortuos ad vitā excitat, suam etiā infirmitatem quīs chironicā diutinamque curare & posse credit, & velle sperauit. Nunquā seruū est salutē querere, cum semper spes impetrandi suppetat, donec in corpore datur spirandi copia. Sed quia dierum nostrorū exitū nescimus, periculosissimū est postremū expectare, ne fortē is hodiernus vel crastinus sit, & tunc mori cogamur, cum nos multum adhuc victuros credimus. Ceterū si conuersioni tuæ (ut potissimē fit) hoc obstat, quod
violen-

violentæ admodum sensuum tuorum cupidini non potes resistere, da operam ut possis. Tolle concupiscendi occasiones, & membra scandalizantia abscide: auerte oculos ne videant quod ad peccandum prouocat, aures ne audiant, nares ne odorentur, os ne loquatur, manus ne contrectent. A pristinis quoq; sodalitijs ac societatibus paulatim te submoue, & iam honestiorum deumq; timentium hominum lateri adhærere stude, consortio consilijq; eorum vtere, quibus persuasus, is qui nunc es, esse defines. Nam si iuxta Apostoli sententiam, mala colloquia corrumpunt mores bonos, consequens est, ut bona colloquia malis moribus remedio sint. Verissimum est enim quod in psalmo dicitur: Cum sancto sanctus eris, & cum viro innocente innocens eris, & cum electo electus eris, & cum peruerso peruertêris. Iubes me inquires, veteribus amicis novos præferre? Imo malis bonos, & ut apertius dicam, inimicis amicos, & cum his quidem gratiam inire, illos relinquere. Vehementer enim erras, si ab ipsis te amari putas, qui ne sibi quidam amici esse censendi sunt, cum improbè incontinentèq; viuendo & se & te pariter perditum eant. Ergo ut a facinorosorum societate consortioq; discedas, & viris animi integritate conspicuis uti incipias hortamur, non ut amicos derelinquas. Quod si isti quorum nunc familiaritate delectaris, æqui atque honesti amici essent, & te ab eis amari faterer: cum autem te secum simul contempta virtute per devia vitiorum trahant, audeo dicere (quis enim verum dicere non audet?) capitalem illis inimicum habes neminem. Talibus autem carere non posse, non eos deserendi difficultas facit, sed malè sibi consulendi stultitia. Quid enim illo homine dementius, qui mauult perire cum scelestis, quàm cum probatis viuere? Tu si tua salus tibi est cura, ut esse debet, istos ipsos aut tecum simul si potes, ad pœnitentiam conuerte: Aut si non potes, fuge, ne vnâ cum

cum illis intercas. Melius est tibi mancum & claudum
 & altero carentem oculo intrare in paradysum, quàm
 duas manus & pedes & oculos habentem mitti in gehē-
 nam. Melius est enim sine amicis gaudio perfrui sem-
 piterno, quàm cum amicis tradi suppliciis. Quòd si de-
 cursa in voluptatibus vitæ vsum abiicere tibi prorsus
 molestum est, quæso ne saltem pigeat talis vitæ qui tã-
 dem finis sit considerare. Siquidem prudentis est pro-
 uidere futura, & si bruta quoq; quædam animalia ven-
 turæ tempestatis præfaga, antequam erumpat procel-
 la, ad tranquilliora sibi loca confugiunt, minus te ra-
 tionalem existimabo, si proposita voluptariis incon-
 tinentibusque tormenta tecum quandoq; non medite-
 ris, vel cum meditaris non expauescas, teque ad eum vi-
 tæ statum conferas, in quo & de pœna securior esse pos-
 sis, & de præmio certior. Noli ergo fieri sicut equus &
 mulus, in quibus non est intellectus ratione vtens ad
 ea quæ futura sunt, mentem dirige, & ad salutis por-
 tum, dum euadendi naufragij spes est, vela conuerte.
 Vel si vsque adeò inualidus & eneruis es, vt ratem cor-
 poris tui regere nequeas, ora vt queas. Petite, inquit
 dominus, & dabitur vobis. Non potes excusare imbe-
 cillitatem, vbi auxilium tibi promittitur, si petieris.
 Quid igitur? mollescis ne iam ad poenitentiam, an ad-
 huc in proposito inolitæ peruerfitatis obduras? Mon-
 strata hactenus remedia si parum proficiunt, nunc de-
 mum minis tecum & terroribus (ne quid intentatum
 relinquatur) agam. Quid est quod viuus, cum morte
 magis dignus sis, nisi quia domino miserante expecta-
 ris vt melius viuas? quod si vltra obstinatus esse pergis,
 cum ficu infructuosa succideris, ne terram occupes: suc-
 cidêris, inquam, & in ignem mittêris, & ardes, palmi-
 tis iustar à vite abscisi, atque arefacti, omni que humo-
 re, quo reuiuiscere posset destituti. Abscisus quippe es à
 vera vite, & à Christo alienatus, quamdiu peccatis fi-

nem non statuis, quandiu te creatorem tuum redemptoremque offendere non pœnitet, quandiu non metuis dominum tuum, nec illi obtemperas, cui angeli in cœlo assistunt, quem sancti omnes venerantur, omnes inferi contremiscunt, qui est super omnia potēs, in omnibus sapiens, omnium optimus, primus omnium, omniumque postremus, neque initium habens, neque finē, benignissimus pœnitentium remunerator, seuerissim⁹ obstinatorum ultor ac punitor. Et cum tantus talisque sit, tu illum tibi iratum esse audes negligere? tu illum peccata peccatis cumulando ad vindictam non vereris prouocare, cum tamen à peccatis desistendo placare posses. Ipse enim per prophetam tibi pollicetur, nullam de tot offensis vnquam se exprobraturum, si offendere desieris, & secundum sua pœcepta cœperis operari: neque esse suæ voluntatis asseuerat vt moriatur peccator, sed vt conuertatur & viuat. Omnia ergo facit, vt saluti tuæ consulat. Atque huc tendit quod pœcepit, quod promittit, quod minatur, quod flagellat, quod delinquentem nō statim perimit, quod aliquando etiā beneficiis ad pœnitentiam prouocat: Denique vt peccatoribus vitam daret, filium suum vnigenitum morti obtulit. Cuius quidē sanguis, quemadmodum tunc omnes Adæ filios à peccato lauit, vt qui crediderit & baptizatus fuerit, saluus sit: ita nunc singulos emundat quoties nos deo peccasse pœnitet. Vtere tandem tante erga te dilectionis beneficio, dum licet, dum tempus est, dum vita suppetit: si sine illo decesseris, quis miserebitur? Quære dominum dum inueniri potest, inuoca dum propē est: ne te postea ingratitudinis damnet, & tanquam ignauissimum vineæ suæ, hoc est animæ tuæ quam tibi commēdauit, cultorem arguat dicens: Quid facere debui vineæ meæ & non feci? Expectaui vt faceret vvas, & fecit labruscas. Deinde indignatus pœnam inferat quam subdit: Auferam sepem eius, & erit in disreptionem

reptionem, diruam maceriam eius, & erit in conculcationem, & ponam eam, desertam, non putabitur, & non fodietur, & ascendent super eam vepres & spinæ, & nubibus mandabo ne pluant super eam. Sub hac vineæ metaphora tibi sermo textitur o peccator. Nisi enim in tempore pœnitentiam egeris, postea iusto dei iudicio auferetur à te angelorum custodia, & dæmonib⁹ eris in prædam, tolletur sperandi auxiliij expectatio, & angustiis oppressus cruciaberis, omni que ope destitutus, nec pœnitentiæ falce poteris amputare nequitias peccatorum, nec cordis compunctione aliquid leuamenti promereri, sed operiet te omnibus spinis asperior penarum congeries, & nemo sanctorum pro te vltra deprecabitur. Hi enim sunt nubes cœli qui super nos orationum suarum imbrem manantes, faciunt vt tam diu ad pœnitentiam expectemur. Expectaris & tu, sed si moram feceris, ab Apostolo quoque audies. Ignoras quoniam benignitas dei ad pœnitentiam te adducit? Secundum, autem duritiam tuam & impœnitens cor tuum, thesaurizas tibi iram in die iræ & reuelationis iusti iudicii dei, qui reddet vnicuique secundum opera eius.

Romano. 2.

Ad desperantem exhortatio.

Cap. I 4.

NVnc ad te conuertor magni atque ingentis criminis conscie, qui te nullo modo veniam posse mereri existimas, nec perpendis quod dei misericordia multo maior sit omnib⁹ peccatis. Nihil est quod illa non delebit, si te commissi pœnituerit, semper parata est ad condonandum, si tu paratus es ad pœnitentiam agendam. Quod autem Christus dixit, blasphemiam in spiritum sanctum irremissibilem esse multi spiritum dubitant, vtrum intelligendum sit, quod nunquam dimittatur, an quod difficulter, vsque adeo existimant, si

K ij pœni-

David.
Matthæo.
Zach.

Manassès.

Cainus.

Iudas.

pœnitentia adsit, nihil obflare, quin benignitas diuina præstet veniam. Quale igitur vel quàm magnum esse potest scelus tuum, quod te ad desperationem remissionis quiuisset compellere, & de deo non rectè sentire, ut tibi pœnitenti parcere omninò nolit, cum nūquam ad pœnitentiam conuerfis & in ipsum confidentibus non ignoscat. Si adulterium, si homicidium perpetrasti, vtrumque Dauidi, cum se peccasse doluisset, est remissum. Si scœnore & vsuris rem quæstisti, hoc Matthæo Zachæoque, fuit condonatum. Si persecutus es ecclesiā dei, de hoc facta est gratia Paulo: Si pernegasti dei filiū de hoc Petro fuit venia data. Si stellas adorasti, si diis alienis templa arasque posuisti, si obseruasti somnia maleficiaque credidisti, si in dei seruos cædibus es grafsatu, ista omnia Manassès fecerat, & tamen cum eum pœnituisse, veniamque orasset exauditus est hostiliq; iugo liberatus, regnū recuperauit quod amiserat. Nul- lum ergo tam immane facinus committi potest, quod pœnitentibus miseratio non ignoscat diuina. Et cū ita sit, nōne stultissimū est id desperare quod plurimis cōcessum fuisse nō ignoras? Cæterum, neq; pœnitentia ipsa peccati quicquam prodest veniam desperanti, cum hæc ipsa desperatio peccatum tale sit ut omne pœnitutudinis meritum euacuet atque irritet. Nihil profuit Caino fratricidæ, quod à domino coargutus doleret, quia clementiæ diuinæ derogauit, dicens: Maior est iniquitas mea quàm ut veniam merear. Nihil Iudam proditorem iuuat suus pro commissio dolor neque confessio, cum diceret: Peccaui, tradēs sanguinem iustum. Quoniam cum de dei misericordia desperasset, tristitia superatus, laqueo mortem sibi consciuit. Pœnitenti igitur & petenti venia datur: desperanti verò neque in hoc seculo neque in futuro parcur. Quidnam igitur te ultro perdis desperando, cum iam certò scias esse locum veniæ si veniam poposceris pœnitēdo? Cur
non

non potius cum Dauide peccatum suum lugente, exclamas: Miserere mei deus secundum magnam misericordiam tuam: & secundum multitudinem miserationū tuarum dele iniquitatem meam. Magna misericordia magnum delet crimen, & miserationum multitudo multitudinem remittit peccatorum. Dominus clamat:

Psal. 50.

Nolo mortem peccatoris, sed vt conuertatur & viuat, & tu mori mauis quàm conuerti, & veniam desperare quàm poscere? Dominus soluit compeditos, dominus erigit elisos, & tu tam mortifero peccati vinculo non vis absolui? tam graui casu elisus nō curas erigi de medio, qui omnes in se confidentes in vnico verbo sanat, diffidis? Graue est, inquis, peccatum meum, nūquid grauius quàm istorum, quorum modo mentionē fecimus? quibus tamen quod nequiter deliquerant clementer dimissum constat. Nunquid etiam grauius est peccatū tuum quàm cælum, quàm terra, quàm mare, sed qui potuit creare ista, nō poterit sceleris tui pōdus eleuare, & vbi abundauit delictum, ibi gratiam abundare facere? Nōne illi quoque qui dicebat: Iniquitates meæ super gressū sunt caput meum, & sicut onus graue grauatae sunt super me, precatus est, dicens: Domine ne in furore tuo arguas me, neque in ira tua corripas me? Haud ita orasset, nisi spem haberet impetrandi quod orabat, sperauit & orauit, & voti compos factus est. Nōne etiā Hierosolymæ vrbi grauissimum idololatriæ crimen exprobrans deus, dixerat: Si laueris te nitro & multiplicaueris tibi herbam Borith, maculata es in iniquitate tua coram me, postea tamē ne de peccati remissione diffideret: Fornicata es, inquit, cum amatoribus multis, tamen reuertere ad me, & ego suscipiam te, sed reuerti voluissent, aggrauassentque scelus mentis obstinatione eorum impietatem plumbi massa onerari vidit Zacharias propheta, dominoque vlciscēte vrbs passa est excidium, & illi captiui ducti in Chaldæam. In-

Ierem. 2.

Zacha. 5.

ternitione quidem deleri merebantur, sed dominus tñ
 perauit iram, vt postea ostenderet etiam in obstinatos
 clementiam. Postquam enim eos pœnitere cœpit, pec-
 cata confitendo, misericordiamque dei implorando ip-
 so fauente de seruitutis iugo liberati atque ad patrium
 solum postliminio reuersi in restaurata ciuitate templo-
 que erecto fortis pristinæ statu frui cœpere. Iam ergo
 vides (nisi adeò cæcus es, vt nihil veri videas) quia nul-
 la est prorsus tanta delicti alicuius magnitudo, tanta
 grauitas, quàm dei misericordia à pœnitentibus requi-
 sita non minuat, non eleuet, nō denique ad nihilum re-
 digat. Soli hanc consequi nequeunt, qui de ipsa despe-
 rant. Licet igitur te peccasse pœniteat, nisi etiam pec-
 cati veniam desperasse pœnituerit, cum impœnitenti-
 bus computaberis. Quamobrem festina deponere de-
 mentiam istam animi, vt flagitij tui magnitudine di-
 uinæ clementiæ immensitatem putes inferiorem. Deus
 pater misericordiarum est, miserationum suarum non
 est numerus. Spera in illo. Sperantes in domino miseri-
 cordia circundabit, dum te pœnitet, dum speras, dum
 precaris, etiam sancti pro te orant, angeli vota tua offe-
 runt deo, Christus ipse pro te patrem interpellat, dicē-
 te Iohanne Apostolo: Aducatum habemus apud pa-
 trem, Iesum Christum iustum, & ipse est propitiatio p
 peccatis nostris, non pro nostris autem tantum, sed etiā
 pro totius mundi. Desperantium verò Christus nō ad-
 uocatus est, sed iudex. Considera igitur vtrum tibi sit
 melius veniam sperare vt Christi patrocinio subleue-
 ris, an desperare, vt eiusdem iudicio damneris & in æ-
 ternum pereas. Haftenus de pœnitentia, nunc de confes-
 sione peccatorum, quæ pœnitentiam comitari debet,
 aliquid memoremus.

De pecca-

De peccatorum confessione.

Cap. 15.

TRia sunt peccatorum genera, aut enim peccamus cogitatione aut verbo aut opere. Per ista mentē discurrendo, postquā conscientiam diligenter accuratēque examinauerimus, tam de omnibus quā de singulis, in quibus Deo vel proximo aliqua illata est iniuria dolentes mœsi que in primis, & antē sacerdotem veluti ante Christum reuerenter genibus prouoluti cuncta illi exponamus, occultemus nihil. Manifestanda est enim medico ægritudo, vt ille adhibitis remediis instauret sanitatem. Illi autem animarum nostrarum medici sunt, quibus concessa est soluendi ligandi que potestas, ab eo qui dixit: Accipite spiritum sanctum. Quorum remiseritis peccata, remissa erunt: & quorum retinueritis, retenta sunt. Ab eo, inquam, qui est sacerdos in æternum, qui que in cœlum ascendens, vicarios nobis in terra reliquit ipsos sacerdotes, & Petro curam ouium suarum pastor bonus commendans, atque clauēs regni cœlestis tradens, dixit: Quodcunque solueris super terram, erit solutum & in cœlis, & quodcunque ligaueris super terram, erit ligatum & in cœlis. Non dubitemus igitur, quin peccatum illud deletū sit quodcunque Christi sacerdotes ritē dimiserint. Ab eo eius soluendi atque ligandi acceperūt, qui potest omnia, & per quem facta sunt omnia in cœlo & in terra & in omnibus abyssis. Ipsi iudicent inter lepram & lepram, ipsi peccatorum nostrorum morbos curent, ipsi nos ad æternam transmittant salutem, suppeditantes quicquid ad eam assequendam nobis necessarium fuerit. Necessarium est autem baptismo ablui, chrismate inungi, sed quoniam etiam post hæc in multis delinquimus, nihil deinde ita necessarium est, vt peccatorū

Iohan. 20.

Matth. 16.

Matt. 18.

Marc. 8.

Lucæ. 11.

Matth. 6.

Marc. 11.

Lucæ. 5.

sum pœnitentia confessio. Hac sola quoties cadimus, erigimur & stamus. Baptismus quidē sordes ante se contrahit eluit semel, confessio semper. Ceterū, quod etiam per martyrium aboleantur peccata non ambigimus, domino dicente: Qui perdidit animam suam propter me & Euangelium, saluam faciet eam, & per eleemosynarum largitatem, cum idem dicat: Date elemosynam, & ecce omnia munda sunt vobis, & per iniuriarū condonationē quia scriptum est: Si dimiseritis ex corde fratribus vestris peccata ipsorum, & pater vester cœlestis dimittet vobis peccata vestra & per exhortandi studium, quo alios à flagitio ad virtutem reuocare nitimur, quia dicitur: Si quis conuerti fecerit peccatorem ab errore viæ suæ, saluat animam eius & operit multitudinem peccatorum: & si qua alia sunt per quæ remitti crimen dicatur, non ideō pœnitentiæ confessionis quæ sacramentum excludi putes, nec sine ipso te saluandum credas, si talia feceris: nisi enim peccasse pœnituerit, nihil ista proderunt. Peccato deus offenditur. Quod si pro peccato quo deum offendisti, non doleas, careas charitate, sine qua (teste Paulo Apostolo, in quo Christus locutus est) nec corpus tradere vt ardeat, nec facultates in cibos pauperum distribuere, nec hominū angelorumque linguis loqui, nec fide montes transferre, quicquam prodesse poterit. Pœnitentiam itaque agere oportet, & illa non omittere, quicquid enim pie sancteque agitur, appendix pœnitentiæ est & pro culpa satisfactio, vt purgatorii pœna vel breuior sit, vel nulla, si plenē in vita satisfactum fuerit, vel etiam vt post culpæ pœnæque abolitionem plus gloriæ in cœlo mereri possint, qui hic benefecerint. Restat vt dicta euāgelica, quæ memorauimus, quæque illis similia sunt, ita intelligantur, vt si fiant quæ in ipsis præcipiuntur, peccatori ad emundationem adiumento fore, si tamen præcesserit pœnitentia, cum confitendi proposito, quando fuerit

fuerit opportunum. Igitur sic charitas ipsa fundamen-
 tum & consummatio virtutum est, ita pœnitentia finis
 esse debet peccandi beneque agendi initium, ut cæte-
 ra feliciter succedat deoque grata atque accepta sint:
 Si quis tamen solam pœnitentiam sibi sufficere credens
 confessionem respueret, in hæreticorum numero po-
 nendus esset, neque ei profectè prodesse potuisset pœ-
 nitentia ab ecclesiæ corpore separato. Separatum enim
 à corpore membrum non viuificatur, sed quàm diu di-
 uisum est, manet in morte. Confessionis autem sacramē-
 tum tam veteribus quàm nouis hominibus commune
 est. Primi parentes nostri Adam & Eua cum peccassent
 peccatū suū confiteri coacti sunt, deo interrogate qua-
 re fecerint quod facere interdicti erant, & illis respon-
 detibus qualiter in id criminis incidissent. Voluit ita-
 que deus à primo homine confessionis inchoare myste-
 rium, ut ostenderet nulli posterorum claudi confugiū
 ad veniam, quod apertum esset primis. Quamobrem
 & ab his descendentium Israëlitarum mos fuit, quoties
 ærumnis oppressi essent, dei opem implorare cilicio cō-
 tegi, cinere conspergi, ieiunio corpus affligere, & præ-
 ter hæc peccata confiteri, sic humiliati deo miserante
 angustiis liberabantur, & à peccatis quidem absoluti
 abibant, præter originis culpam, qua absolui non po-
 terant, donec redemptor in lege promissus nō venisset.
 Quare nec illorum confessio in lege potuit esse ita ple-
 na (nihil enim ad perfectum adduxit lex) ut est nostra
 in euangelio cum illa in parte manca sit, hæc per om-
 nia integra & perfecta. Illa simul multorum, hæc sin-
 gulorum, illa deo audiente tantum, hæc etiam dei sa-
 cerdote examinante & ab omnibus absolvente. Non-
 dum enim illis mediator venerat Christus dominus,
 per quem nobis refferatus est aditus ad cœlestia, & cuius
 cruore à corruptæ originis culpa expiati, in sancta ce-
 pimur introire, & hæredes fieri non terreni & tempo-
 ralis

Gene. 3.

talis regni, vt illi, sed cœlestis & æterni. Ne igitur tanti erga humanum genus beneficij memoriam vlla vnquã deleret obliuio, mediatoris atque redemptoris Christi locum in terra tenere ceperunt sacerdotes. Per eos ipse verus agnus pro nobis semel oblatus quotidie offertur. Per eos ecclesiæ sacramenta participamus, remissionemque accipimus peccatorum, & postquam his penitus mandati vita ista decedim⁹ non iam ad inferos, vt veteres illi, sed ad cœlestem patriam, vt in Christo renouati transmigramus. Tantæ igitur virtutis est nostra confessio, vt non solum de peccatoribus iustos faciat, sed etiam de terrenis cœlestes, de mortalibus immortales, de miseris felices. Hæc enim confessio peccata delet, & animam à morte liberat, quod ostendit Ezechias ad dominum dicens: Recogitabo tibi omnes annos meos in amaritudine animæ meæ, tu autem eruis animam meam vt non periret, proiecisti post tergum tuum omnia peccata mea. Idem testatur Psalmista cum ait: Dixi confitebor aduersum me iniustitiam meam domino, & tu remisisti impietatem peccati mei. Per hanc dum preces effundimus, voti compotes effici mur, eodem propheta dicente: Vias meas enunciaui tibi, & exaudisti me. Per hanc prauis cogitatus dissipantur, & qui boni sunt, succedunt. Sicut Salomon in Proverbiis affirmat, dicēs: Reuela domino opera tua & dirigentur cogitationes tuæ. Hæc denique sancta confessio diabolo nos ereptos reddit deo, & de filiis tenebrarum filios efficit lucis. Ille qui luxuriosè viuendo bona consumpserat, ita vt porcos pasceret, ad patrem supplex confugiens, ac se peccasse confitens, amplexum osculumque patris accipere meruit, & stolam, & annulum, & calciamenta, & cōuiuium. Nihil quod malè egerat exprobratur ei, sed humilis confessionis merito in hæreditatem cum omni latitiæ ambitu fuit admissus, ingēgenti calamitate in summam beatitudinem commutata. In

Maia. 8.

Psal. 31.
Hsal. 118.
Lucæ. 15.

ta. In integrum itaque restituitur gratia, cum peccator per pœnitentiam & confessionem humiliatur. Postremo, quicquid diximus de pœnitentia, idem de confessione est sentiendum. Neque enim perfecta esse potest pœnitentia sine proposito confitendi, neque utilis confessio absque pœnitentiæ admixtione.

De his qui confiteri negligunt.

Cap.

16.

DE illis verò qui tam salutiferam peccatorum confessionem peruiaciter deuitant, à via virtutis perpetuò aberrant, quia in tenebris manent, neque quo tendere debeant satis perspicuunt, scriptum est: Qui absconderit scelera sua, non dirigitur: qui autem confessus fuerit & reliquerit ea, misericordiam consequetur. Quid autem prodest id celare hominem, quod nō latet deum? Peccata enim quæ nunc vni sacerdoti abscondis, in die iudicii omnibus manifesta erunt dicente domino: Reuelabo pudenda tua, in facie tua. Coram vno modo non vis erubescere? coram plurimis postea confundêris. Omni tamen verecundiæ tuę molestia intolerabilius erit iudicis aduersum te seueritas atque cognitio, ea te peccatis grauatam in baratrum detrudet inferni: vt qui confessionis beneficio per misericordiam dei oblato vtī noluiſti, terribiles infinitosq; cruciatus patiaris per iustitiam, dicente Osee propheta: Colligata est iniquitas Ephraim, absconditum peccatum eius, dolores parturientis veniunt ei. Talis itaq; merces illius erit, cuius peccatum nunc absconditum est nolentis illud secundum diuinæ humanæque legis præscriptum cōfiteri, palamque alteri facere. Nam siue timore, siue pudore, id faciat, non excusabitur. Magis enim deum timere debuit quàm homines, & potius contem-

Prouer. 13.

Naum. 3.]

Osee. 13.

contempto rubore purificari velle, quàm subtracta confessione sordescere. Porro, sicut hi qui nunc scelerum suorum pœnitentes propria confessione se accusant, angelorum patrocinio subleuati erunt vt beati sint, ita qui errata suo modo dissimulant, à diabolo tandem accusabuntur, vt Christi iudicio condemnentur. Curramus igitur totis affectibus ad portum salutis, ne delictorum tempestatibus acti mergamur in profundum. Doleamus quod peccando pœuaricati sumus diuina mādāta, & cum certa emendandi, satisfaciendique destinatione singula quæque quibus offendimus, confiteamur. Alioqui ne illa quidem quæ benefacimus, proderunt ad beatitudinem cōsequendam, nisi de malis quæ commisimus tristemur, eademque sacerdoti indicem⁹, vt volentes moneat, vt sustinere paratos castiget, multaque pro delictis, quæ sibi aptior videbitur imposita, mundos purosque restituat, ecclesiæ deoque recōciliet. Si enim confiteamur peccata nostra (vt Ioannes Apostolus inquit) fidelis est & iustus dominus, vt remittat nobis peccata nostra, & emundet nos ab omni iniquitate. Remissio minuit culpam, emundatio tollit pœnam & confert beatitudinem, dicente domino: Beati mundo corde, quoniam ipsi deum videbunt.

1. Johan. 1.

De sacramento corporis Christi.

Caput

17.

Pœnitentes de iis, quibus te offendimus domine, & eadem sacerdoti tuo confessi, atque ab ipso cui tu soluendi potestatem dedisti, absoluti, ad mensam saluberrimi conuiuij tui accedimus, vt corpori & sanguini tuo communicemus. Indigni quidem, sed tamen abs te inuitati, qui infirmitati nostræ præsentaneū porrigens remedium, sacratissimum corpus tuū sub specie panis. Accipite, inquit, & comedite, hoc est corpus meū.

Deinde

Mat. 26.

Deinde preciosum sanguinem tuum sub specie vini in calice infusum propinans, ait: Bibite ex hoc omnes, hic est enim sanguis meus novi testamenti, qui pro multis effundetur in remissionem peccatorum. Et antè per Salomonem in Prouerbiis hortatus es, dicens: Venite & comedite panem meum, & bibite vinum quod miscui vobis. Ad tuum ergo conuiuium à te inuitati, à te vocati accedimus, cum plena fide, cum indubitata credulitate confitentes, panem & vinum tuis verbis à tuo sacerdote consecratum, tuum esse corpus, tuum esse sanguinè Tu enim ipse qui veritas es, hoc testaris & affirmas, cui vel minimum refragari infidelitatis crimen est. Panis viniq̃ue figuram oculis cernimus, odorem naribus haurimus, saporem ore gustamus, duritiem atque liquorem tactu sentimus, & tamen nō nostris sensibus, sed tuo testimonio credimus. Omnis enim homo mendax, tu solus verax, tu ipsa veritas, quæ nec decipi potest, nec decipere. Nos itaque corpus tuum clementissimè domine, & tuum sanguinem aliena specie velatum fideliter accipimus, nec omnino qua ratione id fieri possit, quaerimus, aut quomodo panis viniq̃ue substantia in substantiam corporis & sanguinis tui transeat, cum accidentia non mutantur, scrutamur. Maius est enim miraculum istud, quàm vt humano ingenio vel scientia comprehendere possit, te tamen tradente verum esse credimus, etiam quòd intelligere quomodo verum esse possit, nequimus. Etenim suis finibus circumscriptus est intellectus noster, tuæ autem potentiæ, tuæ sapientiæ nullus est finis, nulla circumscriptio: omnem numerum, omnè excedit modum. Stultus est igitur, qui tanti mysterij altitudinem se deprehendisse putat, nisi ipse reueles, ipse aperias, ipse illum tam singularis intelligentiæ efficias capacem. Nos interim non ideo credimus panem & vinum in substantiam tui corporis & sanguinis transmutari: quia & vxor Loth versa sit in statuam salis, &

Prouer. 9.

virga

virga Moyſi in colubrum, & cibus atque potus in carnem & ſanguinem animalis: nam ſimul cum accidentibus iſta mutata ſunt, ſed quia nihil verius eſſe nouimus his, quæ te docente dicere contingit. Conſitemur te eſſe verbum per quod facta ſunt omnia, & ſine quo factum eſt nihil. Quid ergo factum tibi impoſſibile, ſi modo illud vt fiat, tuæ conuenit maieltati: Abſit igitur vt quicquam dubitemus de tam mirabili ſtupendoque ſacramento, cuius tu & autor es, & teſtis. In quo magis mirari licet tuæ in nos benignitatis magnitudinem, quàm incomprehenſibile operis arcanum. Tu te nobis domine præſtas in cibum, qui te pro nobis ſupra crucem obtuliſti in ſacrificiū, ſed ibi viſibilis & paſſibilis & mortalis apparebas, hō lates glorioſus & deuicta iam morte triumphans. Ibi abſcondita erat in homine diuinitas, hic in panis vini que figura celatur & humanitas. Sed licet neutrum cernant oculi, vtrunque tamen confitetur fides. Tu hic totus es, qui & in cœlo es totus, cœleſtia non derelinquens & terrena viſitans. Nam & in cœlum aſcenſurus, te quotidie nobiſcum fore promiſeras vſque ad ſeculi conſummationem. Itaque & nobiſcum es domine in terra, & cum patre in cœlo, nobiſcū in ſpecie aliena, cum patre in propria, in terra mundās peccatores, in cœlo mundatos ſuſcipiens. Cœlum & terram imples tua diuinitate, & quoniam ei tua iuncta eſt humanitas, vbicunque diuinitas eſt, illic ſi volueris, & humanitatem tuam eſſe neceſſe eſt. Quid ergo mirum, ſi in multis locis es qui in vno, qui in pluribus hoſtiis, qui in vna? Porro cum tibi placuiſſet, ineffabili corporis & ſanguinis tui ſacramento fideles tuos paſcere & tibi vnire ſub panis vini que ſigura latere voluiſti, vt ne mo horreret guſtare, quod fideliter guſtatum beatitudinem conferret. Primus Melchiſedec in ſacrificio panem & vinum obtulit. Inde tu diceris in æternum ſacerdos, non ſecundum ritum eorum qui pecora ſacrificabant

Mat. vlti.

Gene. 14.

cabant, sed secundum ordinem Melchisedec, qui pane vinoque litauit. Illius tamen sacrificium signum & vmbra fuit, tuum autem veritas est & lux, tuum istud & prophetæ futurum prædicauerunt, & figuræ significarunt, vt in eo credendo, quod & vetustas promitteret, & nouitas exhiberet, fides nostra stabiliretur atque firmaretur magis. Ab Isaia prædictum audimus. Et faciet dominus exercituum omnibus populis in monte hoc conuiuium pinguium, conuiuium vindemiæ, pinguium medullatorum, vindemiæ defecatæ. Et ab Ieremia: Omnis laguncula implebitur vino. Et ab Ezechiele: Vocabo frumentum & multiplicabo illud, & non ponam vobis famem. Et ab Osee, Conuertentur sedentes in vmbra eius, viuent tritico, & germinabunt quasi vinea, memoriale eius sicut vinum Libani. Et à Zacharia, Quid enim bonum eius est, & quid pulchrum eius, nisi frumenta electorum, & vinum germinans virgines. Et à Malachia, In omni loco sacrificatur & offertur nomini meo oblatio munda, quia magnum nomen meum in gentibus, dicit dominus exercituum. Figuræ autem atque signa fuere, sacrificium Melchisedec sacerdotis, manna in deserto, agnus paschalis, hostia sanctorum oblata pro peccato, hostia pacificorum oblata domino, subcinericius panis Eliæ in itinere, panes propositionis in templo. Quicquid in his fuit significatum, in tui domine glorificati corporis sacramento credimus impletum, atque ideo non quod videmus in eo, sed quod credimus adoramus, vt Petri Apostoli tui promissum te donante nobis persoluatur dicentis. In quem nunc non vidento creditis, credentes exultabitis lætitia inenarrabili & glorificata, reportantes finem fidei vestræ salutem animarum vestrarum. Hoc illud est quod & ipse dixerat: Beati qui non viderunt & crediderunt. Accedimus etiā ad te domine cum timore & humilitate. Tu es enim ille, de quo in Psalmo est dictum. Escaam dedit timen-

Isaia. 25.

Ieremia. 31.

Ezech. 36.

Osee. 14.

Zach. 9.

Malach. 2.

1. Pet. 1.

Psal. 40.

tibus se.

- tibus se. Tu das teipsum his qui maiestatem tuam offendere metuunt, & eidem in omnibus obsequi desiderant. Accedimus ad te, in amorem tuum insinuaricupientes, tu quippe das escam esurientibus, ut dulcedine charitatis tue satientur, quam esuriunt. Accedimus cum continentie castitatisque proposito. Nam si non licuit Dauidi & iis qui cum illo erant, edere de panibus sanctificatis, nisi cum se à consuetudine mulierum expiassent, quanto continentiore esse oportet eum, qui castum corpus tuum, de casta sumptum virgine, & tibi unitum esurus accedit? Et si de hostia pacificorum vesci iubetur qui fuerit mundus, quanto conuenit esse illum mundiorum, qui te omnis munditie scilicet, omnis gratie autorem cupit haurire? Tu es panis viuus, vitam nobis donans quam non habemus, & à morte liberans quam timemus. Ais enim: Ego sum panis vite, patres vestri manducauerunt manna in deserto & mortui sunt, hic est panis de celo descendens ut si quis ex ipso manducauerit, non moriatur. Ego sum panis viuus qui de celo descendi. Si quis manducauerit, ex hoc pane, viuet in æternum, & panis quem ego dabo, caro mea est pro mundi vita. Nihil est domine tua ista oblatione melius, nihil pulchrius, nihil dulcius, nihil iucundius. Quid est bonum eius, inquit Zacharias, & quid pulchrum eius nisi frumentum electorum, & vinum germinans virgines. Bonus & pulcher es non reprobis, sed electis, & fidei virginitatem consecutis, non hæreticis à sponsa tua ecclesia alienatis atque fornicatibus. Tui præterea sacramenti dulcedo, à Psalmista mel dicitur: quoniã nihil aliud in terra gustu dulcius inuenit, cuius nomine illam exprimeret. Cibauit illos (inquit) ex adipe frumenti, & de petra melle saturauit eos. Idem alibi: Gustate & videte quoniam suauis est dominus. Tu tua ista suauitate, isto melle, in celo reficis angelos, animasque sanctas, & mortales pascis in terra. Vnde dicitur
1. Reg. 21.
- Lewit. 7.
1. Ioan. 6,
- Zach. 9.
- Psal. 80.
- Psal. 77.
- Ibidem.

Psal. 77.

Leui. 8.

Lucæ. 52.

Eccle. 24.

Psal. 4.

Psal. 80.

Psal. 20.

dicitur: Panem cœli dedit eis, panem angelorum manducauit homo. Postremò quòd cibus iste ac potus, què abs te nobis datū, pro maximo munere accipimus, gaudere nos & exultare faciat, Psalmista testatus est, dicēs: Educas panem de terra, & vinum letificet cor hominis. Cū ergo mysticum alimentum istud tantum ac tale sit, meritò quidem eucharistiam, id est, bonam gratiam vocant: Se enim piè sumentibus magnam multiplicemque confert gratiam, & ad summam vsque prouehit beatitudinem. Te quippe in ipso sumimus, qui totius boni largitor es, toti⁹ distributor felicitatis atque gloriæ. tu sub aliena specie latens, & delicta nostra purgas, & purgatos ad purius viuendi studium dirigis. Quod si in Leuitico quicquid tetigerit carnes hostiæ pro peccato oblata, sanctificari dicitur, quis dubitat, quin istud quod præcessit in figura, cumulatius impleatur in veritate? Tu ille qui solo tactu leprosum impudasti, mulierem sanguine fluentem curasti, puellam mortuam ad vitam reuocasti, vt ostenderes in te esse virtutem peccata præterita delendi, futura cauēdi, & qui in peccatis mortui iacent, ad spem vitæ æternæ erigendi. Tua præterea in Ecclesiastico vox est: Qui edūt me adhuc esurient: & qui bibunt me, adhuc sitient. Esuriet ista & sitiet, desiderium tuū est, quo desiderio qui affecti fuerint, beati erunt, quia saturabuntur. Incipient enim repleri virtutibus, qui antè vitiis referti erant, vt fiat quod in psalmo dicitur: A fructu frumenti vini & olei multiplicati sunt, quod vt nobis cōtingat, ipse p prophetam hortaris, dicens: Dilata os tuum, & implebo illud. Qui paratior accedit, magis dilatatur, & qui magis dilatatur, magis & impletur. Cū autem implebimur, tunc præcipuè ad te diligendum accendimur. Hoc propheta spiritualiter expertus, admiratur, & ait. Impinguasti in oleo caput meum, & calix meus inebrians quàm præclarus. Sed oleum, quia lucernis ad-
 L dicitur,

- ditur, mentis illuminationem signare videtur, ut qui prius in tenebris ignorantiae erant, iam intelligentiae donum attingant, perinde atque illi, quorum oculi tenebantur ne te agnoscerent, & postea quidem cognouerunt, dum te ad suum diuertere hospitium cogunt, dum te aperiente scripturas discunt, per panis fracti sacramentum in tui agnitionem se venisse confessi sunt. Huius panis virtute animam quoque effici pulcherrimam Ezechielis prophetae testimonio discimus, dicentis:
- Ezech. 29.** Similam & mel & oleum comedisti, & decora facta es vehementer nimis. Ex hoc praeterea ad resistendum diabolo vires acquirimus, & contra carnis certamina efficimur fortiores, dicente propheta: Paraisti in conspectu meo mensam aduersus eos qui tribulant me. Deum victo diabolo, & spiritu carni dominante, multa animi pace, multa quiete fruimur, iuxta illud: Qui ponit fines tuos pacem, & adipe frumenti faciat tibi: quid est usquam virtutis, quid gratiae, quid felicitatis domine Iesu Christe, quod tibi digne communicantes non adipiscimur? Tu in nobis es, & nos in te, quoties tuo cibo & tuo potu anima nostra reficitur. Ais enim: Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in illo. Et quoniam vita es, in te manentes, teque in nobis manentem habentes, viuimus in aeternum. Quamobrem subiungens, inquis: Sicut misit me viuens pater, & ego viuo propter patrem, & qui manducat me, & ipse viuet propter me, Reliquum est ut sic viuendo beatitudine fruamur perpetua & aeterna. Idcirco ut illam nobis conferas, mones & ais: Operamini non cibum qui perit, sed qui permanet in vitam aeternam, quem filius hominis dabit vobis: hunc enim pater signauit deus. Et iterum: Ego sum panis vitae, qui venit ad me, non esuriet: & qui credit in me, non sitiet in aeternum. Ad beatos ista pertinere, etiam Apocalypsis

Iypsis docet, vbi dicitur: Non esurient neque sitient amplius, neque cadet super illos sol, neque ullus æstus: quoniam agnus qui in medio throni est, reget illos, & deducet eos ad vitæ fontes aquarum, & absterget deus omnem lachrymam ab oculis eorum. Quas ergo tibi gratias benignissimè domine, pro tam immenso munere agemus: quæ præconia, quas laudes persoluemus? Nihil aliud à nobis exigere videris, quàm ne polluto ore tua dona contaminemus. Ad hoc etiam, nisi te imbecillitatem nostram adiuuante, præstare nequimus. Tu ipse igitur, qui tam liberaliter ad epulas tuas nos inuitas, da vt semper ad illas digni veniamus, vtque tua carne ac tuo sanguine cum quanta conuenit mentis & corporis puritate reficiamur, quodque ad memoriam tuæ passionis & nostræ redemptionis constituisti, dicens: Hoc facite in meam commemorationem, præsta vt quotidie instā meditantes, nullo die, nulla hora, nullo temporis momento obliuiscamur tui.

In eos qui sacramentum malè sumunt.

Cap.

I 8.

CVM igitur tanti emolumenti sit, tantæque felicitatis, vero pane ac vero potu isto vtī, non miserī sunt & infelices, qui vel indigni ad sumendum accedunt, vel omnino sumere contemnunt. Indignè autem accedunt, qui pœnitentiam peccatorum, vt debēt, non egerunt, nec satis diligentes in confitendis reatibus fuere, neque ab omnibus continendi sese propositum habent. Si conscientia tua te accusat, cur pollutus agni purissimi carnem gustando inquinās? Non culpā sic agendo diluis, sed grauas & in maximum te precipitas scelus. Audi Apostolum dicentem: Quicumque mā
 1. Cor. 11. ducauerit panem, & biberit calicem domini indignè, reus erit corporis & sanguinis domini. Probet autē seipsū homo, & sic de pane illo edat, & de calice bibat. Q

L ij

enim

enim manducat & bibit indignè, iudicium sibi manducat & bibit, non diiudicans corpus domini. Quid est reum esse corporis & sanguinis domini, nisi illi fieri similem qui saluatorem contumeliis affectum crucifixerunt? Verbis illi petulātibus insultabant, tu gustu temerario offendis: flagellis illi percutiebāt, tu manibus immundis contrectando violas: crucifigebant illi, tu quotidie peccatorum tuorum aculeis confodere non dubitas: Illi autem vt honestè sepeliretur permisisse, tu in foueam feculenti pectoris mundissimum dominum præcipitas. Quamobrem ipse idem in Malachia propheta de talibus conqueritur, dicens: Ad vos o sacerdotes, qui despicitis nomen meum, & dicitis in quo despeximus nomen tuum. In eo quod offertis super altare meum panem pollutum. Et dicitis, In quo polluimus te? In eo quod dicitis: Mensa Domini despecta est. Offerimus panem pollutum, quoties impuris manibus oblationem sanctam contrectamus: Et licet illa pollui non possit, nobis tamen nostra imputatur nequitia. Mensam autem domini despectam esse dicere videmur, quoties ad eam contemptim temerarieque accedimus, quasi ad corporis communes epulas inuitati, non ad animæ alimentum singulare. Si ergo mundari se aliquis ita credat & pro delicto satisfacere vehementer fallitur. Immundior enim efficitur ipsa confidentiæ temeritate. Vnde per Ieremiam prophetam à domino arguitur, dicente: Quid est quod dilectus meus in domo mea facit scelera multa? Numquid carnes sanctæ auferent à te malitias tuas? Profecto (vt diximus) non solum auferent, sed etiam addent, imò si is qui talia præsumit, pœnitentiā non egerit, indies deterius labetur, fietque imbecillior, atque debiliior diuina ope penitus destitutus. Proditum est in animalibus regum Iuda, quod palæstini arcam testamenti captam, Azotum detulerint, & in templo idoli Dagon col-

Malas. i.

Ierem. ii.

2. Reg. 2.

non collocarint, protinus corruisse simulacrum dicitur, & capite ac manibus fuisse truncatum. Azotios quoque graui admodum valetudine laborasse, donec Israelitis arca fuit reddita. Arca ista typus Christi erat, cuius corpus qui indignè contrectat, Palæstinus est: qui gulam malè affectam mittere non metuit, in templo Dagon illud collocat. Corruet igitur ipse & confringetur, truncum fiet inutile capite ac manibus carens, quoniā neque cogitare neque facere poterit, quod ei prodesse queat ad salutem, & cum ad benè agendum nihil sibi supererit virium, cum Azotiis ægrotabit, donec agat pœnitentiam, seque restituat sibi, & pro crimine satisfacere incipiat: quoniam neque tam nequiter delinquēti denegatur locus pœnitentiæ. Habetur in Paralipomenon libro, quod magna populi pars non sanctificata, comedere phasē ausa fuerit, sed cum se peccasse dolerent. & Ezechias pro eis orasset, placatus fuisse dominus dicitur. Tibi quoque, cui nunc iratus est, proculdubio placabitur, si te peccati pœnituerit, veniamque fueris precatus. Omnibus patet ad deum reditus, & reuertenti misericordia denegatur nemini. Quod si redire neglexeris, & in aliquo flagitio pertinaciter perseuerans, ad sancta sanctorum non timueris accedere, diabolo ad te possidendum perdendumque, aditum aperies. Nam de Iuda quoque scriptum est, quod post bucellam satanas in eum introiuit: Atq; ita ille maligna suggestionē superatus, maturauit sceleratè perficere, quod impiè cogitarat, & qui dominicam, cœnam orē sacrilego delibare præsumpsit, factus est domini proditor. Hunc si imitari in gustando sacramēto perges, nōne etiam tibi dicere poterit dominus? Ecce manus tradentis me mecum est in mensa. Et: Væ homini illi per quem filius hominis tradetur. Tradidit illum Iudas impiis Iudæis, tu eundem tradis tibi impuro. Hanc ob rem nisi te correxeris pœnitentiamque egeris, ac pro

2. Para.:

tanta tua temeritate fleueris, acerbissimas quidem & nullo fine concludendas, in inferno pœnas dabis. Sic enim in Leuitico scribitur: anima polluta quæ ederit de carnibus hostiæ pacificorum quæ oblata est domino, peribit de populis suis. Periiit & Oza infelix, quî prophanam manum arcæ sanctæ licet labenti, supponere fuit ausus, percussit eum dominus, vt ait scriptura, super temeritate, & mortuus est. Atque vt apertius intelligas, distantia dignè & indignè ad sacrosanctum libamen accedentium, disce quid in Isaia scriptum sit: Hæc dicit dominus deus, inquit: Ecce serui mei comedent, & vos esurietis: ecce serui mei bibent, & vos sitietis: ecce serui mei lætabuntur, & vos confundemini: ecce serui mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. Quod si certum est, damnandos esse eos qui impœnitentes decesserint, quanto magis cùm ad impœnitentiam accesserit temeritas indignè communicandi.

In eos qui sacramentum sumere excusant. Cap. I 9.

CÆterùm non fortasse minus peccant illi, quibus tametsi vereantur polluti accedere, magis libet abstinere, quàm operam dare ac moliri vt dignè accedant. Timent scilicet domino communicare, & eiusdem minas imperterrita aure excipiunt. Ait enim: Nisi manducaueritis carnem filij hominis, & sanguinem eius biberitis, non habebitis vitam in vobis. Verentur itaque diuinis libamenti vesci, & in peccato perseuerando deum offendere non verentur. Communicare quidem non debent, nisi rite atque ordine præparentur, sed præparari ita eos oportet, vt communicatione

Leuit. 7.

2. Reg. 6.

Isa. 66.

Joan. 6.

nicatione digni habeantur. Alioqui & indignè accedens perit propter temeritatem, & accedere nolens damnatur, propter se se corrigendi negligentiam. Quid enim prodest Christum honorare, dum te indignum iudicās, corpore eius & sanguine abstines, si peccato nō abstineas, quo ipsum ad iracundiam prouocas, & prudens ac volēs te illius conuiuio indignum præstas? Omnes certè indigni sumus, cum nemo sit qui non peccet; nemo cui cum Centurione in Christum credente dicere non conueniat: Domine, nō sum dignus vt intres sub tectum meum, In eo tamen digni censemur, si pœnitentes, si confessi, si humiles accedimus. Talem cum te iam esse noueris, accedere ne dubites: ab illo inuitaris, qui omnes conclusit sub peccato, vt omnium misereatur. Talis cum accefferis, mundaberis: continentior constantiorque efficeris. Denique tu temet longè alium, q̃ qui fueras, esse senties. At verò si etiam rite præparatus communicare nolueris (vide quantum tibi incommodi inde oritur) vitam in te non habebis. In morte ergo eris: Quid ni? Si vetus quoque lex id testetur, dicens: Si quis & mundus est, & in itinere non fuit, & non fecit phasē, exterminabitur anima illa, de populo suis, quia sacrificium domino non obtulit tempore suo, peccatum suum ipse portabit. Tam lege igitur q̃ Euangelio, vt Christo communicates compelleris, id ipsum insuper ecclesiæ sanctæ edictū tibi confirmat: Qui pro sceleribus suis, inquit, duobus vel tribus annis non communicant, excommunicandi sunt donec pœnitentiam agant. Valde etiam expauescenda est illa domini sententia, in illos, qui ad cœnam vocati, venire recusarunt, promulgata. Nemo, inquit, virorum illorum qui vocati sunt, gustabunt cœnam meam. Quod ergo nūc inuitatus gustare negligis, postea cum maximè cupies, attingere non poteris. Tunc enim erit tempus iustitiæ atque iudicii, nunc est miserationis & veniæ. Præterea

Num. 17.

Luc. 14.

si isti, qui flagitij alicuius conscij sacramentum sumere perhorrescunt, damnabiles habentur, quid de illis dicemus, qui omnino contemnunt, & infidelitate quadā lapsi, illo sibi opus non esse asseuerant? De iis quidem p Osee prophetam ait dominus: Super vinum & triticū ruminabant, & recesserunt à me. Illi ruminant super vinum & triticum qui Christi sacramentum plena fide non suscipiunt: & dum dubitāt, à Christo quoque alienantur. Quomodo enim Christianus est, qui verbis Christi non præstat fidem. His in Isaia etiam iurat dominus in dextera sua & in brachio fortitudinis sue, se non daturum vltra triticum neque vinum. Non enim possunt mereri gratiam fructumque sacramenti, qui vel dubij sumunt illud, vel increduli despiciunt, acrius tandem puniendi quàm qui olim legalibus sacrificiis detraxissent, dicente Apostolo: Irritam quis faciens legem Moyfi, sine vlla miseratione duobus vel tribus testibus morietur, quanto magis putatis deteriora mereri supplicia, qui filium dei conculcauerit, & sanguinem testamenti pollutum dixerit, in quo sanctificatus est, & spiritui gratiæ contumeliam fecerit? Profectò qui non credunt, conculcant filium dei, non pedibus, sed infidelitate, & sanguinem eius pollutum dicūt non verborum prolatione, quis enim adeo impius est, vt id audeat dicere: sed mentis infidæ auersione ab eo à quo redempti sunt, & spiritui sancto contumeliam faciunt, erga tanta beneficia ingrati & illiberales. Nos demum cum istorum perfidia qui Eucharistiam nolūt admittere, tum ab eorum negligētia, qui imparati metuunt, tum denique ab illorum temeritate qui indignè accipiunt, abhorrētes omni sollicitudine curemus, vt credendo, vt pœnitendo, vt domino in omnibus obediendo, ad tam salutare conuiuium accedamus, in quo & præsentis infirmitatis certissimum est remedium, & futuræ beatitudinis perfecta gloria. Hactenus de Eucha-

Osee. 7.

Isaia. 62.

Heb. 10.

Eucharistiæ sacramento, ad quod quoniam ieiuni ~~esse~~
dere solemus, non incongruè nunc de ieiunio differe-
mus.

De ieiunio & refectiōe.

Cap. 20.

Ieiunium videtur institutū præcipuè aduersus eas
nis nostræ petulantiam, vt debilitatis corporis vi-
ribus turpium voluptatum in nobis lascescat appe-
titio, quæ certè si satis domita fuerit, expeditior pro-
niorque erit via ad benè beateque viuendum. Ieiuniū
igitur non ab re tam veteri q̃ noua lege cōmēdatur Mo-
ses quadraginta diebus & totidē noctib⁹ ieiunus permā-
sit, quando tabulas fœderis digito dei scriptas accepit,
quibus ob plebis impietatem confractis totidem die-
rum noctiumque repetito ieiunio alias tabulas impe-
trauit, atque deum ipsum populo qui peccauerat red-
didit placatum. Elias propheta cū etiam ipse per dies
quadraginta nihil gustasset ad montem. dei peruenis-
se dicitur. Eundem postea dierum numerum saluator
noster suo cōsecrauit ieiunio, quod nos obseruare qui-
dem ecclesiæ edicto iubemur, quantum fragilitas no-
stra patitur semel in die comedendo præter illos dies
qui dominicæ resurrectionis memoria festi feriatique
habentur. Ieiunij autem tempore abstinemus carnibus
atque lacticiiniis, quòd in his plus nutrimenti esse con-
stat ad lasciuia incitamenta. Qui verò arctius ieiunnāt
in refectiōe, pane & aqua contenti sunt, aliis abstinēt.
Sed virium habenda ratio est, atque ita ieiunandum,
vt corpus non lasciuat & tamen ad vitæ religiosæ ope-
ra possit sufficere. Satiū est orare in ecclesia, psallere,
laudis sacrificia offerre, diuina discere vel docere, quàm
abstinentia nimia debilitatum, nihil horum posse præ-
stare. His autem omnibus moderata ieiunia conferunt
mul-

Nam. 9.

5. Reg. 29.

Iere. 35.

multum, plurimumque iuuamenti subministrant. Vnde quosdam vini vsu se abdicare, vilioribusque cibis vitam sustentare minimè piget. Abstemijs semper fuisse filij Ionadab (vt in Ieremia est scriptum) & audiunt à domino: Nō deficiet viride in stirpe Ionadab, filij Rechab stant in conspectu meo cunctis diebus. Fore se sapientiozem credidit Salomon, si abstemius viueret: &

Ierem. 3.

Cogitavi, inquit, in corde meo abstrahere à vino carnē meam, vt animum meum transferrem ad sapientiam. Sacerdotes tabernaculum intraturi vinum & quod inebriare potest bibere lege diuina prohibentur, dei enim ministros maximè sobrios esse conuenit. Illis etiā qui ex voto domino consecrabātur, quos Nazaræos vocabant, præceptum erat ne vinum gustarent, neque quicquid ab vna fuisset expressum donec votū perficeret.

Leuit. 10.

Nume. 6.

Ezech. 44.

Danie. 1.

Dan, Anania, Azaria & Misahel, cum Babylonie captiui essent leguminibus aliti & aqua potati habitiores apparuerunt cæteris, qui vino regis que epulis nutriti erant. Ioanni Baptistæ in deserto locustæ & mel syluestre cibus fuit, vinum & ficeram non gustauit. Paulus Apostolus Timotheo discipulo scribens monet, ne aquā biberet, sed modico vino vteretur. Ne quis autem gulæ suæ fauens Apostoli patrocinio se defendat, hic qui ab aquæ potu cessare iubetur ægrotabat. Noli adhuc aquam bibere (inquit) propter stomachum tuum & frequentes tuas infirmitates, sed modico vino vtere, hoc est, non multo ad luxuriam, sed modico & aqua diluto ad languidi corporis iuuamentum. Nemo tamen nefas putet vel carnibus vesci extra ieiunium, nisi votum obftet, ne in Hebionitarum incidat hæresim: vel etiam ieiunando vini ysum damnet, ne ipse cum Tatiano Encratidarum autore damnandus iudicetur. Nam dominus & saluator noster his ysus est, vt euangelistæ testantur, & in Chana Galilææ ad nuptias, & Hierosolymis quando pascha cum discipulis celebrauit.

In quo

In quo ostendere voluit, nullum crimen esse si quis his
 utatur, nisi cum ecclesie interdictum vel voluntarium
 impediatur votum. Quisque ergo aut carnis usu, aut vini
 potu, aut utroque sponte se abdicat non quia non liceat
 his uti hoc agat, sed quia iuuat, pro peccato satisfaciendi
 gratia, corporis que castigandi, ut lasciuia minus, &
 contra spiritum rarius insurgat. Hac de causa plerique
 vili admodum victu contenti cibaria delictiora sibi
 submouere. Ruth mulier, quae in genealogia Christi
 censeretur meruit, cum a Booz satis diuitem viro hospitaliter
 acciperetur, panem in aceto intinctum comedisse
 dicitur, aquam potasse fuisseque saturatam, adeo
 tunc locupletiores quoque mensae luxuria carebant.
 Panibus viginti hordeaceis Elias centum viros memoratur
 satiasset, reliquiasque collegisse. Credimus etiam
 ipsum tali cibo usum fuisse, qualem aliis apposuit, cui
 ergo miraculorum operatio concessa fuerat, eum hordeo
 vesci non piguit. Ezechiel ut famem futuram partim
 verbis, partim re atque opere nunciaret, frumentum,
 hordeum, fabam, lentem, milium, vitiam, per dies
 septuaginta comedere iubetur: aquam potare.
 At nos fabam ipsam respuimus tamquam Pythagorae, non
 Christi discipuli, nos triticum nisi in similitudinem re-
 ductum fastidimus, & vna delictiora conquirimus, nulla
 in parte sanctis prophetis istis comparandi. Sed etiam
 Iohannes plusquam propheta, in matris adhuc aluo sancti-
 ficatus, non pepones esitauit, sed locustas: nec vinum
 gustauit, sed hausit de Iordane aquas. Non grauabunt
 nos ieiunia nostra, si sanctorum parcimoniam cogitabi-
 mus, ut saltem imitari eos non pigeat, quos aequipa-
 rare nequimus. Apostoli quoque domini spicas manibus
 conterentes esuriem sedant, neque ab hordeaceis abhor-
 rent quos etiam aliis apponere iubentur, cum turbam
 saturauit dominus: & tunc quidem quinque tantum
 panes habuerunt, quod nec ipsis qui duodecim erant suffi-
 cere

Ruth, 2.

4. Reg. 4.

Ezech. 4.

Iohan. 6.

erere potuisset. Vtque apertius quanta illis cura sibi esset intelligas, cum consensa naui trans fretum irent, obliti sunt (vt in Matthæo legitur) secum panes deferre. Qui enim diuinæ contemplationis dulcedine quotidie satiantur, vix ventri suo tunc prouident, cum esurire coguntur. Parandi autem victus nimiam sollicitudinem dominus quoque extenuat, cum ait: No lite solliciti esse dicentes, quid manducabimus, aut quid bibemus, aut quo operiemur, sed quærite (inquit) primum regnum dei & iustitiam eius, & hæc omnia apponentur vobis, ne quem ergo ad Dei seruitia iturum retardet inopiæ metus, his domini verbis confirmatus in illa spem collocet, non tamen otio & ignauia sese dedat, laborantes ille adiuvat, non desides neque somnulosos, & quoties hominis industria quantum necessitati satis est nequit parare, ipse suppetat. Agar cum filio per desertum errans cum vehementer sitiret, angeli indicio puteum comperit, & inde hausta aqua se & puerum à perniciæ seruauit. Samson Nazareus, cum & ipse siti enectus clamasset ad dominum, egressis de molari maxillæ asininae aquis seruatur, Elias in torrente Carith latens, deo procurante à coruis pascitur. Cum per desertum Idumæ arida arenosaque ducerent exercitum Achab & Iosaphat reges aduersus Moabitas, & siti plurimum laborarent, excavarunt scrobes, quæ orâte Eliseo aquis repletæ multitudinem ab imminente periculo liberarunt. Olim quoque cum ab Aegypto Moysæ duce Hebræi ad terram promissionis pergerent, manna de cælo esurientibus, aquæ de petra erumpentes remedio sitientibus fuere. Et si deus nunquam defuit, ne delinquentibus quidem turbis, ob eius merita qui illis præerat, quanto minus defuturus est ei, qui relictis omnibus ipsius se se dedicat seruituti: rectè itaque à psal mista est dictum. Iunior fui & senui, & non vidi iustum derelictum, nec semen eius quærens panem, Et alio in psalmo

Matt. 1. 10.

Indl. 17.

6. Reg. 17.

4. Reg. 3.

Psal. 6.

Psal. 44.

psalmo, Oculi omnium in te sperant domine & tu das escam illorum in tempore opportuno, aperis tu manum tuam & implebis omne animal benedictione. Et alibi, Ecce inquit, oculi domini super timentes eum, & in eos qui sperant in misericordia eius ut eruat à morte animas eorum, & alat eos in fame. Denique abundant qui seruiunt mundo, & tu egestatem times seruies deo? Pascit ille volatilia cœli, & te quem ad suam similitudinem facere voluit non pascet? Iacta igitur, ut propheta ait, cogitatum tuum in domino, & ipse te enutriet. Quod si tibi ieiunia placebunt, de quibus nunc loquimur, modicus & tenuis victus tibi satis erit, sin verò gula & ventri que seruies, nihil erit satis.

Psal. 121

Quale debet esse ieiunium, & quæ eius virtus. Cap. 21.

Quale autem debet esse ieiunium docet saluator in euangelio. Cum ieiunatis nolite fieri, inquit, sicut hypocritæ tristes, demoluntur enim facies suas, ut pareant hominibus ieiunantes. Amen dico vobis, receperunt mercedem suam. Non vere tristem esse prohibet. Ieiunium enim propriè pœnitentiū est dolētiumque pro peccato quod commiserūt, sed simulatè tristari vetat hypocritarū more, qui omnia ad iactantiam faciunt, uti hominum rumusculos aucupentur, dum sancti dici quàm esse malunt. Ideo non vere gloriæ cui adipiscendæ non student, sed inanis ad quam se totos componunt mercedem recipiunt. Tu autem cum ieiunas (inquit) unge caput tuū & faciem tuā laua ne videaris hominibus ieiunans, sed patri tuo qui est in absconso, & pater tuus qui videt in absconso, reddet tibi, non delibutum unguentis te incedere præcipit, quod luxuriæ vitium est, sed quia caput tuum Christi

Matt. 6

flus est

Isaia. 58.

Ioc. 1.

Roman. 9.

Mat. 9.

us est pasce esurientem, vesti nudum & caput tuum
vnxisti, ait enim, quod vni ex minimis meis fecisti, mi
hi fecisti. Deinde maculas animæ tuæ pœnitundinis fle
tu ablue, & faciem tuam lauisti, atque non hominibus
ieiunare videberis sed deo. Tale habetur illud de quo
in Isaia clamantem audimus dominum. Hoc est ieiunium
quod elegi, Dissolue colligationes impietatis, solue
fasciculos deprimētes, dimitte eos qui cōfracti sunt,
liberos, & omne onus dirumpe, frange esurienti panem
tuum, & egenos vagos que induc in domum tuam: cum
videris nudum operi eum, & carnem tuam ne despexeris:
hoc est, quod dolo interuerteris redde, inopem ære
alleno oppressum libera, cibum quem ieiunando tibi
subtrahis, da indigenti, aduenam suscipe hospitio, pauperis
nuditatem tege, nec contemnas: quia tua caro est, præsertim si in Christo tecum regeneratus est, vnum
habetis patrem deum, vnum caput Christum, vnum
corpus ecclesiam, hoc igitur erit ieiunium electū, piū,
fidele, sanctum, de quo Iohel propheta dicit, Sanctifica
te ieiunium. Non enim sufficit tibi abstinentia, nisi &
à peccatis abstineamus, & piis actionibus exerceamur,
nos que in omnibus fidei sincérité sanctificemus. Ca
uendum quoque est ne ieiuni contemnamus non ieiunā
tes, fortasse innocentiores absque ieiunio, quàm nos cū
ieiunio. Apostoli p̄ceptū est, Qui nō māducat māducā
tem non iudicet. Malè ab alimentis abstinet, qui à de
tractione proximi linguam non coërcet. Ieiunium non
superbiæ opus esse debet, sed humilitatis. Qui ieiunando
superbit, phariseorum imitator est, & eorum quæ
Christum adeuntes dixerunt. Quare nos & pharisei
ieiunamus frequenter, discipuli autem tui nō ieiunāt:
Si vis igitur vt ieiunium tuum deo gratū sit, nihil tibi
ita arroges, vt aliis detrahas, alios suggilles, sed operā
da vt cū Psalmista dicere possis. In ieiunio humiliabam
animam meam. Porro ieiunium ipsum quantæ
virtu

virtutis sit, quantiſq; emolumēti, exempla in ſcripturis
 diuinis relata teſtantur, Eſdras ſacerdos cū a Chal-
 dea dimiſſus Hieroſolymam rediret, triduo cū ſuis ie-
 iunaſſe, pꛛeſque pro itinere obtuliſſe dicitur, votiq;
 compos factus fuiſſe. Ioſaphat rex Iuda vicibus impar-
 ieiunio & oratione ſuperauit inimicos. Iudith vidua
 eiufdem armis munita Holophernem Aſſyriorū ducē
 interfecit. Et Iudas Macchabæus ingentes gētilium ex-
 ercitus poſt triduanum ieiuniū parua manu aggreſſus,
 proſligauit. Præterea Chriſtus dominus per dies qua-
 draginta nihil guſtando, diaboli tentamenta viciit, &
 cū dæmoniacum ſurdum ac mutum curaſſet, hoc dæ-
 monium, inquit, non eiicitur niſi in ieiunio & oratio-
 ne. Prodigus filius qui bona ſcortando luxuriandoque
 abligurierat tunc ad patrem ſagitij ſui pœnitens re-
 diit cū eſurire cœpiſſet. Deus Iudæis placari paratus
 per Iohelem clamabat: Cōuertimini ad me in toto cor-
 de veſtro, in ieiunio & ſletu, & planctu: & Niniitis ie-
 iunantibus pepercit, quosque minatus fuerat ſe fundi-
 tus euerſurum, ſeruauit. Danieli ieiunanti & oranti,
 Chriſti venturi myſteria reuelantur. Ieiunium ergo
 peregrè proficiſcentibus iter proſperum impetrat, cō-
 tra hoſtium vim præualet, dæmonum malignitatem
 contundit, obſcœnæ libidinis cupidinem coꛗrcet, deū
 placat, veniam exorat, mentem ad cœleſtia erigit: po-
 ſtremo per ieiunium atque abſtinentiam, ad cœleſtem
 uſque beatitudinem peruenitur. Beati, inquit, qui nunc
 eſuritis, quoniam ſaturabimini. Et in Ieremia ait: Ine-
 briaui animam laſſam & omnem animam eſurientem
 ſaturauit. Hæc eſt illa ſaturitas, quam ſe conſecuturum
 ſperabat Dauid cū diceret: Satiabor cū apparuerit
 gloria tua. Sancti enim qui ſe quondam ieiunijs afflix-
 erunt, non eſurient amplius (vt Iſaias ait) neque ſitient,
 & non percutiet eos æſtus & ſol, quia miſerator eorum
 reget eos, & ad fontes aquarum potabit eos. Et in Apo-
 calypſi

Pſal. 24.

2. Eſdr. 8.

3. Par. 20.

Ierem. 2.

Iohelem. 2.

Dan. 10.

Lucæ. 6.

Ieremia. 2.

Pſal. 31.

Iſai. 49.

Apo. 21.

calypsi dominus: Ego, inquit, sitienti dabo de fonte aqua viua gratis. Igitur tu es ille domine, qui esurientes & sitientes tuo solo aspectu satias, tu panis indeficiens, tu fons viuus, Tu da vt tibi placeant ieiunia nostra, vt cum placuerint, a te tandem tua dulcedine satiemur. Non erit molesta inedia, quam spes eiusmodi futuræ saturitatis cõsolabitur. Tu es farina illa Elisei, qui vel amarissimum ieiunij nostri pulmentum vertis in dulcorem. Omne onus laborum nostrorum leuas istius, quam in te fiximus, spei suauitate. Itaque & cum ieiunamus, tibi ieiunamus, & cum reficimur, tibi gratias agimus: & postquam refecti sumus, te laudamus: quod vt nos doceres, te quoque fecisse meminim⁹, quando pascha cum discipulis celebrares. Confitemur enim & quod ieiunamus, & quod reficimur, tuum esse beneficium, non nostram virtutem: tuæ largitatis donum, non nostrum meritum. Post ieiunij refectioisq̃ue disertationem, consequens est, vt gulæ vitium quam detestandum sit consideremus.

Reg. 4.

De vitio victum delictiorem exigentium. Cap. 22.

Glofitatis indicium est, in mensa minus lauti apparatus monachi accubentis maffitatio. Licentioris igitur gulæ sunt, quos non pudet, ceteris in silentio confidentibus, corrugare nares, frontem contrahere, os distorquere, & gestu nutuq̃ue ipso vel de cibo, vel de potu conqueri. Hic fastidit legumina, ille minutos pisciculos contemnit, alius onera aspernatur, alij cibarius panis odio est, alium vini austeritas offendit, quod si acescere cõperit, stomacho noxiũ argumẽtatur & frigorificum esse medicorum testimonio probare nititur. Eo interdũ impatiẽtiæ quidam procedunt, vt
sui

suis præpositis insultent delicatiora exigentes, quàm quibus illi contenti. Carebit hoc vitio, qui eorum vitam victum quæ persæpe considerabit, quos deo constat placuisse, memoriter quæ tenebit, quid illi in solitudine degentes esitarint, quidve potarint, quibus (ut Hieronymus ait) coctum aliquid accepisse luxuria videbatur, qui etiam languentes aquam frigidam, sicut de fonte hausta erat, bibebant: ac tam procul à vino quàm ab urbibus aberant. Nunc tanto magis deo fruuntur, quanto continentius vixerint. Rursum pensitare proderit, quantum deliquerant illi, qualiter quæ à deo multati sint, qui ob gulæ incōtinentiam in Moysen murmurauerint. Profecti ab Aegypto ibant cum illo per solitudinem: & cū esurirent, manna de cœlo pluente aliti sunt: & cū sitirent, aquis de petra eductis potati. Deinde postquam manna contempto, Aegyptias dapes concupiscent, coturnicum vis ingens castra operuit: quarum carnibus ad nauseam usque satiati, malæ concupiscentiæ proteruæ quæ murmurationis, qua & deū & Moysen ducem suum offenderant, pœnas dedere. Nā ut in psalmo dicitur: Adhuc escæ eorum erant in ore ipsorum, & ira dei ascendit super eos, & occidit pingues eorum, & electos Israël impediuit. Nemo igitur sibi tutum putet, non contentari iis, quæ deo largiente in monasterio habentur, vel ob hoc patres incusare, quod ipse minus copiosè abundet, cū necessaria suppetant. Paupertatem professus es, & copiam exiges: obedientiam vouisti, & maioribus audes esse molestus: quid amplius quæreres in seculo, quàm quod concupiscis in monasterio? Si monachi geris indumentum, cur dissimilem habes effectum? Memento quia religionem ingressus es, ut deo seruias, & ventri seruire desinas. Nunc de illis dicam, quos ieiunij grauat obseruatio, qui vel male ieiunant, vel omnino non ieiunant.

Psal. 77.

Psal. 77.

M De vitio

De vitio malè ieiunantium.

Cap. 23.

zach. 7.

MAlè ieiunantes arguit dominus, dicens: Cùm ieiunaretis & plangeretis, nunquid ieiunium ieiunastis mihi? Non enim domino ieiunant, qui exquisitis dapibus poculisque mensam opimant, & nō corpus affligere, sed gulæ blandiri student. Non deo ieiunant, qui ab escis tantum se continent, & vitia non derelinquunt. Non denique deo ieiunant, qui ieiunio se satisfacere putant, & dei præcepta implere negligunt. Quid enim prodest, corpus tenuare abstinentia, & prauas cupiditates ab animo nō euellere? Si sic ieiunas, non Christum imitaris, sed diabolum: qui certè neque comedit neque bibit, & tamen nunquam à sua peruersitate resipiscit. Sicut nec illi, quibus lamentantibus, quod ieiunando calamitatem nequirent auertère deus respondit: Ecce in die ieiunij vestri inuenitur voluntas vestra, & omnes debitores vestros repetitis, ecce ad lites & cōtentiones ieiunatis, & percutitis pugno impiè. Sicut ergo aurum luto sordidatum non splendet, ita nec ieiunium efficax est ad deum placandum, si vitia non cessant. Ob hoc sanè ad Ieremiam clamat dominus. Noli orare pro populo isto in bonum. Cum ieiunauerint, nō exaudiam preces eorum, & si obtulerint holo causta & victimas, non suscipiam ea. Quòd si propter vnum Ionatham, qui contra Saulis patris interdictum parū mellis gustauerat, deus iratus non dedit responsum, quomodo eum exaudiet, qui suæ ecclesiæ iussa contemnit?

Isai. 58.

Ierem. 14.

1. Reg. 14.

De vitio ieiunare nolentium, vètrique indulgentium.

Cap. 24.

Quamuis

Quamvis autem aliquis in voluptatib⁹ flagitiisq;
 perseveret & obduret, si tamen cum iubetur ie-
 iunat, futuræ emendationis nonnulla spes est. Nō
 est enim in illo penitus extinctus dei timor, qui vel hac
 vna in re formidat non obtemperare. Sed quid de illo-
 rum obstinatione sperare licebit, qui cū nihil boni
 agant, ne ieiunare quidem volūt, & dū gulæ indulgēt,
 indictā quoq; ab ecclesia abstinentiā irrident? An igno-
 rant quod ecclesiæ mandatū, dei mādātū sit, dicēte do-
 mino: Qui vos audit, me audit: & qui vos spernit, me
 spernit: & qui me spernit, spernit eū qui me misit. Dū
 igitur vētri suo, q̄ deo nostro malūt obedire, deus eorū
 venter est, quod huic suadet, sequūtur: quod autē deus
 noster iubet, contēnunt: neq; eos pudet gulæ suæ fieri
 mācipia, cuius dominos esse cōuenerat. Quid tādē im-
 punē ne id sibi futurū sperāt, quod nulla re impediti nī
 si gulæ vitio, ieiunare ne iussi quidem volunt? Sed si vi-
 ro dei misso in Bethel, cui mādātū fuerat, ne quid ibi
 gustaret donec redisset, semel præterisse mandatum nō
 fuit impune, quomodo hi non punientur, qui nunq̄ pa-
 rent? Ille sedens adhuc ad mensam, à domino sibi dictū
 audiuit: Quoniam non obedisti sermoni meo, non infe-
 reris in sepulchro patrum tuorum. Cumque rediret, à
 leone in via oppressus, occiditur: & ab hominibus ibi-
 dem tumultatur, & hi qui assidue peccant, nullo prorsus
 ieiunantes die, ne scilicet si quando non cœnitent, ine-
 dia extinguantur, dei vindictam non verētur? Ille qui-
 dem ab altero deceptus, prandium cum ipso iniit, igno-
 ranterque peccauit, & talia passus est. Hi verò cum
 scientes volentesque delinquant, nihil supplicij sibi
 infligendum arbitrantur? Cur ergo, inquit, leonis
 morsibus non laceramur? Quibus respondendum est,
 quia non estis viri dei sicut ille, qui leui mortis gene-
 re, pro reatu satisfecit, vt spiritus saluus fieret, sed
 estis serui diaboli. Atque ideo non syluestribus feris

Lucā. 10.

Reg. 17.

- laniandi tradimini, vt postmodum infernalibus bestiis
proiecti, pœnas luatis acriores. Non enim æqua vel si-
milis puniendi ratio iustos & iniustos, pœnites &
obduratos. Alteris temporaria debetur animaduersio,
alteris æterna. Quidam ita gulæ ac ventri dediti sunt,
vt ne tempus quidem comedendi obseruent, prandia
præuenire soliti ientaculis, cœnas merendis quorum
Proper. 10. immodestiam Salomon arguit, dicens: Væ tibi terra,
cuius rex puer est, cuius p̄cipes manẽ comedũt. Cor-
rumpunt enim reliquos exemplo, qui magistratum ad
pti turpiter viuunt. Econtrario autem frugalis vita p̄-
fidium, omnibus continentia lex est, & virtutis incita-
mentum. Ideò consequenter dicitur: Beata terra cuius
rex nobilis est, & cuius principes vescuntur in tempo-
re suo ad reficiendum, & non ad luxuriam. Profectò
non hominum, sed pecudum vita est habere incerta co-
medendi tempora, passimque pasci, quasi qui nunquã
fatientur, & edaciores idolo Bel bibacioresque existãt:
Dani. 14. si tamen idolum illud tantum in die cõsumpserit, quã-
tum mentiti sunt eius sacerdotes: hoc est, similæ arta-
bas duodecim, oues quadraginta, vini amphoras sex.
Sed tamen potatus huius atque obliguritionis intem-
perantia tolerabilior foret, si rerum solummodo ia-
cturam inferet, & non etiam corporis atque mētis. He-
la Samariæ rex cùm se vino ingurgitasset, zambri ser-
ui infidias cauere nesciuit. Itaque sibivitam, posteris re-
gnum amisit, seruo illud occupantẽ, prole quoque do-
mini sublata. Balthasar Chaldæorum rex quo die va-
sis, quæ de templo Hierosolymitano sublata fuerant,
2. Reg. 16. in celebri conuiuio prapotaui, eodem occisus est, sacri
legioque addita ebrietas finem vitæ fecit, Holofernem
Dani. 5. Assyriorum ducem, qui viris armisque tam potēs fuit,
vt quocunque se verteret, vrbibus, prouinciis, regnis
Iudit. 3. terror esset, epulis vinoque grauem vnus fœminæ ma-
nus interemit, & quem vincere externorum vires non
poterant,

poterant, crapula victus, tam ignominiosa nece periiit. Vis insuper nosse quàm turpis quàmque pernicioſa res ſit ebrietas? Noñ primus vineam plantauit, vinoque infatuatus, pudendis detectis, iacuit indecore, ita vt vni ex filiis riſum moueret. Loth autem inebriatus inceſtũ commiſit, & de filiarum cõcubitu liberos ſuſcepit, ignarus quãnam eſſent illæ cum quibus concumberet, neque fortasſe quid ageret, cùm inter dementem & ebrium, nullum diſcrimen ſit, niſi quòd alter altero facilius curetur. Tutius eſt autem ſecretum aliquod committere ſulto, quàm ebriſo: neuter ſcit arcanum celare, ſtulti tamen verbis nemo adhibet fidem, ebrio magis creditur. Ad hæc inter compotantes frequenter leuiſſima de cauſa exurgunt rixæ: concertationes, vulnera, cædes. Vnde Salomon in Prouerbiis ait: Qui dimittit aquã, id eſt, qui mero vino vtitur, caput eſt iurgiorum: & antequam patiatür contumeliã, iudiciũ deſerit. Cui ſententię congruit, quod in Oſee propheta legitur: Fornicatio & vinum & ebrietas auferunt cor. Cùm autem ſola ratione diſtemus à brutis, ea ſublata, quid reliquũ eſt, niſi vt beſtiis annumeremur, & amiſſo corde, vecordes excordesque, id eſt, demẽtes dicamur & ſimus. Teterimũ eſt in vitã talem notã pati, ſed lōgẽ infelicius vitã mox deſunctos ad æterna deſtinari ſupplicia. Apoſtolus enim ad Corinthios ſcribens, affirmat: quod ebriofi regnum dei nõ poſſidebunt, cum damnatis ergo cõputabuntur. Nam hi ſoli ſunt, quibus nulla exeũdi de carcere ſpes eſt. Idcirco alibi idem hortatur, dicens: Nolite inebriari vino, in quo eſt luxuria: hoc eſt, vino quod gulæ blanditur, & impudẽter laſciuire cõpellit. Quãobrem etiam dominus ita affectos ad pœnitentiã reuocat per Iohelẽ prophetam, & ait: Expergiſcimini ebrii & flete & vlulate omnes, qui bibitis vinum in dulcedine. Pœnitere autem nolentibus per Ieremiam minatur, dicens: Bibite & inebriamini, & vomite, & ca-

Gene. 9.

Gene. 19.

Oſee. 4.

Iohel. 1.

Ierem. 25.

Mat. 24.

dite, neque surgatis à facie gladij, quem ego mittam inter vos. Gladius hic iustitia dei est, quæ breuissimā vitæ huius voluptatem vno ictu mutat in perennem amaritudinem. Hoc ipsum idem dominus etiam in euāgelio testatus, ait: Si dixerit malus seruus in corde suo morā facit dominus, meus venire, & cœperit percutere conseruos suos, manducet autem & bibet cū ebriosis, veniet dominus serui illius in die qua non sperat & diuidet eum partem que eius ponet cum hypocritis illic erit fletus & stridor dentium. Vbi sunt qui pœnæ dilationem impunitatem rati licentius peccant? Non pœnam peccatorum remittit iustus iudex, sed conuersionem expectat misericors dominus. Quo diutius sustinet, eo acerbius in obduratos animaduertet, fletum irrogabit pro risu, pro gulæ oblectamento dentium stridorem. Quæ supplicia tunc demum futura quidam dicunt, cū in fine seculi hominum animæ suis iunctæ corporib⁹ fuerint. Ego verò etiā ea significari reor, quæ tunc erunt impio, cum primum diuidi eum à corpore contigerit. Non quod animæ dentes osseos, aut oculos habeant carnales, sed quod inter viuentes acerrimus dolor sit, qui hominem flere & dentibus inter se collisis, stridere cogit. Vt ergo intelligas pœnarum grauitatem quæ sunt in inferno, per eius pœnæ similitudinē tibi loquitur, quā in hac vita grauissimam esse non ignoras. Hæc autem consuetudo est diuinæ scripturæ, vt spiritalia quæ non intelligimus, per corporea quæ nouimus, nobis insinuet. Maxima enim summa que esse, & in paradiso gaudia, & in inferno supplicia credēdo confitemur, quanta autem vel qualia sint fando explicare nescimus, & si maiora sunt quā dici queant, ommissis omnibus hæc sola cauere, sola illa maximè expetere debemus.

De remedio crapulæ. Cap. 25.

Igitur

Igitur quoties tibi in conuiuio esse contigerit, ubi & vina pretiosa & sapide & exquisitę quę dapes proponantur, ne talium dulcedine captus ad intemperantiam declines, cogita quanto dulcius iucundiusque sit deo frui, quàm istis obrui. Rursum cum tibi molesta esse coeperit abstinencia, mente reuolue, quanto molestius sit in inferno torqueri, quàm hic vëtri multa exigenti modica tribuere. Ita enim & quę grauant æquo animo përferes, & ab iis quę perniciofa suauitate demulcent, prudenter cauebis, hortante præsertim domino ac dicente: Attendite autem vobis, ne fortè grauentur corda vestra in crapula & ebrietate & curis vitæ huius, & superueniat in vos repentina dies illa. Horū profectò quę tibi proponimus modo, si memor fueris, iam cautiior continentiorque factus neque cum filiis Heli carnes de cacabo rapies, ne deum offendas & morte mul'teris, neque cum Esau pro edulio lentis primogenita tua vëdes ne patris benedictionem amittas: neque cum Israëlitis iurulentas Aegypti concupisces, ne in deserto intereas & ad terram promissionis transire non possis: neque cum Adamo & Eua ieiunij tempore vetitos cibos attinges, ne de paradiso eiectus miseriis obruaris. Immodicæ autè comessationis potissima mala sunt, quòd futurorum bonorum quę in deo sunt cogat obliuisci, dum præsentibus delinit ac blanditur dicente domino. Cū comederint & saturati crassi que fuerint conuertentur ad deos alienos & seruient eis, quod etiam castitati aduersetur, & in libidinem pronos reddat: de quo in Ieremia conqueritur deus, & ait: Saturavi eos & mœchati sunt, & in domo meretricis luxuriabântur, equi amatores in fœminas & emissarij facti sunt, vnusquis quę ad vxorem proximi sui hinniebat. Et in Ezech. Ecce (inquit) hæc fuit iniquitas Sodomæ, superbia, saturitas panis & abundantia & otium ipsius. Quanto igitur melius penuriam pati & continentia

Lucæ. 21.

1. Reg. 2.

Gene. 25.

Exod. 16.

Gene. 3.

Deut. 31.

Iere. 5.

Ezech. 16.

virtute abundare, quàm copia rerum affluere & turpis
luxuriæ sordibus inquinari? quanto præstabilius obser
uandis ieiuniis operam dare, & abstinentia superbiam
factumque contundere, quàm crapula inflatum neque
bonorum neque malorum quæ futura sunt meminisse,
& à deo recedere? Quod crimen illorum fuit, in quos p
Amos prophetam exclamat deus: Væ vobis qui opulen
ti estis in Sion & confunditis in montem Samariæ, opti
mates capita populorum ingredientiæ pompaticè do
mum Israël. Quod hîc de opulentis in Sion est dictum
vtinam de opulentis Christianæ ecclesiæ dici non pos
sit, ne quis nouus Nabuchodonosor meritò in illos ir
ruat, & peccatis ita exigentibus aurum argentumque
omne diripiat, & ad suam cuncta transferat Babylonē
quæ non in vsum rei diuinæ, sed magis in opera dia
boli verti solent. Hoc est in popinas ganeasque & ob
scenam corporis voluptatem luxumque vitæ citò fi
nienda. Quicquid tamen futurum sit, hoc nobis relin
quitur solati, quod licet vrbes regnaque destruantur,
ipsa Christi religio, nullis hominum viribus poterit
aboleri. Quamuis cuncta defecerint, illa cui neque por
ta inferni præualere queunt, non deficiet, & hæc est vi
ctoria quæ vincit mūdū, fides nostra. Quæ si obteri vn
quam potuisset, prius (vt equidem reor) pedibus multo
rum qui præsunt, quàm eorum qui persequuntur, obtrita
fuiisset. Plurimi quippe ideo clericatum profitentur, &
ecclesiasticas ambiunt dignitates, vt ditentur, & cum
ditati fuerint vt deliciis voluptatibusque fruatur, quib⁹
in euangelio respondet dominus, Amen amen dico vo
bis, quæritis me, non quia vidistis signa, sed quia man
ducaistis ex panibus & saturati estis. Et quonia m volu
ptuariam vitam æterni supplicij dolor sequitur, iisdem
dicitur, Væ vobis qui saturati estis, quia esurietis.

De perseue-

Amos. 6.

Iohan. 6.

Lucæ. 6.

De perseuerantia virtutum.

Cap.

26.

Cum autem omnis capeffendarum virtutum labor incassum cederet, nisi ex præsidio perseuerantia foret, hoc veluti opportuno dictarum dicendarumque rerum loco eam inserere operæ precium erit, vt qui hæten⁹ dignè laudabiliterque versati sunt, intelligant, neque deinceps sibi cessandum, donec ad finem vsque peruentum fuerit, qui enim perseuerat vsq; in finem hic saluus erit. Ad perseuerantiam nos hortatur Apostolus, cum ait: Omnes quidem currunt, sed vnus accipit brauium, sic currite, vt comprehendatis. *1. Cor. 9.*
 Frustra enim præpeti fertur cursu, qui antequam metâ attingat, victus lassitudine subsistit. Frustra benè cœpim⁹ nisi & benè finierimus. Naufragiū patiat⁹ necesse est, qui quamuis recto cursu suisque ventis diu nauigari⁹, ante cū ipsa naui in Syrtibus vel in latentibus he sit saxis, quàm ad portum est perductus. Postremò neque fabri, neque architecti, neque cuiusquam artificis opus, nisi cum perfectum fuerit, iure ac meritò laudari potest, tunc demum de illo probè prudenterque iudicatur, cū iam omni ex parte cernitur absolutum. Ita neque nobis proderunt sanctiores vitæ initia, si cœptis non responderit finis: si (vt quidam ait) mulier formosa supernè desinat in piscem. Idcirco Apostolus: Bonum facientes (inquit) non deficiam⁹. Et iterum, Nolite deficere benefacientes. Audi quid propterea tibi Salomon sapientissimus de muliere forti, id est, anima cōstātī & in proposito boni honestique firma, in qua cor viri sui Christi domini confidit, nobis exponat ac prædicet. Reddet, inquit, ei bonum & non malum. Qui enim deum timet, qui que beneficiorū eius est memor, *Galat. 6. 9. Thes. 3. Prouer. 31.*
 ne in-

ne ingrati tudinis arguatur , pro bono reddit bonum,
& quoniam non est satis vel diu reddidisse, nisi semper
reddas, continuo subiunxit, Omnibus diebus vitæ suæ.
Vis nosse talis animæ quæ sit merces: Non extinguetur,
inquit, in nocte lucerna eius, non timebit à frigoribus
niuis, fortitudo & decor indumentum eius, & ridebit
in die nouissimo, hoc est, cum potentissimi quondam
reges nudi ac debiles ante tribunal iudicis ingenti ti-
more trepidabunt, illa tunc in Christo exultabit & ri-
debit, & iam certa de præmio ipso, de quo dicitur: Da-
te ei de fructu manuum suarum, & laudent eam in por-
tis opera eius. Opera vtique in quibus perseverauit, in
ipso paradisi ingressu extollant illam, & spiritibus an-
gelicis beatorumque coniungant choro, vt quæ indefi-
nenter deo seruiuit, iam indefinente felicitate perfrua-
tur. Quis est, qui dum tantæ mercedis magnitudinem
æstimat, laboris sui tædio afficiatur? & non potius sem-
per se minus fatigari agnoscat, quàm vt mereri possit
quod sibi sperat. Attende igitur non solum ea quæ re-
cepisti, sed etiam quæ promissa sunt, & demum in eo
quod benè cœperis, perpetuò perseverabis pariterque
cum Zacharia sacerdote in euāgelio dicens: Seruiamus
illi in sanctitate, & iustitia coram ipso omnibus diebus
nostris. Primo quidem in fide perseverandum est, ne la-
bescente fundamento, quicquid superædificatum fue-
rit, corruat. Nam sicut fides absque operibus mortua
est, ita opera sine fide vana sunt, & licet tēporaria mer-
cede non fraudentur, æterna tamē remuneratione pri-
uantur. Fidei autem perseverantiam Iohannes Aposto-
lus nobis commendat, dicens: Quod audistis ab initio,
in vobis permaneat: quia si in vobis permanserit, quod
audistis ab initio, & vos in filio & patre permanebi-
tis. Dominus etiam in Apocalypsi, Esto fidelis inquit,
vsque ad mortem, & dabo tibi coronam vitæ. Deinde
in spe quoque perseverandum est, vt sicut per fidem
ita &

Lucæ. 1.

Iohan. 2.

Apoc. 2.

ita & per spem habitat in nobis Christus, Habemus enim Apostoli testimonium affirmantis nos esse domum Christi, si fiduciam & gloriam spei vsque ad finem firmam retineamus. Postremò in charitate etiam assidue est versandum, quia deus charitas est, & qui manet in charitate, in deo manet & deus in eo. Ab his ergo tribus virtutibus nunquam est cessandum, quia certissimū vinculum sunt, quo deo coniungimur & copulamur, nūquam ab illo recessuri, si in his vitam finire contigerit. Has autem virtutes nequaquam esse otiosas non eris, qui enim in deum credit, & in deo sperat, & deum diligit, hic quotidie agere studet, quicquid ei gratum acceptumque fore confidit. Assiduus est in oratione, semper patiens in aduersis, in omnibus dei mandatis perpetuò se exercens. Quantum autem in offerendis precibus perseverare prodest, testis est Cananæ mulier, quæ repulsa non recessit, despecta sustinuit: & dum suppliciter orando perseverat, facta est voti sui compos, dicente domino, Fiat tibi sicut vis. Testis est Barthimæus cæcus, cui⁹ pseuerans clamor oculos ei quos nō habebat, impetrauit. Increpabatur vt taceret, tātò ille magis clamabat, Fili David miserere mei, ab hac precatione non cessavit, donec visum recepit. Testes sunt & Apostoli, de quibus est scriptum, Omnes erant perseverantes vnanimiter in oratione cum mulieribus, & Maria matre Iesu & fratribus eius. Denique testis est ipse saluator noster & dominus, qui vt precibus instare suo nos doceret exemplo, & pernoctasse in oratione dicitur, & factus in agonia prolixius orasse. Quantum præterea ærumnas laboresq; & cuncta seculi huius incommoda æquo animo tolerare iuvat, ipsi idem Christi discipuli nobis documento sunt, quibus ipse dixit. Vos estis qui permastis mecum in tērationibus meis, & ego dispono vobis, sicut disposuit mihi pater me⁹ regnū, vt edatis & bibatis sup mēscā meā ī regno meo, & sedeatīs super

Heb.;

Matth. 15.

Mar. 10.

Actu. 1.

Luc. 6.

Luc. 22.

Luc. 22.

Psal. 118.

Psal. 118.

1. Tim. 4.

super thronos duodecim tribus Israël. Ad hæc omnino
necessarium est, si salui esse cupimus, vt in omnibus dei
præceptis perseueremus, cauendo illa quæ vetantur,
quæ iubentur faciendo. Beatus est qui cum Psalmista
dicere potest, Concupiuit anima mea desiderare iusti-
ficationes tuas in omni tempore. Et iterum. Custodiam
legem tuâ semper & in seculû seculi: Difficile est profe-
ctò per omne vitæ tempus eundẽ se præstare, & in nul-
lo deficere. Quoties ergo aliqua diuerticulapatur fra-
gilitas, quàm citò fieri potest, ad iter cœptum redeat
nondum penitus labefacta virtus, ne lōgiore deuatio-
ne aberrantibus vix vlla in viam redeundî potestas sit,
postquàm præsentium voluptatum dele statio vsum fe-
cerit, vsus habitum, habitus naturâ. Nec tamen si hoc
acciderit desperandum erit. Nihil est ita induratum,
quod tundendo non infringat pertinax opera. Steriles
campos assiduus agricolæ labor fecundos reddit. In-
fructuosæ quoque arbores in pomiferas mutantur soler-
ti insitione. displicere tibi incipiat quod patre tuo re-
lictò in regionem abieris longinquam, & ad reditum
te para. Volenti atque conanti pietas aderit diuina, ma-
numque porriget, & te à malis liberabit ne pereas. Ex
pecude tandem in hominem versus, in his quæ dei sunt
assuescere incipies, assuefactus perseuerabis, perseuerans
vinces, victor coronaberis. Talem se Paulus Apostolus
exhibuerat cû diceret: Bonum certamen certauî, cur-
sum consummaui, fidem seruaui, de reliquo repõta est
mihi corona iustitiæ, quam reddet mihi in illa die ius-
tus iudex, non solum autem mihi, sed & omnibus qui
diligunt aduentum eius. O felicem illius perseuerantiã,
cui in fine cum Paulo sic gloriari licebit, & cum eodem
sic sperare. Huic perseuerantiæ virtuti contrarium vi-
tium est animi inconstantia volubilitasque mentis
quæ quàm fugienda sit, docere ope diuina fretus nunc
enitar.

De leuita-

*De leuitate ad vitia relabentium.**Cap.**27.*

Perniciosa quidem res est, de proposito vitæ honestioris decidere, & ad voluptariam rursum conuerti, de bono malum fieri, de iusto iniustum, de innocēte peccatorem, & felicitatis futuræ spem in metum commutare poenarum. Ad eum igitur qui talis est, nunc nostra conuertantur oratio. Diabolo & pompis eius renunciaueras, ad ecclesiam confugeras, castitatem, humilitatē, paupertatem professus fueras, vt te dei feruum exhiberes cur iterum contempta desideras, relicta repetis, ad seculum vnde fugeras reuerteris, & mortiferis eius deliciis frui concupiscis, vt satanæ seruias? Iam securus vitæ finem præstolabare, iam mortis metu liber eras, iam nulla te mundi terrebant aduersa, cur te rursum subiicis præsentis vitæ miseriis? vt quoties te conscientia tua reprehenderit, toties contremiscas, & ad omnem febriculæ vel alterius cuiuscūque morbi accessum formides, & ad omnes imminētis periculi minas animum demittas ac pauites, non tã mortis metu quàm tormentorum. Plantauerat te dominus vineam electam, semen verum, quomodo conuersus es in prauum, vinea quæ factus aliena, non domino fructificans, sed dæmoniis? Ciuitas eras plena populo spiritualium bonorum, quomodo mutatus es in solitudinē? Anima tua gentium erat domina, sensibus imperans, & omnes eorum affectus subdens rationi, quomodo facta est quasi vidua non habens virum, cuius consilio sapientia quæ regatur? princeps fuerat prouinciarum, quia inter probatos quoque ac præstantes eminebat, nunc autē facta est sub tributo, soluit quæ vestigal principi tenebrarum: non iam quomodo oportet, sed quomodo ille suaferit

Thren. 3.

suaserit viuens. Lucerna eras lucens omnibus qui in do-
 mo sunt, extincto lumine, multorum de te obloquen-
 tium moribus pares. Cœli denique stella videbaris, &
 in terram cecidisti, vt fulgorem qui in te fuit, in tene-
 bras conuerteres, & de te quoque dici posset: Quo-
 modo cecidisti de cœlo Lucifer qui manē oriebaris? Cor-
 ruiſti in terram, cœlestib⁹ terrena, æternis caduca præ-
 ferendo. Spiritu enim cœperas, & carne consummaris.
 Supra firmam petram ædificabas, vt peracto virtutum
 ædificio, ad cœleste regnum cōscenderes, beatitudinis
 que sempiternæ bona possideres: & nunc repente mu-
 tato proposito ædificata destruis & dissipas & de soli-
 da petra ad fluidam mollemque harenam transgrede-
 ris, in qua non potes consistere, nedum ædificare, in qua
 quicquid extruere niteris, corruiſt: & cum nihil omni-
 no inter mundanas voluptates firmitatis, nihil stabili-
 tatis existat, ille quoque te destituent, teque sublato
 omni sustentaculo protinus in profundum ruere per-
 mittent, vt qui nunc mundi affluus luxuriis, mox cala-
 mitatibus afficiaris æternis, dicente domino per pro-
 phetam: Si auerterit se iustus à iustitia & fecerit ini-
 quitatem secundum omnes abominationes, quas ope-
 rari solet impius nunquid viuet? Omnes iustitiæ e-
 ius quas fecerat, non erunt in memoria. In præuarica-
 tione qua præuaricatus est, & in peccato suo quo pec-
 cavit, in ipsis morietur. Hac sanè de causa & Petrus A-
 postolus de eiusmodi hominibus loquēs: Melius, inquit,
 erat illis non cognoscere viam iustitiæ, quàm post agni-
 tionem retrorsum conuerti. Cum igitur in tanto te pe-
 riculo constitutum perspicuè intelligas, dum licet, dū
 vita suppetit, dum pœnitenti tempus superest, errorem
 tuum corrigere festina, & eo vnde recessisti, te q̄primū
 refer, opusque illud quod stultè admodum demolitus
 es, instaurare stude, neque te vltra in aperta mittas pe-
 ricula, cum ad tutum regressus fueris. Non est aptus re-
 gno

Ezech. 18.

4. Pet. 3.

gno dei, qui aratrum tenens post tergum respicit. Vt
quotidie proficias conare, vt semper boni aliquid agas
enitere, & deficere defines. Aliorum exemplis disce cau-
tius incedere: Sauli regi fauit deus, quàm diu ille legi-
us obediendo vixit. Post biennium regni sui innocen-
ter exactum à mandatis diuinis desciiuit, & deo vlciscen-
te translatus est de domo familiae que eius regnum, ip-
se hostium vi oppressus, periit. Ioaz & ipsum Hiero-
solymæ regem, donec Ioiada sacerdos vixit, piè sancte-
que regnasse constat: postea verò insolenter elatus, ad-
orari se iussit, deum reliquit, idola simul cum suis co-
luit. Quamobrem illi ab inimicis victi, pœnas dedere,
ipsum verò dum in lecto distentus recumberet, serui
inuadentes trucidarunt. Quid Iuda Scariotho felici,
cùm ad apostolatam fuit electus, cùm potestatem ace-
pit morbos curandi, mortuos suscitandi, dæmoniis im-
perandi? Quid eodem illo deinde miserius, cum ex fi-
deli cœperit esse infidelis, ex domestico fugitiu⁹, ex apo-
stolo proditor? Auaritia superatus dominum suum vè-
didit, & qui dæmonia pellebat, dæmonio subiicitur. Eo
enim cor eius ingressu tam grande scelus commisit, ve-
niamque desperauit, & laqueo sibi mortem consciiuit.
Patet igitur quid de illo mistellione sperandū sit, qui
dum diu egregiè magnificeque sese gesserit, ad flagitia
deinde conuersus, ab iis non discedat, cum præsertim
præter iam dicta exempla etiam scriptum sit: Qui tras-
greditur à iustitia ad peccatum, deus parauit eum ad
romphæam, hoc est, vindictam: romphæa enim teli ge-
nus fuit apud Thracas, vt scriptores tradunt, etsi iam
ad supplicia destinatus sit, qui sic transgressus est, quo-
modo euadet? Quoties ergo ab ipso sãctioris vite cur-
riculo ad impudica i honestaq; diuertimur, valde qui-
dem verendum, est, ne fortè iam iudicati simus, præser-
tim si pœnitentiam agere & ad priora redire negligi-
mus. Primum ergo totis viribus enitendum erit, vt
cũra

1. Reg. 13.

Iudas.

Eccle. 26.

- Acto. 4. cum iugum domini subierimus, in proposito perstem*,
deinde si quando delirare contigerit, citò rursum dire-
cto vomere cœptam arationem proseguere studeamus, ne
fortè si moram fecerimus. Herodi similes simus, qui vi-
so Iesu, ingenti affectus lætitia, plurimi que ipsum fecit:
mox aut mutata in contrariū volūtate, contempsit at-
que illū: vel ne pares inueniamur Iconiis, qui Paulū
& Barnabam primitus pro diis habuerunt: deinde lapi-
dum iectibus impellentes, ciuitate veluti inimicos eie-
cerunt: ne etiam simus arundo vento agitata, & de no-
bis dici queat: Viæ eorum tenebræ & lubricum. Non
est mutatio ista dexterę excelsi, sed morphosis diaboli.
Non ergo simus populus ille, qui (vt Ieremias ait) dile-
xit mouere pedes suos, & non quieuit, & domino non
placuit, sed simus illi, de quibus in Psalmo dicitur: Lau-
date serui domini dominum, qui statis in domo domi-
ni, in atriis domus dei nostri. Stare enim iustorum est,
mouere autem pedes, & huc atque illuc titubantibus
vestigiis vacillare, proprium peccatorum est, non simus
igitur sicut lunaticus ille de Euangelio, nunc cadens in
ignem, nunc in aquam, sed simus templi sancti columna
lachin, quæ interpretatur firmitas. Qui enim sic stabi-
litus fuerit, poterit dicere cum cōstantissimo viro Iob.
Donec deficiam, non recedam ab innocentia mea. Præ-
terea meminerimus præceptum esse: Si spiritus pote-
statem habentis ascenderit super te, locum tuum ne di-
miseris, Infestet licet antiquus hostis, insidietur, ten-
dat laqueos, venena melle oblita propinet, & omnibus
nrtatur fallaciis, nos tamen à lege præceptis que domi-
ni nostri nusquam recedamus, nos nihil seruituti, q̃ se-
mel deo obtulimus, præferendum existimemus. Quia
seruitus ista omni terrena libertate iucundior, vti-
lior, gloriosior est. Hanc ne deseramus, occurrant sem-
per menti nostræ saluatoris monita, dicentis: Qui in lu-
dæa sunt, fugiant ad montes, & qui in tecto, non descē-
dant

Mat. 24.

dant tollere aliquid de domo sua, & qui in agro, nō reuertantur tollere tunicam suam. Iudæam Hebraicorū nominum interpretes confessionem sonare dicūt. Qui ergo Christum confitentur, ad virtutum excelsumitudinē ascendere curet, eundē imitando, qui in se credentibus vt sua sequatur vestigia, iubet. Et qui in tecto sunt, hoc est, qui ad summa iam peruenerunt, non descendant, ne conuersationis pristinæ sordibus inquinentur. Et qui in agro vitæ actiuæ operam patri familias locauerunt, non reuertantur tollere tunicam suam, ne rursus inutilem otiositatem, quam recusarunt, induant: & labore intermisso, promissæ mercedis denarium amittant. Horum autem hæc summa est, vt cū relictis vitiis virtute proficere cœperimus diuinis obtemperando mandatis, rursus ad vitia nō relabamur, ne prouerbio detur locus: Canis reuersus ad vomitum, & sus lota in volutabro luti. 2. Pet. 2.

LIBRI II. FINIS.

EVANGELISTARII

MARCI MARVLI LIBER

III. de his agens, quæ congruē
ad spei titulum redi-
guntur.

De prudentia & simplicitate.

Cap. I.



T autem in his quæ bona sunt, constāter fideliterque perseueremus, prudentia nobis op⁹ est. Opportunè igitur de hac virtute nunc differemus: quæ vt virtus sit ab omni subdolæ mentis malignitate aliena esse debet, vt ne quem

N

offenda.

ioffendas, sed cū tibi, tum aliis prodesse possis. Obseruatur & operi implere contende domini præceptum dicentis: Estote prudentes sicut serpentes, & simplices sicut columbæ. Prudentiæ simplicitatem coniunxit, quoniam altera alterius auxilio indiget, vt vtraque sibi constet, & vitio careat. Nam simplicitas absque prudentia erroribus patet. Prudentia sine simplicitate in fraudulentiam calliditatemque mutatur, & vitio superata, virtutis nomen amittit. Ne quis ergo fallendi astutiam, prudentiam esse putaret, prudentem simplicem oportere esse dixit. Et rursum, ne quis incauta simplicitate contentus esset, eam prudentiæ comitem esse debere monstrauit. Igitur prudens eris, quoties lectionibus incumbis, si vtilia eligas, inutilia relinquas, & serpentis fueris industriam imitatus, quem aiunt auiibus solidis deuoratis ossa euomere, carnes verò, quarum cibo vitam sustentat, retinere. Simplex eris, si inter legendum nihil quod orthodoxæ fidei repugnet senties, & quæ tibi repugnare videbuntur, quàm intelligentiâ habeant, doctum aliquem ac fidelem virum interrogabis, & eius expositioni acquiesces. Ita semen cadens in terram bonam, fructum afferet, vt cum diceris alios doceas. Prudens eris, si ab iis quæ tibi nocumento esse potuissent, cauebis ac fugies. Omni custodia custodi cor tuum, inquit Salomon. Si vbique periculum timueris, vbique periculo liber eris, prudentiæque laude dignus, cum timenda sapienter vitare noueris. Vt autem & simplex sis, non in te sed in deo confide. Hoc est enim illud quod in Prouerbiis est dictum: Qui ambulat simpliciter, ambulat confidenter, qui verò deprauat vias suas, manifestus erit. Prudentiam seruabis, cū prius rei quam aggressurus es, exitum consideraueris, & cuncta consilio ac ratione fueris immensus. Turrim in euangelio edificaturus, prius computat sumptus, ne posito fundamento & deficiente pecunia opus imperfectum

Mat. 10.

Prouer. 4.

Prouer. 10.

Lucæ. 14.

Cum cogatur relinquere, probroque pateat, dicentiū:
 Hic homo cœpit ædificare, & non potuit consumma-
 re, Simplicitatem custodies, si nihil ad iactantiam, ni-
 hil ad inanem gloriā feceris, sed quicquid agas, ad dei
 laudem tantum dei que gloriam egeris, & pro benefa-
 ctis ipsi gratiam, sine quo nullum sit bonum, habendā
 duxeris. Prudens es, si conscientiam tuam quotidie di-
 scutis, si quoties à somno exurgis, quid acturus sis cogi-
 tas, quoties cubitum redis, quid egeris, quid omiseris,
 in quo excideris tecum examina, vt deinceps cautius
 incedas. Simplex es, si tunc etiam cum irrideris, cum cō-
 tumelia afficeris, cum iniuriis oneraris, patienter tol-
 leres, non irascaris, non turberis. Et quasi qui nihil mā-
 li passus fueris, vultum non mutes, atque intra te ani-
 mi quietem conserues, illorum puerorum more, quos
 dominus ad se venire iussit, & quisquis, inquit, non rece-
 perit regnum dei veluti paruulus, nō intrabit in illud.
 Sicut ergo paruulus iræ odii que passionibus caret ex
 natura, ita vir simplex carere his consuevit ex volun-
 tate. Prudens præterea si fueris, præteritorum recor-
 daberis, præsentia dispones, futura prospicies, te que ita
 præparabis, vt in fine vitæ inueniari promissa immor-
 talitate dignus. Ex aliorum enim euentu, discas quid ti-
 bi fugiendum, quid expetendum sit, vt cū plenius lam-
 padibus aduentanti sponso occurras, & non tunc oleū
 parare quæras, cū parato opus fuerit, dictumque illud
 semper in mente habebis. Estote parati, quia quæ hora
 non putatis filius hominis veniet. Tum si quoque sim-
 plex fueris ab omnibus animi inquinamentis mundum-
 te exhibebis, nulli detrahes, nullum offendes, nulli ma-
 lum optabis, nihil simulationis, nihil doli concipies, to-
 to actionum tuarum corpore lucidus eris: quia mentis
 oculum à vera recta que simplicitate non auertes. O fe-
 licem animam quæ talis fuerit, à cœlesti enim sponso
 merebitur audire: Ecce tu pulchra es amica mea, ecce

Marci. 10.

Luc. 12.

Cant. 2.

N ij tu

Prouer. 2.

Fibri pontici.

Ierem. 1.

tu pulchra, oculi tui columbarum. Oculi utique simplicis intentionis, nō malignæ: & qui quod videt, quod sentiunt, non dissimulant nec bonum negant esse bonum, nec malum malum: ut non simplices modo, verum etiam recti sint, & assequantur, quod in Prouerbiis Salomon pollicetur, dicens: Custodiet rectorum salutem dominus, & proteget gradientes simpliciter. Ipsius dei ore laudari meruit Iob, quod simplex & rectus esset, & timens deum & à malo recedens. Prudentis postremo officio fungêris, si postquam cuncta cōsideraueris, quæ ab imprudentibus concupiscuntur, cum Salomone clamabis. Vanitas vanitatum & omnia vanitas. Atq; i deo diuitias, honores, luxum atque pompam, simulque omnem præsentium voluptatum usum magno animo despicere incipies, ne quid tibi viam iustitiæ ingredienti impedimento sit, & potius absque his quæ vulgò bona putâtur, salueris: quàm cum iplis pereas, ne minus tibi prospexisse arguaris, quàm feræ bestiæ illæ, quæ abrossas partes corporis in fuga venatoribus relinquunt, ob quas naturæ suæ instinctu se peti norunt. Dilargitis igitur opibus, & mendicorum indigentia distributis, pauperem Christum sequeris, cupiens in deo tantū diues fieri, & pro caducis ac fragilibus bonis possidere stabilia & æterna. Simpliciter etiā partes ages, si paruo modicoque contentus viues, & quæ ultra necessitatem sunt, ea paruipendes, neque concupisces vnquam, & tibi satis felix videberis, cum sustentamēta vitæ tantū suppeditabūtur. Spō enim omnē in deo depones atque firmabis, qui suscitatur à terra inopem, & de stercore erigens pauperem, ut collocet eum cum principibus, non cum quibuscunque, sed cum principibus populi sui, cum angelis atque archangelis in regno suo sempiterno. Ipse idem ex hoc prudentium simpliciumque genere suam constare voluit ecclesiam, cum diceret, Seminabo domum Israël & domum Iuda semine homi-

hominum & femine iumentorum. Homines enim sunt ad quos pertinet prudentia, iumenta ad quos simplicitas. Quod aut hi qui vtraque in parte recte versati fuerint, beatitudinem consequantur, psalmista sub eadem verborum metaphora testatus est, cum ait. Homines & iumenta saluabis domine, quemadmodum multiplicasti misericordiam tuam deus. Nisi enim ille misericordiam suam multiplicaret, quis nostrum saluus fieret.

Psalm. 135.

De prudentia vitiosa & simplicitate stupida. Cap. 2.

E S S E tamen & prudentiam quandam nouimus, non probatam, de qua in prouerbiis legitur. Ne innitaris prudentiæ tuæ, hanc deuitare debemus quia ista de se præsumptum seque mirantium prudentia est, qui neminem consulunt, neminem audiunt, doctioribus contradicunt, quod se omnium perspicacissimos consultissimosque existimari volunt. In illos Isaias exclamat, dicens. Væ qui sapientes estis in oculis vestris, & coram vobismetipsis prudentes. Quod vitium & Apostolus prohibet cum ait. Nolite esse prudentes apud vosmetipsos. Neque illi quidem qui in terrenis duntaxat negotiis prudentes sunt, laudantur, cum rerum fragiliū cura implicati diuina negligant & aspernentur. Vnde idē Apōsto. Prudentia (inquit) carnis mors est, prudentia autem spiritus vita & pax. Et iterum, Prudentia carnis inimica est deo, sed quæ inimica est deo ne illi quidē cui⁹ est, amica esse potest, cum idē corpori multa prouideat, animæ suæ nihil, animam quæ longè nobilior est corpore, nihil æstimat, quinimo vt carni blādiatur, spiritum perire patitur, quia nec vsuris abstinere, nec aliena per vim vel per calumniam occupare verentur, nec dolis fraudibusque niti vt lucretur, ca-

Prouer. 1.

Isaie. 5.

Roman. 12.

Roma. 8.

net. Valdè quàm fugienda est ista prudentia, quia verè
mors est, non mors quæ mortem afferat, sed quæ morte
acerbius cruciet, & mori vetet. Cæterùm neq; ipsa sim-
plicitas (vt diximus) absque prudentia erit probanda.
Stupida enim & fatua est, offendens ad lapidem pedem
suum. Hanc habere prohibemur, dicente propheta: No-
lite fieri sicut equus & mulus in quibus non est intelle-
ctus. Et Apostolus: Fratres (inquit) nolite pueri effici sen-
sibus, sed malitia paruuli estote, sensibus autem perfe-
cti estote. A sensibus exclusit simplicitatem, à simplici-
tate malitiam, vt neque sensus perueriti sinantur per
ignorantiam puerilis obtusitatis, neque simplicitatem
rectam deprauet maligna suggestio. Paruulæ sensibus
fuere virgines illæ, quæ de sola fidei virginitate sibi
plaudentes cum vacuis lampadibus occurrerunt spon-
so: & quoniam oleum bonorum operum, quo sensuum
nostrorum lampades illuminantur, non habebant, in-
trare ad sponsi nuptias nequiuerunt. Nemo igitur vsque-
ad eò simplex sit, vt ad beatitudinem consequendam as-
pirans, quibus vitæ meritis illam adipisci possit, igno-
ret. Et nemo vsque ad eò prudens sit, vt carnalia tantū
curet, & spiritalia omittat, ne prudentiores appareant
filij huius seculi in generatione sua filij lucis, id est, in-
fideles fidelibus, dum illi diligentius cautiusque huma-
na exequuntur negotia quàm hi diuina. Hæc de prudē-
tia & simplicitate, nunc de sapientia, quæ & has re-
liquas omnes amplexa est virtutes, aliquid est dicen-
dum.

Quid sit sapientia & vbi quærenda.

Cap.

3.

Sapientia est

Psal. jr.
1. Cor. 14.

Lucæ, 6.

Sapientia est (vt Stoicis placet) diuinarum humanarumque rerum scientia & cognitio: atque inter sapientiam & prudentiam hoc differri, quod prudentia tantum circa humana sit. Hæc igitur quæ propriè sapientia dicitur, latè se effundit, vtrâque scientiâ continet: neque scire tantum contēta est, nisi etiam secundum scientiæ suæ præcepta mores vitamque composuerit. Nam si quis philosophiam omnem didicerit, & non perinde ac illa præcipit, viuat, doctum equidem confitebor, sapientem negabo. Non cadit vitium in sapientem, cuius propria est virtus. In hoc ferè omnes cōueniunt, vt dici sapiens nō debeat, nisi qui cunctis præcellat animi bonis, & tam scientia sit instructus quàm probitate. Summum itaque bonum expetētibus, quod Philosophi semper inquirendo philosophi inuenire nunquam potuerunt, opus erit eam discere doctrinam, quæ à deo nobis non ab hominibus tradita sit, cū sola verissimum ad beatitudinem monstret iter, eandemque certissimè polliceatur atque conferat. Neque tamen qui mediocri scientia præditi sunt, à spe beatitudinis excluduntur. Si vis (inquit) ad vitam ingredi, serua mandata. Diuinæ igitur legis tantum quæ ad benè beatèque viuendum pertinent institutiones nosse, & eas opere persequi, satis perfecta est hominis sapientia. Quamquam illius perfectior, qui insuper dilargitis reb^{us} modo dico contentus Christum sequitur: & corporis quoque puritatem seruat repudiatis connubiis, vt casto domino propius accedat meritis castitatis, & centesimum fructum capiat, trigesimo sexagesimoque relicto. Sed licet perfectioris vitæ altior sit beatitudinis gradus, vna tamen est beatorum ecclesia, vnum corpus. Quo fit vt ab ista sapientia, qua saluamur, ne coniugati quidem excludantur, si modò quæ iussa sunt, peregierint. Illos autem sapientiores esse dicimus, quos virtutibus nouimus præstare, & nō scientia solum vel eruditione.

Philosophi

Scientia enim si virtutibus careat, inflat, multumque doctus & parum sapiens nimium sibi arrogat, interdum etiam veritati refragari audet, ut se aliquid præ cæteris argutius atque subtilius inuenisse probet. Quamobrem concludendum est, ut longè sit melius pauca scire cum virtute, quàm absque virtute multa. Cæterum scientia ipsa atque eruditione, si benè vtaris, plurimùm iuuat: si malè, perniciofa est, semperque præfèda sciètiæ peccatrici rusticitas sancta. Iunge autem scientiæ virtutem, & iam plenior consummatioque tibi dabitur sapientiæ, mysteria scripturarum intelliges, latentes sub literæ velamine sensus tibi aperientur, & cubiculum sponsi ingressus pulchritudine eius capieris, amore exardesces, quântoque illi propius accesseris passibusque affectus fidelisque considerationis, tanto magis ipso intelligentiæ lumine illustraberis: ita ut alios quoque docere valeas, & errâtes ad recti viam reuocare, & contradicentes refellere, & ecclesiam dei ædificare, ex quo grande tibi meritum gloriamque comparabis, iuxta illud. Qui docti fuerint, fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates. Quid est autem scientia, nisi perfecta veri falsique dignoscendi ratio: quæ cum propria dei sit, illa quæ ab hominibus est, nisi cum diuina cõueniat, opinio magis dici debet quàm scientia. Falli, decipi, errare hominis est. In deo ista nõ cadunt. Faceffant igitur à nobis fallaciõs stropharum argutiæ enthymemataque dialecticorum, non terrenam scientiam sequimur, sed cœlestem. Nihil verius, nihil certius esse asserimus, quàm quod ista continet. Lignum vitæ est iis qui apprehenderint eam, & qui tenuerit eam beatus. Per hanc enim ad summum bonum peruenitur, quod supra cœlum esse ignorauerunt illi, qui sapientem sola virtute contentum, idæoque beatum dixerunt. Vbi enim præmia veræ virtutis essent, nesciebant

bant per totam noctem humanæ scientiæ laborantes, & nihil capientes. Sapientiores igitur fuere illis piscatores nostri, quorum disciplinam, quam à Christo didicerant, & philosophi ariopagum relinquentes sunt secuti, & ipsi Romani principes contempta idolorum cultura probauere. Totis enim imperij viribus falsorum deorum religionem defenderant, victi autem non armis, sed eorum qui sedebantur patientia Christum susceperunt, qui ab ipsis prædicatus fuerat. Atque hæc fuit victoria quæ vicit mundum fides nostra. Pugnantes non repugnantibus cessere, inermibus armati, & quod mirabilius est, interemptis interemptores. Ab alteris in medium prolata Christi religio permansit, ab alteris tutata idololatria defecit. Et quisnam dicere audet, professionis Christianæ scientiam non esse veram, cui tam potentes inimici, non iam inuiti, sed volentes colla submisere?

De scientia diuinitus tradita & sapientis officio Cap. 4.

Osee. 2.

HÆC est scientia, quam à nobis exigit dominus, dicens. Misericordiam volui & non sacrificium, & scientiam dei plusquam holocaustum. Hanc ipsam autem dei scientiam à se peti iubet, cum ait: Si quis sitit, veniat ad me & bibat. Et ego sum ostium, inquit, per me si quis introierit, saluabitur. Non est itaque aditus ad beatitudinem, nisi per scientiam diuinitus nobis traditam. Cæteræ omnes scientiæ vanæ sunt: nemo enim per illas efficitur beatus, qui quæ ipsis nititur, hominum opinionibus pædet, & certâ vitæ viam prorsus ignorat. Quis enim nouit filium nisi pater, vel patrem nisi filius, & cui voluerit filius reuelare? Vnde & Petro Christum consentienti idem respondit: Beatus es Simon Bar Iona, quia caro & sanguis non reuelauit tibi, sed pater meus

Iohan. 7.

Iohan. 10.

Matt. 16.

Philosophi

1. Reg. 13.

Sapient. 1.

ter meus qui in cœlis est. Decuit autem vt qui homini quem formauit, beatitudinem dare decreuerat, doctrinæ quoque esset autor, per quam beatitudo ipsa acquiri posset. Incassum igitur laborarunt omnes philosophorum scholæ, omnes mundi sapientes, vt verâ de deo scientiam per se ipsi inuenirent, si non alius quàm deus debuit illam homini monstrare, sicut & fecit. Sed non est satis eam didicisse, nisi quæ præcipiuntur fecerim⁹, beati esse non possumus. Neque enim viam qua ad cœlum itur, nosse, sed cùm noueris, per eam ingredi sapientis est. Quinimò tanto nequius peccat, quanto quis inter bonum malumque discernere plenius didicit. Sit igitur in te sanctarum scientia scripturarum, sed ita vt non defint, quas illa commendat virtutes¹, & absint vitia quæ detestatur. Hoc si præstiteris, vere te sapientem esse scias, ac beatum fore cum hinc decesseris credas, atque tunc demum & scientia, & sapientia & bonis omnibus multo huberius quàm in hac vita fieri possit, complendum. Etenim neque scientiam perfectam habere possumus, quamdiu mortalitatis onere premimur, neque sapientiam, dicente Apostolo: Ex parte cognoscimus, & ex parte prophetamus, cùm autem venerit quod perfectum est, euacuabitur quod ex parte est. Corp⁹ quippè (vt quidam sapiens ait) aggrauat animã, & terrena inhabitatio deprimit sensum multa cogitationem. Sit ergo satis ea discere atque nosse, quæ ad dei scripturarumque eius intelligentiam nobis concessam pertinent, vt cùm ita quemadmodum præceptum est, vixerimus, illo vbi perfecta sunt omnia, conscendamus. Optimum itaque iudicemus, nō plus sapere quàm oportet sapere, sed sapere ad sobrietatem, hoc est, quantum humanæ naturæ permittitur, tantum & indagare discendo, & conari operando. Atq; hoc erit seipsū nosse, nihil supra vires tentare, neq; quod capere possumus, frustra sequi velle, sed suis finib⁹ cōtētari: & ea quæ verbis expli-

explicare nequimus, fide tenere, diuino credentes testimonio. Porro sapientiæ diffinitionem quam supra retulimus, diuinarum videlicet atque humanarum rerum scientiam esse, non plenè factam arbitror. Quæ nã erit sapientia, vt iam dixi, scire tantum & non facere, quæ facienda didiceris, neque cauere quæ cauenda noueris? Mansuetudinem, liberalitatem, clementiam, castitatem, constantiam, cæterasque virtutes, non nosse solum, verum & exercere, earumque officio vti, sapientia est: nihil agere quod actû nolis, nihil mittere quod omissum negligentia possit ascribi: in omnibus sibi ipsi constare, nec leuem esse, sed grauem, atque in iis quæ recta & honesta sunt, firmum stabilemque permanere: non ira, non cupiditatibus, non turpi lasciuia moueri, sed affectus ratione moderari, & animi moribus præfse vt dominum, non subesse vt seruum. Vis ista in summam redigi? audi prophetam dicentem: Quiescite agere peruersè, discite benefacere. Rationale animal est homo, si natura suã non peruerterit, sapientiã exquiret. Ingenita est enim ei ratio, qua & bonum expetat, & à malo declinet. Dabit itaq; operam vt discipulis instruat, quæ naturam suam perficiant, ne ignarus rerum erret, nec pro bono accipiat malum, & bonum pro malo: ac dum sapienter se facere putat, insipientia arguatur. Nam licet affectionem boni habeamus à natura, non tamen & scientiam quæ efficit sapientem. Inter doctum autem & indoctum multa distantia existat necesse est, quanta vtique inter scire & nescire. Quorum alterum Salomon luci, alterum tenebris comparat, dicens: Vidi quia tantum præcederet sapientia stultitiã, quantum differt lux à tenebris. Et sapientis, inquit, oculi in capite eius, stultus in tenebris ambulat. Illius oculi in capite sunt, qui altioris sapientiæ circumspectu regit vitã, mores componit: & qui sit cuiusq; rei exitus diligenter ppe dit: quæ sua intersût nouit, & illa tractat, illa me-

Isaia 1.

Eccle. 2.

illa meditatatur: quæ verò aliena à se iudicat, ab iis abstinet, naturam hominis finemque considerat, seque ad immortalitatem natum intelligit, & caduca bona contemnit, dum æterna obtinere festinat. Itaque cælo æquatur, & terra superior est animus sapientis, in contemplatione diuinorum assiduus, humanaque transcendens, nihil aliud illi curæ est, nisi vt deo placeat, quicquid agit, ad hunc vnum finem dirigit, vt deo frui possit.

Quod sapientia donum dei sit, & veras sapientia Christum imitari.

Cap.

5.

Prover. 2.
Eccle. 1.

Porrò talia scire atque ita sese gerere, ne quis industriæ suæ arroget, sed donum dei esse agnoscat, scriptum est: Dominus dat sapientiam, & ex ore eius prudentia & scientia. Et iterum: Omnis sapientia à domino deo est, & cum illo fuit semper, & est ante æuum. Ipse omnium conditor deus, cum hominem in lucem produxisset, sapientiæ capacem fecit præ cæteris animantibus, vt authorem suum intelligeret, intelligendo amaret, amando possideret, possidendo perpetuò beatus esset. Quam quidem sapientiam vt cōcipere & tenere possimus, non solum discendi studio incumbere, sed etiam votis precationibusque poscere debemus, cū Iacobus Apostolus dicat: Si quis vestrum indiget sapientia, postulet à deo, qui dat omnibus affluenter, & non impropere, & dabitur ei. In Iob quoque legimus: Inspiratione omnipotentis dat intelligentiam. Cæterum vas mundum sit oportet, in quo diuinæ sapientiæ thesaurus recondi debet, vnde dicitur: Fili, concupiscens sapientiam, conserua iustitiam, & deus præbebit illam tibi. Item: Omnia, inquit, dominus fecit, & piè agentibus dedit sapientiam. Quomodo enim illic potest infundi

Iaco. 1.

Iob. 43.

Eccle. 1.

Eccl. 43.

fundi coeleste donum, vnde eieci prius & exterminati non fuerint terreni affectus: Duo contraria simul manere nequeunt. Quæ enim societas luci cum tenebris? Christo cum Belia? Ideò est scriptum: In maleuolam animam non intrabit sapientia, nec habitabit in corpore subdito peccatis. Cur enim principium sapientiæ timor domini dicitur, nisi quia is qui deum timet, se à delictis continet, & innocenter viuere studet, ne creatorem suum offendant? Ab hoc principio proficere incipimus, & addito discendi labore sapientiam mysterio absconditam, & credulis tantum humilibusque reuelatam, ex diuinis voluminibus haurimus. Hanc si alibi quæsieris, nusquam iuenies. Latuit philosophos, ignota fuit omnibus gentilium sapientibus: tradita autem prophetis Christi que discipulis. Vnde ait: Vobis datum est nosse mysterium regni dei, illis autem incredulis videlicet & humana tantum scientia nitentibus non est datum. In sanctis ergo scripturis, quære tibi dei sapientiam, & verbi dei scientiam, & quære mente pura cordeque fidei, atque ardenti discendi desiderio, vt quod cupieris, assequi merearis. Dei autem sapientia & Dei virtus, Christus est. Hunc scrutare in veteribus celatû scripturis, in nouis manifestum, in vtrisque admirabilem atque adorandum, summi boni doctorem ac largitorem: boni, inquam, quod tota gētilitatis academia semper perquisiuit, & nunquam potuit inuenire. Neque enim fas erat, vt tantæ rei, qua nihil homine maius potest contingere, alius esset cognoscendæ monstrator, qui esset fruendæ donator atque author. Minus dignitatis habitura erat nostra religio, si alio quàm deo institutore præceptoreque gauderet. Ipse debuit perfectæ beatitudinis iter ostendere, qui ipse esset perfectissimus omnium felicissimusque, vt soli gratiæ agantur habeanturque tam pro doctrina adipiscendæ salutis, quàm pro adeptæ beneficio. Hanc autem probatissime saluber-

Sapient. 1.

Matth. 13.

saluberrimęque disciplinę sapientiã, cum deus in mysterio velatam daret, per seruos exhibuit. Sed cum reuelatam tribueret per filium vulgavit: Tunc in nubis aut ignis figura apparens deus cum hominibus est locutus, postea verò deus homo factus, cum hominibus conuersari, & præsens ipse cum iisdem colloqui voluit, vt legis & Euangelii distantiam cognosceremus. In illa futuri signa sunt, in hoc eorum euentus: in illa vmbra, in hoc veritas: in illa seruitus, in hoc libertas: in illa promissio, in hoc promissionis impletio atque gratia: in vtroque autem bene beatęque viuendi præcepta, plenius tamen exactiusque in Euangelio quàm lege, quia legis mediator Moyses, Euangelii Christus, per quem redempti ac saluati sumus. Hunc si sequi volumus, & sanctissimis eius institutionibus inhærere, verè sapientes veręque beati erimus, & iam non terreni, sed cœlestes. Audiamus quid super hac re Apostolus dicat: Iudæi, inquit, signa petunt, & Græci sapientiam quærunt: nos autem prædicamus Christum crucifixum, Iudæis quidem scandalum, gentibus autem stultitiam, ipsis autem vocatis Iudæis atque Græcis Christum dei virtutem & dei sapientiam, quia quod stultum est dei, sapientius est hominibus, & quod infirmum est dei, fortius est hominibus. In his ergo scripturis, quas gentilitas deridet, & hæreticorum prauitas impugnat, discenda sapientia est. Quia quod hi infirmum arguunt, fortius est omni humana virtute, & quod illi stultum existimant, sapientius est omni mundanę philosophiæ traditione. Stulta, inquit, mundi elegit deus, vt confundat sapientes, & infirma mundi elegit deus, vt confundat fortia. Per piscatorum quippe & vulgarium hominum prædicationem superauit philosophos, & per inermes martyres, regum imperatorumque potentiam. Quid ni, si iidem ipsi qui persequiebantur Christianos, facti sunt Christiani, & ecclesiæ propugnatores, qui ecclesiæ

1. Cor. 1.

Ibidem.

qui ecclesiæ hostes erant. Servire cœperūt Christo, qui imperabant mundo. Christus igitur (vt Apostolus ait) factus est nobis sapientia & iustitia & sanctificatio & redemptio, vt quemadmodum scriptum est: Qui gloriatur, in domino gloriatur. Quis enim hominum comparandæ veræ beatitudinis rationem potuit per se cognoscere, si hoc solius dei erat docere, cuius solius fuit ipsam beatitudinem tribuere. Quæ dei sunt, inquit, 1. Cor. 2. nemo cognouit, nisi spiritus dei, nos autem non spiritum huius mundi accepimus, sed spiritum qui ex deo est, vt sciamus quæ a deo donata sunt nobis, quæ & loquimur, non in doctis humanæ sapientiæ verbis, sed in doctrina spiritus spiritualibus spiritualia comparantes. Denique post multa de deo salutaris sapientiæ auctore dicta ait: Si quis videtur inter vos sapiens esse in hoc seculo, stultus fiat, vt sit sapiens. Sapientia enim huius 1. Cor. 3. mundi, stultitia est apud deum. Scriptum est enim: Cōprehendam sapientes in astutia eorum. Et iterum: Dominus nouit cogitationes sapientum, quoniam vanæ sunt. Vani quippe sunt, qui sanctæ trinitatis mysterium non admittunt, qui veræ beatitudinis bonum non percipiūt, quia sibi magis quàm deo credūt. Quāobrem nobis non humana, sed diuina doctrina institutis, cum saluatore nostro dei filio deo gratiæ agendæ sunt, sic dicente: Confiteor tibi pater domine cœli & terræ, quia abscondisti hæc à sapientibus & prudentibus, & reuelasti ea paruulis. Ita pater, quoniam sic fuit Matth. 13. lacitum ante te.

*Quòd sola dei sapientia efficit
beatos. Cap. 6.*

ET quoniam sola dei sapientia non vana, sed vera est, per quam solam patet aditus ad beatitudinem: Sapientia, inquit Iacobus apostolus, quæ de Iacobi. 3. sursum est.

sursum est. Primum quidem pudica est, deinde pacifica, modesta, suadibilis, bonis consulens, plena misericordia, & fructibus bonis, iudicans sine simulatione. Omnes itaque virtutes ista sapientia nobis diuinitus ostensa in se continet, & credentibus atque volentibus eas impertit, in quibus qui se dignè exercuerint, illos vt à domino remunerentur, de terreno habitaculo ad cœleste regnum feliciter transmittit. Sapientis erit igitur, omni loco, omni tempore, omnibus in rebus diligenter dispicere quid velit dominus, & secundum eius voluntatem, quæ iussa sunt facere, quæ vetita declinare. Qui sic egerit, & mandatis dei satisfaciet, & ipse suæ cōsulet salutis. Quicquid enim deo obedimus, quicquid obsequimur, quicquid seruimus, totum in nostram vertitur vtilitatem: nihil ex hoc ei accedit qui solus nulla re indiget. Rectè ergo Salomon in prouerbiis ait: Si sapiens fueris, tibi metipsi eris, nam illud quoque quod alios docueris, quod ad virtutem hortatus fueris, quod verbo, quod re, atque opere iuueris, tibi cedit ad gloriam, tibi magis quàm vlli alij proderit ad adipiscendam veram felicitatem quam affectas. Ac veluti illi, qui terram purgant, stercoreant, arant, occant, obfringunt, modis omnibus excolunt, sementemque faciunt, postea verò metunt & fructum colligunt, ita hic noster sapiens aliis benefaciendo, sibi metipsi sapiet, cum pro benefactis à domino recipere cœperit mercedem. Hic idem in omnibus prouidum ac prudentem se præstabit, nihil eum imparatum offendet, omnibus quæ accidere possunt, præfidio opportuno munitus occurret. In aduersis explicabit patientiam, in prosperis humilitatem, vt vtrisque constantiam. Apparebitq; in illo quod Salomon ait: Melior est sapientia, quàm arma bellica. Fortior est enim cuius animû nō frangūt aduersa, neq; turbant iniuriæ, quàm qui armis hostem superat. Aliubi etiam dicitur; Melior est sapientia quàm vires, &

vir pru

Prouer. 9.

Eccle. 9.

Sapient. 5.

vir prudens quam fortis. Nam sapientia & prudentia bona animi sunt: fortem & robustum esse, bonum corporis est, & illa quidem hominis propria: hoc autem cum bestiis commune. Sapiens tranquille degit, quia perturbationibus temperat, sensuum affectiones ratione frenat & saniori consilio parere compellit. Sapiens linguam quoque continet, verbositatem fugit, ne in multiloquio peccet. Pauca loquitur, sed consideratè, nihil leue ab ipso prolatum auditur, sed serium semper, & graue ponderis que multi. Neque enim prius verbum emit tit, quam quo casurum sit, cogitet. Sapiens ut semper sapiens sit, studet: ut que cum Salomone dicere possit: Sapientia quoque perseverauit mecum. Quare quo pacto semper sapiens esse queat, cum nemo sit qui non peccet, cum septies in die cadat iustus: Sed quemadmodum iustus cum ceciderit, citò surgendo iusti nomen non amittit, ita sapiens dicendus est semper sapiens, qui quoties aliquid stultè peccat, sapienter quod peccatum est protinus emendat, & præteriti errati notam insequentis virtutis laude compensat. Sapientem semper beatum esse philosophi contendunt, eo quod sola virtute contentus sit, virtutem autem sibi ipsam sufficere. Patet, quia nihil extra virtutem, in quo beatitudo esse potuisset, nouerant. Ignorabant igitur bonum illud quantum aut quale esset, quod debetur virtuti, quod quæ nostri sapientes vitæ innocenter laudabiliter que actæ meritis confidunt se consecuturos, & tunc demum beatos fore cum illud adepti fuerint. Sed quam diu in expectatione eius sunt, nondum esse beatos constat, quamuis ad quandam spei certitudinem nunc quoque beati dicantur. Sapiens, inquiunt, & in tormentis beatus est. Rectè id quidè, si de nostris diceretur, & non de illis qui à vera religione alieni erant. Nostri enim verè beati quos nulla compellere tormenta potuerunt, ut Christum negarent. Porro hi non sola virtute contenti erant, quæ

propè vana esset, si nihil eam post mortem sequeretur, sed per ipsa virtutis opera Deo iungi cupiebant, quod quia præcipuè martyrij patientia præstare poterat, cædi occidiq; gaudebant. Illi autem quibus æterna hominis beatitudo ignota erat, non quomodo oportuit, sed quomodo poterant beatam vitam diffinierunt, atque ipsam quoniam longius protendere nescirent, virtute quæ in præsentia est, terminarunt. Sed quænam quæso esset ista beatitudo, quæ simul cum corpore pecudû more erat finienda? Præterea si sola virtus beata vita esset, sexcenties in vita beati essemus, & sexcenties infelices quando quidem nemo tam firmæ stabilitæque virtutis est, vt non quotidie ferè aliquid desipiat, oscitet, deliret, hallucinetur. Tot autem vicib⁹ nunc accedens nunc recedens beatitudo nonne vertibilior haberetur rota figulari, & alterno dierum noctiumque recurso mutabilior. Non est ergo virtus vita beata, sed illa cœlestis æternaque felicitas, quæ debetur virtuti, si virtus ipsa cum vera religione iuncta fuerit. Beata quippè vita est quæ nunquam subducitur, nunquã deficit, bonis omnibus affluit semper, malis vacat, desiderium implet: denique ad summum bonorum peruentû est cum ad illam peruenitur. Huc accedit quod Christianorum sapientia nõ ita rigide neque inhumanè circumscripta sit, sicut fuit illa Stoicæ sectæ philosophorum, qui docebant sapientem animi passionibus prorsus carere oportere vt beatus sit. Nos enim contrario diffinimus, non posse sapientem fieri beatum, qui adhuc in corpore viuens, futuræ beatitudinis desiderio non ducitur, qui pro eo quodd aliquando peccauit, dolendo non satis facit, qui cum benefecerit non gaudet, & deo gratias agit, cuius ope in benefaciendo est vs⁹, qui eidẽ peccare nõ metuit, cui soli semp plurimũ place re studet, qui deniq; pauperis & malo aliquo affecti hominis non miseretur. Ea sanè vera est sapientia, & seruorum

uorum dei propria cuius hæ sunt passionēs . Illa autem Stoicorum prorsus vana, & non hominis sed lapidis potius, nihil sperare, nihil metuerē, nihil gaudere, nihil dolere. Si istud sapientiæ vel vita beata esset, quid in terris lapide & sensu carentibus rebus esse sapientius vel beatius existimari potuisset ? Lapidea est igitur illorū & sapientia & beatitudo, non humana. Cum enim verę beatitudinis ignari essent, beatitudinem ipsam appetitionum quietudinem esse putarunt, & hanc ad sapientem pertinere volebant . At nos verę quoque æternęque beatitudini gaudium attribuimus, & in deo lætitiā perpetuamque iucunditatem, amorem etiam & mutuā inter beatos charitatem atque perfectā. Repudiata itaque gentilium fatuitate, sapientiā quam nō homo sed deus docuit, sequamur, hanc diuitiis, hæc rebus omnibus anteponamus. Melior est acquisitio eius (vt rectē Salomō ait) negotiatione auri & argēti primi & purissimi, fructus eius pretiosior est cunctis opibus, & omnia quę desiderantur, huic non valent comparari. Sola enim diuinę doctrinę sapientia efficit beatos.

D

Quæ sapientia est vitanda.

Cap. 7.

Hanc autem verissimam sapiētiam, quam deo tradente accepimus, quo attētius accuratiusque amplectamur, quærendum restat, quænam sit illa quam cauere debemus, indigna quidem hoc nomine, cum verius stultitia sit dicenda quàm sapientia. Est igitur quędam sapientia, quæ mūdāna siue secularis dicitur, de qua Apostol⁹: Sapientia (inquit) huius mūdi stultitia est apud deū, Et iterū, Stultā fecit de⁹ sapiētia hu i. Cor. 3.
i⁹ seculi. Hic sanē fuit antiquorū deos colētū error, q
O ij olim

olim videbatur esse sapientia, sed postquam euangelij veritas etiam ab iis qui eam persequabantur, recepta, est apparuit colendorum deorum ritum non sapientiam fuisse, sed stultitiam. Tunc Pharaonis sapientium virgæ à virga Moyse deuoratae sunt, & omne diaboli cōmentum virtute crucis Christi superatum, tūc mulier sanguine fluens, quam medici secularis disciplinæ curare nequiuierant, tacta Christi fimbria recepit sanitatē, quia gentilitas desuit victimarum cruorem dæmonibus fundere, vbi in Christo deum cognouit, quem in spiritu cœpit adorare. Adhuc tamen ista infidelitatis sapientia in illis perseuerat, qui somnia sortesque obseruant, & naturas hominum ex stellarum influxibus pendere iudicant, & incantationibus diaboli magis quàm piis ecclesiæ precibus delectantur. In his omnibus stultus sit oportet, qui apud deum sapiens esse desiderat. Fuit & alia inter gentiles sapientia; veri quidem inquirendi suprâ quàm dici queat studiosa, sed planè inanis casique laboris, cū inuestigare illud nequaquam potuerit, quòd nisi deo monstrante scire nemo poterat. Ista autem erat philosophorum professio circa ipsam hominis beatitudinem variè sentientium, vt diximus, atque delirantium; cum non in cœlo, sed in terra illam constituerent, quærentes vbi nō erat, & vbi esset nesciētes. De his psalmista ait: Defecerunt scrutantes scrutinio. His nonnulli quoque ex nostris mihi similes videntur, quibus non est satis nosse quomodo verā perfectāque beatitudinem assequi possint, sed altiora se indagare conantur & ea quidem quæ nisi fides teneat, ratio nō explicat curiosius perscrutari solent. Vnde fit, vt plerumque ab eo etiam quod rectè didicerant, aberrent: & dū Christum se tenere putant, de manibus elapsum non animaduertant. Plena periculi est talis sapientia, ideoque vitanda, cum scriptum sit: Scrutator maiestatis opprimetur à gloria, Et iterum, Non plus sapias quàm necesse est

esse est, ne obstupescas. Caue igitur nimis altum sapere, ne forte vel cum hæreticis vetus instrumentum dānes, vel cum Iudæis nouum, & cum vtrisque ipse damneris, dicente domino: Nūquid non in die illa perdam sapientes de Idumæa, & prudentiam de monte Esau. Peribunt utique hæretici, & dei iudicio condemnabuntur, qui terrena sapiebant. Hoc enim Idumæa interpretatur, & Iudæi qui cum Esau aduersabantur fratri eius Iacob, id est, cum synagoga ecclesiæ Christi, ad quam credentem primogenita credere nolentium benedictionesque transierunt. Illud quoque ad hæreticorum infidelitatem spectare arbitror quod Salomon ait: Ciuitates munitas occupabit sapiens, & destruet munitiōem in qua confidebant impij. Omnia quippe impietatis dogmata quæ illi syllogismis captiosisque dialecticæ conclusiunculis munientes insuperabilia esse putabant, dei sapientia Christus sua virtute superauit, & euertit. Arrij, Sabellij, Euticetis, Manichæi, reliquorumque omnium prauitas defecit, sola Machumetana extat, ne ipsa quidem diu permansura, dicente domino: Omnis plantatio, quam non plantauit pater meus cœlestis, eradicabitur. Sed sunt & in ecclesia fortasse non pauci, qui sibi sapientes videntur, ita ut interdum contradicere audeant catholicæ veritati apud ignaros admirationem sui facturi, quasi qui acutius aliquid sagaciusque explorarint, quam illi qui iam pridem probati recepti, celebresque habentur. In istos reclamat Isaias, dicens: Væ qui sapientes estis in oculis vestris, & coram vobismetipsis prudentes. Apud DEVM enim & insipientes & imprudentes sunt, qui temeraria presumptione abducti ad ostentationem ingenij magis quam ad veritatis confirmationem loquuntur. Porro omnis disciplina quæ cum euangelio non conuenit, inutilis est, sapientem facere non potest, ideoque nec beatum. Poësis fabellarum fictionibus exhuberat, Oratoria ad

Abdiæ. 1.

Prouer. 21.

Matth. 15.

Isaiæ. 5.

gratiam loquendi artem præfert. Astronomia cœli sy-
derumque motibus, & exinde futurorum diuinationi-
bus scatet, philosophia sapientiæ studio gloriatur, cū
causas rerum naturasque conquisierit. Sed cū nulla do-
ctrinarū istarū qui hominis finis sit rectè verèque indi-
care videatur, nemini discendas dicerem, nisi aliqua in
parte diuinæ quoque sapientiæ scientiam adiuuarent.
Operæ precium erit igitur de his tantum capere quan-
tum fideli institutioni conuenire constabit, cætera ne
noceāt respuere, aut enim superflua sunt, aut fini nostro
aduersantia, quod autem superfluum est contemni de-
bet: quod aduersarium repelli. De his enim psalmista
ait, Nouit dominus cogitationes sapientum, quonia in
vanæ sunt. Et Apostolus, Nolite (inquit) iugū ducere cū
infidelibus. Quæ enim participatio iustitiæ cum ini-
quitate? aut quæ societas luci ad tenebras? quæ autem
conuentio Christi cum Belial? aut quæ pars fideli cum
infideli? qui autem consensus templo dei cū idolis? Tan-
tum abest igitur vt sapiens sit, qui ethnicorum sapien-
tes præter modum æmulatur, vt etiam iniquus & infi-
delis esse possit conuinci. Et quoniam sola dei sapien-
tia, quæ in sacris literis continetur, vera est sapientia,
ideo ipse dominus per prophetam exclamat dicēs. Nō
glorietur sapiens in sapientia sua, & non glorietur for-
tis in fortitudine sua, & non glorietur diues in diuitiis
suis, sed in hoc glorietur qui gloriatur, scire & nosse
me, quia ego sum dominus qui facio misericordiam &
iudicium & iustitiam in terra, misericordiam vtique
erga sapientes in bono: iudicium & iustitiam aduersus
sapientes in malo. De quibus Ieremias ait, Sapiētes sunt
vt faciāt mala, bene aut facere nescierunt. Sapiētia ista
doli, calliditatis, versutiæ, fraude est plena, ista deniq;
non hominis, sed diaboli sapientia est. Hac armatus e-
rat serpens qui decepit Euam, hanc sequuntur illi de
quibus in euangelio dicitur. Prudentiores sunt filij se-
culi

Psal. 93.
2. Cor. 6.

Ierem. 6.

Ierem. 6.

Lucæ. 16.

culi filiis lucis in generatione sua. Ab hac certè vir iustus abhorrebit, vt potius secundum deū q̄ secundum seculum sapiens, sit ac nequando & ipse seculi sapientiū P^{sal.} 52. capiatur sycophātiis deū cum propheta orabit, ab homine iniquo & dolofo erue me.

Quod sapiens docere alios debet.

Cap. 8.

DOcuimus & quæ sequenda sapientia, & quæ fugienda sit, reliquum est, vt eos qui vera, id est, diuina sapientia præditi sunt hortemur, ne creditum sibi salutaris eruditionis talentum in terra defodiant, sed illic dispensent, vnde cum vsuris exigi possit, & domino cui negotiantur, plurimum lucri accedat. Laxant igitur retia sua in capturam: alios doceant quod ipsi didicerunt, & non sibi solum, sed aliis etiam prodesse studeant, tantoque accepto beneficio se dignos præstent. Vt quid enim bonum sapientiæ tu qui dei benignitate sapientiam adeptus es, cum proximis non communicas, si nihil inde tibi deperit, si communicatum etiam augetur & excrefcit? Quis est enim qui docet, & docendo non aliquid discat, & quod didicit non confirmet, cum de memoria facile labi soleat & exciderit, quicquid reliquitur irrepetitū? Ita perit, vt ipse quoque de discas nisi docueris. Doce igitur vt doctior sis, aut saltem ne obliuioni tradas quod didicisti. Imò quæ potissima alios docendi causa esse debet, doce vt beator sis, quando quidem qui erudiunt multos ad sapientiam fulgebunt (sicut scriptum est) tanquam stellæ in perpetuas æternitates. Cassus penè labor est, multa didicisse: & postquam didiceris, obmutescere. Nunquid non sapientia clamat, inquit Salomō, & prudentia dat vocem suā in summis excelsisq; verticibus super viā in mediis semitis stans iuxta portas ciuitatis, in ipsis forib⁹ loquitur dicens, Viri ad vos clamito, & vox mea ad filios hominum.

Dan. 12.

Prouer. 8.

O iiii

Cum

Eccle. 20.

Prouer. 31.

Cum ergo docendi officio fungi debeat vir diuina sapientia eruditus, nonne sal fatuum erit si tacuerit? nonne verum est quod dicitur: Sapientia absconsa, & thesaurus inuisus, quæ utilitas in vtrisque? Quid iuuat lucernam ascendere, & eam ponere sub modio? Profecto si sapiens fueris, non sub modio illam pones, sed super candelabrum & aliorum tenebras tuæ scientiæ luce depelles. Aut enim linguam exercebis in prædicando aut in scribendo manum, vt etiam de te dici possit: Os suum aperuit sapientiæ, & lex clementiæ in lingua eius. Plurimum quidem tibi apud deum meritorum accedet, quoties vel scripseris, vel dixeris aliquid, vel proprio ostenderis exemplo, vnde alij meliores effici queant. Qui enim fecerit & docuerit sic, hic magnus vocabitur in regno cælorum. Ipse dominus noster Christus docuit, nec Apostolos suos passus est desidia otioq; torpere, sed spiritu sancto repletos per diuersas orbis partes dimisit, vt errantes docendo in viam veritatis reuocarent, atque illos quidem non itineris labor, non persecutionis immanitas ab officio deterruit, & te pigebit illorum saltem, à quibus nihil mali metuis, tuæ sapientiæ medicamenta conferendo, salutem consulere, & multorum animas domino tuo lucrari? Satis hæc de sapientia, nunc simplicioribus detegamus inimici dolos carnisque pugnas, ne ab iis incauti imprudentesque superentur.

De dæmonum natura.

Cap. 9.

Sed enim quo facilius calidissimi hostis machinamēta deuitemus, operæpretium erit, prius naturam eius moresque cognoscere. Dæmones igitur spiritus sunt, nocendi cupidi, iusti expertes fastu elati, astu callidi

callidi inter cœlum terramque habitantes, donec postremò ad infernum detrudantur, vt tanto eant inferius, quanto altius efferre sese conati sunt. Qui vt ei cuius iudicio ad hæc ima deiecti sunt aduersentur, homini inuident, atque illos maximè infestant, quibz beatitudinem, quàm ipsi amiserunt promissam cognoscūt. Gentilitas dæmones alios bonos, alios malos esse dixit, nos verò sub hoc nomine malos tantum intelligimus. Illos enim spiritus qui boni sunt, dei angelos atque ministros nuncupamus. Neque certè conuenit eos, quorū diuersa est voluntas, eodem nomine confundere. Dæmones ergo nequitia pleni spiritus inuidia, acti stimulis hominem semper ad vitia prouocant, ne ad cœleste regnum, vnde ipsi deturbati sunt, transferri mereantur. Idcirco clamat Apostolus, dicens: Non est nobis colluctatio aduersus carnem & sanguinem, sed aduersus principatus, aduersus potestates, aduersus rectores tenebrarum harum, aduersus spiritalia nequitia in cœlestibus, non quod in cœlo sint dæmones, sed in aëre, qui quidem his plenus esse creditur. In cœlestibus autem dixit, iuxta consuetudinem diuinæ scripturæ, quæ volucres quoque cœli appellat, quas per aëra volitantes cernimus. Magnarum autem virium esse illos ostendit, principatum & potestatem & regimē eis attribuēs, non hoc tamen in omnes homines, sed illos duntaxat, qui tenebræ sunt. In illos verò qui lux sunt, ius nullum habent, nisi tentandi incitandi que ad peccandum, vt & ipsis relicto benè agendi lumine malignæ actionis tenebras diligere incipiant, & cum id fecerint, tunc etiam ipsis dominantur ac præsent. Aequum est enim vt qui ab innocentia recedendo sub potestate dei esse noluerit, diaboli subdatur potestati. Potestas autem illi⁹ tanta est, quantam Deus permiserit qui eorum opera vtitur, tam in prauos puniendos, quàm in bonos probandos, vt hi cum aduersarij tentamenta vicerint, plus præmij

Eph. 6.

præmij mereantur & illi victi si ad pœnitudinem non redierint, tanto iustius crucientur, quanto diutius expectati sunt vt redirent. Præterea si dæmonis potentiâ ex testimonio scripturarum pensare volumus, profectò homini intolerandam insuperabilemque esse iniuriam. Hûc Beemoth & Leuiathan dici legimus, quorum alterum elephantum, cetum alterum interpretantur: quæ duo animalium genera cum omnium quæ in mari terraque habêtur, maxima sint, maximâ dæmonis vim significare videntur: & elephas quidem dæmones aëreos designat, cetus aqueos. Nam in vtroque elemento habitare feruntur. Nemo itaque mortalium tantæ virtutis est, tantæque constantiæ, qui eorum viribus valeret resistere, nisi vt valeamus deus præstaret, coërcens illorum robur, & nostram simul adiuuans imbecillitatem. Sultus est igitur, qui non totam resistendi spem atque vincēdi in deo posuerit. Sit ille licet Abraham, vel Moyses, vel David, vel Iohannes Baptista, vel aliquis Apostolorum, si propria virtute, & non ope diuina niteretur, statim succumberet: In deo autem sperans, victoria potiretur: Beemoth, inquit, quasi bos fœnum comedit, hoc est, paleas igni comburendas, fortitudo eius in lumbis eius, & virtus eius in vmbilico ventris eius. Illecebris enim Venereæ voluptatis, quæ circa lumbos & vmbilicum præcipuè sentiuntur, frequenter impugnat. Ossa eius velut fistulæ æris cartilago eius quasi laminæ ferri, ad duritiam diaboli ista referuntur, quoniam à malitia quàm semel amplexus est, nequid remoueri, & ære & ferro magis obduratus. Sub vmbra dormit in secreto calami. Hoc illud est quod in psalmo dicitur: Sed in insidiis in occultis, vt interficiat pauperem dum attrahit eum. De Leuiathan idem ferè aliis verbis prædicatur, & vis naturæ dæmoniacæ exprimitur supra modum potens atq; versuta: quæ utique cuncta humana subuerteret, nisi freno arbitrij diuini

uini compesceretur. Per gyrum, inquit, dentiū eius formido, corpus eius quasi scuta fusilia, compactum squamis se prementibus, denique flammæ fumumque de illo procedere ait: Ignita enim sunt iacula diaboli, quibus illi qui vulnerantur, vel obscenæ libidinis ardore incalescunt, vel fumo inanis gloriæ laborant. De eius etiam in malo pertinacia dicitur: Cor eius indurabitur tanquam lapis, & stringetur quasi malleatoris incus. De translatione etiam eius à statu suæ sublimitatis dictum est: Cum sublatus fuerit, timebunt angeli, & terri purgabuntur. Iusti enim deum timent, cum etiam aduersus angelicam naturam se verum fuisse recordantur: & terri student, si quid deliquerint, poenitentia expiare. Quod autem arrogantibus dominetur, & superbos iugo premat mortiferæ seruitutis, ex eo patet quod consequenter dicitur: Non est super terram potestas, quæ comparetur ei, qui factus est vt nullum timeret, omne sublime videt, ipse est rex super vniuersos filios superbiæ. Neque rex solum, sed etiam pater talium nūcupatur, dicente domino: Vos ex patre diabolo estis, & desideria patris vestri vultis facere. Sicut enim qui opera Abrahæ faciunt, filij Abrahæ sunt, itaque qui diabolum imitantur, filij eius dicendi sunt, non natiuitate, sed voluntatis corruptæ similitudine. Ille, inquit, homicida erat ab initio, & in veritate non stetit, quia non est veritas in eo, cum loquitur mendacia, ex propriis loquitur, quia mendax est & pater eius. Mendacio quippe & fraude primos homines deduxit in interitum. In veritate autem non permansit, quia à deo, qui veritas est, per elationem mentis recessit. Timendus est ergo vt homicida, cauendus vt mendax. Nam etiam si quando vera loquitur, mendax proposito est, quoniam ne verum quidem veri dicendi studio exprimit, sed cura fallendi, vt postquam per nonnulla verè prædicata syncerèque monstrata fidem verbis adeptus fuerit, credulos

Iob. 41.

Iohā. 8.

Ibidem.

credulos tandem in foueam præcipitet erroris . Idem quamuis intimas hominum cogitationes ignoret, ea tamen per exteriores motus, atque gestus iudicat & deprehendit, tum quocunque aliquem magis inclinari videt, eo accommodatis tentationibus trahere nititur, suggerens quicquid illum magis appetere coniiicit. Tu verò si vis istud vitare periculum, etiam cum mali aliquid cogitaueris (impossibile est enim ne quando mens ad illicita non recurrat) caue ne ad gestum cogitationis indicem prorumpas, & enitere ut citius desinat cogitatio, intus in anima, quam per sensus effusa se foris ostendat. Quòd si illa patuerit, acrius impugnaberis ut cogitata opere perficias, & fortasse crebriori certamine labefactus, tandem succumbes.

Quare creatus diabolus.

Cap.

IO.

Quare, inquit aliquis, creatus est dæmon, si tam malus erat futurus, atque homini ad similitudinem dei facto tam inimicus ac tam infestus? factus fuit quidem angelus dei, ut cum reliquis beatis eiusdem generis in cælo spiritibus beatitudine frueretur æterna. Et licet futuri præscius deus nosset illum per arrogantiam vitium à statu suæ conditionis repellendum, sciebat tamen iustis expedire ut crearetur, ne videlicet deesset illis aduersarius, cuius molestia ad prælium exerceantur, & tandem victoria potiti, gloriosus coronentur. Hac de causa profectò etiam malos homines in mundo nasci ac viuere credimus, non ad suam ipsorum qui damnandi sunt, sed ad illorum qui saluandi utilitatem, ut cum nullo malorum odio, nulla persecutione, nullis iniuriis, à iustitiæ pietatisque proposito repelli potuerint, multo plus gratiæ sibi apud deum comparent, quàm comparassent, si nihil in vita aduersi paterentur. Ad

hæc

hæc ipsa summi rerum opificis prouidentia cum bona multa condidisset, etiam mala quædam his contraria fieri iussit, vt bona malorum comparatione optabiliora redderet. Paradisum itaque magis desideramus, quia scimus & infernum esse: vitam propter metum mortis plus diligimus. Lucem iucundiores nobis facit molestia tenebrarum, sanitatem anxietas ægrotationis præstat gratiorem. Et vt ad virtutis culmen studiosius niteremur proposita peccatoribus supplicia compulere. Ergo & diabolus ideo creatus, vt eius fœditate offensi, magis affectaremus inferi consortio angelorum. At etiã quæri potest, quomodo diabolus adhuc pugnat, cū Paulus dicat, quod Christus dominus exuerit principatus & potestates triumphans eas in ligno crucis: Potestas quidem diaboli per crucem Christi ita fracta & triūphata est, vt eos ille dimittere liberos fuerit coactus, quos ei primorum parentum crimine corrupta origo subdiderat, quosque idem idolorum cultura subuersos iugo perniciosæ seruitutis opprefferat. Cessauit itaque mundus dæmones pro diis habere post Euangelij, vulgationem, cessauit & infernus esse fidelium animarum receptaculum, cū Christus in cruce se cōsistentibus promittere cœpit paradisū. Coluber tamen tortuosus hac tanta potestate exutus, aliud fallaciarum genus comentus est, disseminare hæreses cœpit & ad vitia concitare. Atque hoc illi permissum sicut diximus, vt sanctorū robur atque constantia innotescat & scelesti tunc saltē cū dāmnati fuerint intelligant, quā immundo spiritui obsecuti sint, quā bono domino derelicto. In istos igitur & pro istis in Isaia exclamat deus, & ait: Ecce ego creauī fabrum sustinentem in igne prunas, & proferentem vas in opus suum, & ego creauī interfectorem ad disperdendum omne vas, quod fictum est contra te, & omnem linguam resistentem tibi iudicio iudicabis, diaboli itaque vasa sunt, qui erroribus catholicam fidem

Colloſſ. 2.

Isaia. 55.

dem impugnant, atque ab iis qui pro veritate resistunt
damnandi, vt & victi pœnas, & victores gloriam fortiã
tur: Sequitur enim: Hæc hæreditas seruatorum domini
& iustitia eorum apud me dicit dominus.

De nominibus dæmonum propriis.

Cap.

II.

AD hæc vt plenius dæmonum deprauata natura
nobis nota sit, scrutemur in scripturis, nam variè
aliquando appellati fuerint, & ipsa nominum di
uerfitas diuersa illorum vitia monstrabit. Atque vt à
propriis peculiaribusque incipiamus dæmones vocan
tur, non quia dæmones, id est, scientes sint, sed dimenim
(vt Eusebius inquit) hoc est, terrere consueuerunt. Ter
rori enim sunt nobis cum visibiles apparent. Diabolus
appellatur, quia peccatorum accusator est, quem enim
Græci diabolum, eum nos criminatorem dicimus. Sa
tanus & Zabulon Hebraicum est, hic fluxus noctis in
terpretatur, ille aduersarius, quoniam in tenebris dæ
monum sunt opera, & perpétuò odio persequuntur san
ctitatem. Hi etiam spiritus nuncupantur, sed non sine
additamento malitiæ vel nequitia. Spiritus enim sunt,
omni prorsus prauitate pleni, omni immunditia refer
ti. Belial interpretatur absque iugo, vel absque domi
no. Nam superbia elatus, dixit: Ponam sedem meam in
aquilone, & ero similis altissimo. Excusso igitur obedi
tiæ iugo, dominum pati noluit, ideo ad ima deiectus
adhuc non cessat superbire, & homines cõculcare vel
le. Asmodeum in Thobia legimus. Interpretatur autẽ
facturæ iudicium vel plasmatio iudicantis. Quia fa
ctº est ad malorum vindictam, probationem verò bo
norum. Beelzebub muscarum deum sonat. Nam cum
omnibus retia intēdat, muscas tantum, id est, infirmos
Mammona. capit, fortioribus non præualet. Mammona Syrum
Hebræo

Dæmones.

Diabolus.

Satanas.

Zabulon.

Spiritus ne
quam.
Belial.

Asmodeum

Beelzebub.

Mammona.

Hebræo mixtum vocabulum est, & diuitias vel cupiditates designat. His ille imprudentium mentes implicat, ne deo seruire queant, cum mammonæ cœperint famulari.

De nominibus dæmonum brutalibus.

Cap.

12.

Dæmonibus præterea, quoniam ex angelica in brutalem quodammodo conuersi sunt naturam, bestiarum nomina tribuit scriptura. Vnde & David orans dominum, dicit: Ne trades bestiis animas confitentes tibi. Et idem alibi: Increpa (inquit) bestias calami. Fragilis est enim ut calamus, qui se ab his vinci patitur, & non potius ad auxilium dei recurrit ut vincat. In Ezechiele quoque promittit dominus facturum se, ut cessent bestię pessimæ de terra, quod partim in primo Christi aduentu impletum, partim in secundo implendum credimus, cum omnes bestię istę in barathrum inferni detrudentur. Hi & leones & dracones dicuntur, quia nunc aperte nos inuadunt ut leo, nunc occulte nobis insidiantur, ut dracones. Aspis quoque diabolus est & basiliscus, illis duntaxat quos primo congressu superat. Aspis quippe morsu, basiliscus aspectu statim perimit, viro autem iusto dicitur: Super aspidem & basiliscum ambulabis & conculcabis leonem & draconem. Beemoth & Leviathan in historia Iob legitur, quos elephantum & cetum vocari diximus, alter tamen propriè bestialis interpretatur, alter persequens eos, quasi enim ferocissima bestia nūquam ab hominū persecutione conquiescit. Vulpes præterea, quia fraudulenta est, appellatur ut in Psalmo, Partes vulpiū erūt, & qui versutiam eius imitatur vulpes est ut in euangelio de herode: Ite, dicite vulpi illi. Sanguisugam Salomon vocat in prouerbiis: Sanguisugæ (inquit) duæ sunt filiæ, dicentes, affer, affer: quæ sunt istę filiæ, quæ quantū-

Bestiæ.

Psal. 72.

Ezech. 34.

Leones:
Dracones.

Beemoth.
Leviathan.

Vulpes.

Sanguisuga.

- quantumuis afferas non satiantur, nisi libido & auaritia: quibus qui illaqueatus fuerit, ei diabolus erit verè sanguifuga, exhauriens eius sanguinem per concupiscentiam & spiritum per concupiscentiæ adimpletionem vt corpori simul animæque noceat. Idem serpens dicitur & scorpio. Mera enim venena sunt quicquid ille suadet, huius tamen periculi metu seruos suos liberat saluator, dicens. Ecce dedi vobis potestatem calcandi super serpentes & scorpiones. In Isaiâ est scriptum, Implebuntur domus eius draconibus, habitabunt ibi strutiones, & pilosi saltabunt ibi, respondebunt vlulæ & sirenæ in delubris voluptatis. Dæmonum hæc nomina sunt. Domus eorum es si perditè viuus, draco tibi est diabolus si virosos eius afflatus non deuitas, strutio tibi est, si terrenarum rerum curis implicaris. Licet enim penas habeat strutio, nunquam tamen à terra subleuatur. Pilosus tibi est, si in vitiis consenescis, pilosa nanque est senectus. Vlula tibi est, si in tenebris vitam agis, & ab eo auerteris qui ait: Ego sum lux mundi. Vlula enim est nocturna auis. Denique sirena tibi est in delubris voluptatis, si cantibus amatoriis delectaris, citharæque sono ad lasciuiam carnis concitante. Aiunt enim sirenas olim in Siculo littore viros præter nauigantes cantu demulcere, & consopitos laniare solitas, facile ab iis capiuntur, qui obturatis velut Vlysses auribus non pertransierit. Dæmones præterea volucres cœli appellantur, quia semen verbi dei, quod in duro solo & nullo cõpunctionis vomere proficisci cecidit, rapiunt protinus & absument. Sic autem indurato homini diuina in Ezechiele iustitia minaciter intonat & ait. Bestiis terre & volatilibus cœli dedi te ad deuorandum. Hi sunt locustæ illæ in Apocalypsi, equis similes bellatorib⁹, quia feroces, & super capita eorum coronæ similes auro, quia superbi, facies hominum & capilli mulierū, quia vtrique sexui insidiantur, dentes leonum, quia quos vicerint
- Serpens.
Scorpio.
- Isaiâ. 14.
- Strutio.
- Pilosus.
Vlula.
Sirena.
- Volucres.
- Ezech. 28.

cerint, perimunt: loricas ferreas habent, quia in malitia obdurerunt, alij perstrepunt, quia velociter omnia permaneant, caudas scorpionum aculeatas gerunt, quia vnus eorum finis est nocendi hominibus. Et habet (inquit) supra se angelum Abyssi, cui nomen Hebraice Abadon, quod est exterminans. Extorres enim à celesti patria facit, qui suæ consentiunt tentationi. Quis vnquam tam terribilium bestiarum, tam malignorum spirituum, vel sæuitias vel dolos posset euadere, nisi periclitantibus dominus opem afferet, nisi furorem eorum vis diuina cōhiberet, astumque reprimeret:

Abadon.

*De nominibus dæmonum publicæ
dignitatis. Cap. 13.*

ET hæc quidem à brutis animalibus mutuata nomina, illa ab hominibus, quæ partim publicæ dignitatis sunt, partim conditionis priuatæ. Nam & rex dicitur, vt in Prouerbiis. Væ tibi terra, cuius rex est puer. Diabolus puer est, quia non senescit, nec ætatis damna sentit. Væ autem & terreno homini, qui in mundi spiritus imperio paret. Idem Pharaon est rex Aegypti, rex tenebrarum, id enim interpretatur Aegyptus Pharaon ergo est, qui populo dei est molestus, nolens eum dimittere, vt sacrificium offerat deo sed vt sibi seruiat, ad terrena & lutea opera compellens. Est & Sion rex Amorrhæorum. Seon arbor infructuosa interpretatur & procera, vtrumque dæmoni conuenit, qui nullum ex se boni fructum gignit, & supra modum effertur superbia. Amorrhæi amaritudinem adducētes vel loquentes dicuntur. Quid autem amarius hæretica prauitate? Hæreticorum igitur Seon iste rex est, vt cum illo simul pereant, si ab eo ad Christum qui veritas est, non conuertentur. Hic est ille Seon superbus qui fideles Israëlitas non finit in pace transire per fines regni sui, obstatque armatus,

Rex.

Puer.

Pharaon.

Amor.

Deut. 1.

matus, innito tamen prælio succumbit. Tentare enim
 dæmon sanctos potest, vincere non potest, deo cui serui-
 unt, protegente. Hic idem est Balaach rex Moabitarū,
 qui Balaam diuinum compellebat, vt fidei populo ma-
 lediceret: cui autem deus benedixerat, ei Balaam ma-
 ledicere nequiuit. Balach exclusio interpretatur & de-
 uoratio. Ideò ergo Balach est diabolus, quia seruos dei
 ab hæreditate cœlestium bonorum excludere molitur,
 & in illos infidelium excitat odia, persecutionibus cu-
 piens auertere à fide, atq; aduersos deuorare. Idem &
 rex Gai, Gai præruptum dicitur siue vorago, quæ est
 infernus dæmonum domicilium. Hunc regem Gai Ie-
 sus in bello victum cœpisse memoratur, cruci que affi-
 xisse, exercitum eius fudisse, urbem verò igni succendisse.
 Ducem ergo Iesum sequamur, atque aduersus regem
 Gai bellâdo præualebimus: & si nos vexillum ferre cru-
 cis viderit, in qua Iesus noster semet crucifigendo illū
 confixit, metu percussus concidet, vel in fugam conuer-
 tetur. De quo per Isaiam fuit prædictum: A facie domi-
 ni pauebit Assur virga: hoc est, cruce domini percus-
 sus. Vrbs autem eius cui dominabatur, gentiles erant,
 quæ tunc quidem concremata est igni, cum gentiles ad
 Christum conuersi. Ignem (inquit) veni mittere in ter-
 ram, & quid volo nisi vt ardeat? Hic idem diabolus
 Nabuchodonosor est rex Babylonis. Nabuchodono-
 sor, sedens in angustia agnita exponitur. Diabo-
 lus enim creatori suo rebellis, quamuis agnoscat er-
 rorem suum: qua tamen superbia est, nunquam addu-
 ci potest, vt ipsum peccati pœniteat. Rex autem est Ba-
 bylonis, in illos exercens imperium, qui errore aliquo
 confusi sunt, nam Babylon confusio dicitur. Hic obse-
 disse Hierusalem describitur, hoc est homini fidei te-
 tendisse insidias, propriis tamen viribus ciuitatem ca-
 pere nequiuit, donec rex Ioachin, idē, rationalis animę
 pars ultro se illi tradidit. Captus igitur Ioachin iste,
 quia

Balach.

Rex Gai.
 Iosue. 8.

Isaiæ. 30.

Nabuchod.

quia capi voluit, de Hierusalem transfertur in Babylonem, de virtutibus ad vitia. Itaque nisi nostra sponte manum dederimus diabolo, & eius malignæ suggestioni consenserimus: oppugnare quidem arcem animæ nostræ poterit, expugnare non poterit: & hæc sanè sunt publicæ potestatis magis insignia nomina, quibus illud dignum non sua merita, sed hominum peccata fecerunt, veniamus ad priuata.

De nominibus dæmonum priuæ conditionis. Cap. 14.

Primogenita Aegypti sunt dæmones inter omnes nequitia primi, dicente domino: Meum est omne primogenitum, ex quo percussi primogenitos in terra Aegypti, sanctificaui mihi quicquid primum nascitur in Israël. Certè nisi dominus noster Iesus Christus primogenitos Aegypti percussisset, principatus (vt Apostolus ait) & potestates aduersas traducens & triumphans in cruce, sanctificatio eius, qui primogenitus omnis creaturæ ad nos peruenire minimè potuisset. Qui ergo nos vult cum primogenitis Aegypti percuti, permaneat in benedictione primogeniti Christi, vt saluus sit. Hi etiam Sydonij nominantur, id est, venatores. Qui autem homines erunt & non bestia. Sydoniorum istorum venatione capi non poterunt. Ad bestiarum enim non ad hominum capturam pertinet venatio. Ille tamen ex homine in pecudem vertitur, qui peccat, dicente propheta, Homo cum in honore esset non intellexit, compositus est iumentis insipientibus, & similis factus est illis. Hi etiam Chaldaei nuncupantur, quos in Abacuc, propheta se suscitaturum minatur dominus aduersus iustorum contemptores, Ecce (inquit) ego suscitabo Chaldaeos, gentem amaram & velocem, ambulantem super latitudinem terre, vt possit deat tabernacula non sua.

Primogenita Aegypti.

Sydonij

Psal. 48.

Chaldaei.
Abacuc. 1.

P ij

Chaldaei

Chaldæi quasi dæmones, vel quasi feroces interpretantur, & quoniam per latitudinem ambulant quæ ducit ad perditionem, tu tibi econtrario viam arctam elige, quæ ducit ad salutem, & Chaldæi isti non ingrediētur tabernaculum in quo habitare viderint Christum, sed tabernaculum virtutibus vacuum, & vitiis patens, hoc est, prauī hominis animam, quæ ante peccatum dei erat: post peccatum verò data est satanæ in possessionē, vt sua sit per reatum, quæ sua non est per naturam. In eodem propheta malignos spiritus etiam Aethiopum vocabulo significatos cōstat. Pro iniquitate (inquit) vidi tentoria Aethiopiæ. Tentoria Aethiopiæ sunt omnes iniqui, increduli, impudici, auari. In his enim habitant, horum carnibus vescuntur. De eiusmodi homine in psalmo est dictum. Dedisti eum escam populis Aethiopum. De iusto autem & fideli dicitur, Coram illo procident Aethiopes, horum interpretatio tenebrarum & caliginis est. Quàm ergo miserum est, quàm omni calamitate infelicius, seruire tenebris, & a deo qui lux est recedere? Dæmones præterea sunt gigātes, quos in Isaia aduersus Babylonem, id est, animam in peccatis confusam à domino suscitandos legimus. Sunt etiam calumniatores, vt in psalmo, Humiliabit calumniatorē. Vir iniquus & homo inimicus est dæmon, vt in psalmo. A viro iniquo eripies me. Et in Euangelio, Inimicus homo in medio tritici superseminauit zizania. Idem est Barrabas, qui adhuc inter Iudæos homicidia peragit incredulitatis, & ne ignoremus angelum aliquando dei fuisse, post reatum etiam angelus nominatus est, non tamen bonus, sed malus, non dei, sed diaboli. Vt est illud in psalmo, Immisiones per angelos malos, & illud in euangelio, Ite maledicti in ignem æternum, qui paratus est diabolo & angelis eius. Qui quoniam transfigurat se aliquando (vt Apostolus ait) in angelum lucis, prudentia opus est ad dignoscēdos spiritus.

Ex fru-

Abac. 32.

Aethio.

Psal. 71.

Gigantes.
Calūniatores.Vir iniquus
Homo inimicus.Barrabas
angelus malus

Ex fructibus eorum cognoscetis eos. Quoties mali aliquid vel à fide alienum suggerere cœperint, certum erit, sub illa luce dæmonis tenebras latere, & simplicibus laqueum intendi.

De dominatione dæmonum à rebus inanimatis. Cap. 15.

Postremo ut apertior eius nequitia sit, nonnulla nomina etiam à rebus inanimatis sortitus est. Nā & gladium & clypeū appellatum in sacris literis apparet in Ezech. Gladius exacutus & limatus ut cædat victimas, & paulò post: Veniat (inquit) gladius regis Babylonis. Hoc gladio impios concidendos minatur dominus, nisi corrigantur. In Naum propheta dicitur: Clypeus fortium eius ignis. Iste ignitus clypeus homines urget in libidinem, ut per stupra adulteriaque traductos mactet gladius exacutus. Turpis enim voluptatis finis est interitus, breuissimum est quidem quod delectat, quod autem torquet & excruciat, æternū est. Rursum in Ezechiele mons Seir nuncupatur. Hæc dicit dominus deus: Ecce ego ad te mons Seir, & extendā manum meam super te, & dabo te desolatum atq; desertum. Seir interpretatur hispidus & pilosus. Diabolus quippe Esau pilosi partes secutus aduersus populum Iudæ, id est, confessionis illos videlicet qui Christum confitebantur, sese erexerat, & montis instar superbia elatus, regnabat inter infideles. His autem ad Christū conuersis, ille desolatus est & desertus, quod futurum de eodem monte Zacharias quoque vidit cum diceret, Quid tu mōs magne: coram Zorobabel in planum. De Zorobabel enim natus est Christus, cuius virtute concidit regnum diaboli. Hic ille mons est, de quo etiam in Euangelio dicitur: Si habueritis fidem ut granum sinapis, dicetis monti huic, transi hinc & transibit. Non

Gladius.
Ezech. 21.

Nume. 2.
Clypeus.

Mōs Seir.
Ezech. 35.

Zach. 4.

Matt 17.

itaque montes per fidem transferendos dixit dominus, quid enim id iuuaret: sed diabolum repellendū. Reor hunc ipsum ab Apostolo profundum dici; vbi ad Ephesios scribens, ait: Vt possitis comprehendere quæ sit latitudo & longitudo, & profundum & altitudo, hoc est, vt queant intelligere & ista media quæ in latum longumque tenduntur, & quæ in imum potestates inferas, & quæ in sublimè, angelicas virtutes, vt videlicet præsentia benè disponant ratione futurorum, in quibus necesse est, aut supplicia pati, aut beatitudine perfrui. Ad hæc pluuiam illam & flumina & ventos in Euangelio, quorum impulsu domus mala fundata evertitur, dæmones esse intelligimus, qui neminem quidē supplantant facilius, quàm eos qui in se, cum solubilibus arena sint, confidunt, & Christo qui petra veritatis est non innituntur. Diabolus præterea via peccatorum dicitur, dicente Psalmista; Viam peccatorum disperdet. Et alibi: Via impiorum peribit. Si diabolus sequi desieris, & Christo cøperis adhærere, via peccatoris peribit, & anima poenitentis erit salua. Idem humani generis perpetuus hostis, etiam olla ardens dicitur, dicente Ieremia: Ollam succensam ego video, in ea excoquendi sunt habitatores terræ, & nō peregrini neque aduenæ, quorum cōuersatio in cœlis est. Idē postremò mors appellatus est, dicente domino: Ecce posui ante oculos tuos vitam & mortem, hoc est, me vitam & diabolus mortem. Si ergo Christū tibi elegeris, viues: si diabolū, morieris. De quo Apostol⁹ etiā dixit: Nouissimus inimicus destruetur mors. Illis duntaxat destruetur, qui à dextris iudicis consistere iussi erunt. Aduersum sanctos enim nullum ius vltra diabolo erit, ne tentandi quidem. Quoniam hi cum Christo ibunt in vitam æternam, diabolus autem & angeli eius & omnes impij in ignem æternum. Ac ne plura id genus perquirere otiosum sit, hic ille est, cui nomina mille, mille nocēdi artes,

Ephes. 3.
Profundum

Pluuia.
Flumen.
Ventos.

Psal. 141.
Via peccatorum.

Olla ardens
Ieremiæ. 1.

Deut. 30.
Mar.

artes, cuius viribus quis resistet, cuius insidias quis evitabit, nisi qui fidei speique & reliquarum virtutum armis munitus fuerit & cum aduersario congressurus vincendi fiduciam non in se, sed in deo habuerit: Hæc de nominibus, nunc reliqua distinctius dispositiusque consideranda sunt.

Quòd tentationes pati necesse sit, maxime circa principia conuersionis.

Cap.

16.

Quædiu in corpore viuimus, aut à diabolo, aut à sensuum nostrorum concupiscentia molestias pati necesse est. Propterea quidem in ecclesiastico est scriptum: Fili accedes ad seruitutem dei, sta in iustitia & timore, & præpara animam tuam ad tentationem. Et in Iob: Tentatio est vita hominis super terram. Ille verò qui vitam magis religiosè ducere decernit, maiorem sustinet dæmonum inuidiam. Nam cum ipsi à deo recesso, ei maxime irascuntur, quem deo proximè accedere animaduertunt. Vnde Apostolus: Omnes, inquit, qui volunt pie viuere in Christo Iesu, persecutionem patiuntur. Eos etenim nequissimi spiritus vel per insomnia illudere contendunt, vel per horrendas apparitiones terrere, vel per blandimenta turpis voluptatis irretire, & quauis victi semper discesserint, semper rursus ad pugnam armantur, semperque occasionem nocendi quærentes nusquam absunt, repulsi astant, fugati redeunt, dicta factaque; nostra, gestus insuper ac motus speculantur, quæ si ad malum inclinari viderint, letantur, & modis omnibus ad perpetrandum scelus virgunt, in summa, facere quippiam nequimus, quin illi omni loco, omni tempore circa nos sint, nobiscum commorentur.

Eccle. 2.

Iob. 7.

1. Tim. 3.

Iosue.15.
Iosue.16.
Iosue.17.

Sic filij Iudæ superare quidem Iebusæum potuerūt, de-
lere non potuerunt, vnde cum eis etiam habitasse dicū-
tur. Sic filij Ephraim & Manasse subiecisse certè sibi
Chananæum feruntur, non tamen eum interfecisse. Té-
tationes igitur vincere possumus, ne autem tentemur ef-
ficere non possumus. Quòd si dominum serpens tortuo-
sus & in omne nefas confidentissimus, tentare ausus est,
quanto magis domini seruos? Nunquid non in euāge-
lio legimus, quod ipsos etiam domini apostolos inuasit
quandoque tentatio? nec inuasit solum, verumetiam su-
perauit. Iudam vicit auaritia, Petrum timor, filios Ze-
bedæi honoris appetitio, quosdam quis ex ipsis maior
esset, contentio: quosdam dominicæ resurrectionis in-
credendo ambiguitas. Ex omnibus tamen vnus Iudas
periit, quia veniam desperauit. Cæteris verò benigni-
tas domini subuenit, veniamque indulsit, quia & ambi-
tionem conuerterunt in humilitatē, & contentionem
in concordiam & dubitationem in fidei, firmitatem,
& metum in audaciam, etiam inter sæuientes tyrannos
Christum confitendo. Datus erat & Paulo angelus fa-
tanæ, qui eum colaphizet, vnde exclamans, ait: Non est
nobis colluctatio aduersus carnem & sanguinem, sed
aduersus principatus, aduersus potestates, aduersus re-
ctores tenebrarum harum, aduersus spiritalia nequitie
in cœlestibus. Quomodo enim fortissimi athlætæ vir-
tus probaretur, nisi ipse contra fortissimos dimicaret?
Nobis verò vt minus perfectis, ex diuina dispensatione
minor incumbit lucta: adhuc enim & aduersus carnem
pugnamus, & dæmonum inferiorum insidias patimur,
quoniam nondum tantum virium concepimus vt cum
principibus & potestatibus manum conferere valea-
mus. Procerum ecclesiæ istud certamen est, vt cum po-
tentibus pugnando, plus gloriæ referant ex victoria. At
verò postquam carnis desideria pietatis ac iustitiæ stu-
dio mortificauerimus, tunc & ipsi poterimus dicere:

Non

Ephe. 6.

Non est nobis colluctatio aduersus carnem & sanguinem. Interim si in hac leuiore ac proletaria pugna non vicerimus, quomodo in magis graui bello principum atque rectorum vincemus? Porro, si strenui militis operam in turba prestitierimus, iam certe altius promoueri merebimur, vt videlicet inter decuriones, vel ceteriões vel tribunos etiā ac duces cēseamur. Quo si peruenire cupimus, ipsa militiæ nostrę rudimēta atque principia fortiter constanterque nobis exequenda sunt, nec committendum, vt à lixis & calonibus vincamur, qui principes quoque eorum optamus Christo adiuuante subiugare, vt quo difficilior fuerit victoria, eo maius quoque speremus premium.

De duobus tentationum generibus.

Cap.

17.

Tentationum autem duo sunt genera: Aut enim à deo tentamur vt probemur, aut à carne & diabo lo vt peccemus. Tentauit DEVS Abraham vt obedientissimum sibi esse ostenderet. Tentauit filios Israël, quemadmodum in Deuteronomio legitur, quadraginta annis per desertum deducendo, vt notum foret quantæ constantiæ sint in illis obseruandis, quæ sibi mandata præceptaque erant. Vnde in psalmo dicitur: Probasti nos deus, igne nos examinasti, sicut examinatur argentum. Igitur tentatio domini, tentatio probationis est, non malitiæ neque præcipationis. Quapropter Iacobus Apostolus ait: Nemo cum tentatur dicat quoniam à deo tentatur, & ne ambiguum relinqueretur, de qua tentatione hoc diceret, subiunxit: Deus enim intentator malorum est, ipse autem neminem tentat ad malum, vnusquisque verò tentatur à concupiscentia sua abstractus & illectus, deinde concupiscentia cum conceperit, parit peccatum: peccatum verò cum

Psal. 45.

Iacobi. 1.

con-

Diabolus.

Jerem. 41.

consummatum fuerit, generat mortem. Tentatio ergo
carnis & diaboli, semper prouocat ad peccadum. Qua-
re de istorum tentationibus nobis assidue aduersanti-
bus nunc est tractandum: & prius quidem de ipsa diabo-
li tetatione, qui carni simul insidiatur & spiritui. Ape-
riamus igitur dolos eius tendiculaeque & laqueos ut
deprehensis inimici fallaciis facilius euitetur mortis
periculum, ut certius vitae aeternae bonum speretur.
Hic est ille teterrimus Pharaon, qui nos vetat exire de
Aegypto, seculique vanitatibus renuntiare, & Moysen
sequi in desertum, ac tandem Iesu duce promissionis
terram intrare. Hic est leo rugiens qui circuit quæres
quem deuoret. Hic est fur & latro qui non venit nisi ut
furetur & mactet. Hic est denique lupo rapax, domini
co ouili semper insidians, rapiens & dispergens, & nullo
vnquam sanguinis haustu satiatus, nunc promissis allicit,
nunc terret minis, nunc assentatione blanditur, nunc
etiam verberibus compellit. Promissis quidem primos
nostros parentes prostrauit. Eritis, inquit, sicut dii scie-
tes bonum & malum, & nequaquam moriemini. Minis
autem grassatus est in martyres pariter & verberibus,
cum idololatras ut in eos desuarent, concitasset. Primi
nobis documento sunt, ut neque blandimentis neque
pollicitationibus eius ullam adhibeamus fidem. Secun-
di, ut omnia prius extrema pati parati simus, quam deo
peccare. Nec bellum igitur minanti pareas, nec pacem
offerenti credas. Pax eius pax Ismaelis est, qui Godolia
amicum inuitatum, nihilque mali suspicantem inter e-
pulas interemit. Bello autem neminem superat, nisi qui
inductionibus eius assentit. Denique quicquid agit, quic-
quid molitur, eo tendere noueris, ut fallat: cumque de-
ceperit, ut interimat: & quidem morte illa quæ sem-
per cruciat, & mori cupientes mori nunquam finit. Idem
signis etiam praestigiisque mentem hominis nititur
obstupefacere transmutatque se in angelum lucis, ut
cum

cum dei angelum vel sanctorum aliquem esse credideris, facere non dubites quod imperabit. Apparet aliquando sub specie comptæ formosæque mulieris, vt ad libidinem incendat, aliquando monstrosū & horribilē se ostendit, vt exterreat. Tu ergo tātæ malignitatis atque fraudis nō ignarus, diligenter animum aduerte, atque tecum tacitus examina quo tendant eius verba, qđ gestus exigant, quo alienę imaginis fragmenta prouocēt, & caue ne quid committas aut à fide alienum, aut ab honestate diuersum, aut voto castitatis cōtrarium neque vt susceptum pro amore dei vitæ perfectioris propositum vanis inimici terrorib⁹ agitatus derelinquas. Nihil tibi diabolus nocere poterit, quandiu tu cū deo tuo constanter ambulaueris, dicens: Dominus mihi adiutor, & ego despiciam inimicos meos. Fortior cunctis dæmonibus est, qui innocentiam seruat, & in deo confidit. Quodd si etiam verus tibi de cœlo angelus vel sanctus aliquis apparuerit, nihil offendes inquirēdo an verē is sit qui videtur. Iesu Naue vir multæ pietatis atq; fidei, cum visibili specie angelus ei occurrisset non dubitauit interrogare illum, dicens: noster es an aduersariorum? Nec antē iussis eius obediuit, quàm quod angelus dei esset, compertum habuit. Gedeon quoque ad liberandum ab hostili vastatione populum electus angelum vidit, loquentemque audiuit, & tamen da mihi signum, inquit, quod tu sis qui loqueris ad me: accepto autem signo, credidit. Vterque tibi exemplo sit, ne visus eiusmodi nimis citō fidem adhibeas, donec argumento aliquo tibi veritas constet. Tum si quæ adhuc residua erit suspicio, illi qui ætate & sapientia præstant, erunt consulendi, ex eorum sententia iudicium faciendum. Arrogantis est, dubiis in rebus proprio sensu niti, & aliorum nolle audire consilia, facileque erroribus patet qui suæ semper plus tribuit, quam prudentiæ alienæ. Vbi autē non auri neq; argēti, sed quod his
preciosius

Iosue. 5.

Iudit. 6.

uersarium, quare ab eo nos tentari voluerit, vt videlicet cum vicerimus, milites suos imperatnr benignissimus tanto magis remuneret: quanto magis promptè ac strenuè certauerimus: ad pugnam, quippe non ad quietem in hoc terræ theatro missi sumus, vt neque fortes nisi præcedentibus meritis mercedem accipiant, neque ignaui multam, nisi cum ab hoste victi apparuerint. Non est otiosa dei militia. Placuit ei fideles suos laboribus, fatigationibus, ærumnis, persecutionibus, malorum odiis iniuriisque experiri. Vnde angelus ad Tobiam: Quia acceptus eras deo inquit, necesse fuit vt tentatio p̄baret te. Idcirco nec in oratione dominica petimus ne tentemur, sed ne inducamur in tentationem & seducti viam salutis relinquamus. Quam rem petendo apertè ostendimus, nos quidem ad repugnandum impares esse nisi ipse adiuuet, qui solus potest omnia, qui etiam infirmitatem nostram miseratus, contra angeli mali vim atque versutias vnicuique nostrum angelum bonum dedit, qui regat, qui custodiat, qui à nequitia auocet, & occultis conscientia stimulis ad virtutes capeffendas impellat. Et si tanta est deo cura salutis nostræ vt suos angelos prædagogos nostros esse voluerit, haud multum timendus est mortis machinator diabolus, quia semper vincemus, si semper angeli de cælo nobis missi monitis inspirationibusq; parebimus, & à domini nostri mandatis nunquam discedemus. Omnem igitur vincendi spem in deo collocemus: & quoties vincimus, ei soli victoriæ gloriam dedicemus: ei gratias agamus, dicamusque cum Psalmista: Tu humiliasti sicut vulneratum superbum, in brachio virtutis tuæ dispersisti inimicos tuos, Tob. 12. Psalm. 118.

Quomodo vincitur tentatio.

Cap.

19.

In.

Inuidia diaboli mors introierat in orbem terrarū,
 sed hac morte per Christū liberati sumus & ad vi-
 tam, quā propter prauaricationem primorum
 parentum amiseramus, reuocati. Gaudebat inuidus il-
 le sanctissimos etiam viros in infernum descendere, &
 quasi victor quia primos vicerat, de omnibus trium-
 phare. Sed gaudium istud versum est ei in luctum. Le-
 gavit fortem fortior dominus & domum eius intrauit,
 & vasa eius diripuit, suo aduentu absoluens illos qui in
 carcere vincti tenebātur, de tenebris transferens in lu-
 cem. Quin etiam vulgata euangelij veritate, regnum
 mundi eripuit diabolo, quo magis ille doleteret, ne in gē-
 tibus quidem ius esse sibi relictum, omnibus iam à falsa
 ad veram religionem conuersis. Hac ergo potestate at-
 que hoc regno priuat⁹, quid ageret, quo se verteret, ne-
 sciebat. Rursum tamen nouo fraudum genere vsus, in il-
 lorum qui conuersi erant cordibus (vt suprà est dictum)
 inferere hæreses cœpit: vt in quibus idololatria iam de-
 fecerat, non deesset mendax de vera religione senten-
 tia. Atque ita non paucos quibus in credendo mens le-
 uior erāt, subuertit. Quos autem firmos ac stabiles in fi-
 de vidit, eos perniciosæ voluptatis illecebris ad peccā-
 dum prouocare cœpit, vt quos fidei defendit synceri-
 tas, mandatorum saltem transgressio condemnet. Nos
 ergo qui in Christum credimus, qui dei filium confite-
 mur, tantæ in nos inimici inuidiæ non ignari, quoties
 delinquendi concupiscentia mentem sollicitare cœpe-
 rit, meminerimus dolos esse carnificis nostri, nihilque
 agamus, in quo deum offendi nonimus, & ob quod si-
 gerimus, de altitudine paradisi quā speramus, in aby-
 sum inferni quam timemus, deturbandos nos esse certū
 sit. Cum itaque molestior difficiliorque sese ingesserit
 tentatio, & cordis intima lacerare cœperit, tunc iei-
 unium nobis pro scuto sit, pro gladio oratio, dicente do-
 mino: Hoc dæmonium non eiicitur nisi in ieiunio &
 oratione.

oratione. Nam & ipse dominus tunc ieiunabat cum tentatorem vicit. Et idem. Vigilate, inquit, & orate ne intretis in tentationem. Apostoli quoque cum naufragium timerent, dormientem illum clamoribus excitant. Adiuua nos (inquiunt) domine, perimus. Tunc ipso vntis fluctibusque imperante, facta est tranquillitas. Nulla est igitur tam grandis tentatio, quam deum deprecando non vinctes, & rursum nulla tam parua, à qua nō superaberis propriis viribus confidendo. Quare in deo sperans ora, & dic: Velociter exaudi me domine, defendit spiritus meus. Eripe me de inimicis meis ad te confugi. Doce me facere voluntatem tuā, quia deus meus es tu, Quod si sanctus propheta sic orabat, quomodo peccator poterit resistere, nisi & ipse instanter oraverit: Igitur quanto violentiorem motum intra te senseris, tanto ardentius auxilium inuoca. Iosaphat ab inimicis circumdatus, clamauit ad dominum, & illis protinus auersis, periculo liberatus est. Ita & tu, si toto cordis affectu precatus fueris, inimici aduersum te machinamenta statim dissoluentur, teque omni molestia liberum ac pristinae quieti restitutum continuo cognosces, Cumque hoc tibi contigerit, deo gratias age, qui tam citò satanam pedibus tuis subiecit. Nisi enim ille opem tibi laboranti miseratus attulisset, nunquam vicisses. Tanta est autem domini nostri erga nos benignitas, vt etiam pro eo quod ipso adiuuante vincimus, remuneret victores, & suum beneficium in nostrum transire patiatur meritum, modo post victoriam ne insolescamus, sed humiles ac submissi de omnibus ei laudem demus, ita enim etiam pro his quæ domino tribuerimus, ipsi primum merebimur atque mercedem.

Psal. 142.

2. Para. 18.

De ten-

MARCI MARVLI
De tentationibus carnis.

Cap.

20.

Nunc quoniam paris periculi est, à propriis cupiditatibus per carnis blandimenta superari, qualiter cum his quoque nobis decertandum sit videamus. Caro enim concupiscit aduersus spiritum, spiritus autem aduersus carnem: hæc sibi inuicem aduersantur, vt non quæcunque vultis, illa faciatis. Hæc Apostolus. Deinde quis vtriusque finis sit ostendens ait: Manifesta sunt opera carnis, quæ sunt fornicatio, immunditia, luxuria, idolorum seruitus, veneficia, inimicitia, contentiones, æmulationes, iræ, rixæ, dissensiones, sectæ, inuidia, homicidia, ebrietates, comessationes & his similia, quæ prædico vobis sicut prædixi, quoniam qui talia agunt, regnum dei non consequentur. Expositis autem quæ carnis sunt, continenter enumerat quæ ad spiritum referuntur. Fructus (inquit) spiritus, est charitas, gaudium, pax, patientia, benignitas, mansuetudo, fides, modestia, continentia, castitas. Ex his perspicuum est, quanta sit diuersitas inter carnem & spiritum, cum alteri vitia, alteri tribuantur virtutes. In medio istorum anima libertate sui arbitrij vtens in quam partem voluerit, potest conuerti. Sed si carni consenserit, regnum dei non possidebit: sin verò spiritum suum, id est, innatum sibi rationis lumen secuta carnis appetitionibus repugnauerit, victo aduersario mercedem capiet æternæ beatitatis. Quamobrem spiritu, inquit, ambulate, & desideria carnis non perficietis: hoc est, bonum quod ratio suadet, mali cupiditas ne destruat. Qui enim sunt Christi, carnem suam crucifixerunt cum vitiis & concupiscentiis. Quos ergo concupiscentia superat, & quibus caro dominatur, hi non sunt Christi. Neque enim fieri potest, vt ali-

Gal. 5.

vt aliquis & seruus Christi sit, & vitiorum mancipiū. Si spiritu, inquit, viuimus, spiritu & ambulemus. Qui fit autem iste spiritus, quo viuimus, declarat saluator in euangelio, dicens: Verba quæ ego locutus sum vobis, spiritus & vita sunt: Caro non prodest quicquam. Domini igitur nostri præcepta spiritus & vita sunt, ea obseruando viuemus, carni autem quæ non prodest, consentiendo mori necesse est. Caro enim absque spiritu viuere non potest. Tunc autem absque spiritu est, cū à mandatis diuinis se auertens propriam sequitur voluntatem, & pecudum more præsentia appetit, futura non considerat: visibilia amore capitur, inuisibilia contemnit, neque quod ratio discernit, sed quod appetitio suggerit, sequitur. De qua carnis violentia conqueritur Dauid, & ait: Miser factus sum, & curuatus sum vsque in finem tota die contristatus ingrediebar, quoniam lumbi mei impleti sunt illusionibus & non est sanitas in carne mea, Et Apostolus: Condelector (inquit) legi dei secundum interiorem hominem, video autem aliam legem in membris meis repugnantem legi mentis meæ & captiuantem me in lege peccati, quæ est in membris meis. Infelix ego homo quis me liberabit de corpore mortis huius? Gratia dei per Iesum Christum dominum nostrum. Igitur ego ipse mente seruiō legi dei, carne autem legi peccati. Quæris quare contrariæ inter se voluntatis sint spiritus & caro? quia caro ex Adam qui peccauit, propagata est, animam verò & spiritum non ab Adam, sed à deo accipimus. Idcirco spiritus expetit ea quæ deo placent, caro autem magis illa concupiscit, quæ ipsam delectant & ad peccandum est prona, quia traducitur de peccato tanta quæ eius vis est aduersus spiritum, vt luſtanti repugnare spiritus ipse per se non sufficeret, nisi virtus diuina quæ illum creat & creando infundit, & infusum conseruat, etiam periclitantem adiuuaret. Quis me liberabit, inquit Apostolus, de corpore mortis

Iob. 6.

Psal. 37.

Roma. 7.

Quæritur
quare caro
aduersetur
spiritui.

Q
tis

tis huius? hoc est, de corpore in quo primi parentes nostri cum non obedissent deo, mortui sunt, respondet & ait, Gratia dei per Iesum Christum. Nos igitur in Christum credentes, à carnis violentia non nostræ vires, sed diuina liberat gratia. Quàmuis autem ab Adæ maledictione tunc absoluiamur, cum in Christo per baptismum regeneramur, manet tamen in nobis fomes peccati, ut hi qui Christi sunt in certamine suæ carnis probentur, & qui vicerint eo ascendant, ubi æternæ pacis ineffabili bono perfruantur. Hac tanta ergo proposita mercede constanter pugnemus, & omnes perniciosæ cupidinis ictus perseveranti conseruandæ innocentiæ studio irremus. Quòd si & à bestiis & ab hominibus & ab omni prorsus periculo nos defendimus ac tuemur, ne vitam istam breuissimam ac miseriarum plenam amittamus, quanto acrius improbis præsentium voluptatû appetitionibus renitendum est pro vita illa felicissima & immortalis quàm talium appetitionum victoribus in mercedem tribui certissimum est.

De remedijs contra carnis tentamenta. *Cap.* 21.

ET quoniam malum illud quod caro suggerit, cogitatio concipit, cogitatio ipsa quàmprimum cohibenda est, ne pariat quod conceperit. Vipereum intra te foetum ne finas crescere. Solet adultus venena effundere, & animam hominis enecare. Protinus abige pestiferam cogitationem dum paruula est. Dum parum virium habet, non difficulter opprimitur, sponso in canticis dicente: Capite nobis vulpes pusillas, exterminantes vineas, & vineæ nostræ florebunt. Cum enim vitiosa extinguatur cogitatio, animus ad prosequendum virtutum propositum vegetatur, & saluberrimis vitæ fructibus exhuberat. Cæterum si malarum cogitationum insultus

insultus non ita crebros, neque ita vehementes pati desideras, claude fenestras sensuum tuorum, per quas mors ad animam ingredi consuevit. Auerte oculos ne videant vanitatem. Sepi aures tuas spinis, & linguam nequam noli audire. Pone ori tuo frenos, ne in verbo labaris, neq; gulæ aliquid ultra necessitatē indulgeas. Naribus odoramēta luxuriæ subtrahe. Manus contine, ne quem iniuste offendas, neve quid impudicè tangas, denique modis omnibus obserua & caue, ne extranei portas Hierusalem ingrediantur, id est, animæ tuæ domicilium. Et si ingressi fuerint, cura vt expellantur: neque malignos cogitatus ibi remorari finas, vbi cum inualuerint, perniciem generant. Veruntamen sæpe fit, vt ipsi cogitatus etiam inuitis nobis ingerant se se, & suapte vi ab iis quæ iusta atque honesta sunt, auertere animum nostrum tentent, ac quemadmodum paralyticus ille in euangelio, qui portabatur, non poterat præ turba offerri saluatori vt curaretur, ita nobis cogitationū quandoque officere solet congeries, vt non quod volumus, sed quod nolumus, animo voluamus: tunc inter orandum quid lingua loquatur, mens non attendit, & cū corpore in ecclesia simus, animo foris per diuersa vagamur. Huic ingruenti turbæ totis viribus reniti decet, & non cedere, neque si mali quicquàm suaserint consentire, Quod vt succedat, eorum industriam, qui paralyticum gerebāt, imitari oportet. Illi testō domus in qua Christus erat, patefacto, ægrotum coram Iesu submiserunt, & morbo receperunt liberatum. Nos quoque abiecta terrenarum rerum curā, culmen cœlestis contemplationis incendamus, & per ea quæ creata sunt, mente ingressi, inueniemus creatorem: & cū inuenerimus, ei nos reuerenter submittamus, vt quod a' titudo meditandi contulerit, humilitas deiiciendi sese conferuet, & mens iam sanata gaudeat se iam obstantis turbæ impedimēta non sentire, Quāto minus mortalia curabim⁹,

Marci, 2.

Q ij tanto

tanto etiam minus cogitationum secularium stimulis inquietabimur. Quisquis autem ab his crebrò ac frequenter sollicitatur, reor quòd nondum vt debet, seculo renunciauerit, sed aratrum tenens adhuc post tergum respiciat, si non respiceret, non iam præterita neque præsentia, sed futura cogitaret. Abscindamus igitur & proiciamus procul à nobis membra scandalizantia, nulliusque rei afficiamur studio, quæ propositum vitæ sanctioris turbet, & charitatis ardorem, què deo debemus, restinguat. Si oculus dexter scandalizat te, erue eum: si manus dextra, absconde illam. Membra ista carnales affectiones sunt, quibus quidem si dextræ fuerint, non illicitè vtimur, veruntamen si à spiritali contemplatione vel actione auocent atque interpellent, repelli debent. Quæ enim propter se licita sunt, si vna cum illis meliora periclitantur, illicita erunt. Quòd si ea etiam quæ dextra sunt, quoties impediunt, abscondi iubeantur, quanto magis illa quæ sinistra sunt, id est, quæ mala sunt, declinare ac fugere debemus, & eisdem neque oculum intendere, neque manum porrigere, vt neque cogitemus aliquid prauum ac detestabile, neque faciamus. Restat igitur vt & malis præferantur bona, & bonis meliora si ad summum bonum volumus peruenire. Cùm præterea continentiam semper oppugnet lasciuia, & liberalitatem auaritia, & humilitatem ambitio, & breuiter probitatem nequitia, assiduum nobis cum vitiis bellum est. Nunquam igitur quiescamus, sed per repugnemus. quòdiu repugnamus, vincimus: quoties autem quiescimus, non quiescente aduersario, superamur: irruentibus malis dissipantur bona, nihilque homini illi relinquitur, qui carnis cupiditatibus vltro se subiicit, euenitque ei quod dictum est per prophetam: Residuum erucæ comedit locusta, residuum locustæ comedit brucus, residuum bruci comedit rubigo, aut quid boni in illo remanere poterit, cui vitia dominantur.

Strenuis

Matth. 5.

Iohel. 1.

Iohel. 1.

Strenuis autem et accinctis, affidueque contra impro-
bæ voluptatis illecebras luctantibus tuta sunt omnia.
Neque enim superfeminatur zizania in medio triti-
ci, nisi cum otio dediti dormimus, & à custodia bonæ
frugis cessamus. Atque ideo sanè vigilare & orare nos
inbet dominus, ne tentationibus succumbamus, hoc est,
diligentes esse & intentos, & sollicitos, ne per desidiam
spiritus caro, quæ ancilla esse debet, dominari incipiat,
& præualere permittatur Madian aduersus Israël, is vi-
delicet qui se cultui dedicauit diuino, subuerti si natu-
ra nequitia.

De reparatione lapsi.

Cap.

22.

CAeterum, si quando victi superatiq; fuerimus,
ad poenitentiae remedia conuertamur, nec despe-
remus aduersus victores victoriam, si ab iis qui-
bus manum dedimus, deficere voluerimus atque ad il-
la transfugere, quæ insipienter dereliquimus. Tunc e-
nim speciosa deserti, quæ peccatorum ignis absumpse-
rat, rursus germinare & bonorum operum fructu abũ-
dare cernemus. Ciuitas à rege magno obsessa (vt Eccle-
sastes ait) à paupere viro, sed sapiente liberatur. Quis
autem pauperior illo qui vitiis seruit? quis sapientior
quàm qui ab iis dum licet fugit, & ad studium se con-
fert virtutum? sed ne rursus in eodem luto more por-
corum relabamur, non otiose neque segniter est agen-
dum. Nam sicut per negligentiam victi fuimus, ita per
sedulitatem curamque certandi vincemus. Cuius rei
nequaquam ignarus Apostolus admonet, & ait: State
succincti lumbos in veritate, & induite lorica m iusti-
tiæ, & calceati pedes in præparationem euangelij pa-
cis, in omnibus sumentes scutum fidei, in quo possitis
omnia tela maligni ignea extinguere, & galeam salu-
tis

Eccle. 9.

Eph. 6.

tis assumite, & gladium spiritus, quod est verbum dei
 per omnem orationem & obsecrationem, orantes om-
 ni tempore in spiritu, & in ipso vigilantes in omni in-
 stantia. Profecto qui armis istis contra carnis infesta-
 tiones dæmonumque dolos munitus fuerit, sicut mons
 Sion non mouebitur in æternum. Erit veluti turris for-
 titudinis à facie inimici, & tanquam naus validis cō-
 pacta trabibus, pertransiens mare istud magnum & spa-
 tiosum, nec fluctib⁹ fracta, nec procellarū turbine sub-
 uersa. Si quando tamen ingrauescere carnis pugna, spi-
 ritumque vehementius laceßere cœperit, caro ipsa te-
 nuanda erit ieiunio, fatiganda laboribus, domanda vi-
 giliis, oratio nunquam pernoctationibus quasi vinculis
 constringenda. Durū erit illi contra huiuscemodi sti-
 mulos calcitrare. Lasciuienti iumēto adde onus, & quie-
 tius incedet, subtrahe aduersario vires, & desinet esse
 molestus. Semper autem obstandum est principiis. Inue-
 xerata enim difficiliter corriguntur, nouella euellun-
 tur facilius, euulsaque arescunt. Præterea & locum il-
 lum & hominem quātum potes declina, in quo vel de-
 linquendi periculum, vel exercendæ virtutis impedi-
 mentum times. O o o fugite, inquit dominus, de terra
 aquilonis, de terra vtique in qua charitas friget, & a-
 bundat malitia; de terrā in qua nihil agitur, nihil dici-
 tur, nisi quod ad corporis pertinet voluptatem, & præ-
 sentis luxuriæ irritamētum, & multorum scelerum in-
 centiuum. Rarò tibi cum seculi amatoribus miscendus
 est sermo, quia colloquia mala corrumpunt bonos mo-
 res, rarius cum fœminis. Primam fœminam decepit
 diabolus, illa virum. Diaboli ergo laqueus est fœminā.
 Quem diabolus per se non potest capere, per illam ca-
 pit, fugiendo melius vitabis hoc periculum, quā resistendo.

Zach. 2.

*Oratio contra tentationem carnis,
& post victoriam actio gratiarum.*

Cap.

23.

SEd quoniam quocunque fugerimus, carnis nostræ
lucta carere nequimus, in omni carnalium tenta-
tionum discrimine, ad orationum subsidia fugere
tutissimum erit. Ad dominum igitur supplices confu-
giamus, quia dominus fortitudo plebis suæ, & prote-
ctor saluationum Christi sui est. Vim patiens loquatur
spiritus & dicat: Eripe me de inimicis meis domine, ad
te confugi, doce me facere voluntatem tuam, quia deus
meus es tu. Ab homine iniquo & doloso erue me, ab ho-
mine isto exteriori, qui interiorem hominem ad simi-
litudinem tuam factum, iniquè & fraudulentè quærit
subuertere, per voluptatis illecebras, per concupiscen-
tiæ blandimenta trahere me nititur, vt peccem tibi &
peream. Ab his ergo mei tuique aduersarij insidiis li-
bera me. Esto mihi in deum protectorem, & in locum
munitum, vt saluum me facias. Ventum domine vali-
dum, quo in diuersum impellor, metuo, & iā inter fre-
mētes vndas mergi incipiens, ad te clamo. Tu igitur mi-
seratus dexteram tuam extende, & sicut Petrum cum
fluctibus operiretur saluasti, ita me de pernicie carna-
lis suggestionis ereptum tibi restitue, vt tuam potius vo-
luntatem quàm meam faciā. Nostra enim voluntas p-
dit nos, tua verò saluat semper. Fiat voluntas tua sicut
in cœlo inter sanctos, ita & inter nōs in terra, vt tuis pa-
rēdo mādatis, ad te in cœlum ascendere, & non eis cō-
traria operando in profundum demergi mereamur. Si
sic oraueris, non frigide, sed ardentè: non proteruè, sed
humiliter, tentationum constrictus angustiis, exaudiet
te dominus, & non dabit in commotionem pedem

Psal. 140.

Q. iij) tuum

tuum, neque dormitabit, qui custodit te. Petite, inquit, & accipietis. Quid tu poscere pigritabis, cum idem dominus & rogari velit, & quod piè rogatur, promptè se daturum promittat? Si sicut decet supplicaueris, circumdabit te scuto veritas eius, non timebis à timore nocturno, à sagitta, volante in die, à negotio perambulante in tenebris, ab incursu & dæmonio meridiano. Ipse enim dominus de illo qui fideliter orat, & constanter sperat, respondēs ait: Quoniam in me sperauit, liberabo eum: protegam eum quoniam cognouit nomen meum: clamaui ad me, & ego exaudiam eum: in tribulatione eripiam eum, & glorificabo eum. Exauditus autem nō solum carnis concupiscentias auertes atque fugabis, verum etiam virtutibus magis proficies. Testatur hoc propheta ad deum dicēs: In quacunque die inuocauero te, exaudi me, multiplicabis in anima mea virtutem. Omnemque difficultatem ab eo adiutus ipse idem superaturum se affirmat, cum ait: A te eripiar à tentatione, & in deo meo transgrediar murum. Ille ergo postulationibus tuis annuens, dicet: Et stabit spiritus procellæ, ipse imperabit ventis & mari, & obedient ei, & turbulentos motus conuertet in tranquillitatem. Ille precantibus & periculum formidantibus, continuò aderit dicens: Ego sum, nolite timere. Tunc tu naufragio imminenti liberatus, gratias age liberatori, cuius opera factus es te ipso fortior, atque aduersus lasciuiantes malorum cupidinum titillationes inuictus. Ad ipsum igitur mente cōuersus, dicas: Benedictus dominus deus qui nō dedit nos in captionem dentibus eorū, hoc est in prædam voluptatum illecebris, delinimentisque vitiorum quibus tu impugnabare, vt domino tuo peccares, & cœli terræque conditoris maiestatem offenderes. Ad hæc quoniam diuinis quoque disciplinis instructus vincere didicisti ne ingrati tudinis arguaris, illud quandoque tecum repetas: Benedictus dominus deus meus, qui docet ma-

Psal. 90.

Ibidem.

Psal. 119.

Psal. 118.

Psal. 114.

cet ma-

cet manus meos ad prelium, & digitos meos ad bellum. Misericordia mea & refugium meum, susceptor meus, & liberator meus, in ipso speravi, qui subdit populum meum sub me, id est, qui carnem meam meo seruire spiritui compellit. Nisi enim ipse certare doceret, ipse protegeret, ipse liberaret, ipse aduersarios nostros nobis subiiceret, fragilitas nostra neque carnis passionibus pualere neque demonum laqueos euadere vnquā potuisset. Ingratus est igitur temptationum victor, qui deo acceptum non refert quod vicerit: & si laudē victorię sibi arrogare non dubitet, victus est temeraria inanis glorię cupiditate, dumque se non lapsum fuisse gloriatur, labitur & delinquit. Vnde abhorrēs ab ista iactatione sanctus propheta Dauid, clamat: Non nobis domine non nobis, sed nomini tuo da gloriam. Si vicisti, humilitatem conserua, & ad dei tui miserationem refer, quod non succubueris. Quale autem victorię huius meritum sit, audi: Saluator noster tentatus vicit, discessit ab eo diabolus, accesserunt angeli & ministrabant ei. Quod præcessit in capite, cur non speremus euenturum in membris? quandoquidem quęcunque scripta sunt, ad nostram doctrinam scripta esse memorantur. Temptationum igitur victorem demones timebunt, angeli comitabuntur & custodient. Veruntamen non semel aut pluries vicisse proderit, vsque in finem vitę producenda victoria est, vt tandem a domino mereamur audire: Vos estis qui permanistis mecum in temptationibus meis, & ego dispono vobis, sicut disposuit mihi pater meus regnum, vt edatis & bibatis super męsam meam in regno meo. Non est autem esca neque potus regnum dei. Edemus ergo & bibemus non corporalia, sed spiritalia alimenta, diuini conspectus perennē & nunquam defuturam dulcedinem, ineffabilis que claritatis gloriam, & hæc quidem erit militię nostrę merces, si modo victores & non victi de isto certaminis campo, in

Psalm. 115.

Luc. 22.

po, in quo nunc positi sumus, decesserimus.

Quòd oportet conformari Christo.

Cap.

24.

Homili.

ATque is demum & vitia calcabit, & virtute proficiet, qui quotidie Christi domini gesta confiderabit, & per eius vestigia ingrediens ipsi quàm proximè accedere contendet. Exemplum, inquit, dedi vobis, vt quemadmodum ego feci, ita & vos faciatis. Primum igitur in omnibus humilitatē seruemus. Hic enim qui dei filius erat, dignatus est fieri hominis fili⁹, qui deus erat, factus est homo. In Bethlehē exiguο oppidulo nasci voluit, & quidem non in hominum, habitaculo, sed in pecudum stabulo: non in cunis colore diuerso picturatis auroque linitis, sed in præsepio ad præbēda iumentis pabula lentis viminibus contexto, Cumq; esset dominus omnium, à seruo voluit baptizari, ac de seipso dixit: Filius hominis venit non vt ministraretur ei, sed vt ministraret. Apostolus non de stirpe nobilium, sed piscatorum genere sibi adsciuit, & eisdem pedes lauit. Hierosolymam intraturus veterinum animal afinam ascendit: & cū pro salute mundi mori vellet, despiciatissimum mortis genus elegit crucem. Talia ergo nobiscum sæpenumero reuoluentes nec de stirpis claritate gloriemur, nec vulgaribus cœquari erubescamus, cum omnium vnus creator sit, atque vnus pater deus, omnium vna generis conditio, vna humanitatis natura, vna regenerationis gratia, cū denique nulum sit hominū apud deum discrimen, præterquàm vitæ ac morum. Quanto autem se quisque magis humiliauerit, tãto magis merebitur exaltari. Ab eodē obedientiæ quoq; petamus exempla. Apparentibus quæsitus respondit: Quid est quod me quærebatis? Nesciebatis quia in his quæ patris mei sunt, oportet me esse: Hoc
ideò

ided, vt prius obedientiam præstemus deo, secundo autem loco parentibus obtemperemus, quibus & ipse se submiserat, teste euangelista, qui subiungens ait: Et descendit cum eis, & Venit Nazareth, & erat subditus illis. Veruntamen si quid iusserint parentes, quod legem offendit diuinam, deo potius pareas quàm illis: vel si nõ officit legi, & tamen tibi ad obsequendum deo impedimentum est, dimitte parvum imperium, & ad servitium deo præstandum convertere. Nõ est, inquit, me dignus, qui patrem aut matrem plus quàm me diligit. Ad obediendum deo, inuitat cum ait, Meus cibus est vt faciam voluntatem eius, qui misit me vt perficiam opus eius. Et iterum, Non quaero voluntatem meam, sed voluntatem eius qui misit me patris. & ad patrem, Non mea voluntas, inquit, sed tua fiat. Hinc discat monachus, se non esse suæ voluntatis, sed eorum qui præsunt monasterio, vt nõ quod ipse deliberat faciat, sed quod illi concesserint. A domino discamus & patiētiā, Odia Iudæorū æquo animo tulit, quos vno verbo omnes perdere poterat, ab his probra, maledicta, vincula, flagella, verbera, contumelias, alapas atque sputa sustinuit, ab his coronari spinis, clavis in cruce configi, felle & aceto potari, lancea confodi & occidi passus est. Quin etiam iniustum quod sibi talia tam immaniter inferebant vt ignoscere, patrem orauit: Si ipse iustus ab iniustis tanto ludibrio habitus, tam impiè dilaceratus, vindictam nõ appetiit, sed dimitti eis postulauit, cur tu peccator inimicis tuis irasceris, & ad vlciscendā iniuriam exarsciscis, tui nulla iniuste queat irrogari, cū quotidie domino tuo pecces, nec tantum offensæ passus es, quantum delicta tua atque peccata merebantur. Quoties ergo mali aliquid patimur, p̄tinus ad cōsciētiā scelerū nostrorū recurramus, & cū nõ immeritò id nobis accidere cognouerim, patiēti tolerem⁹, & dñi nostri exēplo p̄ inimicis etiā nostris orem⁹, p̄ malo reddētes bonū, p̄ iuriā beneficium.

Iactantia vi-
tanda.

Lucæ, 8.

Iohan, 8.

beneficium. Sic nostra nobis remittentur peccata, & patientiæ virtus præmio maiore compensabitur: & mala quæ passi sumus, in nostrum commodum cōuertentur. Sed eorū quoq; quæ benefacimus, iactantiam vitare à domino discamus. De monte descendens, mundatus leproso iniunxit ne cui diceret. Cæcis etiam sanatis, Videte (inquit) ne quis sciat. Et cum plurimos vario morborū genere laborantes curasset, ne ipsum manifestum facerent, præcepit. Cumque puellam mortuam ad vitam reuocasset taceri iussit. Nonnulli ex discipulis adhuc terrena sapientes. Manifesta te inquit mundo. Ille autem ostendens quod non quæreretur mundi gloriam, sed mundi salutem, dixit. Ego gloriam meam non quæro, est qui quærat & iudicet. Hic gloriam suam non quæsiuit qui se ultro ignominia ab impiis perferenda exposuit. Ille tamen gloriam eius quæsiuit, qui cum illo erat. Glorificauit enim deus hominem quem assumpsit, à morte suscitando, in cœlum transferendo, quod semel assumpsit nunquam dimittendo, adorandum & angelis & hominibus proponendo. Iudicauit autem iudicio damnationis Iudæos incredulos, & gentiles in errore obstinatos, & fideles fidē opere destruentes. Quod ergo non quæserit gloriam suam, ad humanitatem pertinet, quod autem quæserit & iudicarit, ad diuinitatem refertur. Quamuis enim humanitas & diuinitas vna persona Christi sit, sæpe tamen & dicere aliquid & facere illi placuit quod non erat vtrique naturæ commune, vt per ea quæ hominis sunt, hominem agnosceremus, & quæ dei, deum. Nam in Christo vel hominem sine deo vel deum sine homine confiteri, hæreticorum impietas est. Cū igitur dixit se gloriam suā non quætere, nobis insinuauit, ne hominum plausus laudationesque venemur, sed in omnibus vt deus laudetur curemus. Qui enim ab hominibus gloriā quærunt, gloriam veram ac stabilem, quæ à deo est, accipe-

re

re non meretur. Ad hæc obseruanda paupertatis domi
 ni exempla nobis abunde suggeruntur. De virgine pau
 percula nasciturus, non habuit locum in diuerforio, e-
 ditur in stabulo, reclinatur in præsepio. Iam in ætate Matt h. 8.
 adulta, nihil se habere confitetur, & ait, Vulpes foueas Matt. 17.
 habent, & volucres cœli nidos, filius autem hominis nō
 habet vbi caput reclinet. Et cū portorium exigere-
 tur non fuit soluendo, donec piscis captus in ore di-
 drachmam attulit, qua ipse satisfecit. Bestiis impera-
 bat, & inter pauperes censeri volebat. Per domos alie-
 nas discurrens hospitabatur, quia suam non habuit, mu-
 lierum comitātium eleemosynis alebatur, in cruce nu-
 dus pependit, mortuus etiam aliena inuolut⁹ est syndo Lucæ. 9.
 ne, alieno conditus sepulchro. Beatos vocat pauperes,
 & apostolis ne quid ferrent in via, præcipit non virgā,
 non peram, non panem. Prohibuit eis calceamenta, p-
 hibuit duas tunicas, & nolite (inquit) solliciti esse quid Mat. 6.
 māduceatis aut quid bibatis, aut quid induamini. Que-
 rite primum regnum dei, & hæc omnia apponentur Parfimonia
 vobis. Qui ergo propter Christum in terra pauper est,
 cum Christo diues erit in cœlo. Gloria enim & diuitiæ
 in domo eius. Victu quoque modico ac tenui, & qui cor-
 pus tantum sustentet. Contentus erit qui Christū imi-
 tabitur. Per dies quadraginta ille neque comedit, neq;
 bibit, postea (vt euangelista ait) esuriit, & tunc quidem Mat. 4.
 diaboli maligna tentamenta vicisse describitur, vt no-
 scamus ieiunio & esuritione opus esse, si carnis illece-
 bras dæmonūque captiones cupimus superare. Ante mē Mat. 26.
 sam gratias agit, post mensam hymnum dicit, vt sem-
 per deum laudemus, cuius donum est & cibus quo vesci-
 mur, & vita qua viuimus. Panes hordeaceos habebat cū Iohan. 6.
 pavit turbam, aquam ad bibendum à Samaritana mu- Iohan. 4.
 liere petiit, ne rudes fastidiamus cibos, neque vina de-
 licatiora exquiramus. Carnem nisi in paschate non co-
 medit, minutis pisciculis vsus est. Erubescant, qui pau-
 pertatem

Charitas,

Ioan. 10.

Ioan. 15.

Prædicatio.

pertatem professi, diuitum dapibus delectantur. Ne autem vilia contemnamus alimenta, fel & acetum in cruce positus gustauit, denique beatos dicit esse esurientes, quoniam saturabuntur, & ecōtrario: Væ vobis inquit, qui saturati estis, quia esurietis. Nunc tandem ad charitatis conuertamur documēta: Pro hominū salutē de cœlo in terrā descendit, deus homo factus est, labores, vigiliās, supplicia pro nobis tolerauit, p nobis mortu⁹ est, pro nobis ad inferos descēdit, pro nobis resurrexit, pro nobis in cœlum ascendit. Postremò nihil vel dixit vel fecit quod non eo spectaret, vt æterna nobis donaretur beatitudo, Matthæum de publicano Apostolum, Petrum de negatore cœlestis regni clauicularium, Paulum de persecutore fidēi fecit propugnatorem, mulieri peccatrici peccata dimisit, & non veni (inquit) vocare iustos sed peccatores ad pœnitentiam. Denique pastor bonus animam suam posuit pro ouibus suis: & quos dilexit vsque in finem dilexit eos. Quia nihil prodest diu diligere, nisi semper diligas. Et sicut (inquit) dilexit me pater ita dilexi vos. Et qui diligit me, diligetur à patre meo. Tunc autem & Christum diligim⁹, & à deo patrē diligimur, cum ipsum quem peccando offendimus, pœnitendo placamus. Porro cum etiam inimicis nos benefacere beneq; optare iuberet, hoc prior ipse præstitit, illis à quibus conuitia, vincula, flagella, colaphos, verbera, spinas, clauos, fel atque acetum iniquè passus fuerat, ignosci postulans, & sœuitiam illorū sui ignorance excusans, vt postea cognita veritate locum haberent pœnitentiæ & non perirent. Non est itaque Christi discipulus qui bonum pro malo nescit reddere, & pro inimicis quoque suis Deum deprecari. Eiusdem domini exemplo discamus, non nostræ tamē salutis, sed etiam aliorum prospicere, vitæ disciplinā eos imbuendo, & exhortationibus piis vt ad virtutis viam dirigantur sollicitando. Circuibat ille totam Iudæam,

deam, totam Galilæā, per castella & vicos, docens ignaros, & verbo curās ægrotos vt corpore simul & animo saluos redderet. Præcepta dedit discipulis in monte in planitie plebi, vt discas altiores myſteriorum ſenſus illis qui magis capacis ingenij ſunt prædicare: ſimplices verò ſimplicibus vitæ præceptis inſtruere, ac ne forte pretij alicuius gratia id agas, ſed affectu ſalutis eorum quos doces. gratis accepiftis (inquit) gratis date. Accipere tamen ab offerentibus quātum victui neceſſario factis fit, ſi indigueris, ne nefas putares ait: Dign⁹ eſt operari mercede ſua. Mercede videlicet quę inopiæ ſuccur rat non quę luxuriam paret. Porro ſicut ipſe docuerat, ita diſcipulis ſuis prædicationis officiū impoſuit dicens. Euntes docete omnes gentes ſeruare omnia quæcunque mandauī vobiſ. Optimi itaque Chriſti imitatores illi ſunt, qui faciendis ad populum benè beateq; viuendi ſermonibus operam impendunt: & quod alios docent, ipſi præſtant: ne bonum quod verbo ædificant, morum diſſimilitudine deſtruant. Cælebs præterea & caſtus ſit oportet Chriſti diſcipulus, virgo eſt, & de virgine genitus & à virgine baptizatus, quem ſequeris: vt que ſcias quanti ſit apud ipſum virginitas de Iohanne Apoſtolo quia virgo erat, in euangelio dicitur: Diſcipulus ille quem diligebat Ieſus. Nam licet Ieſus etiam reliquos omnes diligeret; de nullo tamen ſic eſt expreſſum, ſicut de iſto quem mentis corporisq; puritas cōmendabat. Hic ſolus in ſinu Chriſti cunctis ad menſam ſedentibus recubuit, quia ſolus fortasſe intemeratæ virginittis laude illi proximior erat: Præcellit autem virginittas viduati & viduitas matrimonio. Quandoquidem euangelici ſeminis centeſimus fructus aſcribitur virginittati, ſexageſimus viduitati, triceſimus matrimonio, in Apocalyp. etiam illi qui ſequuntur agnū quocunque ierit, & canticum nulli alij cantabile concinunt, virgines eſſe memorantur. Porro ipſa

Salua-

Mat. 10.

Ibidem

Matt. 18.

Caſtitas,

Matt. 12.

Apoc. 14.

- Mat. 14. Saluator vt monstraret, præcipue castis deberi regnū dei, Sunt eunuchi inquit, qui se castrauerunt propter regnum cœlorum, hoc est, qui nubendi libertatem in propositum verterunt castitatis quo prius expeditius- que deo seruirent, & cum angelis in cœlo socij essent, qui angelicam vitam in terra vixissent, de quibus est dictum, neque nubent neque nubentur, sed erunt sicut angeli dei in cœlis. In eo quoque dominus continentia seruis suis videtur imperasse, quod apostolis præcepit, vt lumbos præcinctos haberent. In lumbis quippe generādi semina sunt, qui autem in carne seminat, de carne & metet corruptionem: sed qui seminat in spiritu, de spiritu & metet benedictionem. Preces etiam qualiter deo sint offerendæ, nobis documento est dominus noster. Orandi enim rationem, quam verbis monstrauit, opere perfecit. Orare iubet in abscondito, & ab illis quæ impedire possent separato loco, vt mens tunc magis intenta esset cœlestium contemplationi cum ipsum cœli terræque regem lingua serui alloqueretur. Ideo saluator quoque noster dimissa turba montem ascendens solus orauit, & iterum, Sedete hic, inquit, donec vadam illuc & orem. In monte autem orauit vt orando postulemus non terrena quæ in imo sunt, sed quæ in alto cœlestia. Quod verò etiam in villa Gethsemani orasse dicitur, docemur inter orandum seruandam esse humilitatem, atque ideò & positis genibus orasse, & ad orandum in faciem procubuisse. Quod præterea patrem precatus, ait: Non sicut ego volo fiat, sed sicut tu: significauit vt in omni postulatione nostræ voluntati præferamus dei voluntatem. Tertio autem eundem sermonem orauit, ne tibi cessandum putes, si tam properè quam velles non fueris exauditus. Ad hæc in Marco scriptum est, quod valde diluculo surgens abiit in desertum locum, & ibi orabat: Et in Luca, quod noctibus exiens in monte Oliueti morabatur, quodque perno-
- staba

Et erat in oratione. In quo quidem & tempora & loca
 orationi magis accommoda nobis requirenda esse in-
 nuit, vt autem perseverantius oremus, factus in agonia Idem. 22.
 prolixius oravit. Sublatis quoque in cœlum oculis oras Iohan. 11.
 se traditur, vt & tu dum oras, mentis oculos ad deum
 cui supplicas, intendas & non alio verba, alio cogita-
 tiones ire sinas. Parum efficax est lubrica vagaque mē-
 tis oratio, & non illuc intentæ ubi vult exaudiri. Ac
 ne singula perquirere nimis prolixum sit, omnium vir-
 tutum, omnisque sanctitatis cum præceptum tum ex-
 emplum, à saluatore nostro ac domino, & tutius peti-
 tur & iucundius consideratur. Christus enim quia ve-
 ritas est, non errat, quia bonitas est, non fallit, quia sa-
 pientia est nouit omnia, quia virtus dei est, potest om-
 nia, quia denique saluatio populi sui est, quicquid egit,
 quicquid dixit, ad omnium spectat salutem. Seruiamus
 igitur illi in sanctitate & iustitia omnibus diebus no-
 stris, memores beneficiorum suorum, atque assidue no-
 biscum recolentes ea quæ non solum verbis docuit, sed
 etiam re atque opere probauit, vt his instructi eidem
 quantum fieri potest similes effici curemus, & cuius vir-
 tutes imitati fuerimus, eius beatitudinis atque gloriæ
 participes esse mereamur.

Omnium vir-
 tutum exemplum
 vult Christus

De consortio fugiendo.

Cap.

25.

Conferet plurimum ad vitæ sanctioris cultum, nos-
 se quorum consuetudine uti debeas, quorum non
 debeas: cum quibus conuiuere, colloqui, conuer-
 sari, quos declinare ac fugere oportet. Relinquendi sunt,
 quorum tibi nota fuerit peruersa mentis pertinacia,
 id est, qui vel errorem suum deposituri non videntur,
 vel à scelere in quo perseverant, recessuri. Nocuit Israël-
 litico populo habitasse cum Aegyptiis. Inde enim Moy

R

se du-

se duce egressi ritu eorum vivere volebant, crapulari, ludere, diis gentilium sacrificare, atque hæc causa fuit, vt posteri quoque eorum toties inimici subiecti seruirent. Rectè itaque dicitur: Filij abominationum sunt filij peccatorum, & qui conuersantur secus domos impiorum. Contagione quippe trahitur vitium, si conuersaris cū vitioso, ac veluti pestilentia morbos afflatu tactuque ægrotantis inficere solet sanos, ita infidelium familiaritas plerumque fideli viro perniciem parit. Idcirco per os Ieremiæ clamat nobis dominus: Fugite de medio Babylonis, vt saluet vnusquisque animam suā. Et per os Osee. Nolite ingredi in Galgala, & non ascenderitis in Bathauem, loca videlicet prophana idolorūque polluta culturis atque immunda. Saluator etiam noster & dominus: In viam gentium, inquit, ne abieritis & caute à fermento pharisæorum. Hoc idem admo-
net & hortatur Paulus Apostolus, dicens: Nolite iugū ducere cum infidelibus: quæ enim participatio iustitiæ cum iniquitate, aut quæ societas luci ad tenebras? quæ autem conuentio Christi ad Belial? aut quæ pars fideli cum infideli? quis autem conuentus templo dei cum idolis? Vos enim estis templum dei viui. Et ad Titum scribens, ait: Hæreticum hominem post vnam & secundam correptionem deuota, sciens quia subuersus est qui eiusmodi est, & delinquit, cum sit proprio iudicio condemnatus. Eiusdem sententiæ est, quia & eiusdem spiritus Iohannes Apostolus, cum ait: Si quis venit ad vos, & hanc doctrinam non affert, nolite recipere eum in domum nec aue ei dixeritis, qui enim dicit illi aue, communicat operibus eius malignis. Quod si salutare quoque illos quibus nulla debetur salus, nefarium sit, quātomagis in consortium recipere? Cauenda est igitur infidelium hominum cōuersatio, maximè eorum qui ita auersi sunt, vt nulla supersit spes futuræ illorum cōuersionis & hoc Apostolorum ipsorum exemplo, qui cum
vidis-

Eccle. 41.

Iere. 51.

Osee. 4.

Matt. 16.

2. Cor. 6.

Tit. 3.

2. Ioan. 1.

vidissent incredulos Iudæos Christum nolle recipere, ab eis discedentes aliis euangelizare dei verbum cœpere. Itaque ne perfectis quidem conuenit ad obstinatos accessio, cum ne in docendo operam perdant, tum ne molliter blandēque alloquendo fauere illorum errori videantur. Non minus declinandi sunt, qui in flagitiis obduruerunt. Peccantem (inquit dominus) corripe inter te & ipsum, si te nō audierit, adhibe alium, si neque illum audierit, dic ecclesiæ, si neque ecclesiā audierit, sit tibi sicut ethnicus & publicanus. Pro infideli ergo habeatur, quem peccasse omnino non pœnitet quique nulla correptione ad emendandum flectitur. Quod si cū tali conuersari te delectauerit, mores quoque diligere incipias necesse est. Alioqui ipsa vitę diuersitas citò vestram dirimet societatem: & vbi dissimilis intercesserit voluntas, conuictus concors esse non poterit. In Prouerbiis dicitur: Noli esse amicus homini iracundo, neque ambules cum viro furioso, ne fortē discas semitas eius, & sumas scandalum animæ tuæ. Nō hoc præcipitur, ne benè illi optes, & si poteris, facias, sed ne illo familiariter vtaris. Iracūduus enim is est, qui facile ac leuissima de causa irascitur. Est aut̃ difficile sē per irascenti atque insultanti non aliquando irasci, & contra furem non indignari, & ex indignatione nō peccare. Ita superbo etiam si comes fueris, arrogans elatusque euades, testatur hoc Ecclesiastic⁹, dicēs: Qui tetigerit piscem, inquinabitur ab ea: & qui communicauerit superbo, induet superbiam. Cum enim hominis ingeniū ad vitia magis quàm ad virtutes procliue sit, magis verendum est, ne vir bonus malo adhærens corrumpatur, quàm sperandum vt malus æmulatione boni mores emendet. Quamobrem Apostolus diuersis vitiis inquinatos in vnum colligens, ait. Si is qui frater nominatur inter vos, est fornicator, aut avarus, aut idolis seruiens, aut maledicus, aut ebriosus, aut rapax, cum

Mat. 18.

Prouer. 22.

Eccl. 13.

1. Cor. 5.

huiusmodi nec cibum quidem sumite. Sciebat enim quia iuxta fornicationem periclitetur castitas, iuxta auarum liberalitas, iuxta idololatram religio, iuxta maledicum patientia, iuxta ebriosum temperantia, iuxta rapacem alieni abstinentia, & non esse tutum probo viro cum iniquis commorari. Ingemiscit Isaias & angitur animo vehementer, quod habitaret in medio populi labia polluta habentis, seque ex eo labia sua polluisse confitetur atque foedasse. Et si sanctus propheta viuendo inter iniquos detrimentum sentit, quis est tantæ constantiæ, vt cum flagitiosis conuersando lapsum non timeat? Vis nosse quia scelestis & prophanis hominibus iungi displiceat ipsi deo. Iosaphat regis Iudæ naues tempestate fractæ sunt, deo indignante, quod in sortem earum admisisset Ochoziam impiissimum Samariæ regem. Id quidem hac ipsa de causa Eliezer filius Dodau de Maressa prædixerat futurum. Iterum requisitus Iosaphat noluit iungi illi, satis damno suo edoctus viride lignum arido applicatum simul comburi solere, & temerarium esse rursus committere, quod iam apertè intellexerat deo non placere. Magi Christum natum piè quærentes cum fortè ad Herodem diuertissent, syderei luminis ducatum amiserunt, & tenebras patiuntur quàm diu cum illo teterrimæ mentis homine manent. Faceffat igitur pessimus quisque à confortio tuo, ne cum illo manendo inquineris, ne illū frustra docendo operam perdas, ne illi adhærendo deum offendas. Mulierum conuersatio & castitatem professis est vitanda, dicente in Prouerbiis Salomone. Lōge fac ab ea viā tuam, & ne appropinques foribus domus eius. Quod si multi aspectu illius, multi colloquio semel inito, multi ipsa visæ formæ cogitatione irretiti sunt, nōne maius periculum imminet, vbi propius affidetur, frequentius verba miscentur vbi ridetur, vbi crebra congressio mutue quoque tactionis fecit licentiam? de hoc

hoc plenius suo loco differemus, restat videndum cū ab
his discefferimus, ad quos accedere, cum quibus nos fre-
quentes esse nobis proderit.

De consortio habendo.

Cap.

26.

SI fortē ille quo die familiariter vsus es, à via virtu-
tis declinauit, retrorsum abiit, & sæpe admonitus
redire noluerit, dimitte eum, & membrum quod
te scandalizat, abscede atque à te proiice: melius enim
tibi est sine illo ingredi regnum dei, quàm cū illo mit-
ti in gehennam. Dimitte igitur mortuos sepelire
mortuos suos, tu **CHRISTVM** qui vita est seque-
re, & viuas & æternæ mortis expers efficiare. Quod si
adhuc illi se vltro ingerunt tibi, tu auersus cum Psalmi-
sta exclama: Discedite à me omnes qui operamini ini-
quitatem, declinate à me maligni, & scrutabor man-
data dei mei. Nisi enim à turba hominum semoti fue-
rimus, libere deum cōtemplari nequimus, quanto ma-
gis impedimento erunt iniqui, si ab iis non fugerimus
Quorum consuetudini idem propheta se penitus renū-
ciaſſe gloriatur, cum ait: Non sedi cum concilio vani-
tatis, & cum iniqua gerentibus non introibo, odiui ec-
clesiam malignantium, & cum impiis non sedebo. Ita
ergo hominibus vtendum est, vt pomis, donec recentia
& integra permanent, grata sunt, & gustui seruantur,
cum autem corrupta & Marcida fuerint, proiiciuntur.
quia neque gustum delectare queunt, neque odoratum.
Propheta igitur malorum consortio refutato, quos adi-
turus, cum quibus concessurus sit, continuò declarat di-
cens: Lauabo inter innocentes manus meas, & circun-
dabo altare tuum domine. Quid est illud, nisi quod idē
præcepit & ait: Cum sancto sanctus eris, & cum inno-

Psal. 5.

Psal. 118.

Psal. 21.

Psal. 17.

oris aspectus, & vite totius tenor oculis expositus ac manifestus. Miranda, siquidem plurimorum gesta audimus, nonnulla tamen, quia difficilia factu ardua que videntur, suspensio animo accipimus, vix fidem adhibentes relationi alienæ, de his autem que oculis intuemur, quæ præsentibus inspicimus, dubitare non est, neque ambigere, aut cuius testimonio credemus, si nostro contenti non fuerimus. Cum igitur nihil certius esse possit, quod ipsi coram audiuiamus, coramque spectauimus, nihil etiam magis ad capefcendas virtutes nobis proderit, quam semper, si fieri potest, cum sanctissimis viris & colloqui & conuersari. In illis enim cernendo non dissimilia iis quæ de aliis legimus, cum firmiter quæ à scriptoribus tradita sunt, credemus, tum ardentius quæ à nobis visa, cognitaque fuere, imitabimur, considerantes quàm munificus, quàm benignus dominus noster sit, qui mira quæque operandi confert gratiam credentibus in se ac sperantibus. Nisi enim ille bona cuncta suppedicaret, ad tantam sanctitatis perfectionem hominis imbecillitas nunquam peruenisset.

De paupertate colenda.

Cap. 27.

Sed gratiam istam accipere non merentur mundi diuitiarumque amatores. Vt igitur & sanctorum virorum consortio digni simus, & ipsos imitandi donetur nobis facultas, victu tantum necessario contenti, Christo seruiamus. Magni animi est caduca contemnere, & ea quæ stabilia æternaque sunt sectari. Si Christi discipuli fieri cupimus, meminerimus quod non de diuitum turba sibi discipulos elegit dominus, sed de pauperum grege & egenorum. Petrus, Andreas, Iohannes, Iacobus, piscatione victum sibi quærebant,

R. iiii. relictis

tuus, nec suum quo conderetur sepulchrum. Quod si omnium dominus in tanta rerum egestate in hoc seculo viuere voluit, pudeant sacerdotes, erubescant episcopi, amplas sibi edes construere, cumulandis pecuniis operam impendere, vestibus pretiosis renitere, omnibus denique mundi deliciis diffuere, & se Christi seruos profiteri. Non tales elegit Christus, non talia precepit, nec talem semetipsum exhibuit.

De diuitiarum confidentia.

Cap.

23.

Ecclesiæ cura nobis commissa est, inquit: vt ego ipsa ecclesia ab aduersariorum iniuria tuta sit necessarium est nos opibus viribusque pollere. Quasi verò infirmata sit dextra excelsi, & eam ecclesiam quam labore pauperum fundauit & auxit, perfidio pauperum tueri nequeat, seruare non possit? Dicant igitur cum populus Christianus multo grauioribus persecutiones pateretur, quam modo patitur, quia tunc antistiti eius diues erat? quis arma tractabat? quis vim viribus repellebat? Cædebantur quidem Christiani, sed Christi religio perire non poterat. Quinimò quanto magis infideles tyranni sauebant, tanto mirabilius credentium numerus augebatur. Creuit ergo Christi ecclesia; non diuitiis, non potentia hominum defensa, sed sola vt diuina protecta, & nunc seruari non poterit, nisi opulenti fuerint, nisi locupletes atque potentes extiterint, qui ei præsunt? Quid est autem quod propheta clamat: Omnia ossa mea dicent: Domine, quis similis tibi, eripiens inopem de manu fortiorum, egenum & pauperem a diripientibus eum? Igitur non in pecunia, non in viribus potentia humanæ, sed in domino confidite. Quod si ei seruiendo perituras opes, vt debetis, contempseritis, oibus inimicis vestris fortiores eritis, illo qui oia potest, protegente ac tuente. Si vobis cura erit, con-

Psal. 34.

tinent-

tinentius viuere, mandata dei perficere, ecclesiæ opes
 non in vestrum vsum conuertere, sed indigentibus di-
 stribuere, aut defendet vos dominus ab infidelium vio-
 lentia, aut non defendet, si defendet, tuti eritis, si non
 defendet, p̄ patientiā martyrij à domino coronabimi-
 ni, & ecclesia dei gloriosius edificabitur in cœlo, quàm
 permanet in terris. Neque enim lapidei parietes isti,
 vel prædia, vel vrbes vel prouinciæ, vel regna ecclesia
 dei sunt, sed ipsa Christum credentium atque confitē-
 tium congregatio, quæ cū de terra tollitur, in cœlum
 transfertur, vt quæ inter mundi turbines fideliter mi-
 litauit, iam supra mūdum secura triumphet, & omni
 terrena potestate sublimior dicat: Super inimicos me-
 os despexit oculus meus, Sacerdotis arma, sanctæ ora-
 tiones sunt, Vos itaque cum Mose & Aarone orate in
 monte, & victu necessario contenti, cætera cedite ino-
 pi, viduæ, pupillo, miserorum sepulturæ, captiuorum
 redemptioni, oppressorum tutelæ, pietatis operibus, p̄
 pugnatoribus quoque ac ducibus militiæ Christianæ,
 vt comparatis plurium virib⁹ hostili impietati forti⁹
 resistant: & illi quidem non in se, sed in deo confiden-
 do, vestrisque precibus adiuti vincent. Quandiu his cō-
 traria agitis, Ecclesiam quoque pati contraria ne-
 cesse est. Quæ quoniam vobis commendata est, san-
 guis eius de manibus vestris requiretur: quia non quo-
 modo Christus, neque quomodo Apostoli pro illa sta-
 tis, sed qualiter vestra vobis persuadet libido: non vt o-
 portet viuendo, sed potius vt delectat. Latos agros, re-
 gias domos, tyriantinas vestes; auream argenteamque
 supellectilem, phaleratos equos, venaticos canes, no-
 biles seruos vultis possidere, non vt Christi discipulos
 decet, sed terræ dominos & ea rerum copia, quæ nec ve-
 teri, nec noua lege conceditur vobis, abundare. Nam cū
 populus Israēl ad terram promissionis translatus esset
 per singulas tribus diuidendam, sacerdotali tribui est à
 domino

Psal. 115.

Nume. 18.

domino dictum: In terra eorum nihil possidebitis, nec Mat. 10.
 habebitis partem inter eos. Ego pars & hæreditas vestra in medio filiorum Israël. Possessionem itaque non sunt sortiti sacerdotes, sed tantum decimas ac primitias quibus sustentarentur, & loca in quibus habitaret, habebant. Nouis verò, id est, Christi discipulis, dicitur: Nolite possidere aurum, neque argētum, neque pecuniam in zonis vestris. & Qui renuntiauerit omnibus Lucæ. 14.
 quæ habet, nō potest esse me^o discipulus. & Qui vult venire post me, abneget semetipsum, & sequatur me. & Si Mat. 16.
 vis perfectus esse, vende omnia quæ habes, & da pauperibus, & habebis thesaurum in cœlo, & veni sequere me, nihil terrenum promittitur sacerdotibus, Mat. 19.
 vt cœlestia tantum affectent, de cœlestibus prædicent, & portionem in cœlo consequantur, qui in terra diuitias habere noluerunt. Quare ergo ecclesiæ agri, villæ, vici, vrbes donatæ sunt, & sacerdotibus episcopisque distributæ? Certè non vt in his ipsi luxuriarentur, sed egenos pascant: non vt sibi nummos inde congregent, sed vt inopum turbæ dispensent, vt miserorū necessitati succurrant, & stipendia quoque militibus ministrent, qui pro religione, pro fide, pro iustitia cōtra infideles decertāt. Ecclesiæ igitur bona pauperū sūt, quorum sacerdos non possessor, præter vitæ necessaria sed dispensator est. Qui autem dispensat, fideliter dispenset, & audiat Apostolum dicentem: Habentes alimenta & quibus tegamur, his contenti simus, nam qui 1. Tim. 6.
 volunt diuites fieri, incidunt in tentationem & in laqueū diaboli & desideria multa inutilia & nociua, quæ mergunt homines in interitum & in perditionem. Rā dix enim omnium malorum est cupiditas, quam quidā appetentes errauerunt à fide, & inseruerunt se doloribus multis. Tu autem ò homo dei, hæc fuge, ad Timotheū enim scribebat. Qui ergo talia non fugiūt, sed augendi peculij cupidine ducuntur, nō hoīes dei sunt, sed
 mammone

mammonæ serui. Homo dei est, qui cum Christo pauper est, vt in Christo diues sit.

De diuitiarum malo, & paupertatis bono. Cap. 29.

Prouer. 30.

Vidit & Salomon quantum periculi in diuitiis esset, & præcatus est deum, dicens: Mendicitatem & diuitias ne dederis mihi, tribue tantum victui meo necessaria, ne fortè satiatus illiciar ad negandum, & dicam, quis est dominus: aut egestate compulsus fuer, & periurem nomen domini mei. Sed quoniam supra modum locupletatus fuit, in id quod timebat incidit: Diuitiarum copia delinitus, voluptatibus seruiuit, mulierum quas adamauerat, diis tēpla posuit. Et si vir alioqui sapiētissimus sic insaniuit, quis confidit continentem se fore, si diuitiis affluere sibi contigerit? Diuitiæ luxuriam pariunt, luxuria turpis libidinis est mater, turpem autem libidinem dementia comitatur. Diues præterea ad inferādum iniuriam promptus est, ad tolerandam impatiens, inanis gloriæ cupidus, æqualibus inuidens, humiles despiciens, ac proindè aliorū famæ non facilè parcens, opulentiæ ostentator, paupertatis irrisor, ad vitia audax, ad bonum animi tardus. Diuiti quoque multi inuident, plurimi insidiantur & spoliis eius ditari cupiunt. Sed quamuis nemo insidietur, ille tamen metuit domi fures, foris latrones & cibum illi pariter suspectus est & somnus: nec min⁹ interdum animi sollicitudinibus quam fortunis abundat. Pauper verò vbique tutus est, vbique securus. Capta Hierosolyma Nabuchodonosor Chaldæorum rex omnia transtulisse Babylonem dicitur, solos pauperes reliquisse ne ignores paupertatem etiam inter hostes quādoque manere illasam, nec frustra esse dictum. Paupe-

4. Regū. 14.
Ierem. 9.

Isaia. 14.

res

res fiducia' iter requiescent. Idē submissius supplicant Eccl. 31.
 efficacius exaudiuntur, iuxta illud: Deprecatio paupe- Psal. 68.
 ris vsque ad aures perueniet, & illud in Psalmo, Exau-
 diuit pauperes dominus, & vinctos suos non despexit.
 Quorum autem exauditur oratio, iis pro breui inopia,
 æterna tribuitur beatitudo, dicente domino: Beati pau-
 peres spiritu, quoniam ipsorum est regnum cœlorum.
 & Beati qui nunc esuriētis, quoniam saturabimini, de
 diuitibus verò econtrario est dictum, quod facilius trā-
 sibat camelus per foramen acus, quā diues ascendet
 ad regnum cœlorum. Cui sententiæ & illud euangeli-
 cum congruit, Esurientes impleuit bonis, & diuites di-
 misit inanes. Quid enim illo homine magis vanum, di-
 uitiis, quas mox vita decedens relinquere cogitur, diu-
 se fruiturum sperauit? aut quid felicius illo, cui propter
 renorum contemptu bona compēfantur cœlestia? Ideo
 piissimus Tobias filium consolabatur dicens: Noli ti-
 mere fili mi, pauperem quidem vitā gerimus, sed multa
 bona habebimus, si timuerimus deum, & recesserim-
 us ab omni peccato, & fecerimus bene. Melius est igitur
 (vt Psalmista ait) modicum iusto super diuitias pec-
 catorum multas. Et Salomon in prouerbiis: Melius est
 parum cū timore domini quā thesauri magni & in-
 satiabiles. Nam qui in humilitate sanctam colit pau-
 pertatem, postea in paradysum translatus exaltatur in
 gloria. Quoniam deus suscitāt à terra inopē, & de ster-
 core erigit pauperem, vt collocet eum cum principi-
 bus, cum principibus populi sui, hoc propheta in psal-
 mo ait, quod in alio affirmat dicens, Iudicabit domi-
 nus pauperes populi, & saluos faciet filios pauperū. Par
 cet (inquit) pauperi & inopi, & animas pauperum sal-
 uas faciet. Et iterum alio loco, Pauper & inops lauda-
 bunt nomen tuum, Ne cui tamen fraudi sit, de paupe-
 re humili, iusto deumque timente ac spontaneo ista p̄-
 dicantur, nō de illo qui inuitus indiget & indignatur,
 & in-

Tob. 4.

Psal. 36.
Prouer. 15.

Psal. 112.

Psal. 73.
Psal. 23.

veterum nouorumque nobis euenta confirmant. Israëliticus populus cum esuriret, māna de cœlo nutritus est, cum sitiret, aquam de petra repentē manantem bibit. Agar cum puero eiecta in solitudine angeli inditione sitī periret, aquam inuenit. Sampsoni sitienti de maxillæ asinæ molari aqua effluxit, Elias cum hominum subsidia non haberet, à coruis pascitur, & viduæ quæ se filiosque suos defraudans panem prophetæ porrexerat, hydria farinæ non defecit, nec lecythus olei fuit immixtus. Idem propheta qui fuit Elias Thesbite, cum Iezabelem fugeret, & fame siti que fatigatus mori optaret, somno experrectus, reperit ad caput subcinericiū panem & vas aquæ, & refocillatus est. Idem viginti panibus hordeaceis centum viros deo præstante satiauit, ita vt etiam superesset. Daniel morti addictus, & in lacu leonum conclusus allato mirabiliter prandio reficitur, & inter ferocissimas bestias manet securus. Dominus noster Iesus Christus, sine quo factū est nihil, quinque panibus & duobus pisciculis in deserto quinq; milia virorum exceptis mulieribus ac paruulis reddidit saturata, & reliquæ collectæ duodecim cophinos impleuerunt. Iterum pari miraculo quatuor milia hominum præter paruulos & mulieres panibus tantum septem memoratur satiassē, fecisseque vt satiatis septem fragmentorum sportæ superessent. Discipulos ergo inter nauigandum anxiosque panes ferre secum obliti essent, iusta correptione incessit, dicens: Quid cogitatis inter vos modicæ fidei quia panes non habetis, nōdum intelligitis neque recordamini quinque panum & quinque milium hominum, & quot cophinos sumpstistis? neque septem panum & quatuor milium hominum, & quot sportas sumpstistis? Vtque nobis constaret, nihil omnino quod necessarium sit, seruus CHRISTI defuturum, alias ab eodem interrogati illi, cum ad prædicandum missi essent sine sacculo,

Agar.

Sampson.

Elias.

Vidua.

Elias.

Daniel.

Mat. 14.

Lucæ. 21.

do crescant, quali colore tegantur, & si, inquit, fœnum agri, quod hodie est, & cras in clibanum mittitur, deus sic vestit, quanto magis vos modicæ fidei? Vnde ipse deus veluti non habens quorum iustius curam gerat, quàm eorum qui sibi in paupertate famulantur, in Isaia ait: Ad quem respiciam nisi ad pauperculum & contritum spiritu, & tremementem sermones meos. Hinc illa Psalmistæ adhortatio est: Timete dominum omnes sancti eius, quoniam nihil deest timentibus eum; diuites eguerunt & esurierunt, inquirentes autem dominum non minuentur omni bono. Quæris quomodo diuites eguerunt? Ille qui purpura induebatur, qui lautè opipareq; cœnitabat, in inferno sepultus, gutta vna aquæ indiguit. Rursum quæris quo pacto pauperculi deo seruientes bonorum compotes fiant? Lazarus mendicus erat, ulcerosus, esuriensque micæ illas, quæ de diuitis mensa cadebant, translatus autem in sinum Abrahæ in locum beatorum omni bono cœpit abundare. Quis vtriusque sine perspecto non dixerit, & illius infelicissimas diuitias, & huius infelicissimam mendicitatem? Brevis est præsentis paupertatis toleratio, futuræ verò remunerationis hubertas perpetua est & perennis, quod testatur Iacobus Apostolus, dicēs: Nōne deus elegit pauperes in hoc mundo, diuites in fide, & hæredes regni? Ne quem igitur dum domino seruit, paupertatis grauent angustia; cogitet quàm grande beneficium sit ab ipso eligi, fide ditari, & cœlestis regni fieri hæredem.

Isaia. 69.

Psalm. 118.

Iacobi. 2.

LIBRI III. FINIS.

S

EVAN-

Qui amat patrem aut matrem plus quàm me, non est me dignus, & qui amat filium aut filiam plus quàm me, non est me dignus. Ex tota autem anima deum diligimus, cū ne vitę quidem nostrę parcimus, dum ei obsequimur nihil timendo eos qui corpus occidunt, sed illum potius, qui & corpus & animam potest mittere in gehennam, cum ipse dicat: Qui perdiderit animam suā propter me, inueniet eam. Hoc quidem sancti præstiterunt martyres, qui temporalem vitam pro Christo offerentes, accipere meruerūt æternam. Ex tota verò mēte deum diligimus quando fide certissima, quicquid de deo sancta sentit ecclesia complectimur, & cuncta quę vel animo voluimus, vel opere implemus, ad ipsius cultum atque honorem dirigimus, nec quicquam omittimus, quantum in nobis est, quod eius dilectionem referri possit. Diligamus ergo dominum deum nostrum toto corde, ne quid illo charius habeamus, tota anima, ne pro illius nomine corporis tormenta mortemq; ipsam, si casus inciderit, aut quicquam formidemus: tota mente, vt omnis nostra cogitatio omnisque actio ad vnum finem tendat, placendi videlicet deo, eiusque conspectu perpetuò perenniterque fruendi. Super hoc triplici proposito fundata charitas nō ineptè fortasse sub illo contineri videtur fermento, quod acceptum mulier, anima deo dedita abscondit in farinæ satis tribus, hoc est, in corde, in anima, in mente, donec fermentetur totum, donec ipsa tota in charitatem conuersa, & quod fide tenebat, & quod spe præstolabatur, hoc in deo, quę super omnia dilexit atque coluit, iā possideat, & bono incommutabili quod possederit, feliciter perfruatur. Isto charitatis genere dilexit Christum suum Petrus, quando concupiuit cum illo habitare in monte quando viso Iesu super quas ambulante de nauis defiliēs, ad illū ire cōtēdit solus, reliquis in nauis residētibus, admirātibusq; hominis audaciam nihil metuētis,

Lucæ. 13.

Petrus.

nisi cum mergi cœpisset, quando ei de sua cruce prædicenti respōdit. Et si me oportuerit mori tecū, nō te negabo. Tametsi præstare nequiverit quod promiserat, promisit tamen tanquam præstaturus, & certè præstasset, si non suæ imbecillitati, se dei virtuti confidens promississet. Quando præterea Christo dño servis suis pedes lauanti, indignum ratus vt dei filius ad tantam descenderet humilitatem, respondit: Non lauabis mihi pedes in æternum. Postquam tamen audiuit, se non habiturum partem cum illo, nisi ab eodem lauari permetteret, continuò mutata sententia, domine, inquit, non tantum pedes, sed manus & caput, vsque adeò expauit, ne ab eo separaretur, quem totis animi affectibus diligebat. Quando etiam stans pro domino solus aduersus armatam cohortem strinxit gladium, percussitq; principis seruum, plures forsitan percussurus, donec inter multorum arma & ipse concideret, nisi furentis animū eiusdem domini iussa repressissent. Post resurrectionē quoque eius gloriosam, cum de naui illum in littore stātem agnouisset, non expectauit donec remigādo ad terram perueniret, sed omnis morē impatiens misit se in mare, vadoque percurrrens primus omnium illi se coniūxit. Cæteri enim post eum nauigio applicuisse dicuntur. Et quoniam semper præcipui erga dominum suum amoris ardore flagrauit, dignus iudicatus est, cui cura dominici gregis committeretur. Atque vt charitatis merito id sibi tribui intelligeret, interrogatur à domino an ipsum amaret, & affirmanti statim dicitur, vt eius quem se amare confessus est, oues custodiret, ecclesiasticique pastoris officio fungeretur. Ter rogatus, ter se eum quem negauerat, diligere respōdit, & trina charitatis confessio, trina negationis crimen deleuit, atq; ipsum confitentem, vt cæteris præset, dignum reddit. Sunt & alia in Euangelio amoris eius argumenta, quæ consulto prætereo ne prolixior, sim. Illud tantum

c o m m e m o -

commemorabimus, quod ei cum aliis fuit commune. Omnes quippe Apostoli, omnibus quæ habebant relictis, secuti sunt dominum, magis eligentes in paupertate cum Christo viuere, quàm in diuitiis cum hoc mundo, & persecutiones & verbera & necem cum illo sustinere, quàm cum terræ regibus honorari, cum semel gustassent, quàm suavis, quàm dulcis est dominus animæ quærenti eum. Sed nec mulierum illarum modica charitas fuit, quæ cū animo tum corpore eum secutæ, de propriis facultatibus (vt euangelista ait) ministrabant ei, & sicut egentem sua ope sustentabant, ita in patibulo pendenti lachrymas lamenta quæ obtulerunt, sepultū quoque cum aromatibus quæsierunt, nihil omittentes quod singularis erga amatum dilectio videbatur exigere. Nec solum officiosas, verum etiam audaces amor fecerat. profectæ enī vt corpus vngerēt in sepultura, neque noctis tenebras, neque sepultura chori custodes timuerunt, Quod si hæc vt in sepulchro tunc iacentem honorarent, omne contempserunt periculum, quantum culpandi sunt illi, qui dum aliquid tale metuūt, iam in cœlo regnantem offendere non formidant? Eandem animi magnitudinem pro eius amore præstitit Ioseph, qui de sepeliendo corpore anxius, non est veritus illud à Pilato poscere, & concessū tollere, & syndone inuolutum in nouo condere monumento. Hunc in amore audacia, Nicodemum commendat liberalitas. Mixturam ad corpus vngendum myrrhæ & aloes attulisse fertur, quasi libras centum. Non pepercit impensæ, dum suo erga dominum satisfacere nititur affectui. Hi ergo cū in finem vsque Christum suum dilexissent, ostenderūt perseuerantia opus esse in amando. Perseuerauit Maria ad monumentum plorans, & prima resurgentis domini gloriam videre meruit: & quia proposuerat, nisi inuentō dilecti corpore, inde non recedere, digna fuit cum reuiuiscēte priusquam ceteri colloqui, & tam

Sanctæ
mulieres,

Marci. 15.
Matt. 28.

Mat. 27.
Nicodemus

Ioan. 15.

Luc. 7.

admirandæ eius resurrectionis nuntia fieri. Hanc charitatis continuationem ipse etiam dominus præcepit discipulis, dicens: Manete in dilectione mea. Et qua ratione in illa permanere queant, docet subiungens. Si præcepta mea seruaueritis, manebitis in dilectione mea. Quisquis ergo se dei sui amatorem profitetur, & mandatis eius non obtemperat, mendax est, cum libera mædatorum obedientia, veri in deum amoris indicium sit. Quanto autem vsui nobis existat ista charitas testis est peccatrix illa, de qua dictum est. Remittuntur ei peccata multa, quia dilexit multum, testes sunt discipuli, quibus dominus dixit, Ipse pater amat vos, quia vos me amastis. Amādo igitur & à peccatis absoluihur, & deo chari efficihur, non ea charitate qua etiam improbos diligere dicitur vt creator, sed qua electos duntaxat amplectitur vt saluator. Hæc de charitate quam deo debemus, dicta sint satis, si quicquam de illa satis dici queat, sine qua nihil est salutare, nihil sanctum, nunc in proximo amoris officia pensemus.

De charitate erga proximum.

Cap.

2.

Mat. 22.

Secundum charitatis mandatum superiori simile esse dixit dominus: Dilige proximum tuum sicut teipsum. Homo ad imaginē & similitudinē dei factus est, non ad æqualitatem. Ideo simili charitate & nō pari est prosequendus. Fieri enim non potest vt creatori æquiparetur creatura, & finitum idem sit cum infinito. Deum ergo dilige plus q̄ teipsū: hominē sicut teipsum. Tunc autem teipsum diligis, cū illa agis quæ tibi ratio suggerit, non quæ voluptas blāditur: hoc est, cum viam illam arctam quæ ducit ad salutem ingrederis, nō illā latam, quæ ad præcipitium tendit perditionis. Quod si sic aliis quoque agere, sicque incedere optas,

optas, & quantum in te est compellis, veræ dilectionis præceptum obseruasti, æquè ac te ipsum proximos tuos amando. Qui verò luxuriæ deditus, perniciosas mortiferasq; sequitur voluptates, atque ad eas vsurpandas ceteros hortatur, certum est ab illo neque se quidem ipsum diligere, neque proximū suum. Hic nempe se ipsum non modo non diligit, sed etiam odit maximè cum nemo ei capitalior hostis sit quàm ipse sibi, quādiu vitiis malèque animi libidini seruit. Quid enim magis noxiū esse potest homini quàm peccatū, per quod & summū bonū amittitur & ad summū malum peruenitur? Vera est igitur illa charitas, qua tū nos ipsos tū p̄ximos nostros ita amamus, vt & p̄ctā caueantur, & colatur virtus, ac simul iuuetur proximus, & honoretur de°. Oportet itaque finem esse bonū quò dirigatur charitas, qui si malus fuerit, quicquid vel sibi vel amico blanditus egeris, non charitas est, sed sub charitatis persona latens exitiale odium. A quo quidem discipulos suos cauere volens dominus ait: Mandatum nouum do vobis, vt diligatis inuicem, sicut dilexi vos. Igitur sicut Christus dominus nos diligit, ita & nos diligamus nos ipsos, proximosque nostros, non ad pompam, non ad honores, non ad delicias neque ad opes cumulandas, sed ad carum rerum exercitationem atque cultum, quibus æternum cœlestēque bonum comparatur. In hoc, inquit, cognoscent omnes quia discipuli mei estis, si dilectionem habueritis ad inuicem. Nō ergo loqui linguis, neque prophetare, neq; nosse mysteria, neque habere fidem, neq; bona pauperib⁹ erogare, neq; postremò corpus tradere vt ardeat, discipulum Christi probant, sed sola ista talis, qualē debere esse dixim⁹ dilectio. Quā vt auidius capiamus, iterum idem dominus superiorē sententiā repetit, dicens: Hoc est præceptum meum, vt diligatis inuicem sicut dilexi vos. Et sequitur; Maiorē hac dilectionem nemo habet, quā vt animā suā quis

Iohan. 13.

Iohā. 13.

ponat pro amicis suis. Deinde paulò post : Hæc mando
(inquit) vobis vt diligatis inuicem per hoc quod præ-
cipiendo replicat sæpius de dilectione, maiore studio &
diligentiore cura sequendam esse demonstrat. Quic-
quid enim magis persuadere cupimus hoc crebrius au-
ditorum auribus inculcamus. Maximam autem chari-
tatem illam dixit, quæ ne vitæ quidem nostræ parcere
nos hortatur dū consultū volumus proximorum salu-
ti. Et certè præferendum est cuiusque hominis animæ
perenne bonum, caduco ac transitorio vitæ nostræ bo-
no. Exempli gratia: Sæuiente in Christianos persecu-
tione aliquis tormentorum necisq; metu videtur Chri-
stum negaturus, tunc tu debes animum eius in spem vi-
tæ, melioris erigere, nec pati, vt te tacente & mortis vi-
tante periculum ille separetur à Christo, iungaturque
diabolo, & in æternum pereat. Mori tibi multo magis
expedit, ne frater tuus in tartarū corruat, quàm viue-
re, & ei in tanto animæ periculo fluctuanti non succur-
risse. Quod nisi ita affectus erga proximum tuum fue-
ris, præceptum (vt ego reor) non implesti charitatis.
Quomodo enim alterum diligis sicut teipsum, si tibi
parcis & illum perire permittis, cum præsertim patien-
do pro domino & te & illum saluare possis, & cum
illo ad martyrij coronam peruenire? Domini pro ser-
uis passus est, & tu pro fratre tuo pati recusasti? Sto-
lique sententiæ resistis, dicentis: Christus pro vobis pas-
sus est, vobis relinquens exemplum, vt sequamur vesti-
gia eius, sed memento quia sicut dictum est, nullam esse
maiorē charitatem erga proximum quàm pro illo
animam, id est, vitam istam ponere, ita maioris chari-
tatis maius esse meritum & apud dilectionis remune-
ratorem deum excellentius præmium. Vnde saluator
noster notum esse volens, quare mulieri peccatrici mul-
ta dimisisset peccata, causam intulit & ait, Quia dile-
xit multum, simulque subiunxit, Cui autem minus di-
mittitur

mittitur minus diligit. Cæterum in omni vitæ necessitate ordo tenendus est indigentibus subueniendi. In rerum pari inopia, propinquiore prius opem feras, quàm min⁹, propinquis, & domesticis quàm extraneis, & fidelibus quàm infidelibus, & bonis denique quàm malis. Iesus enim dominus noster ante se à pastoribus qui in Iudæa erant quàm ab alienigenis adorari voluit, & ante in Nazareth, vbi nutritus & educatus fuerat, Isaia prophetiam recitando se manifestum fecit quàm Hierosolymis, & ante Iudæosea quæ fidei sunt docere studuit, quàm alienigenas nationes. Quam quidem re postea apostoli quoque ipsi confessi sunt, ad illos dicentes: Vobis oportuit primum prædicare regnum dei, sed quia indignos eo vos fecistis, ecce conuertimur ad gentes. Itaque in distribuendis ex charitate rebus in eos qui pariter indigent, ratio aliqua ducenda erit cognitionis, conditionis, religionis ac bonitatis, & hoc quoties opuserit vel docere ignaros vel corripere delinquentes, vel exhortari pigros, vel consolari afflictos, vel tolerare iniuriosos, vel etiam pro persecutoribus orare. Item cum oportebit pascere esurientes, potare sitiētes, inuisere infirmos, suscipere peregrinos, tegere nudos, redimere captiuos, & funerare defunctos, Atq; hæc ferè sunt charitatis pietatisque officia lucis æternæ mercede compensanda, nisi fortè aliquo inanis iactantiæ fumo infecta fuerint atque obscurata: de quibus singulis erit suo loco differendum. Interim autem etiam inimicos amare à domino discamus.

Eleemosynæ
distribuēda
ratio.

Actu. 13.

De charitate erga inimicos.

Cap.

3.

Diligite (inquit) inimicos vestros, benefacite iis qui oderunt vos, & orate pro persequentibus & calūniantibus vos. Quoniam tribus quidem modis

Mat. 5.

ab

ab aduersariis nostris offendimur, his iisdem vt illis p-
pitiemus iubemur, hoc est, corde, opere, & ore. Illi in
corde odium seruant, tu retine dilectionem: illi opere
lædunt, tu beneficiis contende: illi ore detrahunt, con-
uitiantur, maledicūt, tu pro eis vt sese corrigant, & cor-
recti saluentur deprecare, sequitur enim: vt sitis filij pa-
tris vestri qui in cœlis est, qui solem suum facit oriri su-
per bonos & malos, & pluit super iustos & iniustos. Vi-
de quanta est huiusce dilectiōis merces, bonum pro ma-
lo reddēdo filij dei efficimur, deoq; similes reddimur,
Ille solis pluuiæque beneficium, hoc est, temporalium
bonorum vsum, tam malis q̃ bonis communem esse vo-
luit: vt tu & charitatem tuam sicut cum amicis: ita &
cum inimicis communices, omnibus prodesse, nulli no-
cere cupiens. Quod autem inter amicorum inimicorū-
que dilectionē intersit, declarat, dicens: Si enim diligi-
tis eos qui vos diligunt, quā mercedē habebitis? nōne &
publicani hoc faciūt? Et si salutaueritis fratres vestros
tantū, quid āplius facitis? nonne & Ethnici hoc faciūt?
Amare quippe amantem naturæ lex est: amare verò ini-
micū, filiorū dei propriū est & sectatorū Christi. Quā-
obrem concludens ait: Estote ergo vos perfecti, sicut &
pater vester cœlestis perfectus est. Sicut ille perfectus
est secundum immensitatem diuinæ naturæ, ita & vos
estote perfecti iuxta mensuram atque prauitatem natu-
ræ vestræ humanæ, sed nemo in se confidat, vnusquisq;
imbecillitatis suę memor, ad illum qui solus potest om-
nia, confugiat & ab ipso gratiam postulet, sine qua pfe-
cti esse non possumus. Porro quemadmodum superius
diximus, proximum esse diligendum, eodē finē & ini-
micus erit diligendus. Id enim ei potissimē optandum
cēseo, id p̃standū, ex quo ab iniuria cessando melior fo-
re speratur, & correctis tandem moribus creditur sa-
lutem consecuturus. Cæterū si illum qui tibi infens⁹
est, tam peruersi inhumani⁹que ingenij esse nō ignoras,

vt cum ei benefeceris, magis aduersum te insoleſcat, cū
 ſubmiſſè comiterque reſpōderis, magis irritetur, huic
 tali præſtabis beneficium, ſi à beneficiis ceſſaris, ſi à mi-
 tibus reſponſis deſti teris, ſi tacueris, ſi denique furentē
 tacitus præterieris atque receſſeris ea duntaxat de cau-
 ſa, vt ille minus culpabilis ſit, cū ſæuierit minus. Quòd
 ſi fortè ideò inflatur ſuperbia, quia diuitiis abundat,
 quia viribus præſtat, quia rerum proſperitatibus frui-
 tur, ac propterea melioribus inuidet, multos contem-
 nit, nec paucos afficit iniuria, haud equidem illicitum
 reor, optare ei aliquam opum iacturam, corporis debi-
 litatem, fortunæ minus ex ſententia fluentis iniuriam,
 vt elati animi vulnus, quod lenibus medicamentis ſup-
 puratur, aſperioribus curetur. Videndum tamen, ne dū
 talia imprecaris illi, à quo mali aliquid ſuſtines, odiū
 vel inuidia te moueat, ſed ſola prouocet charitas, qua
 inimicum tuum meliorem effici cupias non miſeriorē,
 & emendatum, non afflictum neque hoc propter te, ne
 ille tibi noceat, ſed propter deum, ne deus offendatur,
 & proximum, ne domino ſuo peccādo pereat. Dicit ali-
 quis arduum nimis & difficile eſſe in eos beneuolentiā
 ſeruare, à quibus grauiter offenſus fueris. Difficile qui-
 dem eſſe fatemur, impoſſibile negamus. Hoc fecit Da-
 uid erga Saulem regem, & Abſolonem filium, vtriuſq;
 necem fleuit, cū vterque vitæ eius fuiſſet inſidiatus, &
 alter eidem gloriam militari inuideret, alter regnū.
 Stephanus quoque pro otomartyr pro illis à quibus lapi-
 dabatur orauit. & Paulus de iis qui ipſi infeſti erant.
 Cupio (inquit) anathema fieri à domino pro fratribus
 meis. Ante iſtos dominus noſter Ieſ^{us} Chriſtus eis, à qui-
 bus vt interimeretur comprehenſus fuerat, vſque adeò
 beneficium ſe præſtitit, vt vni eorum abſciſſam auricu-
 lam ſtatim reſtituerit, ſanamque reddiderit, & diſci-
 pulū ſuū qui eam abſciderat, increparit. Denique pro
 illis à quib^{us} vincula, calaphos, flagella, vulnèra, ſel, atq;
 acetum

David.

Stephanus,
Paulus.

acetum passus fuerat, in cruce pendens ignosci petiit, & errorem excusauit: Pater (inquit) ignosce eis quia nesciunt quid faciunt. Talem itaque se inimicis suis exhibuit charitatis magister, quales nos, si perfecti fieri volumus, esse debere præcepit. Non meretur dici eius discipulus, quisquis aliter aduersus inimicum suum animatus fuerit. Ac ne quid excuses, ne quid causeris, non iuberis in homine amare odij crimen, sed dei opus hominem ipsum. Quomodo autem deum diligis, si opus eius perire concupiscis? Quam ergo graue peccatum sit, hominem odisse, hinc iam speculari incipiamus, vt cū cognouerimus quantum hoc cauendum sit, magis ad quenquam amandum animo alliciamur.

De malo odij. Cap. 4.

Opus dei odit, qui hominem odit. Quomodo autem potest deum diligere, qui id quod ab illo factum est valde bonum, non diligit? Porro deum nolle diligere, qui prior dilexit nos, quid est aliud, nisi reprobos imitari spiritus & ab eo à quo conditus es, desciscere atque alienari? Cū ergo is qui homini male optat, conditori eius aduersetur & diabolus sequatur, restat vt cuius mores sequitur, cum eodem supplicia in inferno patiatur. Falluntur illi qui odium suum excusant, dicentes, malos homines deo quoque inuisos esse, iuxta illud: Odiui ecclesiam malignantium, & cum impiis non sedebo. Et illud: Ite maledicti in ignem æternum, & quos deus odit, inquit, cur eosdem & nobis odisse non licet? Non omnia seruo conueniunt, quæ conueniunt domino. Domini interest imperare, seruo obedire, ad dominū ptinet pro scelere punire, ad seruū pati verbera, non inferre. Odiui ecclesiā malignantiū, inquit dominus. Malignitatem hominum odio se habere his verbis testatur, nō homines ipsos. In quos quoque

que eterno igni deputandos ait, vt illi pro reatu puni-
 tur, non vt ipse opus suum damnet, quasi pœniteat eũ
 fecisse quod fecerit. Odio ergo habet deus hominis pec-
 catum, non naturam. Ita & tu in vno homine habes
 alterum quod odisse debeas, alterum quod diligere.
 Plectere autem delinquentes præpositi officium est,
 Inter æquales alteri in alterum nullum ius est nisi
 commiserendi, quod si dereliquerit, commonendi
 ne delinquat: optandi atque orandi, vt post deli-
 ctum pœnitentiam agat, & veniam consequatur, &
 sperandæ salutis gratiam quam peccando amiserat,
 emendando recuperet. Cæterum qui odit hominem,
 tam iniquè de illo deliberat, vt etiam illud quod re-
 ctè probeque agentem viderit, obloquendo infamets
 iniuriæ patientem timidum vocat ecclesię limen terrę
 tem hypocritam appellat, & subditos corripientem
 iracundum esse criminatur, & quod virtuti ascribere
 deberet, hoc ad proxima ei vitia trahere nititur. Ta-
 les erant illi qui de Iohanne neque edente neque biben-
 te, dæmonium ei inesse dixerunt, & de domino edente
 cum aliis ac bibente: Ecce vorator & potator vini &
 publicanorũ amicus. Qui ergo sic odit proximũ suum,
 non Christianus fidelis, sed infidelis phariseus est. Ip-
 si quippe pharisei cum vidissent Christum ægrotos in
 die sabbati curantem, non est, inquiunt, hic homo à
 deo, qui sabbatum non custodit. Cum à dæmonio ve-
 xatos eius ope liberari conspexissent, dixerũt: In Beel-
 zebub principe dæmoniorum eiicit dæmonia. Nolue-
 runt dicere invirtute dei, ne quis illum ex hoc deo cha-
 rum acceptumque esse existimaret, sed reprobum po-
 tius & impium, vt qui non dei auxilium impleret, sed
 prophanis dæmonum inuocationibus vtatur. Quid
 multa? Si cui inimicus fueris, torquebit te inuidia, quo-
 ties alios aliter de illo sentire cognoueris, & non men-
 dacio, non probro, non maledictio abstinebis, atque
 vnum

Mat. II.

De pace publica & priuata.

Cap.

5.

PORRò ipsius charitatis vinculum pax est. Concor-
diter viuant oportet, qui diu inter se amare cupi-
unt, non incongruè igitur de pace colenda nunc
differendum occurrit. Pax quædam publica est, quædã
priuata. Publicam pacem dicimus, cum ab armis fœde-
re intercedente quies est, & nec offensam metuit ciui-
tas, nec offendere externos parat, sed multa status sui trã
quillitate gaudet, ac rebus quas possidet fruitur p quã
iucundè. Cæterum huic tãtæ ciuium quieti subreperẽ
otiiũ solet atque ignauia, exinde luxurię vitia scaturiũt,
quibus corrupti multorum animi, dum externam pa-
cem fouent, domesticam perturbant, & inter se dissi-
de re incipiunt, postquam foris hostem diu non senserũt.
Quod ne tibi contingat summopere erit prouidendũ,
id est, pax quæ prodesse debet ne tibi noceat. Cũ er-
go & prædiorum tuorum prouentus nullo dirripien-
te integer intactusque seruabitur, & ex commercio li-
beræ negotiationis lucri accedet, deo gratias age, &
ea quæ benignè suppeditantur, non ad luxum tibi dari
existima, sed ad exercendæ virtutis occasionem. Quan-
tum personæ ac dignitati conuenit rebus tuis vtere,
quicquid autẽ supereffluere videris, totum ad munifi-
centiam liberalitatemque conuerte, & hoc quod lu-
xuria exigit, quod ambitio exposcit, quod turpis con-
sumere appetit voluptas, incipe pauperibus dilargi-
ri, peregrinos hospitio suscipe, esurientem pascere, nu-
dum operi, ære alieno oppressos redime, subsidia egro-
tantib⁹ mitte, mortuis iusta exolue. Ita tibi pax ista pu-
blica benè ac p̄sperè succedet, dũ copiã præstat inopiæ
subueniendi alienę, deũq; demerendi. Pax aut̄ priuata illa Pax priuata
dici-

dicitur, quæ singulis iungit singulos, ediditque concor-
 des: veluti fuit David & Ionathas, Elias & Elifæus, Pau-
 lus & Barnabas. Hac tu iucundæ frui poteris, si omni-
 bus facilem mitemque te præstabis, si neminem læ-
 des, & omnib⁹ quantū in te est, prodesse studebis, si in-
 iuriam magis pati quàm inferri disces, vt dicere possis:
 Cum his qui oderunt pacem, eram pacificus: si denique
 tecum ipsemet pacem habebis, etiam cum aliis, habe-
 re poteris. Qui enim secum ipse discordat, quomodo
 cum aliis firmam concordiam tenebit? Tecum autem
 pacem habebis, cum repugnantem carnem spiritus im-
 perio subdideris, & concupiscentiæ motum compule-
 xis obedire rationi. Quod cum feceris, tunc demum &
 intra te animi trāquillitate perfrueris, & exterius ne-
 mo tibi erit molestus, quia tu nemini eris iratus ad læ-
 dendum aut mali aliquid optandum. Charitas tamen
 aliquando postulat vt irascamur, & irascendo pacem
 illi queramus, qui peccando offendit. Siquidem irasci
 delinquentibus vt corrigantur, nihil est aliud, nisi eos
 reuocare velle vt & deo cui peccauerunt, reconcilien-
 tur: & bonis omnibus morum synceritate concordent.
 Tunc autem pace cum aliis composita rectē vtimur,
 cum eius finis potissimus est, vt deo placeamus. Nam
 pax quæ deo displicet non pax dicenda est, sed malo-
 rum conspiratio: & odium potius erit eligēdum, quàm
 ad malum consensus. Quoniam & saluator noster cum
 idola vana colentium concordiam discindere pararet,
 non veni, inquit, pacem mittere in terram, sed gladiū,
 veni enim separare hominem aduersum patrem suum,
 & filiam aduersum matrem suam, & nurum aduersum so-
 crum suam, & inimici, hominis domestici eius. Itaque
 multo magis proderit gladius, qui putrida membra à
 sano corpore separet, quàm pax quæ morbidas partes
 fouens, totum corpus corrumpi patiatur. Denique bo-
 num est bellū illud quo dirimitur mala pax. Bonū est,
 inquam,

inquam, cum vno oculo intrare in regnum cœlorum, quàm duos oculos habentem, mitti in gehennam. Oculi qui scandalizat, quē proiici & abiicere iuberis, est amicus vel consanguineus, qui tibi blanditur, vt sibi in vota rei iniquę assensum præbeas, opémve præstes. Expedit autē eiusmodi hominis inuidiam potius pati iniusta non concedendo, quàm concedendo beneuolentiā amplecti. Omnium quippe hominum pasci solius dei pax semper est præferēda, & pro hac vna omnium inimicitia subeunda.

De pace seruorum dei

Cap.

6.

PA X illa dei est, quæ bonorum animos mutuo amore deuincit, quæ Christo seruientes vnum corpus efficit. Et hi quidem idem volūt, idem nolūt, quia omnes pariter ad vnum finem deo placendi tendunt. Non est inter illos est & non, sed iuxta domini præceptum, est est, non non. Concordi mente & corpore deo seruiunt, & ad omne opus bonum vnanimes concurrunt. Quid hac pace dulcius? quid vtilius? quid laudabilius dici queat? Hanc admirans Psalmista, exclamat: Ecce quàm bonum & quàm iucundum habitare fratres in vnum. Talis pax atque consensio, vel in cœnobio, vel in solitudine procul à turbis commorantium si fuerit, gaudeant: quia & preces eorum exaudiuntur, & contubernalem suum habent Christum ipso dicente: Si duo ex vobis consenserint super terram, de omni re quacūque petierint, fiet illis à patre meo. Vbi enim sunt duo vel tres congregati in nomine meo ibi sum in medio eorum. Quod astringit Apostolus ad Corinthios dicens. Pacem habete, & deus pacis & dilectionis erit vobiscum. Consensus in eandem fidem, in eundem inuicē diligendi, inuicem iuuandi affectum facit pacem istam.

Psalmo. 132.

Mat. 18.

2. Cor. 13.

T

De hac

Ioan. 14.

Pfal. 118.

Baruc. 3.

1. Cor. 1.

Heb. 12.

1. Cor. 12.

De hac dicebat saluator: Pacem relinquo vobis, pacē meam do vobis; non quo modo mundus dat ego do vobis. Mundana enim pax non de deo idem sentire, nec iisdem moribus viuere, sed tantum ab iniuria offensisque iubet inter se abstinere. Christi verò pax in quibus fuerit concordēs reddet in fide, conformēs in proposito, similes in dilectione, compares in humilitate. Quod breuiter explicat propheta, cum ad dominum conuersus, ait: Pax multa diligentibus legem tuam, & non est illis scandalū. Et alius propheta: Si in via dei ambulasses, inquit, habitasses vtique in pace super terram. Vera igitur certa que & stabilis pax est, in dei seruitio adunatorum, diuināque sequentium præcepta legemque colentium. Eorum rete plenum magnis piscibus, id est, eorum concordia virtutibus professionis referta non scinditur, eorum pacis tunica incōfutilis, quam à Christo acceperunt, non diuiditur, neque scissuras patitur rixarum, neque tinea inuidiæ sustinet, sed domini præsidio munita, inuiolata illēsaque perdurat, tunc felicius & sine fine duratura, cum de terris transferentur in cœlum, vt qui pacifici fuerant filij dei fiant & vocentur. Ad pacem istam capeffendam Corinthios hortatur Apostolus, dicens: Obsecro vos fratres per nomen domini nostri Iesu Christi, vt id ipsum dicatis omnes & non sint in vobis schismata: Sitis autem perfecti in eodem sensu, & in eadem scientia. Plurimi sane hoc faciendum esse ostendit dum cum tanta exigit obsecratione, & dum adiugat per nomen, quod est super omne nomen testatur fidelibus maximē necessariam esse pacem atque concordiam. Quod apertē declarat, vbi ad Hebræos scribens ait: Pacem sequimini cum omnibus & sanctimoniam, sine qua nemo videbit deū. Ne quis præterea generis conditione alteri se præferēs diffidium concitet. In vno spiritu omnes nos, inquit, in vnum corpus baptizati sumus, siue Iudæi, siue gentiles,

siue

siue serui, siue liberi, & omnes in vno spiritu potati sumus. In tantum autem Dominus fidelium suorum pace delectatur, vt in salutationibus quoque pacē offerri iubeat dicens, Intrantes domum, salutate eam dicentes, Pax huic domui. Et ipsemet post resurrectionem suam apparens discipulis, pax vobis, inquit, & in cœlum ascensurus, pacem relinquo vobis, pacem meam do vobis. Quin etiam tunc in carne nasci voluit, cum terrarum orbis cessantibus bellis pacē agigaret, quādo gladij iuxta Isaiæ vaticinium mutati sunt in vomeres, & lanceæ in falces, quādo angelorum vox audita est de cœlo canentium, Gloria in altissimis Deo, & in terra pax hominibus bonæ voluntatis. Ob hoc equidem reor ipsum Christum ab Apostolo significatum, cum in fine epistolæ ad Romanos dixit, Deus autem pacis sit cū omnibus vobis, Amen. Deus enim pacis est qui inter deum & hominem pacem ponere venit, qui Iudæos & gentiles inter se dissidentes in vna fide copulauit, qui noua veteribus coniunxit & vtraque fecit vnum, Christus itaque & deus pacis, & dei pax & pax nostra est. Ex quo satis constat illos ab eo esse alienatos, vt non gratiæ, sed iræ filij sint qui odio habēt pacem, & fraternæ discordiæ sunt autores. Ipsum autē salutandi morem à domino traditum, Apostolos postea vsurpasse scripta eorum testantur. Siquidem epistolas Pauli ferè omnes sic incipere & sic desinere manifestum est. In principiis enim habent: Gratia vobis & pax à deo patre & à domino nostro Iesu Christo & similiter in fine. A pace ergo exordia sumebant, pace postrema concludebāt. Nec aliter Ioannes Apocalypsim orditur, nec Petrus epistolas. Vsq̃ue adeò iam trita ac peruulgata erat inter christi discipulos pacis offerendæ salutatio. Quod nostris quoque temporibus obseruari cernimus ab iis qui CHRISTVM Apostolosque eius imitantur. Præterea in lege veteri nomen pacis celeberrimum fuisse

T ij apparet

Matth. 10.

Iohan. 14.

Isaiæ. 2.

Lucæ. 12.

3. Regū. 7.
2. Reg. 7.
4. Reg. 22.
Isai. 39.
Psal. 121.
Baruc. 1.
1. Tim. 2.
- apparet, & res ipsa ante omnia optabilis ac iucūda. Fuit olim hostia quæ dicebatur pacificorum. Fuit Gedeonis altare vocatum domini pax. Legim⁹ & Salomonem in diebus pacis imperasse, & ipsum pacificū appellatū, atq; idē electum qui deo templum poneret, & in hoc opus Dauidi patri prælatus, non quia melior, sed quia pacis fuit obseruator. Ezechias, quoniam iactabundus gazā omnem legatis Babyloniorum ostendendo peccauerat, per prophetam audiuit, illam eidem genti prædam futuram, & humiliatus, Bonus (inquit) sermo domini, si tantum pax & veritas in diebus meis. Cum itaque non tam pro thesauro, quàm pro pace esset sollicitus, calamitas dilata fuit ad posteros, ipse in pace quàm diuitiis prætulera, quieuit. Iudas quoque Macchabæus dux bello strenuus, illis quos vicerat pacem petentibus non negauit, quare videtur nihil aliud armis quæsisse quàm pacē, iustaq; esse bella illa, quæ bonæ pacis sine geruntur: sicut iniusta & iniqua, quæ aliena occupandi cupidine denuntiari atque inferri solent. Cum igitur tanti habenda sit pax, non immerito vt eā acquiramus possideamusque precibus à domino sollicitandum esse admonemur, dicitur enim. Rogate quæ ad pacem sunt Hierusalem. Fiat pax in virtute tua, & abundantia in turribus tuis. In pace quippe affluere solet rerum copia, quàm bello sauiete minui ac deficere necesse est. Quāobrem ad populum quoque de Hierusalem in Chaldeā translatus ait dominus: Quærite pacem ciuitati ad quam transmigrare vos feci, & orate pro ea, quia in pace illius erit pax vobis. Alibi etiā est dictum. Orate pro vita Nabuchodonosor regis Babylonis & pro vita Balthasar filij eius, vt videlicet diu viuāt illi, sub quibus & ipsi quietē se victuros ac securē sperabant. Hoc idem Apostolus præcepit, dicens: Obsecro primum omnium fieri obsecrationes, orationes, postulationes, gratiarum actiones, pro omnibus hominibus, pro regibus &

& omnibus qui in sublimitate constituti sunt, vt quietam & tranquillam vitam agamus in omni pietate & castitate. Amplexanda est igitur pax cum adsit, precationibus quærenda cum desit, & pro illis orandum; sub quorum imperio atque tutela vitæ tranquillitate frui contingit vt sopito bellorum tumultu, nulla quæ interpellante molestia, animus noster ad deum contemplan- dum expeditior atque liberior assurgat.

De pace animæ & corporis.

Cap.

7.

Nisi enim idè pacem amplectendam duxerimus, vt virtutibus, ob quas deo chariores sumus, nemine impedi- ente liberius incumbamus, bono pacis abutimur, & quod prodesse debuerat nocet. Alienis à virtute tunc planè latior peccandi campus panditur, cum illi aduersariorum non carpuntur molestiis cum videlicet non metuunt, ne segetem iam maturam hostis incendat, aut frugiferas deuastet arbores, aut pecudum greges in prædam abducatur, aut obsessos intra mœnia fame siti que perire cogat, aut captos bonis que exutos vel ferro interficiat, vel in perpetuam redigat seruitutem. Fit autem sapè dum talia formidantur, vt luxuriæ libidiniq; locus penè nullus sit. Et quoniâ ab his continere se summæ laudis est, haud dubium quin volup- tuariis hominibus pl^o malè pax afferre soleat quàm bellum quia incontinentiores reddit, & in omne vitium oblata securitate prouiores. His ergo bellum potius optetur, vt malè viuendi licentia coërceatur sollicitudine periculorum. Modestis verò & temperantibus viris, vt animo excolendo officiosius operam impendant, belli impedimenta submoueri desideremus. Ita enim exteriore aduersario peccato ac cessante, facilius cum isto quem assidue intra nos patimur, erit pugna.

aures sepi spinis, & linguā nequā noli audire, neque
 amatoriis obscœnisque cantibus vel impudicis poëta-
 rum lectionibus eas accommodes, ne fortè turpe aliqd
 ab iis receptum ad cor penetret, & per blanditias intus
 sum, animam feriat. Odoramenta quoque muliebrem
 mollietiem præ se ferentia fuge: quos ea delectant,
 illis ipsa sordet virtus: effœminatiq̃ue & enerues du-
 riora pœnitentiæ officia subire nequeunt. Gulæ etiam
 impera, & si cibos ganeatos vinâque preciosa tibi con-
 cupiscenda proposuerit, tu illi econtrario recale Iohā-
 nis locustas & mel sylvestre, & sicere viniq̃ue abstinen-
 tiam, & panes hordeaceos Apostolorum, quibus domi-
 nus turbam satiauit in deserto. Obiice & multorū qui
 in solitudine Christo seruierunt, crudas herbas atque
 radices vel sylvestrium arborum fructus, & frigida a-
 quæ pocula. Si demum ad turpem tactum libidinosa
 cogitatio te sollicitat, comprime manum, auerte te ab
 aspectu fœminæ, refer ab ea pedem, tolle te de medio,
 vimingere cupidini, & quod bonum sit mulierem non
 tangere, non mihi, sed Apostolo crede, Postremò singu-
 la quæque vitia oppositæ virtutis rememoratione ex-
 clude, & in carnis rebellantis periculo, ad illas cogita-
 tiones quæ spiritus sunt confuge. Quoties te inanis glo-
 riæ lacefferit appetitio, responde illi: Dominus resistit
 superbis, humilibus autem dat gratiam. Quoties cor
 iracundia incallescere cœperit, dic ei: Qui irascitur fra-
 tri suo, reus erit iudicio, & Ita viri iustitiâ dei nō ope-
 ratur. Quoties diuitiarum cupido animū titillauerit,
 oppone illi paupertatem Christi, apostolorūq̃; inopiā
 memorare diuitis purpurati in inferno miseras, Laza-
 riq̃; mendici in Abraham sinu beatitudinem. Atq̃; ita
 carni imperando & nunquam cedendo vincere assuesces:
 & vt semp vincas, semp time ne vincaris. vtq̃; semp tu-
 tus sis, nūq̃ esto securus. Nā in carnis certamine cū sepe
 superior euaseris, nisi quotidie victiā vinculis cōstrigas

Odoratus.

Gustus.

Tactus,

1. Cor. 7.

tu per pacem, non stabit conuentis, & cum frenum memorderit, trahet te quo uolet, ueluti sessorem effrenis & indomitus equus. Tamdiu igitur pacem cum illa habere poteris, donec uincta cõpedit aq; tenebis, ac tanquam fugitiuum seruum, nunc uerberibus, nunc laboribus premes, nunc tenuabis inedia atque uigiliis. Desinit calcitrare iumentum pabulo subducto, in saturitate lasciuit. Ex his quæ diximus, satis constat, animæ atque corporis pacem laboriosam admodum esse & inquietam, & sollicitam, & quæ fatigationibus non solum comparatur, sed etiam retineatur. Is tamen eius fructus est, quod possessorem suum ad æternæ pacis bonum feliciter transmittat, si ipse usque in finem ita ut dictum est egerit. Quo cum peruentum fuerit, tunc demum (ut in Isaia legimus) erit opus iustitiæ pax, & cultus iustitiæ silentium & securitas usque in sempiternum, & sedebit populus meus in pulchritudine pacis & in tabernaculis fiduciæ & in requie opulenta, inquit dominus. Per quotidiana igitur certamina & ipsam certaminum uictoriam, qua malarum cupidinum vires conterimus, ad sempiternæ tandem quietis triumphum peruenitur. Restat nunc, ut etiam pacis malignam simulationem omnibus fugiendam consideremus.

De pace simulata.

Cap.

8.

MVLtiplx animus & fraudulenta simulatione imbutus, pacem præ se ferre uidetur, & ex insidiis incautos aggredi parat, Blando vultu delinificisque uerbis beneuolentiam ostendit, & in corde meditatur carnificinam. Talis pax Saulis fuit erga Dauidem, cui se pacatum ideò respondebat, ut occasionem nancisceretur ipsum perimendi: quod certè perfecisset, nisi lanceæ ictus ab eo qui petebatur, fuisset
cui.

uitatus. Talis pax & Ioab in Amasam collegam suum fuit, erant enim ambo. Dauidici exercitus duces, amice ac familiariter ipsum alloquendo pugione transfixit. Talis pax & Ismaëlis extitit, qui amicissimum se ostendens ad Godoliam cum decem virorum comitatu venit, & cum iisdem conuiuio gratanter fuit exceptus, nulla tamen benignitate amici motus est ne perficeret quod animo versabat, inter epulas ipsum primo Godoliam, deinde illos qui in præsidio erant, concidit, oppidumque occupauit. Eo loci postea octoginta viros Hierosolymam ad sacrificandum pergētes, ut ad se in Masphat diuerterent, rogauit, veluti pro magno habiturus, si tales hospites habere sibi contigisset: cum autem venissent, rebus vitaque simul spoliauit, præter decem, quibus non pietate, sed auaritia ductus pepercit, quod thesaurum in agro defossam se illi indicaturos dixerant. Talis pacis non pauca exempla in annalibus quoque habentur Macchabæorum. Nam Antiochus Eupater eam pacem iurasset præsidio Sion, intra arcem receptus violauit iuramenti fidē: & muros quos obsidione capere non poterat, fraude intercēpit, diruique iussit, Sic & Alchimas pacem Assidæis iureiurando firmatam cum dedisset. sexaginta ex eis die vno interimi fecit. Et Triphon Antiochi regis adolescentis exercitus præfectus, primo Jonathan regis amicum simulatæ beneuolentiæ blanditiis illectum interfecit, deinde regem ipsum: atque hac tanta vsus perfidia, Assiæ regnum possedit. Et Ptolemæus Abibi filius Simonem liberosque eius Mattathiam & Iudam ad Hierichuntē in arcē Doech inuitatos, & iam viuo epulisque graues inuadens, repenti cæde sustulit. Andronicus quoque Antiochi regis præfectus, Oniam sacerdotem, cum iurasset nihil se ei nociturum, de asylo euocatum trucidauit, nec tamē impune huic fuit. Ipsum enim rex capite plecti iussit, comperto quod ab Oniæ amul-

Ismaël.
Ierem. 41,

1. Mac. 8.
Antiochus.
1. Mac. 7.

Alchimas.
Triphon.

1. Mac. 12.
Ptolemæus.
Andronicus

lis pecunia corruptus id egisset. Nōne pax istorum omni fuit detestabilior bello, omni aperta simultate deterior? Superata est tamen (vt ad nostra veniamus) Iudæ scariothi scelere. Dominum suum, qui est omnium dominus, omnium credentium redemptor, omnium saluator, a quo in Apostolatū ascriptus fuerat, quem sibi pedes lauisse sciebat, cum quo pascha comederat, cuius corpori & sanguini cōmunicauerat, quem tot miracula fecisse iam viderat, quē iustum, quem pium, quem sēper innocentem & in omnes beneficium nouerat, eum (proh nefas) ad necem prodidit, & in manibus quærentium sanguinem eius dedit, triginta non amplius argenteorum precio allectus, quos à Iudæis accepit. Non fuit ergo verit^r tam prophano animo, tam mente impia ad talem dominum accedere, & ei osculum pacis offerre, quem tam prauo iam vendiderat. Sed vide huiusce nefandi flagitij terribilem exitum: conscientia pulsatus veniam desperauit, quam certē si petiisset imperasset, & qui pro suis crucifixoribus orauit, proditori quoque pēpercisset: Ille tamen dolore superatus, ipse sibi mortem consciuit, laqueo se suspendens, & infelicem animam æternæ mortis tenebris tradens. Ne igitur vel Iudæ vel aliis infidis & execratis, quorū modo fecimus mentionem, similis habearis, maximè in pace conciliāda conseruandaque cauendum tibi erit, ne quid similes vel dissimiles, & erga eum cui blandiris, aliam faciem oris, aliam cordis præstes. Alioqui dicetur tibi, quod in Ecclesiastico est scriptum: Væ duplici corde & labiis scelestis, & manibus malefacientibus, & peccatori terram ingrediendi duabus viis, vel illud Abacuc prophætæ: Væ qui potum dat amico suo, mittens fel suum & inebrians, vt aspiciat nuditatem eius. Si te ista parum terrent, vt paulo perplexius dicta, audi etiam illud in Ieremia scriptum, quo nihil planius apertiusque dici queat. Sagitta vulnerans lingua eorum dolum locuta est

Eccle. 3.

Abac. 2.

Iere. 9.

est in ore suo pacem cum amico suo loquitur, & occultè ponit ei insidias: nunquid super his non visitabo dicit dominus, aut in gente huiusmodi non vlciscetur anima mea? Sunt præterea qui amicè admodum ac beneuolè loquuntur cum altero, & statim eidem absenti detrahunt. Vbi audit, commendant & extollunt: vbi autem non audit, carpunt ac sugillant, & quem modo laudauerant, rursus dictis petulantibus incessere non verentur. Istos quoque dei sapientia reprobatur in prouerbis, dicens: Arrogantiam & superbiam & viā prauam & os bilingue detestor. Displicet igitur illi, cui nulum placere potest malum, simulatā pax, non solum illorum qui factis offendunt, sed etiam istorū qui de absente verbis obloquuntur, de quibus in Iob scriptum est, Simulatores & callidi prouocant iram dei. Ne ergo in iram istam, qua nihil est horribilius, incedere tibi contingat, noli fratri tuo intendere dolos, noli verbis lenibus eum palpare, vt nihil metuentem facilius euertras, vel securius infames. Quod si tibi tuæ fraudes, vt ex diuinæ scripturæ sententiis didicisti, magis nocebunt quàm vlli alij, quæ dementia est, simulata pace alios lædere velle, & teipsum in æternum damnare: alios leuiter ferire, & teipsum lethali plaga afficere: alij, fortunas, vitam, famam, auferre, & tuam propriā animam, quæ his omnibus longè est preciosior, igni inextinguibili sine fine cruciandam tradere. Quicquid dolosè malignèque agis, latere potest homines, DEVM nihil latet, cogitationes tuas inspicit, cor tuum intuetur. Quod si fortè à pace, quam proximo tuo debes, alienatum viderit, ipse suam pacem, quæ omnem sensum exuperat, iratus tibi denegabit. Non est pax impiis, ait Dominus, si non est, haud dubium quin neque erit. Ideo enim non est, quia neque dum cogitant malum neque dum operantur, conquiescunt, & post commissum ipsorum conscientiaē

morsu

Prouer. 8.

Iob. 36.

Isaia. 48.

Leuit. 9.

morsu torquentur. Ideò autem non erit, quia vita quoque defuncti eo descendunt, vbi nulla est quies, nullum otium, sed assiduus labor, sempiternus horror, supplicia nunquam finienda. Talia quippe manent simulatores ipsos pacis, & sub amicitiae persona latentes insidiatōres. Non enim deo obediunt, sed prauae mentis libidinem secuti, quod ipse prohibet hoc agunt. Dei omnipotentis lex est, Non mentiemini, nec decipiet vnusquisque proximum suum. Non facies calumniam proximo tuo, nec vi opprimes eum. Non oderis fratrem tuum in corde tuo, sed publicè argue eum, ne habeas super illo peccatum. Hi verò contra vetita ire audent, mentiendo, decipiendo, calumniando, opprimendo, odiendo, & odium sub pacis nomine tegendo, ac dissimulando, vestemque malignae duplicitatis induendo, cum lex & hoc prohibeat, dicens: Vestem quae ex duobus texta est non indueris. Quanto autem magis deo inobedientes fuisse conuincētur, tanto acerbiora inferni supplicia subire cogentur. Hi sunt enim quibus propheta in psalmo per spiritum sanctū stimulat, imprecatur, dicens: Labia dolosa in corde, & corde locuti sūt, disperdat dominus vniuersa labia dolosa. Et iterum in alio psalmo: Qui loquuntur pacem cum proximo suo, mala autem in cordibus eorum, da illis secundum opera eorum, & secundum nequitiam adinventionum ipsorum. Et paulò post infert: Destruere illos, & non aedificabis eos. Quod si destruendi & non aedificandi sunt, quis illis spei locus erit relictus, tormenta illa quae in inferno sunt euadēdi? Sed fortasse cum processerint doli, cū malum quod cogitauerant peregrini, se quieturos cōfidunt? Audiant ergo Apostolum dicentem: Cum dixerint pax & securitas, tunc repentinus eis superueniet interitus, sicut dolor in vtero habentis, & non effugient. Quod si quicquam consummato scelere latari cōtigerit, momentanea profectò ac breuissima est cuiusque

1. Thef. 5.

fla-

gitij delectatio, sed nisi pœnitudo intercefferit, dolor subsequetur perennis, & nullo prorsus sine claudenda pœnarum inquietudo. Quoniam pro peccato quo deus infinitus offenditur, infinita debet esse punitio. Ista nobiscum euoluentes demus operam, ne quid maligna mēte fingamus coram aliis, ne quid simulemus, quod vel illis vel nobis noxium fore nouimus, aut iniquū, aut turpe & inhonestum. Simpliciter sine fraude, sine inductione, sine malitia sine fūco omnes diligamus, tam verbo quā opere, vt pacem synceram, puram ac veram & cum aliis & nobiscum habeamus, ipsique deo pacis placere possimus, qui de cœlo veniens pacem attulit terræ, pacem iis qui longē, & pacem iis qui propē, neminem credentem respuens, omnes autem ad pacem inuitans mutue inter nos dilectionis, vt huius pacis merito, quæ in præsenti est, illam perpetuam atque perennem, quæ est in futuro, consequamur. Si enim in simplicitate fraternæ pacis ambulabimus, si passionēs nobiscum pugnantes rationi subiugando domabimus, in Christo requiescimus, in Christo exultabimus. Ipse est pax nostra. Ipse posuit fines tuos pacem, & adipe frumenti satiat te. Ipse diligentibus pacem propitiabitur ac fauebit, & eosdem cum ad iudicandum venerit, in suum suscipiet consortium cum charitate perpetua atque perfecta, vt impleatur quod dictum est. Misericordia & veritas obuiauerunt sibi, iustitia & pax osculatæ sunt.

Psal. 84.

De bonitate.

Cap, 9.

Et quoniam ex his quæ diximus colligitur pacem prodesse omnino nō posse, nisi bonis, nisi honestis, nisi iustis, & virtuti sanctitatiq; deditis, opportunum videtur de bonitate ipsa nunc differere: Bonum igitur id esse dicimus, quod iustum ac honestum censetur,

tur, quodque vt fiat lege diuina iussum est, sic e contra-
rio id esse malum quod turpe, quod iniustum, & à ra-
tione alienum, quodque fieri cœlesti interdicto prohi-
bitū apparet. Cætera verò que neq; vetita neque con-
sulta esse constat, in medio posita sunt, & nec bona nec
mala iudicantur, sed si bene vtaris, bona erunt: si malè,
mala, vt diuitiæ, & dignitates, & eiusmodi cætera. Si
ad multorum vtilitatem te conuerteris proderunt: sin
autē luxuriæ te libidini que tradideris, nocebunt: atq;
his contraria paupertas iuuabit, si patienter feres, & cō-
temptis opibus nihil amplius, quàm quod sustentandæ
vitæ satis est appetes, vt Christo seruias. Offendet autē
si per impatientiam Deum probro aliquo lacefferis,
vel ad furtum rapinamq; auaras porrexeris manus. Cū
ista igitur id genus bona erunt, si admixta illis virtus
fuerit, mala verò si adhæserit nequitia. Ad bona autem
mala que diiudicanda sapientum acquiescendum esse
consilio ratio admonet. Sed sapientia inquam nullus ca-
dere potest error, Deus est. Diuinis ergo præceptis insti-
tutisque niti, & eorum autoritate de omnibus decer-
nere tutissimum erit. Indicabo tibi ò homo, inquit Mi-
cheas propheta, quid sit bonum, & quid dominus re-
quirat à te, vtique facere iudicium & diligere miseri-
cordiam, & sollicitum ambulare cum deo tuo. Bonam
esse ait iustitiam, bonam misericordiam, sed bonorum
omnium quæ agimus finem in deo constituendum esse
docet. Nā cum omne bonum expetibile sit, & quo me-
lius, eo magis expetendum: nihil autem deo esse potest
melius, qui solus cuiusque boni fons & origo est: nihil
ergo desiderari, nihil concupisci supra deum debet. Il-
le itaq; naturæ rationique repugnat, & diuinæ refra-
gatur voluntati, qui ea quæ benè agit, alio quàm in deū
dirigit. Quod si omne datum optimum & omne donū
perfectum, de sursum est descendens à patre luminū,
vt Iacobus Apostolus ait, in quem iustius decentiusque
omnes

omnes bonæ animi atque corporis actiones referri potuerunt, quàm in eum à quo sunt? & pro quibus ipse se tibi donat, dicens: Ego sum merces tua magna nimis, id est, summa & ultra quàm nihil habetur expetendum, quaque adepta beati sumus, & propter quam solam studio incumbitur virtutum, vitia quæ vitantur. Falluntur igitur illi, qui in virtute hominis beatitudinem collocant cum beatitudo præmium sit virtutis, & non virtus, qui bona corporis vel fortunæ ei adiungunt, cum omnia caduca fragiliaque sint, nec per se bona esse queant. Stabile autem bonum beatitudo est & perenne, & perpetuum, cuius adipiscendi gratia etiam aduersa pati, bonum esse dicimus. Et prosperis inolescere malum, contra vitia pugnare bonum, illis verò subiici malum. Virtutum autem armis opus est ut vincamus, & cum his nos munierimus, omnis vincendi spes in deo collocanda erit, Sine me (inquit) nihil potestis facere. Ipsæ quoque virtutes donum dei sunt, dicente Apostolo, Quid habes quod non accepisti? Si non accepisti? ora ut accipias. Petenti datur, pulsanti aperietur. Incipe velle, & mereberis accipere. Si acceperis, constanter retine, fideliter operare, ut bono summo, quod in iis quæ præcepta sunt, perseverantibus datur, dignus inueniaris. Firmus esto in fide, longanimis in spe, ardens in charitate, Sume scutum fidei, in quo possis omnia tela nequissimi ignea extinguere. Sine fide placere Deo impossibile est. Fides autem sine operibus mortua est. Vtrumque seruemus ut vitæ æternæ spem habere possimus. Quoniam ut Ioannes ait: Si cor nostrum non reprehenderit nos, fiduciam habemus ad D E V M. Ut autem cuncta pie recteque facta atque cogitata profint charitate fundata sint, ea absente nulla prodesse poterit virtus, nulla iuuare operatio, & beneficia quæ proximis præstamus, ab illa quàm D E O debemus dilectione proficisci debent. Ista quidem virum bonum efficiunt,

Gen. 15.

1. Cor. 4.

1. Ioan. 1.

Matth. 5.

efficiunt, quem eundem propter futuræ beatitudinis expectationem non incertam beatum appellamus, & hoc edocti à domino, qui ait: Beati pauperes spiritu, quoniam ipsorum est regnum cœlorum: Beati mites, quoniã ipsi possidebunt terram: Beati qui lugent, quoniam ipsi consolabuntur: Beati qui esuriunt, & sitiunt iustitiam, quoniam ipsi satiabuntur: Beati misericordes, quoniam ipsi misericordiam consequentur. Beati mundo corde, quoniam ipsi deum videbunt: Beati pacifici, quoniam filij dei vocabuntur: Beati qui persecutionem patiuntur propter iustitiam, quoniam ipsorum est regnum cœlorum: Beati estis cum maledixerint vobis homines, & persecuti vos fuerint, & dixerint omne malum aduersus vos mentientes propter me, gaudete & exultate, quoniam merces vestra copiosa est in cœlis. Sint ergo in te iste virtutes in terra, vt & nunc spe beatus sis, & postea beator mercede in cœlo. Audi præterea & Apostolum præcipientem: Spiritu ambulate, & desideria carnis non perficietis. Manifesta sunt, inquit, opera carnis, quæ sunt: Fornicatio, immunditia, impudicitia, luxuria, idolorum seruitus, veneficia, inimicitia, cõtentiones, æmulationes, iræ, rixæ, dissentiones, sectæ, inuidiæ, homicidia, ebrietates, comestationes & his similia, quæ prædico vobis sicut prædixi: quoniam qui talia agunt, regnum dei non consequentur. Ista detestare, & his quæ sequuntur gnauiter te accinge. Fructus autem spiritus ait, est charitas, gaudiũ, pax, patientia, benignitas, bonitas, longanimitas, mansuetudo, fides, modestia, continentia, castitas. Habes hĩc quidem & quæ tibi vitanda sunt ne malus ac miser sis, & quæ expetenda vt bonus beatusque euadas. Vt autem virtutibus affluas benè agendi cupiditas efficiet amorque virtutum. Illas amplecti nihil te impediat: illas deserere nihil te cogat. Mortem minatur tyrannus, sed virtus pollicetur immortalitatem, opes hostis diripit,

Gal. 4.

diripit, sed virtus thesaurum suum habet in cœlo, quæ neque fur surripere, nec tinea potest corrumpere. Quid quereris de amissione fluxæ atque fragilis rei, & de æterni boni possessione mox capienda non lataris? Ad illam diu optatam beatitudinem hinc decedens peruenies, tantum ut virtutes tibi sint comites cura, quibus hæc promissa est merces. Beatus es si cum propheta dicere poteris domino: In via testimoniorum tuorum delectatus sum, sicut in omnibus diuitiis. Nō te pigeat diuinas legere scripturas, audire, discere, & cum didiceris, alios docere, & quod doces, ipse facere. Qui enim docuerit & fecerit sic, magnus vocabitur in regno cœlorum. Diuinorum scientia, omnium quidem scientiarum præstantissima est: percepisse tamen illam nihil proderit, nisi etiam secundum illam viuatur. Sapientissimi Salomonis sententia est: Nihil esse melius quam lætari in opere suo, & hæc est, inquit, pars hominis. Est enim scriptum: Opera illorum sequuntur illos, & in euāgelio non otiosis, sed operariis datur denarius. Vnde Apostolus: Dum tempus habemus operemur bonum ad omnes, maximè autem ad domesticos fidei. Non ergo qui scit, sed qui facit bonum, beatus est. Porro cum benefeceris, deo gratias age, Ipsius donum est, quicquid boni agimus. Bonam verò actionem, bonorum contemplatio parere solet. Maximi ad virtutem stimuli sunt, quanti ea facienda sint cogitare, per quæ ad summum bonorum peruenitur, quod nec oculus vidit, nec auris audiuit, nec in cor hominis descendit. Et cum tam immensa, tamque inæstimabilis merces iustis ac virtute præditis viris proposita sit, plurimi semper haberi debet virtus. Beatus est igitur vir, sicut scriptum est, qui in sapientia morabitur, & in iustitia meditabitur, & in sensu cogitabit circumspectionem dei. Ad hanc considerationem & Apostolus nos vocat, dicens: Quæcunque sunt vera, quæcunque iusta, quæcunque sancta, quæ-

Psal. 118.

Ecc. 3.

Gal. 6.

Ecc. 14.

Phil. 4.

Pfal. 83.

Pphil. 3.

Pfal. 91.

Prove. 12.

cunque amabilia, quæcunque bonæ famæ, si qua virtus, si qua laus disciplinæ, hæc cogitate. Talia enim cogitādo proficimus, & impletur in nobis quod in psalmo dicitur: Ibunt de virtute in virtutem, & videbitur Deus deorum in Sion. Hæ sunt enim mansiones populi Dei, per quas ad terram promissionis itur, & gradus per quos psallendo dei templū ingredimur, & scala Iacob, per quam de terra sublati ascendimus in cœlum, vt iā manifesto inuisibilis Dei fruamur conspectu, & plenè verèq; beati simus. Ideò Apostolus quæ retrò sunt obliuiscens, ad ea verò quæ sunt priora extendens seipsum, ad destinatum persequitur brauium supernæ vocationis dei in Christo Iesu. Talis est omnis iustus, de quo Psamista ait: iustus vt palma florebit, sicut cedrus Libani multiplicabitur, quod & Salomon testatur, dicens: Radix iustorum proficiet.

*Quòd bonitas & perfectio donum
dei sit. Cap. . IO.*

Mat. 19.

Iohan. 4.

Mar. 10.

E Tenim proficiendo ad bonitatis iustitiæque culmen peruenient iusti, vt de mundo exeuntes Christum sequantur, & perfectionis iter ingredi incipiant. Si vis, inquit, esse perfectus, vende omnia quæ habes, & da pauperibus, & sequere me. Perfectionis est igitur, contemptis diuitiis Christi imitari pauper tatem, spreteque inanis gloriæ ambitione, humilitate se deicere quia & ipse cū eum regem vellent facere, recusauit dicens: Non est regnum meum de hoc mūdo. Et, Nō veni, inquit, ministrari, sed ministrare: & cū dominus esset, seruum se fecit. Præterea semetipsū abnegare, & aliorum subdi imperio, consummata virtutis est: quia & ipse obediens fuit patri vsque ad mortem crucis. Ad hæc nō solum amicos, sed etiam inimicos diligere, quia
&c

& ipse pro illis, à quibus tormēta patiebatur, orauit. Repudiatis etiam nuptiarū copulationibus perpetuā seruare castitatem, quoniam & ipse castus fuit, de casta matre genitus, de casto seruo baptizatus. Postremò pro amore dei nullum laborem recusare, nulla refugere pericula, nullo supplicij necisq̃ genere terreri, omnia prius aduersa perpeti malle quàm dei mandatum preuaricari, hoc erit calicem bibere pro Christo, quē prior pro nobis bibit Christus. Qui tamē hoc fecerit, nequaquā tamen in eo quod pro Christo sustinet, se gratiā retulisse putet, sed beneficij plus accepisse. Idem enim ille qui pro nobis pati voluit, vt nos p̃ sui nominis gloria sustinere possimus, pręstat. Facimus quidem satis cū obedimus, nulla tamen apud illum imperandi est causa, nisi vt remuneret obediētes, Neque enim nostro obsequio indiget deus, sed nos ipsius indigemus iussione: vt cū hoc quod iussum est impleuerimus, accipere illud quod promissum est, mereamur, tametsi hoc quoque, vt iussa perficere valeamus, eius muneris sit, cuius benignitatis est perficientibus promissa tribuere. Quicquid igitur à nobis exigit dominus, nihil ex eo ipsi accedit cum præstatur, sed nobis duntaxat prodest, qui pro modo dico bono quod præstamus, bonum illud quod omnem superat taxationem, ab ipso recipimus. Quanto igitur benignior atq; indulgentior dominus, tātò nos ei prōptius perfectiusq; seruiamus, quanquā penitus perfecti esse non possumus, donec corporis huius onere premi-mur. Vnde dictum est: Corpus quod corrūpitur, aggrauat animam, & terrena inhabitatio deprimit sensum multa cogitantem. Et caro pugnat aduersus spiritū, & spiritus aduersus carnē, hæc sibi inuicē aduersantur, vt nō ea quæ volumus faciamus. Itaque in hac vita sicut proficere, ita & deficere cōtingit, & quemadmodū peccatores per pœnitentiam sanctificantur, ita sancti per fragilitatem peccant atque delinquant. Sanctorum

Sapiē. 9.

Mat. 5.

tamen siue iustorum nomen non amittunt illi, qui dum se peccasse dolent, citò corriguntur. Peccauit Moyses, peccauit Aaron, peccauit Dauid, peccauit Petrus, peccauerunt omnes reliqui discipuli, cum tempore dominicæ mortis à fide defecissent. Solus tamè de sanctorum numero excidit infelix Iudas: quia licet de scelere doleret, de uenia tamen desperauit. Cum igitur nemo tam perfectus sit, quem non aliquando labi contingat, nemo in præsentis potest esse perfectus, nisi pro conditione fragilitatis humanæ, secundum quam dictum est: Estote perfecti sicut & pater uester cœlestis perfectus est, non dixit, quantum ille perfectus est, quod impossibile quidem erat, sed sicut ille, ut pro viribus enitamur ei similes esse in omni bonitate & iustitia & virtute, qui ad similitudinem & imaginem suam nos creauit. Tunc autem plenè perfecti & consummati erimus, cum ablata omni mortalitatis molestia in ipso viuere incipiemus. Nunc enim videmus in ænigmate per speculum, tunc autem facie ad faciem, & sicuti est eum uidebimus: quæ sola visio efficit nos beatos, atque omni virtute repletos, & iam neque culpæ neque tētationi obnoxios, quibus miseriis interim carere omnino non possumus. Danda tamen est opera, imo omni labore conandum, ne quando in illa peccata quæ ad mortem ducunt, incidamus. Quòd si etiam minima quæque (quantum in nobis est) vitare studuerimus, vel nullus vel rarus admodum ad grauias & quæ mortem afferant, lapsus nobis eueniet.

De moderatione virtutum.

Cap. II.

Porro in exercendis colendisque virtutibus ita nos gerere oportet, ut neque ad dexteram neque ad sinistram declinemus: quoniam extrema vitiosa sunt in

in medio autem est virtus. Ponam, inquit dominus, in pondere iudicium, & iustitiam in mensura. Tu qui te ita institutum compositumque senseris, caue ne qua inanis gloriæ appetitio animum attollat, & quod humilitate congestum est, arrogantia dissipet. Ad exemplum aliorum virtus tua sit exposita semper, non ad iactantiam neque ostentationem, vt tua iustitia (sicut præcipit dominus) in occulto sit conscientiæ tuæ, & tamen ad laudem largitori virtutum deo præstandam, qui te viderint, concitentur. Prouidemus enim bona (vt Apostolus ait) non solum coram Deo, sed etiam coram omnibus hominibus, vt videlicet ex conuersatione nostra deum laudent, se corrigant, & vna nobiscum saluentur. Caue etiam nequando inuideas melioribus, Qui enim bonis inuidet, diuinæ benignitati calumniam facit, cum omnis hominum bonitas ex deo sit. Gaudeam⁹ igitur bono alieno æquè ac nostro: & in aliis, sicut etiã in nobis dei beneficia laudemus. Illum verò qui virtutibus non antecellit, & diligam⁹ corde, & opere imitemur, neque in quo ipse profecit, sed in quo nos defecimus, doleamus. Si autem contigerit nos ipsos ab aliis pati inuidiam, huiusce rei causam discussa animi nostri conscientia, inquiramus: & si hoc nostra culpa fieri cognouerimus, emendemus: sin aliena, æquo animo feramus. Vsu enim venire solet, vt malis odio boni sint, arrogantibus mites, casti incontinentibus, impiis religiosi. Veruntamen si deo placuerimus, nihil nobis nocere poterunt hominum iniustæ persecutiones. Quinimò beati sunt, qui persecutiones tolerant propter iustitiã. Abel à fratre ob inuidiam occiditur: Et eidem liuor in Iosephum innocentem fratres compulit sequi. Armavit & Saulem inuidia aduersus Dauidem, reges iniquos aduersus dei seruos prophetas, & communem humani generis inimicum aduersus Iob iustissimum incitauit: horum autem si finem consideres, fatearis necesse est,

Roma. 12.

Abel.
Ioseph.Dauid.
Iob.

Apostoli.
Martyr.

nō iplis nocuisse mala quæ passi sūt, sed profuisse. Ideo quippe & Apostoli gaudebant in contumeliis pro nomine Iesu susceptis. Gaudebant & sancti martyres pro veritate suppliciis affecti, quoniam per ea deum se magis demereri sciebant: Intrepidi igitur iugula persecutoribus ferie nda porrexerunt, vt fidem domino integrè seruata sanguis eius effusus testaretur, & virtus nullo superata tormento, præmia caperet felicitatis æternæ. Nihil igitur nocere potest viro iusto, nec miser est quem iam beatificauit spes gloriæ cœlestis merito virtutum. Memento præterea vt in omnibus prudentiam obserues: præterita recordare, præsentia dispone, futura cogita. Tūc enim quos in aliquo crimine lapsos fuisset recales, eorum casus te in via vitæ cautionem reddet. Quos autem rectè incedere conspiciēs, eorum consideratio magis te ad amplectendam accēdet virtutem, Futurorum verò memoria & terrebit te minis mortis æternæ ne pecces & hortabitur vitæ perennis pollicitationibus, vt in bonis actibus perseueres, nullo labore de fatigatus, nullo impeditus præsentium incommodorū periculo, omnia dura atque aspera vincens animi proptitudine, dum ad summum bonorum peruenire contendis. Et hoc quidem erit, non modo prudenter viuere, verumetiam iustè atque constanter. Quoniam iustitiæ partes sunt inhonesta respuere, recta diligere, de omnibus diiudicare, vnicuiq; rei congrua distribuere: Constantiæ autem ab officio non discedere, nec aduersis deiici, nec prosperis efferri, in omni rerum euentu æquabilem se præstare, pro religionis assertionem impiorum potentiam nihil vereri, & à vita prius quàm à fide recedere. In omni autem colenda conseruandaque virtute, non philosophorum opinionibus niti debes, sed sanctarum auctoritati inhærere scripturarum. Quia confirmatus, intelliges contra Stoicorum sententiam, posse alium alia virtute magis excellere, neque necesse esse,

esse, vt qui vnā habuerit, eum habere omnes. In Abel Abel,
ante omnia quę in illo erant, laudatur simplicitas, in Enoch.
Enoch munditia, in Noë longanimitas, in Abrahā obe Noë.
dientia, in Isaac pudicitia, in Iacob laboris toleratio, Abraham.
in Ioseph pro iniuria beneficij repensio, in Moysē mā- Isaac.
fuetudo, in Iosue de dei promissioe fidutia, in Iob inui- Iacob.
cta calamitatum patientia, in Dauidā vindictę absti- Moyses.
nencia, in Salomone sapientia, in prophetis ad arguen- Iosue.
dos reges animi magnitudo. Inter apostolos quoq; emi Iob.
nuit, in Petro erga dominum pietas, in Iohanne puri- Dauid.
tas, in Paulo charitas, in omnibus veritatis prædicandę Silomon.
studium, patientiaque persecutionum. Et cū ita sit, Prophetę.
tollitur omnino illa necessitas omnium pariter habi- Petrus.
tarum virtutum vna habita, parilitasque cunctarum. Ioannes.
Quę si esset, nemo magis ista quā illa virtute præsta- Paulus.
re potuisset, neque prorsus omnes nihil prodesse sine
charitate Paulus diceret, si nulla earum carere cha-
ritate potuisset, & si pares essent, quomodo staret illud,
quod idem ait, Fides, spes, charitas, tria hæc, maior au-
tem horum est charitas. In eadem quoque virtute aliū
magis, aliū minus proficere nouimus: aliū alio me-
liorem, sanctiorem, iustiorē, perfectioremque esse: &
stellam à stella differre in claritate, atque inter beatos
etiam diuersitatem esse meritum. Gradus igitur per-
fectionis sunt, vt qui in infimo versantur, non despe-
rent de medio, & qui medium attingunt, non diffidāt
de summo, quem si apprehendere nequiverint, locum
tamen suum non deserant, & eo innocentie statu quem
acciperunt contenti, deo gratias agant, multumque se
profecisse arbitrentur, si retrorsum non recesserint.
Quamdiu erunt arbor bona, bonos facient fructus, iu-
stitiam conseruabunt, deum & proximos diligunt, ne-
mini nocebunt, prodesse omnibus cupient, vnaquaque
virtute proficere studebunt. Præclarè nobiscū actū erit
si talia præstabit. Veruntamē si cūcta quę memora-

ta sunt, deo donante præstiterimus, omnesque bonitatis ac sanctimonie numeros impleuerimus, fragilitatis humanæ memores semper simus, dicente Apostolo: Qui stat, videat ne cadat. Non enim propriis viribus confidendum, sed omnis bene agendi beneque perseverandi fiducia in deo sita sit, sine quo ne cogitare quidem quod bonum est, nostra valet imbecillitas. Animum autem ita ut exposuimus institutum atque compositum quæ commoda sequantur, quis æstimet? non est tamen silentio prætermittendum, quod scriptura docente didicimus.

De fructibus bonitatis.

Cap.

12.

Primum quidem iustorum preces exaudiri, & eorum merito in impios quoque vindictam differri sacrae historiae veritas fidem facit. Oranti Abrahamæ ne pereat iustus cum impio in euerfione futura Sodomorum respondit dominus, parsurum se urbi, si in ea decem tantummodo iusti fuissent inuenti. Bene itaque cum illa ciuitate agitur, in qua sanctorum cōuentus aliquis habetur. Quandoquidem ita illis fauet deus, ut in ipsorum gratiam peccatoribus quoque & iniustis ignoscatur. Ne autem iustus cum scelestis vno rapiatur interitu, Loth solus multæ in deū pietatis vir ab angelo monitus inde egreditur, & Sodoma Gomorrhaque igne de cælo plente delentur. Segoro oppidulo quod ille ingressus est ut ibi se cum suis saluaret, pepercit deus, in hoc quoque ostendens quanti sit apud se vel vnius iusti meritum atque gratia. Quæ res etiam in Noë cum vxore & liberis nuribusque seruato clarè apparuit. Iusti quippe in arca saluati sunt, iniusti omnes diluuiopierunt. Præter hæc Abrahamo orante steriles fœminæ pepererunt. Moysæ orante plagæ Aegypti cessabant, inimici

Gene. 18.

Gene. 19.

Gene. 20.

Exod. 27.

Num. 14. 16.

inimici victi sunt, diuina in plebem ira placata est. Ille & 21.
 iubente orauit Aaron, & incendium quo populus in-
 uoluebatur, cessauit. Eiusdem Moyfi preces iis qui ser- 2. Reg. 17.
 pentum ictibus disperibant, remedio fuere. Elia depre-
 cante ne plueret, suspensus fuit cœli humor per annos
 tres cum dimidio. Quo rursum vt plueret orante, cœ-
 lum dedit pluuiam & terra fructum, Idem in Serepta
 viduæ pauperculæ nihil habenti, farinæ oleique copiā
 non largitione, sed oratione contulit, filiumque eius
 mortuum ad vitam reuocauit. Quid adhuc? Fluminis 4. Reg. 2.
 cursum stare fecit, donec diuisis aquis ad vltiorem 4. Reg. 4.
 ripam per siccum transiret. Elisei oratione aqua potu
 noxia salubritatem recepit, terra sterilis fœcunditatē,
 vidua Samaritana cum inopia laboraret, oleo abunda-
 uit. In Suna ciuitate mulier, apud quem ille hospitaba-
 tur, diu sterilis filium suscepit, & cum deinde hunc ip-
 sum filium morte sibi sublatum fletet, mox ab eo vitæ
 restitutum vidit. Item Elisæus cum orasset, pulmentū
 amarum in dulcorem conuertit. Centum hominum
 turbam, viginti panibus satiauit. Leprosū Naaman
 sanum fecit. Ferream securim in fluuium delapsam e-
 natare in ligni modum compulit. Ab inimicorum ob-
 sidione non virium, sed precum virtutē se expediuit,
 ac ne in morte quidem miraculi caruit: mortuus mor-
 tuum hominem tactu solo suscitauit, & qui iam in cor-
 pore non vivebat, alterum viuificare meruit. Quid
 multa? Diuini homines adhuc in terra degentes cœ-
 lo imperant. Sol & luna ad orationem Iosue ducis
 Iosu. 10.
 cursum suum frenare coacti sunt, donec ille hostem
 persecutus vlcisceretur. Et si cœlestia sanctis tuis domi-
 ne seruiunt, quantomagis terrena? Non immerito igitur
 tibi seruiendo regnant, tibi famulando dominan-
 tur. Apostoli tui domine desperatas hominum ægritu-
 dines curauerunt, mortuis vitam reddiderūt, dæmonia
 de obsessis corporibus eiecerunt. Ac ne solis illis hoc
 da

Apost.

datū crederemus, eadem post illos miracula per sanctos tuos factitata verè fideliterque referuntur. Ex quo factis patet, quātum diligenteste diligas, cum per eos tuā potentiam tuamque bonitatem mundo manifestes. Petrus Dorcam, Ioannes Drusianam, Matthæus Aegypti regis filium, Paulus Euthicum à morte ad vitam suscitauit. Quæ terrena potestas, quæ naturæ vis efficere hoc potuisset: quod electi tui domine te præstante potuerunt? Per te igitur & regibus terræ & populorū dominis plus possunt. Ipsi itaque & reges sunt, & plusq̃ reges. dij videlicet, quorum deorum tu Deus es. De his quippe Apostolus ait: Vos autem genus electum, regale sacerdotium, gens sancta. Verè enim rex est, qui imperat passionibus, & verè deus est, per quē summus deus ea quæ supra naturam sunt, operatur: vnde ad Moysen dixit dominus: Ecce constitui te deum Pharaonis: utpote superaturum magos Pharaonis prodigiorum operatione, & fideles de seruitutis iugo liberaturum in manu forti & robusta, de Aegyptoque educturum, & quoniam in iisdem elucet gloria tua quàm & moribus ostendunt & sermonibus declarāt, modo cœli, modo nubes, modo stellæ in scripturis nominantur. De illis nanque dictum intelligimus, Annunciauerunt cœli iustitiam eius populo qui nascetur, quem fecit dominus. Ad illos pertinere sentimus quod legitur: Veritas tua vsque ad nubes. Illis conuenire non ambigimus, quod Apostolus ait: Stella à stella differt in claritate. Iidem etiam arborum florumque nomina sortiti sunt, montium quoque & lapidum & liquentium aquarum. Arbor bona est, qui cum psalmista dicere potest. Ego autem sicut oliua fructifera in domo dei. Flos est cui conuenit quod in Osæ propheta est dictum: Israël germinabit quasi lilium. Mons est qui iustitiæ meritis erigitur ac sublimatur, ut sustētaculum ecclesiæ esse videri possit, de qua dictum est: Fundamenta eius in montibus sanctis

Petrus.
Iohannes,
Matthæus.
Paulus.

1. Pet. 2.

Exod. 7.

Psalmo. 31.

Psal. 5.
2. Cor. 25.

Psal. 51.

Osce. 14.

Qui enim confidit in domino sicut mons Sion non mo-
 uebitur in æternum, montes in circuitu eius, & domi-
 nus in circuitu populi sui. Lapidēs etiam sunt quibus
 dei ciuitas construitur, dicente Apostolo Petro: Si gu-
 statis quoniam dulcis est dominus, ad quem accedentes
 lapidem viuū, ab hominibus quidem reprobaturum à
 deo autem electum & honorificatum, & ipsi tanquam
 lapides viui superædificamini domos spiritales in sa-
 cerdotium sanctum, offerentes spirituales hostias acce-
 ptabiles deo per Iesum Christum. Hos & Apostolus Pau-
 lus dicit superædificatos supra fundamentum Aposto-
 lorum & prophetarum, ipso angulari lapide. Christo
 Iesu domino nostro, in quo omnis ædificatio constructa,
 crescit in templum sanctum Dei. De quo sanè templo
 psalmista ad dominum ait: Tu, exurgens misereberis
 Sion, quia venit tempus miserendi eius, quia venit tem-
 pus: quoniam placuerunt seruis tuis lapides eius. Placēt
 dei famulis isti ecclesiæ lapides, cum vitam ipsorum imi-
 tando ad eorum perfectionem nituntur peruenire. Iudē
 sicuti montes per virtutum altitudinem nuncupantur,
 ita & flumina propter doctrinæ inundationem copiā-
 que affluentem. Plenissimè enim viam veritatis docēt,
 quā viam ipsi terendo iudicis aduentum præstolan-
 tur securi. Vnde dicitur: Flumina plaudunt manu, si-
 mul montes exultabunt in conspectu domini quoni-
 am venit iudicare terram. Neque enim de insensibili-
 bus intelligi potest manuum plausus, aut lætitiæ exul-
 tatio. Qui autem euāgelio credit, ei promittitur quod
 de ventre eius flumina fluent aquæ viuæ. Et in diuersis
 diuersæ effulgent virtutes vt decentius cultiusque ec-
 clesiam Christi sponsam exornent, cui quidem ipse
 sponsus per Ezechielem: Vestiui te, inquit, discolori-
 bus, & de qua ad sponsam psalmista ait: Astitit regi-
 na à dextris tuis in vestitu deaurato, circumdata varie-
 tate. Alij quippe datur sermo sapientiæ, alij sermo
 scientiæ

Psal. 86.

Psal. 134.

1. Pet. 2.

Ephē. 2.

Psal. 101.

Psal. 97.

Iohan. 7.

Eze. 16.

Psal. 44.

1. Cor. 12.

- scientiæ, alij fides, alij gratia sanitatum, alij operatio virtutum, alij prophetia, alij discretio spirituum, alij gratia linguarum, alij interpretatio sermonum, hæc autem omnia operatur vnus atque idem spiritus, diuidens singulis prout vult. Ex his autem efficitur corpus Christi, hic nempe manus, ille pes, alius oculus, aliud membrum, corpus verò vnum quibus dicitur, Vos estis corpus Christi & membra de membro. Atque membra ista nota quidem deo sunt, quia fortia & robusta, quia sapientia, quia plurimi æstimanda. Ea ipse cognoscere se dicit, quæ sua notione digna sunt, quæque in suo manent corpore, ea verò ignorare quæ extra ecclesiam sunt, & per peccatum ab ipsa sese alienarunt. Hoc Amos propheta testatur cum ait, Audite verbū quod locutus est dominus super vos filij Israël, & super omnem cognationem quam eduxit de terra Aegypti dicens: Tantummodo vos cognoui ex omnibus cognationibus terræ. Notus enim deus tantum in Iudæa erat, cætera impietas nequitia possederat, his in euangelio ait, Recedite à me operarij iniquitatis, nescio vos. De iustis autē in psalmo est dictum, Nouit dominus vias immaculatorum, & hæreditas eorum in æternum erit. Porro immaculati sunt qui cupiditatibus repugnāt, ne domino peccent, de quibus in Delboræ cantico dicitur: Iusti cōfortati sunt in Israël, vt videlicet superent aduersarias potestates victoriaque potiantur. Idem dona quoque sapientiæ & scientiæ accipere merentur, Ecclesiaste dicente: Homini bono in conspectu suo dedit deus sapientiam & scientiam & lætitiā, quæ nequaquam consequi potuissent, nisi à domino diligerentur, & apud eū in precio forent. Vnde dictum est: Preciosa in conspectu domini mors sanctorum eius, non esset eorum mors preciosa, nisi præcessisset vita sancta. Ob quam quidem etiam filij Dei effici merentur, & domus in qua habitat deus. Quod filij dei fiant, Ioannes in epistola testatur
- Amos.
- Psal. 16.
- Iudi. 3.
- Eccle. 2.
- Psal. 15.
1. Iohan. 2.

statutur dicens: Si scitis quoniam iustus est deus, scitote & omnis qui facit iustitiam ex ipso natus est. Idem in euāgelio: Quotquot autem receperunt eum dedit eis potestatem filios dei fieri, qui non ex sanguinibus neque ex voluntate carnis neque ex voluntate viri sed ex deo nati sunt. Quod præterea domus dei sint Apostolus Paulus Corinthios instruens declarat, cū ait: Nescitis quia templum dei estis & spiritus dei habitat in vobis? Et iterum: An nescitis, quoniam membra vestra templum sunt spiritus sancti, qui in vobis est? Et cum non modo intra se deum habitantem habeant, verum etiam ipsi in deo habitent, hoc est in templo non manufacto neque huius creationis. Inter vasa quoque templi computantur, ex his Paulus vas electionis appellatus est, portans nomen domini in gentibus & ipse in domino permanens. Cæteri etiam Apostoli apostolicique viri vasa electa fuere, vasa magnæ domus, alij quidem aurea, alij verò argentea. Ad quos propheta: Mundamini, inquit, qui fertis vasa domini. Neque poterit esse vas domini, qui ab omnibus nequitie sordibus non fuerit emundatus. Etenim peccator quoque vas est, sed in contumeliā factum, non in honorem, vas non dei sed diaboli. Quisquis igitur & spiritus sancti habitaculum, & vas Dei sanctificatum atque vtile esse desideras, viam derelinque vitiorum, ac per virtutum semitam gressus tuos dirige, ab otio atque voluptatibus discede, & ad cælum ascendendi labori ac solitudini te quamprimum accinge, ut pro iustitiæ fideique operibus mercedem capere mereare sempiternam, & tandem in illo, pro cuius amore te exercueris feliciter conquiescas.

Ioan. 1.

1. Cor. 3.

1. Cor. 6.

1. Tim. 2.

Isaia, 58.

De præmio iustorum.

Cap.

13.

Etenim

E Tenim si iustitia pietatēque præditi homines ab omnipotenti deo tot tantisque bonis afficiantur in terra, quanto magis in cœlo: vbi æternum eis ipse constituit habitaculum, vbi sedem perfectæ consummatæque beatitudinis esse voluit. De qua in Prouerbiis dicitur: Habitacula iustorum benedicentur. Et in Psalmo: Sanctificauit tabernaculum suum altissimus. Cum que ita sit, illi proculdubio qui illuc transferentur perpetuò benedicti ac beati erunt, gaudentes in conspectu dei semper, iam salutem cōsecuti nulli prorsus iniuriæ obnoxiam, nullius solitudinis participem, bonorum omnium plenam atque confertam. Idcirco Psalmista ait: Vox exultationis & salutis in tabernaculis iustorū. Idem alibi: Gaudebunt campi & omnia quæ in eis sūt. Tūc exultabunt omnia ligna sylvarum à facie domini, quoniam venit iudicare terram. Tūc enim iusti rapiētur ab angelis obuiam Christo, & ad partem dextram collocati cum ipso ad cēleste regnum transmigrabunt, ipso Christo domino dicente: Venite benedicti patris mei, percipite regnum à constitutione mūdi vobis paratum, qui & in peregrinos hospitaes, & in egenos liberales, & in afflictos fuistis misericordes, accipite tandem pro modicis magna, pro terrenis cōlestia, p breuibus sempiterna. Hęc igitur erit benedictio illa, de qua Salomon ait: Benedictio domini super caput iusti. Quam rem latius quidem explicat Psalmista, dicens: Quis ascendet in montem domini? aut quis stabit in loco sancto eius? Et respōdet: Innocēs manibus & mundo corde, id est, qui nec actionis improbæ, nec cogitationis malignæ vitio fuerit pollut⁹. Deinde sequitur: Qui non accepit in vano animam suam, nec iurauit in dolo proximo suo, hoc est, qui post vanitates & insanias hui⁹ mundi non abiit, ne quenquā verbis ad fraudem cōpositis decipere est cōatus. Hic, inquit, accipiet benedictionem à domino, & misericordiam à deo salutari suo.

Non

Proue. 3.
Psalm. 45.

Psalm. 117.

Psalm. 95.

Mat. 25.

Prouer. 10.
Psalm. 23.

Non enim ex operibus iustitiæ quæ fecimus nos (ait Apostolus) sed secundum suam misericordiam saluos nos fecit. Iustitia quidem idoneos reddit ad promerendā gratiam, sed profectò nisi Christi domini merita accessissent, beatitudinis donum accipere nemo dignus esset. Vnde & in psalmo est dictum; Salus iustorum à domino. Nemo igitur suis meritis arroget, quod diuinæ est liberalitatis, nec elatione amittat, quod in humilitate sperauit. Iustus quia in omnibus se submittit, à domino sublimatur, iuxta illud Ecclesiastici: Qui operatur iustitiam, ipse exaltabitur. Non solum autem se submittit qui iustus est, sed etiam omni proficit probitate, virtutisq; deuitat. Sic enim in Isaia legitur: Qui ambulat in iustitiis & loquitur veritatem, qui proiicit avaritiā ex calūnia, & excutit man⁹ suas ab oī munere, qui obturat aures suas ne audiat sanguinē, & claudit oculos suos ne videat malum, iste in excelsis habitabit. Igitur qui in his non ambulat, non est iustus, & qui non est iustus, habitare in excelsis non poterit. Iustum autem per eundem prophetam consolatur dominus, & promissis remunerationis allicit, dicens: Dicite iusto quoniam bene, quoniam fructum adinuentionum suarum comedet. Porro iustorum remuneratio quid est aliud, nisi æterna beatitudo? Beati, inquit propheta, qui custodiunt iudicium, & faciunt iustitiam omni tēpore. Et alibi: Beati immaculati in via, qui ambulant in lege domini. Et in euangelio: Beati qui esuriunt & sitiunt iustitiam, quoniam ipsi saturabuntur. Hi enim pro operibus iustitiæ replebuntur bonis felicitatis æternæ, & ipsa virtutum esuries & sitis refici merēbitur dapibus gloriæ celestis, dicente propheta: Iusti epulentur & exultent in conspectu dei, & delectentur in lætitia. Illustrabuntur insuper ex diuina visione, & animæ beatificatæ decor redundabit in corpore imortali atq; incorruptibili, dicēte saluatore. Tūc iusti fulgebūt sicut sol i regno patris

Titum. 3.

Psalm. 36.

Eccle. 20.

Isaia. 33.

Isaia. 2.

Psalm. 105.

Psalm. 118.

Psalm. 67.

Matth. 3.

patris eorum. Cæterū, ne pluribus immoremur in singulis, nemo est qui vel fando explicare, vel cogitando queat comprehendere, quanta siue qualis iustorum in cœlesti regno sit merces, hoc tibi testatur Apostolus, dicens. Nec oculus vidit, nec auris audiuit, nec in cor hominis ascendit, quàm grandè bonum sit, quod deus ipse suis dilectoribus possidendum fruendumque præparauit. Audiamus igitur (si tale bonum consequi cupimus) Petrum Apostolum exhortantē: Succincti, inquit, lumbos mentis vestræ, sobrii ac perfecti spectate in eā, quæ offertur vobis gratiam, in reuelatione Iesu Christi, quasi filij obediētīæ, non cōfigurati prioribus ignorantīæ vestræ desiderijs, secundum eum qui vocauit vos sanctum, vt & ipsi in omni conuersatione sancti sitis. Tanti est ergo faciendæ piæ sanctæque viuendī virtus, quanti ipsa virtutis merces, quæ est summum hominis bonum, ad quod per hanc quidem virtutem peruenitur. Tales igitur simus, qualibus ista quæ dicta sūt, conferri credimus.

*De peccatis principalibus per septem
lepræ genera significatis.*

Cap.

14.

PORRò bonitatem ipsam maximè ac magis expetem⁹, cum peccati quoque mala cōsiderauerimus. Quicquid legi diuinæ aduersatur, quicquid virtutibus contrarium est, rationi que repugnans, peccatum est, inter peccatum & delictum quidam discernunt, delictumque leuius esse aiunt, Id enim delictum dici, cum non facimus quod debemus: peccatum verò, cum committimus quod non debemus, in illo boni omissionem esse, in hoc perpetrationem mali. Vtroque tamen vocabulo

fabulo scriptura pluribus in locis indifferenter indi-
 stincteque vtitur. Caterū nō parua inter se peccatorū
 discrimina sunt, cum aliud alio longē grauius sit dete-
 stabileque magis vel diuersi generis atque cōditionis. Leui. 13.
 Peccatum in lege veteri per lepram significari noui-
 mus, & sicut variæ ibi leprarum species notantur, ita
 varia esse peccata manifestum est. Colore habituque
 diiudicatur lepræ, sic peccata specie atque pondere. Nō
 incongruē igitur ipsa septem capitalia vitia, septem ge-
 neribus lepræ nunc comparare conabimur. Prima qui-
 dem lepra describitur coloris albi in cute carnis viuæ
 cum capillorum aspectu mutato. Albedo ista pallor in-
 uidiæ est. Inuidus de alieno bono dolens, liuidam præ Inuidia.
 se fert faciem: dumque malè affecti animi stimulis agi-
 tur & inquietatur, in carne vicia vitium esse dicitur,
 tunc autem & capillus mutatur, cum relicto rationis cō-
 filio, cuius in capite sedes est, prauæ cupidinis affectum
 sequimur. Nihil autē nequius, quàm quos imitari de-
 bemus, eis inuidere velle. Alterū lepræ genus florere di-
 citur, ac totum quippè corpus à capite vsque ad pedes
 occupare, quæ tamen munda esse putatur, nisi caro vi-
 ua apparuerit. Hanc equidem mentis torporem esse re-
 or, & ad persoluenda quæ tenemur otiositatem atque Acedia,
 ex tædio neglectum, quod vitium acediam appellat.
 Ea sanè totum hominem possidet, dum mollem peni-
 tus & effœminatum reddit. Munda autē est, nisi caro vi-
 ua apparuerit: quia vitium istud nec stultis, in quibus
 ratio mortua est, imputatur: nec mala valetudine affe-
 ctis, quorum bona voluntas morbo impedita est corpo-
 ris. Tertia lepræ species, hulus est in carne natum &
 sanatum, & in loco hulceris cicatrix alba siue subrufa,
 & carne reliqua humilior pressiorque, pili etiam in cā-
 dorem versi. Hulus in carne auaritiā esse existimo; Auaritia.
 cuius vulnus tunc obductum videtur, cum auarus ade-
 ptus est quod concupierat. Caterū quia nec adepto

fatietur, nōdum sanatum vulnus cicatrix inæqualis' ac discolor ostendit. Et quoniam ille nulla copia contentus, in superfluis parandis cumulandis'que laborat semper, pilos habere dicitur, qui sunt superflua corporis, cicatrix autem alba, delectationem in acquirendo indicat, rufa ardorem in concupiscendo. Quartum lepræ genus dicitur caro & cutis igne adusta & sanata, sed & ipsa cicatricem habens albam siue rufam, reliqua cute humiliorem, pilorum colore mutato, atque in cicatricis cute lepra excrescente. Quid est lepra ista, nisi libidinis igne succensa appetitio? quæ tūc quidē sanatur, quando vel explet legitimo matrimonio auiditatem, vel coërcet excolendæ castitatis gratia. Sed si pristinæ voluptatis recordatio labefacere ac mutare cœperit propositum, nec iam meretricari erubuerim', cicatrix suscipit inæqualitatem cutis, & coloris pilorumque mutationem. Conuersa est enim in candorem carnalis delectationis, & in rubedinem inflāmatæ auiditatis, & in lepram excrescentem, eo quod frequenti visu nō fatiatur turpis libido, sed magis acceditur. Quintum genus lepræ capitis est & barbæ in viro & muliere: cum locus humilior fuerit reliqua carne, & capillus flauus solitoque subtilior, lepra, inquit, capitis & barbæ est. Caput & barba gulæ contigua sunt, non ineptè igitur lepram hanc ad crapulæ vitium referemus. Quoties per ingluuiem impotes rationis facti fuerim', & iam nec lingua suum implere officium valuerit, capitis ac barbæ lepra erit, non capitis & barbæ Aaron, in quibus est benedictionis diuinæ vnguentum, sed capitis & barbæ eorum, quibus manna fastidio est, & Aegyptiæ carnes voluptati. Capillus autem flauus, qui meretricibus conuenit, guloforum impudentiam delignat, quorum temeritati nihil obstat, quin semper obscœnum ac turpè aliquid aut dicant aut faciant. Tunc verò extenuatur capillus, cum bona animi per luxuriam

Fornicatio.

Gula.

sumuntur : Locus autem lepræ ubique humilior prædicatur, quia in ea parte virtus animæ deprimitur, in qua peccatur, non in qua non peccatur, potest enim fieri, ut aliquis partim virtutibus præstet, partim alicui vitio deditus sit. Sexta lepra caluitij est. Si in caluitio, inquit, vel recaluitiōe albus vel rufus color fuerit exortus, & hoc sacerdos viderit, condemnabit eum haud dubiè lepræ, quæ orta est in caluitio. Quoniam caluitium summa capitis occupat, per hoc superbiæ elationem signari reor. Semper se supra se erigit superbus, inani tumet gloria, pares contemnit. Cum de animi bonis inaniter sese iactat, albus color est in vertice: cū de bonis corporeis atquæ fortunæ gloriatur, rubedo quæ corporeis conuenit, sedet in capite. Et quia caput caluitio deforme sit, utpote capillorum ornamento vacuum, innuit nobis, nihil esse honesto viro indecentius, quàm inanis ac superba fuimet iactatio. Septima verò ac suprema istarum, quæ in Leuitico simul tractantur, lepra, non hominis esse dicitur, sed vestimenti. Vestis linea, inquit, siue lanea, quæ lepram habuerit in stamine atque sub tegmine, aut certè pellis, vel quicquid ex pelle confectum est, si alba vel rufa macula fuerit, infecta lepra reputabitur. Demus hanc si libet, quod reliquum est, iracundiæ vitio. Cum enim nulla animi passio ita hominem infatuat atque dementat ut iracundia, meritò lepra ista non hominis est, sed vestis, hoc est, eius qui nihil in se hominis habet præter figuram, quique vestimentum hominis dici potius debet quàm homo. Qui citò irascitur, leuis est ut linum: qui citò placatur, mollis ut lana, qui immaniter furit, vestis ex pelle ferina est. Homo enim cum in honore esset, non intellexit, comparatus est iumentis insipientibus, & similis factus est illis: Lepra hæc in stamine est & sub tegmine, quia iracundus & intus furore æstuat, & foris petulanti ore rixatur. Quoniam

Superbia.

Ira.

autem vbique color albus ac rufus lepræ tribuitur,
 quæri potest, quomodo albedo peccato conueniat, cum
 præsertim ecclesia in Canticis nigram se prius fuisse fa-
 teatur cum erraret, deinde formosam, cū credens Chri-
 sto sponso iuncta esset, qua ratione igitur lepra candida
 est vel rufa? Sed quia vel tegimus peccata, vel ostētam^r
 ideo arbitror lepram candidam hypocritarum esse se-
 pulchris similitum dealbatis. Rufam verò lepram illos
 habere, qui manifesto & sub multorum conspectu eru-
 bescenda committere non verentur. Denique saluato-
 ri, qui peccata nostra tulit, dicitur: Quare rubrum est
 indumentum tuum? Præterea fit plerumque vt cū in
 peccato deprehendimur, ora inficiat rubor, dum accu-
 sari magis quàm peccare pudet. Quare etiam locus le-
 præ humilior est quàm cætera quæ sana sunt? quia pec-
 catum ad terram animā premit, humi'que allidit. Vn-
 de & labi atque cadere dicitur, qui peccat: stare verò
 & rectus esse, qui non peccat. Humilem itaque lepræ
 locum grauitas peccati facit atque pondus, de quo Da-
 uid lamentabatur, dicens: Iniquitates meæ supergressæ
 sunt caput meum, & sicut onus grauæ grauata sunt su-
 per me. Non est huius loci de hostiis quoque & expia-
 tionibus lepræ differere, satis sit generatim ista breui-
 terque perstrinxisse. Nec tamen omittemus illud quo-
 que lepræ genus obiter attingere, quod post aliqua se-
 orsum describitur, vt maius aliquid inuat, quàm quòd
 cum illis quæ simul enumerata sunt, commune sit. Le-
 pra hæc domus est habentis in parietibus valliculas
 pallore siue rubore deformes, humilioresque super fi-
 cie reliqua. Domus ista ecclesia Christi est, hæc ma-
 culas patitur, dum hereticorum fallacibus argumentis
 impugnatur, pallor & rubor i maculis est, quia hi qui-
 dem fidelibus inuidendo liuent, atque irascendo inflā-
 mantur, sed veritatē victi, eisdem tandem cedunt, atq;
 ita reliquis orthodoxis inferiores inueniuntur. Rectè
 itaq;

Color albus

Color rufus

Quare locus
lepræ humili-
or.

Psal. 37.

Heretici.

itaque sacerdos lapides, in quibus orta est lepra, erui ac proiici iubet, & parietes radi, vt omni prorsus ablata errorum spurcitia, nec maculam habeat Christi spōsa nec rugam. Non ante pullulare cœperunt hæreses, q̄ disseminatum est Euangelium: nec ante lepra hæc iussa est obseruari cauerique, q̄ filij Israël terram ingressi fuerunt p̄missionis. Porro si cui nostra leprarum expositio duriuscula fortasse videbitur & extorta, sequatur alios, qui in ipsis enodandis magis sibi placuerint, dūmodo sciat omnes in hoc conuenire, vel lepram peccatum esse asserant. Ergo huiusce morbi vi fœditatēque perspecta cogita, quanta peccati, quo dei comparatur, deformitas, qualis pernicies sit. Sicut enim lepra, totius corporis pulchritudinem demolitur, ita omnem animæ decorem corrumpit peccatum, atque hoc solū malum est, quo illa lædi perireque possit. Nunc tandē vnde digressi sumus, eo reuertamur, vt aliam quoque peccatorum differentiam explicemus, ac postremò quæ ex illis incommoda nobis oriantur, inquiramus.

Luc. 14.

De peccatorum differentia.

Cap.

15.

QUædam peccata ita leuia sunt ac minuta, vt his carere omnino non possimus, & quia veniam faciliè impetrant, à nonnullis venialia nuncupantur. Hæc quidem à regno dei non excludunt, aditum tamen ad illud nobis tam diu impediūt, donec expientur. Nihil enim inquinatum illuc intrabit. Sed nunc de illis duntaxat nobis erit sermo, quæ mortifera sunt, quæque vitari & debent quidem & possunt, aut si cōmissa fuerint, pœnitentiæ doloribus extenuari purgarique, alioqui ad æternum interitum cōpellent non pœnitentem, tanto acrius puniendum, quāto delinquēs ab æquitate recessit longius. Etenim ex his quoque

X iij

quæ

quæ pernicioſa ſunt, aliud alio execrabilius iudicatur, ac proinde maiore dignum ſupplicio pœnaq; acerbiorē mulctandum. Quodcūque autem peccatum leuiorū modū exceſſerit, mortiferū erit, idē in ſcripturis dicitur peccatū ad mortē: nō ad mortē hāc omnibus cōmunem, ſed ad illam quæ propria damnatorū eſt, quæ utique illos quos inuadit, nō perimit, ſed quo nihil eſt tetrius, nunquam morituros æternis cruciatib⁹ torquet, doloreque afficit omni morte magis expauſcēdo. Porro ex hac delictorum ſpecie illud maximum eſſe creditur, quod blaſphemia in ſpiritum ſanctū in Euangelio nominatur. Huius criminis à domino ſaluatore coguti ſunt Iudæi, cum dixiſſent eum in Beelzebub, nō in dei virtute eiicere dæmonia. Patet ergo, peccatum in ſpiritum ſanctum tunc perpetrari, cum quis dei opera aliis tribuit, non errore deceptus ſed inuidiæ ſtimulis actus, vt dei laudē ſua procacitate obſcuret. Quicūq; iquit, dixerit verbū cōtra filiū hominis, remittetur ei: qui autē dixerit contra ſpiritum ſanctum, non remittetur ei neq; in hoc ſeculo, neque in futuro. In filiū hominis peccat, qui opinione falſus, Chriſtum purum hominem putat, quæ quidem culpa, quia ex ignoratione eſt profeſta, ad credulitatem conuerſo atque correcto protinus condonatur. Si quis verò apertē opera dei intelligens virtutem calumniatur, dum religioni noſtræ inuidet, & quæ per ſpiritum ſanctum facta ſunt, impie ad diaboli poteſtatem refert, huius culpa irremiſcibilis decernitur. Non quia pœnitētibus aliquid nō remittatur, ſed quod ſic peccanti, ad pœnitentiam conuertēdi ſe facultas denegatur, veluti indigno dei gratia, qui ſciens ac prudens deo auſus ſit aduerſari, & iam cognitam ſibi veritatem linguæ petulantia polluere, tantoq; ſe ſacrilegio ſpōte aſtringi. Illos quoque in inferno magis plectēdos credimus, qui credentes, Euangelicisq; inſtructi doctrinis delinquūt, q̄ qui mādatorū dei ignari

pec.

Mat. 13.
Peccatū in
ſpiritū ſan-
ctum.

peccant, quod testatur saluator, dicens: Seruus qui scit voluntatem domini & non fecit, vapulabit multis, qui autem ignorauit & non facit, vapulabit paucis. Quis præterea negauerit maius esse peccatū eorum, qui sub Euangelio sunt, quàm qui olim sub lege erant? Quis enim nescit eum magis teneri, qui iam accepit beneficium, quàm qui promissum adhuc spectat? Illud autem quod ab Israëlitis multo tempore fuerit speratum, nobis in aduentu Christi est persolutum. Tanto igitur plus ingratitudinis cōmittimus mādatis domini nō ob tēperādo, quanto plus accepimus gratiæ. Ex his quæ dicta sunt, liquido apparet, inter peccata quæ ad mortē committi dicuntur, aliud alio maius esse, plusque pœnæ mereri: & sicut genere ita & grauitate differre. Quinetiam in eodem genere peccati esse quasdam accessiones, quæ peccatum grauēt, si contigerint, eleuent si non contigerint. Non est huius loci de iis referre. Nimis enim prolixæ tractationis erunt si referantur, & peccatorum distantiam ostendisse sat est, ne quis fortè cum Stoicis deliret, & paria esse putans, non magis timeat interimere hominem quàm lædere. Nosse iūsuper debemus (vt suprà est dictum) siue leue, siue graue peccatum fuerit, si minutorum mensuram præterierit pœnæ ignis æterni esse obnoxium, & inferni supplicia grauitate distare, non tempore, quoniam exilij eorum omnium qui illuc relegantur, finis est nullus. Restat nunc vt de mortifero crimine in communi loquendo, quæ peccantem incommoda sequātur, perscrutemur, vt magis pateat, eiusmodi peccatum quàm fugiendum atq; vitandum sit, cum perspexerimus, quod illud qualiaq; mala sequantur.

Quæ mala peccato accedant.

Cap.

16.

x iij

Bonus

tingat, quid de iis quas malas esse iudicant, dicemus: cū premere cœperint vitæ depravata virum, nisi futuræ damnationis illas initium esse: si modo is à peccatis in tempore non resipiscat, flagitiis que finē statuendo rursum virtuti exercendæ pro viribus incumbat. Cæterū plurima quidem ante damnationem peccatum consequi solent mala, quæ nunc operæpretium erit referre, quo demum constet, præsentis quoque mali vitandi causa non esse peccandum. Quæ dicam, nolo ut mihi credantur, nisi singula sanctorum auctoritate scripturarum firmata erunt. Peccati igitur ea prima malignitas est, inutilem facere hominem, & neque sibi neque aliis rectè consulentem. Dicitur enim in Ecclesiastico: *Eccl. 14.*
Qui sibi nequam est, cui bonus erit? Peccator plerumque instabilis est, nunc hoc nunc illud aggreditur: quod placebat, displicet: quod displicebat, placet: nihil in illo potest esse firmitatis, quoniā nō super petram ædificat, sed super arenam, & arundo est vento agitata. Hoc Psalmistæ crede dicenti: In circuitu impij ambulant. Neque enim rectè possunt ambulare, qui cum deo non ambulant. Peccatum veri intelligendi acumen hebetat. Ambulabunt, inquit, ut cæci, quia domino peccaverūt. Et in euangelio de peccatoribus est dictum: Cæci sunt & duces cæcorum, Cæcus cæcum ducit, & ambo in foveam cadunt. Peccatum perdit humanæ cōditionis dignitatem, hominemque brutis reddit comparandum. De quo Psalmistæ verba tibi fidem faciunt, dicētis: Homo cum in honore esset, non intellexit, comparatus est iumentis insipientibus, & similis factus est illis. Cuius ignominia idem volens nos expertes esse hortatur & ait: Nolite fieri sicut equus & mulus, in quibus non est intellectus. Quid enim despicabilius, quid fœdus, quā ex homine pecudem effici, & eo qui propius humanæ atque angelicæ mentis est, intellectu carere. Peccatum vitæ spatia minuere dicitur. Sic enim de Heriudæ filio

in

*Eccl. 14.**Psal. 11.**Sopho. 1.**Luc. 6,**Psal. 48.**Psal. 11.*

Psal. 45.
Iroue. 10.

2. Timo. 5.
Apoc. 22.

Baruc. 6.

Eccle. 10.

Daniel. 4.

Apoc. 3.

in Genesi legimus: Fuit Her primogenitus Iudæ filius nequam in conspectu domini, & ideo ab eo occisus est. Sanctus quoque in psalmis spiritus loquitur: Viri sanguinum & dolosi non dimidiabunt dies suos. Et in Pro uerbiis ait Salomon: Timor domini apponet dies, & anni impiorum breuiabuntur. Sed licet aliquis mal^o diu uiuat, q̄ diu in peccato est, in morte est, te statur hoc Paulus Apostolus, dicens: Vidua quę in deliciis est, uiua mortua est. Et in Apocalypsi angelo, id est, præfidi ecclesię Sardis dicitur: Nomen habes quod uiuas & mortuus es. Et dominus in Euangelio: Sinite mortuos, inquit, sepelire mortuos suos. Ad hæc ne principes quidem speret, diu posse regno suo frui, si ipsum regem regum & dominum dominantium offendere non verentur: testis est his euerfa Hierusalem, primo à Chaldæis, propheta dicente: Propter peccata quæ peccauistis, abducemini in Babyloniam captiui à Nabuchodonosor rege babyloniorum, deinde à Romanis: quod futurum illis prædixit Christus dominus: quem ob inuidiã persecuti sunt. Hoc autem peccatis exigentibus euenire etiam in Ecclesiastico discimus, ubi dicitur: Regnum à gente in gentem transfertur, propter iniustitias & iniurias, & contumelias & diuersos dolos. Ipse quoque Nabuchodonosor rex cum esset omnium potentissimus, deoque se æquaret, regno exturbatus vixit cum bestiis, donec ad mentem rediens efferre sese desiit, seque hominem agnouit, & confiteri cœpit, quod solus deus mundi sit dominus, ius habens in regna hominum, & cuicunque uoluerit illa distribuens. Quin etiam imperio præstare, diuitiis opibusque pollere quid iuuat, si quicunque mortaliū peccat, miser esse probatur? Maiore enim sui parte, hoc est, animo miser est, tametsi vulgi opinione, qui nihil nisi corporis fortunęque bona mirari didicit, felicissimus feratur, in Apocalypsi angelus, id est, antistes Laodiceę ecclesię gloriatur, quod sit diues & locupletatus &

tat⁹ & nullius egens, & tamē dicitur ei: Nescis quia tu es
 miser & miserabilis & pauper & cæcus, & nudus. Non
 est enim felicitas diuitiis abundare, sed virtutibus: ne-
 que infelicitas inopia grauari: sed flagitiis. Famem
 quoque & mortes delinquentibus minatur dominus, di-
 cens: Terra cū peccauerit mihi, vt præuaricetur præ- Ezech. 14.
 uaricans, extendam manum meam super eam & conte-
 ram virgam panis eius, & immittam in eam famem, &
 interficiam de ea hominem, & iumentum. Quod si mul-
 tiplicentur scelera, grauabitur vindicta. Sæpe autem
 contingit vt vnum peccatum plurium causa sit, Dauid
 adulterium cum Bethsabæe commissum celatum vo-
 lens, Vriam virum eius obtulit hostibus interimendū.
 Herodes Ioannem à quo illiciti connubij arguebatur,
 in carcerem misit, & capite cædā iussit. Nōne illa eti-
 am quæ filiæ suggessit vt hoc peteret, coniugij fefelle-
 rat fidem, & matrimonio prætulerat concubinatum:
 vtque illo liberius vteretur, iustitiæ cultorem, cui talia
 displicebant, necandum curauit. Non ab re igitur scri-
 ptura ait. Qui nocet noceat adhuc, & qui in sordibus
 est, sordescat adhuc. Bonarū quoq; actionum meritum
 amittitur propter peccatum. Hoc Salomon testatur di-
 cens: Qui in vno peccauerit, multa bona perdet. Diui-
 na & in Ezechiele vox est, Iustitia iusti non liberabit
 eum, in quacūque die peccauerit. Etiam si dixerō iusto,
 inquit, quia vita viuet, & cōsensus in iustitia sua fecerit
 iniquitatem, omnes iustitiæ eius obliuioni tradentur,
 & in iniquitate sua quam operatus est, in ipsa morie-
 tur. Nec præterita igitur nec præsentia benefacta pro-
 derunt ei, qui vel semel aliquid morte dignum commi-
 serit. Quid ad hæc? Peccatum sapientiæ donum corrū- Iere. 6.
 pit, & eū qui antè sapiens erat, desipere cōpellit. Tales
 crāt, de quibus in Hieremia cōqueritur dominus & ait:
 Stultus popul⁹ me⁹ me nō cognouit, filij insipientes sūt &
 vecor-

recordes. Sapientes sunt & faciant mala, bene autem facere nescierunt. Versuti quippe & callidi homines, cū aliquid dolosè fecerint, sapere videntur, sed mundi huius sapientia stultitia est apud deum. Verè autem sapiens est, qui innocentiam seruat, vt ei placeat, à quo vt saperet accepit. Ex omnibus tamen malis quæ in se habet peccatum, hoc teterrimum est, quod nos, à Deo separet, & qui per gratiam adoptionis filij dei sumus, p peccatum efficiamur serui diaboli. Quod à deo separetur qui peccat, audi Iohānem Apostolū dicentem, De^o lux est, & tenebræ in eo nō sunt vllæ, si dixerimus quod societatem habemus cum eo, & in tenebris ambulam^{us}, mentimur, & veritatem nō facimus. Idem innuunt prophetæ verba in psalmo ad deum dicentis: Tu es deus nō volens iniquitatem, neq; habitabit iuxta te malignus, neque permanebunt iniusti ante oculos tuos, odisti omnes qui operantur iniquitatem. Isaias etiam exprobrat his & ait: Iniquitates vestre diuiserunt inter vōs & deū vestrum, & peccata vestra absconderunt faciem eius à vobis ne exaudiret. Quæ enim communicatio lucis ad tenebras (vt Apostolus inquit) quæ societas Christi? cū Belial? Cū autem à deo quis recedit, continuò fit diaboli seruus. Nam si omnis (vt Saluator ait) qui facit peccatum, seruus est peccati: nōne etiā diabolo seruit, qui eū vt peccet stimulat? Iudæi vitiis dediti cū se iactarent deum habere patrem, audiunt, Vos ex patre diabolo estis, & desideria patris vestri vultis facere. Quam sententiam secutus Iohannes Apostolus ait: Qui facit peccatum ex diabolo est, quoniam ab initio diabolus peccat. Quanta igitur infelicitas est, vt homo à deo fact^{us}, ad imaginem dei creatus, ei^{us}que in filium adoptatus nequissimi dæmonis mancipetur seruituti, ipsumque habeat patrem? tanta cura diligentiaque adhiberi debet, vt crimen quod huiusce mali causa existit, caueatur ac vitetur. Illis enim qui hoc contempserint, & post

1. Iohā. 1.

Psal. 5.

Isaiā. 59.

Iohā. 3.

Ibidem.

1. Ioan. 3.

post peccatum ad pœnitentiæ remedia nō recurrerint nihil reliquum erit nisi vt ad supplicia nunquam finit̃ da damnentur, audiantque omnium terribilium maximè expauescendam iudicis vocem dicens: Ite maledicti in ignem æternum, qui paratus est diabolo & angelis eius. Hæc ergo vltima peccati perniciēs est, quod hominem ab hæreditate cœlestium bonorū exclusum ad ima pœnarum loca æterno relegat exilio. Denique peccatores mori dicuntur morte æterna, sicut e contrario iusti viuere vita æterna. Scriptum est enim: Homo per malitiam occidit animam suam, & anima quæ peccauerit, ipsa morietur. Et in euangelio peccatoribus dicitur: In peccato vestro: moriemini: non morte quæ corpus dissoluit, sed quæ animā sublata omni quiescendi spe terribiliter torquet & cruciat.

Sap. 16.
Eze. 18.

*Quæ peccata sunt præcipuè damna-
bilia. Cap. 17.*

QUæ sunt autē vel qualia crimina, quibus grauati homines in profundum inferni demergantur, Psalmista explicat ad Deum dicens, Maledicti qui declinant à mandatis tuis. Et dominus in euangelio eos asserit extremæ damnationis reos fore, qui erga pauperes & egenos & afflictos claudunt viscera pietatis. Ac præter hos illi qui non spiritui, sed carni seruiunt, dicente Apostolo, Manifesta sunt opera carnis, quæ sunt fornicatio, immunditia, impudicitia, idolorum seruitus, veneficia, inimicitia, contentiones, æmulationes, iræ, rixæ, dissensiones, hæreses, inuidiæ, ebrietates, comeffationes, & his similia, quæ prædico vobis sicut prædixi, quoniam qui hæc agunt, regnum dei non possidebunt. Idem alibi repetens ait: An nescitis quia iniqui regnum dei non possidebunt? nolite errare

Psal. 119.

Galat. 5.

1. Cor. 16.

rare

Apoca. 2.

Isai. 66.

rare, neque fornicarij, neque idolis seruientes, neque adulteri, neque molles, neq; masculorum concubito-
 res, neque fures, neque auari, neque maledici, neque rapaces regnum dei possidebunt. Hinc sanè in Apocalypsi, talibus flagitiis pollutos angelus domini à sancta ciuitate propellèdo clamat: Foris canes & venefici & impudici & homicidæ & idolis seruientes, & omnis qui amat & facit mendacium. Hi & cōscientiæ stimulis incessanter agitabuntur, & pœnis exterius illatis affligentur, dicente domino: Eorum qui pręuaricati sunt in me, vermis non morietur, & ignis non extinguetur. Atque ita damnatorum propter peccatum tormēta nullo vnquam sine concludentur. Nam sicut in cœlesti regno beatorum gloriæ finis aliquando futurus non timetur, ita in inferno pœnarum terminus nullus vnquam sperabitur. Cū ergo iuxta ea quæ modo dicta sunt, peccati tanta malignitas existat, vt hominem inutilē, instabilem, intellectu hebetem, conditione vilem & abiectum reddat, vitam minuat, regna auferat, diuitias faciat miseras, aduersitatibus subdat, aliorum insuper delictorum causa sit, virtutum merita tabescere cogat sapientes infatuet, à deo separet, diabolo copulet, bono summo priuet, & pœnis afficiat æternis, quid vnquam tam cauere debet quàm peccatum cum nihil omnino tam nobis esse queat noxium, nihil ita ærumnosum. Si te tyrānus torqueat vt pecces, omnia tormenta perferre satius est quàm peccare, si necem minetur, mori innocentem præstat, quàm nocentem viuere. Scias tamē nefarium esse mortem sibi metipsi aliquem inferre, vt imminens peccādi periculum deuitet, nisi deus iusserit: sicuti quibusdam virginibus iussisse creditur, quæ sibi mortem consciuere, ne ab hostibus stuprarentur. Quarum quidem memoriam nequaquam celebraret ecclesia, nisi miraculo reuelatum fuisset, illas non tam prospicere sibi se perimendo, quàm domino obedire voluisse

luisse. Alioquin nulli licere credimus, quicquid futurū timetur, sibi metipſi vitam eripere, ne illum offendant, cuius lex est, Non occides. Proteruus est seruus, qui domino depositum reddidit antequam poscatur.

Vnde tanta peccantium multitudo.

Cap.

18.

Porro cum tot taliaque sint, quę nos ne peccemus deterrent, qui causę est, quod peccantium multo maior numerus, quā non peccantiū existat, multoque copiosior turba sit mundo seruientium, quā mundi domino & cœli terręque conditori: ita vt cum propheta cogamur exclamare, Nō est qui faciat bonū, non est vſque ad vnum. Iam enim quod futurum dominus prędixerat, abundauit iniquitas, & refrixit charitas, vt propinquum testetur vltimi iudicii diem. Multa quippe cernimus, plurima audimus, à quibus abhorret animus, & ne illa sentire posset, sæpe nobis optauit cum cæcos oculos, tum aures surdas. Talia verò mirantibus nobis, causamque inquirentibus respondet Ecclesiastes dicens: Quia nō profertur citò contra malos sententia, absque timore vllò filij hominum perpetrant mala. Dilatio igitur pœnæ, peccandi præstat licetiam. Sed si cogitarent peccatores tanto acriorem fore vindictam, quantomagis venire cunctatur, peccandi libidinem coercerent, & nequitie finem citius ponerent. Delictorum enim vltor deus non semper statim punit: peccantis autem pœnitentiam ideò diu expectat, vt si abierit correctio minus excusabilis fiat pertinacia. Ceterum dum cœlestis arbiter à flagello quiescit, non remittit iram, sed colligit, vt totam vno impetu effundat & plectēdi tarditatem grauitate compenset. Interim ad peccandū alios corporis prouocat voluptas, alios honorū stimulat ambitio, alios multa habēdi auiditas vrget.

Ab his

Psal. 52.

Eccle. 8.

Ab his tribus tantum fontibus cuncta quæ sub cœlo fi-
 unt crimina oriri quidem reor. Etenim voluptatis ger-
 mina sunt, otium, ventris ingluvies, meandi incontine-
 tia, scortandi inexplabilis cupido, stuprum, adulterij,
 aliæque libidinis, quæ ne dici quidem honestè potest,
 perpetratio & illa quæ libidinem incitent, obscœni cœ-
 tus, molles musicorum soni, virorum cum mulierculis
 lasciuiuentia tripudia, aliæque huiusmodi plura. Ipsa
 deinde dignitatum honorumque appetitio genitrix est
 inuidiæ, nutrix superbiæ, amatrix inanis gloriæ. Is e-
 nim qui videri publico aliquo officio dignus concupi-
 scit, aliis detrahit, vt se efferat: aliorum facta deprimit,
 vt sua extollat, adulatoribus fauet, & vix vlllo vitio ab-
 stinet, dum in his etiam quæ perperam agit se laudari
 cognoscit. Postremò cum cumularum opum auiditas,
 quot scateat sceleribus quis enumeret. Inde sunt
 inter fratres odia, inter amicos dissensiones, iurgia, li-
 tes, contentiones, alæque; lusus, periuria, fraudes, furta,
 rapinæ, contumeliæ, iniuriæ, vulnera, cædes, & citius
 adeundæ hereditatis gratia concupitæ ante diem pa-
 rentum mortes. Quid multa? nullum prorsus flagiti-
 um, in quo aliquid speratur lucri, deuitat avaritia, dicen-
 te Apostolo: Radix omnium malorū est cupiditas. Om-
 nibus autem malis istis carebit, qui tribus illis à quibus
 cuncta gigni credimus carere studuerit, obstru-
 is quippe fontibus, riuos deficere ac siccare necesse est. Desinēt
 fluere vitia, cum vnde fluent non habuerint. Recide
 truncum, & rami morientur. A voluptate, ambitio-
 ne, avaritia procul esto, & nullam causam habebis ini-
 quæ aliquid improbeque patrandi. Vt voluptates fugias
 memor esto sapientissimi Salomonis sententiæ dicen-
 tis, Si annis multis vixerit homo & in his omnibus læ-
 tus fuerit, meminisse debet tenebrosi temporis & die-
 rum multorum, qui cū venerint, vanitatis arguuntur
 præterita. Breuis nanque momentanea que voluptas
 facile

1. Timot. 6.

Eccl. 1.

facile contemnetur, si æterna cogitabimus. Vt autem & terrenarum dignitatum ambitio in te non habeat locum, recordare quod ob hoc ipsum pharisæos damnauerit dominus noster, dicens: Vae vobis pharisæi qui diligitis primas cathedras in synagogis, & salutationes in foro. Recordare præterea quam graui onere premuntur qui in dignitate constituti sunt, primo quod multo magis illis imputatur peccatum quam ceteris. Deinde, quod non pro se modo, verum etiam pro omnibus quibus præsumunt, tenentur reddere rationem. Et si per eorum negligentiam plebs deliquerit, tam alienæ quam suæ culpæ rei erunt. Vt postremo diuitias non concupiscas, Apostoli præceptum ad mentem reuoca. Nihil (inquit) intulimus in hunc mundum, haud dubium, quia nec auferre quid possumus. Habentes autem alimenta & quibus tegamur, his contenti simus. Nam qui volunt diuites fieri, incidunt in tentationem & laqueum diaboli, & desideria multa inutilia & nocua, quæ mergunt homines in interitum & perditionem. Nec dictorum Christi domini obliuiscaris. Nolite (inquit) thesaurizare in terra, sed in cælo, Non potestis deo seruire & mammonæ. Quid prodest homini si vniuersum mundum lucretur, animam verò suam detrimentum patiatur? Et facilius camelus transibit per foramen acus, quam diues ascendere valebit ad regnum cælorum. Et vae vobis diuitibus, qui habetis consolationem vestram. Illius etiam diuitis memento, qui hubertate frugum lætatus, per annos multos his fruitorum se putauit, & nocte insequenti vita decessit, quod congregauerat aliis reliquit, ipse sua spe frustratus est. Ille quoque diues mentis succurrat, quem vestiebat purpura, quem quotidie delicata saginabant conuiuia, nudus in inferno sepelitur, & in igni ardens gutta aquæ indiget, qua linguam refrigeret. Si talis est præsentium diuitiarum fructus, nonne stultissimus est qui eas concupiscit, & non potius

Y

ad diuitias

Lucæ. 11.

1. Tim. 6.

Matth. 6.

Matt. 16.

Lucæ. 6.

Lucæ. 12.

Lucæ. 16.

Matth. 7.

Lucæ. 6.

ad diuitias nunquam perituras aspirat? Beati enim pauperes spiritu, quoniam ipsorum est regnum cœlorum. Qui ergo tria hæc quæ p̄posuimus curauerit, ille arbor bona bonos germinans fructus erit, mala autem malos proferens fructus esse desinet. Si enim in radice vitium non fuerit, nec in fructibus erit. Non de patribus & filiis (vt quidam putauerunt) ista in euangelio dicuntur, sed de operibus ex intentione animi profectis. Alioquin falsa esset arboris parabola, si hoc significaret, quod pater bonus bonos gignat filios, & malus malos. Achab enim regum Israël pessimus, optimi filij ac piissimi Ioram pater fuit, & e contrario Ezechias rex Iuda iustus ac sanctus. Manassen genuit iniquum atque sceleratum. Nemo itaque suum peccatum patris prauitate excuset, Pater non portabit iniquitatem filij, nec filius nequitiam patris. Anima quæ peccauerit, ipsa punietur. Qualis cuiusque in anima affectus fuerit, talia edet & opera. Intimo prius cordis morbo medicina est adhibenda, vt incute inde nascentia ulcera curentur. Interiora si sana fuerint, ea quæ foris sunt, pulchrè ac probè se habebunt.

De quinque sensibus.

Cap. 19.

ET quoniam sensus nostri viæ sunt per quas illa, quæ animæ bonū corrumpunt, intus penetrare solent, quali custodia muniendi sint, ne id patiatur, nunc docere conabor. Sensuum nostrorū impar numerus est. Impar autem numerus in scripturis diuinis mundus habetur, par verò immundorum dicitur. Animalia quæ bina in arcam Noë ingrediuntur, ex immundis sunt, ex mundis quæ septena. Numeri ergo ratio nos instruit, ne qua culpa sensus nostros pollui sinamus, quos impar supputatio puros esse debere ostendit. Quinario numero id eò

ro ideo cēsentur, vt per legis prācepta eos dirigas: quin-
 que enim volumina sunt Mosaicæ disciplinæ diuinis
 descriptæ. Et quia quinarium etiam quaternarium con-
 tinet, per quem euangelia signantur, quicquid legi de-
 est, de euāgelio adimpletur, vt sensus non solum bonos
 habeamus, verum etiam perfectos. Quod si domino do-
 nante adepti fuerimus, tunc sequetur, quod ipse pollici-
 tus est, dicens: Persequimini inimicos vestros, & corrue-
 rent coram vobis, persequentur quinque de vestris cen-
 tum alienos, & centum de vobis decem milia. Si enim
 sensus nostri prāceptis diuinis muniti fuerint, vitiorū
 multitudo aduersum illos praualeere non poterit. Ca-
 dēt à latere eorum mille & decem milia, ad eos autem
 non appropinquabunt. Non oculorum mundiciem in-
 quinabit visa mulier, non aures demulcebit amatorius
 cantus, non naribus blandietur ad molliem animi cō-
 positum vnguentum; nec gustus integritatem luxuriosi
 corrumpent saporis, neque tactum subuertere iniustæ
 actionis cupiditas valebit, Ab omni malarum passionū
 iniuria tuti erimus si quoties oppugnamur, ad arma
 institutionis diuinæ sanctorumque exemplorum pro-
 tinus recurreremus. Tunc nempe Iesu ducē quinque illi
 reges, id est, quinque corporis sensus, qui nobis imperan-
 do regnabant, ad speluncam conscientie nostræ com-
 pulsos mori sibi cogemus, vt iam viuere deo discāt, obe-
 direque spiritui, serui eius facti, cuius antea domini fue-
 rant. Tunc in euāgelio quinque talenta nobis à domi-
 no credita, alia quinque superlucrabitur, duplicato,
 quæstu spiritualium negotiatione actionū. Tunc quin-
 que virgines non iam fatuæ, sed prudentes, comparato-
 misericordie oleo, accensisque lampadibus charitatis,
 occurrentes cœlesti sponso intrabūt cum eo ad nuptias
 æternæ celebritatis. Tunc denique dicetur nobis, Bea-
 ti oculi qui vident quæ vos videtis. Multi prophetae
 & reges voluerunt videre quæ vos videtis, & non vi-

Lucæ. 26.

Lucæ. 10.

Hebræ. 5.

Auditus.

Odoratus.

Gustus.

Ieremi. 9.

derunt:& audire quæ auditis,& non audierunt. Relinquamus igitur cum vitiis terrenas vanitates, & non late sicut paruuli, sed sicut perfecti solido cibo vtamur, exercitatos (vt Apostolus ait) sensus habētes ad discretionem boni ac mali. Hoc est in bonis operibus quotidie se exercendo, mala autem fugiendo, eorumque cupidini semper nobis aduersanti repugnādo. Siquidem sensus nostri (vt diximus) semitæ sunt, à sede animi per corporis foramina patentes. Per has hostes intrare desiderant, vt virtutum ciuitatem expugnent, & his expulsis ipsi ibi dominantur. Oculos quæcumq; visu pulchra iucundaque sunt, infestant: quæ si concupiscere cœperit animus, per ianuam oculorū irrumpit, siue Veneræ voluptatis turpis appetitio, siue pompæ luxurięque sectandæ cura, corporis que ornandi stulta sedulitas. Auribus insidiantur lasciuientium poetarū carmina, impudici cantus, tibicinum citharædorumque soni: quibus delectatus animus & in molliem resolutus, iam inimicis prodere ciuitatem meditatur, & illos admittere per portam malè custoditi auditus. Olfactum debellare properant vnguenta, quod si odore per nares penetrante intus latens animus captus fuerit, oībus muliebribus deliciis ad se aditum aperiet, neq; eum odora mentis ad luxuriam vti pudebit. Cum gustu certabunt esculentorum poculētorumque exquisiti saporēs, quorum auiditate superatus anim⁹, per lubricum gulæ callem crapulam illabi permittet, ventri que fauere incipiens, temperentiæ renunciabit. Omnibus autem aduersariis istis eorumque similibus viam tactus patefaciens, quicquid per alios sensus affectauit, id per se tandem opere complere maturabit, id demū animus ipse perditæ vitæ conscientia pulsatus, cum Ieremia queri poterit, flēnsq; ac lugens exclamare, Mors ascendet per fenestras nostras, ingressa est domos nostras, disperdere paruulos de foris, iuuenes de plateis, Vitiis enim dominantibus,

nantibus, bona animi concidere ac perire necesse est. Porro vt bona vigeant, & mala repellantur, singulis remediis singuli roborandi atque tuendi sensus erunt.

De visu.

Cap. 20.

V Tergo mundos habeas oculos, mundi pulchritudinem immensitatemque intueri, & eius opificem ac gubernatorem deum intellige, mirabiliumque operum lauda magis mirandum autorem. Si venustæ mulieris forma occurrerit tibi, tunc cum propheta deum deprecare: Auerte oculos meos ne videant vanitatem. Quod si illa suum in te figat obtutum tu retrahe tuum, Ecclesi. 27. & memento esse scriptum, annuens oculo fabricat iniqua, proptereaque præcipi in Ezechiele. Vnusquisque Ezech. 20. oculorum suorum offensiones abiiciat. Audi consistentem Salomonem: Omnia (inquit) quæ desiderauerunt oculi mei, non negavi eis: Et cum nihil omnino in hac vita permanens animaduerneret, exclamauit: Vanitas vanitatum, & omnia vanitas, Audi & saluatoris in Ecclesi. 2. Euangelio dictum: Lucerna corporis tui est oculus tuus: Matth. 6. si oculus tuus fuerit simplex, totum corpus lucidum erit: si autem oculus tuus fuerit nequam, totum corpus tuum tenebrosum erit. Si quidem oculi vagi & immodesti reliquorum quoque sensuum parere solent incontinentiam, & nec audire, nec odorari, nec gustare, nec tractare pigebit aliquid, quod voluptati erit, conspiciere. Sicut autem simplex aspectus formam decoremque omnium quæ videt, ad conditoris laudem refert, ita reliqui sensus eum imitari, nihil prorsus admittunt, quod deo minus gratum fore arbitrantur: atque ita puri oculi totum corpus lucidum reddunt: Repulsis enim vitiorum tenebris, Matth. 6. adamata virtus spiritum simul & carnem suo irradiat fulgore. Si te (inquit) scandalizat oculus tuus, erue eum & proiice abs te. Melius est tibi cum vno oculo ingredi in vitam æternam quam duos oculos habentem

mitti in gehennam. Non corporis oculus eriuendus est. sed mentis. Nam clausis quoq; oculis peccant cæci. Cōpesce igitur animi motum ad illicita laceſſentē, & melius tibi erit, absque præſentium voluptatum vſu ad æternas tranſire delicias, quam tota vita per omnes voluptatum illecebras deducta ſuppliciiſ manipari ſempiternis. Vt ergo regni potius hæres quàm pœnæ reus inueniaris, imitare ſanctiſſimi Iob continentiam, qui ait, Pegigi fœdus cum oculis meis, vt ne cogitarem quidem de virgine. Conuenerat quippe cum oculis ne aſpicerent, ſecum ne cogitaret. Spectaculis quoque illis ad eſſe caue, in quibus laſciua inhoneſtaque aguntur, libidinis enim incitamenta ſunt, & in quibus cædes humana graſſatur, ne ſæuitiæ impietatiq; aſueſcas, cum proximi tui cruore oculos ſatiaueris. Ab his auerſus prophetam audi dicentem, Qui obturat aures ſuas, ne audiat ſanguinem, & claudit oculos ſuos ne videat malū iſte in excelsis habitabit,

Iob. 31.

Iſaiæ. 59.

De auditu.

Cap. 21.

Eccle. 28.

Virium autem conſeruare integritatem ita oportet. Cane ne quid obſcœnum, ne quid iniquum, ne quid ab humanitate alienum libenti animo auſcultes, dicentē ſcriptura, Sæpi aures tuas ſpinis, & linguam nequam noli audire. Delatoribus, detractoribus, impudicis, inaniter inconditæque garrientibus, impiè de religione ſentientibus, non accommodes auditum, niſi contradicendi, redarguendi, refellendi que cauſa. Fabulas amatorias, quæ ad turpem libidinem prouocant, audire noli. Tēdiculas diaboli illa eſſe crede, quibus nos irretitos morti tradere molitur mergereque in profundum. Ab adulantium quoque & ad gratiam loquētium verbis aures auerte, ne falſis laudationibus elatus maius aliquid eſſe te reputes quàm quod es, & tibi tribuas, quod deo erit tribuendū, merarisque

reariſq; ab apoſtolo corripi dicente: Quid habes quod non accepisti: & ſi accepisti, quid gloriariſ quaſi non acceperis? Ni hil denique audire te delectet quod corpus tantum voluptate afficiat, animæ autem ſaluti nihil cõferat. Pernicioſa enim res eſt aures cantu dulci ſuauiſq; ſonis delinire: & animæ patri detrimẽta, cum potius animæ ſalus per corporis labores caſtigatiõesq; cõquirenda ſit, per ieiunia, per vigilias, per ſcribẽdi, legendi, orandi: alioſque adhortandi fatigationes. Operariis quippe im pigris ac ſolicitis opus eſt patriſfamilias in vinea ſua excolenda: non otioſis & oſcitantibus & qui fructum capere negligunt: dum florum foliorũque luxuria delectentur. Quæ ergo ſpirituĩ conducũt: illa audias, quæ autem carni blandiuntur, velũti mortifera non admittas. Porro vt ex deo te eſſe teſteris, verba dei audi. Illis qui hoc contemnunt dicitur: Propter ea vos non auditis, quia ex deo non eſtis. Aperi aures ſapientiæ & ſcientiæ ſalutari, & in ea delectare, vt proficias magis. Inter eſſe prædicationibus ac ſacris eccleſiæ lectionibus ſtude, nec ſolum auſcultes quæ dicunt, ſed etiam memoriter teneas. Non abſque myſterio eſt dictum, Audi cœlum, auribus percipe terra. Terra es, ſi auretenus diuina auſcultes, cœlum es ſi audis. Audit tamen qui ſermonibus ſacris catholiciq; doctrinæ cũ auditionem, tum obediẽtiã præſtat. Vnde audire interdum pro parere iuſſa quæ perficere uſurpatur, Adhanc audiendi perfectionem Iacobus apoſtolus nõs hortatur dicens, Eſtote factores verbi & non auditores tantum, fallentes voſmetipſos. Quia ſi quis auditor eſt verbi & non factor, hic comparabitur viro conſideranti vultum natiuitatis ſuæ in ſpeculo. Conſiderauit enim ſe & abiit, & ſtatim oblitus eſt qualis fuerit, qui autem proſpexerit in lege perfectæ libertatis, & permanſerit in ea, non auditor obliuiouſ factus, ſed factor operis, hic beatus in faãto ſuo erit.

1. Cor. 4.

Iohan. 8.

Iſaia. 1.

Iacob. 1.

Isai. 50.

Bonum ergo auditorem nō audiendi attentio, sed agendi probat sollicitudo, postquam quæ agenda sibi sint vt deo placeat, didicerit. Huic enim dicere licebit, Dominus mihi aperuit aurem, ego autem non contradico, retrorsum non abij. Interioris hominis ista auris est, quā dominus aperit, vt verba vitæ in cor eius infundat, quē diligit. Sunt tamen nonnulli vsque adeo peruerſi, vt ne exteriorem quidem corporis aurem præceptis diuinis præbere velint, sed seculi vanitatibus dediti, & temporalibus immerſi negotiis ita viuunt, quasi qui post præsentem vitam nihil futurum expectant. Hi si qua tandem ſauientis fortunæ moleſtia compulſi deo supplicant, non exaudiuntur. Neque enim liberari de peccato, sed de calamitate deſiderāt. Ait ergo ſcriptura: Qui declinat aures ſuas ne audiat legem, oratio eius erit execrabilis, vt videlicet non modo nō impetret quod petit, verum etiam ipſe excretur vt infidelis, & nouiſſima eius prioribus peiora ſiant. Aduerſum tales vociferatur Ieremias, & ait: Ecce incircumciſæ aures eorum, & audire non poſſunt: ecce verbum domini factum eſt eis in opprobrium, & non ſuſcipient illud. Sed cum ob hoc eos Chaldæorum ditioni ſubdendos denuntiet, innuit nobis cōtemnentē ſcripturæ ſanctæ præcepta dæmonibus eſſe ſubiiciendum, vt qui ſalutaria audire noluit, perditionis æternæ afficiatur ſuppliciiſ.

Proue. 19.

Ierem. 6.

De odoratu.

Cap. 22.

CAuendum poſt hæc ne per naſarum foramina illapſus odor, ſua ſuauitate animum virilem effeminet, & homo vnguentis delibutus contemnatur, qui authoritate præſtare debet. Odores quippe ipſius, quemadmodum & cantus oris & neruorum tibiærumque ſonos, ad ſacrorum cultum datos eſſe meminimus, deoꝝque laudes celebrandas, non ad corporis humanæ voluptatem. Odoribus tamen morbos quosdam curari, quosdam

rari, quosdam ne veniant prohiberi constat, & citharæ sono Saulem regem conualuisse legimus. Rosis itaq; & croco & floribus & nardo & balsamo & omnibus aromatum generibus iuxta medicorum placita uti licet, curationis gratia, non voluptatis. Eum verò qui sanus est, & in quo non est ægrotationis vlla suspicio, vnguentis deliniri, flosculos naribus admouere, in cubiculo ex aromaticis suffimentis fragrante desiderare, impudicitiae argumenta sunt & eneruatæ emollitæque vitæ certissima indicia. Talium nanque vsu lenones, meretricula, hominesque ad luxuriam se natos credentes delectantur, non illi qui virtutem præferunt voluptati, neque qui spiritui quàm carni studere malunt, neque qui soli deo placere desiderant, & Christo domino dicere possunt: In odorem vnguentorum tuorum curremus, atque iidem confiteri audent: Christi bonus odor sumus. Verissima autem Christi vnguenta sunt, fides, spes, charitas, castitas, pudicitia, mansuetudo, liberalitas, pax, patientia, modestia, constantia, cæteræque virtutes, quarum suauitatem quisquis cōceperit, aliarum rerum omnium fragrantiam facile cōtemnet. Imò nefas putabit, opobalsamum vel myrrham vel stactæ vel cassiam vel nardum, vel quævis alia odoramenta olere, cùm magis eum qui cœlo dignus esse cupit spernere terrena, & virtutum ac sanctimonie odore fragrare oporteat. Quem si affecutus fuerit, quicquid naribus gratissimum suauissimumque esse creditur, præ illo nauseam putabit, In cœlo enim quo ille properat non est Engadi vicus balsami ferax, non Sabæa regio thuris abundans, non preciosorum vnguentorum mater Arabia, sed quod his longè redolentius ac suauius habetur, diuinæ præsentie indicibile odoramentum, & cunctis anima sensibus nunquā defutura dulcedo, Apostolo dicente: Nec oculus vidit, nec auris audiuit, nec cor hominis excogitauit, quanta præparauit deus suis dilectoribus con-

1. Cor. 2.

bus contemptoribusque voluptatis. Percurrere speculatione mentis sanctorum vitam, & si inueneris, quod per multas tribulationes oportuit illos intrare in regnum dei, impossibile esse crede, vt voluptuarij ac delicati, nisi pœnitentiam agant, & mores mutant, & laboribus magis q̃ otio luxuriaque delectentur, eo possint conscendere & de temporalibus deliciis repente ad æternas transire.

De gustu. Cap. 23.

Gustus quoque continendus est ne crapulæ appetētia polluatur animus. Gulæ quippe ista voluptas cūm dominari cœperit, ad quæque turpia & inhonestâ hominem impellit multisque afficit incommodis. Gula Noë pudenda detexit. Gula Loth stupratorem filiarum fecit. Gula Esau primogenituræ ius abstulit. Gula populum Israël magna ex parte repentina nece multauit. Gula filios Heli sacerdotis perdidit. Gula Helam regem Israël serui sui gladio interimendum obiecit. Gula Holophernem assyriorum ducem vnius mulierculæ manu perire fecit. Gula Sodomitas & Gomorrhæos prius in nefandos egit concubitus, deinde igne, & sulphure de cœlo pluyente extinxit, gulæ vitio id illis accidisse dominus testatur in Ezechiele, dicens: Hæc fuit iniquitas Sodomæ, superbia, saturitas panis, & abundantia, & otium ipsius & filiarum eius. Eodem sensu in Ieremia idē ait: Saturauī eos & mœchati sunt, & in domo meretricis luxuriabantur. Ex quo satis constat, de ventris ingluuiæ gigni libidinis intemperiem. Cūm igitur tot mala ex incontinentia gulæ deriuentur, multo tamen ærumnosiora his deinde sequuntur. Quid enim miserius quàm æternæ beatitudinis

No.
Loth.
Esau.

Eze. 21.

Ierem. 5.

dinis expertem fieri, & nūq̃ finiendis affligi suppliciis: 1. Cor. 6.
 Ebriosi, inquit apostolus, regnum dei non possidebunt.
 Et in Euangelio seruus contumax atq; turbulentus diui
 di iubetur, hoc est, à sanctis separari, & illic hypocrita
 rū partē occupare, vbi est fletus, & ex dolore irrequie-
 tus dentium stridor. Qua in re quoniā tantum est perī-
 culi vt amplius esse nequeat, salutis nostræ sollicitus do-
 minus, de Euangelio clamat: Attendite vobis ne grauē-
 tur corda vestra in crapula & ebrietate & curis huius
 vitæ, & superueniat in vos repētina dies illa. Sed de eu-
 le vitio alibi plenius locuti sumus, nunc summā perstri-
 xisse satis sit. Vitio autem isto carebimus, si eos imita-
 ri voluerimus, qui Deo placuerunt. Pensemus illorum
 abstinētiā, illorum quotidiana ieiunia. Multi carnē,
 multi vinum gustare noluerunt, dum in cœlesti regno
 diuinæ visionis dulcedine saturari cupiunt. Quosdam
 pane etiam abstinuisse legimus, & maceratis aqua le-
 guminibus vitam sustentasse, nihil coctum comedisse.
 Alios herbis crudis radicibusque contentos fuisse. Alios
 verò per biduū, per triduū, per dies plures nihil degu-
 stasse. Non hoc dico, vt cibus ac potu à Deo creatis, vt
 nefas putem, sed vt eos qui carnibus etiam vinoque vi-
 stitant, ab ingluuie mortifera compescam. Vescere igitur
 alimentis ab ecclesia non interdictis, vinumque
 dilutum bibe, non tamen ad voluptatem, sed ad cor-
 poris necessariam sustentationem. Vtere, inquam, vi-
 ctu, quo isti qui tecum in monasterio sunt, vtuntur:
 cum abstinent, abstine: cum ieiunant, ieiuna: & semper
 ad memoriam reuoca, ideò te monachalem vitam ele-
 gisse, vt deo famuleris, non ventri seruias.

Matt. 24.

De tactu.

1. Cor. 7.

Prone. 5.

Tactus postremo nostri synceritatem seruare poterimus, si ab iis quæ rerum prohibitatum cupiditatem prouocare consueuerunt, manus continemus. Bonum est homini (vt Paulus apostolus) mulierem non tangere. Nam si venusta forma mulierem intuitu periclitatur pudicitia, & si magis adhuc cum ea colloquendo, quanto plures periculi imminere credis, si post hæc neque à tactu ipso temperas: Profectò nihil aliud restat, nisi vt vterque inter vos excitatæ consentiat cupidini, & per amborum voluntas ad perpetrandum illicitæ cõiunctionis crimen feratur. Quod si manum cohibueris, ne tangas, tantum tibi conferet ista continentia, vt per oculos conceptum, per assatum auctum obscenæ cupiditatis ardorem languescere paulatim & extingui, labefactamque animi virtutem in integrum restitui necesse erit. Si verò ipsum tangendi sensum non refrenaueris, igni in penetralibus cordis iam suscitato ligna addes, & incendium flammæ validioris, quod te ad interitum vsque exurat concitabis. Hoc autem exitium ne tibi contingat, audi sapientissimi Salomonis præceptum, & quod docet experto crede: malum enim in quod ipse incidit, alios cauere iubet, ac de muliere loquens: Longè, inquit, fac ab ea viam tuam, & ne appropinques foribus domus eius. Cur ita, nisi ne tangendi detur facultas, si propius accesseris? quâto magis proximis, tanto magis inis periculum, ne tangendo corruas. Minus tibi noxium ignem fore crede, si manum prunis ardentibus indideris, aut ferrum candens tenueris, quàm si lasciuientem adolescentulam digito contingas. Prunæ quippe offendet corpus, puellæ verò tactus animam perimet. Pecuniæ quoque crebra contrectatio animum ad auaritiam stimulat. Quamcunque enim rem tangere delectat, eius largius copiosiusque potiundæ auiditas crescit.

crescit. Prudens itaque constitutio seraphici Francisci Constitutio sancti
 fuit, qua cauetur, ne monachi paupertatē professi num-
 mos contingant, sed illam eleemosynam quæ pecunia
 constat, secularium ministrorum manibus colligant, æra
 igitur quæ necessitas emendicare cōpellit, periculū tan-
 gere vetat, per alios recipiuntur, per alios pro ipsorum
 victu expenduntur, vsque adeo stipem per se sumere ti-
 ment, quam pro se poscere non verentur, ne forte con-
 tractatione illius deliniti aliquid vltra necessitatē con-
 cupiscant. Nam illum etiam in excelsis cum sanctis ha-
 bitaturum prædicat Isaias, qui proicit auaritiā ex ca-
 lumnia, & excutit manus suas omni munere. Quanta au-
 tem mala pariat auaritia postea suo loco dicemus. Por-
 rō illos maximē mundas manus habere decet, quibus à
 propheta præceptū est, dicente: Mundamini, qui fertis
 vasa domini. Nihil igitur immundum tangant manus
 illæ quibus cōcessum est vt purissimum Christi corpus
 in sacramento palpent, & hostiam viuam offerant deo.
 Eas manus ne qua peccati, contamine spurcicies, memi-
 nisse debemus, ob hoc nobis à deo datas, vt ipsi præci-
 pue qui dedit seruiant, ipsi laborent in operibus iustis
 actionibusq; probatis. Tu ergo manus tuas ad euoluen-
 dos cœlestis disciplinæ libellos porrige, & in iis quæ
 deo placent conscribendis exerce, ad pingenda quoque
 fingendāve appone simulachra illa, quæ vel spectatores
 ad sanctimoniam cultum accendant, vel tuam ipsius mē-
 tem, ne per inania diuagetur, honesto labore occupent.
 Denique modis omnibus contende, vt easdem manus
 tuas cum precibus puras ad cœlum tollas. Ita enim faci-
 lius, quod postulaueris, impetrabis. Et quoniam hic de
 quo loquimur, tangendi sensus non solū ad manus per-
 tinet, sed etiam ad reliquū hominis corpus, cuncta cor-
 poris tui membra deo auctori suo seruiant, deo in om-
 nibus obsequantur, nihil agant in quo ille offenditur,
 nihil committant in quo proximi scandalizantur, in
 omni

Isaiæ. 33.

omni prorsus contacto, imò in omni omnium sensuum officio atque operatione: danda est opera vt vitetur peccatum, cuius premium est perennis apud inferos cruciatus, & colatur virtus, cui promissa est merces æternæ in cœlo felicitatis.

De remedio contra sensuum voluptatem. Cap. 25.

Vifus.

Anditus.

Odoratus
Gustus.

Tactus.

Pfal. 87.

CÆterum super omnia ad reprimendâ sensuum voluptatē remedia, iuuabit animo recolere quicquid saluatorem nostrum sponte in hac vita passum nouimus. Igitur si te vana spectandi voluptas prouocauerit, qualem ille voluptatem capiebat, cogita, cū Iudæorum cerneret perfidiam, & ob id flere compelleretur, cumque eosdem cōtra se insurgere videret, quos ipse saluare venerat. Si tibi aurium delectatio blandiri cœperit, attende quodnam illi delectamentum erat quotidie ab impiis conuitia audire, seque probris maledictisque inimicorum incessanter pertundi. Si naris infusa odorandi suauitas tibi insidiabitur, si gustandi luxuriosa dulcedo sui desiderium fecerit, memento illum in ytraque manu pro rosis clauos ferreos pertulisse, in ore autem pro dapibus fel, pro vino acetū sumpsisse. Si te denique cōmunis toti corpori tactus ad voluptatē sollicitauerit, quem ille toto corpore dolorē excepit, mēte reuolue. Cerne coronatum spinis caput, manus pedesque clauis cruci confixos, latus lancea vulneratum, cuncta denique flagellis contusa membra. Ac ne iam grandioris ætatis eam arctam viam ingressum dicas, audi ipsum in psalmo consistentem: Pauper sum ego & in laboribus à iuuentute mea. Ad hæc seruorum eius, id est, omnium sanctorum totam vitam, qua cœlū meruerunt, percurre, & si quid in eo molle, si quid voluptuosum, si quid corpori iucundum delectabileque inueneris,

inueneris, audacter imitare. Sin verò econtrario cuncta dura, aspera, inquieta, tristia, & acerba fuisse non ignoras, cur tu ad hauriendas conuerteris voluptates, sicut domino tuo, ita & seruis eius dissimilis, tibi que metipsum perniciosius? Quomodo enim eo quo illi conscenderunt, ascendens, si longè aliter atque illi vixerūt viuas? Et cum diuersa prorsus agas, quomodo nō etiam diuersa fortieris? Nam si illi per terrenas tribulationes coeleste regnū possederunt, tu proculdubio post breues terrenæ luxuriæ delicias pœnam luiturus es æternam, nisi pœnitentiā egeris. Mitte igitur istas, quæ te nunc oblectant vanitates, renuntia voluptatibus, cuncta corporis blandimenta, veluti pestem quandam animæ fuge, & illa potius quæ laboriosa sunt amplectere, difficilib⁹ asuesce, in omnibus motum synceritatem serua, innocentiam custodi, affectibusque moderare. Moderandorum autem quæ ratio sit, quia locus hic exigere videtur, dicere nunc aggrediar, ope fretus diuina, non meis viribus, quæ nullæ sunt, confisus.

LIBRI IIII.

FINIS.

EVANGELISTARII MARCI

MARCVLI LIBER V. SVB TITVLO
charitatis, materiā de libidinis cohibitione, matri-
monij integritate, eleemosynarum largitione, be-
neficiorū collatione & acceptione, & vitiis his
virtutibus contrariis, complectens.

De temperantia. Cap. I.

PSA igitur passionum, quæ à sensibus
oriuntur, moderatio, temperantia dici-
tur. Ea virtus vsque adeo reliquis omni-
bus necessaria est, vt nisi illis comitem se
præstiterit, continuo ad vitia dilaben-
tur, &c.

tur, & virtutis nomen naturamque amittent. Iustitia-
que ipsa si temperantiæ freno non regeretur, aut in ne-
gligentiam, aut in sævitiā defineret. Temperantia me-
diocritatem servat, appetitiones domat, ignaviam ex-
pellit: dicta, facta, cogitataque; rationis finibus cōcludit.
Nihil turpe fieri patitur, voluptatibus imperat, ne mo-
dum excedant, dolori succumbere vetat, in omnibus re-
cti honesti que rationem constare iubet, nō finit extol-
li prosperis, neque delici aduersis, sed in vtraque fortu-
na constantem animum esse iubet. Ne itaque sensuum
tuorum perturbationibus cedas, temperantia efficiet,
& ad illa quæ memorauimus, comparanda remedia te
diriget, quibus tu vsus abiges abs te otium & desidiam,
& cupiditatem, & turpes amores, & omnem luxuriam,
vt amplecti queas laborem, sollicitudinem, largitatem,
pudicitiam, frugalitatem. Et cum vitia quæ circa vir-
tutem in medio constitutam sunt, caueris: illa quoque
quæ vltra habentur, vitabis, ne videlicet labor verta-
tur in lassitudinem, sollicitudo in curiositatem, largi-
tas in prodigalitatem, pudicitia in agendorum dicen-
dorumque inutilem verecundiam, frugalitas in stultū
ab omnibus abstinendi rigorem. Cuncta ergo æquis tē-
perantiæ mensuris, iustis que proportionibus circum-
scribes, vt nec modicitate delinquas, nec nimietate ex-
cedas. Optimumque tibi videbitur, solertiā sequi nau-
tarum, qui in onerando nauigio tale temperamentum
seruant, vt neque nimio pondere pressum, obruatur flu-
ctibus, neque nimia leuitate suspensum lateribus vacil-
let, & flantium ventorū impetum ferre nequeat. In om-
ni quippe vitæ tenore rationabilis mensuræ modus vti-
lissimus. Intemperantia verò omnium prorsus nequitiarū
& parens & nutrix est. Quibus illa dominatur, de san-
ctorū cōsortio exierunt, cū iustis nō scribētur. Ab ipso
enim domino, quia sanctionibus eius nō patēt, reproba-
ti abdicatiq; sunt. Omnis alienigena, inquit, incircunci-
sus corde,

fus corde, & incircuncisus carne, nō intrabit in sanctua-
 rium meum. Aliud præterea incircuncisus genus est
 quos Ieremias notat, dicens: Ecce populus hic incircun-
 cisus auribus & nolūt audire. Aliud etiam de quo Moy-
 ses esse se fatebatur, cū se indignum officio sibi dela-
 to exi stimaret, & vt in Hebræo habetur, diceret: Incir-
 cuncisus labiis ego sum. Huiusmodi autem circunci-
 siones, hoc est, cordis, aurium, & labiorum: quia non
 corporis, sed spiritus sunt, faciunt vt ipsam quoque car-
 nis circuncisionem, intelligentiæ demus spirituali. Qui
 ergo temperans fuerit, primo cor suum circuncidet
 ne cogitet malum, ne prauæ appetitioni assensum
 præbeat. Qui enim assenserit, & ad perficiendum scelus
 quod cogitauit animum inclinauerit, hic incircunci-
 sus corde erit. Deinde qui temperans fuerit, suas aures
 circuncidere curabit, subtrahendo auditum delatorū
 susurrarum, adulatorum blanditiis, turpibus scortatorum
 canticis, impudentiæque scurrarum. Qui verò ali-
 quem ex his libenter audierit, incircuncisus auribus
 erit. Postremò qui temperans fuerit, labia sua circunci-
 dere studebit, linguam cohibendo, ne de aliquo infam-
 andi causa obloquatur, ne cui maledicat, ne litiget,
 ne rixetur, ne opprobret, ne mētiatur, ne quid denique
 iniquum, scdum, inhonestum proferat. Qui autem lo-
 quenda tacendaque obseruare neglexerit, & sine dele-
 ctu quicquid in buccam venit, effutierit, hic incircun-
 cisus labiis iudicabitur. Carnis verò circuncisionem ad
 reliquā interioris hominis membra pertinere reor. Ita
 que qui temperas fuerit, minimè negliget, & manus cir-
 cuncidere suas, ne malum operentur: pedes, ne illo vbi
 peccandi periculum imminet, currant: oculos, ne quid
 quod nefas est concupiscere spectent: palatum, ne ebie-
 tati ganeæque seruiat: olfactum, ne vnguentorū odore
 delectetur, sed virtutum. Qui se ita, vt dicimus, circun-
 ciderit, circuncisione (sicut Paulus ait) non manufacta,

Ierem. 6.

Exod. 4.

Incircūcis
corde.Incircunci-
sus auribus.Circūcisus
carne.

& in omnibus spiritui magis q̄ carni obedierit, huic perfectæ temperantiæ inesse virtutem quis negabit? quis non dignum arbitrabitur, vt tandem in sanctuarium dei ingrediatur, præmiaque capiat supernæ hereditatis, factus dei filius, quia noluit fieri turpium voluptatum seruus,

De virginitate. Cap. 2.

Cæterum cum in omnium malarum cupidinū incitamento temperantiæ freno opus sit, tum maxime in coitus appetitione stimulo inhibendo. Nullus violentior in animantibus affectus, nullus insuperabilior. Assidue cum illo pugnandum est, & si sæpius viceris, periculum est ne postremò vincaris. Quāto autem difficilior victoria, tanto & victoriæ remuneratio maior ac præstantior. Nunc ergo nō incongruè referenda incidunt, primo castitatis pudicitieq; bona, deinde contrariæ libidinis mala, vt his deterriti, illis allecti. pertinacius in proposito persistamus virtutis. Castitatis quidem principatum tenet illibata virginitas. Nā virginem esse, supra vsum naturæ est, & angelicum magis quàm humanum. Ideoq; & in lege honorata est virginitas, & in Euangelio, sed in Euāgelio magis. Prohibet lex, vt sacerdos viduam vel repudiatam ducat vxorem, sed virginem tantum. Et cum Moyse Madianitas delere mādaret, virginibus parci iussit. Iesus Naue, qui Christi domini figuram ferebat, neque vxorem habuisse memoratur, neque liberos, & illo duce populus Israël terram ingressus est promissionis. Elias & Elisæus nusq̄ iniisse matrimonia legūtur, & soli inter veteres à morte quosdam ad vitam reuocarūt. Ieremias quoque, quia in vtero matris dicitur fuisse sanctificatus, virgo permansit, ne donum amitteret adultus, quod acceperat conceptus. Ad nostra veniamus. Ipse dei filius Christus virginem matrem sibi elegit, virgo ipse permansit, virginum

Leuit. 51.

Nume. 31.

Iesus.

Elias.

Elisæus.

Ieremias.

Iesus Christus.

ginum sponsus dici voluit, sed neque baptizari, nisi à virgine sibi placuit, neque matrem, cum ab ea decederet, nisi discipulo virgini commendare. Hæc autem omnia, vt quàm Deo grata esset virginitas doceret, cuius conseruandæ matrem sceminis, se masculis in exemplū dedit. Exinde vterque sexus profiteri cœpit virginitatem, & ineundi coniugi j prolisque suscipiendæ voluptate contempta, ad monasteria confugere, seque soli deo dedicare: vt dum neque nubunt; neque nubuntur, angelis cœlestibus pares forent, & humanam conditionem egressi, peculiare priuilegium acquirerent, cātica quæ nemo alius cantare potest, coram deo personandi, agnumque sequendū quo cunque se ille vertisset, vt sicut Christo matriq; eius Mariæ, ita & ipsis nullum in æternis mansionibus habitaculum clausum esset. Quid enim non illis patere crediderimus in patria fursum, qui dum hic peregrinarentur, nulli obscenæ cupidini patuerunt, & in carne præter carnem viuere perseuerarunt, vt magis deo placerent? Fidelissimorum enim seruorum est, semper id maximè conari, quod domino suo maximè gratū fore animaduertunt. Itaq; nō solum attendūt quid ipse imperat, sed etiam præter imperium quid ipsū delectet. Quamobrem plurimi sanctorum virginitatē inuiolatā cōseruauerunt, vt qua se in primis deo placere posse non ignorabant. Virgines fuere Iohānes Baptista, quo inter natos mulierū nō erat maior: Iohannes Apostolus, quē singulariter Iesus dilexisse, dicitur: Iacobus, qui frater domini nuncupatus est: Paulus vas electionis, alijque multi ex discipulis. Inter sceminas autē Martha, Petronella, Tecla, Agatha, Lucia, Catharina, Cecilia, Barbara, Hagnes, aliaq; multæ, q̄ tormenta ppeti atq; occidi maluerūt, q̄ virginitatē nuptiis cōmutare. Quidā martyrū cū meretricibus à tyrāno additis oppugnarētur, proprias linguas dentibus disci disse cōstat, vt voluptatis motū se⁹ excluderet doloris.

Ipsi itaque qui in confessione fidei aliorum sæuitiam
 non timebant, in castitatis periculo in se sæuierunt, nō
 leuius flagitium fore rati si libidini cōsensissent, quā
 si Christum abnegassent. Tunc autem in culmine vir-
 tutum tua erit virginitas, cum etiam illa quæ imperā-
 tur perfeceris. Quæ enim vel qualis est serui erga domi-
 num obseruantia magna in re præstare obsequium, &
 in parua negligere mandatum? Nōne fatuitatis argu-
 untur in Euangelio virgines, quæ de sola virginitate
 sibi plaudentes, oleum quo totius vitæ lampas illumi-
 natur oleum, videlicet mandatorum dei non compara-
 uerant? Nōne etiam ille ab omnibus irrideretur, qui
 coronam auream capite præferret, & vilibus attritis-
 que indumentis tegetetur? Virginitas ergo nisi impe-
 rata domini perfecerit, tantum abest vt cæteris fideli-
 bus altius ascendat, vt etiam cum ipsis, qui in imo cru-
 ciantur, computanda sit. Hoc verum esse ipsa decō vir-
 ginum parabola tibi ostendit, fatuæ nanque prudenti-
 bus ianuam beatitudinis ingressis foris emanaserunt,
 quia nihil aliud muneris habebant, quod sponso offer-
 rent, præter nudam virginitatem adminiculisque ne-
 cessariis carentem. Castitatis quidem professio inter
 perfectionis opera merito censetur, sed sicut pomæ an-
 tequam maturescant, decidunt: & folia rami que siccā-
 tur, cum trunco, cui tota arbor innititur, deesse cœpe-
 rit humor, ita quæuis, perfectio (si modo perfectio dici
 debeat, vbi multa deficiunt) suo fraudabitur fructu, ni-
 si mandatorum obseruatione foueatur. Si vis ad vitam
 ingredi, serua mandata, inquit dominus. Nisi ergo illa
 seruaueris, licet castus, licet integer sis, & mente atque
 corpore impollutus, vitam habere non poteris. Castita-
 tem vouisti, diuitias contempsisti, cætera religionis vo-
 ta suscepisti: hæc per se quidem vitam beatam nō me-
 rentur, si tamen virtutibus mandatorum dei coniun-
 cta fuerint, ad multo altiore beatitudinis gradum te
 proue-

Matth. 23.

Matth. 25.

prouehent, q̄ si absque his mandata tātū obseruasses. Felix igitur illa uirginitas, illa castitas, illa paupertas, illa senioribus exhibita obedientia, quæ cum earum uirtutum comitatu quæ iussæ sunt, cœlesti sponso poterit occurrere. Felix, inquā, illa uirgo, quæ nō sola pudicitie laude contenta, sed etiam omnibus necessariis monilibus ornata sponsi sui præstolabitur aduentum.

De castitate uiduali.

Cap.

3.

Virginali munditiæ proximè accedit castitas uiduitatis continentia quæ eorum, qui quamuis uirgines non sint, finem tamen carnali copulæ statuerunt, suscepto religionis voto, ut expeditius deo seruire cœlestiumque contemplationi vacare queant. Horum propositum longè melius esse quàm coniugatorum uirtutisque scripturæ testimoniis probatur. In Leuitico filia sacerdotis, uidua ad patrem reuerfa uescitur de sanctificatis, quæ certè attingere gustareque nequibat, dū marito seruiret. In Exodo Moyses per triduum ab uxorio opere abstinere eos iussit, qui ad montem accessuri, deumque loquentem audituri erant. Sed neque Dauid vel cæteris qui cū illo erant, cū esurirent, licuit panes accipere sanctificatos, nili cum se mundos à mulieribus ab heri & nudius tertius esse confessi sunt. In nouo autem instrumento Paulus apostolus coniugati atque soluti distantiam docere uolens: Qui sine uxore est, inquit, sollicitus est quæ domini sunt, quomodo placeat deo: qui autem cum uxore est, sollicitus est quæ sunt mundi, quomodo placeat uxori, & diuisus est. Et mulier innupta, inquit, ac uirgo cogitat quæ domini sunt ut sit sancta corpore & spiritu, quæ autem nupta est cogitat quæ sunt mundi, quomodo placeat viro. Quantum

Leuit. 22.

Exod. 10.

1. Reg. 21.

1. Cor. 7.

lauit, si tribulationem patientibus subministravit, si omne opus bonum subsecuta est. Adolescentiores autē viduas deuota. Cum enim luxuriatæ fuerint, in Christo nubere volunt habentes damnationem, quia primam fidem irritam fecerunt. Non ergo ob hoc solum vitandæ sunt, quia earum consortium castitati periculum sit, verum etiam quia ipsæ iniuria ecclesiam afficere soleant, repetendo connubio, cum professæ fuerint castitate, & quod deo vouerāt non exoluendo. Cumque ita sit: Volo, inquit, iuniores nubere, filios procreare, matres familias esse, nullam occasionem dare aduersario male liciti gratia. Iam enim quædam conuersæ sunt post satanam. Quare illas nubere vult apertè declarat, ne videlicet castitatem vouendo irritum faciant promissū, ne post satanā abeant, & ad illicitos amplexus conuersæ diabolo nubant. Tolle incōtinentiam istam, & non dicet. Volo iuniores nubere, sed quemadmodum superius dixit, beatiōres erunt, si sic permanferint secundum cōsiliū meum, hoc est, si in proposito perdurarint castitatis, & veræ viduitatis officiis functæ fuerint. Quod ibi etiam & quidem manifestius asseuerat, vbi ait: *1. Cor. 7.* Dico autē m non nuptis & viduis, bonum est illis, si sic permanferint sicut & ego: quod si non se continent, nubāt. Melius est enim nubere quā vri, id est, licitas inire nuptias, quā illicitis ardere amplexibus. Patet ergo Apostoli esse sententiam: Illis viduis qui se continere nequeunt, magis expedire vt nubant quā per incōtinentiam pereant. Illis verò quæ deo magis q̄ hominib⁹ placere cupiunt, optimum esse non nubere, sed in castitate perseverare. Porro quod hīc fœminis præcipitur, *Lucæ. 12.* viros quoque respicit, qui castitatem præferūt matrimonio, sexagesimum fructum tricesimo, & domini cultum vxoriæ seruituti, quibus à saluatore dicitur. Sint lūbi vestri p̄cincti, & lucernæ ardētes i manib⁹ vestris.

Ephes. 6.

Et ab Apostolo, State succincti lumbos vestros in veritate. Lumbi ad generandi rationem pertinent, quos præcingere, quid aliud nisi castitati studere est? Hoc quidem præcipuis, hoc electis dei Christi que discipulis iniungitur non vulgaribus, non terrena temporalia que appetentibus, sed ad cœlestem gloriam aspirantibus & æternam. Vnde Eliam prophetam & Iohannē baptistam zona cinxerat pellicea, quæ significabat in carne mortificatos, nulli que obscenæ cupidini subiectos, quàm autē magni spiritus hi ambo fuerint, nemo fidelis ignorat. Ille etiam vir sanctus ista continentie virtute proficere optabat, qui ingemiscens ait: Quoniam lumbi mei impleti sunt illusionibus, & se superari sentiens auxilium imploravit: Intende, inquit, in adiutorium meum domine deus salutis meæ. Illam verò mulierem, ut optauerat ita profecisse credimus, de qua est scriptum: Accinxit fortitudine lumbos suos, & roboravit brachium suum. In brachio, iustitiæ opera intelligimus, quæ tunc sanè robur & firmitatem sui concipiunt, cū lumbis zona castitatis constrictis contemnimus illecebras carnis, & coniugij iugo expediti, in illorum concedimus libertatem eunuchorum, qui se propter cæleste regnum castrauerūt. Quæ profectò virtus, quoniam vulgari vita eminentior est, non imperatur, sed suadetur, dicente domino: Qui potest capere capiat. Ut autem ad capiendum quod proposuit enitamur, præmiorum magnitudine nos prouocat per Isaiam dicens: Ne dicat eunuchus, quoniam sum lignum aridū: hæc enim dicit dominus eunuchis, Qui custodierint sabbata mea & elegerint quæ volui, & tenuerint fœdus meum, dabo eis in domo mea & in muro meo locum nominatum, & nomen melius filiis & filiabus, nomen sempternum dabo eis quod non deficiet, Laudent matrimonia coniugati & prolis fœcunditate glorientur, dū tamen eunuchi nostri melius filiis & filiabus nomen à

Psalmo. 37.

Prou. 31.

Mat. 19.

Isaiæ. 56.

domino

domino sibi vendicent, patribusque & matribus apud omnium patrem pluris habeantur. Restat vt doceamus quibus armis virtus castitatis ne offendatur, tuenda sit.

De consortio diuersi sexus vitando.

Cap.

4.

Castitatis professoribus non sui sexus hominum consortia sunt fugienda. Quamuis fuerint sancti vir & foemina, nequaquam tantū sibi confidāt, in ætate præsertim adhuc vegeta & robusta, vt sine arbitris inter se colloquatur, vt soli simul sedeant, aut conuersis alter in alterum oculis inuicem se spectet, ne forte cogitare cogantur, quod intercedente verecundia confiteri non audent. Potest quidem fieri vt amborum vultus, gestus, sermo pudicitiam seruet: difficillimum tamen imò impossibile est, nequando vel vtriusque, vel alterius eorum mens impuriis æstuet desideriis, vel momento aliquo temporis concupiscat, quod committere veretur. Audi Salomonem dicentem: Fauus distillans labia meretricis, & nitidius oleo guttur eius, nouissima autem illius amara quasi absynthium, & acuta quasi gladius biceps, pedes eius descendunt in mortem, & ad inferos gressus eius penetrant, per semitam vitæ nō ambulat, vagi sunt gressus eius & inuestigabiles. Nunc ergo fili audi me, & ne recedas à verbis oris mei, longè fac ab ea viā tuam, & ne appropinques foribus domus eius, ne des alienis honorem tuū, & annos tuos crudeli. Presentem voluptatem cū futura pœna compara, & probabis consilium hoc quod offertur. Citò transit quod delectat, nullo fine concluditur quod cruciat. Sed fortasse cauillaberis & dices, non tibi accessum interdici aliarum præterquàm meretricū. At in iis quoque quæ pudicitiam præ se ferunt, blanda vox, mollis gestus, benignus

Prou. 5.

nignus aspectus, venusta forma, & totius corporis tegumentorum non inelegans cultus, nōne impudicitia incitamenta sunt? Ipsa quidem mulier casta & continens est, sed si multa quæ in illa conspicias, ad turpes cogitatus prouocant, quomodo tutum te putabis, si ei adhæseris? Ne quis tamen malignæ excusationi detur locus, disce non minus fugiendas esse pudicas quàm impudicas, illo saltem exemplo, quo Dauid secundum cor dei electus, & pudica satis iudicata Betsa be: Vriæ vxor cōciderunt. Nulla hæc notabatur infamia, ille morū sanctitate non minus quàm regno nobilis erat. Hanc se lauantem tantum vidit & captus est, exarsit in concupiscentiam, opere quæ impleuit quod concupierat. Nunquid tu illo sanctior, vt tales fœminas non solum intueri, sed etiam cum iisdem colloqui, cum iisdem confidere & commorari, & fortasse ridentibus arridere non timeas? Ad hæc memento quod idem periculum veritipulique fideles, & paternam domum ne inter mulieres versentur, derelinquunt, & vrbibus excedunt, & sola atque hominum cultu deserta loca penetrant, ibi domino seruientes, quo ne nomen quidem fœminæ possit accedere. Si qua eos aliquando visæ mulieris cogitatio molestat, noctes vigiles ducunt, orationibus instant, ieiunia frequentant, pectus pugno verberant, donec domino miserante pristina menti reddatur quies, & aduersario in fugam conuerso victoriæ succedat solatium. Nihil isti circa se conspiciunt nisi rupes & sylvas, nihil audiunt nisi rugitum ferarum & auium cantum & sibilaserpentum: tu te autem periculo liberum fore arbitraris quotidie inter fœminas conuersando, illas intuyendo, de illis fabulas audiendo, te quæ vltro illarum aspectibus offerendo, neque consortia vitando, sed nūc vocatus, nūc inuocatus domos cubulaque illarum adeūdo? Nō est istud, crede mihi seruare castitatē, sed prostituere, non spiritui seruire, sed carni: cū scriptū sit, In medio

2. Reg. 12.

Eccle. 42.

medio mulierum noli commorari. De vestimēto enim procedit tineā, & à muliere iniquitas viri. Scut ergo vestimentis ac panno nihil est magis inimicum quàm tineā, ita nihil magis periculosum castis mentibus, quàm diuersi sexus coniuncta conuersatio. Bonum est mulierem non videre: quia qui viderit & concupierit, iā mōchatus est eam in corde suo. Bonū est mulierem nō tangere: quia qui tangit piscem inquinabitur ab ea. Quòd si in solitudine degentium mentes fœdis cogitationib⁹ interdum sollicitentur, quomodo ibi castitas esse poterit secunda, vbi vir & mulier vel eodem vsu fuerint contubernio vel si locis disseparantur, congressibus nō abstineant? Si quando tamen necesse erit conuenire, & vtriusque præsentiā res egerit, tales testes arbitriq̃ue adhibeantur, quibus coram pudor erit vt loqui quod turpe sit, vel quod non liceat facere. Secreta enim colloquia tametsi crimine caruerint, criminis tamen suspicionē non carebunt. Debemus autem providere bona non solum coram deo, sed etiam (vt Apostolus ait) corā hominibus. Cuius munda est conscientia, non præbeat alteri infamandi occasionem, ne in fratrem peccet.

*De remediis aduersus tentamenta
libidinis. Cap. 5.*

PORRò cum fœminarum frequentiam conspectumque fugeris, te ipsum fugere non potes. Quocunq; locorum porrexeris, cum tua tibi carne pugnandum est. Caro semper ad voluptates prona, compellit hominem id cogitare, à quo mens Deo dedita abhorret & declinat, ne fortè dum carnali suggestioni assentitur, domino suo delinquat. Luctam istam vincere nō poteris, nisi armis opportunis atque congruis fueris vsus. Arma igitur quibus carnis tuæ domanda petulantia

suppillare cupit caro, demoliri conatur diabolus & dissipare nititur mūdus. Ieiunio ergo & orationi succedat lectio, quæ te vel in aliorum lapsu cautiorem efficiat, vel in aliorum fortitudine continentiore. Redintegratur animi vigor ad virtutum perseverantiam, pleniorque infunditur gratia, quoties piè sancteque vivendi præcepta releguntur. Ibi iustorum præmia malorumque poenæ etiam segnes excitant ad colendam animi sanctitatem nequitiamque fugiendam. Legēdo itaque sacras literas, quibus talia continentur, in proposito bonarum actionum solidamur, non legendo reddimus imbecilliores. Apostolus ait: Quæcunque scripta sunt ad nostram doctrinam scripta sunt. Frustra autem scripta essent, nisi etiam legenda omnibus proponerentur. Nolite (inquit) inebriari vino in quo est luxuria, sed implemini spiritu sancto, loquētes vobismetipsis in psalmis, hymnis & canticis spiritalibus, cantantes & psallentes in cordibus vestris domino. Qui ergo talia legere vel audire neglexerit, spiritu sancto impleri nō poterit. Et quomodo castitatem servare valebit, si spiritu sancti auxilio fuerit destitutus? Porro quid iucundius, aut quid optabilius, quàm dei sapientiam in scripturis audire loquentem, & illius doctrinæ inhærere, qui solus nec falli possit, nec velit fallere? Huius potissimum lectionibus delectetur, quī quisque optimis verissimisque vitæ institutis cupit proficere. Si tamen adhuc alia lex in membris tuis repugnauerit legi mentis tuæ, alijs insuper fatigationibus frangēda tibi erit proteruitas carnis, aut humū rastro fodias, aut holera in horto sitientia irriges, aut plantaria facias, aut canistra lētis texas viminibus, aut aptam igni materiam cædas, & sarcinas humero impositas baiules, & domum translata vsui referues. Denique semper facias aliquid operis, ut cum Apostolo dicere queas: Castigo corpus meum, & in servitutem redigo, ne fortè cum aliis prædicauerim, ipse

Rom. 15.

Eph. 5.

1. Cor. 9.

ipse reprob⁹ efficiar. Profectò nulla ei dominabitur voluptas, qui sic sibimetipsi imperare didicerit, Sic autè faciendo, siue centesimum cum virginibus, siue sexagesimum cum viduis fructum colliget, atque angelis qui in cœlo sunt, par similisq̃ue erit:

De matrimonio. Cap. 6.

Nunc locus postulat, vt de matrimonio aliquid in medium proferamus ne quis culpam putet vxorè ducere, cum etiam coniugatorem virtus sit pudicitiam colere, liberos bonis artibus instruere non volu ptatis gratia, sed generandi affectu copulari: nihil dicere aut facere, quod ex ipsis natos nō deceat imitari. Quādoquidē paruulorum simplicitas nullius operis est magis æmula, quàm quod à parētibus viderit factitari. Discant igitur coniugati quid ipsis apostolica præcipiat disciplina. Nam sicut misericors deus vult omnes homines ad salutem peruenire, ita apostoli Christi cuiq̃; hominum conditioni monstrare conati sunt quomodo saluarentur, quorum Paulus diuina spiritali que scientia in primis præditus ait: Si acceperis vxorem nō peccasti: & si nupserit virgo, non peccauit, quinimo vt ostendat etiam in coniugio esse aliquid boni, Qui matrimonio, inquit, iungit virginem suam, bene facit. Nihil enim ab ipso rerum autore deo constitutum est, quod non bonum sit, licet aliud alio melius atque perfectius. Tunc autem primùm nuptiæ ab eo constitutæ sunt, cū masculum creasset & fœminam, benedicensq̃ue ipsis dixisset. Crescite & multiplicamini & replete terram. Qua quidem in re hoc quoque obseruandum, quod nō ad voluptatem vocati sint, sed ad liberorum procreationem, vt crescant videlicet & multiplicentur, tamen si fieri non potest, ne qua intercedat voluptas, non tamen in ea nuptiarum finis esse debet, sed in fœtu multiplicando, quemadmodum benedictio præscripsit diuina. Et

1. Cor. 7.

nina. Et cum ita sit, audeo dicere, Scortator, non maritus est, quæ magis coire quam generare delectat, & mulier ipsa scortum, non vxor, quæ libidine magis gaudet quam fœtu. Porro fœdera matrimonij perpetua esse oportet. Quos enim deus coniunxit, homo non separet. Erunt (inquit) duo in carne vna. Itaque præuaticatur vir quoties aliam appetit, & mulier quoties alium suspirat. Caro enim quæ vna esse debet, in duas distrahitur, cum pellex aut mœchus adamatur. Sit igitur honorabile connubium (vt Apostolus inquit) & thorus immaculatus, vtque contaminari illicito amore timeas, addit. Fornicatores enim & adulteros iudicabit deus. Viros quoque præesse vxoribus debere testatur alibi, dicens: Mulieres viris suis subditæ sint sicut domino. Quoniam vir caput est mulieris, sicut Christus caput ecclesiæ. In Genesi quoque primæ mulieri dictum legimus à domino, Sub viri potestate eris, & ipse dominabitur tui. Cæterum sicut Christi & ecclesiæ sancta est coniunctio, ita viri & vxoris impolluta sit copula oportet, vt nec ipse aliam sponsam, nec ipsa alium desideret sponsum, & suspicionem etiam caueant minus fidi inter se amoris pactique violati. Neque enim coram Hymenæo vel Thalsio inter se pepigere, vt vana solebat gentilitas, sed vt decet fideles, deo verò inuocato. Christoque teste & ecclesia. Nihil magis ratum esse debet, quàm quod his accitis ac præsentibus, piè iusteque fuerit promissum. Deinde idem Apostolus paucis verbis multa complexus, Vxori (inquit) vir debitum reddat, similiter autem & vxor viro. Debet quippe alter alteri fidem, debet charitatem, debet honorem, pudorem, pacem, atque concordiam. Talia si intercesserint, exolui ab his quod debetur manifestum est. Oportet autem in eo quidē reddi debitum, ne alteri generationis operam exigenti alter deneget. Sequitur enim, Mulier sui corporis

Hebr. 13.
Ephe. 5.

Gene. 3.

5. Cor. 7.

corporis potestatem non habet, sed vir: similiter autē
& vir sui corporis potestatem non habet, sed mulier.
Hinc ait: Nolite fraudare inuicē, nisi fortē ex cōsensu
ad tempus, vt vacetis orationi. Quare hoc, nisi ne for-
tē illius qui consentire noluerit, concupiscentia peri-
clitetur: & dum licito coitu nequit vti, ad illicita desi-
deria declinet: Quamobrem post continentiae quoque
consensum hortatur, vt iterum in idipsum reuertan-
tur, atque addit: Ne tentet vos sathanas propter incon-
tinentiam vestram. Sed quod suadet metuens, ne volēs
iubere videatur, ait: Hoc autem dico secundum indul-
gentiam, non secundū imperium. Volo autem vos om-
nes homines esse sicut meipsum, id est, cōelibes, continē-
tes, castos, & à seruitute coniugalis necessitatis prorsus
alienos. Atque ita aliud est quod indulget propter in-
continentiam, aliud quod vult propter vitæ perfectio-
nem. Vt ergo fornicationem fugias, vt ere coniuge, sed
si ambo ducimini studio praestantioris virtutis, vt ere
castitate. Alterum enim carni seruire est, alterum spi-
ritui, & qui in carne seminat, de carne & metet corru-
ptionem, qui verò seminat in spiritu, de spiritu me-
tet benedictionem.

De viri uxorisque officio.

Cap.

7.

MEminerint praeerea vxores reuereri maritos,
priorem honoris, locum eis cadere, eorūdemq;
subdi imperio. Id quidem exigit & autoritas
diuina, vt dictum est, & apostolicum praeceptum, & lex
ipsa naturae, cum etiam inter gentiles & à religione no-
stra alienos constet, viros quam feminas honorabilio-
res esse atque liberiores. Ne quis tamen vxores sic con-
temptē vtatur vt serua, Petri Apostoli mandatum est,
quod monet ipsis etiam impartiri oportere honorem
tanquam

tanquam cohæredibus gratiæ vitæ. Et in Malachia est Malac. 2.
 scriptum. Vxorem adolescentiæ tuæ noli despicere. So-
 cia thori tibi est, & domesticæ gubernationis curæque
 consors, & communium liberorum parens, non de capi-
 te educta, ne imperet, nec de calcaneo, ne cõtemnatur,
 sed de costa formata, vt inter vtrunque media habeatur,
 & secundo loco post patrem familias in domo hono-
 retur. Illa obtemperet viro, ei autem reliqua familia
 subiecta sit. Illa sicut Sara Abraham, ita virū vocet do-
 minum, eam verò reliqui dominam appellent, & velu-
 ti dominæ pareant atque obsequantur. Porro vt tali ho-
 nore dignam se non tam autoritate quàm moribus o-
 stendat, sit fidelis vt Michol, quæ ne patri quidē, & ei- 1. Reg. 18.
Michol.
 dem rei obsecuta est vt virum proderet, Nam sicut de
 viro dicitur, propter hoc dimittet homo patrē & ma-
 trem, & adhærebit vxori suæ, ita & mulier debet ad-
 hærere viro, vt nec amore parentum, nec timore regū
 fidem deferat. Sit prudens vt Abigail, quæ iratum viro 1. Reg. 25.
Abigail.
 suo Dauidem animi sagacitate placuit, ita postea ma-
 rito viduatam ipse Dauid sibi elegerit vxorem, sola fœ-
 minæ solertia delectatus. Quæ talis fuerit, etiam viri
 partes agat in domo, si ille minus integræ mentis erit,
 reuerentiam tamen exhibeat vt maiori: & sic omnia
 faciat, quasi ille imperarit. Sit pudica vt Susanna, quæ Susanna.
 coniugij fide seruata malebat mori, quam amissa viue-
 re, sed tam sanctum fœminæ propositum cum nosset do-
 minus, & ab accusatorum infamia purgatam, & à mor-
 tis periculo liberam reddidit. Sit patiens & humilis vt
 Anna Helcanæ coniunx: quæ cum sterilitatis exprobra- Anna.
 tionem æquo animo tulisset, mater esse meruit Samue-
 lis, qui & iudex populi extitit & propheta. In hac ita-
 que vnica prole multo felicior fuit, quàm illa in mul-
 tis, cuius procacitate incessabatur, Sit in omnibus quæ
 honestè fieri possunt, obediens viro, vitetque Vasthi re Vasthi
 ginæ insolentiam quæ cum Assueri Persarum regis ma regina.

riti sui imperium contempsisset, diuortio mulctata, defuit esse quod erat & de fastigio publicæ dignitatis in ordinem corruit priuatarum. Deponit enim deus superbos de sede, & exaltat humiles. Licet autem non sit locus repudii, turpissimum tamē est, repudio dignam videri. Sit præterea diuinę rei studiosa, & ad preces deo offerandas prompta, vt Tobia coniuux Sara, quę antiquam coniugalem operam iniret, triduum cum illo in oratione perseuerasse traditur: & ambo quidem felicē connubij euentum habuerunt, eo quod initia illius domini consecrassent. Sit postremo in incessu modesta, grauis in aspectu, in sermone verecunda, simplex in ornatu, & in his rebus quę foris videntur ostendat qualē intus qui non videtur animum gerat. Impleat etiam quod Apostolus Philemoni discipulo vt adolescentulas doceret, scribit. Vt videlicet viros suos ament, filios diligant, sint prudentes, castę, sobrię, domus curam habentes, benignę, subditę viris suis. Exequatur & quę princeps apostolorum Petrus partim prohibeat, partē imperet, dicens: Quarum sit non intrinsecus capillatura aut circundatio auri, aut indumenti vestimentorum cultus, sed qui absconditus est homo in incorruptibilitate quieti & modesti spiritus, qui est in conspectu dei locuples. Ne quis tamen sordes & illuuiem conuenire vxoribus honestis credat, rursus Paulum audiat Timotheo dicentem: Mulier orare iube in habitu ornato cum verecundia & sobrietate, ornantes se, non in tortis crinib⁹, aut auro, aut margaritis, vel veste preciosa, sed quod decet mulieres, promittentes pietatem per opera bona. Exclamarem in nostrarum comendi componendique se luxuriam fœminarum, & in ipsarum immodicos ornatus inueherer (sunt enim quę totum censum in suunt in vestibus, inserunt in monilibus, gestant in digitis, & vt carnem suam deuitent, maritos egere cogunt) sed si domini apostolicaq; præcepta, quę sæpe in ecclesiis præ-

Sara.

Phile, 2.

1. Petr. 3.

1. Timot. 2.

fiis prædicari audiunt, non obseruant, & me quidē clamantem irridebunt. Satiū est igitur attoniti oris silentio intemperantiam earum incusare, quam verborum increpatione frustra velle corrigere. His autē quas interior magis quam exterior cultus iuuat, satis erit: non me, sed quorum dicta in medium proposui, audire.

*De coniuge diligenda temporē-
que continendi. Cap. 8.*

QUOD autem viros respicit, videlicet nō oportere cōtemni vxores, dictum est supra, sed vt euentius ea res constet, dicemus nunc qualiter ipsa vxor diligenda sit, deinde etiam continendi tēpora indicabimus. Paulus apostolus: Viri, inquit, diligite vxores vestras sicut & Christus dilexit ecclesiam, & seipsum tradidit pro ea, vt illā sanctificaret. Et paulo post: Ita viri debent diligere vxores suas, vt corpora sua, quāquam vxorem diligit, seipsum diligit. Et alibi idem ait: Viri diligite vxores vestras, & nolite amari esse ad illas. Diligere quidem iubemur & proximos sicut nosipfos. Qui tamē proximum diligit, alterum diligit: qui vero vxorem diligit, seipsum diligit, cum vir & vxor vna caro sint. Tanto igitur intentius diligatur vxor, quanto magis proxima est. Quid autē proximius, quā duo in carne vna? Dilectionis præterea ordo exigit, vt primo loco nobis ipsis optemus bona: secundo, proximis. Primo igitur loco etiam vxor amāda erit, aut si quis inter primū & secūdū esse potest medius. Ambo autē gignendæ prolis causa inter se cōeant, non explendæ libidinis affectu. Alterum legitimè coniugatorum officium est, alterum turpiter lasciuiuentium immunditia. Ambo etiam obseruent continendi tempora, dicēte Salomone: Tempus amplexandi, & tē-

Ephe. 5.
Coloss. 3.

Eccle. 3.

AA ij pus longē

pus longè fieri ab amplexibus. Tunc igitur à coniugij opere venereæque voluptatis vsu continere sese debēt coniugati, cum ciuitas opprimitur calamitate, ne communi malo aliis tristantibus ipsi gaudere videātur. Sic enim in Iohel propheta imminente captiuitate ad Iudæos dicitur: Egrediatur sponsus de cubili suo, & sponsa de thalamo suo. Ad menstruatā quoque vxorem accedere lex vetat, nec concepti foetus vitiū corrupti sanguinis trahant, & morbosī liberi sanieque cōfecti nascantur. Videant igitur vir & mulier ne coitus desiderio victi, menstruorum tempore congregiētur, ne plus molestiæ accipiant ex naturæ foeditate quā ex concubitu voluptatis, sed neque illo die coeant, quo rem diuinam facturi sunt, tunc enim facilius quod poposcerint impetrabunt, cum casti purique ad supplicandum deo processerint. Hoc sanè præcipit Apostolus, dicēs: Nolite fraudare inuicem, nisi forte ex consensu ad tempus, vt vacetis orationi. Tunc etiam magis accingant lumbos suos zona castitatis, cum sacrosancto corpori & sanguini domini erunt communicaturi, vt quod in typo agni paschalis præcipit, in vero agno qui abstulit peccata mundi, impleatur. Plebi vocem domini die perendi non audituræ per Moysen iniungitur, ne appropinquēt vxoribus, & Dauidi atque iis qui cum illo erant, panes propositionis ne esuriētibus quidem dati fuere, nisi cū se mundos à mulieribus ab heri & nudius tertius confessi sunt. Quid autem sanctius illo panē qui de cœlo descendit? Quod ergo præcessit in figura obseruetur in veritate, & hoc quidem ex consensu, vt enim se contineāt coniugati, non alterius arbitrij est, sed amborum.

De coniuge eligenda. Cap. 9.

VT autem concorditer ac sine querela procedant nuptiæ, par conditio quærenda erit in coniuge, generis atque fortunæ. Iurgiorum causa esse consuevit

fuevit disparilitas. Idcirco vir nobiliorem se aut opul-
torem non ducat, ne pro vxore patiatur dominā. Mu-
lier quoque plebeia & vulgaris: parumque dotata non
nubat præstantiori, ne fortè non vxoris loco habeatur,
sed ancillæ. Quod si etiam inter æquales frequenter in-
ciunt contentiones & lites & dissidia & simultates;
quanto magis hoc timendū est, vbi alter maiorum suo-
rum iacet titulos, ostendet stemmata, opibus gloriatur
& multo fastu inflatus arroganter incedit: alter verò
nihil horū habeat quo se illi ex æquare possit, aut iniu-
riæ obiectæ, vilitatis propulsare. Caueant igitur tam
viri quàm fœminæ matrimonio copulandi; ne fortè
dum coniugij iugum se subire credunt, iugum subeant
feruitutis, & si bene recteque sibi consultum volent, au-
diant verficulum illum à pueris in schola, in foro, in o-
mnibus compitis ventilatum: *Si voles aptè nubere nube pari.*
Sed neque nimis formosam ducendam esse aiunt, nec
nimis deformem, ne vel hanc habeas despectam, vel il-
lam suspectam. Ea ergo placeat, cuius media inter istas
erit species, vt nec multos allicere, nec tibi non grata
esse possit, ac proinde vtriusque vestrum & pudicitia tu-
tior maneat, & animus omni sublata suspitione tran-
quillior, & ad mutuam propensior charitatem. Neque
enim illi concorditer queunt pacificeque viuere, qui
inter se de connubij fide dubitant, & zelotipia vitio
vel maritus mœchum, vel vxor pellicem imaginatur
ac timet.

*De filiorum educatione familiā-
que regenda. Cap. 10.*

Post hæc optimos habere liberos gloria est paren-
tum. Patris igitur matrisque erit officium, vt se
genitos non ad luxum, sed ad modestiam educare,

i. Timot. 5.

non blanditiis emollire, sed castigationibus cohibere
 piè religioseque instituere, plectere si deliquerint, lau-
 dare si benè obtemperanterq; se gesserint. Increpationi-
 bus, minis, verberibus à vitio deterrere, exhortatio-
 nibus ad virtutem promissisq; accendere, exempla vi-
 tæ alienæ, alia quæ fugiant, alia quæ imitentur propo-
 nere, magis de moribus ipsorum quàm de sospitate soli-
 citari. Reliquam quoque familiã ita gubernare, vt eo-
 rum qui domi sunt, sobrietas, parsimonia, frugalitas, te-
 stimonium sit integritatis industriæque dominorum.
 Super omnia autè omnes domestici, siue liberi sint, siue
 serui, doceantur deum timere, proximos diligere, nemi-
 nē odisse, nulli nocere, benè omnibus optare, & cui pos-
 sunt benefacere, iniuriæ non meminisse, sed pro malo
 bonum reddere. Magni profectò meriti apud deū erit,
 talem se in educandis liberis regendaque familia exhi-
 buisse, sicut econtrario præcipuæ indignationis atque
 odij neglexisse, & patris vel matris familias personam
 gerendo suum non obiuisse officium. Ait enim beatus
 Apostolus: Si quis suorum maximè domesticorum curã
 nō habet, fidem negavit, & est infideli deterior. Quod
 si par crimen est, fidem negare, & eorum quibus præes
 paruipendere salutem, nōne par erit & criminis vin-
 dicta pœnaque commissi? Quisquis igitur alios regen-
 di officium suscepisti, caue maximè ne otio atque igna-
 viæ deditus illud fastidias, nève gregem cuius es pastor
 lupis laniandū dimittas & perditæ ovis sanguis de ma-
 nu tua requiratur. Corripe delinquentes, instrue igna-
 ros, ptege infirmos, liberare cōtende periclitātes, indi-
 gentibus victui necessaria cōpara, deniq; si præmio nō
 duceris, pœnā time, quæ illis debetur, qui fidē negarūt.

De fornicatione vitanda. Cap. II.

ET quoniam matrimonio prætulimus viduitatem,
 viduitati virginitatem, nihilque horum malum
 esse di-

esse diximus, contraria quoque in medium producenda sunt, vt vitij scditate offensi, cupidius virtutibus incumbamus. Virginitatem amittere, quid est aliud nisi ab ipsa angelicæ cōditionis celsitudine ad nostræ mortalitatis humilitatem descendere, & cum spiritu coepris carni finiri? Similis angelis eras virgo dum nescires corruptionē, iuncta es viro honestis nuptiis, fateor non peccasti, facta es tamen de spiritali carnalis, de cœlesti terrena, de auro purissimo æs vilissimum. Iam non potes venienti Christo sponso cum lampade accensa occurrere, nec inter sponfas eius censeris, virginū ille sponfus est, non corruptarum amator. Et licet non repellat coniugatos coniugij iura seruantes: primo tamen loco habet virgines (vt dictum est, secundo, viduas: vltimo, maritatas. Quod de altero sexu dicimus, de vtroq; sentimus. Prior est apud deum qui sceminam nescit, deinde qui post cognitam castitatis votum suscipit, postremo ille qui gignendæ prolis gratia matrimonio seruit, & pudicitiam atque charitatem genitali thoro debitā colit. Hæc sunt tria illa hominum genera, de quibus in Euāgelio dicitur: Tunc duo erunt in agro, vnus assume-tur, & vnus relinquetur: duæ molentes in mola, vna as-sumetur & vna relinquetur. Virginū primus ordo mihi videtur. Virginitas in agro moratur puritatis inter-nitentia intacto candore lilia, & Christum dominum inuocat, dicens: Veniat dilectus meus in hortum suum, vt comedat fructum pomorum suorum. Continentium secundum esse censeo, qui carnem suam terunt mala ie-iunij, vigiliarum, precum, honestiq; laboris, subdentes eam spiritui, vt panes mundi efficiantur deo offerendi. Sed vt noscamus quantū hi à virginitatis gradu distēt, sub sexu minus nobili proferūtur, dum dicitur duo mo-lentes, nec tamen ideò coniugatis inferiores, quāuis nō duę, sed duo de illis dictum sit. Quia virginum quidem & cōtinentiū inter se habilis congruaq; cōparatio est.

Virginitas.

Matth. 14.

AA. iij

Coniugati

Coniugati autem non his conferuntur, sed incontinentibus potius, iuxta Apostolicum illud: Melius est nubere quàm vri. Nubere itaque bonum est, quia vri & ad illicitos ardere amplexus malum est. Duo igitur in lecto vno sunt, qui matrimonio copulantur, vt sint duo in carne vna, & lectulum nõ diuidant prauo desiderio amoris alieni. Cæterũ, quia nec virginibus castitas, nec viduis continentia, neque coniugatis proderit pudicitia, si mandata dei perficere neglexerint, ideo dicitur: vnus assumetur & vnus relinquetur. Quilibet enim ordo in duo erit diuisus: alius habebit eos qui saluabuntur, alius qui peribunt, saluandi obuiam Christo assumuntur in aera: damnandi autem relinquentur in igne cum diabolo cõmissa luituri. Quod si ne virgines quidem, quæ fatuæ erant, intrare beatitudinis ianuam potuerunt, quomodo intrabunt scortatores, adulteri, libidinibus die noctuque seruientes? Si, inquam, neque continentibus, neque matrimonij fidem seruantibus parcitur, cum illa quæ iussa sunt, contempserint, quanto acrius torquebuntur, qui continentiam quoque stupris polluerunt, vel qui coniugij sanctitatem adulterij nequitia profanarunt? Christus in Apocalypsi iratus, clamat: Foris canes & venefici & impudici, & tu te ab eo suscipiendum speras, qui post continentiaẽ votũ ad libidinis pristinae sordes reuerteris, vt ad vomitũ canis, & insipientes mulierculas blanditiis donisque illicis, quasi incantationibus veneficus, & in omnem impudentiam præceps fereris, vt obscœnæ appetitioni morem geras? an ideo fortasse negligetiores, quia quos foras exigi audis, solo beatitudinis fructu carituros putas? At hic idem, cuius iudicia firma rataque habentur. Alibi ait: Fornicatorum partem cum veneficis idololatriisque futura, in stagno ardenti igne & sulphure, quod est mors secunda: Non solum igitur beatitudinis possessione priuabitur, verumetiam suppliciis, nunquam finiendis tradentur. Hoc

Apocal. 22.

Apocal. 21.

tur. Hoc quàm verum sit manifesta multorum exempla docent. In quibus Sodomam & Gomorrhā libidinibus ardentem ardentior de cœlo pluens flamma consumpsit. Zambri Israëlitarū cædes & Madianitidis meretricis cui ille se coniunxerat, deum populo iratum placavit. Lex quoque adulterij convictos lapidibus obrui iubebat. Et licet postea clementissimus dominus legis rigorem Evangelij gratia temperarit, indamnatam dimittendo adulteram, ne pœnitentibus adimere spem videretur salutis. Vade tamen, inquit, & noli amplius peccare, ne quid graui⁹ tibi cōtingat. Grauius est enim in abyssum inferni detrudi, quàm lapidum ictibus interimi, & animæ quàm corporis pati mortem. Respicite igitur impudici, redite ad cor fornicatores, exurgite de stercore meretrices, dum licet, dum pœnitentię superest tempus, ne post hac tristius vobis acerbiusque contingat, quàm Sodomitis, quàm Gomorrhæis, quàm Zambri & Madianitidi scorto, quàm denique est illud quod in puniendo adulterio lex decernit, Nihil enim terribilius dici aut excogitari potest, igni inextingibili, tenebris exterioribus, verme immortalī, perenni fletu, nunquam quieturo dentium stridore, pœnisiq; illis, quarum gravitas neque intermittenda, neque eleuanda, neque seculis vllis vnquam speratur finienda. Quorsum igitur illa mortiferæ cupidinis fomēta, amatorias missitare tabellas, delinificis blandiri verbis, nutu, nictu, sibilis allicere, comere caput, vestimenta componere, fores obsidere aliorum, ludis interesse, choreis, cantibus, sonis, iocis, diem consumere, modis omnibus efforminari ac mollescere? Quorsum etiam tot ornādi corporis instrumenta, speculum, pecten, volsellæ, calamistrum, discernicula, bullæ, crepitula, segmenta, inaures, monilia, armillæ, anuli, reticulæ, vitæ, margaritæ, lapilli, quæ enumerare nedum æstimare difficile est? Quorsum postremo ad fucandam faciem purpurisum & cerusa:

Sodoma
Gomorrha.
Zambri

Ioan. 8.

rufa: ad erugendam atque emaculandam alia quædam smegmata, mangonumque linitiones? Quid, hoc est, ni si propriam pudicitiam prostituere, & vim inferre alienæ, & nullum omnino obscœnitatibus modum imponere? Mittite ista quæso, qui tam insipienter excidistis, & ad mentem reuerfi tandem aliquando cogitate, an tanti sit brevis ac momentanea corporis voluptas, ut propter illam vel bonum infinitum castitati propositum cõtemni debeat, vel infinitum malum impudicitie paratum nõ timeri? Cogitate, inquam, quæ secutura sunt, ut his quæ instant libentius abstineatis. Haud facile præsentibus delinitur, qui quotidie pensitat futura.

De triplici eleemosynarum genere. Cap. 12.

Satis ista de castitate ac pudicitia, nunc magis proximam charitati virtutem explicabimus, erga ege nos liberalitatẽ. Domini nostri, cuius omnia sunt, præceptum est: Qui petit à te, da ei, & volenti mutuari abs te, ne auertaris. Aliorum inopia tua succurrat opulentia, ut obedias deo. Et licet iuxta alium euangelistam dictum sit: Omni petenti te tribue, non iuberis tribuere omnia, sed omnibus. Rem malè petenti, da cõsiliu ne petat, iustè petenti pauperi, da quod petit, si potes: si id non potes, da excusationem: & verbis consolare miserum, si nequeas auxilio. Atque ita omni petenti dabis aliquid, cum dederis, quod & te dare deceat, & illi accipere. Eadem ratio erit mutui præstandi. Neque enim mutuandus est gladius irato, neque clavis furi, neque equus latroni, neque navis piratæ, neque pecunia aleatori, neq; musicum instrumentum impudico amatori. Mutuum ergo da, non ei, qui animo malè aliquid agendi poscit, sed qui petit quod & sibi profit, & nemini noceat. Quod si neq; à malè postulantibus auerti volueris admone ut à malis resipiscant & ad bonum conuertantur. Et

Matth. 5.

Lucæ. 6.

tur. Et hoc quidem magnum mutuum erit, si te hortante corrigentur. Mutuū, inquit, date, nihil inde sperantes, & erit merces vestra multa, & eritis filij altissimi, quia ipse benignus est super ingratos & malos. Estote ergo misericordes sicut & pater vester misericors est. Mutuum istud eleemosyna est, quæ non ab eo restituitur qui accipit, sed qui præcepit, qui dat pro modicis magna, pro temporalibus sempiterna & eos regni cœlestis facit hæredes, qui sui terreni patrimonij partē impendunt pauperibus. Qui enim miseretur pauperis, fuerat deo. Sed etiam qui miserendo mutuum dat, nec aliquid præterquam quod mutuatum est exigit, miserationis quidem suæ capiet mercedem, maiorem tamen ille, qui nihil ab homine repetit ut à deo recipiat, quod ab ipso promissum esse non ignorat. Sed antequam eleemosynarum rationem atque meritū demonstramus, docebimus eleemosynam aliam fructuosam esse, aliam inutilem, aliam verò reprobam & execrandam. Fructuosa est de qua loquimur, quamque tractare instituimus, quæ verè eleemosyna dicitur à miserando trahens vocabulum, ut verè non simulatè miserantiū sit, nec veritentium in vitium virtutem, veluti ex his quæ dicuntur, facile patebit. Illa autem inutilis est eleemosyna, qua non dei, sed hominum gloria quæritur: qua scilicet non in occulto cōscientiæ sit, ut ei placeat qui videt in occulto: sed in publicū profertur, ut vulgi poti⁹ capteret plausum, ac fauorē sibi cōciliet spectatorū. Ait autē dominus: Attēdite ne iustitiā vestrā faciatis corā hoībus, ut videamini ab eis. Alioquin mercedō nō habebitis apud patrē vestrū qui in cœlis est. Pulchrū additū est, ut videamini ab eis. Quod docemur, non hominum conspectum fugiendum esse, sed laudis humanæ appetitū. Quæ qui sequitur, cum multa donauerit, quid aliud pro rebus dilargitis recipiet, nisi vanæ commendationis verba, quibus aures demulceat, & animo nihil conferat cōmodi

Ibidem.

Proue. 19.

Eleemosyna bona.

Eleemosyna inutilis.

Matth. 5.

modi? Quinimo illi etiam qui laudant, si causam largi
 tatis nossent, vituperarent, vt inanis gloriæ auidum, &
 non vt pietatis in egenos cultorē. Cū ergo facis eleemo-
 synam, noli, inquit, tuba canere ante te, sicut hypocri-
 tæ faciunt in synagōis & vicis, vt honorificentur
 ab hominibus: amen dico vobis, receperunt mercedem
 suam. Te autem faciente eleemosynam, nesciat sinistra
 tua quid faciat dextera tua, vt sit eleemosyna tua in
 abscondito, & pater tuus qui videt in abscondito, red-
 det tibi. Dextera ad virtutem refertur, ad vitium fini-
 stra. Non ergo se misceat vitiosa laudis appetitio rectæ
 synceræque eleemosynarum operationi. Quod cum ca-
 ueris, videant in te homines, vnde deum laudent, vnde
 virtutis exercendæ exemplum trahant, aut si illi non
 viderint, satis tibi sit, eleemosynam tuam neque ange-
 los latuisse qui tibi congratulabuntur, neque deum qui
 relaturus esset præmium. Sed neque illorum utilis aut
 accepta erit apud deū eleemosyna qui cum peccata nō
 deferant, ea redemptum iri se existimant: quasi verò
 porrecta stipe corrumpi possit deus, vt scelera non pun-
 niat. Quamobrem autem alia imperaret, si ad salutem
 sola eleemosyna sufficeret? Peccata tua eleemosynis re-
 dimē, & iniquitates tuas miserationibus pauperū, hoc
 pœnitentiæ agere volenti, dicitur, non in flagitiis ob-
 durato. Sicut aqua extinguit ignē, ita eleemosyna ex-
 tinguit peccatum. Sed vt aqua extinguat ignem non
 addis ligna, non suffles prunas oportet, alioqui crescen-
 ti incendio consumetur humor victus maioris flammæ
 calore. Ita nisi peccare cessaueris, eleemosynis redimi
 non poteris. Eleemosyna benignitatis est virtus, virtu-
 tis autem nomine indigna esset, si vitiis faueret, si licen-
 tiam peccandi præstaret. Porro, quia virtus est, non de
 linquentes adiuuat, sed pœnitentes emundat. In Eccle-
 siastico est scriptum: Dona iniquorum non probat al-
 tissimus. Ipse etiam dominus in Amos propheta obsti-
 natis &

Matth. 8.

Daniel. 4.

Ecclesi. 3. 4.

Amos. 5.

natis & in crimine perseverantibus ait: Holocausta & munera vestra non suscipiam, & vota pinguiū vestrorum non respiciam. Nemo igitur impune se peccare existimet, quia multa largitur pauperi. Primum esse debet, deum non offendere: Secundum, hominis inopiæ subuenire. Quod si etiam istud, ut obediamus deo, facimus: cur in cæteris parere recusamus, in vno fideles, in aliis infidi? Ille in Euangelio clamat: Pœnitentiam agite, & appropinquabit regnum cœlorum. Et tu tibi appropinquaturum speras, non agendo pœnitentiam, sed porrigendo eleemosynam? Dimitte iam tandem errorem istum, ne tibi magis quam aliis credens, pereas. Et Iacobi apostoli sententiæ adherere incipe, dicentis: Religio munda & immaculata apud deum & patrem hæc est, visitare pupillos & viduas in tribulationibus eorū. Ac ne mutila esset & imperfecta definitio, adiunxit: Et immaculatum se custodire ab hoc seculo. Sit igitur liberalitati iuncta iustitia, ut religio munda apud deum & immaculata sit. Reproba verò & execrabilis est eleemosyna, quæ ideò fit, ut vel aliquid callidè extorqueas, vel aliquem seducas, & quasi piscator hamum sub esca latentem porrigas. Avaritiæ ista liberalitas est & fraudis, non miserationis & beneficentiæ. Hac Simon magus spiritus sancti donum emere voluit, & non quam petebat gratiam sed quam nolebat maledictionem recepit. Talem eleemosynam captator senibus iam iam morituris impartit, dum heredem sese subscribi affectat. Talè corruptor simplici mulierculæ largitur, ut ipsam suæ libidini cōsentire compellat. Quicquid autem mali finem habet, malum sit necesse est. Nunc ad id quod proposuimus, nostra redeat oratio, ut de veræ eleemosynæ ratione atque fructu differamus.

Iacobi. i.

Eleemosyna mala.

Simon magus.

Quibus dāda est eleemosyna. Cap. 13.

Omne

OMne beneficium quod necessitatem patienti miser corditer impenditur, eleemosyna est. Paupertate grauatos, cibo, potu, tegumentis, tecto iuuat.

Deute. 11.

Isai. 8.

Matth. 19.

Lucæ. 14.

Lucæ. 19.

Roma. 15.

Galat. 6.

Matth. 25.

1. Cor. 16.

1. Timo. 3.

His enim præcipuè indiget paupertas. In Deuteronomio scriptum est: non obdurabis cor tuum, nec contrahes manum, sed aperies eam pauperi. Et in Isaia: Frange esurienti panem tuum, & egenos vagosque induc in domum tuam: cum videris nudum, operi eum, & carnem tuam ne despexeris. Et in Euangelio: Si vis esse perfectus, vende omnia quæ habes, & da pauperibus, & sequere me. Et qui habet duas tunicas, det alteram non habenti. Illosque ad cœnam dominus præcipit inuitandos, quibus deest referenda gratiæ copia, vt non ab iis remuneratione, sed à deo expectes. Parum vel nihil facit lucri qui tribuit diuiti: & licet multo plura receperit quàm dederit, nihil tamen ad illud, quod à domino tribuendum speratur. Ideò & Zachæus dimidium bonorum suorum pauperibus obtulit, non diuitibus, & salus domui suæ facta est, Christo hospitium eius ingressus. In eos tamen qui relictis contemptisque omnibus Christum sequuntur, magis beneficos nos esse oportet, vt cum dei serui nos commendauerimus, melius de deo mereamur exemplo Apostoli, qui ait: Nunc proficiscar in Hierusalem ministrare sanctis. Idcirco alibi hortatur, dicēs: Dum tempus habemus, operemur bonum ad omnes, maximè autem ad domesticos fidei. De quibus ipse dominus ait: Quod vni ex his minimis, qui in me credunt fecistis, mihi fecistis. His æra conferri siue res quibus indigēt iubet Apostolus, ita ad Corinthios scribens: De collectis autem quæ sunt in sanctos, sicut ordinaui in ecclesiis Galatiæ, ita & vos facite per vnam sabbati. Hos autem non solum rebus iuuandos esse, verum etiam honore prosequendos docet, cum ait: Qui bene præfunt presbyteri, duplici honore digni habeantur, maximè qui laborāt in verbo & doctrina. Dicit enim scriptura:

scriptura: Non alligabis os boui trituranti. Et: Dignus est operarius mercede sua. Propterea rursus ipsis Corinthiis confidenter loquitur: Si nos vobis spiritualia 1. Cor. 3. seminauimus, magnum est, si carnalia vestra metamus: & ad discipulos à saluatore dicitur: Qui vos recipit, me recipit: quod non modo de religione quam prædicarunt intelligendum reor, verumetiam de vitæ sustentamentis, quibus indigebant. De his igitur præcipua cura tibi fit, vt cum erga vitæ præceptorem liberalis munificusque fueris, multorum saluti consulas, quia eius doctrina & institutis erudiuntur ac proficiunt. An Abdiæ Achabi regis dispensatori etiam cum capitis 3. Reg. 3. sui periculo non fuit graue, centum ex prophetis, quos Iezabel impiissima persequebatur, neci subtrahere, in speluncis abscondere, cumque fames esset, suis impensis pascere? & tibi molestum erit, si vni sancto aut alteri necessaria obtuleris, quæ non illis oblata, sed sibi computat ipse qui facit sanctos, & pro eleemosynis tam modicis æterna se repensurum bona pollicetur? Ceterum, etiam ecclesiis conferenda beneficia sunt, vt qui altari seruiunt, his vtantur. Si quid superfuerit, aliis dispensent, aut in ædificiis deo dedicandis impendant. Sic fecit Dauid, sic Salomon, sic Esdras sacerdos. Præterea quoties ciuitas annonæ caritate laborat, aliæ rerum molestia affligitur, plebi succurrendum esse à potentioribus docent, Ioseph Aegyptiis distribuens frumenta, Ezechias & Iosias offerentes pro regno, pro sanctuario, pro Iuda tauros, arietes, oues, hircos, vt eis quibus præerant miserando, ipsi à suo præside deo misericordiam consequerentur. Docuit hoc & saluator noster, hominū multitudinem pascens in deserto, nolens dimittere ieiunos, ne deficiant in via. Et certe non humanus, sed ferinus est qui multos perire patitur, cū multos potest sua ope liberare. In peregrinos etiam seruanda est humanitas. Cum enim mortaliū vna origo sit, vnus author & dominus

- dominus omniū , nemo nobis extraneus habeatur, nemo alienus. In suscipiendis ergo peregrinis imitemur patris Abrahæ atque Loth liberalitatem, qui sedentes in foribus ciuitatis, aduenas vt ad se diuerterent rogabant, & qui tam benignè homines acceptauerāt, digni fuere hospites fieri angelorum. Imitemur Iob, qui calamitatem suā hospitalitatis antè actæ recordatione cōsolabatur, dicens: Foris non mansit peregrinus, ostium meum viatori patuit. Imitemur Sunamitem illam magnam quæ coenaculum fecerat, vt quoties Elisæus propheta Sunam trāsiret, inuitatus in eo susciperetur. Ob hoc cum virum senē haberet, & ipsa esset sterilis, orāte Elisæo, meruit esse masculæ prolis mater, & cum defunctum filium lugeret, vitæ restitutum recipere atq; cōsolari. Imitemur Marthæ sollicitudinem, quæ digna fuit hospitio suscipere Christum. Imitemur postremo duos illos de Euangelio, qui Christū sub peregrini specie latentem, pertransire que volentem, ad suum diuertere hospitium coegerunt. Longè quidem illis dissimiles qui ita submissè lenteq; inuitant, vt appareat, optare se ne veniant quos inuitarint, velle que videri, sed nō etiam esse hospitales. Hi verò qui peregrinum, vt apud ipsos maneret, coëgisse dicuntur, cognoscere meruerūt Iesum, & caligine oculorum ac mentis deterfa resurrectionem eius læti videre, quem lugebant crucifixum.
- Abraham.
Loth.
Iob. 31.
Sunamitis.
Martha.
Discipuli.
Lucæ. 24.
Exodo. 22.
Leuit. 19.
Deuter. 14.
- Ad hæc in Exodo est præceptum: Aduenam non contristabis, neque affliges eum. Et in Leuitico: Si habitauerit, inquit, aduena in terra vestra, & moratus fuerit inter vos nō exprobrete ei, sed sit inter vos quasi indigena, & diligetis eum quasi vosmetipsos Et in Deuteronomio: Peregrino qui intra portas tuas est, da vt comedat aut vende ei. Vende si illi superest pecunia, si deest, da. Grandis, inhumanitas est, vitæ necessaria quærenti nolle saltem vendere. Cauenda vehementer cordis ista durtia est, ne nobis obiici possit, quod præter alia Hierosolymæ

solymæ mox vi hostili euertendæ per prophetam Ezechielem exprobat, Aduenam calumniati sunt in medio tui, pupillum & viduam contristauerunt apud te: Quod scelus profectò nisi maximū foret, inter causas tā ti excidij non poneretur. Præterea morbo aliquo affectis opitulari, & ægrotantibus assidere, eleemosynæ genus est, de quo in Leuitico, dicitur. Si attenuatus fuerit frater tuus & infirmus manu, & susceperis eum quasi aduenam & peregrinum, & vixerit tecum, ne accipias vsuras ab eo, nec amplius quàm dedisti. Et in Eccle. Nō te pigeat visitare infirmū. Nō piguit illā quæ mūdi dominū erat paritura, mōtana ascendere, cognata adire, ægrotanti assidere, quæ grauida Ioāne baptista tædia iā vicini partus patiebatur. Quòd si dei mater hominis matri infirmæ ministravit, nec te pudeat inferiores tua non solum ope, sed etiam præsentia consolari. Captiuos quoque & in vinculis coniectos redimere, debitoribus æs alienum condonare, iniuste oppressos tueri ac defendere, pij atque liberalis hominis officiū est. Hoc per Isaiam præcipit dominus, cum ait. Subuenite oppresso, iudicate pupillo, defendite viduam. Et alibi per eundem prophetam. Dissolue colligationes impietatis, solue fasciculos deprimentes, dimitte eos qui contracti sunt liberos, & omne onus disrumpe. In Ezechiele etiam iustus appellatur, qui pignus debitori reddiderit, & pauperculum non contristauerit. Vt autem eorū qui carceri mancipati sunt, angustiam miserearis, Apostolus hortatur, dicens: Mementote victorum tanquam simul victi, & laborantium tanquam & ipsi in corpore morantes. Nam si omnes in Christo vnum corpus sumus, debemus malè affectis condolere, vt membris corporis nostri & saluti eorum consulere non minus accuratè quàm nostræ consultum vellemus, si idem mali pati contigisset. Tunc enim si qua calamitate ipse oppressus fueris, si quavis violentia vexatus, nō

Ezec. 22.

Leuit. 25.

Isaiæ. 58.

Isaiæ. 19.

Heb. 13.

Iob. 22.

te pūdebit opem implorare, quā aliis præstiti ſti. Da modo operam, vt cum beato Iob dicere poſſis: Oculus fui cæco, & pes claudō, pater erā pauperum, & cauſam quam nesciebam, diligentiffimè inueſtigabam, contrebam molas iniqui, & de dentibus illius auferebam p̄dam. Poſtremò aliorum triſtitiam conſolatione releuare, mortuos qui non habent vnde funerentur, tua impenſa efferre ac ſepelire ad eandem pertinet virtutem. Qua præditus Tobias, cum in Aſſyria captiuus teneretur, in eos qui ſecum capti erāt, benignitatem exercuit, verbis conſolando, rebus iuuando, & eos qui diem ſuum obiſſent, mandando ſepulturæ. Dumque aliorum anguſtias miſeratur, ſuas nō ſentiebat. Hæc de illis quibus aſſeſſe debemus opera atque pecunia, nunc quantū erit largiendum inopi, & pro quibus eleemoſynæ faciendæ breuiter expediemus.

Tobias.

Quantum pauperi ſit largiendum.

Cap.

I 4.

Tantum tribuendum, quantum pauperis indigentia poſtulat. Tantum veſtium da ne algeat, ne nudus incedat. Tantum cibi ac potus imparti, ne fame ſiti que laboret. Non beneficium eſt plura donare, ſed nequitix irritamentū. Veſtis delicatior excitat arrogantiā. Viſtus abundantior nutrit luxuriā. Proſpiciendum erit igitur ne copioſius tribuas, quā ad parſimoniā accipientis credideris eſſe ſatis, ne forte dum iuuare cupis, noceas. Medicorum induſtriā imitare. Non porrigunt ægroto quantum ipſe expetit, ſed quantum ſaluti eius recuperandæ confert, quodque p̄ futurum cenſent impendunt, non quod noxium æger popoſcerit. Ita & tu quātum hominis egeſtas requirit, & quod honeſtæ ſuſtentationi ſufficit vel non petenti præbe.

præbe. Quicquid vltra necessitatem est, quicquid obesse poterit, ne præbeas etiã si flagitarit, quod si tibi grãdis rerũ suppetit copia, da multa, sed multis, nam si vni deder is licet ille acceptis non malè vtatur, tu tamen vnum diligere videberis, alios odisse. Christus autem nõ pro vno mortuus est, sed pro omnibus. Eius munificentia er is æmulator, cum plurimis benefeceris. Latè patens virtus est charitas, nõ est contenta vnus angustis in quem beneficia conferat, sed erga omnes effundi gestit, cum omnes æquè diligat. Quanquam illos magis respicit quos magis miserabiles inopiososque videt. Veruntamen si tibi quoque non ita ampla est res familiaris, tantum indigentibus eroga, quantum victui tuo superesse poterit, ne & ipse egere incipias. Ita enim Apostolus Corinthiis consulens ait: Si voluntas prompta est secundum id quod habet accepta est, non secundum id quod non habet. Non, enim vt aliis sit remissio, vobis autem tribulatio, sed ex æqualitate in præsentitẽpore vestra abundantia illorum inopiam suppleat, vt & illorum abundantia vestræ inopiæ fit supplementũ. Quænam est ista pauperis abũdantia, nisi quàm pro beneficiis inopi collatis retribuit Christus, dicens: Venite benedicti patris mei, possidete regnum vobis à constitutione mundi paratum. Esuriui enim & dedistis mihi manducare, sitiui & dedistis mihi potum, & alia quę sequũtur. Vnde idem alibi ait: Facite vobis amicos de iniquo mammona, qui recipiant vos in æterna tabernacula. Nisi ergo dederis, talia non recipies. Si de tuis diuitiis nõ feceris tibi amicos, quis erit qui te de terra tollet, & in cœlesti collocare dignabitur domo? Ab omnibus destitutus gutta aquæ indigere incipies cum diuite purpurato, qui micæ panis Lazaro mendicanti dare noluit. Lazari inopiam non est miseratus in sua copia diues, nec Lazarus iam in sinu Abrahæ beatus & felix diuitis in igne ardentis miseris permixtus est subuenire.

2. Cor. 8.

Mat. 25.

Luc. 16.

Matth. 25.

Atque ita⁷ auari diuitiæ in æternam vertuntur inopiam, diuitiæ verò pauperibus Christi dilargitæ perennibus regni cœlestis bonis compenſantur. Quòd si opulentior es quàm neceſſe ſit, & luxuriæ deditus cuncta in tuos vſus conſumis, iniquus diſpenſator es. Pauperum eſt enim non tuum, quicquid modeſtè frugaliterque viuenti ſupereſſe potuit. Aliena vſurpas, quoties tibi plusquàm oportet indulges: Non es dominus omnium quæ habes quicquid ſupra neceſſitatem poſſides, eius tibi diſpenſatio credita eſt non abuſus. Si benè diſpenſaueris audies à domino. Quia ſuper pauca fuiſti fidelis, ſuper multa te conſtituam, intra in gaudium domini tui. Sin verò talentum tibi ad negotiandum traditum in terra defoderis, nihil aliis impartiens, ſed totum tibi vendicans, nihil te lucri feciſſe argueris, atque ideò pro ignauiæ crimine, pro interioribus tenebris, quib⁹ obnubilatus animus futura non proſpexit, tenebras patieris exteriores, ibi erit pro lætitia fletus, pro crapula & ingluvie dentium ſtridor, nunquam inde exies, de diuitiis iſtis exiturus citius quàm putas. Quòd ſi perituris conferre ſemper duratura ſoleres, melius tegetem actum duceres carere opibus: & eſuriendo panem oſtium quærere, quàm illis affluere in immenſum, illis tota ætate iucundè perfrui, & in pauperum vſus quantum debes non contuliſſe. Iudicium enim illi ſine miſericordia fiet, qui non fecerit miſericordiam. Supereſt vt videamus, pro quibus facienda erit eleemoſyna, vt poſtea paulo plenius quàm dictum eſt, eleemoſynarum quaſtum commodaque conſideremus.

Pro quibus facienda eſt eleemoſyna.

Cap.

15.

Pro

Pro filiis offerebat holocausta Iob, dicens, ne forte peccauerint in cordibus suis. Exemplo nobis est, vt pro iis qui grauiter lapsi sunt, non solum precemur, sed etiam eleemosynas offeramus. Offerenda erit eleemosyna & pro illis, qui in aliquo vitæ discrimine constituti erunt vt liberentur, & postquam liberati fuerint, vt pro beneficio à domino collato gratia referatur, qui illud quod pauperi impenditur, fatetur impensum sibi, Samuele sacerdote holocausta offerent Israëlitarum parua manu ingentes Palæstinorum copias fuderunt. Territi enim hostes tonitru & fragore de cælo misso, .i. Reg. 7. terga verterunt. Non est autem acceptior domino holocausti oblatio quàm eleemosynarum pia largitio, ipso dicente. Misericordiam volo & non sacrificium, alias Num. 31. verò iidem Hebræi cum duce Phinee superassent Madianitas, domino per Moysen iubente, prædæ totius quinquagesimam soluerunt sacerdoti ac Leuitis, & quia nemo ex eis desideratus fuit illo prælio, aurum domino consecrarunt, cuius benignitate & à periculo seruati fuerant, & victoria donati. Qui ergo in proximos misericordes extiterint, in hostem victores erunt, & deo protegente terræ marisque discrimina tuti pertransibunt. Pro ægrotantium quoque sanitatē, ac pro delictis mortuorum eleemosynarum liberalitas utilis habetur. Quòd si Tabitam Petrus & Drusianam Iohannes de morte ad vitam reuocarunt, pauperum precibus permoti, quorum inopiam illæ suæ ope sustentauerant, quanto facilius creditu est, eos de ægritudine ad sanitatem esse reuocandos si eis expedierit, qui eadē beneficentia in egenos vti fuerint? Aut si nō sanabuntur, meliorem mercedem relaturos à domino quàm ipsam corporum sanitatem. Porrò pro defunctis eleemosynas facere, ex consuetudine religionis Christianæ est. In veteri autē instrumento hoc ipsum astringitur ex autoritate Iudæ Macchabæi principis ac viri

multa in deum pietate insignis. Ille enim collatione facta, duodecim milia drachmarum argenti misisse Hierosolimam dicitur pro delictis eorum qui in prelio ceciderant offerenda. Et sancta (inquit) ac salubris est cogitatio pro defunctis orare, ut à peccatis solvantur. Nunc quanta vis atque potestas eleemosynæ sit memoremus, non nostra præsumptione usi, sed autoritate instructi diuina, ne quis aliter sentientium cauillationi locus sit. Quis enim fidelium tam temerarius est, ut scripturarum sententiam audeat impugnare?

De eleemosynæ utilitate.

Cap.

16.

Prou. 31.

Tobie, 12.

Prou. 19.

Legimus in prouerbiis diuina humanaque sapientia insigniti Salomonis: Munus absconditum extinguet iras, & donum in sinu indignationem maximam. Reprimitur igitur dei vindicta in peccatores, quoties misericordia exercetur in pauperes. In libris itidem diuinis audimus Raphaëlem angelum Tobie dicentem, Bona est oratio cum ieiunio & eleemosyna, magis quam thesauros auri concedere, quoniam eleemosyna à morte liberat, & ipsa est quæ purgat peccata, & facit inuenire vitam æternam. Times ne si dederis, ipse egeas? Sed dare eleemosynam magis prodest quam thesauros recondere. Times mori? Sed eleemosyna à morte liberat. Times dānari? sed eleemosyna peccata purgat, & vitam lucratur æternam. Tot terribilium rerum metu hominem eximit eleemosyna, & ad summam prouehit beatitudinem, tu tamen avarus cumulandis non distribuedis opibus inhias, veluti de promisso dubi, de pollicitatione incert, cum multis aliis in locis veritatis ipse sermo eadem asseueret & astruat. Iam primum hominis egenos benefici rem non minui, sed augeri, Salomon testatur in Prouerbiis, dicens: Ecce natus domino qui miseretur

retur pauperis. Fœnus autē est pecuniæ commodatæ for-
tus, quod Græci à pariendo ΤΟΚΟΣ vocant. Igitur sic da-
nista supra sortem vsuras exigunt, ita eleemosynarum
largitor multo plus relaturus est à domino, quàm quòd Prou. 11.
ipse pauperibus erogat. Idem Salomon alibi ait: Alij di-
uidunt propria, & ditiores fiunt. Ditiior factus est Iob Iob.
post ærumnam duplicia recepit omnium, quæ inuitus
amiserat, quia partem eorum volens distribuerat ege-
nis. Vidua Sareptana non partem, sed totum quod ha-
buit olei atque farinæ protulit in medium, vt prophe-
tam pasceret, ipsa cum vnico filio fame peritura, si elee-
mosyna nō plus meteret quàm seminaret. Porro tantū
hac liberalitate profecit, vt non deficeret ei oleum in
lechyto, nec in hydria farina, donec pluiam dominus
daret super terram. Fiduciam habuit in domino, & spe
sua non est frustrata. Parum dedit & recepit multum,
& cū etiā diuites penuriam pateretur, torrentibus ipsis
ob pluuiæ defectum siccatis, illa pauper dei beneficio vi-
ctu necessariō abundauit. Hoc quoque pollicetur Salo- Prou. 3.
mon in Prouerbiis, dicens: Honora dominum de tua
substantia, & de primitiis omnium frugum tuarum da
pauperibus, & implebuntur horrea tua saturitate, & vi-
no torcularia redundabunt. Tale aliquid in euangelio Mat. 14.
inuenies. Quid enim nisi multiplicato rediturā in si-
num porrigentis elemosynam innuunt quinque panes
illi, & duo pisciculi multitudini esurientium apposi-
ti, & post hæc duodecim cophini collecti reliquia-
rum: & iterum septem sportæ plenæ asportatæ pro
septem panibus & paucis pisciculis. Quis ergo tam Mat. 15.
timidus est, vt his exemplis non excitetur ad libe-
ralitatem, nec iam metuat ob hoc rei familiari de-
trimentum fore, si eleemosynas dederit, cū præ-
sertim veritas dicat: Date, & dabitur vobis: mensu-
ram bonam & confertam & coagitatam & superef-
fluentem dabunt in sinum vestrum. Nemo tamen Luc. 6.

hac sancta largitate vtatur spe pecunię augendę. Auari hoc foret, & terrena non cęlestia concupiscentis: quę non modo concupiscere, verum etiam propter Christũ debemus contemnere, vt illas acquiramus diuitias quas nec tinea corrumpere, nec fur possit auferre. Pro quibus adipiscendis plerique certę spontaneam subeunt paupertatem, vt ostendant nolle se omnino possidere opes perituras, sed illas quę perire nequeunt, in thesauris reconditas æternitatis. His autem fruituros pauperum sustentatores nemo negare poterit, nisi qui scripturarum repugnare voluerit veritati, malens damnari cū infidelibus, quàm cum fidelibus saluari. Vt igitur cęlestes æternasque opes capiamus, primo veritatis cognitione opus est, veri quę confessione, deinde vt delicta nostra expientur, & qui prius peccatis grauabamur, bonis actionibus proficiamus. Hęc autem omnia præstare poterit fidelis ac synceręque mentis eleemosyna.

Cornelius. Cornelio Centurioni ab angelo de cęlo in terras lapsus
Actu. 10. est dictum: Orationes tuę & eleemosynę tuę ascenderunt in memoriam in conspectu dei. Itaque cum gentilis esset, eleemosyna meruit à Petro Apostolo discere Christum, & fidei baptismo purificari, vt in Christo renatus, cum Christo resurgeret in gloria. Nabucodonosor quoque rex gętilis erat, quādo deo voluit se æquare, fragilitatis humanę oblitus. Cūque ob hoc prædicetur, quod regno eiectus cum bestiis esset victurus, eleemosynis tamen mutari posse Dei iudicium intellexit, Daniele dicente: Peccata tua eleemosynis redime, & iniquitates tuas misericordiis pauperum, forsitan ignoscet tibi deus. Quòd si etiam gentilium in pauperes pietatem deus respicit, quantomagis credentium atque fidelium? Audi scripturam dicentem: Conclude eleemosynam in corde pauperis, & hęc pro te exorabit ab omni malo. Vnde & in Psalmo dicitur: Beatus qui intelligit super egenum & pauperẽ, in die malo liberabit eum do-

minus,

Cornelius.

Actu. 10.

Nabuchodo-
sor.

Eccle. 29.

Psal. 40.

minus, quando videlicet dicturus est: Esuriui & dedistis mihi manducare. Audi & aliam scripturæ sententiam: Eccl. 3. Ignem ardentem extinguit aqua, & eleemosyna resistit peccatis. Et in Euangelio: Date eleemosynam, & omnia munda sunt vobis. Iuxta superiorem sententiam, eleemosyna resistit peccatis, ne illa committamus, iuxta sequentem, ab iis quæ iam commisimus, facit vt emundemur. Reliquum est vt à præteritis expiatis, & à secuturis custoditos, deo nos offerat pro innocentia suscipiendos, pro iustitia præmiandos. Hoc ita futurum Psalmista testatur: dum de beato viro ait: Dispersit, dedit pauperibus, iustitia eius manet in seculum seculi, cor eius exaltabitur in gloria: vt intelligamus per charitatis beneficentiæque opera ad æternam beatitudinem peruenire, & illos qui in his versati sunt, à Christo audituros, Venite benedicti patris mei, percipite regnum à cõstitutione mundi vobis paratum. Regni itaque cœlestis hæredes erunt, qui rerû suarû terrenarû ipsos fecerint participes. Ab hac sanè pietatis virtute nec ipsi pauperes excusantur. Non habes quam alteri porrigas stipem, da si habes aquæ frigidæ poculum, & non perdes mercedem tuam. Duo minuta æra inopis viduæ in gazophylacio oblata, diuitum præferuntur denariis. Non penset dominus quantum das, sed de quanto, & quæ libenter. Ille plus offert, cui minus quod offerat restat. Illius magis accepta sunt dona, à quo magis prompta exhibetur animo. Hinc est præceptum illud Salomonis, Ne dicas amico tuo. Vade & reuertere & cras dabo tibi, cum statim possis dare. Ac ne id tanquam inuitus facias, admonet Apostolus, nõ tristem, sed hilarem datorem à domino diligere, Qui enim libenter dat, diligit: idè & ipse diligitur. Quod si nihil penitus habes quod inopi largiaris, ita miseræ eius condolescas, vt daturus esses si haberes: & pro beneficio cõputabitur pietas miserantis, multumque proderit offerre voluntate, quicquid

Psalm. 111.

Prou. 2.

Cor. 9.

quid non poteris opere. Consummata verò ac perfecta eleemosyna est, vt cuncta simul distribuuntur: nec semper in erogando occupetur animus, potiusque attendat vt illum imitetur, qui cum diues esset, factus est pauper, vt nos diuites faceret in regno suo cœlesti, cum terrena contempserimus. Ipse in Euangelio ait: Si vis perfectus esse, vade & vende omnia quæ habes, & da pauperib⁹, & habebis thesaurum in cœlo, & veni sequere me. Eis etiam quæ ita secuti sunt ipsum, respondit: Omnis qui reliquerit domum vel fratres vel sorores, aut patrē, aut matrem, aut vxorem, aut filios, aut agros propter nomen meum, centuplum accipiet, & vitam æternam possidebit. Itaque magis grata est deo seruorum suorum voluntaria paupertas, quàm diuitum seculi quotidiana munera.

Matth. 19.

De vitio auaritiæ. Cap. 17.

Sed quid de illorum cupiditate dicemus, qui cumulandis opibus nunquam satiantur, atque in tantū tenaces sunt, vt nihil pauperi porrigant, & quib⁹ magis curæ est, pecuniam quæ sibi superat nulli vsui recondere, quàm egestati impartire alienæ? Quàm malè cum illis agitur, nosse operæ precium erit, ne quis opulentiæ eorum inuidendo, mores imitari decernat, perdatque dei gratiam, cum diuitias acquisierit. Non est enim amator dei, quem non miseret pauperis, dicente Iohanne Apostolo: Qui habuerit substantiam huius mūdi & viderit fratrem suum necesse habere, & clauserit viscera sua ab eo, quomodo charitas Dei manet in eo? Inter scelera quibus Sodoma interiit, obiiicitur quod manum egeno & pauperi non porrigebant. Frustra itaque illi misericordiam à deo sperant, qui misericordiā proximis non exhibent. Nec in aduersis eorum exaudi-
tur

1. Iohā. 3.

Ezech. 16.

tur deprecatio, qui miserorum precibus non mouentur, ait enim scriptura: Qui obturat aures suas ad clamorē pauperis, & ipse clamabit & non exaudietur. Minus est tamen sua non tribuere: aliena quoque iniuste rapere cogit auaritia, & ne à pauperū quidem fortunis impias continere man⁹, nullo satiabilis cōgestu, nulla copia cōtenta, imo eo cupidior, quo plura rapuerit. Vnde de illis quibus ea dominatur, est dictum: Rapiunt non sua, & semper in egestate sunt. Semper quippe restat, quod sibi vendicare affectent. Eiusmodi iniustitiam damnat dominus in Isaia, dicens: Væ qui prædaris, nōne & ipse prædaberis? & qui spernis, nōne & ipse sperneris? cū cōsummaueris depreðationem, depreðaberis, cum fatigatus desieris contemnere, contemneris. Ad eos maxime ista spectat comminatio, qui in potestatibus versantur, & pastoris adepti officium, gregem sibi commissum detondere non cessant. Si iumentum stercus fecerit, si extra ædeis loturam quis effuderit, si cum altero parum quid altercatus fuerit, mulctatur pecunia, quasi qui maiestatem læserit, denique mille causæ habentur, despoliandi inopem, nulla miserendi. Et miramur si illorum qui sic agunt, non miseretur deus, si liberis orbantur, si ab inimicis infestantur, si & ipsi à potentioribus despoliantur: quasi verò iustus dominus iustitiæ suæ oblitus, tam iniquas exactiones impune abire passurus sit, & nō pro merito vindicaturus: nunquid vanum est quod Salomon præcipit, dicens: non facias violentiam pauperi, neque conteras egenum in porta, quia dominus iudicabit causam eius. Sed enim tam fatua est cupiditas, vt ne flagellata quidem resipiscat. Aduersitatibus interdum affliguntur auari, & tamen mala quæ sustinent, non suo vitio imputant, sed fortunæ. Itaque rerum amissione non emendantur, sed magis ad prædandum rapiendumque accensi, reparare amissa festinant donec ipsi vitam amittant, & ad inferos detrusi crimen suum tandem

Prou. 21.

Prou. 11.

Isaie. 3.

Prou. 22.

tandem agnoscant. Si quis tamen aures audiendi habet, audiat, & timere discat, cum audierit illud quod in Malachia est scriptum: Et accedam ad vos in iudicio, & ero testis velox maleficis & adulteris & periuris, & qui calumniatur mercedem mercenatij, & humiliant vi-
duas & pupillos, & opprimunt peregrinum, nec timue-
runt me dicit dominus exercituum. Audiat & illud quod
in Amos ppheta legitur: Pro eo quod diripiebatis pau-
perem, & prædam electam tollebatis ab eo, domos qua-
dro lapide ædificabitis, & non habebitis in eis: vineas
plantabitis amantissimas, & non bibetis vinum earum
quia cognoui scelera vestra, & fortia peccata vestra. Igi-
tur vel illa vobis o diuites quæ iniquè comparastis eri-
pientur, vel vos illis, & spes omnis malè partæ rei in cõ-
trarium vertetur. Intolerabilior tamen erit pœna in-
ferni, quàm vitæ præsentis calamitas. Cæterum neque
illorum inulta erit auaritia, qui dicundi iuris fugientes
officio, pecunia donisve corrupti iniuste iudicant, &
quæstum magis quàm æquitatem diligunt, eiusque cau-
sam potiore habeat qui plus dederit. His per prophe-
tam dicitur: Vt qui iustificatis impium pro muneribus
& iustitiam iusti aufertis ab eo. Et in Iob est scriptum:
Ignis deuorabit tabernacula eorum, qui munera liben-
ter accipiunt. Illi quidem libenter munera accipiunt,
quos cupiditas illicit, non quos necessitas constringit.
Neque enim peccauit Ioseph à Pharaone accipiens dona,
neque Daniel à rege Babylonis. Vtrumque diuina
prouidentia contigit, vt populus Israël prius in Aegy-
ptum confugiens, principem suæ gentis haberet à quo
aleretur, deinde in Chaldæa captiuus, à quo protegere-
tur. Ideo isti nec honorem nec dona recusarunt, vt suis
in necessitate succurrerent, non vt sibi opes aceruarēt.
Beatus est autem qui præceptum domini obseruat, di-
centis: Non consideres personam pauperis, nec honores
vultum potentis, iuste iudica proximo tuo. Iniustus iu-
dex

Malac. 3.

Amos. 5.

Index.

Isaia. 5.

Iob. 15.

Iosepha

Daniel.

Leuit. 15.

dex est iuxta Iacobi Apostoli sententiam, qui plus ho-
 noris defert diuiti superbo, quàm pio pauperi & humi-
 li. Captator est profectò, non amicus, qui tantum diui-
 tibus blanditur, laudat vt stipem eliciat, honorat vt lu-
 cretur. Cui autem verum diuitiis potius est, non dona
 sequitur, sed iustitiam. Quam quoniam opibus præ-
 fert, ipse à domino honorabitur, dicente propheta:
 Qui excutit manus suas ab omni munere, iste in excel-
 sis habitabit. Munerum ergo auidus, & à recto auersus
 non in excelsis, sed in ima habitabit inferni. Hæc fors
 etiam illorum erit, qui se dei seruitio ideò dedicant, vt
 mammonæ, non vt deo seruiant, quibus ipse in Euange-
 lio respondens, ait: Quæritis me nō quia vidistis signa,
 sed quia manducaistis de panibus & saturati estis. Ab his
 enim episcopatus quæritur, vt nūmis arca impleatur,
 non vt bonum opus exerceatur: vt venter epulis reple-
 tus luxuriat, nō vt Christus in paupere pascatur, vt mēs
 inanis gloriæ vento inflata superbiat, non vt humili-
 tate deiecta deo placeat. De istis prophetare iussus Eze-
 chiel ait: Væ pastoribus Israël, qui pascebant semetip-
 sos. Nōne greges à pastoribus pascūtur? Lac comede-
 batis, & lanis operiebamini, & quod crassum erat occi-
 debatis, gregem autem meum non pascebatis. Et quia
 magis pecuniæ quàm animarum lucro inhiant, quod
 infirmum (inquit) fuit, non consolidastis, & quod ægro-
 tum, non sanastis: quod fractū, non alligastis, & quod
 abiectum non reduxistis: & quod perierat non quæsi-
 stis. Talium avaritiam & per os Malachiæ prophetæ
 arguit, dicens: Quis est in vobis qui claudat ostia, & in-
 cēdat altare meū gratuito? Non est mhi voluntas in vo-
 bis dicit dominus exercituum & munus non suscipiam
 de manu vestra. Licet autem in Euangelio dicat, dign^{us}
 est operarius mercede sua, necessaria permittit, non su-
 perflua imperat. Si superfluis abundas, dispensatio tibi
 credita est, vt aliorum inopiam iuues, non abusus con-
 cessus

Iaco. 2.

Isaia. 31.
Presbyter.

Ioan. 6.

Ezech. 34.

Malac. 1.

cessus vt voluptatibus perfruaris. Alienum est quicquid supra necessitatem est: De quo in Euangelio dicitur: Si in alieno fideles non fuistis, quod vestrum est quis dabit vobis: Tibi ò sacerdos promissum est regnum cœlorum, si modo tibi credita rectè dispensaueris: sin verò quod professus es, implere neglexeris, nec tibi quod à domino promissum erat, dabitur: & dū temporalia bona sectaris, amittes æterna. Domum enim orationis fecisti domum negotiationis, vendendo columbas, hoc est spiritus sancti dona in quæstum conuertendo: cum Christus clamitet, dicens: Gratis accepistis, gratis date. An ad Apostolum, confugies dicentem: Qui altario seruit, de altario viuere debet: sed de altario viuere tibi permittitur, non luxuriari, cum idem dicat: habentes victum & vestitum, his contenti simus. At tu cum multa possideas, plurà concupiscis: nec tam tibi de salute plebis cura est, quàm de exigendis pensionibus, de decimis oblationibusque colligendis, pro his in ecclesia declamas, pro his execrationum elogia valuis ecclesiæ affigis, ad cætera mutus, & illis simillimus quibus dicitur: Væ vobis scribæ & pharisæi, qui decimatis mentē & anethum & cyminum, & reliquistis quæ grauiora sunt legis, iudicium & misericordiam & fidem, hæc oportuit facere & illa non omittere. Scriba es igitur & pharisæus, cum exigis pecuniam & non præstas doctrinam, cum de quæstu tuo cogitas, & eorum saluti qui tibi commissi sunt non consulis. Excolas culicem quæ leuissima sunt curæ habens, & deglutis camelum, in vē trem negligentia demergens ea quæ maximi momenti esse deberent. Mercenarius non pastor es. Vides lupum venientem & fugis. Perit ille adulterio, ille vsuris, alius furto, alius odio, alius alio flagitio, & in tanto animarum periculo taces, obmutescis, hiscere non audes, & illos duntaxat perituros prædicas, qui decimas non soluerint, qui debitas ecclesiæ tuæ pensiones in tem

poro.

Lūc. 16.

Sacerdos.

1. Cor. 9.

1. Tim. 6.

Mat. 23.

Episcopi.

pore non attulerint & eidē legata interuerterint, perinde ac si nō sit aliud peccati genus quod perdat homines, quā istud in quo opulentia tua patitur detrimētum. Cū tamen his qui egestate premuntur, non solū quod debent remitti debeat, sed etiam de rebus quas affatim collegisti, quantum opus est impendi. Detestabilis & illorum cupiditas, qui simulata sanctitate decipiunt, & vel pro edificando sacello, vel pro peregrinationis voto perficiendo, vel pro aliquo alio pietatis opere exequendo æra efflagitant, quasi non furti vel rapinæ sit genus, mendacio aliquid elicere, & in aliū q̄ in quem datum est vsum conuertere. Hi tanto grauius puniendi erunt, quanto fallacius egerint, dicente domino: Qui deuorat domos viduarum sub obtentu prolixæ orationis, hi accipient prolixius iudicium. Execranda & negotiatorum auaritia, qui nec fœnore abstinent, nec merces adulterare timent, pondere quoque & mensuris fallunt alia statera vendentes, alia ementes, neque eos pœnitet aut pudet dolo ac fraudibus niti vt lucrentur. Aduersus istos iratus dominus per Micheam prophetam vociferatur & ait: Adhuc ignis in domo impij thesauri iniquitatis, & mensura minor iræ plena, nunquid iustificabo stateram impiam & sacelli pondera dolosa? Denique minatur facturum se, vt congregatæ tanto flagitio opes fiant hostibus in prædam, & ipsi opus domini in captiuitatem. Horum etiam in Amos propheta dolos ac malignitatem detegit, dicens: Audite hoc qui conteritis pauperem, & deficere facitis egenos terræ, dicentes: Quando transibit messis, & venundabimus merces, & sabbatum, & aperiemus frumentum, vt minuamus mensuram, & augeam solum, & supponamus stateras dolosas, vt possideamus in arguto egenos, & pauperes pro calceamentis, & quisquilias frumēti vendamus. Ac ne frustra talia obiecisse videatur,

Hypocrite.

Mar. 12.

Negotiātor

Mich. 6.

Amos. 3.

iurat q̄ lugebunt, & dolore supplicij persoluent, quod cum delectatione lucri perpetrarunt.

De vana diuitum spe.

Cap.

18.

Giezi.
Iudas.

Lucæ. 12.

Psalmo. 51.

1. Tim. 6.

Nemo igitur diu se fruiturum malè partis rebus cōfidat, sed quo plura iniquè congerit, eo miserabiliorem finem expectet. Timeat pœnam Giezi, timeat exitum Iudæ, alter mendacio munus extorsit, & reuersus est leprosus: alter iustum vendidit pro argento, & laqueo vitam finiuit. Ille quoque quem purpura tegebat, quem quotidiana signabant cōuiuia, in inferno sepultus, in flammis ardens totus, frustra guttam aquæ petiit, qua linguam tantum refrigeraret. Diues ille alter, qui frugum hubertate lætatus dilatare cogitabat horrea, & in annos multos opulenter viuere, statim audiuit: Stulte, hac nocte animam tuam repetent à te, quæ aut parasti cuius erunt? Sic est, inquit, qui sibi thesaurizat, & non est in deum diues. De isto in psalmis dicitur: Videbunt iusti & timebunt, & super eum ridebunt, & dicent: Ecce homo qui non posuit deum adiutorem suum, sed sperauit in multitudine diuitiarum suarum, & præualuit in vanitate sua. Ideò Apostolus ad Timotheum: Diuitibus, inquit, huius sæculi præcipe, & non sublimè sapere, neque sperare in incertò diuitiarum, sed in deo viuo, qui præstat nobis omnia abundè ad fruendum, benè agere, diuites fieri in bonis operibus, facillè tribuere, communicare, thesaurizare sibi fundamentum bonum in futurum. Qui vult ergo in deum diues esse, non sibi thesaurizet, sed inopiæ aliorum: in deum diues est, qui charitatis operibus abundat, non qui rebus opulentus incedit. Esurientes & sitiētes iustitiam, dominus implet bonis, diuites autem auros dimittit inanes. Quid profunt avaro diuitiæ, si cu
flos

stos illarum est non dominus? Quid denique profunt diuitiæ stulto, cum sapientiam emere non possit? Multæ opes nunquam aut raro admodum queunt cuiquam nisi scelera constare. Nam qui iuste acquirit & moderate expendit, nec diues erit nec pauper. Qui autem ingentes quæstus faciunt, supraque modum locupletantur, & iniqui & avari sint necesse est. Quod si tam multa ab aliquo alio sibi relicta possident heredes iniqui sunt, & si his malè vtuntur, ipsi etiam mali sunt. Ex quo colligitur multum diuitem bonum esse non posse. Quæ igitur amentia est, illa concupiscere, quæ non nisi cum virtutum detrimento queant acquiri? Melius est parum cum timore domini, quam thesauri magni & insatiabiles. Hæc quidem sententia sapientissimi Salomonis est, cuius & illa ad deum supplicatio: Nec diuitias, nec paupertates dederis mihi, sed tantum victui meo tribue necessaria. Quod autem reges omnium semper opulentissimi sunt, hoc ideo fit, quia regum opes non tam sue quam populi sunt. Eorum quippe impensis plebes tutè degunt, ab hostium iniuria proteguntur, in rerum vitæ necessariae copia conseruatur. Quemadmodum autem communi vtilitati exposita esse debet principis opulentia, ita & priuatorum diuitiæ adiumento sint egestati alienæ. Alioqui & ipsi diuites egebunt ac miseri erunt. Quid enim illo miserius, qui inops virtutis est? qui cum diues sit, meritis caret liberalitatis, quæ beatos efficiunt, & avaritiæ vel luxuriæ grauatur vitiis, quæ mergunt in profundum. Talium infelicitatem dolenter ingemiscit in Euangelio dominus dicens: Væ vobis diuites qui habetis consolationem vestram. Consolantur enim, quoties quæstum faciunt, vel cum quæsitis ad voluptatem abutuntur. Hos etiam Iacobus apostolus lugubri voce aggreditur, & ait: Agite nunc diuites, plorate ululantes in miseriis vestris, quæ aduenient vobis: diuitiæ vestræ putrefactæ sunt, & vestimenta vestra à tineis comesta

Proue. 15.

Proue. 30.
Rex.

Lucæ. 6.

Iacob. 5.

CC sunt,

sunt, aurum & argentum vestrum eruginavit & erugo eorum in testimonium vobis erit, & manducabit carnes vestras sicut ignis. Thesaurizastis vobis iram in novissimis diebus: ecce merces operariorum, qui messuerunt regiones vestras, quæ fraudata est à vobis, clamat: & clamor eorum in aures domini sabaoth introiuit. Epulati estis super terram, & in luxuriis enutristis corda vestra, in die occisionis adduxistis & occidistis iustum, & non restitit vobis. Talia cōsiderans vas electio- nis Paulus. Radix, inquit, omnium malorum, est cupiditas. Addamus his & alia, si fortè divinæ sapientiæ veritate sæpius pulsati resipiscant. In psalmo dicitur: Diuites eguerunt & esurierunt, inquirentes autem dominum non minuētur omni bono. In Ecclesiaste Salomon ait: Avarus non impletur pecunia, & qui amat diuitias, fructum non capiet ex eis. Leuius ac tolerabilius esset, fructum non capere, nisi sequeretur supplicium, dicente Ezechiele propheta. Argentum eorum & aurum eorum non valebit liberare eos in die furoris domini. In Apocalypsi angelo Laodiciæ ecclesiæ dicitur. Dicis, diues sum & locupletatus, & nullius egeo, & nescis, quia tu es miser, & miserabilis, & pauper, & cæcus, & nudus. Quis enim finis luxuriæ diuitum, nisi quem eodem libro scriptum legimus? Quantum glorificavit se & in deliciis fuit, tantum datè illi tormentum & luctum. Quāto melius cum isto actum fuisset, nescisse diuitias, inopem medicumq; vixisse, & in miseriis potius quàm in deliciis duxisse ætatē: sed quo diutius in deliciis impunè vixit, eo infelicius cecidit. Beatū se putabat, quòd sibi prosperè succederent omnia, ideoque licentius peccabat, ideo tenuit eum superbia, opertus est iniquitate & impietate sua p̄diit quasi ex adipe iniquitatis eius, transiuit in affectum cordis sui, nunc in tormentis positus audit, Memēto, quia recepisti bona in vita tua, pauperes autem quorum non est misertus, patiebantur mala, tu

Psal. 33.
Eccle. 5.

Ezech. 7.

Apocal. 3.

Apocal. 18.

la, tu nunc cruciaris, illi consolantur. Cumque hoc ita sit, eo tamen processit ista auri sacra fames, ut quæ natu Auaritia
 ra saluti hominis consulens terra occultauerat, ea fossionibus in profundum actis eruere cœperunt, montes cuniculis subruuntur, & homo cœlum suspicere ginitus, ultro se in ima telluris immergit, nec supra se pendentem metuit molem, nec post se relictum solem quicquam æstimat, per menses plurimos perpetuam noctem sustinet, ut argentum aurumque in suam ipse perniciem proferat, si modo quod multis contigit, non antè fuerit oppressus ruina, seque repente cum opibus quas collegerat, sepeliebat. Frumenta, vinum, oleum, linum, lanam cæteraque vitæ nostræ necessaria in aperta nobis frueda obtulerat deus, cætera tanquam nocitura latere volebat. Ideo autem & ista creauit, ut sicut eorum, qui oblati contēti sunt nota est modestia, ita illorum, qui etiam occultata scrutantur; manifesta esset cupiditas, & qui ex parte sui sunt, etiam à nobis dinoscerentur.

*Quod auaritia multorum causa sit
 malorum. Cap. 19.*

QUAM autem multorum malorum causa sit immodica cupiditas quis explicet: hominem aduersus hominem ire compulit, hinc insidia, hinc latrocinia, hinc bella, mutuaque cædes dum nostro non contenti, aliena concupiscimus: hinc inter cōiunctissimos lites, inter amicissimos dissidia & citius adeundæ hæreditatis gratia ipsorum parentum desideratæ mortes. Laban Iacob nepotem suum osculatus, hoc Laban.
 spitio susceperat, generum suum fecerat, & ille iam bis Gene. 31.
 septem annos ei seruierat, Fatebatur Laban quod propter ipsum à domino sibi auctæ opes fuissent. At verò postquam vidit re pecuniaria in primis ditatū, inuidere ei cœpit, quæ tātō opere dilexerant, & descendente per-

secutus est manum innocenti inieciſſet, amicitia, propinquitatis, officiorumque oblitus, niſi ſomno deterri-
tus propoſitum inhibuiſſet. Amorem ergo quem pau-
pertas conciliauerat, opulencia, diſtraxit. Tabremon
quoque Syriæ rex (vt in libro Regum legitur) ex ami-
co inimicus factus Baſe Iſraëlitarum regi ab Aſa rege
Iudæ pecunia corruptus. Ioram verò ne fratribus qui-
dem pepercit, vt eorum bona uſurparet, vita ipſos pri-
uauit. Iudas etiam (vt veteribus noua copulemus) à do-
mino aſcitus apoſtolus, miracula optandi facultate ab
eodem donatus, ſacræ communionis particeps factus,
oſculo exceptus, quia tamē pecuniæ auid⁹ fuerat, XXX.
argenteis illum vendidit, à quo iam tot beneficia acce-
perat. Neminem itaque verè diligunt hi, quibus haben-
di cupido dominatur. Si qua enim lucri ſpes acceſſerit,
continuo graſſantur in eos, quos videbantur diligere.
Nam & Godalias Iſmahelem domi ſuæ vt amicum ex-
cepit conuiuio, & eundem inter epulas iugulauit, nec
hoſpitalem menſam amici cruore ſœdare timuit, qui
aliena occupare cōcupiuit. Proferam adhuc magis cru-
entum exemplum, ſed minus rationis compotis vulgi.
Tito Hieroſolymam obſidente, plurimi ex Iudæis ſa-
me compulſi ad Romanos tranſſugiebant (vt Iosephus
author eſt) percrebuit fama tranſſugas aurum hau-
ſtum ventre geſtare cum à ſuis ne quid efferrent excu-
terentur: ob hoc à militibus Romanis clam excepti la-
natiſque exenterabantur, quærebatſque aurum in-
tra caſorum viſcera, nec fortasſe inueniebatur. Hac ta-
men de cauſa ad duo millia hominum vna nocte periſ-
ſe conſtat, plures perirēt, niſi re comperta Caſar ſcelus,
ediſto compesceuiſſet. Quid hac atrocius immanitate
incertas opes certa vltro ſe deditium cæde quærere?
Plebis tamen mercede militantis iſta auaritia, illa ve-
rò regum. Hirtacus enim prius, deinde Herodes Iudææ
reges, aperuiſſe ferūtſe ſepulchrum Dauidis regis, the-
ſaurum

3. Reg. 14.
1. Paral. 21.

Iudas
Schariotis.

Ierem. 41.
Godolias.

Titimilites.

Hirtacus.
Herodes

faurum cum illo conditum rati. Scilicet non satis erat
 humanæ cupiditati prædam capere ex viuis, vel ex in-
 teremptis spolia, latentia quoque in monumentis cada-
 uera excutere cœpit, sed & hoc quidem minus mirum,
 quando iam nec aris nec templis deo dicatis parcitur.
 Nostra ætate contigit Christianorum ecclesias à Chri-
 stianis profanari, aurum, argentumque deo consecratũ
 per vim auferri, perinde ac si aduersus deum, & nõ tan-
 tũ aduersus homines bellum geratur. Quasi verò nõ
 idem Christus sit illorum qui oppugnantur, & eorum
 qui oppugnant, cum vtrique eius qui vnus est nomine
 censeantur. Sed profectò nulla ibi religionis ratio duci-
 tur, vbi auari animi nihil nisi quod rapiant, attendũt.
 Quamuis autẽ multa deprædentur, multa parent, mul-
 ta vndique congerant, nunquam tamen satiantur, sem-
 per restat quod aceruo addi cupiũt. Nec minus huic vi-
 tio obnoxij sunt, qui liberis nepotibusque abundant,
 quàm qui soli sunt. Qualem Ecclesiastes admiratur, Eccl̃s. 4.
 dicens: Vnus est, & secundum non habet, non filium, nõ
 fratrem, & tamen laborare nõ cessat, nec satiantur ocu-
 li eius diuitiis, nec cogitat, dicens: Cui laboro & fraudo
 animam meã bonis? Sed qui eiusmodi sunt, iis per Isaiã Isaiã. 5.
 minatur dominus, & ait: Væ qui cõiungitis domum ad
 domum & agrum agro copulatis vsq; ad extremum lo-
 ci. Nunquid habitabitis soli vos in medio terræ? Quid
 enim nisi solus habitare velle videtur in terra, qui so-
 lus cuncta possidere cõcupiscit? Hic sanè hydropici est
 morbus, qui eo plus sitit, quo plus biberit: Sed si acceffe-
 rit ad Iesum, curabitur: sin contẽpserit, peribit. Iosue. 7.
 Achan, quia de anathemate tulerat pallium, argenti que ali-
 quid & auri, dei iussu lapidatur. Principes Sochor, qui Iudicũ. 8.
 Gedeoni panem negauerant, super spinas & tribulos cõ-
 teruntur. Adurandum tributa exigit, lapidibus obrui-
 tur. Achabi regis, qui vineam Naboth ipso interfecto 3. Reg. 12.
 possederat, sagitta interempti sanguinem, iuxta Eliã 3. Reg. 21.

2. Mac. 3.
Seleucus
vaticinium, linxerunt canes. Heliodorum qui à Seleuco missus templi thesaurum auferre moliebatur, equites diuinitus apparentes flagellis ceciderunt. Ipse Seleucus dum pecunias ab Inopsuestenis (vt Iosephus tradit) cupidè exigeret, cum regia cumq; omnibus qui in eam conuenerant, sicut concrematur, Cessauit in illo ardere auaritia, maiore ignis ardore extincta. Hec in lege, illa in euangelio. Iudam cupiditas ad laqueum vsque perduxit, Ananiam & Sapphiram morte perdidit repentina. Simonem magum prius maledicto, deinde nece affecit. Porro tam perniciosus est morbus iste, vt non modò corpora spiritu priuet, verumetiam spiritum ipsum morti obiiciat æternæ, dicente Salomone, Semitæ omnis auari animas possidentiam rapiunt. Quòd si camelus facilius transibit per foramen acus, quàm diues in regnum cœlorum, nullus amanti diuitias sperandæ salutis relinquitur locus. Vbi est thesaurus eius, ibi & cor eius. Inuitatur quidem ad cœleste conuiuium: sed quia toto animo terrenis rebus inhæret, respondet inuitanti. Villam emi, boues parauit, vxorem duxi, nō possum venire, habet me excusatum. Itaque indignum se præstat præsentī bono ad quod vocatur, dū pluris æstimat fragilia & caduca, quæ illum de præsentibus deliciis ad futura transferent supplicia, vnde iam neque diuitiis redimi poterit, nec potentia virium suarum liberari. Ideò illi per prophetam dicitur. Cum clamaueris, liberent te congregati tui, hoc est, nummi quos tam anxie parasti. Omnes eos (inquit) auferet ventus, tollet aura & ne pœnæ causa lateat, iudicis vox auditur, dicentis. Propter iniquitatē auaritiæ eius iratus sum, & percussi eum. Nec immeritò bonorum largitor deus auaritia nostra irritatur, quandoquidē vitij huius hoc præcipuum malum habetur, quod à diuinorum cultu nos auertat, & cœlestium bonorum meminisse non permittat. Hoc testantur domini verba per Isaiam dicentis.
- Verbum
- Iudas.
Ananias
Sapphira
Simon
magus.
Prouer. 1.
- Lucæ. 14.
- Isai. 57.
- Isaiæ. 8.

Verbum domini proiecerunt, & sapientia nulla est in eis, propterea dabo mulieres eorum exteris, agros eorum hæredibus, atque vnde impietas contemptusque eorum oriatur ostendens adiecit. Quia à minimo vsq; ad maximum omnes auaritiã sequuntur. Per Osee quoque prophetam talibus minatur, dicens. Iuxta pascua sua adimpleti sunt, & saturati sunt, & eleuauerunt cor suum, & obliuiscuntur mei, & ego ero eis quasi læna. Semine quippe verbi dei in spinis cadit & suffocatur, cum diuitum auribus exceptum, curis huius seculi mentem occupantibus nequit fructum facere. Tunc enim (vt Ecclesiastes ait) pecuniæ obediunt omnia, actio, oratio, cogitatio, & omnes reliqui sensus ad quæstum intenti, vitæ sanctioris disciplinam non admittunt, quibus dicitur: Non potestis deo seruire & mammonæ. Qui ergo cumulandis opibus incumbit, dei cultum deserat necesse est. Quod si quando opum studiosi ad ecclesiam conueniant, corpore in templo sunt, animo in foro versantur, totus de mercimoniis sermo est, & dum recitantur dei verba, illi de nundinis inter se colloquuntur, digni domini flagello eiicientis eos, ac dicentis: Domus mea domus orationis est, vos autem fecistis illam speluncam latronum. Hi sunt filij Ephrem non deum verum, sed vitulos aureos adorantes, cum aurum argenteumque pro diis habeant, & de illis quoque dici queat, quod in Osee propheta scriptum est: Autum suum & argenteum suum fecerunt sibi idola, vt interirent. Vnde etiã Paulus auaritiã simulacrorum seruitutem appellat. Si enim illorum qui gulę indulgent (iuxta eundem Apostolum) deus venter est, cur non pecuniam eorum deum esse dixerimus, quibus nihil charius est pecunia? Nã si quãdo aliquis fidelis discipline præceptor in illicitos contractus, in vsuras, in immodicam lucrandi cupiditatem inuectus fuerit, indignantur, reclamant, in furorem vertuntur, nõ minus quàm artifices illi Ephesiorum, cum Paulus

Osee. 13.

Eccles. 10.

Lucæ. 16.

3. Reg. 12.

Osee. 8.

Coloss. 3.

Astorum. 9.

li prædicationibus idola destrui vidissent, quæ ipsi con-
ficiendo lucrabantur. Dolebant enim nō religionis va-
næ dispendium, sed artis suæ detrimentum. Diuitum
præterea vitiū est, aliis inuidere, inani gloria duci pro
beneficio, gratiam non referre, mendaciis niti, mortis
recordatione contremiscere, nec tamen ideo fieri me-
liores. Inuident ditioribus, imò & æqualibus, vt que a-
lios opulentia superent, scœnore ac rapinis rem querere
fas putant. His Psalmista increpatur, dicens: Præcipita
domine & diuide linguas eorum, quoniam vidi iniqui-
tatem & contradictionem in ciuitate die ac nocte, &
non defecit de plateis eius vsura & dolus. Præcipitari
eos in infernum petit, non voto odij, sed præscientia fu-
turi. Tunc enim & linguæ eorum in diuersum diuiden-
tur, cum præter spem opes illas, in quibus confidebant,
repentē derelinquere cogentur. Iidem gloriæ auidi, sar-
donychatas manus & Sericas vestes vulgo ostentant, vt
honorentur, quibus illa Magonis Vergiliani verba cō-
ueniunt:

Est domus ampla, iacent penitus defossa talenta
Cælati argenti, sunt auri pondera facti
Infecti que mihi.

Ezechias.

Qua iactantiæ vanitate cum Ezechias quoque qui iu-
stus erat, peccauerit: quomodo poterunt iniqui ea care-
re, qui certè magis opibus quàm virtute clari esse cu-
piunt? Sed quantū volunt, glorientur, cum interierint,
non sument omnia, neque descendet cum eis gloria eo-
rum, nudos & fortunæ & animi bonis gehēna excipiet:
tanto misēiores futuros, quāto sibi vidētur feliciores.
Rectè itaq; admonētur à domino, per Ieremiā dicētē:

Ierem, 9.

Non gloriatur sapiēs in sapiētia, & nō gloriatur fortis
in fortitudine sua: & nō gloriatur diues in diuitiis suis,
sed in hoc gloriē, qui gloriatur: scire & nosse me, quia
ego sum dominus, qui facio mīam & iudiciū & iustitiā
in terra. Ingratos etiā facit habēdi auiditas, nō atten-

Ingrati.

dunt

dunt quantū acceperint, sed quantū ipsi appetierint, & quoniam nullum beneficium equare potest avari hominis cupiditatem, immemores beneficiorum sunt. Nabal diues pecudum & agri, parum quid petenti Dauidi nihil dedit, oblitus quod ille paulo ante & gregem eius & pastores ab aliorū iniuria defendisset. Non perpēdebat Nabal quid de se meritis esset Dauid, dū ne quid de opulentia sua minuatur, timet. Ideoque illos qui à Dauid missi fuerant, non solum vacuos rebus dimisit, sed etiā cum probro repulit, Ac ferē tales diuites sunt, si quid offers, libēter accipiunt, si quid repetis, indignātur. De his in Ecclesiastico dicitur: Donec accipiant osculātur manus dantis, & in promissionibus humiliāt vocem suam. sed in tempore redditionis loquentur verba tādij & murmurationum. Ad hęc nihil illis fallacius est. Qui enim diuitias amat, nec peierare timet, nec alios fraude circumuenire dubitat, nec eum omnino apertē mentiri pudet, si quid ex eo se facturum lucri credit, neque quisquam est, qui in leuissimis etiam rebus tam facilē iurat, quā diues avarus: tūc autem maxime, cum ē re sua fore sperat, si verbis fecerit fidem. Nullum postremō timidius est animal ad expectationem mortis. Putat se statim decessurum, si febriculæ igne correptus incaluerit. Ad medicos curritur, nisi & hoc avaritia vetuerit. Ille interim pavidus ingemiscit, luget, anxiatur, & tristius sibi videtur à diuitiis quā corpore discedere. Inde scriptum est: O mors, quā amara est memoria tua homini pacem habenti in substantiis suis? Torquetur cogitās cui illas relinquat, quis illis post se fruatur, quas ipse tanto labore quæsiuit, tāta sollicitudine auxit, tanta parsimonia ne minuerētur sustentauit. Tum si fortē in mentem venerint vsuræ, fraudes, rapinæ, quibus in acquirēdo vsus est, magis nequitia suæ conscientia cruciabitur, de salute desperās, seque iusto dei iudicio mox damnandum videns. Turbantur

Nabal.

1. Reg. 25.

Eccle. 29.

Fallaces

Timidi.

Eccle. 41,

Pfal. 69.

babuntur enim (vt Psalmista ait) à facie eius patres orphanorum & iudices viduarum, id est, qui miserorum tutelam suscipientes, bona eorum per dolum vsurpant. Turbantur, quia se reos esse non ignorāt vnā cum illis qui in inferno sunt, cōputādos. Quòd si in lege Ammo- nites & Moabites ab ecclesia domini repelluntur, quia noluerunt occurrere Israēlitis cum pane & aqua, quanto magis isti qui etiam aliena iniuste possident, hæreditate regni cœlestis indigni erunt? Tot auaritiæ mala considerans Apostolus, dixit. Qui volunt diuites fieri, incidunt in tentationes & laqueum diaboli, & desideria multa, & nociua, quæ mergunt homines in interitum & perditionem. Radix enim omnium malorum, est cupiditas, quam quidam appetentes, errauerunt à fide, & inferuerunt se doloribus multis.

Deute. 23.

1. Timo. 8.

Ad diuites exhortatio. Cap. 20.

Respiscite igitur ac perpendite diuitiarum mala diuites, & iam non ad luxuriam his vtimini, sed ad liberalitatem. Si diuitiæ affluant, nolite cor apponere, si defunt, nolite concupiscere. Quanam stultitia est id appetere, quod neque seruos repudiat, neque reges satiat, & tot malorum quot diximus, imò plurimum quàm diximus causa sit, aut si nihil ex opulentia mali metuitis, hoc saltē negare nō potestis, quòd omnis terrena possessio fluxa atque fragilis sit, semperque citius de manibus elabitur, quàm retinenda speratur. Cuius rei Salomon non ignarus, cum immensas opes & cuiusque generis voluptates sibi comparasset, exclamauit: Vanitas vanitatum, & omnia vanitas. Detestatusque est industriam suam acquirēdo, incertus de hærede, & certus nihil diu permansurum sub sole. Audite ergo dominum saluti vestræ consulentem: Nolite, inquit, thesaurizare vobis thesauros in terra, vbi ærugo & tinea demolitur, & vbi fures effodiunt & furantur. Thesaurizate

Ecclēs. 1.

Matth. 6.

rizate autem vobis thesauros in cœlo, vbi nec ærugo nec tinea demolitur, & vbi fures non effodiunt, nec furantur. Ipsi quosquos in suum elegit consortium, præcepit: ne aurum vel argentum possiderent, nec pecuniam in zonis, nec peram in via, nec duas tunicas, neque calceamenta, neque virgam: & quisquam opes opibus cumulando, ei se placitum confidit? Si seruus Christi es, cur ille pauper, & tu diues es? Si discipulorum eius locum tenes, cur illorum paupertatē non imitaris? Quid tibi prodest si vniuersum mundum lucreris, & animæ (qua nihil preciosus est) detrimentum patiaris? Igitur dilargitis tandem istis caducis labilibusque rebus, ad æterna & nunquam desitura bona mentem erige, & cum Dauide deum deprecare: Inclina cor meum in testimonia tua, & non in avaritiam. Atque ita domini suffragante gratia, vinces improbas habendi appetitiones, præceptumque implebis in Evangelio dicentis: Videte & cauete ab omni avaritia, quia non in abundantia cuiusquam vita eius ex his quæ possidet. Vt videlicet aliquis ob hoc quia diues est, aut diutius viuat in terra, aut felicius in cœlo. Vitæ enim æternæ præmia, non opulentia dantur, sed virtuti. Dissolue colligationes impietatis, solue fasciculos deprimentes, vt pondere avaritiæ liberatus, leuis & alacer expansis obseruatæ in pauperes benignitatis pennis tollaris in cœlū, & ab illis in superna tabernacula recipiaris, quod hic bene feceris, & tādē ad dominū cōuersus dicas, Quæ est, expe-
ctatio mea? nōne dominus? & substantia mea apud te est? Apostoli.
Psal. 118.
Lucæ. 12.
Psal. 38.

De beneficiis conferendis vt deo similes simus. Cap. 21.

Post eleemosynarum dissertationem, de aliis etiā beneficiis restat quærendum, tam in dando quàm Dei benefici accipiēdo gratiaque referēda. Dāre beneficia, deū imitari

Pfal. 115.

Pfal. 8.

imitari est, cum dei natura maximè benefica atque benigna sit. Iam primùm vt in psalmis dicitur, fecit cœlos in intellectu, firmavit terram super aquas, fecit solem, lunam, stellas, ignem, aëra, ventos, diem, noctem, ver, æstatem, autumnum, hyemem, fecūdauit humum fructibus, herbis, arboribus, distinxit fluminibus, ligauit montibus, ditauit metallis, ornauit gemmis, repleuit bestiis: Omnis generis animantia cōstituit, alia quæ aërea peruolarēt, alia quæ per terrā reperent, alia quæ in aquis narent. Cuncta deniq; quæ videmus, & quæ nō videmus, ipse dixit & facta sunt, ipse mādauit & creata sunt, Cui autē ista seruirēt, quiq; istis præffet atq; dominaretur, hominē ipsum formauit. Cuius dignitatem & excellentiam propheta contemplatus, & ad autorem suum conuersus, in vocem prorupit, dicēs. Quid est homo: quòd memor es eius aut filius hominis quoniam visitas eum? Minuisti eum paulo minus ab angelis, gloria & honore coronasti eum, & constituisti eum super opera manuū tuarum, Oīa subiecisti sub pedibus eius, oues & boues vniuersas, insuper & pecora cāpi, volucres cœli & pisces maris, qui perambulant semitas maris. Vt autem omnia subiecta essent homini, intelligentia, ratione, sapientia, & cogitationum interprete lingua eum insigniuit, ac sibi in parte similem reddidit. Eidem leges præceptaq; uo dedit, per quæ veram æternamq; beatitudinem consequi posset, de terra translatus in cœlum, de corruptione ad incorruptionem, de mortalitate ad immortalitatem. Atque etiam vt post præuaricationem, per quam à tanto exciderat bono, pristinæ gratiæ statum eidem repararet, filium suum vnigenitum misit, qui humanæ mortalitatis carne assumpta, pro homine se deo patri in sacrificium obtulit, omnesq; per primorum parentum culpam sub maledictō venundatos suo ipse sanguine redemit, etiam in ingratos beneficus, & in delinquentes pius.

Primus

Primus in se credentibus regnum coeleste promittere coepit. Primus poenitentibus paradisi ianuam aperuit, quo primus deuicta morte cum corpore ascendit, ut sequentibus pararet locum, & post se per sua incedentes vestigia clementer susceperet, omniumque bonorum quae homini tribui decens fuit, faceret confortes. Tot tantisque beneficiis dignam referre gratiam non est opis humanae, quibus etiam propheta se imparem confitetur, dicens: Quid retribuam domino Psalmus. pro omnibus quae retribuit mihi? Sed quoniam ipsi melius quam nobis nota est inopia nostra, nihil aliud exigit, nisi ut in eum credamus, ei seruiamus, eius mandatis legibusque pareamus. Hoc si praestabimus, neque benefecisse nobis illum poenitebit, neque ea quae pollicitus est pigebit exhibere, ac tanto quidem libentius hoc faciet, quanto nos magis in impartienda proximis nostris humanitate exerceri viderit. Is enim proximè ad similitudinem eius accedit, cui potissima cura est operum charitatis. Hunc igitur sequamur, hunc ipsum quam possumus diligentissimè imitemur, beneficia tribuendo, sicut ipsum & fecisse & facere nouimus, tam petentibus quam non petentibus, tam inimicis quam amicis, tam ingratissimis quam gratis. Ille Paulum non supplicentem, imò repugnantem & inuitum ad se conuertit, & de persecutore Apostolum suum fecit. Aliis verò supplicantibus & sanitates restituit, & peccata donauit. Idem amicis bona largitur aeterna: pro inimicis, à quibus crucifigebatur orauit. Et Iude non ingrato solum, sed etiam malum pro beneficio reddenti, sui corporis mysteria obtulit, pedes lauit, osculum non negauit, nulla denique beneuolentiae signa subtraxit. Si ergo similes Christo effici cupimus, ut debemus, omnibus si fieri potest benefaciamus, laedamus neminem.

De benefi-

De beneficiis dispensandis

Cap. 22.

Petentem obligant beneficia, non petentem prouocant: amicos conseruant, inimicos reconciliant, gratos delectant, ingratos assiduitate emendant. Non sunt tamen omnia danda, siue illa petantur siue non petantur: sicut etiam de eleemosynis est dictum, beneficium quæ erit nolle dare, quod nociturum esse noueris, licet roget ille, licet instet, licet indignetur, tu pernega. Illud autem da, quod non solum accipere eum delectet, sed etiam accepisse. Si enim quod male cessurum est dederis, gratias tibi aget, donec iudicio officit affectus, cum autem damnum sentire cœperit, execrabitur, & amici gladio se perire clamitabit. Sin verò nō dederis, quamprimùm durum te & inexorabilem amicis conqueretur, deinde cū ad se rediens, causam negationis istam fuisse cognouerit, verè se abs te amari fatebitur, & tibi debebit, quod postulata non concedendo eum periculo eripueris, in quod velut effrenis equus impetu ferebatur. Atque hanc quidem ob rem ipse bonorum omnium distributor deus nō omnia orantibus præstat, alius poscit diuitias, alius prosperam corporis valetudinem, alius magistratum, & ipse qui nouit quem finē singula habitura sint, respondet, nescitis quid petatis. Fit enim sæpenumero vt talia adepti, animæ suæ detrimentum patiantur. Quod ergo fortasse cōcederet iratus, denegat propitius, & nescimus. At verò si in eū qui nihil petit, vltro beneficium contuleris, plus tibi gratiæ habebitur, quàm si roganti nō negasses. Bis esse gratum aiunt, quod opus est si vltro offeras. Eum præterea qui iusta petit & re ipsa quam petit satis indigere videtur, promissis ne in longū trahas, cum protinus possis tribuere: dilatum beneficium minuit gratiam, citò datum

datum auget. Hinc est præceptum illud Salomonis: Ne dicas amico tuo vade & reuertere, & cras dabo tibi, cū statim possis dare. Minus offendes petita quàm primū denegando, quàm postquam promiseris de die in diem producendo. Dū enim quod poscenti pollicitus es præstare remoraris, ille interim ab aliquo alio fortasse recepisset, sed tibi credens tentare aliorum beneuolentiā superuacaneum sibi iudicauit, quòd si nihil tunc demum cum datum oportuit dederis, nō solūm quod ipse spopondisti ei denegas, sed etiam quod alius facile tribuisset aufers. Dum enim ille expectat, dum sperat, dum iam dubitat, atque de promissoris fide ambigit, & petendæ aliunde rei tempus amisit, & occasionē fruendæ, denique quicquid ex eo sibi incōmodi accessit, tua causa passus est. Aut ergo statim dā quod petit, aut statim nega, aut si tam citò dare nequiueris, diem certum constitue quo daturus es, & ipsum ne prætereas, vt ille sciat, an e re sua erit, tantisper expectare. Suspensum autem tenere expectantem, & cras atque aliud cras absq; promissi satisfactiōe elabi sinere, non beneficium est, sed iniuria, & breuiter simulator est, non amicus, qui promittit quod non est factururus. Beneficium merentibus dare, accipere est. Nemo enim non magis illius iudicium quàm beneficium laudat, qui digno dedit, atq; in hoc maximè deum imitatur, cum deus ipse in optimum quemq; maximè beneficus sit, nec nisi bene de se merentes ad beatitudinis gloriā faciat ascendere. Ideo in Ecclesiastico est scriptum, Bene fac iusto, & inuenies retributionē magnā, & si non ab ipso, certè à domino. Eligas igit̃ oportet cui p̃cipuè benefacias, vt beneficiis bene recteq; collocatis, & amicos tibi compares, & deū magis demerearis. Vt autem quisque maximè indiget, ita & maximè erit adiuuandus. Qui verò ditiorū delectū facit, quibus beneficia impendat, nō amicus est, sed fœnerator, Vsuram enim cum sorte simul exigere videtur,

Prouer. 3.

Eccle. 12.

Matth. 5.
Roma, 12.

detur, qui locupletioribus donat, dignus decipi, quoniam de recipiendo cogitavit cum daret. Cæterum inimicis quoque benefacere iubemur, dicente domino: Benefacite iis qui oderunt vos. Et Apostolus: Si esurierit (inquit) inimicus tuus, da ei cibum, si sitierit, da ei potum: hoc faciens congeres carbones super caput eius: ut videlicet qui odij duritia concretus est, postquam tuo beneficio fuerit superatus, lique scat ardore charitatis, & simultatem in benevolentiam conuertat. Ne ingratiss quidem subtrahenda sunt beneficia, quamuis enim illi non referant gratiam quam debent, referet ille qui nullum bonum sua fraudat mercede, qui solem suum oriri facit super bonos & malos, & pluit super iustos & iniustos.

*Qualiter nos gerere debemus in dan-
dis beneficiis. Cap. 23.*

IN omnes itaque beneficia conferenda sunt, sed tamē ut quo cuique opus fuerit, quodque cuique conuenierit detur, & merita singulorū spectanda erunt & necessitas & ingenia. Dignis non solum vitæ subsidia, sed etiam honores atque officia deferantur. Inopes cibo, potu, tegumēto, tecto iuuentur. Amici & parentur beneficio & foveantur. Inimici ita palpandi demulcendiq; sunt, ut ad placabilitatē inclinētur. Cum ingratis quoque sic agendum, ut in iis veteris beneficentiæ obliuionem nouæ discutiāt refrectio. Nam veluti arua minus fecunda, si sæpius fimum irrigationemque receperint, frugifera efficiuntur, ita ingratus recentibus admonitus beneficiis præterita quoque atque oblitterata ad memoriam reuocabit, & verecundia compulsus de reddenda gratia intentius meditabitur. Quædam autem beneficia palam, quædam occulta tribuenda sunt. Quæ virtuti debentur, palam dari conuenit, ut & honorandus appa-

dus appareat qui accipit, & alij eius exemplo ad actiones honore dignas excitetur. Is verò occultè erit adiuvandus, quem inopiæ suæ pudet, cui si quid in aperto obtuleris, magis proditum se dolebit, quàm lætabitur adiutum. Beneficij obliuisci debet qui dedit, semper autem memoriter tenere qui accepit. Ideò saluator noster cum surdū & mutum curasset, eis à quibus oblatum fuerat, ne cui dicerent præcepit, sed illi tantò magis prædicabant. Hinc igitur discas, & vitare iactantiam si beneficium dederis, & ingrati silentium si acceperis. *Mat. 7.*
 Illud quod tua causa præstas, non est beneficium, sed seipsum amantis consilium. Nō enim præstares nisi tibi p-futurū sperasses. Quod autem & tua & mea causa mihi donaueris, iniustus forem, ni pro eo me tibi debere fate-
 rer, imò eo iucundius esse debet donum quod commo-
 do atque vsui est, & tibi dare & mihi accipere. Inuidi est enim suam tantum utilitatem spectare, & cum acceperis, quod aliis quoque profuturum sit, nolle beneficij loco ducere. Rectè autē non esse beneficium contende-
 rim, alteri aliquid eripere, vt alteri dones. Nam cū be-
 neficium dare liberalitatis virtus sit, & aliena rapere auaritiæ vitium, quomodo potest dici virtus, quæ vitio constat? Quis neget dare eleemosynam pietatis esse mu-
 nus? & tamen offerre in templum non licet, quod par-
 tum est iniquè. Sic enim in *Isaia* legimus. Ego dominus diligens iudiciū, & odio habens rapinam in holocau-
 sum. Ergo inquires, si beneficium non est quod accepi, *Isaia. 60.*
 nihil debeo illi à quo accepi? Nihil planè ei à quo acce-
 pisti, sed cui ablatum est vt acciperes. Huic redde suum,
 & ei nihil debebis, qui largitus est alienum. Ne concu-
 piscere quidem iniuste rem proximi tui iuberis, nedū
 possidere. Porro nullus beneficium homini ab homine
 præstari potest, quàm si quis pro aliorum salute suā vi-
 tam periculis obiecerit, cum inter præsentia bona ni-
 hil vita charius habeatur. Maiorem, inquit dominus,

charitatem nemo habet, quàm vt animam suam ponat quis pro amicis suis. Hanc profectò charitatem ipse nobis primus exhibuit, qui nobis sua morte aditum vitæ æternæ reſerauit. Hunc imitati sanctissimi martyres, contra principum interdicta viam adipiscendæ salutis alios palâ docebant, semet certè morti & quidem per tormenta sustinendæ audacter exponentes. Proximi ergo animæ periculum (si possumus) præſentis vitæ nostræ impendio propulsare debemus. Et si Ionas propheta tempestatem in mari passus mergi voluit ne alij mergeretur, quâtò magis præferenda est cuiusq; hominis animæ salus corporis nostri saluti? Omne tamen beneficium non tam res ipsa magnum facit, quàm voluntas. Magnum est, cum libenter, cum citò offertur, cum toto animi affectu impenditur: displicet si cunctanter, si tristè, si superbè, si serius, quàm oportuit præſtatur, si denique pene à nolente & inuito extorquetur. Quemadmodum igitur rem multi pretij vilitat frigida voluntas tribuentis, ita exiguum etiam beneficium gratû efficit in conferendo animi promptitudo atque facilitas. Illi quoque plus debeo, qui parui modiciq; sui peculij participem me fecit, quàm qui diues multum donauit. Plus enim largitus est, cui minus quo ipse fruatur restat. Hanc verissimam sententiam domini confirmat autoritas. Cum enim quidam diuites in templo grandem offerrent pecuniam, plus oblatum dixit à vidua paupercula, quæ duo tantum minuta era obtulerat. Satis hæc de tribuendis beneficiis, nunc de accipiendis reddendisq; exponamus.

De beneficiis accipiendis.

Cap.

24.

AB illo accipere beneficia oportebit, cui nos debere delectat. Molesta res est, his quibus nolis esse deuinctum. Econtrario autem iucundissimum est

Ionas.

Matth. 12.

est, ei quem nullo etiam intercedente beneficio diligere, accepto obligari, & causam referendæ gratiæ habere. Ab optimo quoque beneficium accipere, tam grātū est quàm te stimonium habere ipsorum erga nos amoris. Læto vultu gratoque animo sicuti dandum ita & accipiendum erit beneficium: qui contemptim acceperit iam ingratus est, si sibi beneuolè præstitum est. Ille verò qui hilarè accipit, & libenter, iam persoluit maximam beneficij partē, quæ in animo est. Reddit enim pro beneuolentia beneuolentiam, licet nondum munus pro munere retulerit. Deest interdum referendi copia, interdum occasio, & quandiu ista desunt, qui accepit beneficium tanquam relaturus, iam retulisse videtur: quia satis est voluisse, quoties posse non occurrat. Ab illo qui infamia notatus est, & turpiter viuit, non accipias beneficium, ne perditis moribus eius fauere videaris, nisi fortè eo accepto, & inita cum homine familiaritate spes fuerit, tuis admonitionibus eum reuocandi, si bi que restituēdi, ne in nequitia obduratus pereat. Cūque etiam malis benefaciendum sit, non est prætermittenda benefaciendi occasio si tunc se offerat, cū ille qui corrigi debet, munus aliquod porrigit. Tunc etiā à malo accipiendum erit, cū ille deterior futurus timetur, nisi acceperimus. Tyranno enim aut improbo aliquo domino munus vltro porrigente, si non acceperis, contemni se putabit, & qui prodesse volebat, mutato animo offendet. Ab hoc genus hominibus non est liberum nolle accipere. Nec tamen illi quicquam pro eo debeo, quod inuitus accipio, reddam si repetet, non vt benefactori, sed tanquam creditori. Et si reddidero, gaudebo me ab illius beneuolentia esse solutum, qui dignus est odio. Alia quoque causa est accipiendi beneficij etiam ab impiis, cū videlicet eo accepto datur facultas benefaciendi bonis ac iustis. Sic Ioseph accepit à Pharaone, sic Daniel à Nabuchodonosor,

non hoc quidem, vt ipsis gratiam deberent, sed vt suis prodesſent.

De beneficijs reddendis.

Cap.

25.

PORRò in referēda gratia tales nos præstemus, quales esse decuit in beneficio accipiendo. Cui referatur, sentiat quàm libenter, quàm incundè sibi referatur: vt lætus sit, se quoque prudenter egisse, quod in homine tã grato suum collocarit beneficiũ. Nihilominus soluta etiam gratia, nos ei debere fateamur quia dignos nos suo beneficio iudicauit, quia prior ad amicitiam venit, vt merito redametur, qui cœperit amare. Interim si grati esse volumus, nũquam patiamur excidi memoriam collatorum in nos beneficiorum. Ingratus est, qui non reddit. Audeo dicere, non minus ingratus est, qui non meminit: quoniam ne tunc quidem gratus fuit cum acciperet. Quod enim libenti animo accipimus, id non facilè obliuiscimur. Illa verò facillimè obliterari solent, quæ minimi æstimantur. Qui ergo oblitus est, is profectò testatur, se pro vili habuisse: quicquid accepit. Referrem, inquis, si accepti memor fuisset, imò memor accepti fuisses, si referre gratiam cogitasses. Ipsa obliuio te ingratitudinis accusat, qua te defendere ab ingratitudine conaris. Quæ autē res est: quæ præcipuè faciat ingratos? Alios certè superbia, alios auaritia. Illi dignos se beneficio existimant, & dedisse putant cum acceperint: hi verò accepisse se dissimulant, ne reddant, & quanto cupidius acceperunt, tãto in reddendo lentiores existunt, nihilque se fecisse lucrari arbitrantur si paria reddiderint, quasi verò gratũ esse non virtus sit, sed vitium. Quod enim turpe est, id vtile putant: & quod honestum est, hoc sibi incòmodo esse existimant. Ideoq; alterũ respuunt, alterũ affectat, & in-

& ingratitudine pro quæstu vtuntur. Duo autē ista, arrogantia videlicet & cupiditas, cum omnibus vitanda sint, tum iis maximè, qui vel benefici vel grati esse cupiunt. Nō referre gratiam cum possis, turpissimum est, cum non possis, velle tantum retulisse est. Cæterum illi qui non reddere lucrari, esse existimant, multum quidem falluntur. Quis enim in eum iterum beneficuse-rit, cuius ingratitudinem semel fuerit expertus? Itaque rarius accipiet, qui in reddendo negligentem se præstabit. Illi verò qui capessèdis virtutibus operam impendunt, non rerum emolumenta sequuntur, sed morum: eis incumbunt officiis, eorum cura studioque distringuntur, in quibus versantes, non diuitiis, quæ improbis etiā cōmunes sunt, sed quod lōgè beatius est, vitæ sanctimonia proficiunt. Quinimo contemptis calcatisque opibus ad solam virtutem confugiunt, neque hanc se consequi posse sciūt, nisi illas abiecerint. Et cū nihil p̄ciosius virtute sit, quis negauerit eos multum lucrifacere, qui in dando, reddendoque beneficio & liberales in primis & grati esse student? Hæc enim ea res est, quæ amicos comparat, quæ inimicos placat, quæ deum propitiat, quæ immortalitatem mortalibus donat, & de terra sublato cœlo inserit sedibusque sanctorū, vt semp beati sint, qui vt charitatem seruarent, semper munifici liberalesque fuerunt. Is autem qui in beneficiis compensandis dati accepti rationes dispungit, nec liberalis p̄fecto, nec gratus est, sed cupiditati seruiens negotiator, & terrenis tantum ac perituris inhians bonis, non ad cœlestia animum intendens & æterna. Virtute autem contentus esse debet, & non suum, sed alienum respicere commodum, tam ille qui confert beneficium, quàm qui gratiam refert, atque vterque ita se gerere, vt deo magis placeat quàm hominibus. Quos hominibus placere magis delectat, ab hominibus captant gloriam, & à deo non accipiunt mercedem, debitaque virtuti præ-

mia amittunt, dum quicquid rectè laudabiliterque egerint, vanitati tradunt, & non in eum finem, in quem debent dirigunt.

Vtrum debemus pro beneficio cui successit iniuria. Cap. 26.

Quid, inquiet aliquis, si post beneficium acceptum affectus sim iniuria, debeo ne aliquid pro beneficio? Non videtur mereri gratiæ relationem, qui beneficium suum consequenti corruptit offensa. Itaque non eris ingratus, si ei beneficium non reddideris, qui quantum intulerat boni, tantum postea mali irrogavit, intuendum igitur minor ne an maior sit iniuria quàm beneficiū. Minoris enim iniuriæ oblivisci debes, & memor esse beneficii. Cùm verò maior vel par fuerit offensa, obligatione beneficii absolutus est, neque gratiam debes illi, qui gratiæ meritum lædendo amisit. Iniuriam tamen omnem, quantacunque fuerit, remittere debemus, nec vindictam appetere, propter eū qui ait: Dimittite, & dimittetur vobis. Sed si cōdonata est iniuria, inquires, cur non manet beneficium? Iniuriam remitte, ne deum offendas: beneficium reddere supersede, si ita tibi expedire videbitur, ne homini qui non meretur, gratiam referas. Alioquin qui sine causa ingrati sunt, quamvis nulla lege puniantur, deum tamen habent ultorem. Agar ancilla beneficii immemor quod acceperat, dominam suam probro afficit: ob hoc eiecta cum puero quem genuerat, famem sitimque per tulit pro culpa. Absalon patrem, cui charissimus erat, à quo fraternæ cædis veniam acceperat, regno pellere moliebatur, sed tantæ ingratitude scelus merita necesse persolvit, telis confossus inimicorum. Nabalis in Davidem ingratitude, de summis divitiis ad summam ipsum

Agar.
Gen. 16.

Absalon.
1. Reg. 8.

Nabal.
1. Re. 15.

sum redegisset paupertatem, nisi vxor eius Abigail multis oblatiis muneribus pro illo satisfecisset. Scias igitur deo atque hominibus pariter inuisum eum qui ingratus est, tantoque magis si pro bono malum reddit. Tunc enim non solum ingratus est, sed etiam iniurius.

LIBRI. V. FINIS.

EVANGELISTARII

MARCI MARVLI LIBER,

VI. sub charitatis titulo, qui grati sint in
deum vel ingrati, quo pacto prædi-
catorem docere conueniat,
quomodo labori ma-
nuum, ut otium
euitetur,
infi-
stendum sit, in quo denique vera &
falsa consistat humilitas,
disertè edocens.

*Vtrum deo reddi possit beneficium.**Cap.**I.*

ON possumus (ut quidam aiunt) deo dare beneficium, cum ei⁹ omnia sint, sic neque gratiam referre, cum nullius rei indigeat, bonorumque omnium plenissimus existat. Quid ergo sæpe in scripturis de ingratitude nostra querentem audimus. Ingratitudinis autem non iure

argueretur, qui gratus esse nequiuisset. Quæ igitur illa res est, quæ nos erga deum aut ingratos reddat, aut gratos faciat? Cuncta nanq; dei sunt. Quicquid dare uoluerō, deum de suo dare necesse est, quid reddere conabor, ipse dedit quod reddo. Quid habes, inquit Apostolus, quod non accepisti? Sed à quo omnia quæ habemus accepimus, ei proculdubio nec dare nec reddere quicquid possumus, nisi quod ipse largitus est. Si tamen esse aliquid beneficij, quod seruus domino suo tribuere possit inuenierimus, quamuis omnia quæ seruus possidet, domini sūt, inueniemus & quod homines offerre queant deo, & ille oblatum beneficij loco habeat, offerre verò nolentē ingratitudinis damnet. Quæro igitur si seruus fideliter seruit, si domini iussa gnauiter exequitur, si rem gratam domino facturus non dubitat subire capitis periculum, si nec viuere cum illo, nec mori pro illo, si casus inciderit, recusat, præstat ne domino beneficium an nō? Si negaueris, respondebo tibi, sine causa ergo benigni, quam reliqui eiusdem conditionis à domino accipitur, sine causa manumittitur, & iam non ut seruus aut libertus, sed ut filius diligitur. Immeritò certè ista in seruū conferuntur, si nullum domino beneficium præstitit. Sed qui talia à domino meruit accipere, negari non potest quin præstiterit aliquid, ob quod talia accipere visus est dignus. Rursum si erro fugitiuusque fuerit, si imperium domini contempserit, si furto non abstinuerit, si petulans, si mendax, si ebriosus, si rixosus, si denique nequam fuerit, nōne vinculis constringetur, stigmate notabitur, furcam ferre cogetur, flagris verberibusque cædetur, & vel venundabitur, vel perimetur? Inique talia passum diceremus malum seruū, nisi offendisset: sicut bonum non iure remuneratum, nisi aliquid præstitisset. Cū igitur omnium hominū vnus dominus deus sit, & omnia quæ possidemus, ab ipso acciperimus, beneficium tamē ei præstamus, vel verius reddimus.

dimus, quoties mandatis eius paremus, quoties consulta suscipimus, monita implemus, & in omnibus ipsi soli obsequi nitimur. Offendimus autem, si his contraria agimus. Ideoque ab illo & iusti præmium referunt, & poenam iniqui, non quod deo ex benefactis hominum aliquid accedat, aut decedat ex malefactis: cui neque addi quicquam neque adimi potest, sed quia idem tum iustus, tum optimus sit, non potest non odisse malos, neque bonos non diligere, & hoc quidem pro beneficio sibi dato, æstimat, si quod præcipit facimus, pro offensa si non facimus. Atque ideo alios gratos vocat, alios ingratos, hos punit, illos efficit beatos. De ingratis dicturus est, Mat. 25. si Evangelio credimus: Quodcumque vni ex minimis meis non fecistis, nec mihi fecistis: e contrario autem gratos illud beneficium sibi præstitisse fatebitur, quod indigentibus præstiterunt. Ingratos damnabit, dicens: Ite maledicti in ignem æternum, qui paratus est diabolo & angelis eius. Gratos verò ad se vocabit, & dicet: Venite benedicti patris mei, possidete regnum vobis paratum à constitutione mundi, ab initio æternitatis. Vide igitur qua ratione & demus deo beneficia, & accipiamus præmia, & quomodo si non dederimus, mulctandi simus. Atque ut apertius hoc quod astruimus intelligas, qui in Deum credit, qui deo obtemperat, qui D E V M diligit, honorat, colit, veneratur, gratus est. Incredulus, expars, impius, D E V N hominesque contemnens, ingratus est. Nullum postremo peccatum, quod legi aduersatur diuinæ, ingratitude vitio vacat. Illum enim offendimus, quoties peccamus, à quo cuncta bona quæ homini dari queunt, accipimus: Accepturi adhuc meliora, si non ingrati decesserimus. Operæpretium erit, huiusce rei proponere aliquot exempla, & prima eorum quos dominus gratiam sibi referentes amplexatus est: deinde illorum quibus pro ingratitude intulit mala: ut cum præsentia considerauerimus,

de

de futuris non ambigamus: beatos videlicet & in cœlo fore, qui sic à domino diliguntur in terra. Econtrario autem in inferno quoque cruciandos esse, si non se correxerint, qui antequam eò descendant, pro scelere puniuntur.

De gratis erga deum in veteri testamento. Cap. 2.

Igitur vt ab aliis qui ante diluuium fuere, initium capiamus, gratus erga deum fuit Abel qui primogenita & pinguiora quæque gregis sui offerebat domino. Quòd autem propterea à domino dilectus fuerit, scriptura testatur. Ait enim: Respexit deus ad sacrificia Abel, ad Cain autem sacrificia non respexit. Maledixit quoque Caino dominus, quia ille ob hoc ipsum fratri inuidens, quòd sibi præferretur, ad se euocatum interfecerat. Gratus fuit Enos, primus quippe cantica quædam hymnosque composuit, quibus nomen domini inuocaret, pro quo dedit ei dominus, vt filios gigneret, & nō gentos quinque vitæ annos absque offensa impleret. Gratus fuit Enoch. Neque enim diceretur ambulasse cū deo, nisi ei semper obsequentissimus fuisset. Morū itaque sanctimonia meruit, vt viuens ad beatiora quàm est mortalium habitatio, loca transportaretur. Gratus Noë. Nam & ipse cum deo ambulasse dicitur, & perfectus iustusque fuisse. Proinde dignus fuit, qui mundo p diluuium pereunte, solus cum filiis ac nuribus fieret superstes, & omnium quæ aquis deleta fuere, reparator existeret. Post diluuium verò gratus fuit Abraham. Po fuit enim altaria domino, victimas obtulit, decimas p soluit, deo credidit, & reputatum est ei ad iustitiam, denique vt domino obediret, filio non pepercit. Ob hoc quidem cum deo colloquitur, pater multarum gentiū constituitur, in semine eius, quod est Christus bened-

cen.

cende omnes nationes deo promittente nascuntur. Gratus fuit Loth: vt enim Deo placeret, domi peregrinos Loth.
 acceptauit, quare meruit fieri hospes angelorum, & su- Gene. 16.
 peresse Sodomitis, inter quos habitabat, igne & sulphure de cœlo pluyente ob scelera consumptis. Gratus fuit Isaac.
 Isaac, qui cum centum octoginta vixisset annos, in his Gene. 35.
 omnibus domino suo non peccauit. Per quam dignè autem deo gratia refertur, cum innocentia per omne vitæ curriculum inoffensa seruatur. Hic igitur benè de deo meritus, cum sementem fecisset, centuplum collegit, geminos genuit, in quibus benedicendis errare non est permixtus, non enim cui voluit, sed cui debuit benexit, vt Abrahæ patris genus in Christum dirigeretur. Gratus fuit Iacob, in nullo illū scriptura aecusat, & deo Iacob,
 charissimum fuisse beneficia testantur. Ad eum primogenita fratris Esau transferuntur, dicente domino: Iacob dilexi, Esau autem odio habui. Cum obdormisset, scalam vidit à terra ad cœlū extētam, & in ea angelos ascēdētes & descēdētes, ac dominum cacumini innixum, qui terram in qua quiescebat ei promisit, regnumque eius longè latēque diffundendum prædixit. Inde ille parens efficitur duodecim liberorum, qui duodecim tribubus nomen dederunt, cœptusque est vocari Israël, hoc est, deum videns: & vidi, inquit, dominum facie ad faciem. In Aegyptum transmigrans multiplicatur. Liberis quæ euentura erant, moriens prophetauit. Gratus fuit Ioseph in Aegypto dum sæuus esset, & iuuenis impudenter se ingerentis domine libidini non consensit, Ioseph.
 maluitque vitam suam periclitari, quàm castitatē pollui, cum ab illa irata tentati adulterij infimularetur. Gen. 30.
 Magnam deinde fratrum in se iniuriam cum vlcersi posset, magnis rependit beneficiis: eos quippe à quibus in seruitutem venundatus fuerat, in Aegyptum vrgente fame profectos benignè suscepit, largiterque aluit. Erat enim secundus à rege, cuius visâ obscuritatibus

Moyſes.
Exod.2.
Exod.;1.

Iofue.
Num.14.

Patriarchæ

tibus inuoluta ſpiritu ſancto reuelante plana fecerat. Creatus fuit Moyſes, filiaſ Raguëlis ſacerdotis virgines paſtorum violentia tutatus eſt. Hinc à domino dux electus, Pharaonem prodigiis terruit, populum Iſraël eduxit de Aegypto, quãdo mare ſe aperiens aridũ tranſeuntibus præbuit iter, & eorum perſecutores oppreſſit aquis. Idem deinde in monte leges quas ad populũ ferret, à domino accepit: nemo tam familiariter cum deo colloquebatur, nemo tam ardẽter ab eo ad idola deſciſcentes puniuit. Ipſo ſaxum percutiẽte fluxerunt aquę: ipſo orante, Amalech ſuperatus eſt. Gratus fuit Iofue, diuinis enim credens promiſſionibus populum reges terræ quàm ingreſſurus erat metuentem, ſpe victoriæ animauit. Proinde dignus fuit, qui in demortui Moyſi locum ſufficeretur, & victis hoſtibus regionem à domino promiſſam obtineret, eamq; p tribus diuideret. Ad hanc tranſeunti Iordanis refrenato aquarum curſu in ſicco alueo viam ceſſit. Hierichuntem obſidente, muri corruerunt. Inimicos perſequentẽ ſol & luna ſteterunt, ne noctis interuentũ qui fugiebant elaberentur. Tot igitur miraculis teſtatum eſt, quantum ei dominus faueret, quia erga ſe in omnibus gratum fidumque ſciebat. Sed ne catalogum ſanctorum texere videar, grati erga deum fuere omnes illi patriarchæ, illi duces, illi ſacerdotes, illi iudices, illi reges, illi prophetae, qui in mandatis D E I, in lege, in omnibus ceremoniis conſtanter pieque permãſere. Tales autem eligere ſolitus eſt dominus per quos populum erudiret, à ſeruitute liberaret, à periculis erueret, victoria donaret, & de illis quæ futura erant admoneret. Quòd ſi benigniſſimus dominus fideliter ſibi ſeruientes, beneficiorumque ſuorum non oblitos, ita vt dictum eſt fouet, ita amplexetur in terris adhuc viuẽtes, quantomagis ad cœleſtis beatitudinis domicilia manſionesque angelorum tranſlatos? Hæc de veteris hiftorię fontibus hauſta iã

exigere videntur, ut à nouæ salubris fluentibus aquis aliqua deriuemus, ad eandem gratitudinis virtutem accommodata.

De gratis erga deum in testamento nouo. Cap. 3.

Iesus Christus dei filius, humani generis redemptor ac saluator, patribus promissus, nobis exhibitus & datus, non præsentia bona hominibus polliceri cœpit, sed futura: nec terrenum largiri regnum, sed cœlestē: Pœnitentiā agite, inquit, & appropinquabit regnū cœlorum. Et ad latronem: Hodie mecum eris in paradiso. Quod sit adē, nō vt olim ad inferos animæ iustorū descendant, sed in sublimē angelorum sedibus inferantur, iucundissimo domini sui conspectu semper fruituræ, nōne multo nos causatius quàm prisci illi, de quibus paulò antè est dictum, deo seruire debemus, & soli nauare operam, contemptisquē omnibus ipsum vnū absque quo nihil est beatum, tota mente concupiscere? Meritò igitur sequens credentium ætas ad omnia dura atque aspera perferenda cœpit accingi, mollia verò respuere & delicata: atque in his præcipuē gratiam referri saluatori, per quæ maximū omnium beneficium se accepisse meminit. Quid enim maius aut optabilius esse potuit, quàm paradisum p̄ tot secula primi hominis culpa clausum, per ea demum quæ Christus passus est, nobis fuisse reſeratum? Oportuit enim pati Christum, & sic intrare in gloriam suam. Oportet igitur pati & nos, ac per vestigia eius incedere, si illò quò ipse p̄cessit, volumus peruenire. Hæc est ergo nostrorum erga deum maxima gratitudo, pro amore illius, qui prior dilexit nos, voluptates, opes, otia contemnere, continentiam seruare, modico contentos esse, religiosæ vitæ laboribus nunquam defatigari. Talem quippe pro benefici-

Matt. 4.

Lucæ. 24.

Apostoli. neficiis gratiam primo deo retulere Apostoli, deinde martyres æteri que Christi serui, virgines quoque & viduæ omnesque illi qui ecclesiæ autoritate in sancto rum collegio numerantur. Pro Christi nomine non dubitauit Petrus crucifigi, Paulus capite truncari, Iohannes in feruentis olei dolium nudus demergi. Bartholomæus viuis excoriari, Thomas lanceis perfodi, Iacobus maior decollari, minor fuste fullonis interimi, Stephanus lapidibus obrui, Laurentius igne cremari : omnes denique per tormenta consumi. Hoc idem propositum fuit reliquorum sanctorum omnium necem videlicet à persecutoribus inferendam subire potius quàm à Christi fide deficere. Illos quibus hoc contigit, Apostolus ad Hebræos scribens pulchrè percenset, cum ait: Alij verò ludibria & verbera experti, insuper & vincula & carceres, lapidati sunt, secti sunt, tentati sunt, in occisione gladij mortui sunt. Noli expectare vt audias quid hi prosperitatis in vita perceperint, qui ad quæque laboriosa sustinenda magno animo se armauerant. Si tamen nosse desideras, nihil illis prosperius contingere potuit, quàm per aduersitatum patientiam ostendere, quali constantia, quantaque fide Christum diligerent. Adde quòd illos quoque à quibus necem suppliciaque passi sunt, victores fuerint. Præualuit enim patientium fides impietati persecutorum, & contempto inanum deorum cultu, ab omnibus adorari cœptus est Christus. Nequaquàm sancti martyres coronati triumpharent in cœlo, nisi in terra vicissent. Vera fidelium victoria est, neque deijci aduersis, neque secundis efferri, deo magis quàm hominibus obedire, & carnem spiritui repugnātem in seruitutem redigere. Quæ quidem & illi sancti, quos persecutionis non attigit gladius, diligenter obseruauerunt. Dum enim viuerent, non cessabant Christo seruiendo vitæ instituta vel ipsi discere, vel alios docere, vigiliis, precationibus, ieiuniis, lectionibusque vacare,

Fidei victoria.

care, diuitias indigentibus distribuere, & paupertate gaudere, virginitatem viduitatemque nuptiis præferre. Sic egerunt inter summos pontifices: Syluester, Gregorius, Leo & Cælestinus. Inter episcopos, Martinus, Nicolaus, Ambrosius, & Augustinus. Inter Abbates, Antonius, Hilarion, Hieronymus & Benedictus. Inter monachos, Dominicus, Vincentius, Franciscus & Bernardus. Inter eremitas, Paulus, Thebæus, Honophrius, Arsenius, Archebius, & Theonas. Inter virginēs, Maria virgo, simul & mater, ipsum enim genuit Saluatorem, quē sicut de spiritu sancto concepit, ita sine virginitatis dāno peperit. Hanc secutæ sunt Thecla, Agatha, Hagnes, Lucia, Catharina, Cecilia, Margareta, Barbara, aliæque permultæ, quas ad coniugium nulla blandientium promissa, nullæ furentium minæ, nulla sæuientium tormenta inclinare potuerunt. Omnia extrema perpeti malebant, quàm domino semel promissam amittere virginitatē. Inter viduas verò perpetuam continentiam custodientes fuerunt, Anna, Paula, Galla, Melania, Monacha, & aliæ plurimæ. Talium vitam moresque sequatur oportet, qui cumulativissimam deo gratiam cupit referre, ac post relatam ab ipso suscipi & immortalitatis gloria in cœlestibus vestiri. Proponamus nunc ingratorum exempla, & quos præmia ad virtutem parum excitant, saltem pœna à vitiis auocet,

Pontifices.

Episcopi.

Abbates.

Monachi.

Eremitæ.

Virgines.

Vidue.

De ingratis ante diluvium.

Cap.

4.

PRimi parentes nostri donec beneficiorum memores iussioni diuinæ obtemperarunt, paradisi in quo Adā & Eua. Positi erant, bonis fruebantur, postquàm verò per ingratitude à mandato recessere, ligni vetiti fructum gustando, eiectione de paradiso, laboribus, ærumnis, mor-

Gene.3.

morti subiacerunt. Ei enim peccauerant (licet postea pœnitentiam egisse credantur) à quo corpus, à quo spiritum, sensum, intellectum, dei similitudinem acceperant: à quo præesse bestiis terræ, & volucribus cœli, & piscibus maris iussi erant: vt his quæ terra proferret vescerentur, & simul ligna, lapides, metalla, igne quoque & aquam, tellurem & aëra in vsum vitæ necessarium haberent. Merito igitur malis mancipati sunt, cum talem ac tantum benefactorem offenderent. Mulier quia prior peccauerat, viri subditur imperio, & pariendi cruciatibus mulctatur, vt voluptatem quam cœpit, fructum interdictum manducando, filios generando dolore compenset. Merito etiam Adæ est dictum: Maledicta terra in opere tuo. In laboribus comes des ex ea cunctis diebus vitæ tuæ, spinas & tribulos germinabit tibi, & comes herbas terræ: In sudore vultus tui vesceris pane tuo, donec reuertaris in terram de qua sumptus es, quia pulvis es, & in puluerem reuerteris. Tot igitur mala passi sunt post reatum, quot antequam peccassent, bonis fruebantur. Non esset magnum eorū crimen, nisi & magna essent illius beneficia, in quem commissum est. Non tam enim ex se, quàm ex meritis eius, qui offensus est, ingratitude culpa pœsari debet. Itaque quàm grauiter peccauerint, pœna indicat, quæ quidem ad posteros omnes fuit propagata ppter corruptam radicem, de qua generantur. Et quoniam nihil ab homine nequiter agitur, quod ingratitude in deum non sit ascribendum: Ingratus fuit etiam Cain Adæ filius, qui inuidiæ furore percitus interemit fratrem suum Abel. Ob hoc illum dominus execratus est, dicens: Maledictus eris super terram, quæ aperuit os suum, & suscepit sanguinem fratris tui de manu tua: cum operatus fueris eam, non dabit tibi fructus suos, vagus & profugus eris super terram omnibus diebus vitæ tuæ. Postremo & ipse interfectus fuisse creditur in septima

Cain.

Gene.4.

ptima

p tima generatione, vt prius annos multos aduersa susti-
neret maledictionis, deinde quod fratri intulerat, ipse
ab aliis ferret. Neque illa quidem parua fuit ingratitu-
do, illa malitia, quæ deum ad pœnitentiam compulit,
quod hominem fecisset. Nemo qui ei nõ peccauerat in-
uentus est. Omnis caro (inquit) corruperat viam suam, *Gen. 6.*
præter illas octo animas quæ in arca seruatae sunt, ne
cum cæteris diluuio perirent. Porro, si quæris quanta
tunc fuerit culpa ingratorum, multæ bestię cataclysmo
superfuerunt, illorum nemo. Post diluuium ingratis-
simos omnium semper fuisse Iudæos comperio, illos exci- *Iudæi.*
pimus, quoniam superius facta est mentio. Etenim cum
ab ipso mundi domino multo plura quàm reliquæ na-
tiones beneficia accepissent, magis etiam constanter il-
lum colere debuerunt.

*De beneficiis Iudæis collatis post
diluuium. Cap. 5.*

Vldeamus igitur primo, quænam illis ab indulgen- *Iudæi.*
tissimo rerum largitore deo præstita fuerint bo-
na, deinde quàm ingratè ipsi ex aduerso se gesse-
re, & simul quæ postea passi sunt mala. Solis vnus dei
veritas fuit reuelata, solis leges de cælo datæ, monstra-
tus ceremoniarum ritus, oracula futurorū indulta, dei
voces palam locutæ, ingentium miraculorum operatio
concessa, deo fauente timuit eos Aegyptus, & cum di-
mittere nollet, flagella sustinuit, mare se aperiens siccū
euntibus præbuit iter, & aquæ quæ illis hinc inde pro
muro erant, Aegyptios cum armis hostiliter insequen-
tes operuere, in solitudine manna cælestis cibus pabu-
lum illis præbuit, & de saxo virga percussio scaturiens
amnis potum. Iordanis ad fontem suum reuersus persti-
tit donec transirent, terram denique promissionis la-
ctè & mellè manantem: perdomitis eius incolis posse-
derunt.

derunt. Quis denique explicet tot hoste victorias, tot à seruitute liberationes, vel quoties periculis eruti, à cladibus protecti? Moyse orante (vt antè diximus) victus est Amelech: buccinis clangentibus, Hierichuntis mœnia corruerunt: Iosue inimicos persequente, lapidibus pluit de cœlo super fugientium ceruices: ac ne noctis interuentu elaberentur, sol & luna motum suum continuerunt. Nulla vnquam fuit longior dies, quam ista in qua quinque Regum Chananæorum prostratus est exercitus. Balaam præterea propheta asinæ loquentis voce prohibitus est eis maledicere, & pro maledicto induxit super illos benedictionem, benedictos à deo esse non dubitās, pro quibus mutum animal vocem protulerit humanam, victi sunt deinde Palæstini tonitru & fragore de cœlo territi. Holophernès Chaldæorum dux, cum vrbes aliorum prouinciasque expugnasset, in Iudæa vnus scæminæ manu victus occubuit. Regnante Hierosolymis Asa, innumerabiles Aethiopum copias ad internecionem conciderunt: Regnante Iosaphato, cum ingentem Ammonitarū Idumæorumque exercitum formidarent, inimicos inter se digladiantes conspexerunt, mutuoque cæsum tulerunt spolia tam securi, quam paulo antè pauefacti: Regnante Ezechia, cum ab Assyriis duce Senecheribo obsiderentur, angeli manu vnà nocte centum octogintaquinque milibus hostium cæsis, obsidione soluti sunt. Omitto nunc Macchabæos, Iudam, Simonem, Ionatham, qui dei sui nomine inuocato, parua manu ingentes hostium copias pluries fudere. Magna quidem & immensa beneficia hæc, maiora tamen accepturi erant, si istorum quæ acceperant largitorem non deseruissent. Nunc ergo quod superest, breuiter expediemus qua ingratitude vsi sint, quantaque deo vlciscente pati meruere.

De ingra-

*De ingratitudine Iudæorum in deum,
& quæ pro idololatria passi
sint. Cap. 6.*

Longum admodum foret memorare scelera singulorum, qui inter Iudæos impij infidijq; fuere. Omnium ergo simul in deum suum infidelitas detegatur, pœnaque infidelitatis vt cum hæc nota fuerint, simul constet & ingratitudinis magnitudo, & iusti domini in ingratos præsens vindicta, quam si quis inuitauerit, nec futuræ quidem, quæ omnium acerbissima est obnoxius erit. Dum Moyses in monte immoratur, donec tabulas digito dei conscriptas acciperet, illi ad idololatriam conuersi, vitulum æneum adorauerunt: & hi sunt, inquit, dii tui Israel, qui te eduxerunt de terra Aegypti. Ob hoc iratus dominus, delere eos voluit, sed Moyse pro ipsis instantè supplicanti gratiâ fecit. Moyses tamen indignos tabularû beneficio testatus, de monte descendens ipsas confregit, vitulumque contriuit, deinde deo iubete Leuitę sumptis armis de illo XXIII. millia ferè, ex iis qui vitulum adorauerat, occiderunt: vt eum morte dignum esse noueris, qui in deum ingratus est. Post hæc contempto cœlesti cibo cum Aegyptias dapes cõcupiscent, aduersus deum & Moysen mustitantes, prouocatus in iram dominus, multa coturnicû vi castra operuit, vt cupidini eorum satisfaceret. Cæterum, dum adhuc carnes in dentibus manderet, animas efflabat, plurimiq; desiderati sunt, locus inhuiusce vltionis memoriâ, sepulchra cõcupiscentię appellat⁹. Rursum tamen pollicitationi diuinę nõ adhibentes fidẽ, de obtinenda pmissionis regiõe desperarunt. Ideoq; illã ingredi prorsus indigni, anteq̃ fines ei⁹ attigissent, in deserto mortui sunt; præter Iesum & Caleph & paruulos populi qui

Exod. 31,

Chore &
Dathan.

puli qui non peccauerant. Quadraginta annos per solitudinem antequam terram incolendam adissent, errauerunt. Choræ quoque, Dathani, & Abyronis castra, vnà cum ipsis terræ hiatu absorpta sunt: atq; inde subitus ignis exhalans, ducentos & quinquaginta viros, qui incensum offerebant, absumpsit: & hoc quidem, quia legi diuinæ aduersantes, vsurpare sibi sacerdotium nitebantur. Vide tamen inconsultam vulgi audaciam. Nihil his quæ acciderant territi. Moysen & Aaronem nimis procaciter incessebant, perinde ac si ipsi eos qui perierant, interfecissent. Mox igitur ambobus his ad tabernaculum confugientibus, incendium repente illarum vastare cœpit proteruos. Quatuordecim millia ex eis & septingentos concremauit. Omnes tunc perissent, nisi Aaron iussu Moyse stans inter mortuos & viuentes, deum orasset. Ad eius preces cessauit ignis. Deus enim iniuriam illam illatam sibi deputat, quæ seruis suis indignè infertur. Quandoquidem ultus est eos, qui Moysen & Aaronem minaciter impetere ausi fuerant. Post hæc profecti, de monte Hor per viam quæ ducit ad mare Rubrum, pertæsi itineris laborem rursum reclamabant, sed neque hoc fuit illis impune. Ignitorum serpentum ictibus percussi moriebantur. Hinc tandem humilitatis ac veniam poscentibus, Moyses domino iubente, serpentem ex ære formatum suspendit in ligno, quæ vulnere rari aspiciendo conualescebant. Id autem portēdebat, quod olim in Christum dominum crucifixum credentes, à diaboli moribus liberandi essent. Ignitus enim serpens, diabolus est: Christus æneus, nihil in se veneni habens, & veneno peccati infectos, clementer sanans. Porro, vt quod proposuimus prosequamur, iidem Israëlitarum cum appulissent ad Sethim, capti sunt amoribus Moabitidarum, ita vt deos quoque illarum adorarent, sed dignas quidem scelere isto pœnas dedere. Leuitæ quippe iussu domini viginti quatuor millia de illis interimunt.

terimunt. Tunc demum deo placato, à cædibus cessatū est, cum Zambrin virum & Zochim scortum, dum simul coissent, Phinees Eleazari sacerdotis filius pugio-
ne in genitalibus confodit. Vt præterea pateret, non minori animaduersione dignos esse criminis impulsor-
es quam autores, Madianitas quoque percuti iussit do-
minus, qui eos callidè per mulierum blandimenta tra-
xerant ad cultū idoli sui Belphegor. Multo tamen gra-
uius deliquerunt, qui ad deos alienos conuersi fuerant,
deo suo derelicto, nec mirabilium eius memores, nec er-
ga beneficia grati. Transeamus ad tempora Iudicum.
Iosue defuncto, degenerauit populus, Colere cœpere
Baal & Astaroth, non numina, sed monstra. Ob hoc pas-
si sunt direptiones rerumque detrimenta, nec omnino
pares esse poterant viribus aduersariorū. Deinde, quo-
niam Palæstinis & Chananæis aliisque idololatri cul-
tu & connubiis iungere se ausi fuerant deo pœnam hu-
iusce flagitij exigente, annos octo seruierunt Cusanra-
sathaim Mesopotamiæ regi. Cum autem illos præuari-
cationis pœnituiisset, liberati sunt. Sub liberatoribus
quidem satis probè se habebant, illis verò vita defun-
ctis, veluti laxato freno quocunque rationis experts ap-
petitio vocasset, eo ferebantur. Itaque sub Othoniele
etiam fidem deo seruauit, eo autem mortuo, statim ad
idola desciuere, quemobrem tunc quoque seruire com-
puli sunt Eglon Moabitarum regi annos octodecim.
Deinde post obitum Aioth ducis, cum iterum idola co-
lere cœpissent, oppressi sunt seruitute à Iabin Chana-
neorum rege per annos viginti. Post Delboram quoque
uxorem Lapidoth (& ipsa enim præfuit populo) pecca-
uerunt, atque septem annis à Madianitis vexati sunt, sa-
ta frugesque eorum vastantibus. Item post Gedeonem,
& erga familiā eius, à quo de inimicis liberati fuerant,
ingrati extitere, & erga deum impij, ideoque per idem
tempus externorum bello variè inquietati sunt. Post

Tempore.
Iudicum.

Abimelech, Tholam & Iair præfides, itidem peccauerunt, & à Palæstinis mala passi sunt annis octodecī. Post Iephthe & Abessan & Ahilon & Abdon, rursum peccauerunt, & denuò à Palæstinis oppressi sunt seruitutis iugo per annos quadraginta. Post Samsonem verò inter se dissidere cœperunt, quando tribus Benjamin ob stupratam cuiusdam Leuitæ coniugem, & per vim in vna nocte multorum coitu lassatam atque extinctam penè interiit, dum à reliquis tribus indignè id ferētibus impugnatur. Primo tamen de his qui illos oppugnatū venerant, cecidere. XX I. millia: iterum altero congressu XV III. millia, & ipsi enim offenderant suis viribus magis quàm dei auxilio freti, sed tertio tandem certamine de Benjamin periire XX V. millia, oppidum eorū Gabaā incensum, in quo obsessi erant, idemque factum reliquis vrbibus ac vicis tribus huius. Ista de Iudicum libro summatim perstringendo protulimus, quæ sequitur, Regum continet historia.

Mala X. tribuum. Cap. 7.

Tempora
Regum.

O Bidololatriam, quæ maxima in deum ingratitude est, diuisum fuit Iudææ regnum. Decem tribus in Samariam secessere sub rege Hieroboam, duæ reliquæ sub Roboam Hierosolymis manserunt. In Samaria quidem perseueravit impietatis crimen. Hierosolymitæ magis fideles iuuenti sunt. Vitulos æneos adorabant Samaritæ, quos pro diis colendos posuerat Hieroboam primus ex Iudæis Samariæ rex. Eam ob rem Abiæ Hierosolymarū regi in prælio succubuerunt, die vno quinquaginta millia eorum desiderata sunt. Ciuitates tres amissæ, Bethel, Hicfana & Ephron. Deinde regnum de familia Hieroboami ad alios translatum. Postea regnante Achab aduersum Syros profecti, ob hanc ipsam idololatriæ culpam superantur: Achab quoque sagittæ ictu interficitur. Regnante Ioacham, seruiērūt Azabelo

Azabelo regi Syriæ. Regnante Phaace, Theglathphalar Assyriorum rex Samariam inuadens, magnam quidem populi partem captiuam secum duxit Niniuen. Regnante Osee, una cum rege omnes translati sunt in Assyriam, per Salmanasar Assyriæ regem. Cum enim prophanos gentium ritus imitarentur & prophetarum arguerentur sermonibus, ad deum Isaël reuerti nolebant, colentes Baal, filios filiasque idolis inuitantes, inseruiētes etiam diuinationibus atque auguriis.

Mala duarum tribuum.

Cap. 8.

Nunc ad Hierosolymitarum immunditias gradus faciendus restat. Sub Roboam rege legem domini reliquerāt, cum Sefac rex Aegypti ciuitates eorum munitissimas debellauit. dixitque eis per prophetam, dominus: Vos reliquistis me, & ego reliqui vos in manu Sefac. Hic captam Hierosolymam subdidit seruituti. Templi thesauros, regiamque gazam omnem sustulit & asportauit. Sub Ioram rege, quia gentilium ritus secuti fuerant. Palæstinorum atque Arabum magna in parte præda facti sunt. Tunc enim & regis domus direpta, & eius vxores liberi que capti. Ipse autem Ioram, quia ab impietate non recesserat, alui profluvio consumptus est. Ob idem crimen Ioa regnante ingentes militum copias parua Syrorum manu prostratas amittere. Ipse Ioa à seruis domi fuit interemptus. Rursum sub Amasia rege deos alienos adorabant, cum à Ioa Samaritano rege superati sunt, pars Hierosolymitani muri diruta, thesauri ablati ipse Amasias captus, nobilium liberi pro obsidibus abducti. Tunc etiam regnante Achaz colebant Baal, cum & à rege Syriæ spoliati sunt, & à rege Samariæ Phacee ingenti bello victi. Ea enim pugna centum viginti millia

ti millia virorum caesa fuisse dicuntur, ducenta millia in captiuitatē abducta, cum praeda omnis generis prope inæstimabili, quamuis Phacee ab angelo coargutus, restituerit captiuos: quia tamen ab impietate non recedebant. Idumæi illorum fines depopulati sunt, vrbes aliquot expugnarunt Palæstini, agrum vastauerunt Assyrij, neque tamen tot cladibus affecti, ad dominum redire voluerūt, donec in regno successit Ezechias Achazi filius, per omnia patri dissimilis. Piè enim ac sanctè vixit. Et vt intelligas principum mores ciuibz documento esse solere, semper quidem Iudæi sub religiosis regibus religiosi fuere, sub impiis impij. Post Ezechia regnat Manasses eius filius, magis impietate quā regno nobilis. Captus à Chaldæis, addicitur seruituti. Auersis pulsatus agnouit errorem, pœnitentiam egit, & domino miserante restitutus est regno. Quòd si Manasse pœnitentiam suscepit deus, quis tam impius est vt veniam desperet, si ad illum à quo alienatus est recurrerit? Ioachazo quoque impio super impios regnāte, Necho rex Aegypti eosdem tributa sibi pendere compulit. Ea erant centum argenti talenta in singulos annos, vnum auri. Tunc Ioachazo sublato, Eliachimū eius fratrem præfecit regno. Sed cum neque isto ad regni gubernacula sedente, populus ab erroribus resipuisset, Nabuchodonosoro Babyloniorum regi seruiuerunt, atque etiam latronum infestationes passi sunt. Et ne tunc qui dem ab idololatriæ cultura desistentes, Ioachimo Ioachimi filio regnante, obsessi à Chaldæis, vnā cum rege potestati illorū sese dedidere. Tūc omnes ferè in Chaldæam traducti sunt, præter pauperes vulgi agricolatio ni relictos. Hinc Matathias vrbi penè deserta iussus est præsidere, Cumque ipsi etiam qui tunc residui erant, nullo dei flagello ab inueterato iam errore renocari potuissent, totam in illos indignationem effudit deus, eosque grauius quā vnquam antea afflixit. Cum enim

Matathias,

Manasses.

Eliachim.

Ioachim.

Matathias iste qui & Sedechias est dictus, à Chaldæis Matathias
 defecisset, obsedit eos Nabuchodonosoro Chaldeorum
 rex, vrbe potitus est, Sedechiam cum liberis fugientem
 comprehendit, liberos illo spectante trucidari iussit: ei
 verò nequid deinde iucundi videret, oculos eruit, &
 vinctum secum Babylonem abduxit. Post hæc Nabu-
 zardam ducem cum valida militum manu misit, qui
 mœnia vrbs demolitis solo æquauit, domos templū-
 que incendit, ciues in seruitutem ad Chaldæam tran-
 stulit. & cum illis vasa templi aurea, argentea, ænea, æ-
 neasque columnas templi, primarios vrbs ciues, dei-
 que sacerdotes interfecit, & impletū est quod in spal-
 mo prædictum fuerat: Tradidit in captiuitatem virtu-
 tem eorum, & pulchritudinem eorum in manus inimi-
 ci, & cōcluserit in gladio populum & hæreditatem suam
 spreuit. Denique facta est, quam prophetæ prædixe-
 rant, trāsmigratio Iudææ in Chaldæam, ac tanta pro-
 phanæ gentis ingratitude tales quidem pœnas dedit,
 quæ si solæ proponerētur, & nulla futura esset in infer-
 no, quia adeo temerarius est, vt audeat esse in deum in-
 gratus?

Psal. 77.

*Mala Iudæorum post Christi pas-
 sionem, propter increduli-
 tatem. Cap. 19.*

Postea verò per Cyrum manumissi, postliminioq;
 reuerſi sub Eſdra sacerdote instaurarūt urbem &
 templum, domino fauēte, postquam eos delicti pœ-
 nituiſſet. Fuiſſe deinceps legis diuinæ ſatis quidem ſtu-
 diosos, improbos tamen, ſemperque virtuti alienæ in-
 uidos atque inſenſos. Chriſtū dei filiū, quem lex & pro-
 phetæ prædicauerant venturum ſaluatorem non rece-
 perunt, quamuis vidiffent miracula facientē, & à plebe
 laudibus

In Chriſtū
impij

laudibus honoréque affectum : docenti veritatem non crediderunt, innocentem falsis criminationibus circūuenerunt, iustum condemnarunt, ludibrio habuerunt, & spinis coronatum, flagellisque cæsum cruci confixerunt. tantumque inualuit semel insitum infidis mentibus odium, vt ne tunc quidem ad pœnitentiam tanti sacrilegij mollescere quierint, cum illo in cruce pendente, sol obscuraretur, terra treméret, sepulchra aperirentur, templi parietes dissilirent, saxa frâgerentur. Nam depositum quoque ac sepultū custodiri iusserunt: cumque ipsi custodes perendie reuersi eum à mortuis surrexisse testarentur, pecunia data redemerunt mendacium, vt rursus hi falsò assererent, se videlicet nocte præterita dormiētibus clam venisse discipulos, corpusque ideò furto sustulisse, vt qui sepultus fuerat, ad vitâ credatur reuersus. Quid autē infelix Iudæa alios celare iuuat, cuius ipsa conscia es, veritatē: Si non surrexit, cur pecuniam porrigis? si surrexit, cur saluatorem tuū non agnoscis: aut si nihil custodibus donaueris, nihilq; illi prius testati fuerint, quàm quod postremò dixerūt, nōne sic interrogatos oportuit? Vidistis ne accessisse ad sepulchrū discipulos, an non? Si non vidistis, multo sopore fortasse oppressi, quomodo scire potestis? Si vidistis, cur non comprehendistis inermes armati, paucos multi, onere sublati corporis grauatos expediti? Videtis ô Iudæi custodię vestrę manifestum mendacium, attamen quæ vestra pertinacia est, vultis potius mendacio credere & perire, quàm sequi veritatem & saluari? Quid est autem quod Christum negando, multo maiorem experti estis dei iram, diuturnioremque passi calamitatem, quàm cum vitulū adorastis, quàm cum Baal, Astaroth, Acharō, Beelphegor, Beelzebub, aliorumq; demonum simulacris sacrificastis: nam licet antea quoque cædes, incendia, rapinas, captiuitates, seruitutem, exilia, patrisque soli miserabilem desolationem per-

tulistis,

tulistis, quoties tamen vos deum vestrum offendisse ponit, toties de malis omnibus liberati fuistis. Longissima illa apud Babylonem seruitus (ut scriptores vestri testantur) septuagesimum annum non excessit: Rursum natali solo restituti, rursus in omnibus reparati instauratiq; regnastis. Quenam queso causa est, quod post Christum à vobis condemnatum, semel à Romanis victi, euerfi, dispersi, nullam vnquam pristini status faciem, nullam amisse dignitatis umbram recepistis? Iam mille quadringenti & octoginta anni sunt, ex quo incerta sede vagi per omnes orbis partes errastis, sine lege, sine sacrificio, sine duce, sine rege, sine propheta, dicite si potestis quo crimine, qua culpa id patimini? non idola (ut olim sæpe contigit) colitis, non execrandos gentiliū ritus exercetis: vnum deum, vnum cœli terræque dominum adoratis, & tamen nullus est miseriæ vestræ finis. Cur ita? profecto cum alia causa omnino nulla queat afferri, restat ut ea sola sit quia saluatorem vobis, imò omnibus missum non recipitis Messiam, quem vestræ vobis indicant scripturæ non admittitis. Videte ingratitudinem vestram in deum vestrum. Ille vobis quæ promiserat vitæ doctorem misit, vos ipsum occidistis. Ille dedit redemptorem, qui pro culpa primorum parentum vestrorum satisfaceret, & vos ei non creditis, vos eum repudiatis. Quamdiu igitur obstinatis mentibus fouetis errorem, negando eum, per quæ solum data est mortalibus ad deum accessio, fieri omnino non potest, ut vllam sperandæ salutis gratiam consequamini. Credite, credite, & salui eritis. Hic est enim cui dixit propheta: Psal. 79. Excita potentiam tuam & veni, ut saluos facias nos. Convertimini igitur ad eum, qui missus est vobis, & ille qui misit miserebitur vestri. Hic enim qui missus est, dei verbum est, dei sapientia est, dei virtus est: negat talia esse in deo qui Christum negat. Carnem animamq; hominis assumpsit, ut pro hominibus pati ac mori posset.

Itaque

Itaque non inuitus, sed volens crucem sustinuit, vt suo sanguine à peccatis credentes lauaret mortēque redimeret. Agnoscite beneficium, & cōfitemini Christum. Venit enim vos non de manu regis Babylonis sed de potestate diaboli liberare, non ad Hierosolymam reducere, nec regno restituere terreno, sed quod longè felicius est, ad paradysum transferre, in supernis cœli sedibus collocare, & sempiternæ suæ gloriæ participes facere. Quod si aduersus tantam dei vestri nostrique benignitatem, Christum suum non recipiendo ingrati esse pergetis, de temporalibus miseriis istis ad æternas descendatis necesse est. Nulla enim maior in deum patrem ingratitudo fieri potest, quàm in filiū ei cōequalem & cōæternum & consubstantialē nolle credere. Felices illi, qui olim ne ingrati essent, ipsum vobis gentibusque prædicare non timuerunt, qui vt nomen eius denegarent, nec minis, nec tormentis, nec cædibus compelli potuerunt. Verè quippe beatitudinis in Christo spe firmati tyrannis fortiores erant, occidi poterant, cogine Christum confiterentur non poterant. Felices nunc hi, qui vt qualem possunt pro beneficiis deo gratiam referant, Christo seruiunt, Christum adorant, de Christo die ac nocte cogitant, Christi præcepta totis viribus exequi contendunt, & contemptis terrenæ luxuriæ deliciis, post eum currere nunquam desistūt. Sed ne solos Iudæos accusasse videamur, nostrorum quoque in Christum infidelitas (vt alia delicta prætermittantur) in medium veniat, non tam quæ modo sit, quàm quæ olim fuerit, & vera assertione victa desierit.

De ingratitudine hæreticorum & Iudæ proditoris. Cap. 10.

CVM enim nullum mendaciū diu stare possit, quia nihil firmi, nihil solidi habet, in quo innitatur, omnis

omnis falsa religio paulatim evanescat necesse est. Itaque iam pridē defecit ille diaboli fraude inductus deorum cultus. Vnus autem deus etiam ab illis inuocatur, qui Christum ignorāt. Defecerūt & hæreses, licet falsa veris mixta in se haberent, nihilominus quę vera erāt, manent: quę falsa, vna cum suis autoribus perierunt. Arrius ab Evangelio alienatus, impięque de trinitate sentiens, vētris profluuiio extinctus est. Olympus Arrianus, dum blasphemias in sanctam trinitatem ore sacrilego proferret, fulmine ictus, conflagrauit. Anastasius Augustus Euticetis erroribus implicatus, verbū dei in carnem mutatum, & in Christo incarnato vnam tantū esse naturā asseribat: cumq; ab hac impietate ne Hormisdæ quidem summi pontificis admonitione sollicitus recederet, ipse etiam fulmine afflatus periit. Nonne hi omnes tam infelici fine consumpti testantur, nemini tutum esse Evangelicę veritati vlla in parte derogare, & ab ecclesia Christi quicquam vel minimum dissentire velle? Sola quidem adhuc Mahumetana hærēsis extat, & virib⁹ aucta, sequit in Christianos, vt qui Christi sunt, calamitatum patientia probentur, donec & illa sua corruat impietate ac dissoluatur: Quemadmodū autem Iudæorū olim fuit in deum ingratitudo ad idola conuerti, ita nunc nostrorum par flagitium erit, de Christo parū piē sentire. Quod si tam ingrati sint, qui solo errore delinquant, quid de te dicam perfide Iuda? quibus verbis tuam accusē ingratitudinem, quę maior est quā vt fando exprimi queat? Non solum quę vera recta quę erāt, quę salutaria, quę sancta, quę perfecta, à magistro ac domino tuo didiceras, verum etiam in consortium ascitus fueras apostolorum, & tanquam cæteris fidelior apostolicę familię œconomus factus, & oculos habens, vt quę omnibus offerebantur, solus dispensares: at tu (proh nefas) tantorum beneficiorum prorsus immemor, & pecunię cupiditate superatus,

vt XXX.

Arrius.
Olympus
Anastasius
Augustus

Mahumet-
tus.

Iudas.

vt XXX. argenteos acciperes, dominū in mortem tra-
 didisti. Vicisti tuo parricidio Iudæorum ingrati-
 nem: bonum quod acceperant illi, commune cum aliis
 erat, tu speciali priuilegio dotatus, tu in ordinem præ-
 cipuorum Christi comitum vocatus, tu singulari quo-
 dam honore præditus, in tantam excidisti dementiam,
 vt eius proditor fieres, cuius fueras discipulus, vt eū cru-
 cifigendum inimicis offerres, cuius eras natura famu-
 lus, beneficio socius, dilectione frater, promissione co-
 hæres, non terreni patrimonij, sed cœlestis. Nunquid
 te cum cœnaret, à mensa repulit, cum sacramentū cor-
 poris & sanguinis sui discumbentibus porrigeret, præ-
 teriit? cum iisdem pedes lauaret, nunquid nō se ad tuos
 inclinauit? nunquid cum amplecti eum velles, restitit?
 cum osculum offerres, faciem auertit? Omnia quidem
 ille tanquam sibi charissimo indulgit, sed tu omnium
 oblitus, tanquam hosti insidiaberis, tanquam seruum
 vendebas, tanquam parricidam in manus perdere vo-
 lentium dabas. Porro tam cruenti facinoris, postquam
 ille crucifixus est, iam & ipse conscius, peccasse te fate-
 baris, argenteos quos acceperas, proiiciebas. Pœnitebat
 te quidem commissi sacrilegij, sed veniæ spe destitu-
 tus, doloreque superatus, laqueo collum tuum confregi-
 sti, & pendens diruptis visceribus, effluentibusque in-
 testinis infelicem animam emisisti. O dirum & crude-
 le mortis genus, nequitia tamen tuæ conueniens, tuaque
 impietate dignum, non magis quia iustum vendide-
 ris, quam quod de misericordis misericordia despera-
 ueris. Vtrumque sanè inter crimina grauissimum ac
 nescio quod maius, nisi quod alterum remitti po-
 terat, si alterum remissionis impetrandæ aditum non
 præclusisset. Eo igitur tua te perduxit in dominum
 ingratitude, vt pro grauissimis criminibus grauissi-
 mas quoque pœnas dare credaris in inferno, quo cor-
 ruisti. Nunc tu his quidem supplicijs terres nos, ne
 quid

quid finistrum de Salvatore nostro sentiēdo ingrati simus, & tuis flagitiis ostendis cōtrariā illis actiones ad gratitudinem pertinere. Gratus itaque erga dominum ac redemptorem suum erit, qui non pecuniam ipso, sed ipsum pecunia chariorē habuerit, nihil cum ipso simulauerit, nihil in ipsum impiē neq; cogitauerit, neq; fecerit, & nunq̄ de clemētia dei diffusus, omnē salutis suæ spem in ipso sitam fixamq̄ue semper esse curauerit, & tandem mori potius quàm deo peccare optauerit. Atq; hæc hæctenus, nūc autem ad reliquas charitatis partes descendere statuens, arbitror non minimam, sed præcipuam potius esse cum benē viuēdi præcepta didiceris, operam dare vt alios doceas. Igitur prius de illius qui docere vult officio differemus, deinde videbimus quantum iuuat, si adsit qui doceat, & quantum noceat, si absit.

*De officio catholici prædicato-
ris. Cap. II.*

DOcere in ecclesia episcopi officium est, & illorum sacerdotum, qui præsidis autoritate probati sunt. Iosaphat Hierosolymarū rex Leuitas missus dicitur & sacerdotes, vt peragrandō vrbes Iudææ intruerent populum præceptis legis. Christus vt gentibus euangelium prædicarent, apostolos, quos ipse instituerat, destinauit. Euntes, inquit, in mundum vniuersum prædicare euangelium omni creaturæ. Veruntamen qui apostolico isto fungi voluerit munere, eruditione ac virtutibus præstare debet. Alioquin si indoctus fuerit, facile in errorem labetur, & quorum conscientiam curare völet, magis cōsauciabit. Discat igitur prius, & postea doceat, & quod verbis docuerit, operibus cōprobet. Sic egisse dicitur Esdras sacerdos, cū ad reparandam Hierosolymā ab Artaxerxe dimissus redisset. Ita enim scriptum de illo legimus: Esdras autē parauit cor suum

2. Para. 17.

1. Esdr. 1.

suum vt inuestigaret legem domini, & faceret, & doce-
ret. Et apostoli antè spiritu sancto replètur, deinde præ-
dicationis officio fungi iussi sunt. Porro, quod aliis præ-
cipiendo ædificabant, ne aliter agendo destruerent, id
etiam ipsi præstare studuerunt, non minus exemplo do-
centes, quàm sermone. Nam impudens admodum præ-
sumptio est, hoc alios monere, quod ipse non facias, im-
ponere aliis onera graua, quibus ipse dorsum non sup-
posueris. Aut quomò potest aliquis alios reprehendere
his de rebus, quas facere se non ignorat? Turpissimũ est
profectò, cum in corripientem culpa retorquetur, cum
quis in quo alterum accusat, seipsum damnat. Sic igitur
viue, vt præcipis, & ad verba mores confer, & sanus
curationem ægris adhibe ne cum rubore audias: Medice,
cura teipsum. Vobis qui in ecclesia dei ad populum
declamatis, per Isaiam est dictum: Exaltate vocem, le-
uate manum, vt videlicet voci manus consonet, & præ-
ceptis respondeant opera. Quia qui fecerit & docuerit
sic, hic magnus vocabitur in regno cœlorũ. Is demum
aliorum delicta efficaciter arguit, in quo non inueni-
tur, quod alij redarguant. Sit ergo nitis atque submis-
sus, qui humilitatem docet: recedat ab iracundia, qui
patientiam suadet. Castitatem illam seruet, qui stu-
pra adulteriaque detestatur. Nihil improbè agat, qui
docet iustitiam, & inuehitur in vitia. Denique cum Sa-
maritana relinquat hydriam mundanæ vanitatis, qui
paratus est populo Euangelizare Iesum. Caueat quoq;
ne lucri gratia prædicet, siue gloriæ ab hominibus cap-
tandæ. Non terrenum lucrum spiritalibus quærendũ
est disciplinis, sed cœleste. Gratis accepistis, inquit do-
minus, gratis date. Eos autem, qui in templo vendũ co-
lumbas, hoc est, dona spiritus sancti, eiicit flagello, vt si-
delium cõsortio indignos. Et non est domus dei, inquit,
domus negotiationis, sed orationis. Quid ergo: nihil
ne accipere oportet: imò oportet, sed quantum necessi-
tas postu-

Isaiæ. 1).

Matth. 10.

Ioan. 2.

tas postulauerit. Dignus est, inquit, operarius cibo suo, Mat. 10.
 & in lege dicitur: Non alligabis os boui trituranti, vt Deut. 25.
 videlicet & ipse de tritura sua pascatur & viuatur, seque
 sustentet. Ne quid autē vltra quā quod satis est quæ-
 ras, ipse doctorum ecclesiæ princeps Paulus ait: Habentes 1. Tim. 4.
 alimēta & quibus tegamur, his contenti simus. Vi-
 tandā est etiā humanæ laudis captatio, ne pro la-
 bore doctrinæ, laudem quæ à deo est, amittam⁹, ad hæc
 ne illi quidem rectē, qui ecclesiastici doctoris officium
 professi, dimisso Euangelio, quæstionibus nihil ad rem
 pertinentibus occupari solent, qui syllogismos enthy-
 memataque proponendo philosophantur, vel poëta-
 rum figmenta decantant, vel explicandis gentiliū hi-
 storiis immorantur, vel de cœlestium motu syderumq;
 naturis disputant, non quærentes quod saluti conferat
 animarum, sed quod auditorum aures demulceat atque
 delectet. Hi certē à domino audient: Omnia operā sua Mat. 23.
 faciunt vt videantur ab hominibus, plausum enim vul-
 gi quærunt, & docti dici quā sancti malunt, nec vidēt
 quod callidis diaboli suggestionib⁹ supra pinnaculum
 templi statuuntur, vt quo altius ascenderint, grauius
 elidantur cū ceciderint, quid tu ingenium iactas, aut
 rerum multarum cognitionem ostentas, qui non ex his
 quidem, sed ex operibus iudicaris? Magis deo placet san-
 cti rusticitas, quā peccatoris hominum ore laudata
 scientia. Non ergo attendat doctor, quid auditores de-
 lectet audire, sed quid se deceat loqui, nec se putet in
 theatro esse, vt cum fabulam peregerit, astantium plau-
 su excipiat, sed in ecclesia dei, vt postquam piis admo-
 nitionibus eos qui libenter audiunt iuuerit à domino
 capiet mercedem gloriæ sempiternæ. Impigrum quo-
 que ac sollicitum esse decet salutiferæ institutionis do-
 ctorem. Circuibat Iesus (vt Euangelistæ tradunt) totam Mat. 4.
 Galilæam, docens in synagogis eorum, & prædicās euā Luc. 15.
 gelium regni. Et alibi dicitur: Erat quotidie docens in

- Roma.15. tēplo. Intuere præterea indefessam apostoli eius in prædicando curam. Scribens ad Romanos, affirmat quod ab Hierosolymis per circuitum vsq; ad Illyricum omnia repleuerit prædicationibus euangelij Christi, & neque persecutionibus deterretur, nec victus desistit,
2. Tim. 4. in Euangelio se laborare dicens vsque ad vincula. Vide etiam quàm anxie opus hoc Timotheo discipulo iniungat, cum ait: Prædica verbum, in sta opportunè, importunè, argue, obsecra, increpa in omni patientia & doctrina, vt videlicet impleatur, quod in Isaia de Apostolis & ecclesiæ doctoribus prædictum fuerat: Super muros tuos Hierusalem constitui custodes, & tota die, & tota nocte perpetuò non tacebunt. Sed etiam ipsi prophetæ fuit olim à domino iussu dicente: Clama, ne cesses, quasi tuba exalta vocem tuam, & annuncia populo meo scelera eorū. Tāto enim diligentius instandū est doctrinæ salutari, quanto peccantibus maius imminet periculum salutis. Nec semel aut iterum admonendi tibi erunt, sed toties, donec cum psalmista dicere possis, Laboravi clamans, rauca factæ sunt fauces meæ. Magne autem animo verbum domini prædicandum est, neque ob præsentiam potentiorum subterfieri debet veritas, dum vitia reprehenduntur. Gloriatur David coram domino dicens, Loquebar de testimoniis tuis in conspectu regum, & non confundebam. Et in Isaia euangelico doctore præcipitur, Super montem excelsum ascende tu qui euangelizas Sion, noli timere Ionas propheta prædicare iussus, dum homines timet, deo volebat obedire, & cum naui fugeret, orta tempestate in mare præcipitatur, atque à pisce viuus deglutitur. Satiis illi tunc fuerat, incidere in manus hominum, quàm nō obedisse deo viuenti. Ieremias verò ipsius domini verbis animatur ad prædicandum, dicentis: Tu ergo accinge lumbos tuos, & surge, & loquere ad eos omnia quæ ego præcipio tibi, ne timeas à facie eorum: nec enim timere

mere te faciem vultum eorum. Non timuit Ioannes arguere Herodem regem, vt ostenderet non esse timēdos qui occidunt corpus: sed vnum illum, qui corpus & animam simul potest mittere in gehennā. Apostoli ac martyres domini, ne Christum prædicarēt, nec minis principum deterreri, nec tormentis inhiberi potuerunt. Qui enim confidit in domino, sicut mons Sion, non commouebitur in æternum. Paulus cum esset Corinthi, per visionem nocturnā audiuit Christū sibi dicentē: Noli timere, sed loquere, & ne taceas, propter quod & ego sum tecum, & nemo apponetur tibi, vt noceat te. Proteget igitur verbi sui prædicatores deus, donec docendi munus impleant, & cum impleuerint, occidi permittit vt coronet.

Iohannes
Baptista.
Mat. 14.

Acto. 18.

Quid potissime prædicandum sit.

Cap.

12.

PRÆDICANDUM autem est Euangelium, danda pie viuendi præcepta, differendum de beatorum gloria, quatenus fieri potest, poenaque damnatorum, vt peccatores ad poenitentiam excitentur, iusti ad perseuerantiam. Ad apostolos ait Saluator: Prædicate euangelium omni creaturæ. Et de ipsomet in Luca legim⁹, quod iter faciebat per ciuitates & castella, prædicans & euangelizans regnum dei. Hoc idem regnum discipulos iussit nunciare, cum ait: Dicite illis, quia appropinquabit in vos regnum dei. Idem in plurimis quidem Euangelij locis & tenebras commemorat, & gehennam, & tormentorum locum, & vermem immortalem, & ignē æternum. Poenitentiam etiam prædicauit, dicens: Agite poenitentiam, & appropinquabit regnum cœlorum. De discipulis quoque dicitur: Exeuntes prædicabant vt poenitentiam agerent. Ad eos autem qui non indigent poenitentia, est dictum: Qui perseuerauerit

Mar. 16.
Luc. 8.

Idem. 10.

Matth. 4.
Mat. 10.

FF ij vsque

1. Co. 2.

vsque in finem hic saluus erit. Præuaricator non prædicator est, qui ab his discedens aliqua superflua & nihil profutura docet, multa se nosse ostentans. Quid autem prodest multa scire, & deum nescire? Doctor gentium Paulus, missum se dixit euangelizare non in sapientia verbi, vt non euacuetur crux Christi. Nō iudicaui, inquit, me scire aliquid inter vos, nisi Iesum Christū & hunc crucifixum. Vtque doceret aliam esse sapientiam carnis, aliam spiritus ait: Sapientiam autem loquimur inter perfectos, sapientiam verò non huius seculi, neque principum huius seculi, quæ destruuntur, sed loquimur dei sapientiam in mysterio, quæ abscondita est. Idcirco sanè & Timotheo discipulo ad prædicandum destinato.

2. Tim. 1.

Tit. 2.

Formam habe, inquit, sanorum verborū, quæ à me audisti, in fide & dilectione, in Christo Iesu. Et ad Titum? Tu autem loquere quæ decent sanam doctrinam. Non enim sana, sed lāguens & infirma est doctrina, quæ piè sancteque viuendi studio nihil omnino cōfert. Mortifera verò & detestabilis, quæ peruertere gītur veritatem humanæ philosophiæ argutiis. Audi præterea

Proue. 24.

quid tibi sapientiæ antistes Salomon præcipiat, dicens: Erue eos qui ducuntur ad mortem, & qui trahuntur ad interitum, liberare ne cesses. Obseruare quoque debet vitæ spiritualis institutor & doctor, qui de thesauro cordis sui profert noua & vetera, vt quicquid ex libris diuinis recitauerit, non secundum literam occidentem illud interpretetur, sed secundum spiritum viuificantē. Sciat aperire sensus verborum ambage velatos, & in medium proferre, & auditorem emolumenta cōuvertere, vt sunt visa dicta que prophetarum & ceremoniarū ritus ac sacrificiorum, quæ si spiritualiter & per tropologiam non intelligantur, similia deliramentis annilibus erunt. Ideò autem in Leuitico animalia quæ ruminant & vngulā diuidunt, mūda sunt: quia vtiq; is ruminare videtur, qui in lege domini meditatur die ac nocte, &

Leui. 11.

Ate. & tunc ungulam diuidit, cū mysticum sensum à li-
 torali intelligētia separat. Horum igitur scientiam il-
 le qui populum docet, habeat: vt mundum cibum esū-
 rientibus offerre queat, & mentes ad audientū intentas
 alere verbo salutis. Cæterum, meminerit eos lacte alen-
 dose esse, id est, moralibus duntaxat præceptis instruē-
 dos, qui proficere incipiunt, solidum autem cibum p-
 fectorum esse & ad altiora nitentium. His mysterio-
 rum ardua explananda erunt, ut ad concupiscenda cœ-
 lestia magis inardescant, dum diuini eloquij arcana mi-
 rantur. Sic dominus noster montem ascendens docuit
 discipulos, tanquam sublimioris disciplinæ iam capa-
 ces. Descendisse autem de monte dicitur, quando cum
 turba fuit loquendum. Hoc illud est quod in Psalmo le-
 gimus: Ascendunt montes & descendunt campi in locū
 quem fundasti eis. Montes erant, quibus dictum est: Vo-
 bis datū est nosse mysterium regni dei. Campi verò de-
 scendentes, ad quos dicit Apostolus. Facti estis quibus la-
 cte opus est, non solido cibo. Sicut igitur cuique conue-
 nerit, ita doceatur vt omnes salui fiant, semper tamen
 cauendum est, ne rudis interpretes declamet in eccle-
 sia. Mal' enim exponens dicta scripturarum, periculum
 est, ne & ipse in errorem incidat, & alios inducat, quòd
 si (vt dicitur) cæcus cæco dux fuerit, ambo in foueam
 cadent. Hoc Apostolus Galatis, quos ipse docuerat, me-
 tuens ait: Licet nos aut angelus de cœlo euangelizet vo-
 bis, præterquàm quòd euangelizauimus vobis, anathe-
 ma sit. Indocto itaque silere multo satius est, & sua sim-
 plicitate contentum esse: quàm docti officium vsurpa-
 re, & docere velle quod non didicit, aut loqui quod ne-
 scit, cum periculo suo aliorumque salutis. Plerique ta-
 men post eorum qui commendantur sermones læstitan-
 do edidicerint, confidenter prædicant. Tolerandos pu-
 to, dummodo aliquid vltra non præsumant. Sed verē-
 dum est, ne post hæc auditorum palpatione deliniti, se

Matt. 5.

Mat. 8.

Gal. 1.

esse magistros arbitrentur, cum non fuerint discipuli, & aliquid vel addant arroganter, vel mutet inconſultè, vel ſubtrahant licenter. Multi me laudant, inquiet aliquis. Noli multitudini credere. Certius paucorum iudicium eſt, qui in ſe habent, quod in alio laudant. Illud nempè pictoris optimum eſt opus, quod pictores commendant, non quod variis fucatum coloribus coriarij mirantur. Tunc ergo vulgi de tua eruditione opinionibus fidem adhibe, cum idem ſenſerint & periti.

Qui prætermittendi, & qui docendi, & qualiter corripiendi.

Cap.

13.

A Billis verò, quorum nulla ſperatur correctio, qui cum Pharaone obduruerunt, auertenda verbi diuini prædicatio eſt. Apoſtoli ludæorum obſtinatione offenſi, dixerunt. Vobis oportebat primum loqui verbum dei, ſed quoniam repellitis illud, & indignos vos iudicatis æternæ vitæ, ecce conuertimur ad gentes. Sic enim nobis præcepit dominus. Ac ne aliter illum præcepiſſe credas quàm egiſſe, nullum omnino Pilato dedit reſponſum, cum ab eo quid eſſet veritas interrogaretur: quia veritatis inimicus, de veritate ſermonem audire indignus erat. Ideò Paulus & Barnabas (vt in Actis Apoſtolorum legitur) prohibiti ſunt à ſpiritu ſancto loqui verbum in Aſia. Non ſunt igitur mittendæ euangelij margaritæ ante porcos, ne conculcent eas pedibus. Iniuriam ſibi ipſi facit, inquit Salomon, qui erudit deriſorem, & qui impium arguit, ſibi maculam generat. & iterum ait. In auribus inſipientium ne loquaris, quia deſpicient doctrinam eloquij tui. Et fortasſe non leuiter peccat, qui diuina myſteria ibi loquitur,

vb̃i

Actu. 11.

Actu. 16.

Prou. 9.

Prou. 12.

vbi non est auditus, dicēte propheta: In corde meo abscondi eloquia tua, vt non peccem tibi. Illos verò qui libenter audiunt, & vitæ præceptis erudiri affectant, nolle docere cū didiceris impium est. Cur talentum tibi à domino ad negotiandum creditum abscondis in terra serue nequam? Cur otio deditus nihil facis lucri? quam rationem reddes, cū ad illum vacuus redieris? Pastorem te dominus gregi suo præfecit, vides lupum venientem, & fugis: vides diaboli fraudibus ac dolo multorum corda subuerti, & negligis: ciuium tuorum suffodi spirituales domos intueris, & taces canis mutus nō valens, imò nolens latrare. Speculatorem dedi te domui Israël, inquit dominus, audiens ergo ex ore meo sermonem annuntiabis eis ex me. Si me dicente ad impium: Impie, morte morieris, non fueris locutus, vt se custodiat impius à via sua, ipse impius in iniquitate sua morietur, sanguinem autem eius de manu tua requiram. Abs te ergo requiretur perditæ ouis ratio, & negligis? Plebs tibi commissa, famem non panis, sed audiendi verbum dei patitur, & tu suppressis vitæ pabulū? nec attēdis quod scriptum est: Qui absconderit frumenta, maledicetur in populis, benedictio autem super caput vendentium? Dolet Isaias quod regem impium Oziam nō corripuerit. Et vā mihi (inquit) quia tacui. Apostolus quoque. Vē mihi est, si non euangelizauero. At tu otiosus oscitas, & nec maledictione territus, nec benedictione illectus, ad docendum inclinaris. Expergiscere tandem, aperi os tuum populo, lucrare domino, docendo, increpando, exhortando. Hoc fecit Christus, hoc Apostoli, hoc officium Episcopi est, quem te esse profiteris: Tibi dictum puta, quod per Isaiam dicitur: Quasi tuba exalta vocem tuā, & annūcia populo meo scelera eorū: vel quod ad Ezechielem: Notas fac Hierusalem abominationes suas. Duriores acerbius tibi increpandi sunt, iā ad pœnitudinem inclinati, mollius: Corinthios interro

Psal. 118.

Ezech. 32.

Prou. 11.

Isai. 6

1. Cor. 9.

Isai. 58.

Eze. 16.

1. Cor. 4.

gat Apost. Quid vultis (inquit) in virga veniam ad vos, an in charitate & spiritu mansuetudinis? Ita autem moderanda correptio est, vt & mordeat peccatorem, & spē veniæ consoletur, ne ille abundantiori tristitia absorbeat. Fragilitatis tuæ memor, aliorū infirmitatibus medere, & ad mentem reuoca præceptum Apostoli dicentis: Si præoccupatus fuerit homo in aliquo delicto, vos qui spirituales estis, instruite huiusmodi in spiritu mansuetudinis, considerans te ipsum ne & tu tēteris. Hoc est, quod optat sibi Psalmista, dicens: Corripiet me iustus in misericordia, & increpabit me. Optimum in p̄fide temperamentum est, miseratione cum iustitia. Misericordia enim sine iustitia, peccandi præstat audaciam. Iustitia sine miseratione, instar crudelitatis est, altera alterius op̄e indiget, vt correptio ipsa & corripientem comendet, & emendet peccantem.

Vt prædicator ab adulatione procul sit, & prædicandi tempora obseruet. Cap. 14.

AB assentatione autem procul abesse peccatorum castigatorem decet, vt nihil ad gratiam audientium dicat, sed ad profectum optimique medici more vtatur, adhibens vulneribus, curationem, nō quæ delectet malè affectum, sed quæ sanet. Vetat lex hœdū coquere in lacte matris suæ, hoc est, peccatorem blanditiis fouere. Non debes quærere tu qui prædicatoris officio fungeris, vt hominibus placeas, sed vt homines ad deum dirigas. Audi Apostolum dicentem: Si hominibus placerem, Christi seruus non essem. In eo placeas hominibus, in quo places deo. Alioqui non dei, sed hominū eris seruus. Multo melius est veris offendere, q̄ placere adulando: & malum incusare, vt corrigatur, q̄

dissi.

Gala. 6.

Psal. 141.

Exod. 34.

Gala. 1.

disſimulare vt inualeſcat. Tempus etiam prædicationi cõgruũ quærat: nõ ſẽp ſeculi hominibus prædicationes vacat audire. Oportet igitur vt fidelis ſeruus & prudens, quem conſtituit dominus ſuper familiam ſuam, det illi in tempore tritici mẽſuram. Vbi obſeruandũ eſt, quòd non ſolũ tempore apto opus ſit, vt data proſint, ſed etiam meſura, vt neque plus neque minus dicatur, quàm neceſſe fuerit. Accommodatiſſima autem huic negotio tempora erunt, ieiuniorum dies, qui antè feſtum dominicæ natiuitatis, dominicæque reſurrectionis ſolennes habentur. Tunc tempus acceptabile, tunc dies ſalutis, tunc meſſis tempora ſunt, in quibus plus frugis colligi ſolet. Et qui congregat in meſſe (vt in Prouerbiis dicitur) filius ſapiens eſt. Si quando alias contigerit, vt vel ad ſupplicandum vel ad pœnitendũ plebem exhortari opus erit, vel ad ſedandas ciuium inter ſe ſeditiones odiaque tollenda, tunc quoque prædicationibus erit inſiſtendũ, vt in radice reprimatur malum ne pullulet, & in mortem multorum fructificetur.

Luc. 12.

Proue. 10.

De prædicantium meritis.

Cap.

15.

Quiſquis in his quæ dicta ſunt, diuinæ laudis gratia ſalutisque proximorum ſeſe pro viribus exercuerit, multa quidem in terra, ſed plurima in cœlo beneficia conſequetur. Spiritu ſancto illuminabitur, ſcientiæ capiet incrementum, vim inſuadendo diſſuadendoque acquirat. Siquidẽ ipſe vnus in trinitate deus, hoc viſibiliter apparere fecit in Apoſtoliſ, quod poſtea in eorum, ſucceſſores operaturus erat inuiſibiliter. Viſæ ſunt ſupra illos, qui ad euangelizandum mittendi erant, igne lingue, & ipſi repleti ſpiritu ſancto cœperunt loqui (vt Lucas inquit) variis linguis, prout ſpiritus ſanctus dabat eloqui illis. Tu quoque ô ſacerdos, qui

& an-

& antè vt disceres quæ D E I sunt , omnem curam operamque adhibuisti , & postea vt doceres, synce- ro corde feruentique in D E V Mac proximos cha- ritate pulpitu in scendisti , si sapienter , si egre- gie , si efficaciter verba feceris , nihil tibi arroges, nihil tuo vel ingenio vel studio plaudas, totum hoc spiritus sancti gratia est, totum donum D E I est. Non vos estis , inquit , qui loquimini , sed spiritus patris vestri qui loquitur in vobis. Hoc si habes, iam certis- sima futuræ beatitudinis spe oppignoratus es , iam beatus dici meruisti, iuxta illud Psalmistæ : Beatus homo quem tu erudieris domine , & de lege tua do- cueris eum . Sic se eruditum confitebatur P A V- L V S , licet multa à Gamaliële didicisset , cùm diceret : An experimentum eius quæritis qui in me loquitur C H R I S T V S : Excusabat immaturam ætatem Ieremias ad populum loqui iussus, imparem- que se huic rei asseuerabat, quando tetigit os eius do- minus , dicens : Ecce ego dedi verba mea in ore tuo, ecce ego constitui te hodie super gentes & super re- gna vt euellas & destruas & disperdas & dissipes & ædifices , & plantes . Tu quoque si tuis sermonibus auelli videris vitia , & virtutes plantari in cordibus eorum quos doces, contactum à spiritu sancto os tu- um esse scias , & de labiis tuis non tua , sed D E I ver- ba processisse . D E V S est qui aperuit os mutorum, & linguas infantium fecit disertas : D E V S est cuius vox in virtute & in magnificentia, superborum ce- dros confringens, & humilibus præstans gratiam. Vox ista euangelicæ prædicationis est, arrogantes de- sistuit , & in D E O tantum confidentibus se commo- dat , ita vt interdum qui minus eruditus est, efficaciã in dicendo habeat, magis que satisfaciât prudenti au- ditori . Sic enim per prophetam dicitur : Dominus dabit

Mat. 10.

Psal. 93.

2. Cor. 13.

Psal. 67.

dabit verbum euangelizantibus virtute multa. Igitur quemadmodum virtus ista, vt in Euangelio est dictum de Salvatore nostro exhibat, & ægros per tactum vestimentorum eius curabat, ita peccator fidelis ac sancti doctoris voce in intima cordis contactus ad pœnitentiam operaque virtutis conuertetur, & animæ suæ languorem conualuisse sentiet, occulta spiritus sancti medicatione. Prædicator quippe medicus animarum est, & cum in homine nihil preciosius habeatur anima ipsa, præstantissimum diuinæ liberalitatis donum est, animæ languoribus succurrere scire, & vineæ manu D E I confitæ operarium, atque in multam messem mitti à domino messis, vt frugem colligas in horreis cœlestibus reponendam. Magnificum est mensæ diuinæ esse conuiuium, sed magnificentius ab ipso mensæ domino dignum iudicari, vt sis conuiuiarum inuitator, & ad sponsi nuptias conuocator multorum atque collector. Cui hoc fuerit concessum, dici de illo poterit, quod de Iohanne Baptista fuit dictum: Et tu puer propheta altissimi Lucæ. i. vocaberis, præbis enim ante faciem domini parare vias eius, ad dandam scientiam salutis plebi eius in remissionem peccatorum eorum. Propheta enim altissimi, sacrarum interpretes scripturarum est, qui tunc quidem ad cor audientium parat viam domino, cum illi verbis eius edocti, à peccatis per pœnitentiam purgantur, & virtuti studere incipiunt. Eisdem conuenient laudes illæ quæ Apostolis à domino datæ sunt, dicente: Vos estis sal terræ. Verè enim sal terræ est, cuius præceptis humana mens conditur, ne corrumpatur contagione vitiorum & contabescat. Vos estis lux mundi. Lux mundi est, cuius Matth. s. verbis & exemplo fungantur tenebræ ignorantiae alienæ.

runtur noua & vetera. Vos aurum quo templum veri Salomonis linitur. Vos templū dei viui, qui in vobis manēs emittit eloquium suum terræ, & per os vestrum velociter currit sermo eius. De hoc sermone est scriptum: **Prouer. 20.** Fauus mellis verba composita, dulcedo animæ, sanitas ossium. Omnis quippe sermo cœlestis, animæ fideli & iucundus est & gratus, quandoquidem & delectat multū, & virtuti studio plurimum confert. Quoties autem altiora repetitis, & mentis indagine illa quæ in mysterio condita sunt, elicitis, & in lucem profertis, vobis cōuenit quod in Prouerbiis dicitur: Aqua profunda verba ex ore viri, & torrens inundans fons scientiæ. **Prou. 18.** Quoties verò audacter & intrepidè ī vitia inuehimini, colūnae estis firmæ fulcientes veritatem. Ob hoc Paulus Apostolus Petrum, Iacobum & Iohannem vocauit columnas, quarum stabilimentum a domino est, quod in Psalmo de ecclesia loquens, ait: Ego confirmaui columnas eius. Ad hæc etiam montes estis, quos nulla ventorum vis concutit, nullus procellarum turbo commouet, de quibus in psalmo dicitur: Montes in circuitu eius, hoc est, ecclesiæ, & dominus in circuitu populi sui. **Psal. 124. Eccl. 11.** Quid ultra dicam? Vos plenæ illæ nubes estis, de quibus Ecclesiastes ait: Si repletæ fuerint nubes, imbrem super terrā effundent. Sapientia enim repleti diuina, non cessatis præceptis pluiere doctrinarum. Vos estis cœlum late resonans, tonitru fidelium eloquiorum, de quo in Psalmo prædictum fuit: Intonuit de cœlo dominus. Et in alio psalmo, Annuntiabunt cœli iustitiam eius. Et rursum in alio: Cœli enarrant gloriam dei. Vos denique non solum montes vel nubes vel cœli, sed quæ omnium nobilissima creatura est, angeli dei estis, non naturæ cōmercio, sed officij dignitate. Nuncius dei angelus est, nuncij dei sancti prædicatores sunt. Vnde sicut de Iohāne Baptista in Malachia dixit deus: Ecce ego mitto angelum meum, qui præparabit viam ante faciem meam, ita & vobis

Mala. 3.

Apoc. 2.

vobis dicitur: Parate viam domino. In Apocalypsi etiā ecclesiarum præfecti, quos nos episcopos dicimus, angelii appellantur. Ille autem verius angelus est, qui sua doctrina ædificat ecclesiam, quā qui ecclesie tantum præses est, & docēdi laborem otio superatus fugit. Plaudant igitur sibi, qui aurum argentumque lucrantur, qui magnum pecuniarum quæstum faciunt, qui vrbes expugnant & regna suo subdunt imperio. Vos animas domino lucramini quibus nihil est preciosius, nihil in natura humana excellentius, vos ergo melius, qui muros Hierusalē ædificatis, qui ad cœlestem patriam exules reuocatis, vt cū illis, imò & super illos regnetis. Vos enim constituet dominus super familiam suam, & super omnia bona sua. Tunc perpetui reges æterni; domini eritis omnium illorum, quos vestris prædicationibus, vestraque doctrina conuersos, de terra ad cœlū trāsmigrare contigerit. Et tūc demū Christus vester, rex regū & dominus dominantium erit, cū vos aliis præesse iusserit, tribulos vel chiliarchas animarum, quas ei lucrati estis, constituens.

De prædicantium beatitudine.

Cap.

16.

Isaia, 52.

Iohan. 4.

SV mite igitur calceamenta in pedibus ad præparationem Euangelij, vt cū cœlestia prædicaueritis, terrena nō cōtingatis, & devobis dici queat. Quā pulchri pedes annūtiatiū & prædicantiū pacē, & annūntiantium bonū. Excitet vos dei amor, proximorū charitas promissaque vobis beatitudinis merces. Qui enim fecerit, & docuerit sic, magnus vocabitur in regno cœlorum. Et qui metit, mercedē accipit, & cōgregat fructū in vitā æternā. Et qui talētis domini totidē alia lucratus fuerat, dixit dominus: Euge serue bone & fidelis quia sup pauca fuisti fidelis, sup multa te cōstituā, intra in gaudium domini tuī. Talenta quæ ad negotiandum dantur,

dantur, scientia spiritalis est, talenta verò quæ superlu-
 crantur, opera sunt tum nostra secundum scientiæ do- Matth. 6.
 num facta, tum eorum quos docendo & exhortando vt
 eadem facerent, alleximus. In Isaia etiam beatos vocat Isaia. 32.
 dominus doctrinæ sanctæ dispensatores. Beati, inquit,
 qui seminatīs super omnes aquas, immittentes pedem Deut. 22.
 bonis & asini, hoc est, Iudæi & gentilis, quod quidem ad
 Euāgelij tempora pertinet. Antehac enim lex vetabat
 arare in boue & asino simul. Dominus quoque aposto-
 lis præceperat: In viam gentium ne abieritis. Nunc au-
 tem seminatur super omnes aquas, pes bouis & asini
 simul immittitur, postquā ipse dominus asinam solui
 iussit, & asino insidens ingressus est ciuitatem, manda-
 uitque Euangelium omnibus vbique gentibus prædica-
 ri. Beati igitur erunt, qui verbi dei semen, vbicunque
 fruct⁹ aliquis speratur, studuerint seminare. Qui enim
 conuerterit peccatorē (vt Iacobus apostolus ait) salua Iacobi. 5.
 bit animam eius à morte, & operit multitudinē pecca-
 torum. Quanti autē meriti sit, peccatorem ad pœnitē-
 tiam inducere, & à vitio ad virtutem reuocare, ostēdit
 dominus ad Ieremiā, dicens: Si conuerteris conuertam
 te, & ante faciē meā stabis. Quæ sanē beatitudo par vi-
 detur angelicæ felicitati, qui & stare dicuntur in cōspe-
 ctu dei patris, & faciē eius perpetuò cernere. Atq; hæc
 sunt bona illa ineffabilia, quæ sciētia & probitate præ-
 ditis debentur præceptoribus, dicēte Salomone: Erudi- Prove. 6.
 tus in verbo reperiet bona. Dicente etiā angelo ad Da- Daniel. 12.
 nielem: Qui docti fuerint, fulgebūt quasi splendor fir-
 mamenti: & qui ad iustitiā erudiūt multos, quasi stellæ
 in perpetuas æternitates. In quo videtur maioris præ-
 stantiæ fore illorū beatitudinē q̄ aliorū sanctorum.
 Quandoquidē iis rebus cōparantur, quæ inter ista no-
 stro aspectui patentia, omnium pulcherrima apparēt,
 & terram omnem suo illustrant lumine. Ad hæc, si eos
 in terram præ cæteris reuereri iubemur, quomodo nō
 etiam

1. Timo. 3.

etiam in cœlo altiore[m] honoris gradum adipiscuntur?
ait enim Apostolus: Qui benè præsunt præsbyteri, dup-
plici honore digni habeantur, maximè qui laborant
in verbo & doctrina.

*Quantum prodest habere prædica-
torem. Cap. 17*

1. Re. 12.

Ioas,

1. Efd. 10.

Prou. 13.

Psal 50.

Satis multa de officio Apostolici prædicatoris hac-
tenus dicta sunt. Restat nunc videndum, quantum
populo profit habere sanctum atque eruditum piè
iusteque viuendi præceptorem, & econtrario quântū
noceat si defuerit. Præsente illo erigimur, stamus, pro-
ficimus: absente illo labi atque cadere solemus. Ioas rex
Iuda, donec Ioiadæ sacerdotis cōsuetudine consiliisque
usus est, piè probeque vixit: illo morte sublato, ad vitia
declinauit. Cæteros reges omnes, qui fidei morumque
sanctitate probantur, educatos institutosque vel à sa-
cerdotibus, vel à prophetis fuisse constat. Samuel docu-
it Dauidem, Nathan Salomonem, Micheas Iosaphatū,
Osee Ioathanum, Isaias Ezechiam, Ieremias Iosiam, Es-
dras populum, ita vt illo monente repudiarent vxores,
filiosque abdicarint, quia contra dei legem alienigenas
acceperant, prolemque cum his multā susceperāt. Dif-
ficilè fuit vxores dimittere, difficilius ex se genitos à se
separare. Vtrunque tamen factum sacerdotis adhorta-
tionibus historia sacra testatur. Tantum ergo prodest
idoneum habere doctorem, qui vitia increpet, & ad vir-
tutē accēdat, vt ipso audito, etiā ea quæ incorrigibilia
videntur, corrigantur: & quæ vix separari queunt, eue-
niāt. In Prouerbis à Salomone est dictū, Legat^r fidelis,
sanitas. Et iterum: Vena vitæ, os iusti. Dauid quoque
in Psalmis: Docebo, inquit, iniquos vias tuas, & impij
ad te conuertentur. Ille sanitas est, quo docente à pecca-
torum morbo grex infirmus conualefcit. Ille vena vitæ
est,

est, per quem qui in peccato mortui erant, ad virtutem capeffendam viuificantur. Tunc autem impius ad deū conuertitur, cum sermonibus prædicatoris instructus, relicto errore, ad viam sese confert veritatis. Quid verbis opus est? Experimenta docent, quàm sit expediens prædicationes audire. Sæpe vidimus his auditis, iudeos baptismum poscere Christi, seculares viros ac mulieres religionis vota suscipere, & quæ perfectionis sunt, libera voce profiteri. Prædicationes igitur audiēdo, homines ex malis boni euadunt, ex bonis meliores, ex melioribus perfecti, & ex perfectis beati. Atque ita demum de terra transferuntur ad cælum, vt fiant de mortalibus immortales, de terrenis cœlestes, & si fas est dicere, de hominibus dii. Quod si magni emolumenti res est patriam obsidione hostili liberari, inimicorum exercitus profligari, regni fines longè latèque diffundi, & actis tandem viribus à bellorū tumultu quiescere, tranquillique ac pacati status optata felicitate frui, nōne vtilius est, vt animæ vitiorum oppressæ iugo, in libertatem vendicentur, vt diaboli potestas virtutum profectu conteratur, vt caro seruiat spiritui, & homo ipse nō aliis, sed quod multo gloriosius est, sibi ipsi imperet, sibi que dominetur? Si enim nihil prodest homini mundum vniuersum lucrari, & animæ suæ pati detrimentum, consequens est vt animæ profectus pluris sit, quàm vrbes debellare, quàm terrarum orbem sibi subdere, & omnibus quæ vbi que sunt nationibus præesse atque dominari. Adde quod multi reges ac principes, qui ab hominibus honorantur, deo exosi sint. Quicumque autem probè sanctèque vixerit, siue liber, siue seruus, non potest ei non esse gratissimus quidem atque charissimus. Quid autem iuuat regnis præsidere, & ab ipso rege regum reprobari? Regnum tibi si hostis non abstulerit, certè auferet mors, quæ semper propinquior est quàm creditur. Cœlestis verò beatitudinis præmium, perpetuum est

tuum est & perrenne. Nullius metuet, qui illud consecutus fuerit, nullos casus formidabit, semperque felix ac beatus erit, quem semel dominus in suum receperit regnum. Et si ad tantum ac tale bonum per sanctorum doctrinam peruenitur, nulli dubium est quin super omnia conducibile sit, sanctas in ecclesia auscultate prædicationes, & earum institutionibus in viam dirigi virtutum. Audisti quantum expedit habere vitæ institutorem, audi è diverso, quanti detrimenti sit eo carere.

Quantum nocet prædicatorem non habere. Cap. 18.

Malarum voluptatum illecebris deliniti homines, in omne nephas licenter irruent, si nemo sit qui improbè luxuriantes eloquij viribus coercet atque moderetur, & futurorū expectatione à præsentium cura auertat, vt vel poenarū metu, vel spe præmiorum à vitiis ad virtutem transferantur. Hoc Salomon in Prouerbiis testatur, dicens: Cum propheta defecerit, dissipabitur populus. Dissipabitur itaque populus, non corporum motu, sed quod deterius est, inconstantia morum, carni magis quàm spiritui seruiendo. Neque enim fieri potest, vt sit ibi virtuti locus, vbi non est qui doceat virtutem. Hinc idem ait: Vbi non sunt boues præsepe vacuum est: vbi autem plurimæ segetes, ibi manifesta fortitudo bouis. Nam quemadmodū de labore bouum paleis ac fœno impletur præsepe, ita per studium prædicationis auditorum corda imbuuntur præceptis iustitiæ, exemplisque virtutum & fructū faciunt operando quæ didicerunt. Atque tunc bouis triturantis, cuius os vinciri lex prohibet, fortitudo apparet, cum in plebe, vbi lolium & steriles auenæ erant, bouum actionum seges exurgit. Porro vbi non sunt boues isti ibi præsepe, non solum vacuum est, sed etiam im-

mundum.

Proue. 20.

Proue. 14.

mundum. Tunc enim luxuriæ frena laxantur, gulæ ventrique indulgetur, tunc impudicitia amittit verecundiam, iniustitia metum, avaritia modestiam: tunc odia concipiuntur, iræ exardescunt, rixæ sæviunt, & quolibet flagitij genere liberè peccatur, cum non adest qui peccantes verbo correptionis castiget, & sermonibus doctrinæ salutaris incitet ad probitatem. Fit autē plerunque, & plebs aliqua propter scelerum magnitudinem cordisq̃ue duritiam indigna sit, cui deus mittat sui verbi doctorem. Vnde per Amos prophetā ait Mit-
tam famem in terram, non famem panis, neque sitim
aquæ, sed audiendi verbum domini. Itaque verendum
est, si in ciuitate suis temporibus non affuerit euange-
licæ disciplinæ prædicator, ne ad extremum vsque sce-
lerum peruentum sit. Quod cum acciderit, nihil reli-
quum est, nisi vt funditus euertatur gens illa & pereat,
quæ ab eo, cuius nutu cuncta sustentatur, derelicta erit.
Sunt præterea qui discere quidem vellent, sed non est
qui doceat: esuriunt & sitiunt iustitiam, & non inue-
nitur, à quo præceptis iustitiæ saturentur. Hos deplo-
rā. Jeremias, & ait: Adhæsit lingua lactantis ad palatū
eius in siti. Paruuli petierunt panem, & non erat qui
frangeret eis. Hi certè miseratione digni, quia dum bo-
nis exaturari cupiunt, malis quomodo sciunt, abstinēt.
Ne quem autem scrupulum patiantur erroris, orādum
est vt mittat dominus operarios in messē suā. Quic-
quid interim patiūtur, pastorum culpa sit, qui præiūnt
ecclesiis, & dum seiplos pascunt, gregis esurientis peri-
culum negligunt. Quod si eorū incuria ovis aliqua pe-
rierit, sanguinis eius rei erunt. Dominus Iesus redēptor
noster aluit turbam in deserto, ne deficient in via: vt o-
stenderet eos in via vitæ deficere, qui non habent ducē,
à quo perducī possint ad vitam. Nulla autem maior ho-
mini cōtingere potest pernicies, q̃ à recti honestiq̃; tra-
mite deuiare. Tam ergo malum est carere viuæ vocis

Amos, 8.

GG ij hortato-

hortatoribus adiucōcenda vitia virtutesque capeffendas, quā bonum eos habere. Quare vos omnes, qui in deserto feculi huius vitam agitis, & terrenarum rerum solitudinibus occupamini, quærite pium, quærite sanctum opportunis temporibus vobis monitorē, quo declamante & modestius discatis vivere, & meliora possitis sperare. Vos quoque qui dono dei spiritualis doctrinæ scientiam estis consecuti, incumbite operi officioque prædicandi ac docendi. Cogitate quanti apud deū meriti sit, catholicis fidelibusque præceptis erudire indoctos, & vel vnum vel alterum Christo lucrari. Quanta etiam dilectionis argumentum, omnes docere, ut omnes vobiscum simul saluentur. Non sit vobis graue, vrbes, vicos regionesque percurrere, & illos imitari, de quibus scriptum est: In omnem terram exiuit sonus eorum, & in fines orbis terræ verba eorū. Qui non modo illos qui tunc erant, docuerunt, verumetiam posteros omnes qui sunt quique deinde erunt, ad quoscunque scripta illorum peruenerint, Ac ne quid ex his quæ in terra fiunt, sanctorum labore doctorum maius esse credatis, hoc labore fundata est Christi ecclesia, hoc æuificata, hoc permanet & aduersum hæreses inuicta, & aduersum vitia immobilis, nisi enim scripsissent illi, quibus datum fuit nosse mysterium regni dei, quis nunc quæ vera sunt disceret? quis doceret? A prophetis, ab apostolis, à reliquis ecclesiæ sanctæ magistris didicimus, quæ nunc docemus. Ipsorum profectò qui discipulus non fuerit, non poterit esse utilis præceptor aliorum.

De corporis manuūque labore. *Cap. 19.*

Quoniam verò prædicandi ac docendi exercitatio ad eruditos tantum pertinet, simplicibus & indoctis eam dabimus exercitationem, quæ corporis

corporis manuumque labore constat. Iuuat enim post soluta precationum sacrificia operis aliquid facere, vt habeat mens & cogitatio in quo se occupet, & minus libera sit facultas euagādi per illas rerum temporalium vanitates, quæ vel inuitis nobis obrepere interdum & obuerfari animo solent. Honestus quisque labor monacho conuenit, aut legere aut scribere quæ sancta sunt pingere etiam vel fingere sanctorum imagines, quarū contemplatione accendatur ad virtutem. Item in orto plātas ponere, sarculo inutiles herbas excerpere, humum ligone versare, riuulis irrigare, & si quid aliud res exegerit, olitoris opera perficere. Præceptum est enim: Non oderis laboriosa opera, & agricolationē creatam ab altissimo. Præterea fīscellas lentis viminibus texere, ligna dolare, onera ferre, & quicquid dei seruo nō illicitum factu creditur peragere: neque committere, vt inertia victus quiescat, & quæ prædicationi aut lectioni supersunt tempora, otio sibi perdat. Ista autem ô monache, quæ tibi facienda iniungimus, ne quasi vilia & abiecta contemnas: illi qui talia factitarunt, à domino sublimati sunt, piscabatur Petrus cum aliis, etiā post acceptum apostolatū. Paulus funiculos intorquebat, ne quem sui victus impensa grauaret, nunc à regibus terræ venerantur. In humili igitur opere exerceri ne asperneris, qui cum Christo cupis in cœlestibus regnare. Non te pudeat pauimenta monasterij, vt munda sint, verrere, vasa mappasque lauare, coquinam facere, esculenta poculentaque aliis ministrare. Non puduit omnium dominum, seruis suis pedes abluere, tergereque ablutos. Qui talia detrectat, scias illum nondum ad humilitatis virtutē peruenisse. Seruilia igitur opera fac, vt humilieris: laboriosa, vt carnis petulantiam domes, venalia, vt victum pares: religiosa, quæ pingendo vel fingendo sunt, vt quod professus es constantius exequaris. Etenim sanctorum simulacra siue picta, siue ficta, si

Eccli. 7.

Petrus
Paulus

iugiter spectentur, stimuli sunt desidia fugienda laborisque subeundi, dum ad mentem nobis reuocant, quibus artibus ipsi sancti æternam beatitudinem consecuti sint. Hanc certè adepti sunt: Antonius qui sportulas de palmarum foliis texuit: Hilarion, qui ligna cõcidit: Serapion, qui cum suis discipulis messis tempore operã locabat, vt inde haberet quod ipsorũ victui annuo sufficeret. Archebius qui suis manibus cellas construebat quas aliis donaret. Pacomius cui cũ suis monachis propositum fuit manuum labore victum quærere. Dorotheus qui diuenditis quas texuerat sportulis, precium quod victui superesset, pauperibus erogabat. Non prauis cupiditatibus resistere non ad perfectionem vitæ peruenire potuissent: si subcisiua tempora otio contriuiissent. Labore quippe corporis vegetatur intellectus, voluptatũ appetitio coërcetur, superbia frangitur, virtus retinetur, & quicquid per otium corruptum fuerit, per laborem instauratur. Deniq; operum orationumque vicissitudine diaboli tentamenta superantur, & in proposito vitæ sanctioris in finem vsque perseueratur. Si paupertatem professus es, magis liber eris cum manuum labore victum quæsieris, quàm cum eleemosynã acceperis. Laboramus, inquit Pãulus, manib⁹ nostris. Et si manibus laborabat is, cui vt Christũ prædicaret in iunctum fuerat, quanto magis ei labor hic necessarius est, qui neminem docet, cui post dictas deo laudes otian dũ est, nisi se alicui corporis labori accingat. Ad Thesalonicensis ille scribens, fatetur opera manuum fecisse se, ne quem grauaret subsidia vitæ poscendo pro ministerio verbi, quamuis id liceret, volens potius dare se in exemplum operandi victus gratia, quàm poscõdi, & si quis non vult operari, inquit, nec māducet. Cumque esset Ephesi (vt Lucas refert) ad maiores natu locutus est: Argentum & aurum aut vestem nullius concupiui si cut ipsi scitis, quoniã ad ea quæ opus erant mihi, & his qui

Antonius
Hilarion
Serapion

Archebius
Pacomius

Dorotheus

Labor
corporis

1. Corint. 4.

2. Tessa. 3.

Ibidem.

Actu. 20.

qui mecum sunt ministraverunt manus istę. Hunc ergo qui inter apostolos plus oĩbus operę impendit in prædicando & scribendo, si sequi in istis non potes, imitare saltem in manuum exercitio ac labore. Sic enim & necessitatibus vitę tuę consulēs, & simul vanis cogitationibus facillē dabis repulsam paratior quę ac promptior ad soluenda precum vota redderis. Nam quemadmodum varius cibus appetentiam edendi prouocat, & cœna placet in qua apponuntur alię dapes diuersęque ab illis, quę in prandio fuerunt, ita & orationem gratiorem faciet magis quę delectabilem alterius operis vicissitudo. Quod autem ait dominus: Nolite solici ti esse animę vestrę quid manducetis, neque corpori vestro quid induamini, sollicitudinem metuendi, ne vitę necessaria desint tollit, nō laborem adimit, vt simul quod in te est facias, & omnium in deo spem habeas firmam atque stabilem. Otiosi autem vana est spes. Terra ipsa non reddet fruges, nisi araueris, sementem quę feceris. Primo homini dictum est, In sudore vultus tui vesceris pane tuo, & tu panem parare tibi posse putas nihil agendo, vel cupidines malas vincere & sensibus imperare? Crede mihi, non otium hęc omnia superat, sed labor improbus (vt poëta inquit) & duris vrgens in rebus egestas. Monachū itaque & pauperem & laboriosum esse oportet: pauperem vt in deo diues sit: laboriosum, vt facilius perueniat ad quietem. Vnde dono dei sapientissimus Salomon mittit te ad formicam, vt eius exēplo tibi aliquid pares, quo postea es vsurus, hoc est, vel victum ne esurias, vel in operando occupationē, ne carnis diaboli quę oppugnationibus per inertiam succubas. Ingētem (vt idem ait) formicę farris aceruū Cum populant hyemis memores, tecto quę reponunt, It nigrū campis agmen, prædam quę per herbam Conuectant calle angusto, pars grandia trudent Obnixē frumenta humeris, pars agmina cogunt, Castigant quę moras,

Lucę. 14.

Prou. 6.

opere omnis semita feruet. Tu ergo istas imitatus futurorum memor, præsentia benè dispone, & callem angustum ingredi, qui ducit ad vitam, non latum qui ducit ad perditionem. Suppone humeros labori, vt aliorum quoque desidiam somnicolosam tuo excites exemplo. Nullam interim lassitudinem timeas, laborantem adiuuabit dominus, & adiuuando consolabitur. Laborabant contra ventum remigando Apostoli, quando saluatore in nauiculâ ascendente cessauit turba & fluctus quieuerunt. Vocat quoque eos dominus qui laborant, dicens: Venite ad me omnes qui laboratis & onerati estis, & ego reficiam vos. Hanc tu refectionem intra te senties, quoties quicquid agis, ad eum finem direxeris, vt prius domino tuo seruias. Omne quodcūque facitis (inquit Apostolus) in verbo aut in opere, omnia in nomine domini nostri Iesu Christi facite, gratias agētes deo patri per ipsum. Facere opus & gratias agere simul iuberis, vt & manum cum Martha ministerio occupatâ habeas & mentem cum Maria diuinæ contemplationi intentam, Operari præterea manibus debes, non modò vt necessaria compares, vel mali tentamēta vincas, verum etiam vt habere possis, quod aliis impartias, dicente Apostolo: Qui furabatur, iam non furetur, magis autem laborēt manibus suis quod bonum est, vt habeat communicare ei qui indiget. Hoc idem suo te exemplo hortatur mulier illa fortis, de qua scriptum est: Quæ fuit lanam & linum, & operata est consilio manuum suarum. Deinde sequitur: Manum suam aperuit inopi, & palmas suas extendit ad pauperem. Grandis profectò charitas, non tam pro sua quàm pro aliorum inopia laborare, & operi propterea libentius incumbere, vt colas pietatem. In fine dicitur, Date ei de fructu manuum suarum, & laudent eam in portis opera eius. Ex quo discimus, quod charitatem sectantis labor, bonis tandem compensetur sempiternis. Verū tamen ne quis impru-

Mat. 8.

Matt. 11.

Col. 3.

Ephe. 2.

imprudenter supponat dorsum suum oneri, quod ferre non satis præualet, pensandæ vires sunt, moderatèque agendum. Nemo iumentum suum plus iusto onerat, & si illud viderit sub fasce gemere, ac titubanti vestigio malè incedere, demit aliquid, vt pondus eleuet & ad mensuram oneratum ire dimittit. Haud aliter tibi de iumento corporis tui faciendum erit, alioquin iumentis quibusdam minus sapere videberis. Camelus enim neque vltra solum procedit spatium, nec plus instituto onere recipit. Quod si maius ferente fuerit onus necesse est vt opprimat, incòsulta effluunt, moderata autè durant. Neque enim qui tulerit laborem, sed qui pertulerit, æternæ quietis beatitudinem consequetur.

De otio inutili & infructuoso. Ca. 20

VT autem & corporalis & spiritalis operis labore cupidiùs ardentiusque subeamus, inertis otij vitium quàm detestabile sit còsideremus. Arguitur stultitiæ qui laborem deuitat, dicente Salomone: Qui sectatur otium, stultissimus est. Idem pusilli animi esse dicitur, Pigrum, inquit, deiicit timor. Somno etiam magis quàm vigiliæ deditus est. Pigredo, inquit, immittit soporem. Idem tam virtutis quàm rerum egens erit. Dicitur enim: Egestatem operata est manus remissa, & iterum. Propter frigus piger arare noluit, mendicabit ergo æstate, & non dabitur illi. Otiosus ergo & stultus est, & meticulosus, & somnolentus, & animi fortunæque bonorum egens atque inopiosus. Nihil tamen in se peius habet otium, quàm quod pateat còcupiscentiis. Vnde dicitur: In desideriis est omnis otiosus. Et rursum: Multam malitiam docuit otiositas. Cùm autem otiosus malitiam didicerit, flagitiis que se onerauerit, iacet in illis, & torpore victus vix vnquam de resurgendo cogitat. Nam si quando ad se rediens culpam agnoscat, impossibile sibi videtur, vt ab ea desistat. Et interdum

Prone. 12.

Proue. 18.

Proue. 16.

Proue. 10.

Eccl. 33.

Thren. 3. dum ipse de sua pigritudine conqueritur, intra se cum propheta dicens: Circumædificauit aduersum me, vt non egrediar, aggrauauit compedem meam. Sed cum liberum sit non peccare. Nihil prodest difficultatem à peccato cessandi prætere. Et quoniam animæ otio marcescentis ista imbecillitas est non naturæ. Viderūt eam hostes (vt in Ieremia est scriptum) & deriserunt sabbata eius, hoc est, infructuosam quietem eius dæmones intuentes lætati sunt, eo quòd illam ignauiter torpescens ad quæque turpia facile pertracturos, quasi piscem hamo sperarent, donec ad interitum vsque deducerent. In hunc enim interitum corrui & Sodoma, de qua dicitur. Hæc fuit iniquitas Sodomæ sororis tuæ, superbia, saturitas panis, & abundātia, & otium ipsius. Quòd si non abundas, sed inopia premeris, & tamen otio indulges, non es à periculo perditionis liber, quandoquidem non solū abundantia & saturitas euertit Sodomam, sed etiam otium, imò tanto nequius otietur pauper quàm diues, quanto minus habet causam otian-di. Diues nempe cum otiosus fuerit, voluptatibus luxuriæque operam dabit. Pauperi autem necesse erit, furto ac rapinis querere vnde viuat, & in alios grassari, ne ipse famè pereat. Longè itaque periculosior est otiositas egentis quàm abundantis. Quid præterea dicā? Frustra illi natura manus dedit, qui nihil agendo conterit ætatem, quod si necessarię forent ad applicanda tantūmodo ori alimenta, etiā pecudibus datæ fuissent. Operari manibus hominis proprium est. Qui ergo manus suas ad aliquid honesti faciendum non extendit, pecudi certè similior est quàm homini, aut etiā pecudè deterior. Mutum enim animal in multos vsus vtile est, homo verò otiosus nulli prodest, sibi autem etiam nocet plurimum, vt ex his quæ dicta sunt, satis constat. Idcirco sanè & ab hominibus malè audit, & à deo reprobat-
tur. Alij eum statuam lapideam appellant, alij inertem
afellum,

a sellum, alij fatuam anum aut nihili hominem, atque
 hunc in modum petulantibus cauillantium vocibus ta-
 xatur, illuditur, laceffitur, probro, contemptuique ha-
 betur. Ieuius tamen hoc ei ab hominibus ferendum ef-
 set, nisi etiã ab illo qui supra homines est damnaretur.
 Lex vetat eunuchũ intrare in ecclesiam domini. Quis Deute. 23.
 nam iste eunuchus est, nisi otiosus, de quo nulla proles
 oritur virtutum? Non potest eunuchus generare, neque
 languori ac socordix deditus aliquid boni facere. Re-
 pellitur itaque ab ecclesia, vt cœtu fidelium indignus.
 Non est enim de illo eunuchorum genere, qui se castra-
 uerunt propter regnum cœlorum. Valde quippe diuer-
 sum est, castitatem deo vouere, & sterilitatem boni ope-
 ris torpescere, quod nõ deo, sed diabolo seruire est. Hic
 est ille qui talentum ad negotiandum acceptũ abscon- Matth. 25.
 dit in terra, & cum nullum quẽstum fecerit, eiici iube-
 tur in tenebras exteriores, quarum horrorem fletus au-
 get & dentium stridor. Hic est, quem neque frigidum
 neque calidum, sed tepidum tantũ Apocalypsis appel- Apocal. 3.
 lat. Cui videlicet satis videtur, si peccata cauerit quã-
 uis boni nihil operetur. Sed dũ in isto tepiditatis pro-
 posito insipienter perseverat, nauseam facit domino di-
 centi: Incipiam te euomere de ore meo. Præcepit enim
 dominus nõ solũ discedere à malo, sed etiã facere bo-
 num. Quod si bonũ non feceris, licet à malis abstineas,
 nõ es executus quod iuberis. Nolle autẽ obedire deo, ma-
 lum est, tẽpus etiã ad benè agendũ datũ sine fructu ela-
 bi finire malũ est. Non potest igit fieri, vt otiosus mali
 omnino expers sit, cũ etiã ipsum otium malũ sit. Merito
 itaque & ab ecclesia propellit, & ab ore domini veluti
 mucidus panis expuit, atq; ad tenebras relegat, vt sem-
 per patiat malũ, qui nunq̃ facere voluit bonũ. Ois enim
 arbor quæ nõ facit fructũ bonũ, excidetur & in ignem Matth. 3.
 mittetur. Ficus etiã habens folia, sed nõ & fructũ à do- Marc. 1.
 mino maledicatur & arefcit. Illam quoq; sicũ dominus Lucæ. 13.
 vineæ

vineæ succidi iubebat, ne terram occuparet, in qua iam per triennium fructum nō viderat, sed ad preces cultoris vineæ volentis arborem ipsam circumfodere, stercoreaque apponere, quarto etiam anno expectauit, vt fructum faciat. Expectat vtique clementissimus dominus ab otioso boni operis fructū in pueritia, expectat in iuuentute, expectat in ætate virili, denique ecclesiæ præpositi alicuius verbis exoratus expectat vsque in senectam, vt ille tandem eiusdem præpositi vel increpatione impulsus, vel præceptis eruditus, ab ignauia mollietieque animi ad studium honesti laboris excitetur & exurgat. Quod si ne tunc quidem desidia infructuosam reliquerit, quid aliud restat, nisi vt dimittatur damnationis iustæ secure succidendus? Ne igitur tibi placeas otiose, quod nihil boni agens adhuc non plesteris. dilatio pœnæ est istud, nō vitij impunitas. Quanto diutius otia fueris, si te saltem in fine non correxeris, tanto acrius punieris, in salicibus infructuosis, in medio Babylonis, quæ est mentis in deliciis perditæ confusio, suspendisti organa sensuum tuorum, turpi voluptati deditus, & ad flagitia indies magis declinans. Quousque abutere patientia domini, emendationem tuam expectantis? Non vides? non animum aduertis? quàm citò transeant dies & labantur anni, quàm vnaquæque hora non ita vitæ longioris, vt præsentis mortis certa sit? Nullus est enim temporis punctus, quo nō arceantur vitæ nostræ spatia, & quo mors nobis non propior sit. Quid ergo moraris? quid procrastinas? Rumpè tãdem somnolentiam istam & expergiscere, ac tam supinæ oscitationis tarditatem rectè factorum sollicitudine discutere festina, antequam rationem villicationis tuæ reddere cogaris. Vel si vsque adeo totus obstupuisti, vt virtutis operibus te parem fore diffidas, voto saltē aut lingua pete languori remedium, aridamque ostentans manum, ad dominū suppliciter accede, & ipse postquā

te pigritiæ

te pigritiæ tuæ pœnitere conspexerit, dicet tibi: Surge in medium, extende manum tuam. Tunc tu ope adiutus diuina, protin⁹ exurges qui hactenus iacueras, & in medium stabis in quo locus virtutis est. Nam extrema vitiosa sunt, dexteramque diu contractam extendere incipies, vt opereris bonū. Atque ita qui tua culpa inutilis otij languorem patiebare, diuinæ gratiæ curatione saluus euades.

Lucæ. 6.

De humilitatis virtute. Cap. 21.

POrro, quoniam ad acquirendam diuinæ benignitatis gratiam, opus est humilitatis virtute, temperstium videtur, vt nunc de ipsa disseramus, dominus enim qui in altis habitat vt in psalmo dicit, humilia respicit i cœlo & i terra. Superbis resistit, humilib⁹ autē dat gratiā. Et in alio psal. Excelsus, inquit, dominus humilia respicit, alta autē à longē cognoscit. Longē est enim ab eo qui inflatur, qui fastum fouet, seque super alios erigit: & quanto magis insolescit, tanto longius à deo recedit ad quē non est nobis accessus nisi per humilitatem, iuxta illud: Suscipiens mansuetos dominus, humilians autem peccatores vsque ad terrā. Quod & Salomon in Prouerbiis confirmat, dicens. Ipse deludet illudores, & mansuetis dabit gratiā. Et Isaias propheta: Deus (inquit) in sancto habitas & cum contrito & humili spiritu, vt viuificet spiritum humilium, & viuificet cor contritorum. In eodem propheta dominū audimus dicētem, Ad quem respiciam nisi ad pauper-culum & contritum spīritu, & trementem sermones meos? Et in Zacharia: Conuertam manum meam ad paruulos. Quæ autem maior gratia humilibus in vita dari potuit, quàm verē religionis cognitio quæ in arcano latebat, & quam ne philosophi quidem inuenire poterant, eam nos Christo monstrante didicimus. Vnde ipse ad patrem conuersus: Confiteor tibi (inquit) pater domine

Psal. 112.

Psal. 137.

Psal. 46.

Prone. 3.

Isaiæ. 57.

Isaiæ. 66.

Zacha. 13.

Matth. 12.

domine cœli & terræ, quia abscondisti hæc à sapientibus & prudentibus, & reuelasti ea paruulis. Paruuli sanè atque humiles erant Apostoli, qui primi didicerunt vt alios docerent myſterium dei, de quibus in pſalmo fuerat prædictum à propheta ad deum dicente: Ex ore infantium lactantium, hoc eſt ſermonibus & prædicatione ſimplicium & vulgarium hominum perfeciſti laudem, laudem veritatis, laudem euangelij, diſciplinæque ſalutaris, vt quàm mundanæ ſapientiæ acumen inueſtigare nequiuit eam piſcatorum hebetudo docere inciperet. Hinc eſt illud quod Paulus apoſtolus ait: Stulta mundi elegit deus, vt confunderet ſapientes, & infirma mundi elegit deus, vt confundat fortia. Idem dominus humilium precibus facilem ſe præbet, arrogantes verò nō exaudit. Ideo Sophonias propheta hortatur & ait, Quærite dominū omnes manſueti terræ qui iudicium eius eſtis operati, quærite iuſtum, quærite manſuetum. Sciebat enim vt iuſtus & mſuetus dominus exoretur, ad ſeruos iuſtos manſuetosq; ſpectare. Seruū quippe qui gratus charusq; domino ſuo fieri deſiderat, mores eius imitari oportet. Nam quemadmodū diſſimiles inter ſe diſſident ac diſſeparantur, ita ſimiliū ſumma ſemper concordia eſt, & dum paribus nituntur ſtudiis, mutua beneuolentia incaleſcunt. Quod autē humiles exaudiat deus, per omnes ferè diuinæ ſcripturæ hiftorias patet: Sancta vidua Iudith cum Holopherne congreſſura, ciliciū induit, ieiunat, orat, & ait: Nec ſuperbi ab initio placuerūt tibi, ſed humiliū & manſuetorum ſemper tibi placuit deprecatio: & illa quidem ſicut humiliter orauerat, ita quod volebat, perfecit. Clamat in euangelio Centurio: Domine non ſum dignus vt intres ſub teſtum meū, & eadem hora qua ſic humiliatus eſt, quod petierat impetrauit, neq; enim fruſtra ſcriptum eſt: Oratio humiliantis ſe nubes penetrabit, Chanaanæ mulier iam reſuſcitata, iam in canum cōparatione contempta,

1. Cor. 1.

Sopho. 2.

Iudith. 9.

Matth. 8.

Eccli. 35.

Matth. 15.

contempta, quia ab humilitate nō recessit, meruit tan-
dem exaudiri. Filius prodigus consumpto patrimonio **Lucā. 15.**
ad patrem cum humilitate reuersus, inuenit veniā. Pec-
caui, inquit, in cōlo & corā te, iam non sum dignus vo-
cari filius tuus. Atq; ita humiliatus amplexum meruit
patris osculum, indumenta, anulum, conuiuīū. Quod er-
go luxuria exhauserat, humilitas reparauit. Publican⁹ **Lucā. 18.**
pectus percutit, consciusq; delictorū, oculos in cōelum
non audet attollere, & iustior redit pharisæo, qui ieiun-
abat, qui decimas soluebat, qui bona multa faciebat.
Illius enim peccata deleuit humilitas, hui⁹ merita cor-
rupit mentis elatio. Non sum sicut ceteri homines, in-
quit, & qui se ceteris præferre non dubitauit, publica-
no etiam postponendus iudicatur.

*De exaltatione humilium in
lege. Cap. 22.*

Non solū autē quæ poposcerint humiles cōsequun-
tur, sed etiā mirabiliū operū gratia donantur &
post hæc præmia beatitudinis æternę cumulatiue
capiunt. Abrahā puluerē & cinerē se esse dixit, loquens **Gene. 18.**
cum deo, benediciturq; ei & semini eius. Iacob submit- **Abraham.**
tit se fratri Esau, atq; illū dominū suū vocat, per nun- **Gene. 2.**
tios ab eo captat beneuolentiā, mittit munera vt leniat **Iacob.**
iratū, & post hæc gloriā dicens: Vidi dominū facie ad
faciē, & salua facta est aīa mea, & tamē adhuc submissi⁹ **Gene. 33.**
agit. Obuiā enī fact⁹ fratri, septies p̄nus ī terrā adorat,
donec p̄ximē accederet. Atq; hac tāta subiēctiōe ab i-
dignato fratre extorsit pietatē, ita vt ille quē perdere
decreuerat, in eius collū ruens ipsum amplexaret, oscu-
lareturq; dulci⁹ q̄ dici queat, & fraterna teneritudine
superatus fleret. Vnde rursum benedictionē accipit à do-
mino, & indiē ei nomē Israhēl. i. vir vidēs deū. Deū ergo
videre meret, qui se propter deū hoībus humiliat atq; **Exod. 3.**
submittit. Loq̄nte dño de rubo, corrui Moyses ī faciē, **Moyſes.**
& cum

& cum mitteretur ad Pharaonem, educēdique de Aegypto populi dux constitueretur, indignum se fatebatur eo munere, atque id inire recusabat, pro illis etiam à quibus passus fuerat iniuriam suppliciter deum deprecatus est, Quas ob res meruit fieri populi Israëlitici liberator de Aegyptiaca seruitute, legisque diuinæ lator & multorum mirabilium author, atque aliis præferri dei iudicio; dicentis: Si quis fuerit inter vos propheta domini, in visione apparebo ei vel per somnium loquar ad illum. At non talis seruus meus Moyses, qui in omni domo mea fidelissimus est. Ore enim ad os loquar ei palam, nō per ænigmata & figuras deum videt. Hinc est illud in Ecclesiastico scriptum: Dilectus deo & hominibus Moyses, Et post pauca: In fide, inquit, & lenitate ipsius sanctum fecit illum, & elegit eum ex omni carne. David quoque māsuetus & mitis, vel si mauis dicere humilis, persecutionem Saulis, odiumque capitale maluit vitare fugiendo quam vindicando, cum illum semel atque iterum occidere potuisset, noluit, Ab inimicis profigatum & interemptum fleuit, Ideoque dign^o iudicatus est, qui ei succederet in regno. Absalonis etiam filij necem lachrymis & lamētationibus profecutus est, in ea bello interempti, quo ille nitebatur patri regnum eripere. Qua quidem pietate David, vel patientia, vel humilitate, quocunque horum dixeris, rectè dictum erit: promeruit ad decrepitam vsque ætatem regnare, inimicorū victor, & ipse inuictus, omniumque regum Iudææ deo clarissimus. Vnde futura beatitudinis spe plenus, Placebo, inquit, domino in regione viuorum. Credidi propter quod locutus sum, ego autem humiliatus sum nimis. Quanto maiora sperat, tātō magis humiliatur. Non enim euehit mortales ad cælum superbia, sed humilitas. Iob patiētissimus, cum fortunæ simul & corporis bona amisisset ad extremam redactus miseriam, humilitatis virtutem non amisit,

Nume. 11.

Eccli. 41.

David.

Psal. 114.

Psal. 11.

Iob.

Folium se quod vento rapitur & stipulam siccam vocat, dum dominum alloquitur, & tot tantisque calamitatibus affectus, nihil stultum locutus est. Post hæc sibi restitutus, duplicia recepisse dicitur, ut quantum se humiliauerat, tantum exaltatum vel duplo magis intelligas. Duos quinquagenarios ab Ochozia rege 4. Re. 1. missos, ut Eliam prophetam comprehenderent, ignis de cælo lapsus, absumpsit: tertium humilitas reddidit tutum. Flexis coram Elia genibus veniam precatus, vitæ periculum euasit. Superbi ergo prouocant iram dei, humiles autem prouocatam placant. Amos pastor, quia mitis mansuetique ingenij fuerat, spiritu sancto repletus, prædixit Samariæ mala futura, & prophetis meruit annumerari. At etiam prophetali dignitate præditus non insolescit, sed magis humiliatur. Non sum propheta, inquit, nec prophetæ filius, sed armentarius vellicans sycomoros, & Dominus misit me prophetare ad Israël. Dum exaggerat domini beneficium, suæ conditionis confitetur obscuritatem, de armentario factus propheta si dissimulasset, & ingratus quidē haberetur, & humilis parum. Quid multa: sic habe, neminem in virtutibus profecisse, neminem sanctum vel à deo charum fuisse, cui defuit virtus humilitatis. Fundamentū custosque virtutum, & de terra ad cælum ascendendi via est humilitas. Per hanc omnes prorsus ingressi qui nunc in supernis sedibus habitant, facti domestici dei ciuesque sanctorum.

Amos.

Amos. 7.

De exaltatione humilium in euangelio. Cap. 23.

N E tamen nouorum exempla omnino præterisse videar, Iohannis Baptistæ, Petrique & Pauli Apostolorum humilitatem in mediū proponam. De his enim disertius expressum in scripturis comperio.

Iohannes
Baptista.

HH

Iohannes

Iohannes interrogatus quis esset, negavit se esse Christum, malens veritate submitti, quàm efferri mendacio, & neque Eliam, neque prophetam se esse asseruit, dum humiliatur. Proinde Christi testimonio extollitur, quod videlicet in spiritu Eliæ venisset, quod plus quàm propheta esset, quod denique inter natos mulierum nemo illo maior surrexisset. Ille tamen modis omnibus deicere se & humiliare nõ destitit, cum de Christo diceret: Ipse est, qui post me venit, qui ante me factus est, cuius ego non sum dignus, vt solvam corrigiam calceamenti. Petrus piscator erat, & in Christum credens, indignum se eius cõsortio, iudicavit. Exi à me, inquit, domine, quia ego homo peccator sum. Ob hoc ad apostolatam vocari meruit, vt qui retibus pisces capiebat prædicatione veritatis homines caperet: Solus non sinebat sibi à domino lauari pedes. Postquàm autem se cum illo partem non habiturum nisi lauaretur intellexit, non solum, inquit, pedes, sed & manus & caput. Prima vox humilitatis fuit, secunda charitatis. A quo volebat lauari, ab eo separari pertimuit. Porro, quoniam & humiliabatur plurimum, & vehementius quàm cæteri diligebat, dedit ei dominus claves regni, & principem constituit Apostolorum. Paulus de vase iræ vas factus est electionis, quantum antea furore aduersus C H R I S T V M intumuerat, tantum deinde propter Christum humilitate se deiecit: Ego, inquit, sum minimus Apostolorum, qui non sum dignus vocari Apostolus, quoniam persecutus sum ecclesiã dei. Gratia autem dei sum id quod sum, & gratia eius in me vacua non fuit, sed abundantius illis omnib⁹ laboravi. Ac ne laboris laudem sibi tribuere videretur, subdit: Non ego autem, sed gratia dei mecum. Alibi etiam omnium infimum se fatetur, dicens: Mihi enim omnium sanctorum minimo data est gratia hæc, in gentibus euangelizare inuestigabiles diuitias Christi. Dum Lystris cum

Barda-

Iohan. 1.

Petrus.
Lucæ. 5.
Iohan. 3.

Mat. 16.
Paulus.

1. Cor. 35.

Ephe. 3.

Apo. 14.

Barnaba prædicationis officio fungerentur, dii crediti, diuinum sibi exhiberi honorem vsque adeò respuerunt, vt scissis vestibibus mortales se esse clamarent, & ob hoc quidem missos, vt falsorum deorum cultoribus, veri DE I notitiam insinuant, salutique eorum qui credituri sunt, consulant. Et hi sanè de quibus locuti sumus, ceterique eiusdem ordinis homines, si nosse vis ad quantam gloriam in cælo exaltati sint, considera qualem dum in terra viuerent, gratiam acceperint. Cæcos illuminare, leprosos mundare, mortuos viuificare nulla possunt medicamenta, isti potuerunt. Si magna gratia hæc, haud dubium quin etiam magna, quæ gratiam secuta est, merces fuerit. Quanto igitur humiliores deo seruiendo erimus, tanto gloriam celsiorem consequemur. Caterùm cum multos hoc loco breuitatis causa præterierim, quorum exemplis vti magnificè poteram. Mariam tamen dei matrem, eiusque filium saluatorem nostrum silentio prætermittere nullo modo possum. Hæc fabro desponsata fuerat, in turba pauperum incognita latebat, in tantum autem humilitate placuit, vt à deo electa sit, quæ dei filium generaret. Vnde ipsa gloriatur, dicens: Magnificat anima mea dominum, & exultauit spiritus meus in deo salutari meo. Quia respexit humilitatem ancillæ suæ, ecce enim ex hoc beatam me dicent omnes generationes. Quia fecit mihi magna qui potens est, & sanctum nomen eius. Quid enim maius virgini conferri potuit, quàm vt creatorem suum pariat, quàm vt domini sui mater sit, & hoc quidem nõ violata virginitate, sed sanctificata, vt purius niteat in fœcunda, quàm nitebat in sterili.

Maria mater dei.

De humilitate Christi.

Cap.

24.

HH ij

Dei vero

DEi verò filius factus est hominis filius. Verbum caro factum est, & habitauit in nobis. Quid deinde? & vidimus, inquit, gloriam eius, gloriam quasi vnigeniti à patre, plenum gratiæ & veritatis. Qui eius gloriæ consors esse desideras, eius humilitatis prius te socium ac participem exhibeas oportet. Non est discipulus supra magistrum, neq; seruus domino suo maior, vt exaltari velit sicut dominus, & humiliari nolit sicut seruus. Hunc autem omnium authorem, omnium saluandorum doctorem ac redemptorem, Paul^o Philip pensibus in exemplum proponens, ait: Hoc sentite in vobis quod & in Christo Iesu, qui cum in forma dei esset, non rapinam arbitratus est esse se æqualem deo, sed semetipsum exinaniuit, formam serui accipiens, in similitudinem hominum factus, & habitu inuentus vt homo humiliavit semetipsum, factus obediens vsque ad mortem, mortem autem crucis. Audisti humilitatem, attende gloriam. Propter quod, inquit, & deus exaltauit illum, & donauit illi nomen quod est super omne nomen, vt in nomine Iesu omne genu flectatur, cœlestium, terrestrium & infernorum, & omnis lingua cōfiteatur, quia domin^{us} Iesus Christus in gloria est dei patris. Neque humilior diuinitas inclinare se potuit, quàm vt hominem assumeret seque hominum potestati submitteret, ad flagella & mortem per ludibria sustinendam: neque sublimius attolli, quiuit humanitas, quàm vt diuinitati vnita, vnus Christus & deus esset & homo, sedens ad dexteram patris, à spiritibus angelicis omniumque sanctorum cœtu venerandus: mortuos & viuos iudicaturus in eadem humanitate, in qua voluit ab homine iudicari, tunc humilis quidem, nunc gloriōsus: tunc mortalis, nunc immortalis & impassibilis: tunc seruus, nunc dominus: tunc infirmus, nunc ponens inimicos scæ bellum pedum suorum in virga virtutis suæ. Tunc non erat ei species neque decor, nunc dicitur ei: Specie tua

Phil. 2.

Psal. 44.

& pulchritudine tua intende prosperè, procede & regna, propter veritatem & mäsuetudinem & iustitiam: nunc regnum ei⁹ regnum omnium seculorum. Sed paulò distinctius videamus, à qua humilitate ad hanc sublimitatem peruenierit, quam tamen semper habuit à patre & cum patre communem. Cùm igitur deus esset, hominem quem ipse fecit, assumpsit, nunquam dimissurus, vt & homo fieret, & deus esse non desineret: de pauca percula matre nasci voluit, nō in vrbe regali, sed in paruo oppidulo Bethlehem, non saltem in domo vulgari, sed in iumentorum stabulo, vbi reclinatus in præsepio vagit. Ab angelis nuntiabatur, à pastoribus quærebatur, à magis adorabatur, & tamen ipse contemptibilis & despectus apparere volebat. Adultus non habuit vbi caput reclinet suum, alienis impensis sustentatus est, alieno vsus hospitio. Qui cœlum terramque fecerat & quæ in eis sunt, hic die ac nocte in laboribus fuit, docendo, sanando, orando, miracula operabatur & latere volebat. Super asinam sedens intrauit Hierosolimam, cuius sedes cœlum, & terra scabellū pedum erat. Lauit discipulorum suorū pedes, cui angeli seruiebant. Cùm innocens esset, pro peccatis nostris ab incredulis quos ipse saluare venerat, comprehendendi, ligari, cōspui, cædi, occidi voluit. Atque ita se submisit obtulitque vltro omnibus impiorum iniuriis, qui mundum pugillo continet, qui terram respicit & facit eam tremere, in quem angeli intueri gaudent, qui vita est omniū quæ viuūt, & author quæ subsistūt. Quid ergo vel magnificētia ei⁹ mai⁹, vel humilitate abieci⁹us? Nemo æquare potest eius humilitatem, quia nemo habet tantam de qua descēdat sublimitatē. Satis est si vestigia eius obseruautes, quantum possumus nō humiliter submisisseque geramus, i pso admonente ac dicente: Discite à me quia mitis sum & humilis corde, & inuenietis requiem animabus vestris. Sit igitur nobis curæ, vt minimi simus,

Matt. 11.

in omnibus patientes, in omnibus mites & mansueti, nulli malum pro malo reddentes, paruo contenti in laboribus affidui, seruire magis quàm præesse cupientes, nunquam captemus hominum gloriam, sed semper dei laudem, & proximorum profectum. Parati simus omnia supplicia, omne morti genus perpeti prius quàm deo peccare. Per hanc humilitatem aditum nobis parabimus in cœlum & gaudiis perfrui merebimur sempiternis, participes facti gloriæ domini nostri, cuius humilitatem in terra fuerimus imitati.

De humilitate vitiosa.

Cap. 25.

Sciendum tamen, esse alias quasdam humilitates, ex quibus aliæ quidem nihil ad hanc pertinent, de qua locuti sumus, aliæ verò ipsam reddunt vitiosam. Quid enim ad virtutem illa humilitas qua obscuro loco natos designamus, humiles appellando demissi generis in plebe vulgaria viros, vel illa quàm etiam rebus animatis insensibilibusque damus, nam & locum humilem dicimus qui pressior iacet inter eminentes atque demissior, & humilem arborem quæ non multum ab humo erecta sit. Sunt & alia duo humilitatis genera in scripturis obseruata, alterum cum quis aliorum iniquitate opprimitur affligiturque, iuxta illud populum tuum domine humiliauerunt, & hæreditatem tuam vexauerunt, alterum cum quis ob suam culpam pœnis aut calamitate aliqua grauiatur secundum illud: Propter iniustitias enim suas humiliati sunt. Vtrūque hoc inuitum sit atque nolentem, virtutis autem humilitas voluntaria est, proinde etiam illam quæ vitiij est voluntariam esse constat. Illa itaque non virtutis, sed nequitie malignitatisque erit humilitas, cum quis ea de cau-

Psal. 93.

Psal. 106.

sa præ se feret humilitatem, siue vt inter sanctos ponē-
 dus videatur, siue vt facilius eleemo synam eliciat & lu-
 cretur. Tales erant, quos in Euangelio taxauit dominus
 dicens: Væ vobis scribæ & pharisæi hypocritæ, qui mū-
 datis quod foris est calicis & paropsidis, intus autē ple-
 ni estis rapina & immunditia. Exterius quippe cilicio
 se tegunt, nudis pedibus ambulāt, horridi, inculti, squa-
 lentes, illuuiosi, inter loquendū suspirant, ingemiscūt,
 fatentur se esse peccatores, crebrò ad orandum procū-
 bunt, sed intus vel inanis gloriæ cupidine flagrant, vel
 quærendæ pecuniæ cura sollicitātur, sepulchris dealba-
 tis, foris quidem mundi puri que, sed intus pleni sordi-
 bus atque spurcitia. Perniciosa est ergo humilitas, finge-
 re quod non es, & esse quod non debes. Nam licet calli-
 da simulatione falli possint homines, deus tamen nun-
 quam fallitur, omnia nuda & aperta sunt oculis eius, ip-
 se cordis & rerum scrutator, vnicuique reddit iuxta o-
 pera eius, quæ tunc quidem iudicanda exponentur, cū
 nihil erit occultum quod non sciatur, neque abscondi-
 tum quod non reueletur. Quid ergo proderit, humilē,
 sanctum, mansuetum ab hominibus fuisse iudicatum,
 cū etiam hominibus manifestum erit, qualis reuera
 fueris? Neque enim ex præteritis aliorum rumoribus,
 sed ex conscientia tua præsentī iudicaberis. Cæterum,
 veræ quoque ac sanctæ humilitatis valdè studiosis cauē-
 dum erit, ne fortè humilitatem putent, eos quibus præ-
 positi sunt, non corripere si deliquerint, non castigare
 si perseuerauerint. Negligentia est istud non humilitas
 & charitatis quàm proximo debes obliuio. Debes enim
 curare, vt eos qui tibi commissi sunt, efficias meliores,
 docendo, increpando, puniendo, quòd si per ignauiam
 teneritudinēve animi omiseris, nō mitis neq; māsuet⁹,
 neq; humilis, sed ecōtrario ihumanū & à charitate a-
 lien⁹ fuisse argueris, crediti q; tibi gregis nō pastor, sed
 desertor, q̄ris fortasse cur ergo p̄cipiat dñs: Qui maior ē

Mat. 23.

Mar. 20.

vestrū, fiat sicut minor, & qui præcessor est, sicut ministrator? Non hoc dicit vt peccantes non arguas, quos & ipse flagello de templo expulit, sed vt in laboribus opere'que serui cum ipsis quibus præsidet, communices, & in spiritalibus negotiis grauiora onera tuis q̄ aliorum humeris imponas, necessitatibus'que domesticorū tuorum pro viribus prospicias, & tanquam filiis ministres, indulgentissimi'que patris fungaris officio, nihil præmittendo quod vel ad humilitatem pertinere videbitur, vel ad charitatem. Definiamus igitur vitiosam fore humilitatem, quæ charitati aliis'que virtutibus nō fuerit copulata. Nam neque libidinis proderit humilitas, neque gulæ ventri'que seruientibus, neque alij alicui flagitio subnixis. Prima humilitas esse debet deo obedire, deinde præpositorum iussa exequi, postremo facilem se omnibus præstare, neminem offendere, & pati potius iniuriam quàm inferre: nihil terrenum appetere, sed coelestium desiderio semper inherere. Quicumque ita se humiliauerit, exaltabitur & vnà cum illis quos in exemplum proposuimus, gaudebit in æternum gloriosus. In psalmo enim dicitur: iuxta est dominus his, qui tribulato sunt corde, & humiles spiritu saluabit. Et in euangelio: Beati pauperes spiritu, quoniam ipsorum est regnum cœlorum. Beati mites, quoniā ipsi possidebunt terram. Et alio psalmo: Mansueti hæreditabunt terram, & delectabūtur in multitudine pacis. Possidebunt ergo humiles terram, non hanc ærumnarum & inquietudinis plenam, sed illam in qua iugis tranquillitas & pax est perennis, quæ etiam terra viuētium dicitur, iuxta illud: Credo, videre bona domini in terra viuentium. Humiliemur igitur (vt Petrus Apostolus præcipit) sub potenti manu dei, vt nos exaltet in tēpore uisitationis. Nihil est vera humilitate præstanti⁹, nihil tranquillius, & à perturbationibus animi magis remotum. Humilitas patiens est, benigna est, nec contem-

tem.

Humilitatis ordo.

Psal. 33.

Matt. 5.
Psal. 36.

Psal. 126.

1. Pet. 3.

pta irascitur, nec laudata se extollit, nec aduersis concutitur, nec prosperis delinitur, in vtraq; fortuna æqualis perseverat. Vulgi quidem opinione despicitur, sed sapientissimi cuiusque iudicio commendatur, summi-que dei benignitate ad cœleste regnum sustollitur, & coronatur. Expediens nunc videtur, vt de contrario humilitati vitio, superbia differamus. Nam virtutem ardentius amplectemur, cum nequitia turpitudinem magis plenè cognouerimus.

LIBRI VI. FINIS.

EVANGELISTARII

MARCI MARVLI LIBER

VII. sub charitatis titulo, de vitio superbiæ, de virtutibus obedientia ac patientia, earum-que oppositis vitiis.

Item de vitio iræ ac lingue edisserens.

De superbiæ vitio.

Ca. I.



VARE scriptum est: Initium omnis peccati est superbia, nisi quia omne peccatum à voluntate diuina nostra voluntatis auersio est: vt faciat seruus quod vetat dominus, vel facere nolit quod ille iussit. Hoc autem proprium superbiorum esse negari non po-

Eccl. 10.

non potest. Quāuis igitur varię sint peccati species, vna tamen omnium mater est superbia, ita vt cum ipsis peccatis quę genuit, simul viuat, simul moriatur. Nemo quippe definit esse superbus, nisi cum desierit esse peccator. Peccata tamen quę plus in se superbię habēt, hęc sunt: Sui confidentia, inanis glorię appetitio, aliorum contemptus, de se iactatio ostentatioque, neminem pati sibi superiorem, & ne æqualibus quidem facilem se præstare. Præterea gestus habitusq; corporis immodestus, proterua atque aspera verborum prolatio, temerariaque cōfidentia actionum, erecta ceruix, contumax aspectus, lentus tardusque incessus, & vecordiam potius quā grauitatem præse ferens vultus. Veruntamen quo magis arroganter coram hominibus sese composuerint superbi, eo minoris existimationis apud deum erunt, dicēte Isaia propheta: Dixit dominus deus, pro eo quod eleuatae sunt filiæ Sion, & ambulauerunt extento collo, & nutibus oculorum ibant, & plaudebant & ambulabāt, & pedibus suis composito gradu incedebāt, decaluabit dominus vertices filiarum Siō, & dominus crinem earum nudabit, & pro ornatu erit ignominia. Nihil enim secum feret superbus cum hinc decesserit, omni pomparum suarum ornatu fastuque decaluabitur, nudus ad inferos descendet inglorius, contemptibilis, despectus, tanto alius magis infimus, quanto sibi videbatur sublimior, Hoc etiam per Sophoniam minatur dominus, dicens: Visitabo omnem qui arroganter ingreditur suplimen, hoc est, siue priuatas ædes, siue dei templum cum superbia ingredientem visitabo iusta ultione atq; vindicta. Sunt enim quibus non est satis in foro, in campis, in hominum frequentia supinos elatosq; incedere, sed etiā domum domini ingressi, cum maximē se submittere deberent ante altare cœlestis regis, eundem vultū seruant, eandē supercilij elationem, quasi iam ei æquales, cuius non multo post iudicium velint nolint subitari sunt,

Sopho. i.

ri sunt, & tunc demum fiet, quod ad Deum Psalmista Isa. 17. ait: Oculos superbiorum humiliabis. Nihil enim oculi iam ad inferos damnatorum quod eos delectet videre poterunt, sed cuncta tristitia & acerba miseri illi & cernere & pati compellentur, quique se olim supra homines esse arbitrabantur, sub immundorum spirituum potestate erunt. Quod quidem metuens Iesus Syrachii filius, orabat dicens: Domine pater & deus vitæ meæ extollētiam oculorum meorum ne dederis mihi, hoc est, ne permittas, vt me superet superbia, & me aliquid esse credam, supra id quod sum. Eccl. 23.

Quanta mala pariat superbia.

Cap. 2.

Scriptum est præterea: Vbi fuerit superbia, ibi erit & contumelia. Necesse est igitur, vt elati superbia Prou. 11. toruoque aspectu homines, prorumpant in contumeliam & probra & conuitium. Sicut enim nebulosa ac tristis cœli facies rarò cum silentio soluitur: ciet tonitrua, cogit micare fulgura, fulmina cum fragore decidere, terramque imbribus repenti inundare: ita ventosa superbiæ tumor, nisi ratione coërceatur, irarum austros proflabit, & obuium quenq; maledictis petulāter laceffet. Vnde alibi dicitur: Inter superbos semper Prou. 13. sunt iurgia. Intantum quidem superbi iurgiis affuescūt, vt ipsa iurgia superbiam appellet Psalmista, dicens: Os Prou. 16. eorum locutum est superbiā. Superbi erant Iudæi, ideò neq; contra deum murmurare timuerūt, nec Moyse & Aaroni contumaciter insultare. Roboamum Salomonis filiū ad contumeliæ verba regalis impulit dignitas, & populo poscenti aliquod pensionum leuamen, addam respondit super iugum vestrum. Pater meus cecidit vos 3. Reg. 12. flagellis, ego cædam scorpionibus. Tantum hac animi elatione profecit, vt duodecim tribuum rex, mox

1. Reg. 19.

mox duarum tantummodo fieret, reliquis ab eo secedentibus. Nemo enim superbo domino libenter seruit. Nemo etiam impunè aduersus deum superbit. Etenim Sennacherib rex Assyriorum, captis aliquod Iudææ oppidis, Hierosolymam obsidiōe premere cœpit, blasphemias in deum Israël dixit, seque diis potentiorē affectū. Ex quo Hierosolymarum rex Ezechias perterritus, deposita regali purpura, saccum induit, & supplex dominum orauit. Præualuerunt preces humiliantis se aduersus furorē impotentiamque superbi. Angelus domini maiore parte Assyrij exercitus prostrata, regem cum reliquis Niniuē redire cœgit. Quo ille perueniēs, filiorum suorum manu interemptus occubuit. Hinc planè satis patet, quā fragiles, quā nullæ sint humanæ vires, si cum deo contenderint. Ad hæc, superbus post iurgia illos cum quibus iurgatus est, re atque opere laedere affectat, vt vim roburque suum ostendet, seque ex illis esse probet, de quibus Amos propheta ait: Contendant super puluerem terræ capita pauperum, & viam humilium declinant. Sedechias quoque filius Chanaan volens videri propheta, cum prospera regi Samariæ Achabo prædixisset, Micheę contraria, quæ & eueniunt, prophetanti colaphum infregit, dicens: Méne ergo dimisit spiritus domini, & locutus est tibi? Vir arrogans igitur & inani gloria tumens, dum persuadere nititur se esse quod non est, si quis contradixerit, impatiens iræ, ne manibus quidem temperat, nihilque pensi habet meliores se atque honorabiliore afficere iniuria. Ioab Dauidici exercitus ductor, non potuit pati perfecturæ honorem laudemque militiæ cum aliis partiri, & Amasam collegam suum amicē alloquens, incautū interemit. Nullo itaque scelere abstinere superbia, nec rapinis, nec cædibus parcat, dum supra omnes eminere atque excellere appetit. Aduersus hanc per os Abacue prophetæ spiritus sanctus clamat: Væ qui congregat

auaritiam

Amos. 2.

3. Reg. 22.

2. Reg. 20.

Abac. 2.

auaritiā malam domui suæ, vt sit in excelfo nidus
 eius. Ad superbiam autem vitium alios virium confiden-
 tia stimulat, alios rerum prosperitas hortatur, aliis au-
 daciam longus peccandi vsus præstat, qui retuso iam
 conscientie aculeo delictorum assidue, neque homi-
 num pudore neque vlllo dei metu cohibetur. In Abdia
 propheta Idumæam increpat dominus, & ait: Valdè su-
 perbia cordis tui extulit te habitantem in scissuris pe-
 træ, exaltantem solium tuum, qui dicis in corde tuo.
 Quis detrahet me in terram? Et quoniam supra quàm
 decuit efferebatur Idumæus, consequenter dicitur ei. Si
 exaltatus fueris vt aquila, & si inter sydera posueris ni-
 dum tuum, inde te detraham dicit dominus. Vt qui se
 omnium fortissimum credidit, omnium imbecillimus
 euadat, & de illo quoque dicatur: Arcus fortium supe-
 ratus est, & infirmi accincti sunt robore. Quod autem 1. Reg. 2.
 & superbi humilientur & humiles exaltentur. Benedab
 quoque Syriæ rex nobis exemplo est, qui Samariam
 cum innumera militum multitudine inuadens, gloria-
 batur quod pulvis Samariæ non sufficeret pugillis po-
 puli, qui ipsum secutus fuerat. Deo autem arrogantiam
 eius vlciscente, egressus rex Achab tantum cum septē 3. Reg. 20.
 millibus virorum, & ducentis triginta duobus fudit fu-
 gavitque eum, qui iam in manibus victoriam se gerere
 credebat. In sequenti anno Israelitarū parua manus cā-
 tum milia Syrorum in prælio conciderunt, reliquos fu-
 ga elapsos, in oppido Aphec murus ruina oppressit. Be-
 nadab captus qui sibi insuperabilis videbatur, pro vita
 supplicauit. Niniuen etiam Assyriorum metropolim, Ninive
 cui dominus poenitenti & humiliatę pepercerat, postre-
 mō tamen insolenter elatam repenti ruina cōcidere p-
 misit. Ideō illi per Sophoniam superbiam crimen obii-
 citur, dicentem: Hæc est ciuitas gloriosa, habitans in
 confidentia, quæ dicebat in corde suo: Ego sum, & ex-
 tra me non est alia amplius, quomodo facta est in deser-
 tum

sertum cubile bestiarum: omnis qui transit per eam, sibilabit & mouebit manum: quasi dolens eam quæ fuerat, iam non esse sicut & Psalmista ait: Vidi impium superexaltatum ut cedros Libani, transiui, & ecce non erat.

Psal. 36.

*In illos qui sanctitatis ostentatione
alios carpunt. Cap. 3.*

Sunt qui de morum sanctitate sibi plaudentes, aliorum vitam carpunt, ut illis quos improbant, meliores videantur. Talibus in Isaia minatur dominus dicens, Qui dicunt, recede à me, non appropinques mihi, quia immundus es. Isti fumus erunt in furore meo, ignis ardens tota die, ecce scriptum est coram me. Qui se igitur quamuis bonus suo ore extollit, dei damnabitur iudicio, saluatore in Euangelio dicente, Vos estis qui iustificatis vos coram hominibus, deus autem nouit corda vestra quia quod hominibus altum est, abominatio est apud deum. Huiusce rei nobis pharisæi quoque proponitur exemplum, qui templum ingressus, dum se iustificat, & publicanum iuxta orationem accusat. Publicano ipso nequior de templo exiit. Modicum itaque arrogantiae fermentum, totam corrumpit massam virtutum, & si quid boni superædificatur, corrui. Quid est enim quod Salomō in Prover. ait: Domos superborum demolitur dominus, nisi quia superbi licet opere interdum non peccent, animo tamen delinquant, donum dei non Dei laudi, sed suæ tribuendo? Unde idem, Abominatio est domini inquit, omnis arrogans, etiam si manus ad manum fuerit, non erit innocens. Et in psalmo est scriptum: Superbi iniquè agebant usquequaque. Cæterum impossibile est, ne quando etiam actione delinquat, qui per arrogantiam in se confidunt. Sibi quippe derelicti, absque gratiæ diuinæ fulcimine stare nullo modo poterunt.

Isaia. 65.

Luc. 16.

Luc. 18.

Prou. 16.

Ibidem.

Psal. 118.

runt. Semper autem prius est, ut in corde superbiat peccator quàm in opere, & hanc reor Salomonis esse sententiam dicentis: Contritionem præcedit superbia, & ante ruinam exaltatur spiritus. Quòd si iam affectione mali interitus cecidit, nisi repente culpam agnoscat & doleat, quomodo nõ etiã exterius iniqua operatione labetur, quomodo dum multos probitatis laude anteire se existimat, non de aliis obloquetur? non aliorum vitã carpet, & infectatione laceffet? Quamobrẽ iterum Salomon ait: Expedit magis vrsã occurrere raptis foetibus quàm fatuo confidenti sibi in iustitia sua. Non enim fama honesti deperit, si à fera mordearis, sed si linguæ petulãtis iaculo ictus fueris, periculũ est ne inter infames computẽris. Et licet mala hominum opinio de te innocente, tibi non noceat, nocet tamen aliis, qui te sibi similem rati, sese corrigere negligunt, & quasi te authore in malo perseverant. Incipiet autem & tibi detrimentũ esse, si in tuã infamia contemnes lapsum proximorum. Ideò dicitur: Qui negligit famam suam, crudelis est. Melius est bonum nomen quàm diuitiã multã. In sua verò iustitia confidenti ab Apostolo dicitur, Qui se existimat stare, videat ne cadat. Et alibi: Si quis existimat se aliquid esse, cum nihil sit, ipse se seducit. Opus autem suum probet vnusquisque, & sic in semetipso tantum gloriã habebit, & nõ in altero. Illi quippe in altero habent gloriã, qui malunt laudari ab hominibus, quàm à deo probari. His quidem non tam virtus ipsa placet, quàm vmbra quãdam simulatioque virtutis, non habentes curã ut boni sint, sed ut esse videantur. Et hoc quidem in causa est, ut se aliquis arroganter iactet, & alios contemnat, & parui reputet: Sed talem condemnat propheta dicens, Vã qui prædaris, nõne & ipse prædaberis? & qui spernis, nõne & ipse spernẽris? Certissimum quippe est, quod malum à iusto iudice recipiet, qui malum proximo suo machinabitur. Spreuerunt

Prouer. 16.

Prouer. 17.

Prou. 22.

1. Cor. 10.

Gal. 6.

Isaiã. 33.

Iere. 42.

runt Ieremiam Iohannan & qui cum illo erant, contēptoque eius consilio abierunt in Aegyptum. Et gladius regis Babylohis, quem fugiebant, ibi cōcīdit illos, cum in terra Iuda si prophetam audissent, à periculo tuti forent. Spēnūt etiam superbi eos qui in monasteriis deo seruiunt, & quòd seculo renūciarint, irrident, ipsi mox ridiculi futuri dēmoniis. Sic fatua Michol virum suū Dauidem derisit, ante arcam domini saltantem atque ludentem, & Ephod lineo indutum. Hoc autē regis seruitium quā gratum esset domino, superbæ mulieris multa ostendit. Eam enim ob rem sterilitate damnatur, ne de illo habeat liberos, quem deo deuotum despoxit. Sic & impius Nicanor cum exercitu missus à Demetrio Anthiochiæ rege, ascendens montem Sion, ludibrio habuit sacerdotes, ipsa sibilauit sacrificia, & minatus est ferro se ignique cuncta vastaturum, nisi Iudā & omnes qui ipsum sequebatur, sibi traderent. Occurrit illi Iudas cum trium milium manu tantum, castraque eius contriuit. Cecidit Nicanor, plurimi de suis considerati sunt, caput & dextera superbissimi ducis ante portam Hierosolymæ vrbis suspensa, vt omnibus pateret, spes eorum in contrarium verti, qui diuina incesse re præsument, Psalmista dicente: Confundantur & cōuertantur retrorsum omnes qui oderunt Sion. Fiant sicut foenum tectorum, quod priusquā euellatur exaruit. Ab his liberari precatur iustus, cū ait, Miserere nostri domine, miserere nostri, quia multum repleti sumus despectione, multum repleta est anima nostra, opprobrium abundantibus & despectio superbis.

1. Par. 15.
Michol.

Nicanor.
1. Mac. 7.

Psal. 128.

Psal. 122.

Quod superbi succumbant passionibus, & quæ sint illa per quæ notantur superbi.

Cap.

Cap.

4.

P Affionibus præterea seruit superbus, immoderate gaudet, intemperanter tristatur, supra modum sperat, infra modum metuit, nihil ei temperamento constat rationis, quoniam in omnibus appetitum sequitur carnis, quamobrem in psalmo dicitur: Fundamenta montium commota sunt, & conturbata sunt, quoniam Psal. 17. iratus est eis deus. Alias montes intelliguntur, sancti propter diuinæ cōtemplationis altitudinem. Hinc superbos accipimus propter arrogantiae elationem. Superbi ergo conturbantur, quoniam iratus est eis deus. Quemadmodum enim humilibus placatur ita irascitur superbis. Quos autem deus abnuitt, & auersatur, fieri omnino non potest, quin suæ imbecillitati relictī conturbentur animis, & insipienter commoueantur curis que superuacuis incessantur. Hinc est quod secundus à rege Persarum Assuero Aman, pati non poterat quod Mardocheus Iudæus non sibi assurgeret seque nō adoraret. Aman: Hester. 7. Ion furore accensus, à rege apud quem plurimum poterat exegit, ut Iudæi qui in regno eius erant, internecione delerentur, & cum his ipse Mardocheus in crucem actus periret. Sed vide quomodo deus deposuit potētes de sede, & exaltauit humiles. Rex edoctus per reginam coniugem suam Hester, quā benè de illo meritis fuerit Mardocheus, detectis olim insidiis cōiuratorum in ipsum mutauit edictum. Iudæosque liberæ conditionis esse iussit. Mardocheum verò post se primū fecit. Aman autem in crucem, quam ipse Mardocheo parauerat actus est. Atq; ita omnia superbi vota in contrariū Hester. 7. versa sunt, & perniciēs quam aliis inferre cogitabat, ipsi contigit, nunc superbe, preme alios ut te extollas, insidiare, machinas omnes intēde, ut per aliorum æumnas ad fastigium alicuius dignitatis ascendas, dummodo scias iustissimum simul & potētissimum esse illum,

quem offendis. Quod si præsentium bonorum cupidine duceris, quis erit finis concupiscendi? regnū adeptus aliud desiderabis, terræ marisq; imperio potitus quæres si quis vltra alius lateat orbis cuius nondum dominus factus sis, & quo maior fueris, magis exaltari affectabis, vt de te quoque propheta ad dominum conuersus conqueratur, & dicat: Superbia eorum qui te oderunt ascendit semper. Ascenderat Nabuchodonosor factus arbor fortis & procera vsq; ad cœlū & lata nimis, expendens ramos vsque ad terminos terræ, foliis fructibusq; referta, non quod esset, sed quod tam magnus sibi videretur. Et cum præ viribus imperij sui neminē timeret, repente corrui, dicente per angelum suum domino ac iubente: Succidite arborem, præcidite ramos, excutite folia, dispergite fructus. Itaque cum omnium orientis regum potentissimus esset, ob hoc superbię factum ita deiectus est, vt ab hominum quoque cœtu pulsus, cum bestiis in solitudine vitam ageret. Postea verò humiliatus deo miserante regnum recepit, pristinaq; fortunæ restitui meruit. Quamobrem in hoc vno quidem perspicuè dicimus tum quantum displiceat domino nostra arrogantia, tum rursum quantum placeat humilitas, de quibus in Euangelio dicitur: Omnis vallis implebitur, & omnis mōs & collis humiliabitur. Montes hoc loco superbi intelliguntur, vt est illud in psalmo. Montes sicut cera fluxerunt à facie domini. Et in alio psalmo: Tange montes & fumigabūt. Superborum quippe gloria in fumo vanitatis laborat, humiles autē in luce resplendent veritatis, cum exaltantur. Superbi volucres cœli sunt, de quibus dicitur: Omnia subiecisti sub pedibus eius, volucres cœli & pisces maris, vt Christi iudicio subiecti sint & hi qui mentis elatione insolescunt, & illi quorum vita inter mundanas fluctuat vanitates: & vt vtrosq; Christo inuisos intelligas, ipse in euangelio dixit: vulpes foueas habent, & volucres cœli nidos,

Psal. 73.

Dani. 4.

Lucæ. 3.

Psal. 96.

Psal. 145.

Volucr.

Psal. 80.

Lucæ. 9.

nidos; filius autem hominis non habet ubi caput reclinet suum: Alteri enim terrenis negotiis dediti, avaritiam student, alteri nihil magis curant, quam ut fama honoribusque emineant, utque id assequantur, neque homines neque deum offendere verentur, Desistunt enim eos ratio ac veluti pecora presentia tantum aspiciunt, & futura quæ æterna sunt, non recogitant: Quod si quid etiam benefecerint, suæ virtuti non diuinæ gratiæ tribuunt. Contra quos clamat Isaias, dicens: Nunquid gloriabitur securis contra eum qui secat in ea? aut exaltabitur serra contra eum à quo trahitur? quasi diceret: Ista instrumenta non vendicant sibi laudem operis, quæ propria opificis est, & vos de bono illo, quod non tam à vobis quam per vos gestum est, totam gloriam vobis usurpatis? Cum omne bonum desursum sit, & omne donum perfectum à patre luminum descendat in hominibus, ut quod ille iubeat, ipsi possint perficere.

Isaiæ. 10.

*Quod alij dignitate, alij humilitate
laudari appetunt, alij deo quo-
que se audent comparare.*

Cap. 5.

Alij sanè per ambitionem magni apparere volunt & sicut saluator ait: Amant primos recubitus in cœnis, & primas cathedras in synagogis, & salutationes in foro, & vocari ab hominibus rabbi. Qui talia amat, peccat: non quod non liceat homini primo loco sedere, si id dignitas ipsa in qua est exigit, sed quod ex eo voluptatem capere, arrogantia vitium sit. Itaque non erit nefas, ei qui iussus est præsidere, primam tenere cathedram, sed hoc affectare inanis gloriæ gratia, nefas erit. Quinimo si etiam in infimo loco sedendo ab aliis commendari concupieris, humilitatis bonum humane

Matth. 23.

Il ij laudis

laudis desiderio corrumpes, & devirtute facies vitium. Et quoniam (vt diximus) mens animusque superborū nequit quiescere, semperque se magis ac magis erigens eò quosdam prouexit vecordia, vt se deo comparare au si sint, deumque contemptui habere. Nabuchodonosor rex, cuius insaniā paulo antè retulimus, hoc tamen pretermisso quod nūc dicemus, auream statuam erexerat, se in ea veluti deum adorari iubens. Et quoniam se supra hominē extulit, regno depositus cum bestiis vixit. Ad principem Tyri in Ezechiele dicitur: Hęc dicit dominus deus, eo quod eleuatum est cor tuum, & dixisti deus ego sum, & in cathedra dei sedi in corde maris, cū sis homo & nō deus. Hinc demum post commemoratas tantæ elationis causas infertur, quod tradendus alienigenis esset, spoliāndus atq; interficiendus. Illorum quoque superbia deo se conferentium fuit, qui primū ab oriente venientes posuerāt sibi sedem in terra Sanaar. Turrim enim ædificarūt, cuius altitudinem ad cœlum vsque educere decreuerāt. Tam igitur stulta est superbia, vt etiam nulli mortalium possibilia præsumat. Inter ædificādum linguis confusi sunt, deinde per orbem dispersi, ita vt neq; intelligere alter alterum, neque simul consistere quiverint. Senacherib Assyriorum Rex, vt antè est dictū: Deum Israël blasphemare ausus, vnā nocte cæsis ab angelo exercitibus, fugere coactus est à mœnibus Hierosolymæ vrbs quam obsederat, & cum Niniuē peruenisset, à filiis fuit interemptus. Balthasar Chaldæorum rex, quia vasis sacris, quæ de Hierosolymis translata fuerāt, bibit in conuiuio, & idola vana colens laudes dixit diis, antè manu supra parietem scribē te territus, deinde ipsius interpretatione scripturæ, postremò nocte insequente interfectus est. Antiochus Epiphanes & ipse in deum blasphemus, ira q; tumens minabatur vrbem Hierosolymam supra Iudæorū corpora dirui turum se, & quæ habitantium erat locus, factum vt

Nabuchodonosor
Daniel. 3.

Gen. 11.
Turris
Babel

Senacherib
1. Reg. 19.

Balthasar
Daniel. 5.

Antiochus
2. Mac. 9.

rum vt sit cæſorum ſepultura: mox viſcerũ dolore correptus, ac toto tabefacto corpore ſero pœnitēs, æquum eſſe ait, vt homo mortalis deo immortalis ſit ſubiectus: talia fatus vita deceſſit, de dolore traductus ad actiores gehennæ dolores, inferorumq; ſupplicia. Documento eſt quod omnino nihil ſit regum terræ poteſtas, ſi cœleſtis regis potentiæ comparetur: Non abſimile ſine conſumptus eſt Herodes Agrippa, Sedēs enim pro tribunali dum cōcionaretur, magno plauſu exceptus dicentiũ, non humana verba, ſed diuina de ore eius fluere: nō egit gratias deo, ſed laudem illam totā ſibi vēdicauit, quod deo conferēdus videretur, ob hoc ab angelo percuſſus, vermibus ſcaturire cœpit, ac tam infelici exitu iſ qui ſibi feliciffimus videbatur, vitam obiit: adhuc deterius ab immortalis verme in inferno carpēdus quam à quibus conſumptus eſt. Caius Cæſar (vt Ioſephus refert) C. Cæſar cultum ſibi tanquā deo exhiberi iuſſit, ſtatuam in Capitolio poſuit, ſe Ioui parem dictitans: deinde in ſenatu interemptus, deus eſſe deſiit, ita vt ne hominis quidē in eo facies aliqua ſupereſſet, toto tandem in cineres cōuerſo. Talibus imprecatur Eccleſiaſticus, dicens: Conte re domine caput principum & inimicorũ dicentium, non eſt alius præter nos. Grandis arrogantia ſtultaq; præſumptio, putare ſe ſingularē, & ab iis qui prudenter iudicant, non ita magni haberi. Vnde præceptum eſt: Non te extollas in cogitatione animę tuę velut taurus, Ecclī. 6. ne forte elidatur virtus tua per ſtultitiā. Et alibi: Odi- Eccle. 10. bilis, inquit, coram deo eſt & hominibus ſuperbia. Et rurſum: Quid ſuperbis terra & cinis? Quid eſt enim de Ibidem quo gloriari poſſit aliquis, niſi de ſola animi virtute? qui autem gloriatur, in domino glorietur.

*Quod ſancti quandoque lapſi ſint
per ſuperbiam.*

Cap. 6.

II iij

Nihil

Nihil aliud habemus, quod non sit cum brutis commune, præter ipsam animi rationem atque sapientiam. Difficile est tamen ne quando in ipsam labamur mentis elationem, neque aliqua laudis cupiditate interdum perstringamur, quandoquidem sanctissimis quoque viris hoc contigisse, scripturarum monumenta nobis testatur. Peccavi (inquit David) valde in hoc facto, cum numerare iussisset Israël & Iudam, censaque fuissent de Israël octingenta milia virorum fortium, de Iuda quingenta milia. Cumque se peccasse fateretur, subiunxit: Sed precor domine, ut transferas iniquitatem serui tui, quia stultè egi nimis. Quamuis autem cum poeniteret, de tribus tamen poenæ generibus datur vnius optio, hoc est, vel septennis famis, vel trimestris fugæ persequentibus inimicis, vel triduanæ pestilentie. Quae electa septuaginta milia virorum, qui eius ditionis erant, mortis coniuncta sunt. Lugenti & in humilitate supplicanti venia tandem data, cessauit internecio ac vastitas plebis. Hinc ille gratias agens, dixit: Audiuit dominus & misertus est mei, dominus factus est adiutor meus. Quoties igitur nos aliquo rerum successu quicquam efferri contigerit, toties ad nos reuersi humiliemur, veniamque precemur poenitendo, ne forte totam iram effundat deus in obstinatos, qui vindictam temperat aduersus poenitentes, misereturque supplicibus & ignoscit. Peccauit & Ezechias rex, alioqui erga deum pietate notissimus, eleuatum est cor eius, postquam graui obsidione Assyriorum fuit liberatus, additi que sint vitæ suæ quindecim anni, dato ne id futurum dubitaret signo per decem horarum spacium retro ducti solis. Et tunc quidem iactabundus regis. Babyloij legatis ostentauit omnem domus suæ opulentiam, propterea per prophetam audiuit diuitias illas ad Babylonem transferendas vna cum liberis nepotibusque suis. Sed quoniam submisit se domino, dilata est calamitas ad regni

gni

2. Reg. 23.

David.

Psal. 29.

Ezechias.

Isaia. 9.

gni successores. Ipse verò mali huius expers decessit, non tamen absque dolore eorum quæ post se nouerat esse ventura. Peccauerunt & discipuli Christi, orta inter se contentione, quis eorum videretur esse maior? Sed ab ipso veræ virtutis præceptore reprehensi sunt, dicente: Gentilium non Christianorum esse, ambire honores, & se magnificos apparere velle. Vos autem non sic, inquit, sed qui maior est in vobis, fiat sicut minor: & qui præcessor est, sicut ministrator. Nam quis maior est, qui recumbit, an qui ministrat? nonne qui recumbit? ego autem in medio vestrâ sum sicut qui ministrat. Is igitur qui præferri aliis concupiscit gentilitatem sapit, qui verò vel in dignitate positus, minoribus ministrat ea quæ ad cōsequendam salutem necessaria sunt virtutum præcepta, siue ad sustentationem vitæ opportuna subsidia, hic Christi discipulus est, humilitate deiectus, dignitate præstans, non quærens quæ sua sunt, sed quæ aliorum.

Apostoli
Luce, 22.

*De superbia diaboli, & superborum
damnatione. Cap. 7.*

Ille præterea qui tumide arroganterque sese gerere non desierit, hic diaboli discipulus simul & seruus erit. Diabolus quippe (vt in Iob legimus) rex est super vniuersos filios superbiæ. Quid autem vilius, despectius, miserius, infelicius, quam eius esse mancipium, qui & ipse propter superbiam cælo deturbatus lucem amittit, & in infernum corruens, tenebris & igni est additus? Quid, inquam, dici aut cogitari foedius potest, quàm vt homo ad similitudinem dei factus, conditionis suæ oblitus, immundum imitetur spiritum, teterrimam sequatur beluam, immanissimoque sese subdat serpenti? Qui licet sæuissimus insolentissimisque sit, à sanctis tamen humilibusque dei seruis cōculcandus & cōterendus

Iob. 41.

II iiij est in

Miche.4.

Isaia.14.

Pfal.47.

est in die iudicii, dicente Michea propheta: Calcabitis impios, cum fuerint cinis sub planta pedum vestrorum in die quam ego facio dicit dominus exercituum, vt videlicet tanto despicabilior appareat malignus hic spiritus, quanto arrogantius cōtra deum creatorem suum & dominum insurrexit. Dixit enim vt in Isaia est scriptum: Ascendā super sydera dei, exaltabo solium meū, sedebo in monte testamenti, in lateribus aquilonis, ascendam super altitudinem nubium, & ero similis altissimo. O insatiabile malum superbia: In cōelo erat & adhuc altius prouehi cupiebat. Nam supra illud etiam cōelum se ascensurum iactabat, de quo dicitur: Cōelum cōeli domino, terram autem dedit filiis hominum, supra sydera dei, supra altitudinem nubium, hoc est, supra omnes angelicas virtutes & potestates. In mōte testamenti, in lateribus aquilonis, iuxta illud quod in psalmo legimus: Mons Sion latera aquilonis, ciuitas regis magni, mons Sion & mons testamēti sancta ecclesia est, latera aquilonis in cōelo puriora nobis apparēt. Ideō sub hac metaphora signatur locus in cōelesti gloria ceteris purior atque sanctior, in quo summā maiestatis principale habitaculum est: Illo igitur mens elata & temeraria cogitabat ascendere. Quemobrem ne ibi quidem vbi erat, quiuit permanere. Ad ima terræ corruit: dum se ad fastigia vsque cōelorum extendit, diciturque ei: Quomodo cecidisti de cōelo Lucifer, qui mane oriebaris: Corruisti in terram. Hoc in Euangelio dominus testatur, dicens: Videbam satanam sicut fulgur de cōelo cadentem. Et Ioannes in Apocalypsi: Vidi stellam de cōelo cecidisse in terram, & data est ei clavis putei abyssi. Idem alibi: Factum est, inquit, prælium magnum in cōelo Michaël & angeli eius præliabantur cum dracone, & draco pugnabat & angeli eius, & non valuerunt, neque locus inuentus est eorum amplius in cōelo, & proiectus est draco ille magnus, serpens antiquus,

antiquus, qui vocatur diabolus & satanas, qui seducit vniuersum orbem, & proiectus est in terram, & angeli eius cum illo missi sunt. De quibus in Iob dicitur: Et in angelis suis deus reperit prauitatem: In his videlicet, qui vnà cum dracone in profundum deciderunt. Itaque etiam illi, qui cum sequuntur superbè & elatè se gerendo, & sub potenti manu dei humiliari contemnendo, eodem loci corruant necesse est. Sordet enim vita eorum nauseamque facit domino, qui in superbiam eriguntur, Iohel propheta teste, qui ait. Ascendet foetor eius, & ascendet putredo eius, quia superbè egit. Superborum igitur foetor ascendit, quia dereliquerunt odorem humilitatis, fragrantiamque virtutis, & elato incedentes supercilio aduersarij sequuntur vestigia, vt cum eo damnentur in die illa, quando visitabit dominus (vt Isaias inquit) in gladio suo duro & grādi & forti super Leuiathan serpentem veterem, & super Leuiathan serpentem tortuosum, & occidet cetū qui in mari est. Qui enim nunc vel circa aëra istum nubilosum vel circa terram hanc mortaliū sedem versantur, tunc omnes in barathro tartari terribili atque horrendo concludentur. At tu si nolis cum his habere sortem, confortium quoque fuge superborum. Rarum est enim vt quis illorum mores non imitetur, quorum consuetudine utitur. Vnde Psalmista: Superbo oculo, inquit, & insatiabili corde, cum hoc non edebam. Et scripturarum præcipuus illustrator Hieronym⁹ noster: Nihil, inquit, a pueritia magis vitare conatus sum, quàm tumentem animum & erectam cervicem, dei contra se odia prouocantem. Ob hoc quæque superbos fuge, ne fortè dum illis iungeris, cū ipsis simul turbine diuinæ vindictæ inuoluaris. Qui enim vitiosis libèter copulatur, licet moribus dissimilis sit, fauere tamen vitiis eorum videtur, & sicut à societate malorum non abhorret, ita minime mirum erit, si poenæ quoque eorum particeps efficitur.

De super-

Iob. 4.

Iohel. 2.

Isaiæ. 27.

Psal. 100.

De superborum pœna. Cap. 8.

Qualis autem superborum pœna futura sit, præ-
 sentia demonstrant nam si in vita quoque inter-
 dum grauissimè plectuntur, haud dubium
 quin multo acerbiora passuri sint post mortem in infer-
 no, nisi decedentium comes fuerit humilitas, id quam-
 quam ex his quæ diximus perspicuè adparet, addamus
 tamen & alia quædam descripturis, vt quo plures ad-
 uersus vitium istud sententias didicerimus, in euitando
 efficiamur diligentiores. Per Isaiam superbis minatur
 dominus, dicens: Quiescere faciam superbiam infide-
 lium, & arrogantiam fortium humiliabo. Et per Eze-
 chielem: Adducam (inquit) pessimos de gentibus; &
 possidebunt domos eorum, & quiescere faciam super-
 biam potentium, & possidebunt sanctuaria eorum. V-
 tinam non de nobis ista exponi queant, quorum infide-
 les Turcæ vicos, oppida, prouincias occuparunt, aras fo-
 cosque prophanâtes, nullo die cessant in reliqua Chri-
 stianorû regna debacchari, captiuos abducere, pecora
 depradari, vastare agros, cædibus grassari, & in nomen
 Christianû magis quàm dici queat impiè furere. Hoc
 perpetuo flagello nostra percutitur superbia, & tamen
 adhuc humiliari negligimus. Infidelium arma sine in-
 termissione sæuiunt, & sæuendo prosperantur: quia
 Christiani principes inter se dissident, inter se digla-
 diantur: & cû iunctis viribus cõmuni periculo simul oc-
 currere deberêt, id agunt, vt facilius quicquid reliquû
 est Christiani imperij, dissipetur, & in impiæ infidæ-
 que gentis veniat potestatem. Cæterum si quis hanc
 quam imminere cernimus calamitatem effugerit, & ta-
 men scelere atque superbiâ sese efferre non desierit, ne-
 quaquam illam multo horribiliorem ærumnam effu-
 giet, quam futuram Malachias denunciât dicens: Ecce
 dies veniet succensa quasi caminus, & erunt omnes su-
 perbi &

Isaiæ. 53.

Ezech. 7.

Malac. 4.

perbi & omnes facientes impietatem stipula, & inflam-
 mabit eos dies veniens, dicit dominus exercituum: quæ
 non relinquet eis radicem & germen, id est, ullam con-
 uersationis pristinæ spem, dicitur enim eis. Ite, maledi-
 cti in ignem æternum, qui paratus est diabolo & ange-
 lis eius. Vt videlicet superbi homines cum ipsis super-
 biæ spiritibus crucientur simul, omni prorsus quiescen-
 di expectatione sublata: Plurimi tamen & antè in hoc
 seculo magnis afficiuntur incommodis atq; angustiis,
 quo vel ipsorū superbiā castigata submittat ceruices,
 vel aliorū territa in humilitatem conuertatur. Quæ
 superbum tunc non terruit Hierosolyma, vel cum o-
 lim à Chaldæis euersa est, vel cum postea à Romanis:
 De qua Isaias prophetauit, dicens: Dominus deus fortis
 incumabit habitantes in excelsu, ciuitatē sublimē hu-
 miliabit, humiliabit eam vsque ad terram, detrahet
 eam vsque ad puluerem. Postremo à saluatore coargu-
 ta quod occideret prophetas, & ad se corripiendā mis-
 sos lapidaret, audit, Ecce inimici tui circumdabunt te
 vallo, & coangustabunt te vndique & ad terram poster-
 nept te, & filios qui in te sunt & non reliquent in te la-
 pidem super lapidem. Quem arrogantem non palefecit
 Babylō à Medis Persisque destructa, quod quidem
 immanitate eius atque superbia offensus dominus futu-
 rum prædixit, cum ait: Visitabo super regē Babylonis,
 & super gentem illam iniquitatem eorū, & super terrā
 Chaldæorum, & ponam illam in solitudines sempiter-
 nas. Hanc & Isaias lugere videtur, dicens: Descēde, sede
 in puluere filia Babylon, sede in terra nō est solū filie
 Chaldæorum. Idem alibi, Et erit Babylon, inquit, illa
 ciuitas gloriosa, in regnis incluta, in superbiā Chaldeo-
 rum subuersa, sicut subuertit dominus Sodomā & Go-
 mōrrhā, nō habitabitur vsq; in finē, & non fundabitur
 vsq; in generationes & gñationes. Chaldæorū hec me-
 tropolis erat, inter septē mūdi spectacula à scriptorib;
 numerata,

Hierusa.

Isai. 26.

Lucæ. 19.

Babylon.
Iere. 28.Isaiæ. 47.
Isaiæ. 1).

merata, tanta ædificiorum magnificentia, vt penè incredibilia sint, quæ de illa narrantur. Muris costilibus cinctæ, Semiramis reginæ opus, cuius ambitus (vt Herodotus prodidit) sexagintaquatuor millium passuum erat, vt Strabo, trecentorum & octoginta stadiorum, quod penè idem est. Multo Babylone maiorem fuisse Ninum aiunt, quam nos Niniuen dicimus, cuius ambitum trium dierum itinere constitisse, Ionæ prophetæ liber testatur, quam cum ille subuertendam prædixisset, Niniuitæ pœnitentiæ humilitate veniam impetrarunt. Postea verò cum ad pristinas superbiæ sordes reuerterentur, quod antè timuerant, passi sunt à Cyaraxe Medorum rege, regnante Hierosolymis Iosia filio regis Amon à seruis interempti. De ista Niniuæ vastatione prophetauerat Zacharias, dicens: Humiliabitur superbia Assur. Et Sophonias. Extendet dominus manum suam super Aquilonem & perdet Assur, & ponet speciosam in solitudinem & in inuium, & quasi desertum. Paulo post. Hæc est (inquit) ciuitas gloriosa habitans in cōfidentia, quæ dicebat in corde suo, ego sum, & extra me non est alia amplius, quomodo facta est in desertum, cubile bestiæ? Igitur vt taceam Moabitas & Ammonitas & quosdam alios potentia atque opibus quondam claros, ob hoc ipsum superbiæ crimen penè deletos, omnes terrarum dominos hortor, cum talia legerint de his, qui ipsis fortiores, opulentiores, virorum armorumque & rerum omnium copia maiores extitere, tam subito cecidisse, ne sibi insolèter superbeq; cōfident, sed summi dei scita legesque contemnere metuant, semperque meminerint, solo illi⁹ nutu cœlum terramq; posse deficere, qui solus vt essent potuit facere. Non eos extollat successus rerum, non erigant contra inimicos viatoria, non inflet imperij ampliatio. Audiant psalmistam domino dicentem. Non enim in gladio suo possederunt terram, & brachium eorum non saluauit eos, sed dextera

tua &

Zach. 10.
Soph. 2.

Ibidem

Psal. 43.

tua & brachium tuum & illuminatio faciei tuæ. Nun-
 quid igitur qui dare potuit, non poterit auferre cum
 voluerit? Nunquid quisquam valebit resistere illi ter- Psal. 75.
 ribili; qui aufert spiritum principum, terribili apud Isaia. 1.
 reges terræ? Erit, inquit Isaïas, fortitudo vestra vt fauil
 la stuppæ & opus vestrum quasi scintilla, & succende-
 tur vtrunque simul. Potentissimus olim fuit Ozias Iu- Ozias.
 dææ rex, Geth oppidum destruxit, Samniam & Azotū 2. Para. 26.
 ædificauit, domuit Palæstinos, Ammonitas pendere ve-
 ctigal coëgit, erat exercitus eius duorū millium & sex-
 centorum principum, & sub his trecenta & septem mil-
 lia virorum bello fortium. Cum tamen insolenter elat-
 us, & templum ingressus adolere incēsum vellet, quod
 officium sacerdotum erat, continuo lepra perfunditur,
 redditurq; ineptus curæ & gubernatulo regni. In eius
 locum suffecto filio, vitam morte acerbiorē duxit. Sic Isaia. 10.
 igitur oculos superborū humiliat dominus, sic superbi
 ascendunt vsque ad cœlos, & descendunt vsque ad abyf-
 sos: sic humiliat dominus peccatores vsque ad terram.
 Excelsi ergo statura (vt Isaïas ait) succidentur, & subli- Isaia. 23.
 mes humiliabuntur. Iterum ait: Dominus exercituū co-
 gitauit hoc, vt detraheret superbiam omnis gloriæ, &
 ad ignominiam deduceret vniuersos inclytos terræ. Et
 rursum: Væ, inquit, coronæ superbix ebrius Ephraim, Isaia. 28.
 & flori decidenti gloriæ exultationis eius. Quid est e-
 nim aliud humanæ potentiæ ostētatio nisi florum glo-
 ria, mane florens, vesperi arefcens ac defluens, & om-
 nem penitus amittens decorem. Nullum terræ regnum
 perpetuum, neque diuitiæ stabiles, neque honor fir-
 mus. Cuncta caduca, fragilia, varia atque mutabi-
 lia: in quibus hominum superbia dum caput attolle-
 re nititur, dum se stare putat, corrui. Hoc est illud
 Ieremiæ lumbare, quo cum se præcingere vellet, ne-
 quiuit. Cōputruerat enim, & nulli iam vsui aptū erat, Ierem. 3.
 atque hinc captata occasione dominus. Sic, inquit, pu-
 trefcere

trescere faciam superbiam Iuda, & superbiam Hierusalem multam. Nemo igitur superbiat, quia omnipotens est qui auersatur superbos. Vnusquisque humilietur, quia deus est qui humilibus dat gratiā dicente Ba-

Baruc. 5.

Ezech. 17.

ruch propheta: Constituit deus humiliare omnē montem excelsū & rupes perennes, & cōualles replere inæqualitatem terræ. Dicente etiam deo ipso in Ezechie le propheta, Ego dominus humiliavi lignum sublime, & exaltaui lignū humile; & siccaui lignū viride, & frōdere feci lignum aridum. Hoc idem aliis verbis expressum est in euāgelio, vbi dicitur, Omnis mons & collis humiliabitur, & omnis vallis implebitur. Et iterum;

Lucæ. 3.

Disperfit superbos dominus mente cordis sui, deposuit potentes de sede & exaltauit humiles. Esurientes impleuit bonis, & diuites dimisit inanes. Cæterū ibi quo-

Matth. 18.

que terribiliter minatur superbis dominus, vbi ait, Et tu Capharnaum, nunquid vsque in cœlum exaltaberis? vsque in infernum descendes, vt videlicet pœna delicto respondeat, & quanto quis altius erigitur, tanto inferius labatur & corruat. Hinc est ille angeli in Apocalypsi clamor, Quantū glorificauit se, & in deliciis fuit, tantum date illi tormentum & luctum. Et cum hæc ita sint nōne fidelissimo cuique ab arrogantiā, fastu, atque superbia maximè abhorrendum sit & enitendū, vt humilitatem, mansuetudinem, humanitatē que se quatur? Id demum ita seruare poterit, si in omnibus ei qui omnibus præsidet, parebit. Quam rem vt impensius præstet, nunc de ipsa obedientiæ virtute tractationem spiritu sancto fauente aggrediemur.

Apocal. 18.

De obedientia deo præstanda. Cap. 9.

PRimum omnium deo obediendum est, deinde aliis propter deum. Nemini autem in eo gerendus mos est, in quo offenditur deus. Omnia extrema prius perpetiēda sunt, quā in contra dei iussa, mandata, leges aliqui d

aliquid agendum. Nec vnquam dubitandum, quin illud bonum æquumque sit, quod iussu à deo atque constitutum fuerit. Cuius vnus sapientia nunquam errat, & bonitas nunquam à sui perfectione defleat. Cuiuscunque igitur ita ut oportet de deo persuasum fuerit, non inquit quare sic aut sic aliquid ille iubeat siue mandet, sed tantum quod imperatum est, id persequi atque perficere curabit. Abraham filium immolare iussus, non respondit quod in illo sibi promissum esset semen, quod in illo benedicendæ erant gentes. Credidit enim cuncta euentura quæ deus promiserat, etiam ipso mactato, in quo promissa ista implenda erant. Ideo tacitus maturabat quod iussu fuerat, perficere. Denique filium vnigenitum vnice dilectum, ut deo obtemperaret, suis interfecisset manibus, nisi is qui iusserat, rursus inhibuisset. Sic probatus, cum vnus tantum esset genitor, omnium in Christo credentium constitui meruit pater, stellas numerare iubetur, in earum comparatione filios habitaturus. Amalechitarum regem Samuel propheta in frustra discidit, cui victo Saul rex pepercerat, maiorisque pietatis exemplum præbuit Samuel, quia homini non pepercit, ut deo obediret. à Saule autem tollitur regnum, & alteri datur, quia illum quem iussus erat interficere, viuere permisit. Nō itaque pius, sed impius est habendus, qui domini transgreditur legem, ut seruo indulgeat & blandiatur, magisque hominem offendere metuit, mortalem, fragilem, caducum quæ deum immortalem æternum, omnipotentem, omnium quæ vbique sunt opificem, omnium dominum ac moderatorem. Quid vxore, quid liberis in vita charius? legimus tamē illos qui de Babylone cum Esdra sacerdote postliminio redierant, cum didicissent ex lege diuina non licere sibi alienigenis mulieribus copulari, cum illis quas duxerant, diuortium fecisse ac de ipsis genitos abdicasse. Vincere enim debet omnē erga
alios

Gene. 22.

Samuel.

1. Reg. 15.

1. Esdr. 10.

alios amoris affectum sola deo parendi atque obsequen-
di sedulitas. Quæ profectò si nobis cōtigerit, nullus ho-
minū timor obstabit, nullus pudor, quin agamus, quic-
quid vel à domino, vel à pontifice, vel à collegi, nostri
præposito iniunctum fuerit. Non timuerūt sancti pro-
pheta magnos reges coram arguere, neque populo ple-
bi que aduersa denunciare, cum à domino mitterentur,
Nō erubuit Isaias deposito quo indutus erat cilicio nu-
dus per urbem incedere, & regum necessitudine nobilis
pudendam de semetipso detectis natibus spectaculum
publicè præbere, quia ille qui super omnes est iusserat,
vt per hoc Aegyptum & Aethiopiam ab Assyriis despo-
liandam significaret. Magno igitur animo omnibus in
rebus diuinæ obtemperandum est iussioni. Contempse-
runt Apostoli impiorum contumelias, verbera, minas
omnes: & cum compellerentur ne Christum prædica-
rent, responderunt, deo magis quàm hominibus obedi-
re oportere. Et nisi domino nostro obedierimus, ne di-
ligere quidem illum conuincemur. Si diligitis me, in-
quit, mandata mea seruare. Et iterum: Qui habet man-
data mea & seruat ea, ille est qui diligit me. Idem rur-
sum ait. Qui non diligit me, sermones meos nō seruat.
Mentitur igitur qui se deum diligere dicit, & quod il-
le imperauit, hoc exequi negligit. Quod verbis profi-
teris, operibus comproba, & quod promittendo iacta-
tas, verum esse obediendo ostende. Ad testandam erga
deum charitatem nihil magis necessariū est, quàm ip-
sa obediētiæ virtus, vt videlicet facere studeamus quod
ille imperat, & eo quod prohibet abstineamus. Cuncta
quæcunque sunt, autorem suum agnoscunt, & ei obtem-
perant. Cælum, terra, mare, volucres, pecora, pisces, nec
animantia tantum, verum etiam inanimata eandem na-
turam seruant, quæ illis ab initio est collata, & nunquā
ordinem suum, quem à conditore acceperunt transgre-
diuntur. Vnde psalmista dominum alloquitur & ait.

Fundasti

Isaia. 20.
Isaias

Apostoli
Actū. 5.

Ioan. 14.

Psalm. 13.

Fundasti terram & permanet, ordinatione tua perseverant dies, quoniam omnia serviunt tibi. Et in alio psalmo dicitur. Ignis, grando, nix, glacies, spiritus procellarum, quæ faciunt verbum eius, montes & omnes colles, ligna fructifera & omnes cedri, bestię & vniuersa pecora, serpentes & volucres pennatę. Cuncta igitur quę subsistunt, verbum dei faciunt, bruta vtiq; ratione carentia, sensibilia atque insensibilia, & nos quos ille intellectu donauit, veritatis cognitione illuminauit, æternis bonis dignos reddidit, non faciemus? Creatori, redemptori, saluatori nostro non parebimus? Non ille nostra indiget obedientia, sed nos illius indigemus imperio, qui ideò imperat aliquid, vt bona conferat obedientibus. Quę autem his qui obediunt conferenda sunt, obediunt nolentes mereri non poterūt. Qualia verò & quanta sint obedientium bona, docebo: si prius quibus post deum obediendum sit, viderimus.

Quorum imperio parendum sit.

Ca.

IO.

OMnibus illis qui nobis iure præsumunt, obedire nos oportet, dummodo id iubeant, quod diuinę non aduersatur iussioni, neque eorum qui præsidibus præsumunt imperio. Vt semper maioribus honor deferatur in obediendo, dicente Apostolo: Omnis anima potestatibus sublimioribus subdita sit, non est enim potestas nisi à deo, quę autem sunt, à deo ordinata sunt, itaque qui resistit potestati, Dei ordinationi resistit: qui autem resistunt, ipsi sibi, inquit, damnationem acquirunt. Quoties ergo imperatum est, quod potestati, quę à deo est, conuenit, parere debemus vt deo. At verò cum malè, iniuste aliquid iussum fuerit, malignitati eius qui iussit resistendum est, neque quod fieri voluit, faciendū. Talis quippe iussio nequaquam sequitur ordinē à Deo

Roma. 13.

KK

datæ

Tit. 3.

Mat. 10.

data potestatis, sed eius qui abutitur potestate, prauitatem atque nequitiam, Idcirco idem Apostolus ad Titum scribens, non satis habuit dicere. Admone illos principibus & potestatibus subditos esse, dicto obedire, sed subiunxit, ad omne opus bonum paratos esse. Cum itaque potestas aliquid iusserit, subditi mens maturè perpendat, vtrum bonum an malum sit quod iubetur: si bonum fuerit, pareat: si malum, parere caueat, ne deum offendat, quod si nec bonum nec malum videbitur, p- inde ac si bonum esset obtemperet. Satis est enim si malum non est quod iubetur. Bonum autem etiam si iussum non fuerit, agere expediens erit. Bene enim agendo mala iubentem poteris contemnerè. Vis, inquit, non timere potestatem, bene fac. Fieri quidem potest vt potestas malè officio suo fungens ad uersus innocentem sauiat, sed dominum audiuius dicentem: Nolite timere eos qui occidunt corpus, animam autem non possunt occidere, sed eum potius timete, qui potest corpus & animam perdere in gehennam. Quid nocuit sanctis tyrannorum impietas deos eorum contemnentibus? Quibus illi vitam hanc breuem & caducam abstulerunt, iis deus dedit stabilem & æternam. Quos illi suppliciis affecerunt, eos deus perennis gloriæ immensique gaudij corona insigniuit. Igitur sicut recta honestaque iubentis præsidis imperium totis viribus exequi debemus, ita iniqua turpiaque imperantis minas intrepidè contemnere. Sed rursus apostoli præceptum est: Serui obedite dominis carnalibus cum timore & tremore & sinceritate cordis vestri, sicut Christo, non ad oculum seruientes, quasi hominibus placentes, id est, laudem, fauorè inue hominum occupantes, sed & serui Christi facientes voluntatem dei ex animo, seruientes sicut domino & non hominibus. Dominis igitur fideliter vt deo seruendum est, promptèque obtemperandum, quam diu iussa eorū cum dei concordent voluntatè, nec ab æquo honestoq;

honestoque videantur discrepare . Et si carnalibus dominis tanta animi solitudine obediendum sit, quanto magis domino spiritali, qui animarum nostrarum curam gerit, & illa duntaxat iubet quę magis ad consequendam pertinent salutem? Recte itaque hortatur nos Apostolus, & ait: Obedite prępositis vestris & subiacete eis, ipsi enim peruigilant, quasi rationem pro animabus vestris reddituri. Pontifici maximo ante alios parendum est, Christi enim vicem gerit in terra. Deinde ab illo ut nostro conuentui pręsint, constitutis: omnibus denique qui ex eius autoritate ius habent, quod volunt nobis imperandi, ut deo erit obediendū, semper tamen habita superiorum ratione, ne fortē dū minoribus obedimus, eos quibus & ipsi obedire debet, offendamus. Deinde parentibus nostris obedire nos & natura suadet, & diuina lex iubet. Vnde Apostolus: Filij, inquit, obedite parentibus vestris in domino, hoc enim est iustum, honora patrem tuum & matrem tuā, quod est mandatum primum in promissione, ut bene sit tibi, & longæuus sis super terram. Non utique super hanc terram, in qua & obediētes possunt citō mori, & inobediētes diu viuere, sed super illam de qua propheta dixit: Credo videre bona domini in terra uiuentium. Quod etiam filiis Ionadab à domino promissum fuisse credimus. Ut enim pręceptum patris perficeret, vini potu abstinebant, & meruerunt audire domino dicente: Non deficiet vir de stirpe Ionadab filiis Rechab, stans in conspectu meo cunctis diebus. Tunc autem conspectum domini mirebimur, cum totius obediētię nostrę vnus finis fuerit, ut videlicet hominibus obediendo, Deo placeamus. Qui enim ideo alicuius iussis obtemperant, ut ab eo mercedem capiant, mercenarij sunt: & qui parent metuendo, ne quid mali patiantur, serui sunt. Is verò, qui neque spe pręmij, neque timore supplicij, sed solò Dei amore se subiicit ad

Heb. 13.

Ephes. 6.

Psal. 26.
Filij Ionadab.
Iere. 35.

KK ij obediē-

obediendum aliis, non mercenarius neque seruus est, sed
 potius filius patri æterno perpetua charitate deuinct⁹.
 Atque ideò quidem voluntariè seruit, spontè obtempe-
 rat, nihil in quo deo gratificari se censet, agit inuitus.
 Psal. 119. Hic certè cum Psalmista sancto concinere poterit: Ut
 faciam voluntatem tuam deus meus, volui. Tunc demū
 vera perfectāque obedientia est, cum nostra voluntas
 ex dei pendet voluntate. Cū videlicet quod ipse præ-
 cipit, facimus: non quod caro ad malum pronā sugge-
 rit. De isto obedientiæ genere est dictum: Melior est o-
 bedientia quàm victimæ, & auscultare magis quàm of-
 ferre adipem arietum. Et alibi: Sacrificium salutare est,
 attendere mandatis, & discedere ab omni iniquitate.
 Quoniam autem nihil mali est, quod lex diuina non
 prohibeat, neque boni quod non imperet vel præcipi-
 at, omnium prorsus abstinentia vitiorum, omniumque
 exercitatio virtutum obedientia est, ita vt ne fidei qui-
 dem sacramenta proderunt nobis, nisi ipsam obedi-
 tiæ coluerimus virtutem. Vnde gentium Apostolus
 Paulus: Circūcisio, inquit, nihil est, & præputium nihil
 est, sed obseruatio mandatorum. Et Iacobus Apostolus:
 Fides si non habeat opera, mortua est in semetipsa.

De obedientium præmio.

Cap.

II.

VIdeamus nunc quænam bona pollicetur obedi-
 tibus dominus. Obediens inter aduersa sctutus
 est, dicente dei sapientia. Qui me audierit, absq;
 terrore quiescet, & abundantia perfruetur malorum
 timore sublato. In Ecclesiaste quoque dicitur: Qui cu-
 stodit præceptum, non experietur quicquam mali. Iu-
 stis enim aduersa bene cedunt, dum ea ferendo superāt.
 Huic simile est quod in Isaia loquitur dominus, & ait:
 Si me audieritis, bona terræ comedetis. At verò Apo-
 stoli

Prou. 1.

Eccl. 8.

Isaiæ. 1.

stoli & sancti martyres quos obedientes fuisse negare
 non possumus, angustias, persecutiones, & supplicia pas-
 si sunt, quomodo ergo bona terræ comederunt, cum in tri-
 bulationes in vita tolerarint? Bona igitur terræ illa es-
 se reor, quæcunque nobis materiam præbent exercen-
 dæ virtutis, Multa autem vulgò bona putantur, quæ po-
 tius mala sunt, quia peccandi occasionem licentiamque
 suppeditant, vt sunt diuitiæ quæ luxuriam alunt, & di-
 gnitates, mundi atque honores, quæ superbiæ fomenta
 sunt. Post hæc in eodē propheta dominus ait ad domū
 Iacob: Vtinam attendisses mandata mea, facta fuisset
 sicut flumen pax tua, & iustitia tua sicut gurgites ma-
 ris. Sed quæ pax erat discipulis Christi, quibus ipse dixit:
 Ite, ecce ego mitto vos velut agnos inter lupos. Itē, in-
 iicient vobis manus suas & psequentur, tradentes in sy-
 nagogas & custodias, trahentes ad reges & præfides p-
 pter nomen meum. Postremò ait: Eritis odio omnibus
 hominibus propter nomen meum. Quæ est igitur pax
 ista, quæ obediētibus promittitur, si Christi discipulis
 non pax, sed odia hominum offeruntur. De interiori er-
 go pace intelligendū est, quoniam obedientes mādatis
 non perturbantur animo, sed semper in spe futuri boni
 conquiescunt, ac tanto magis iustitiæ operibus profici-
 unt, quanto minus præsentibus bonis deliniuntur. Lon-
 gævitas etiam promissa est dicto audientibus, quā qui-
 dem beatoris vitæ æternitatē interpretari possumus.
 Nulla enim felicitas est, in hac lachrymarum valle
 diu commorari. Illa ergo dierum longitudo quæ finē
 non habet, iplis qui obediunt proponitur, dicente ad
 Salomonem domino: Si ambulaveris in viis meis, & cu-
 stodieris præcepta mea & mandata mea, sicut ambu-
 lauit pater tuus, longos faciam dies tuos. Victoria quo-
 que aduersus inimicos obedienti spondetur in Leuiti-
 co, vbi cuncta eis ex sententia successura recensentur,
 qui dei mādata obseruarint, atque inter multa: Perse-

Idem. 48.

Luc. 10.

Luc. 21.

3. Reg. 4.

Leuit. 26.

Deut. 7.
2. Para. 25.

Pfal. 80.

Prou. 21.

2. Reg. 13.

4. Re. 10.

quimini, inquit, inimicos vestros, & corruant coram vobis, eadem repetuntur in Deuteronomio. Et in Paralipomenon libro legimus, Amasiam regem Iuda cum Syris congressurum centum talentis centum milia militum conduxisse, deinde ut viri dei iussis obediret, dimisisse conductitios, & cum paruo suorum numero ingentes hostium copias fuisse victoriaeque potitum. Itaque qui cum paucis vicit, victus cum multis fuisset si non obedisset. Dei quippe est (ut ibidem dicitur) & adiuuare & in fugam conuertere. Quia in Psalmo ait: Si populus meus audisset me, Israël si in viis meis ambulasset, pro nihilo forsitan inimicos eorum humiliasset, & super tribulantes eos misissem manum meam. Præterea in prouerbiis est dictum: Vir obediens loquetur victoriâ. Porro præstantissima victoria illa est, qua spirituales prosteruntur nequitia, caro inimica spiritui, & utrique diabolus, à quibus vinci perniciosissimum quidem est. Cæterum, hoc etiam facile subiugabimus, si obedientia sanctæ armis muniti fuerimus. Discant nunc reges terræ cui & ipsi parere debeant. Regni stabilimentum est observatio mandatorum dei. Sic enim ait dominus ad Hieroboam: Si audieris omnia quæ præcepero tibi, & ambulaueris in viis meis, & feceris quod rectum est coram me, custodiens mandata mea & præcepta mea, sicut fecit David seruus meus, ero tecum, & ædificabo tibi domum fidelem quomodo ædificauit David domum, & tradam tibi Israël. Ad Iehu quoque regem Israël locutus est: quia studiose egisti quod rectum erat; & placebat in oculis meis, & omnia quæ erant in corde meo fecisti contra domum Achab, filij tui usque ad quartam generationem sedebunt super thronum Israël. Magis tamen necessarium est hominis regnum, nosse seipsum regere, & animi motibus cum ratione imperare. Nec mirum quod obedientia merito regna conferuntur, quando quidem nihil est, quod obedi-

obedientium precibus denegetur. In Psalmo legimus: Psal. 90.
 Moyſes & Aarō in ſacerdotib⁹ eius, & Samuel inter eos
 qui inuocant nomen eius, inuocabant dominum, &
 ipſe exau diebat eos: in columna nubis loquebatur ad
 eos. Quare autem hæc continuò ſubiunxit: Custodie-
 bant testimonia eius, & præceptum quod dedit illis.
 Eadem Iohannis Apoſtoli ſententia eſt in Epiſtola di- 1. Ioan. 2.
 centis: Quicquid petierimus accipiemus ab eo, quoni-
 am mandata eius custodimus, & ea quæ ſunt placita co-
 ram eo, facimus. Obſedientia poſtremò facit, vt inter
 amicos & diſcipuloſ Chriſti ſenſeri mereamur, poſtea,
 tandem cum CHRIS TO quoque beati futuri, Vos Ioan. 15.
 inquit, amici mei eſtis, ſi feceritis quæ præcipio vobis. Ioan. 7.
 Alibi autem ait: Si manſeritis in ſermone meo, verè di-
 ſcipuli mei eritis. Vis audire maius hiſ? Quicūque fe-
 cerit voluntatem patris mei qui in cœliſ eſt, ipſe meus
 frater & ſoror & mater eſt. Ad beatitudinis autem p-
 miſſionem pertinet, quod in Ieremia clamās ait: Audi-
 te vocē meā, & ero vobis deus, & vos eritis mihi popu-
 luſ, & ambulate in via quā mādauī vobis vt bene ſit vo-
 biſ. Hæc apert⁹ diſcimus in Euāgelio dicēte ſaluatore: Ioan. 8.
 Si quiſ ſermonē meum ſeruauerit, mortem non videbit
 in æternum. Et iterum: Oueſ meæ, inquit, vocem me- Ioan. 10.
 am audiunt, & ego cognoſco eaſ & ſequuntur me, &
 ego vitam æternam do eiſ, & non peribunt in æter-
 num, & non rapiet eaſ quiſquam de manu mea. Cauil-
 labitur aliquiſ & dicet, Deo & CHRIS TO obe-
 diētibuſ talia promittuntur, non hiſ qui epiſcopiſ vel
 ſibi præſectiſ parent. Audiat ergo ipſum dominum ad
 illoſ quibuſ Eccleſiam commendabat dicentem, Qui
 voſ audit, me audit: & qui voſ ſpernit, me ſpernit: qui
 autē me ſpernit, ſpernit eū qui miſit me. Deo igitur pa-
 tri te: ô monache obediſſe exiſtima, cū ſeniori tuo obedi-
 eriſ, & bonorū q̄ haſten⁹ dicta ſūt, te cōpotē fore ſpera,

securitatis, pacis, iustitiæ, longæuitatis, victoriæ, regni,
 & exauditionis, cum Christo amoris, in deo beatitudinis.

De inobedientia pœna.

Cap.

12.

ET cùm tot bona obedientium sint, haud dubium
 quin totidem mala eorum, qui obedire contem-
 nunt, habeantur. Ex his aliqua nunc breuiter per-
 stringenda sunt, quo diligentius ad obedientiæ opus ac-
 cingamur, cum cognouerimus quàm acerbè contuma-
 cium atque proteruorum inobediëntia plectatur. De il-
 lis qui mandata dei contempserunt, primi Adâ & Eua
 de paradiso eiekti, laboribus, miseriis, morti subduntur,
 non solum ipsi, sed etiâ omnis eorum posteritas pœnitus
 pissit, nisi pro illorum inobedientia Christi saluatoris
 obedientia satisfecisset. Israëlítico populo exitio fue-
 re gentes quas domino deleri iubente, ipsi per inobedi-
 entiam reseruauant, neque vt iussi fuerût interfecerât:
 regnum Iudææ à Saule ad aliam transfertur domum:
 quia contra mandatum domini Agago Amalechitarû
 regi capto pepercit, mox enim ipso à Palæstinis victo
 atque interempto, Dauid domini iussu rex creatus est.
 Propheta missus in Bethel vt aduersa denuntiaret do-
 mui Hieroboam, & antequàm Hierosolymam redisset,
 ne quid gustaret iussus, comedit & bibit: cûque iter su-
 um arripuisset, à leone oppressus in via, suffocatur, dicō
 te domino: Quoniam non obedisti sermōni meo, nō in-
 fereris in sepulchrum patrum tuorû. Anathemate in-
 terdictum fuerat, ne quis Hierichuntem solo æquatam
 rursus erigeret. Ahiël de Bethel quoniam id præsum-
 psit, vnâ cum liberis repentina morte sublatus est. In
 Assyrios qui Samariæ resederant, leonum feritas gras-
 sabatur, quia deum Israël contempserant, Idcirco in
 Isaiâ

Gen. 3.

Iudic. 2.

1. Par. 15.

1. Reg. 31.

3. Reg. 13.

3. Reg. 6.

4. Re. 17.

Isaia dicitur: Væ qui contradicit factori suo, & in Euan
 gelio ipse factor noster ac dominus: Qui spernit me, in-
 quit, & non recipit verba mea, habet qui iudicet eum,
 hoc est, condemnet, iuxta illud. Linguis suis dolose a- Iohan. 12.
 gebant, iudica illos deus, & in multis aliis scripturæ lo-
 cis iudicare positum est pro damnare. Sedechias etiam
 quem Nabuchodonosor victis Hierosolymis regem cō- Iere. 17.
 stituerat, domino non obediuit, neque serui eius, neque
 populus terræ, & à rege quoque defecit, ob hoc Chal-
 dæi capta vrbe, ipsoque cum suis comprehenso, & ad
 regem perducto, liberos eius trucidarunt & ipsi oculos
 eruerunt, atque catenis vinctum Babylonem vnà cum
 reliquis omnibus abduxerunt. Tantæ illi calamitati
 fuit, domini monitis non obedisse. Cæterum non mino-
 ris criminis reus est, qui non paret illis, qui à deo desti-
 nantur vel cōstituuntur, vt instruāt nos aliquid ac doce-
 ant, siue vt præsent nobis atque imperent. Hi sunt pri-
 mo angelici de cœlo spiritus, deinde pontifices, prophe-
 tæ, principes, genitores, mariti, & omnes qui vel publi-
 co vel priuato iure præferuntur atque præstant. Ange- Gene. 19.
 lis non obediuit vxor Loth, cum de Sodomis fugerent,
 ad monita enim ne post se respiceret, respexit, & cōuer-
 sa est in statuum salis, non quod ipsa sapiens esset (sal e-
 nim sapientiam designat) sed quod aliis ad cauendum
 inobedientiæ vitium sapientiam ministraret, suo casu
 omnes deterrendo. Pontifici autem & principi dicto au-
 dientes non fuere illi, quos vlcisci volens dominus ait,
 Separetur omnis multitudo à tabernaculis Choræ Da- Num. 16.
 than & Abiron, quoniam vocati à Moyse & Aaron, re-
 sponderunt, non venimus. Tunc illi viui terræ hia-
 tu absorpti sunt. In lege quoque qui noluerit exequi sã
 cerdotis imperium, morte affici iubetur. Et in Euan- Deut. 17.
 gelio non acquiescens iussis ecclesiæ, pro ethnico haben-
 dus est & publicano. Apostolis item præcipit dominus Matt. 18.
 Matthe. 10.
 dicens: Quicūq; non receperit vos, neque audierit ser-
 mones

mones vestros, exeuntes foras de domo vel ciuitate, ex-
cutite puluerem de pedibus vestris. Amen dico vobis,
tolerabilius erit terræ Sodomorum & Gomorrhæorū
in die iudicij quàm illi ciuitati. Hi quippe qui prædi-
cationes audierunt, miracula viderunt, religione rece-
perunt, si carni magis quàm spiritui obsequentes fue-
rint, grauius punientur, quàm illi quibus non est præ-
dicatum. Prophetis etiam vel doctoribus probatis ac
sanctis, qui nos rectè atque fideliter instruunt, nolle o-
bedire damnabile est. Quendam dum iter ageret, &
prophete iubenti vulnus infligere recusaret, protinus
leonis morsibus peremptum legimus, quod futurum ip-
se propheta docuerat dicēs. Quia noluiſti audire vocē
domini, ecce recedes, & percutiet te leo. Ad Ioam regē
& populum Iuda, quia post gentilium ritum conuerſi
fuerant, mittebat dominus prophetas vt reuerteretur.
Tantum autem abſuit vt obedirent, vt etiam ad ſe miſ-
ſis necem inferrent. Etenim Zachariam Ioiadæ ſacer-
dotis filium prophetantem lapidibus in atrio templi
obruerunt, rege ipſo iubente. Sed non multo poſt maxi-
ma pars illorum in prælio à Syr is proſtrata, & rex
à ſeruis ſuis domi interemptus poenas dedere. Ama-
ſias rex Iuda cum obediuit prophetæ, de hoſtibus triū-
phauit, cum obedire noluit, victus eſt. Deinde ſuorum
etiam inſidiis exceptus atque peremptus. Et nos profe-
ctò ſi noſtris prophetis, id eſt, diuini verbi præceptoribus
non paruermus, deo vlcifcente perire neceſſe erit,
& iſti qui nunc noſtræ ſalutis cōſultores ſunt, in die iu-
dicij erunt accuſatores. Cecinimus vobis dicent, & non
ſaltaſtis: lamentauimus, & non planxiſtis: neque virtu-
tis exhortationes admittendo, neque poſt peccatū po-
nitentiā ſuſcipiendo. Dominis præterea ſiue præſectis
non iniqua iubētibus obtemperare nolle pernicioſum
eſt, Saulis regis filius Ionathas, neſcius regis edicti, quo
cautum erat, ne quis prius aliquid guſtaret, quàm cum
inimi-

1. Reg. 20.

2. Par. 24.

2. Par. 29.

Mat. 11.

1. Reg. 14.

inimicis cōfligeretur, de fauo mellis casu reperto comedit & cū ob regi de euētu belli cōsultenti domin⁹ nō daret responsum, Ionathas morti addicitur, sed quoniam ignoratione excusabatur, populo intercedente liberatus est. Quod si etiā ignoranter peccāti irascitur deus, quanto magis ei qui sciens prudensque delinquit: & p̄fidum suorum contumaciter spernit imperia? Spernenda tamen sunt, si impia fuerint, sicut fuere Pharaonis regis cum obstetricibus imponeret, vt Hebræarum mulierum masculos fœtus inter obstetricandum præfocarent, quibus (vt ait scriptura) quoniā regi nō paruerūt, benefecit dominus. Cū enim illic ita iubentur, tūc deo, non hominibus erit obediendum. Parentibus quoq; nō inhonestā imperantibus obsequium obedientiam denegare, mortiferum habetur, iubente lege filium contumacē, proteruum, monita patris & matris non audientē, lapidibus obrui. Adhuc si longitudo vitæ promittitur reuerenti⁹ patrem ac matrem, nōne mors manet illum, qui per inobedientiam parētes offendit? Vnde Salomon in Prouerbiis ait. Qui affligit patrē & fugit matrem, ignominiosus erit & infelix. Vxor etiam si mariti iussionibus nō indignis renuerit q̄temperare, peccabit. Cui à domino est dictū, Sub viri potestate eris & ipse dominabitur tui. Hoc Paulus apostolus affirmat ad Corinthios, dicēs: Omnis viri caput Christus est, caput aut mulieris vir. Et ad Ephesios: Mulieres viris suis subditę sint sicut domino. Et ad Colossenses: Mulieres, subditę estote viris, sicut oportet in domino. Idē astruit ipse apostolorū princeps Petrus: Et mulieres (inqt) subditę sint viris suis. Certē nō aliā ob causā ab Assuero Persarū rege Vasthim repudiatā legim⁹, nisi q̄a p̄ internūcios ab illo vocata, venire cōtēpl̄it, & hoc quidē egit ille sapiētū consiliū secutus, vt oēs mulieres discāt deferre honorē viris, & nō minus obedientiā q̄ fidem prestare. Quod si omniū de quibus locuti sumus, iussioni ac

Exod. 1.

Deut. 21.

Prouer. 19.

Gene. 3.

1. Cor. 11.

Eph. 5.

Colos. 3.

1. Pet. 3.

Hester. 1.

man-

mandatis nos parere atque obsequi diuina lex iubet, profectò qui illis non obedierit, ne deo quidem obedisse conuincetur. Et cum dictum sit. Si vis ad vitam ingredi, serua mandata, nonne obedientiam minus seruans ingredietur ad mortem, & vitæ expers in interitum corruet sempiternum? Quid est enim quod Psalmista in serua spiritus dominum affatur, & ait, Maledicti qui declinant à mandatis tuis, nisi quia à mandato declinantes, cum illis futuri sunt, quib⁹ dicitur. Ite maledicti in igne æternum qui paratus est diabolo & angelis eius? Cumque dicat dominus, Obedientiam volo & non sacrificium, quid quæso prodest hostias orationesque offerre, & ei quem laudas, quem deprecaris, cui supplicas, obedire nolle? Iure igitur ac meritò seruus ille qui cognouit voluntatem domini sui, & non præparauit, & non fecit secundum voluntatem eius, plagis vapulabit multis. Multis, non ad numerum refertur, qui infinitus est in inferno, sed ad plagarum grauitatem, qua sola inter se differunt poenæ damnatorum, vt qui magis peccauit, acri⁹ torqueatur. Non solū igitur poenis æternis, verum etiam amarissimis afficientur & illi qui cognouerunt, & non obedierunt. Porro vt omnia mala quæ contumacibus proposita sunt effugiamus, & simul bona consequamur sempiterna, Christus dominus vt in omnibus, ita & hac in parte nobis imitandus est. Ipse ad patrem, Non sicut ego volo, inquit, sed sicut tu. Et alibi, Sicut mandatum dedit mihi pater sic facio, Christus itaque dominus noster factus est obediens vsque ad mortem, mortem autem crucis. Propter quod & Deus exaltauit illum. Si ergo cum Christo exaltari cupimus, in gloria, cum Christo prius prosternamur in humilitate, deo ante omnia obediendo, deinde hominibus illis, quorum iussa exequentes domino seruiamus. Illorum voluntatem nostræ voluntati semper præferamus.

De patientia

Psalm. 118.

Lucæ. 12.

Matth. 26.
Ioan. 14.

De patientia calumniæ.

Cap.

13.

Profectò si humiles, si obedientes fuerimus, erim⁹ etiam in omnibus patientes. Nihil erit quod illi⁹ turbare mentem poterit, qui se totum diuinæ subdiderit voluntati. Non igitur incongruum erit si nunc de patientiæ virtute verba fecerimus. Patientia est animi quædam constantia, quam nec iniuriæ irritare, nec incommoda queunt frangere. Patientia semper iuncta fortitudini est, ita vt mutua inter se ope connexa, & iniurias quidem submissè ferant, & aduersa alacriter tollerent. Hoc totum autem qualecunque sit, vni nunc cōcedamus patientiæ, quando quidem tam hominum iniurias, quàm casus aduersos pati dicimur; cum acciderint. Primum igitur vt in omnibus patientiam conseruemus, meminerimus nullum omnino ea in re malum esse, qua non offenditur animus noster. Quid est autem quo ille offendi queat, p̃ter peccatū? Solū ergo peccatū cauēdū nobis erit, quia malū est. Cætera quę cūq; cōtingerint, æquo aīo ferēda, quia nec bona, nec mala sūt, sed inter bonum malum que media, quibus si applicueris virtutem, bona erunt: sin vitium, mala quidem. Veluti aquæ potus cum vinum additur, sapit: cum venenum, interimit. Ita sanè aduersis rebus quoties animi patientiam accommodauerimus, non solum non nocebunt, sed etiam proderunt, ita vt materiam nobis suppeditent sperandæ beatitatis. Apostolica quippe sententia est, per multas tribulatiōes oportere nos introire in regnum dei. In psalmo quoque patientibus dicitur: Surgi te postquam sederitis qui manducatis panem doloris. Breue est quod patimur, æternum quod speramus. Ideo Ecclesiasticus ait: Vsque ad tempus sustinebit patiens, & postea redditio iucunditatis. Et Apostolus: Existimo, inquit,

Ecccl. 10.

Rom. 8.

Ibidem.

Matt. 5.

Moyſes.

Num. 12.

1. Reg. 10.

& 11.

Saul.

2. Reg. 16.

Dauid.

inquit, quod non ſint condignæ paſſiones huius tempo-
 ris, ad futuram gloriam, quæ reuelabitur in nobis, quã-
 obrem idem exclamat, & ait: Quis nos ſeparabit à cha-
 ritate Chriſti? tribulatio, an anguſtia, an fames, an nudi-
 tas, an periculum, an perſecutio, an gladius? Patienter
 ille quidem talia pertulit pro Chriſti nomine, nunc cū
 Chriſto bonis fruitur ſempiternis. Quid ergo tam grã-
 uè, tam triſtè atque acerbum eſſe poteſt, quod non ſit li-
 benter ſubeundum propoſito tanto præmio. Si perſecu-
 tione inquietaris, audi dominum dicentem: Beati qui
 perſecutionem patiuntur propter iuſtitiam. Si verbis
 petulantibus laceſſeris: Beati eſtis, inquit, cū maledi-
 xerint vobis homines, & perſecuti vos fuerint, & dixe-
 rint omne malum aduerſum vos mentientes propter
 me, gaudete & exultate, quoniam merces veſtra copio-
 ſa eſt in cœlis. In præferendis igitur calumniis imite-
 mur Moyſi manſuetudinem, pro illis à quibus procaci-
 tēr iactatus fuerat, ſolicitus orauit, precibusque eius an-
 nuens dominus Mariam quæ de illo immodèſtius oblo-
 cuta fuerat, lepra exulceratam ſanitati reſtituit. Imite-
 mur Saulis æquanimiſtatem, quā iam rex creatus cum
 ab inuidis probro afficeretur, diſſimulauit ſe audire, &
 ſtipatores ſuos qui vlcifci volebāt iniuriā, prohibuit
 quidem, abſtinuitque vindicta. Imitemur & Dauidis
 humilitatem, qui Semeim non modo maledictis, verū
 etiam lapidum iſtu ſe prouocantem lædi vetuit, atque
 inoffenſum dimiſit. Cū enim filij Abſalōis premere-
 tur ſeditione, fortè (inquit) reſpiciet dominus afflictio-
 nem meam, & reddet mihi bonum pro maledictione
 hac. Imitemur & Saram Raguélis filiam, quæ quoniā
 antequam ducta eſſet ſeptem maritos amiſerat, ab an-
 cillis interfeſtrix virorum ſuorum iniquè compelle-
 batur, earum tamen petulantiam tacita ſuſtinuit, tan-
 tum dominum precans, vti ex iſta contumelia libera-
 retur, exaudita octauo viro deſpōſatur, Tobie iuniori
 domi-

dominoque fauente cum illo feliciter vixit. Tu quoque beatus eris, & preces tuę ad aures domini sabaoth peruenient, si cum Psalmista dicere poteris: Qui inquirebant mala mihi locuti sunt vanitates, & dolos tota die meditabantur, ego autem tanquam surdus non audiebam, & sicut mutus non aperiens os suum, & factus sum sicut homo non audiens, & non habes in ore suo redargutiones, quoniam in te domine speravi, tu exaudies me domine deus meus. Sic certe exaudita est Chananæa mulier pro filia supplicans, quando canibus comparata, humili responso intimam cordis patientiam indicauit.

Psal. 17.

Matth. 15.
Chananæa.

De patientia persecutionis.

Cap.

14

PAuli Apostoli, in quo Christus loquebatur, sententia est: Omnes qui pie volunt viuere in Christo lesu, persecutionem patientur. Quid ergo de aliorum inuidia querimur, si ea ipsa testis est nostre in Deum pietatis ac religionis? Dominus noster Iesus Christus malorum inuidiam passus est. Cum ab hominibus expelleret immundos spiritus, dixerunt: In Beelzebub eiecit demonia. Idem sola verbi virtute morbos curat, mortuos suscitatur, & ait: Non est hic homo a deo qui sabbatum non custodit. Si ergo pro benefactis male audit iustus & innocens dominus, quare cum detractio- nes accipit, irascitur peccator seruus? Ille apostolis suis dicebat: Si mundus vos odit, scitote quia me priore vobis odio habuit: si de mundo fuissetis, mundus quod suum erat, diligeret: quia vero de mundo non estis, sed ego elegi vos de mundo, propterea odit vos mundus. Quoties ergo patimur quæ in carne passus est dei filius, quæ passi sunt electi serui eius, æquo animo toleremus. Non est seruus maior domino, aut fateamur nos, qui multorum criminum conscii

2. Timo. 3.

Matth. 12.

Ioan. 9.

Ioan. 15.

conscijs sumus, indignos esse iniuria, & illum dignum, qui peccatum non fecit: vel illos, qui spiritu sancto repleti erant: & tamen infestationibus impiorum hominum carere non poterant. Quod certè fateri nemo, ni stultissimus fuerit, potest. Dominus igitur omnium innocentissimus, omnium optimus, falsis criminationibus circumuenitur & tacet, accusatur & nihil respondet, ab hominibus diiudicatur hominum angelorumque conditor atque dominator, & sustinet. Nos verò in peccatis geniti, in vanitatibus enutriti, nos, inquā, omnibus iniuriis digni, etiam ad leues offensas excandesceamus, ringimur, furorē replemur. Quòd si paulò diligentius conscientiam nostram examinabimus, inueniemus nihil mali nobis nō iure ac merito accidere. Nam licet illū à quo accepimus iniuriā nunq̃ offēderimus, offendi m^o tamē deū in multis. Ideò quicquid etiā ab illis quos nō læsimus, patimur: ex iusto dei iudicio provenire sciamus, feramusque molliter ac modeste, iuxta illud Michæe prophetæ: Iram domini portabo, quoniam peccavi ei, donec causam meam iudicet, & faciat iudicium meum, & educet me in lucem, & videbo iustitiam eius. Iram ergo domini per quam humiliter tolerem⁹, quia peccauimus: tunc autem ab eo speremus lucem, cum per peccatorum pœnitentiam iratam placauerimus. Neque enim aliter egit latro in cruce, cum fateretur iustè se pati & digna factis recipere, & conuersus ad saluatorem clamaret: Memento mei domine cum veneris in regnū tuum. Ob quam tolerantia subiectionem meruit & ipse inuitari ad lucem, domino respondente: Hodie mecum eris in paradiso. Tunc omnis pœna illa delinquentis versa est in gloriā pœnitentis, cum se pœna dignum diceret, seq̃ illi cui peccauerat cōmēdaret. Porro, quando inimici inuidia vitæ tuæ insidiatur, propōne tibi illam, erga Saulem regem Davidis patientiam. Sæpius ab ipso ad necem petitus, fugiendo declinabat periculum.

Bis

Mich. 7.

Dauid.

Bis quidem potuit capitalem inimicum sua interimere manu, sed noluit. Qua constantia dignissimus visus est, qui ei in regno succederet. Vnde confidenter postea locutus est: Si reddidi retribuētibus mihi mala, decimam merito ab inimicis meis inanis. Et iterum: Cum iis qui oderunt pacē, eram pacificus. Hoc planē patientiæ genus commendatum est nobis in Euangelioꝝ domino docēte: Diligite inimicos vestros, benefacite iis qui oderunt vos, & orate pro persequentibus & calumniantibus vos, ut sitis filij patris vestri, qui in cœlis est. Qui ergo parum patiens fuerit, qui odientem nō dilexerit, qui denique pro iniuria beneficium beneuolentiāq; non reddiderit, patris cœlestis filius esse nō poterit. Ille solem suum oriri facit super bonos & malos, & pluit super iustos & iniustos, ut doceat te omnes diligere, neminem lædere, nullam appetere vindictam cum offensus fueris, sed potius offensa te dignū iudicare. Hæc humilitatis, hæc patiētiæ virtus est. Virtus autē (ut Apostolo placet) in infirmitate perficitur. Vbi exerceres patiētiæ virtutē, si nemo esset qui aduersaretur, qui inuideret, qui hostiliter infestaret? Ob hoc igitur etiam malos esse permittit deus, ut per eos boni exerceantur, & ad perfectionem vitæ perueniant, odia hominum non vindicando, sed sustinendo.

Psal. 7.

Psal. 119.

Matth. 5.

*De patientia ingrati-
tudinis & bonorum ablatio-
nis. Cap. 15.*

Sed ab illis, inquires, quib⁹ in primis obsecutus sum, in quos beneficia plurima cōtuli, patior iniuriam, & quos mihi semper amicissimos fore sperabam, eorum odia sustineo, magisq; me angit ipsorū ingrati-
tudo quàm offensa. At etiā Christus dominus tuus quos

LL venerat

venerat saluare, ab iis passus est necem. Christi quoque apostoli, quibus viam veritatis monstrabant, vt credendo beatitudinem consequerentur, ab illis ludibria, verbera, mortem sustinuerunt. Vistu non amittere bonum quod feceris: æquo animo feras: & ingratos, magisq; tibi proderit patientia tua, quàm nocebit illorum perfidia. At hæc si etiam verberibus afficeris, si opibus exueris, si torqueris & ad mortem posceris, talia sancti martyres perpassi sunt, talia pro nobis dominus & saluator noster non inuitus tolerauit. Denique nullus vnquam sanctorum vindictam appetiit, sed omnes pro malo bonum reddere semper conati sunt. Vir dei in Bethel manum Hieroboami regis aduersum se indignè extētam, atque ideò statim arefactam, fusis pro illo precibus, restituit sanitati. Stephanus pro illis à quib⁹ lapidabatur orauit, sicut & pro suis crucifixoribus dominus, ne illis imputaretur ad peccatum, quod ignoranter commisissent. Iubemur præterea maxillam nostram alapa percutientibus & alteram offerre, vt semper parati simus pro veritate, pro iustitia, pro nomine domini Iesu pueri pati quàm patimur. Alapa ille à seruo percussus non repersit, sed humili responso ruborem iniecit percussori, arguens atque conuincens quòd percussisset innocentem. Apostolus Corinthiorum tolerantiam laudat, dicens: Libenter suffertis insipientes, cum fitis ipsi sapientes. Sustinetis enim si quis vos in seruitutem redigit, si quis deuorat, si quis accipit, si quis extollitur, si quis in faciem cecidit: vt quæ illi magis in proposito confirmentur suarum passionum catalogum contexit, dicens: exercitum se fatigatum quæ fuisse in laboribus plurimis, in carceribus abundantius, in plagis supra modum, in mortibus frequenter. A ludæis (inquit) quinquies quadragenas vna minus accepi, ter virgis cæsus sum, semel lapidatus sum, ter naufragium feci, nocte & die in profundo maris sui, in itineribus sæpe, periculis fluminum

3. Reg. 17.

Stephanus
Act. 6. 7.

Lucæ. 23.

Ioan. 13.

2. Cor. 11.

num, periculis latronum, periculis ex genere, periculis ex gentibus, periculis in ciuitate, periculis in solitudine, periculis in mari, periculis in falsis fratribus, in labore & ærumna, in vigiliis multis, in fame & siti, in ieiuniis multis, in frigore & nuditate. Quod si vas electio-
nis tanta ac talia pertulerit, quid indignatur vas iræ, si quid eiusmodi sibi accidat? Quando tibi prædia & opes auferuntur, dominici præcepti recordare: Qui vult (inquit) tecum in iudicio contendere, & tunicam tuam tollere, dimitte ei & pallium: hoc est, paratus esto plura potius perdere ad conseruandam animi patientiam, quam ad infrigendam altercationibus deseruire. Eundem sensum habet quod in Luca dicitur: Qui auferit quæ tua sunt, ne repetas: ne fortè repetendo & raptorè irrites, & tuam in domino conturbes quietem. Patientia enim pauperum (vt in psalmo habetur) non peribit in finē. Si tamen sine lite reparari res poterit, non prohiberis exigere, imò debes, non tam tua quam eius qui rapuit causā, ne videlicet ille alienum iniuste possidendo pereat. Nam & Tobias in deum pietissimus, pecuniam sub chirographo creditam, à Gabello exegit, neque opus reprehendi potest, quod Raphaële angelo adiuuante peractum fuisse constat. Tunc igitur non erit rem ablatam repetendi locus cum per iram delinquendi imminet periculum. Cùm hoc contigerit, tam lentè ferendum erit damnum, quam suum tulit Ezechias Hierosolymarum multæ sanctitatis rex. Cum enim per prophetam didicisset, omnem gazam quam legatis regis Babyloniorum gloriabundus ostentauerat, ad Babylonios quoque transferendum, non est animo perturbatus, nec tristitia deiectus, sed voluntate domini nihil refragatus. Bonus, inquit, sermo domini, sed tantum pax & veritas in diebus meis. Quid tu tandem queres opes tibi ereptas, quas Christus dominus apostolis suis interdixit, quas plurimi vt liberius expe-

Matth. 5.

Luca. 6.

Psal. 9.

Tobia. 9.

4. Reg. 20.

Isaia. 39.

Matth. 19. ditiusque deo seruirent, sponte abiecerunt? Latere potius oblatam tibi occasionem vitæ perfectionis ineunda, dicente domino: Si vis perfectus esse, vende omnia quæ habes, & da pauperibus, & veni sequere me. Latere quod tibi impedimenta sublata sint sequendi illum, qui sequentibus se non terrenas opes largitur, sed cœlestes: non fragiles, sed æternas. Crede igitur prophetę dicenti: Melius est modicum iusto super diuitias peccatorum multas.

Psal. 36.

De patientia morbi & aduersitatum. Cap. 16.

Iob.

SI qua præterea corporis egritudine laboras, & morbo vehementer afficeris, caue ne per impatiētiam deum offendas, & grauius animo ægrotare incipias quàm corpore. Corp⁹ hominis fictile vas est, corruptio ni obnoxium, solutioni proximum, morti semper opportunum. Quod etiam si nulla aduersa infestet valetudo, senilis tamen ætas carpendo cōsumit. Thesaurum, autem in vase isto fragili animus est, quē nulla vis potest offendere præter peccatū. Peccas autem, si inimici molestiam fers impatienter. Quæ igitur demētia est, cum corpus languore torquetur, committere vt etiam animus impatiētia pesse lædatur? Gratias deo age æger, gratias age sanus, & tolerētia meritò ad æternam peruenies salutem, vbi nec morbos vltra timebis, nec mortem. Hæc sunt illa duplicia, quæ accepisse Iob memoratur, post humiliter toleratas ærumnas. Cum enim ditissimus inter municipes suos fortunatissimusque esset amissit simul facultates, iumēta, seruos, liberos, omnium in suo corpore membrorum sanitatem, & tamen nihil interea stultum de ore eius prodiit: sed, si bona (inquit) de manu domini accepimus, mala quare nō toleremus? Dominus dedit, domin⁹ abstulit, sicut domino placuit, ita factum

ita factum est. Sit nomen domini benedictum. Tobias
inter omnes, qui de Samaria in Assyriam translati fue- Tobi. 2.
rant, pietate notus, casu cæcus efficitur, sed qui melius
animo quàm oculis cernebat, non fuit ideò tardior in
proposito virtutis, sed feruentior, Oculis captus gratias
egit deo, fideliterque ei seruiens, vt antea fecerat, nihil
cōmisit, quo ea calamitas ipsi grauis esse videretur. Fles Isaiæ: 8.
se verò & orasse fertur Ezechias, non tamen ob ægritu- Ibidem
dinem in qua erat, sed propter mortem quam formida-
bat, incertus de dei iudicio, neque enim antè dicitur cō-
tristatus quàm audisset. Dispone domui tuæ, quia mor-
te morieris tu, & non viues. Præterea quàm paruo nocu-
mento sint homini morbus & inopia, Lazari mendici Lazari.
ulceribus pleni exitus probauit: exiguo temporis mo- Lucæ. 16.
mento miser fuit, si miser dici debet qui nō peccat, sed
mox à corpore secedēs, ab angelis translatus est ad æter-
næ felicitatis locum, omni prorsus liber molestia, re-
pletusque lætitia ineffabilium bonorum. Quicquid er-
go nobis ad beatitudinem transitoris nō videtur: viam
impedire, tolerabile est, & iustæ querelæ causam dum
virtuti nihil officit, excludit. Ad illa veniamus quæ fal-
sò fortuita mala nuncupantur, cum nihil sit quod non
prouidentia diuina contingat. Ea sunt terræ marisque
pericula, proscriptiones, exilia, carceres, tormenta, cæ-
des, incendia, cæteraque id genus multa. Quæ vt forti-
ter perferantur, primo sciendum, aduersa quęq; in hac
vita necessariò euenire, & tam bonis quàm malis esse
communia. sed iustis bona esse, iniustis verò mala, si mo-
do castigati nō se correxerint. Porro istę aduersitatum
causæ sunt. Iustis ideò accidunt, vt per patientiæ virtu-
tem maiora mereantur præmia, ac ne fortè prospero re-
rum successu elati labātur. Vnde colaphizatus est Pau-
lus, ne magnitudine reuelationum extolleretur: afflicti Paulus.
martyres, vt cumulatius remunerarentur. Iniustis au-
tem ob hoc tristitia contingunt, vt ad iustitiā reuertan-

Apost. 3.

tur: & si redire noluerint, iuste condemnentur, æternis-
que mancipentur suppliciis, quorum duritia tempora-
libus contusa malis mollescere nequiuit. Si aduersa pa-
teris, & scripturæ diuinæ fidem præstas, negare non po-
tes, quod à domino diligaris. Ego quos amo (inquit) ar-
guo & castigo, testimonium igitur diuini erga te amo-
ris habes, quoties aduersis concuteris, quoties calamita-
tum procellis iactaris. Fruantur suis deliciis luxuriosi,
tu verò domino tuo placere studēs, asperitatibus te ex-
erce. Arcta enim & angusta via est, quæ ducit ad salu-
tem, lata atque ampla quæ mittit in perditionem. Hinc
est quod sanctissimi homines prospera mundi contem-
nentes, renunciantesque præsentibus bonis, tolerant
spontaneam paupertatem, ieiunant, esuriunt, sitiunt, al-
gent, vigilant, orant, peregrinātur, laborant, nunquam
conquiescunt, vt per dura atque aspera visis volupta-
tum illecebris, debita virtuti præmia percipiāt, & pro
breui afflictione æternam capiant beatitudinem. Cor-
ripiamur ergo à domino, ne cum hoc mundo damne-
mur. Pugnemus cum calamitatibus, vt cum vicerimus
coronemur. Nauigantium ars atque doctrina non in
tranquillo, sed in tempestate probatur: Militis virtus
in certaminis discrimine noscitur. Christianus an deū
diligat, aduersitatibus experitur. Nec potest esse Chri-
sti famulus, qui cum illo laboriosa atque difficilia subi-
re recusarit. Qui non baiulat (inquit) crucem suam, &
venit post me, non potest meus esse discipulus. Et iterū:
Qui vult venire post me, abneget semetipsum, & tollat
crucem suam & sequatur me. Eis quoque qui in regno
ipsius ad dextram & sinistram suam sedere petierant,
respondit: Potestis bibere calicem, quem ego bibiturus
sum: docens gloriæ suæ consortem fieri non debere, qui
passionum suarum se non fecerit participem. Hæc ita-
que crux, & hic calix, sunt stigmata illa domini nostri
Iesu Christi, quæ se in suo corpore portare Apostolus
gloriabatur,

Lucæ. 14.

Marc. 10.

gloriabatur, dicens: Vsq̃ue ad hanc horam & esurimus, & sitimus, & nudi sumus, & colaphis cædimur, & infla-
 biles sumus, & laboramus operantes manibus nostris, 1. Cor. 5.
 maledicimur, & benedicimus, persecutionē patimur,
 & sustinemus, blasphemamur, & obsecramus, tanquam
 purgamenta huius mundi facti sumus, omnium perip-
 sima vsq̃ue adhuc. Si qua talia tibi casu cōtingant, quæ
 multi pro Christo sponte subire solent, de necessitate
 fac voluntatem, libenter cuncta sustinendo, quorum pa-
 tientia domino tuo te redditura sit chariorem. Beatus
 eris si cum propheta dicere poteris, Probasti cor meū Psal. 116.
 deus, & visitasti nocte, igne me examinasti, & nō est in-
 uenta in me iniquitas, vt magis ad probationem tribu-
 latio incumbat, quàm ad correctionem. In illa enim iu- Psal. 65.
 sti gaudent, dicentes, Quoniam probasti nos deus, igne
 nos examinasti, sicut examinatur argentum. Et quoniā
 aduersitatum patientiam sequitur consolatio, Transi-
 uimus (inquiunt) per ignem & aquam, & eduxisti nos
 in refrigerium.

Quantū prosint res aduersæ. Cap. I 7

Prosunt igitur, non obsunt aduersa, si æquo ani-
 mo perferantur. Si enim assuesces ferre difficilia,
 quæ facilia sunt feres leuius. Deinde per patien-
 tiam aduersitatum pro delictis facimus satis, quoniam
 quæ per voluptatum blandimenta perpetrantur, per
 contrarij doloris tolerationem purgari debēt. Et cum
 hoc contigerit, tunc est nobis dominus, ignis cōflans (vt
 Malachias ait) & quasi herba fullonum, excoquens & Malac. 5.
 emundans quicquid in nobis seculentiæ fortisq̃; resta-
 bat. Ad hæc in tribulationibus ardentius ad supplican-
 dum accedimus, promptius ad exercēda pietatis studia
 exurgimus, perseuerātius de cœlestibus cogitamus. Hoc
 testat Dauid, dicens: Bonū mihi domine qđ humiliasti Psal. 118.

LL iij) me,

Pfal. 119.
Pfal. 149.

Pfal. 80.

Isaia. 26.
Marc. 5.
Luc. 15.

me, vt discam iustificationes tuas. Denique cum calamitatibus oppressi obsecramus, facilius exaudimur, eodē sancto attestante, cum ait. Ad dominum cum tribularetur clamaui, & exaudiuit me. Quod si vehemētiōr ingruerit tempestas, orandum erit vt vel illa liberemur, vel vires nobis ad resistendum suppeditentur, ipso domino præcipiente ac dicente: Inuoca me in die tribulationis tuę, & eruam te, & honorificabis me. Et alio psalmo: In tribulatione inuocasti me, & liberaui te. Contin- git præterea vt miseriis grauati, ad illius opem confu- giāmus, de cuius bonitate, dum sine his ageremus, parū recordabamur otio tabescentes ac deliciis. Isaia hoc docet, dicens: Domine, in angustia requisierunt te, & in euangelio Geraseni non antē venisse referuntur ad Ie- sum, quā iacturam passi fuissent porcorum. Nec filius luxuriosus prius ad patrem est reuersus, quā dilapida- tis bonis, quæ ab eo acceperat, cœpit esurire. Tunc au- tem & virtute magis proficimus, cum contra casus ad- uersos luctamur. Hic enim solus campus est constantiæ, fortitudinis, humilitatis exercendæ. In quibus dum la- boramus, cætera conseruantur. Cū enim præsentium rerum felicitas plurimis scatere solita sit vitis, econ- trario infelicitas ipsa custos innocentia sit necesse est, in his qui ante infelicitatem innocentes erant. Felici- tas terrena luxuriæ ministra est, contaminat & confun- dit intelligentiæ puritatē. Inde mens cupidinibus cor- rupta, inter turpe & honestum nullum agit discrimen, eoque facillimē inclinatur, quo malarum voluptatum appetitus impellit. At verō in calamitatibus anxia soli- tudine excussus animus, ignauiæ abiiciens caliginem, sapiētiæ luce incipit illustrari, & quo magis premitur, eo magis quidem ad sobrietatē rationem que sese trans- fert. Tunc & fragilitatem nostram plenius recognoscimus, summi dei potentiam sublimius contemplamur. Ex rebus autem prosperè fluentibus, plerumque supra
humanā

humanæ conditionis vires efferimur, & dum plagas nō sentimus, de ipso omnium quæ in mundo accidunt plagarum autore minus cogitamus. Manasses dū feliciter regnaret pessimus erat, amisso regno & in seruitutem redactus optimus euasit. Vnde ait scriptura: Et cognouit Manasses quod dominus ipse esset deus. Non ergo ante nonerat, quàm malis compellentibus vires illius cōsiderasset, quem in prosperitate contempserat. Hoc est quod in Ieremia dicitur: Castigasti me domine, & eruditus sum. Paulus quoque apostolus antè lupus rapax ecclesiæque persecutor, postquam autè Christi voce perterritus incidit in cæcitatem, de lupo versus est in agnū: & qui aduersus Christum steterat pro synagoga, pro Christo stare cœpit aduersus synagogam, vim diuinitatis eius inter flagella expertus, & illum ipsum confitēs, cuius confessores fuerat persecutus. Quòd si tantū prodesse queunt aduersa, nōne fallitur, qui illa in malis ponenda arbitratur?

Manasses.

2. Para. 33.

Ierem. 33.

Paulus.

Actu. 9.

Actu. 22.

De patientia Iob, & quare bonis accidant mala. Cap. 18.

VT autem omnium præsentium tempestatum magnitudinem superes, quanta passus fuerit vir deo charissimus Iob, & quàm ad omnem ærumnarū impetum immobilis permāserit, semper tibi occurrat, & si multo grauiora illum leniter placideque pertulisse inuenies, pudeat te in leuiorib⁹ minus esse fortem. Si quam opum tuarum iacturam feceris, illi de immensis pecudum armentorumque gregibus nihil relictum est præter vnum seruum, qui ab inimicis cuncta de vno direpta atque ablata nunciauit. Si filio orbat⁹ es, illius filios & filias omnes vnius domus ruina simul extinxit. Si aduersa laboras valetudine, ille à planta pedis vsque ad verticem capitis ulceribus totus tabefactus, non in lestulo,

lectulo, sed in sterquilinio sedens: non molli linteolo,
 sed duriore fictilis vasis testa, vulnere saniem dera-
 debat. Non habuit amicos qui sic languentem consola-
 rentur, sed qui magis exasperarent exprobrantes ei pec-
 cata quorum expers erat. Insuper vxor ipsa ad impatiē-
 tiam vrgebat, vt deo malediceret & moreretur. Ille ta-
 men in se firmus, & aduersum quęque difficilia spiritus
 sancti virtute stabilitus pro omnibus gratias agebat
 deo, & nullis ærumnis, nullis doloribus, nullis obtrectā-
 tium molestiis, ab ipsa quam in deum habebat charita-
 te potuit separari. In corpore miserabiliter fracto in-
 tegra permansit fides, & hominē omnibus miseriis one-
 ratum, sola in deo spes sustentauit. Quod si tanta ac ta-
 lia iustis quoque inferantur ad probationem, quare con-
 queritur peccator cum castigatur ad correctionē? Ver-
 beraris qui peccator es, vt de peccato doleas, de quo for-
 tasse non doleres si impunitus dimittereris. non dolen-
 da autem, sanari omnino non posses. Tu puniris vt resi-
 piscas, percuteris vt cōualescas. Iustus autem plectitur,
 vt per patientiā maius sibi futuræ remunerationis me-
 ritum acquirat, & veluti dei igne aurum, ita ille de mi-
 seriarum angustiis purior exeat atque clarior. Hinc sa-
 tis cōstat q̃ malè cum illis agitur, qui nihil aduersi pa-
 tiuntur, & tamen peccare non cessant. Manet enim eos
 post breuem præsentium rerum successum nunquam fi-
 niendus cruciatus, & horrenda apud inferos supplicia.
 Alia etiam præsentis felicitatis infelicitatisque ratio
 est, quoniam dum differtur in fine iudicium, discretio-
 que iustorum atque iniustorum, interim tam prospera
 quàm aduersa mundi huius omnibus communia sunt:
 ideo & his aliquando benè, & illis malè. Cæterum ob-
 duratis & in scelere perseverantibus malè cedit prospe-
 ritas, quia insolentiores reddit. Iustum autē neque pro-
 spera extollunt, neq; frangunt aduersa, in vtroq; rerū
 euentu eandem seruat animi constantiam. Sed in aduer-
 sis si

sis si nō melior certē iustior efficitur. Semper enim ad delinquendū magis prouocāt, quē secūdo statu ferūtur.

De patientia martyrij. Cap. 19.

Porro ad confirmandam patientiæ virtutem, præter ea quæ hætenus dicta sunt. Martyrum Christi victorias atque triumphos contemplari operæ pretium erit. Eculei, laminæ, sartagine, fustigationes, omnia tormentorum genera proponebantur illis, qui gentilium deos adorare nollent. At verò fortissimi fidiissimi quæ Christi milites, perferre multo grauiora quam tyrannorum impietas excogitare poterat, parati erant. Promissis etiam ingentibus ad sacrificandum sollicitabantur, opum, honorum, dignitatum, sed qui suppliciorum terrificationibus non cedebant, nec pollicitationum quidem magnitudine moueri poterant. Itaque in proposito perstantes non modo imperata non fecerunt, verumetiam Christum suum liberius confiditius quæ prædicarunt, palam docendo hunc quidem dei veri esse filium, & idola vana non deos esse, sed malorum dæmonum inuenta, vt homines impię crudelitatis laqueo captos, in barathrū traherent perditionis. Cumque post multos corporis cruciatus ad necem damnerentur, finem vitæ intrepidi expectabant; magisque timebant ne dimittantur, quàm ne occidātur: Fortiores ergo & tormentis & carnificibus & regibus fuere, dum pro iustitia, pro veritate, pro deo certarēt. Vicerūt supplicia patientia, prophana imperatorū edicta cōstanti atque immota Christiani nominis cōfessione. Deos deas quæ colere cōpellebantur, illi verò his cōtemptis, Christum crucifixū colendū adorandū quæ esse, asseuerabāt. Cum hac sentētia finire, martyrij victoria erat. Vulnera autē corpore excepta, mēbrorū lacerationes, exustiones, fidelis militiæ insignia existimabant, & inuictę virtutis certissima testimonia. Atque ita Romani principes omnium

omnium potentissimi, vrbium, prouinciarum, regnorū victores, à solis Christi seruis & inermibus, & paucis & mori volentibus victi sunt, quando ne vnum quidem ex his qui constanter Christum confitebantur, in tuam trahere sententiam totis imperij viribus potuerūt. Postremò, vt omnibus pateret ipsos esse superatos, manus dederunt his quos persequebantur, & abiecto falforum deorum cultu, pro quo pertinacius quàm pro finibus regni stabant, religionem Christi quam delere nitebantur, susceperūt. Quid est enim aliud in sententiam aduersarij consedere, nisi planè se victum cōfiteri. De his igitur qui totum ferè terrarum orbem suo subdiderāt imperio, ipsi Christi milites triumpharunt: non armis pugnantes, sed patientia: non viribus, sed fide: tanto ista fidelis patientiæ virtus omni vi humana potentior extitit atque validior. O præstantissimam pro Christo patientium virtutem. Inuictos vicerunt, totius orbis dominatoribus imperare cœperunt, dum pro Christi nomine nihil non sustinendum iudicāt, dum illis quoque à quibus vulnera patiuntur, mederi desiderāt, dum denique in tenebris errantibus lumen ostendere veritatis cupiunt. Qui enim calicem domini per patientiam bibebant, inebriati sunt vino charitatis, ita vt pro illis quoque orarent à quibus cædebantur, illis viam salutis aperirent, quorum immanitate ipsi trucidabantur. Magis eis dolori erat, persecutores suos errore interire, quàm se illorum sæuitia excruciaci mortēque affici. Omnibus itaque aduersariorum iniuriis fortior in ipsis erat dilectio. I nunc miser & infelix homo minus ab altero offensus, leuius læsus, irascere & exardescere furore, & odij stimulis agitatus, vindictam para: vt & illum pro cuius salute mori debueras perdas, & ipsemet infelicius intereas, nolenti enim iniuriam remittere, deus peccata non ignoscit. Nunquam in sanctorum martyrum consortium venire poteris, si illorum toleran-

tiam

tiam non fueris imitatus. Vindicari vis de inimico, & te dei manet vindicta, ipse qui tibi ignoscere volenti parabat patientiæ coronam, iniuriam referenti debita impatientiæ ingeret supplicia. Amando inimicos non vlciscendo ad martyrij gloriam peruenitur, & is cum Christo regnat, qui cum Christo pati mauult mala quæ reddere. Martyr es, si bonum reddis pro malo, sin verò malum malo rependis, Christi aduersarius es, qui iubet & inimicos diligere. Hic nēpe gloriosissimus fuit martyrum triumphus, pati iniuriam, & pro iniuria referre beneficium, vitā impendere, & animas lucrari Christo. Videbant impij quā illi constantes essent in proposito, quā parati ad omnia extrema subeunda prius, quā vt Christum desererent, & cogitare cgebantur, nequaquam vanum esse quod tormentorum patientia vitæque impendio defendi cernebant, miraculorum etiam magnitudine, quæ per illos fiebant, commoti conuertebantur: & qui paulo antè in Christianos grassati fuerant, cum Christianis necari optabant. Atq; ita auctis ampliatisque rebus Christianitas præualere cœpit, infidelitas dissolui, & euanescere, crux sancta adorari, idola vana euerti. Christus dominus excoli, diaboli potestas calcari. Ipso denique martyrum sanguine creuit ecclesia, & effuso cruore pinguior facta, per quā humerem emisit segetem fidelium filiorū. O beata mors, quæ mortalibus largita est immortalitatem, infidelibus fidem & errantibus veritatem, pereuntibus salutem, & pro Christo patientibus gloriam. Cui vnquam regum principumque terræ tantum boni attulere opes, deliciæ, amicitia, victoria, regna, imperia, quantum vni fidei martyri sua tormenta: Petrus per crucem, Paulus per gladium, per ictus lapidum Stephanus, atque alij per alias corporis afflictiones, ascensum sibi ad cælum parauerunt, & nunc omnes bonis perfruuntur æternis, nunc cum domino suo regnant, quia pro

Petrus.

Paulus.

Stephanus.

pro nomine eius mūdi aduersa forti animo pertulerūt. Futurorum ergo bonorum spe erecti, etiam in tormentis animo gaudebant, & cum flagellati fuissent apostoli, ibant gaudentes à conspectu concilij, quoniam digni habiti sunt pro nomine Iesu contumeliā pati. Ad quod sanè gaudium & nos inuitant atque hortantur, volentes & martyrij sui habere socios, & gloriæ confortes. Vnde Iacobus apostolus: Omne gaudium, inquit, existimate fratres mei, cum in tētationes varias incideritis, scientes quod probatio fidei vestræ patientiam operatur, patientia autem opus perfectum habeat, vt sitis perfecti & integri, & in nullo deficientes. Ipse etiam apostolorum caput Petrus: Communicantes Christi passionibus gaudete, vt & in reuelatione gloriæ eius gaudeatis exultantes. Vas electionis Paulus non solum gaudet, sed etiam gloriatur. Gloriamur, inquit, in tribulationibus scientes quod tribulatio patientiam operatur, patientiam autem probationem, probatio verò spem, spes autem non cōfunditur, quia charitas dei diffusa est in cordibus nostris per spiritum sanctū, qui datus est nobis. Et iterum ait: Libenter gloriabor in infirmitatibus meis, vt in habitat in me virtutis Christi, propter quod placeo mihi in infirmitatibus meis, in cōtumeliis, in necessitatibus, in persecutionibus, in angustiis pro Christo. Gaudent ergo atque etiam gloriantur in pressuris huius mundi omnes sancti, & nos dolebimus. Doleat qui diffidit, gaudeat autem & gloriatur, qui spem suam in deo collocauit.

*De exhortationibus ad patientiam
martyrij. Cap. 21.*

Quod si milites suos rex ipse cœlestis non in deliciis & voluptates huius seculi, sed in cōflictum & certamen sœuientium persecutionum destinabat,

Apostoli

Iacob. 1.

1. Pet. 4.

Roma. 5.

1. Cor. 11.

stinabat, vt vincentibus inestimabilis boni donatium distribueret, profecto ad militiam eius nullo modo peruenire poterit, qui non ita se subiecerit, vt pro tuenda veritate nec supplicia nec mortem subire recuset. Is demum Christo militat, qui sæpe mundi turbinibus quatitur, & nunquam superatur, dicente ipso domino: In mundo pressuram habebitis, sed confidite, ego vici mundum. Quando hic qui vicit mundum, seruos suos confidere iubet, nullus de victoria futura dubitandi relinquitur locus. Qua enim virtute ipse vicit mundum, eam aduersus persecutiones certantibus nobis commodabit, vt vincamus. Immittent vobis, inquit, manus suas, & persequentur, tradentes in synagogas & custodias, trahentes ad reges & præfides propter nomen meum. Ne autem terreamur, subdit: Et ego dabo vobis os & sapientiam, cui non poterunt resistere & contradicere omnes aduersarij vestri. Demum vt proposito præmio ad omnia perpetienda magis alacres redderet, ait: In patientia vestra possidebitis animas vestras. Hoc est enim quod alibi dixit: Qui perdiderit animam suam in hoc mundo, in vita æterna inueniet eam. Possidere ergo animam est, non hinc, sed in æternitate viuere. Omnis quippe possessio in præsentibus dubia est & incerta, in futuro autem erit stabilis & perpetua. Quod vt luculentius intelligas, rursus ille alibi ait: Beati qui persecutionem patiuntur propter iustitiam, quoniam ipsorum est regnum cælorum, Beati estis cum maledixerint vobis homines, & persecuti vos fuerint, & dixerint omne malum aduersum vos mentientes propter me, gaudete & exultate, quoniam merces vestra copiosa est in cælis. Quam certe mercedem si alta mente considerabimus, terrena omnia facile contemnemus, neque omnino quicquam toleratu graue videbitur, quoties bona quæ pro malorum perlatione compensanda sunt, cogitabimus. Immensa enim & ineffabilia sunt

Ioan. 16.

Lucæ. 21.

Lucæ. 21.

Matth. 10.

Matth. 5.

Apoca. 7. lia sunt illorum bona, de quibus in Apocalypsi dicitur: Hi sunt qui venerunt de tribulatione magna, & lauerunt stolas suas in sanguine agni, ideò sunt ante thronũ dei, & seruiunt ei die ac nocte in templo eius, & qui sedet in throno, habitabit super illos, non esurient neq; sitient amplius. neque cãdet super illos sol, neque vllus æstus, quoniam agnus qui in medio throni est, reget illos, & deducet eos ad vitæ fontes aquarum, & absterget deus omnem lachrymam ab oculis eorum. Talia secum meditabatur Paulus, cum diceret: Et satiari & esurire & abundare & penuriam pati, omnia possum in eo qui me confortat. Hinc est quod de illo in gestis apostolorũ legimus: Cum prophetante Agabo discipuli eius didicissent ipsum Hierosolymis vincula passurũ, & animo consternati rogassent, vt supersederet illò proficisci: Quid facitis respondit, flentes & affligẽtes cor meum: ego autem non solum alligari, sed & mori in Hierusalẽ paratus sum, propter nomen domini Iesu. Non est ergo suorum lachrymis motus, non mortis periculo deterrius, vt à proposito desisteret, tanto amore flagrabat Christum omnibus quibus poterat Euangelizandi, decernens non antè a prædicatione eius cessare, quàm in corpore viuere cessasset, Neq; solũ Paulus, qui plus omnibus laborauit, certũ ac deliberatũ id habuit, sed planè omnes illi, qui supplicia necemque pati maluerunt, quàm fallacibus diis libamenta offerre.

Philip. 4.

Acto. 21.

*Verba sanctorum martyrum ad
tyrannum in ipsos sæuien
tem. Cap. 21.*

Quid enim aliud dum torquerentur, tacendo ad infidelem tyrannum dicere videbãtur, nisi vre, tunde, diuelle, lania, idola tua non adorabimus, Christum

Christum autem dei filium confitemur, cum patre & spiritu sancto vnum deum, vñū dominum. Potes corpora ista Cēsar cruciatibus absumere, facere verò vt aliud sentiamus aut loquamur non potes. Dummodo hac in parte fortitudo nostræ præualeat, iuuat in illa quæ te potentiorē existimas, nos esse imbecilles atque imbelles. Quo enim magis nos affligis grauiusque excrucias, magis vita æterna dignos efficis, & dum nocere arbitraris, prodes. Tua sauitia, nostra est gloria. Cū nos interficere credas, carcere isto corporis liberas. Vnde soluti de terra, tollimur ad cœlum, & pro patientiæ virtute à domino coronamur: non corona sicut est tua peritura, sed nunquam deficiente, nunquam defutura. Libet itaque abs te interimi, vt viuamus cum Christo, quem nulla vi nobis potes auferre, neque nos vlla quæstione, vllō tormentorum genere à charitate eius separare. Hoc te frustra prorsus conatum scies, cū etiam ipsa postrema in mortem anhelantium voce Christum invocari, Christum glorificari audieris, & tunc demū te victum senties, sed fateri pudebit. Nos enim in isto fidei agone, voti nostri compotes erimus, tu tui nequaquam, qui ideò nos torques, vt à Christo auertas, & ad deorum, quos palàm contemnimus, cultum compellas. Et cum hoc quod maximè cupis, perficere in nobis minimè valeas, nōne superatus es nostra constantia, nostra pro Christo fide, quos ne interficiendo quidem vt tibi assentiamus potes inducere? Citius saxa scopulosque & montes de loco suo mouebis, quàm nobis fidem Christo datam eripies. Non tamen stabilitatis nostræ nobis laudem damus, Christi beneficio fortes sumus. Christi virtute in nobis manente tibi non succubimus, Christo denique adiuuante contra cœnia aduersa luctamur, & potimur victoria. Eidem gratias agimus, & cum pœnis afficimur, & cum in sententia veritatis perseveramus. Tota autem perseverandi ratio est,

M M

quia

quia post laborem in illo requiescere speramus, semper beati futuri, qui semper vsque in finem fuimus fideles, nec victi sauitia tua, sed probati. His quidem & huiusmodi verbis illos vel locutos, vel loqui potuisse quis dubitat, nisi qui euangelio non credit, & peruersæ menti s aure non admittit veritatem? Ipsorum enim omne studium fuit, domini sui vestigia obseruare, cum morum integritate, tum patientia persecutionum. Præbuit ille se nobis in exemplum, & qui resistere poterat violentiæ hominum, atque omnes simul vno verbo oris sui interficere, maluit iniurias pati, & ignominiosa crucis morte consumi, vt suis fidelibus humilitatem patientiæque commendaret. Quamobrem ait: Qui non accipit crucem suam & sequitur me, non est me dignus. Quid inquires agam, si desit persecutio, si nemo ad impietatem compellit quomodo crucem domini portare debeo? Si paratus es impia suadentibus nunquam cedere, & prius omnes omnium tormentorum cruciatus, forti animo subire, quàm Christum deferere, crucem domini geris, & ipsum sequeris, illoque te dignum præstas. Da igitur operam, ne prompta desit voluntas ad patiendum tunc quoque cum patiendi non suppetit occasio. Quod si feceris, tu quoque à domino in pace collectus cum sanctis martyribus dicere poteris. Ego sum pauper & dolens, & salus tua deus suscepit me, laudabo nomen dei mei cum cantico, magnificabo eum in laude. Interim martirium tuum sit, castigare corpus tuum, & in seruitutem redigere, vt obediat spiritui, vigilare, orare, ieiunare, die ac nocte in lege dei meditari, euangelij præcepta obseruare, amicos inimicosque diligere, nemini malum pro malo reddere, & pati potius quàm inferre iniuriam. Talis vita eos etiã ad beatitudinis gloriã euexit, quos persecutionis gladius nõ attigit. Quotidianum quippe martirium est, aduersus carnis molestias diaboli; dolos assidue stare, & non sinere suffodi domum

Matth. 10.

Psal. 63.

domum, nec irruētibus vitiis vasa diripi virtutis. Oportet igitur superbiam repellere humilitate, libidinē castitate, parsimonia luxuriam, patientia iracundiam, liberalitate auaritiā: & breuiter vitium virtute. Sic vincere non equidem minus laudabile esse reor, quā execranda infidelium imperia per tormentorum patientiā superare. Nam qui ita vitam instituerit, eum iam idoneū esse scias ad omnia dura, difficilia atque aspera pro nomine domini perferenda. Non potest non habere talem tolerandi affectum, qui domino in omnibus obsequendi gerit curam. Audi Hieronymum dicentem: Vtinam ob domini mei nomen atque iustitiam cuncta gentiliū turba me persequatur & tribulet: vtinam in opprobriū meum stolidus hic mundus exurgat, tantū vt ego merear à Christo laudari, & suæ pollicitationis sperare mercedem. Quoties igitur exercendæ patientiæ cessat occasio, non cesset in nobis ipsa patiendi voluntas, & martyrum gloriæ participes esse merebimur.

S. Hierony

Quod non debemus vltro nos offerre suppliciis. Cap. 22.

Veruntamen in persecutionibus vltro nos offerre impiis non debemus. Quoniam temerarium est obicere se piculis nulla cogente necessitate. Vnde præcipit dominus, dicens: Cū vos persecuti fuerint in ista ciuitate, fugite ad aliā. Et ipse secessisse in desertum dicitur, cum Iohānē Herodis gladio peremptum audisset. Quanto etiā Iudæi ad feriendum illum lapides corripuissent, abscondit se (vt euangelista ait) & exiit de templo. Poterat omnes vnico nutu interimere, & maluit fugere, vt nos doceret etiam imbecilliorum iracundiam potius deuigare, quā resistendo magis accēdere. Paulus Damasci Iudæorum insidias, & præpositi Artæ regis minas per murum in sporta depositus effugit: nō tamē mortis metu, sed dilatione, vt adhuc sup viuēs multorum

Ioan. 8.

2. Cor. 12.

M M ij

multorum

multorum saluti confuleret. Nunquam enim cessauit prædicando, disputando, scribendo omnes quos erroribus implicitos cernebat, ad viam veritatis reuocare: vtque illos quos ad Christum conuerterat, in fide solidaret, sæuissimi Neronis furorem contempsit. Suo igitur exemplo monstrauit, tunc quidem mortem non esse timendam, cum prospiciendum est saluti aliorum: tunc verò fugiendam, cum magis expedit vt fugiamus, quàm vt comprehendamur. Exempli gratia. Inter hæreticorum turbam fidelesque persequentium occultè Christianus es, vides alios deprehensos torqueri, cædi, laniari, quamdiu fortiter tolerant, nec à fide recedunt; non est vt te ipsum prodas. Cum autem aliquis eorum titubare cœperit, & supplicij victus cedere, palam eum exhortari ad patientiam debes, & in periculo animæ alienæ vitam propriam contemnere. Plus enim debemus diligere bonū animæ nō nostræ modo, verū etiam alienæ, quàm bonum corporis nostri, hoc enim temporale est, illud æternum: hoc carnale, illud spiritale: præterita autem sunt carnalibus spiritalia, & temporalibus eterna, & mortalibus nunquam moritura. Quòd si te quoque in hoc pietatis agone intrepidè currentem ab infidelibus occidi contigerit, gaude, quia iam cum illo viuere incipies, qui pro omnibus occidi voluit, & in illo inclyto gloriosoque martyrum cœtu receptus exultabis, tuque donatus corona victoriæ sempiterna.

Quod multum prodest in calamitatibus recolere passionem Christi.

Cap.

23.

IN omni autem pressura & afflictione siue mentis siue corporis, commodissimum erit, domini saluatoris labores atque dolores pro nobis vltro susceptos ad memoriam

moriam reuocare, secumq; ratiocinari ac dicere: Quis
 ego sum, vt aduersis præsentium infelicitatum in cali-
 bus grauari debeam, cum dominus meus, quamdiu in
 terris versatus est, non otio delectatus sit, sed fatigatio-
 ne non voluptatem vllam corporis appetierit, sed tri-
 bulationes & angustias, & cruciatus, & cõuitia, & pbra
 ab impiis illata, & acerbissimam atque despicatissimã
 crucis mortem? Ille saluandi mei gratia qui perieram,
 cum deus esset, hominem assumpsit: homo factus nũquã
 conquieuit, Iudæam, Galilæam, Samariam peragran-
 do, ignaros instruere, ægros curare, mortuos suscitare,
 multa mira & incredibilia operari. Cumque in omni-
 bus diues esset, elegit sibi paupertatem, aliorum impen-
 sis vitam sustentauit, alieno vsus est hospitio, esuriuit,
 sitiuit, fatigatus est, flesse pluries legitur, risisse nunquã.
 Adhuc puer quæsitus est ad necem: deinde adultus, odia
 semper perpeffus est impiorum, à discipulo venditus ac
 proditus est, à Iudæis comprehensus & afflictus, & qui
 peccatum non fecerat, ligatur, accusatur, falso testimo-
 nio circumuenitur, conspuitur, alapis cæditur, deludi-
 tur, maledicitur, spinis coronatur, harundine verbera-
 tur, nudus flagella sustinet, nudus crucem ascendit, in
 manibus ac pedibus plagas patitur clauorum, lanceæ
 in latere, atque de tot vulneribus manante cruore to-
 tus perfunditur. Cumque moriens sitiret aceto felleq;
 potatur: tam dirè consumptus, hostiam se deo patri pro
 omnibus obtulit. Quis sum ego vt indignus, & iniquo
 animo feram, si qua mihi calamitas incidat, si quod in-
 commodum patiar, si qua me inuidorum infestet per-
 secutio, cum præsertim nihil mali mihi inferri possit,
 quod peccata mea non merentur? Non ergo grauatè p-
 petiar, quod iustè irrogatur, sed dominum meum de-
 precabor, vt concedat mihi in omnibus patientiam, &
 in ipsa patientia scelerum meorum purgationem atque
 veniam: vt qui me dignatus est facere laborum suorum

Cor. 1.
Tim. 2.

participem, faciat tandem & gloriæ consortem, dicente Apostolo: Sicut socij passionum estis, sic eritis & consolationis. Et iterum: Si inquit commortui sumus & cōuiuemus: si sustinebimus, & conregnabimus. Igitur siue persecutionis turbo totam inuaserit ecclesiam siue priuata laceffiti fuerimus inuidia, siue opes vis aliqua raperit, siue morbi sæuierint, siue charissimorum mortes frequentarint, siue aliud aliquid aduersi acciderit de omnibus gratias agere nos oportebit, & in omnibus confiteri ac dicere. Iustus es domine, & rectum iudiciū tuum. Scriptum est enim: Increpationē domini ne reprobos, quia ipse vulnerat & medetur, percutit & manus eius sanabunt. Paulus & Syllas in Macedonia virgis cæsi, carceri traditi, in vincula coniecti, deo laudes decantant. Et ipse dominus noster accepto calice gratias egit, vt nobis documento esset ad persoluendas gratias Deo, quoties aduersitate aliqua grauati fuerimus atque afflicti. Per calicem enim tribulationes mūdi huius intelligimus, iuxta illud: Transeat à me calix iste. Cuius igitur prouidentia cuncta contingunt, illi de cunctis gratiæ agantur, vt per hoc probetur, nos & patientes esse in aduersis, & in prosperis non ingratos.

b. 5.
tu. 16.

De impatientiæ vitio erga deum.

Cap.

24.

xod. 16.
xod. 17.

ET quoniam virtus optabilior atque amabilior fit vitij comparatione, restat vt euoluamus impatientiæ mala. Per impatientiam murmurauerunt Israëlita egressi de Aegypto, cū esurirēt in deserto Syn, & iterum in Raphadin cū sitirent. Saturauitque illos dominus manna de cælo pluēte, & aquis fluētibus de petra. Vide quā mitis, quā misericors est deus, non cōtinuò impatientiam nostram punit, sed interdum votis murmurantium facit satis, vt beneficio prouocet ad pœnitentiam.

pœnitentiam, at verò si benefacto non profecerint, nec
 murmurationum cessauerit impia temeritas, tunc de- Num. 11.
 mum vlciscitur ingratos, & iuste pœnas exigit ab obsti-
 natis. Ideò illi tandem cœlestem cibum fastiditi, cū ol-
 las carnesque Aegyptias concupiscent, coturnicum nu-
 bes vëto delata, locum in quo castra fixa erant operuit,
 volente domino vt discerent, quàm malè cedât illa que
 intemperanter concupiscuntur. Adhuc (inquit) carnes
 erant in dentibus eorum, & populus percussus est plaga
 magna. Multi enim ex illis cum vsque ad nauseam car- Num. 20.
 nis eduliosè implessent, veluti veneno hausto, sic repètè Num. 21.
 mortui conciderūt. Pari aduersus deus proteruitate vsi
 sunt ad aquas contradictionis cum sitim paterentur:
 postremò ad mare rubrum itineris labore offensi, quā-
 do iratus dominus misit ignitos serpentes, quorum ve-
 neno moribusque disperibant. Quid ergo aliud agit
 qui aduersitate oppressus in deū indignatur, nisi vt ab
 eo prorsus destitutus, faucibus incidat serpētis antiqui
 diaboli, & post temporale malum quod patitur, æter-
 nis tradatur suppliciis. Hoc nempe illud est, quod Salo-
 mon in Prouerbiis ait: Qui impatiens est, sustinebit dā Prouer. 19.
 num & cum rapuerit aliud apponet. Primo enim dam-
 no raptò, id est, accepto, aliud applicat, & malis quibus
 affligitur, cumulum addit. Quid autē dementius quàm
 tribulationum pondus grauare linguæ procacitate, aut
 aliqua immodica animi pturbatione? Quicquid enim
 patienter toleratur, leuius sit. Quid etiā magis perni-
 ciosum, quàm Deum iratum, cum placare humilitate
 debeas, impatientiæ tumore magis prouocare, vt citi⁹ Roma. 14.
 pereas. Ideò rursum Salomon ait: Impatiēs operabitur
 stultitiā, & iterum: Qui impatiens est exaltat stul-
 titiā suā. Quoniā exaltat stultitiā. Impatientiā utiq;
 nō refrenās, prolabitur in irā, de ira in furorē, de furo-
 re in quandā beluarū feritatē, vt iā nō modo impatiēs,
 verū etiā sœuus ipiusq; existat. Nullū enim crudelitatis

genus est, ad quod non compellet impatientia, si te ab illa diutius possideri permiseris. Per impatientiam fratrem suum occidit Cain: fratrem suum in seruitutem vendiderant filij Iacob: fratres suos interfecit Gedeonis filius Abimelech: Saul rex sacerdotes Nobæ impiè perimi imperavit, quia illi pij erga Dauidem extiterant. Athalia Ioram regis vxor, defuncto Ochozia nepote, regiam cædibus impleuit, neminem regij sanguinis relinquens viuum, præter vnum Ioam qui furtim subtractus fuit neci. Manahem Samariæ rex, Therfa oppido capto, ne quem in eo virilis sexus viuum relinqueret, mulieres etiam prægnantes scidisse fertur. Herodes non minus in filios crudelis quàm in hostes fuit, vt Iosephi historia testatur: & vt in Euangelio discimus, indignè ferens Christum puerum à Magis adoratum omnes Bethlehemi infantulos, qui bimatum non excefferat interimi iussit, ipsum simul perdere volens, què qui ex illis esset ignorabat. Huius verò successor, Ioannis Baptistæ plusquam prophetæ caput ad se deferri mandauit ne de nece eius, à quo de adulterio se argui indignè ferebat, incertus esset, Ad talem ergo ac tantam animi trucidentiam facilè peruenièt impatiēs, nisi maturè ab ingentæ proteruiæ vitio submoueat, & iracundiæ motum pro viribus compescere assuescat. Minoribus igitur delictis obstaculum faciat, ne ad maiora prorūpat, quando ne minima quidem hinc decedentium impunita erunt, nisi antè pro illis pœnitudinis opera laboreque satisfactum fuerit. Hoc tibi in Euangelio operariorum vineæ parabola testatur, qui inuidiæ à domino arguuntur, eo quòd denario pro opera accepto, aliis qui tardius ad operandum accefferant, ex conductoris liberalitate tantundem datum fuisse dolebant. Nō est itaque negligendum, sed maximè curandum, vt etiam ab his caueas, quæ vel leui increpatione digna cognoueris. Paulatim decidit, inquit scriptura, qui minima contemnit.

Cain.

Filij Iacob.

Abimelech.

Saul.

Athalia.

Manahem.

Herodes.

Herodes.

Matt. 20.

Eccl. 19.

temnit. Habet & inuidia suam impatientiã, quæ mortem affert nisi caueatur. Dolere enim te cogit, quod alij affluant diuitiis, præstent honoribus, multæ apud omnes opinionis sint, & te vel præcedant gloria, vel æquêt. Talis profectò diaboli liuor est, qui semper tristatur ac moleste fert, quod iusti eo ascendant vnde ipse decedit. In deũ ma-
 Quid dicam de illis, quorum intantum excedere solet ledicta profuror, vt aliquid aduersi passi in Deum maledicta eui-ferens. brent atque iaculentur? Proh facinus omnium sententiis execrandum. Lingua illa quã fecit deus, ipsum blasphemat, & creatura creatorem suum verbis petulantibus inuadere audet, ipsum regem regum ac dominum dominantium plena probri, procacitate laceßere non veretur, cum Michaël archangelus (vt Iudas Apostolus Iudæ. 1. ait) de Moyßi corpore altercando non sit ausus ipsi diabolo iudicium inferre blasphemie. Hoc tam immanè nephas in seruis vestris puniendo coërcetè terreni principes, aut mirari desinite, si vos vnà cū illis diuina verberet vindicta. Si quis vos vel leuissima offenderit contumelia, continuò maiestatis læsæ reus peragitur, & acerbius etiam quàm meretur punitur. Multatur quãdoque qui in aliquem priuatum hominem indignè cõuitatus fuerit, sola in deum contumelia tuta est. Pœna ab homine expetitur ob iniuriã homini illatã, & deũ maledicētis scel⁹ nulla denūtiatione reprimitur. Vbi nūc est illa Iudæis data dei lex, qua blasphemi lapidib⁹ obrui iubentur, qua quidã cum altero rixatus, cum no-
 mē domini maledixisset, extra castra eductus est, vt ho-
 minum consortio indignus, & lapidum ictibus interem-
 ptus, linguæ impietatē morte corporis persoluit? Vbi est illud Babylonij regis vno miraculo cõuersi edictũ: Danie. 1.
 Quicumque deum Sydrach, Mysach & Abdenago blasphemauerit, dispereat, & domus eius vastetur. Vos verò tot miraculis, tot prodigiis in dei veri cultu confirmati, eiusmodi crimen dimittitis impunitum. Qua
 in

vt leuissimis interdum de causis intemperanter commoti rixemur, depugnemus, ad arma concurramus. Canum ferocium ista rabies est, qui portento tantum contra se digito irritantur, & frendenti rictu hominē alatrānt. Turpe est autem nobis caninam habere iracundiam & ad quamlibet offensiunculā indecētius q̄ oporteat turbari ac furere, & esse domum super arena fundatā quā ventorū euerit flatus: vel arundinem illā, quā etiam leues auræ grauiter exagitant & percellunt. Vix quidē vlla in re modestiam seruabit, qui cohibere nescit iracundiam. Salomonis ista sententia est dicentis: Qui ad indignandum facilis est, erit ad peccandum p- cliuior. Ille præterea qui in paruis grauiter irascitur, magnam iniuriam quomodo feret? nōne in rabiē tunc vertetur, cum Paulo deterius læsus fuerit. Quāquā eos etiam qui non læduntur, ineffrenata patientia interdū in rabiē agit: sicut & illos, de quib⁹ ante locuti sum⁹, qui neq; fratribus, neq; liberis, neq; dei sacerdotibus, neq; fœtibus in aluo matrum adhuc latentibus pepercere. Vt autem ista quoque min⁹ miremur, Moabitā Moabitā. impatientia facit, qui regis Idumæorum ossa de tumulo eruta, ignominie, causa igni cremarūt. Quis erit iracundie finis, si neque morte eorum, quos odio habet satiatur, & in corpora quoque humo obruta desæuit? Meritò igitur tantā animorū feritatem etiam in nationes incredulas vltus est deus, dicente Amos propheta: Super tribus sceleribus Moab, & super quatuor non conuertam eum, eo quod incenderit ossa regis Idumææ vsque ad cinerem. Et mittam (inquit) ignem in Moab, & deuorabit aedes Carioth, & morietur in sonitu Moab, in clangore tubæ, & disperdam iudicem de medio eius, & omnes principes eius interficiam cum eo, dicit dominus. Quod si itā infidelium impatientiam punit interdum DEVS, quanto magis credentium, quibus leges dedit & præcepta, & notitiam sui? Iure

Iure igitur ac meritò Salomon, dum perpenderet impatientis furentem iracundiam: Graue est saxum (inquit) & onerosa arena, sed ira stulti utroque grauior. Et prosequitur, dicens: Ira non habet misericordiam, nec erigens furor, & impetum concitati quis ferre poterit? Quid autem infelicius quàm carere misericordia & dilectione, sine qua beatitudinem cōsequi nequimus? Idcirco impatientia ipsa, quia charitati contraria est, deo etiam qui charitas est, aduersatur & repugnat, animū à cōlestium cōtemplatione auertit, & æterni boni reddit negligentem. Impatientia enim tota de rebus terrenis est, à quibus certè quanto secedimus longius, tanto proximiores deo efficiamur. Cui quidem si iungi volumus, humilitate opus est, & patientia & omni mansuetudine, non supercilio, non indignatione, neque ira, quæ deus odit & execratur. Post hæc mentem quoque hominis excecatur impatientia, & quæ recta vera quæ sunt, non finit dignosci neque intelligi. Ideoque ista animi perturbati passio, maximè in iudiciis faciendis cauenda est. Nūquam enim iuste iudicabit, qui iratus est. Nam si ille cui iratus fuerit, pro crimine delato multari merebitur, hic vlciscendi auiditate iustæ pœnæ modum excedet: aut si de rebus lis erit ommissa iudicij consultatione, aduersus eum cui infensus est, ferre sententiam festinabit, & conuertet (ut in Amos propheta est scriptum) in amaritudinem iudicium, & fructum iustitiæ in absynthium, non causam considerans dum iudicat, sed personas. Nec solum iniustum verique nescium hominem facit impatientia, sed etiam si ei ratione non resistitur, ad insaniam usque deducit. Vnde furere dicitur is, qui impatientiæ stimulis actus, ira inflammatur: Ardent oculi, tremunt labia, frons adducitur, arteriæ clamoribus intumescunt, os distorquetur, verba sine delectu effutiuntur, facies aut rubore aut pallore suffunditur, & breuiter nihil tam simile alienatæ mentis

Prou. 17.

Amos. 1.

Facies irati.

mentis homini q̄ homo præter modum iratus. Quòd Mat. 26.
 si aspectui tam fædo non fatis credis, facta inspicere. Prin-
 ceptus ille sacerdotum in Christum iratus, ipse sua scidit 3. Reg. 21.
 vestimenta. Quid autem dementius quàm in alterum
 indignari, & à semet pœnas exigere? Achab etiam rex
 Israël, quod Naboth Israëlita vineam suam ipsi peten-
 ti neque vendere neque commutare voluit, tantum fu-
 roris concepit, vt domum reuersus lectulo se iniecerit,
 panemque non comederit, inedia se conficiens, donec
 vxoris tandem vsus consilio, Nabotho per dolum subla-
 to, agellum eius vi possedit. Achitophel Iudaicæ mili-
 tiæ princeps Absolonis partes secutus, indignè ferens q̄
 ille aduersus Dauidem vti suo consilio noluerit, sibi ip-
 si suspendio mortem consciuit. Quis insanus vnquã in
 alterũ fœdius desæuit, q̄ in seipsum iræ impatiens Achit-
 ophel? Rectè itaque dicitur: Stultũ interficit iracun-
 dia, quandoquidem eousque insaniunt, vt nec suæ vitæ
 parcant, & dum in alterum sæuendi negatur facultas,
 in semetipsos grassantur. Sunt præterea qui irati san-
 ctos maledictis lacestant, sed cum dominum eadem oris
 petulantia prouocare non formident, minus mirũ est,
 quod etiam seruos eius quomodo possunt offendant, de
 quibus quia fatis paulò antè dictum sit, hoc tantum di-
 cendum restat, quòd nec à sanguine eorum, quos deo fa-
 mulari vident, abstineant, cum indignantur. Quamuis
 enim eiusdem religionis sint cum his quos infestant, di-
 uersis tamen moribus viuunt, semperque melioribus in-
 uident atque aduersantur. Hinc est quod Ioram Sama-
 riæ rex, à Syris obsessus, cū fames urbem inuasisset, quid
 ageret, nesciebat: & ex dolore in furorem versus, man-
 dauit interim Eliseum prophetam, qui nisi præsciis
 cauisset, innocens regis malè indignantis culpa perisset.
 Rex verò quia pœnitentia ductus humiliauit se, pro-
 phetam persequi desiit, & obsidione liberatus est & fa-
 me. Tantũ prodest repentina prauippositi pœnitudo.

Afa

2. Reg. 17.

Iob. 5.

Maledicti in
sanctos.

4. Reg. 6.

Afa.
2. Par. 16.

Iere. 26.
Ioachim.

4. Reg. 24.
Herodes.

Iosephus li.
cap. 14.
Roma. 14.

Afa quoque Hierosolymæ rex, quoniam ascito sibi Sy-
rorum exercitu ab inuasionem Basæ Samariæ regis se
defenderat, coargutus ab Anani propheta, quod fi-
dutiā habuerit in rege Syriæ & non in domino, ius-
sit illum mitti in neruum, & D E I nuntium in vin-
cula coniicere non fuit veritus. Sed malè illi cessit ista
audacia, plurimi de populo perierunt, ipse anno de-
inde tertio pedum dolore consumptus est. Sed neque
Ioachamo Iudææ regi fuit impune, Ieremiæ volumen
per manum Baruch scriptum, in quo mala super re-
gno suo ventura prædicebantur, manibus discerpisse
tradidisseque igni, ipsosque voluminis authores com-
prehendi iussisse: quæsitos ad necem (vt scriptura ait)
dominus abscondit, ac de rege pro culpa puniendo di-
xit: Non erit ex eo qui sedeat super solium David, &
cadauer eius proicietur ad æstus per diem, & ad ge-
lu per noctem, insuper mala quæ in volumine descri-
pta fuerant, se adducturum affirmavit. Igitur non
multo post vrbs eversa, ipse cum populo abductus est
Babylonem catenis vinctus, atque in captiuitate pe-
riit. Herodis Tetrarchæ exercitum, parua quidem
Arabum manu ad internecionē penè casum ideò fuisse,
quibusdam ex Iudæis visum est (vt Iosephus refert)
quia Iohannem Baptistam præcipuæ sanctitatis virum
interficere ausus fuerit, vt liberius sceleratis nuptiis,
quas ille arguebat abuteretur. His exemplis discent su-
perbi quàm malè indignentur aduersus eos, qui sese
C H R I S T I seruitio dedicarunt. Tu quis es (inquit
Apostolus) qui iudicas alienum seruum? Domino suo
stat aut cadit, stabit autem: potēs est enim deus statue-
re illum. Quòd si nephas est iudicare seruū dei, quā-
magis eundem odio habere iniuriaque afficere? Et si
neminem simultate atque inimicitiiis persequi debe-
mus: quanto minus eos, qui pro omnibus quotidie pre-
cationi insistant, quotidie pro omnibus sacrificia offe-

runt, deumque pro nobis propitiare totiſ viribus contendunt: nobis baptiſmum, nobis peccatorum remiſſionem ſubminiſtrant, ægrotantibus aſſiſtunt, mortuos efferunt, pro elatiſ deo ſupplicant: Nunquid redditur pro bono malum, vt hiſ inſenſi ſimus, quibus pro beneficio parem gratiam referre non poſſumus? Quòd autem ne illiſ quidem qui tecum ſeculo ſeruiunt hoſtiliter irasci debeas, audi veritatis magiſtrum in Euangelio dicentem: Omnis qui iras citur fratri ſuo, reus erit iudicio: qui autem dixerit fratri ſuo rhaca, reus erit cõ filio, qui autem dixerit fatue, reus erit gehennæ igniſ. Nemo igitur non reus eſt, qui fratri iras citur. Vitio fratris iras ci rationabile quidem eſt, fratri autẽ iras ci rationi contrarium eſt. Ex odio enim proficiſcitur, quicquid mali in perſonam tantum confertur. Diſce itaque tres eſſe malẽ iras cendi gradus, alium alio nequiores. Si tacitus iras ceriſ, & linguam à contumelia coërcet, reus eſt iudicio, quia quod iracundiæ motuſ intra te deliquit, hoc rationiſ iudiciuſ, ne fortis erumpat refrœnavit. Grauius autem peccat, cum iratuſ in verba opprobrii prorumpiſ, tantoquẽ magiſ quanto furioſiſ id egeriſ. Rhaca hebræuſ eſt, & vanuſ designat, fatue autẽ turpiuſ dictuſ eſt. Illa ergo impatiẽtiæ indignatio rea eſt conſilio, vbi adhuc pendet ſentẽtia donec vel progrediariſ iras cendo vt damneriſ, vel regrediariſ poenitendo vt venia dignuſ habeariſ. Porro ſi vltẽriuſ progreſſuſ fueriſ, & furoriſ impetu in aduerſuſ ferri non deſtiteriſ, & fratrem tuuſ quaſi ex animi malevolentia deſpexeriſ, reus erit gehennæ igniſ, niſi ceſſabiſ ab iniuria, & amare incipiẽs quem oderaſ. Taleſ ergo excuſuſ habet impatiẽtia, vt hominẽ immoderate furentẽ, uſque in abyſſuſ inferni deuehat, & poenitentiſ illiſ quaruſ nulluſ finiſ eſt, irreuocabili ter tradat, ſi ei uſque ad vitæ exituſ dominata fuerit.

Matt. 5.

De ira

*De ira non vitiosa, sed utili & de
ira dei. Cap. 26.*

EST tamen ira quædam rationis parens, cum vitiiis irascimur vel nostris vel alienis, hoc est, cum illa corrigi & emendari cupimus. Hinc sanè & in nos voluntariam corporis castigationem assumere cõsueuimus, vt mortiferæ voluptatis incitamenta excludamus, & carnem spiritui repugnantem, veluti lasciuiens iumentum, fatigatione aliqua laboreque domem⁹. Illos verò qui curæ nostræ commissi sunt, si monitis nõ obtemperarint, minis verberibusque persequimur, nõ nocendi causa, sed gratia iuuandi, vt qui spõte sese corrigere noluerint, corrigantur saltem inuiti, ne pereãt. Ira igitur ista quia ratione nititur, non modo non culpanda est, sed etiam necessaria. Charitati enim proxima est, dum per eam hominum saluti consulitur, medicorum more qui putrescentia vlcera incisionibus cauterioque curare aggrediuntur, & morbo irati dum sæuiunt, restituendæ sanitati operam impendunt. Hinc est illud Ecclesiasticæ: Melior est ira risu, quia per tristitiam vultus corrigitur animus delinquentis, tristem tantummodo vultum, aduersus æqualium seniorumq; crimina ostendere oportet, ne malefacta eorum mitiore aspectu probare videamur, ira tamen abstinendum erit, ne magis exasperemus eos, in quos animaduertendi ius non habemus. Illa ira duntaxat nobis cõcessa est, qua vel subditos corripimus ne delinquant, vel nosmet ipsos affligimus, ne malarum cupidinum blandimentis vincamur. Porrò ira hæc tantum ab ea quæ prohibetur differt, quantum ratio ab insania, quantum verum ab errore, quantum denique iuuandi appetitio à cupiditate nocendi. Hanc sequamur, si nobis, si aliis quibus præsidemus consultum volumus. Illam verò brutam & irra-

irrationalem declinemus, tanquam & nobis & omni-
 bus qui ea vtuntur, nociam atque perniciosam. Per hanc
 iustificatus est Phinees, cum virum Israëlita & Madia- Phinees
 nitidem meretricem turpiter coeuntes pugione confo- Nume. 25.
 dit, per illam autem damnatus est Cain, aliique multi, Cain
 qui sanguinem innocentem indignati effuderunt. In hac Gene. 4.
 deum imitamur, qui peccatis offensus irascitur. In illa
 diabolum, qui cum malus sit, bonis invidet, & iratus eos
 deiicere nititur de altitudine virtutum. Dei autem ira Proue. 27.
 percutit vt sanet, mortificat vt viuificet, & meliora qu-
 dam vulnera sunt diligentis quam fraudulenta oscula
 odientis. Hic præterea qui diligendo vulnerat, interdum
 odiendo lædere desinit. Vnde loquitur: Non visitabo su Osee. 4.
 per filias vestras, cum fuerint fornicatæ, & super spon- Psal. 78.
 sas vestras cum adulterauerint. Magna ira est (inquit Hie-
 ronymus) cum peccantibus non irascitur deus. Hoc est,
 cum peccantes punire differt. Quos autem ad corre-
 ctionem affligit, de illis ait: Visitabo in virga iniquita-
 tes eorum, & in flagellis peccata eorum, misericordiam
 autem meam non auferam ab eis. Nullam tamen iracun-
 diæ perturbationem patitur deus, neque dum corrumpit
 corrigendos, neque dum punit obstinatos. Apud se sem-
 per placidus est atque tranquillus, apud illos verò ira-
 tus & furens qui malum quod meruerunt patiuntur. Ita
 nos quam minimum perturbare debet iracundia, cum
 delinquentes punimus, sed mouere charitas, vt punitos
 disciplina nostra emendet, & à vitio reuocet ad virtu-
 tem. Publici quoque iudicii præsidem, ab odio atque ira
 procul esse oportet dum iudicat. Debet tamen meritas
 ab illis qui mali aliquid perpetrarunt, pœnas exigere
 siue vt ipsi corrigantur, siue vt alij reprimantur similis
 pœnæ metu quam damnatos iuste perpeti viderint. E-
 quidem ita reor, inter iram & iustitiam dei nihil in-
 teresse, nisi quod iræ vocabulum tunc vsurpet scriptu-
 ra, cum peccata vindicantur, iustitiæ autem nomen etiã

NN

ad remu-

ad remunerationem pertineat bonorum in qua nullus iræ locus est, sed benignitatis. Audiamus ergo in psal-
 mis monentem: irascimini & nolite peccare. Irascitur
 & non peccat, qui non odio mouetur hominis cum indi-
 gnatur, sed criminis, qui punit: non vt lædat, sed vt læ-
 dendo emendet, quod quidem opus non inimicitiae est,
 sed beneuolentiae & dilectionis.

De remediis iracundiae.

Cap. 27.

Non possumus efficere, quin aliquando plus etiam
 quam oportet irascamur. Quando quidem id fan-
 ctitate quoque præditis hominibus interdum con-
 tigisse satis constat. Moses iratus præuaricationi plebis
 vitulum adorantis, tabulas legis digito dei scriptas con-
 fregit. Idem iratus fuisse dicitur filiis Aaronis sacerdo-
 tis, quod hircum quem pro peccato oblatum comedere
 debuerant, totum in holocaustum obtulerint. Dauid in
 Absalonem filium iratus fraternæ cædis reum, vix am-
 corum precibus exoratus post biennium coram se appa-
 rere illum permisit. Hi tamen excusabiles videntur,
 quia in delinquentes animo extiterint indignato, nec
 sine causa irati fuerint. Sed quo pacto excusabit nescio
 ipse in vtero matris sanctificatus Hieremias, vel ipse o-
 re domini laudatus Iob? Ambo enim ob indignationem
 impatientiamque mentis, diei in qua nati sunt, maledi-
 xisse referuntur. Alter conquestus est quod probra irri-
 sionesque perferret pro sermonibus dei, quos in popu-
 lum vulgabat. Alter quod supra modum miseriis cala-
 mitatibusque oppressus esset. Quasi verò non liceat do-
 mino quicquid vult de seruis suis facere. Ionas etiã san-
 ctus propheta mortem sibi expetiuit, indignè ferens,
 quod Ninive seruata suam sefellerit diuinationem. Vn-
 de arguitur à domino dicente. Putasne bene irasceris
 tui?

Psal. 4.

Moses.

Exod. 12.

Leui. 10.

Dauid.

2. Reg. 14.

Ierem. 30.

Iob. 3.

tui: Quis autem excusare illum audet, qui increpatione accusatur diuina? Quid de apostolis dicā, & his quidem à sapientia dei electis? nonne indignati fuisse memorantur, cum à filiis Zebedæi principatum peti audissent? Sed quemadmodum illi ab ambitione ad humilitatem & ab indignatione ad placabilitatē domini admonitionibus reuocati sunt, ita & nos quoties repētina aliqua mentis egritudine commoti fuerimus, quā prius ad æquanimitatis remedia recurramus. Morbus inueteratus plus laboris exigit in mēdendo, recentis vero facilis curatio est. Primum cauendæ tibi sunt contētionēs, & eorum qui natura iracundi sunt consortia fugienda, litibus forōque abstinendum, dicēte Apostolo. Apostoli
2. Tim. 2.
 Seruum dei litigare non decet. Cum nemine pertinaciter contendas, quia arrogantia vitium est: Delatoribus non faciliē credas, neque de absente obtestantium iniuria irascaris. Inualidus est ad ledendum qui tibi coram negigium exhibere non audet. Quod si præsentium offensa non moderatē ferre debemus, quanto magis absentium? Si contigerit vt irē motum concipias conceptum reprimere: & quod intra te natum est, intra te & moriatur, nec verba exterius prorūpant nec opera. Audi psalmistam dicentem. Turbatus sum, & nō sum locutus. Et iterum, Cor meum conturbatum est intra me. Abortiū igitur fiat, quicquid iracundia intra te conceperit. Parum cōcepta indignatio nocet, edita multum. Viperarum genimina sunt, quæcunque parere solet furor. Irascimini & nolite peccare, ait Apostolus, sol non occidat super iracundiam vestram. Irasci hominis est: per iram non peccare Christiani est. Illis autem solem iustitiæ occidere credas, qui iram in odium conuertunt. Nunquam citō in alterum excandescas, dilatio incipientem sedabit motum. Obserua itaque Iacobi Apostoli præceptum: Sit (inquit) omnis homo velox ad audiendum, tardus ad loquendum, & tardus ad

NN ij iram

iram. Ira enim viri, iustitiam dei non operatur, Obliviscere iniuriæ, & de vindicta ne cogites. Impatientiæ vitium est vlcisci cupere. Patientiæ autem virtus, offensam memoria non retinere. Diuinæ legis est præceptum: Non quæras ultionem, nec memoreris iniuriæ civium tuorum. Deum time, & irasci quoque timebis. Obserua Apostolum dicentem. Omnis amaritudo & ira & indignatio & clamor & blasphemia auferatur à vobis, cum omni malitia. Cui sententiæ Salomon astipulatur, dicens. Aufer iram tuam à corde tuo, & amoue malitiam à carne tua. Hoc ipsum sanctus propheta in psalmis iubet cum ait: Quiesce ab ira, & derelinque furorem, noli æmulari vt malefacias, quoniam qui malignantur, exterminabuntur. Nihil existimes laudabilius, nihil Christiano dignius placabilitate atque clementia, & rursum nihil indecentius neque fœdus immanitate, superbia, ira, impatientia, Reticulum iecoris offert, homini no, qui toleratione superat iracundiam. In iecore enim in ipso humore fellis, iræ receptaculum esse creditur, & quoniam hoc sacrificium in lege pro peccato offerri iussum fuit, puto quòd is qui in omnibus patiens fuerit, & præteritorum criminum facile veniam consequetur, & in futurum innocentiam custodiet: seruata autem innocentia, inter beatos computabitur. Super omnia verò proderi tmente reuoluere, tum quæ patientibus propo sita sint præmia, tum qualia impatientibus tormenta. Cogitare quoque quanta pro nobis pertulerit dominus, quanta omnes, qui nunc cum illo sancti, vt tali domino digni inuenirentur.

De benedicendi studio. Cap. 28.

Post hæc optimum erit, ad seruandam erga omnes humanitatem animique mansuetudinem benedictiæ linguam assuefcere, ac semper veluti immane præcipitium, sic euitare maledicti verbum. Omnis
bus be.

Leuit. 19.
Ephe. 4.

Eccli. 17.

Leui. 4.

bus benedicere, & ne maledicentibus quidem maledicta referre, magnæ constantiæ, magnæque tolerationis indicium est. Benedic liberis tuis, quia scriptum est: Benedictio patris firmat domos filiorum. Benedixit Isaac filio suo Iacob & domino annuente cuncta quæ illi in votis fando congefferat, feliciter successerunt. Ipse etiâ Iacob vita decedens, benedixit nepotibus suis Manassæ & Ephraim, diuinitusque inspiratus futuras filiorum sortes cecinit. Benedic seruis tuis, Christus dominus benedixit discipulis suis. Etenim sicut Lucas ait, ab eis in cælum recessurus, eleuatis manibus benedixit eis, ostendens quod quicumque sua benedictione se dignum exhibuerit, ipsum in cælum euntem sit secuturus. Benedic populo tuo. Moyses & Aaron sacerdos benedixerunt populo, & apparuit gloria domini omnibus qui aderant, vt ait scriptura. Vt ergo benedicientium merita testaretur, miram manifestamque sui splendoris visionem oculis humanis obiecit dominus, & quantum sibi benedicta seruorum suorum placeant, apertè significauit. Atque vt benedicendi magis studiosos redderet, ipse quomodo benedicant docere voluit: Sic, inquit, benedicetis filiis Israël, & dicetis eis: Benedicat tibi dominus, & custodiat te: ostendat dominus faciem suam tibi, & misereatur tui: conuertat dominus vultum suum ad te, & det tibi pacem. Vtque sciamus omnibus benedicendum esse, idem dominus in euangelio pro maledictis quoque iubet referri benedicta, dicens. Benedicite maledicentibus vos, & orate pro persecutibus vos. Moses diem suum obiturus, conuocatis tribubus ne intestatus decederet, singulis benedixit, & quæ futura erant simul prophetauit. Quis igitur dubitet, quin illi spiritu sancto repleatur, quis benedicere, beneque omnibus optare plurimum delectat? Salomon, cui cœlitus infusa sapientia erat, arca in templo collocata, victimisque immolatis, benedixisse dicitur ecclesiæ Israël, templumque;

Eccle. 3.

Gene. 37.

Gene. 49.

Lucæ. 14.

Leui. 9.

Nume. 16.

Lucæ. 6.

Deute. 33.

Salomon

dedicasse. Sed quoniam iuxta Apostoli sententiā: Templum dei sanctum est, quod estis vos, templo dei benedicit; quisquis fidei populo benedicta impendit. Discant nostri temporis episcopi promptiores esse ad benedicendum, ne templo dei maledixisse arguantur, cum temere & non merito aliquem fuerint execrati. Semper tutius est in benedicendo quā in deuouendo errare.

Duo benedictionum genera.

Sciendum præterea duo esse benedictionum genera, alterum spiritale, alterum terrenum. Spiritualis benedictio de virtutibus est præmioque earum, terrena de diuitiis, de frugum ubertate, de corporis incolumitate, de honoribus, de victoria, subiugationeque inimicorum, & aliis huiusmodi, quæ in Leuitico promittuntur obseruatoribus mandatorum dei.

Quæstio.

Qua quidem in re quaeri potest, cur multi prophetæ sanctique legis, qui præceptis diuinis pro sua virili semper obtemperabant, egestates, angustias, persecutiones passi sint, & post illos apostoli Christi, martyres, aliique fideles? quia certè illa terrena bona, ciuitates, prouinciæ, regna solent appetere, turba videlicet in perferendis angustiiis minus fortis, ne tententur supra id quod possunt. Sanctos verò atque perfectos, ut appareat quā constantes, quā firmi sint in contēnendis omnibus quæ diu stare nequeunt, & in illis quæ æterna sunt diligendis, necesse est aduersitatibus ærumnisque probari. Neque idē fit illis iniuria siue dolus, quod terrenis bonis minus abundant, quando ea ipsemet quidem præ cœlestium desiderio contemnunt atque aspernantur, maluntque in aduersis experiri, quā in prosperis otio torpescere. Prospera enim plerunque ad ignauiam compellunt, aduersa magis incitant ad virtutem. Quæ iusti patiēdo spiritualium benedictionum gratiam acquirunt, bonis utique non his modicis & caducis, sed illis ingentibus & æternis fruturi, quæ pressius euidentiusque in Euangelio quā in lege promissa sunt. Quanquā lex quoque spiritualis est,

si tollatur

si tollatur velamen, & ea quæ scripta sunt, non omnia
 iuxta literã intelligantur. Spiritualis benedictionis me-
 minit Apostolus, vbi ad Ephesios scribens, ait: Benedi- Ephes. 1.
 ctus deus & pater domini nostri Iesu Christi, qui bene-
 dixit nos in omni benedictione spiritali in cœlestibus
 in Christo. Profectò qui huius benedictionis particeps
 est, eius conuersatio in cœlis est, non in terra. Proinde
 nec terrena bona ad eum spectant, qui his expeditus, ca-
 pere properat cœlestia. Nos ergo talem antè omnia be-
 nedictionem, tam proximis nostris quàm nobis ipsi im-
 partiri semper optem⁹ & precemur, qua impetrata nec
 aduersa efficere poterūt, vt indignemur, nec prospera,
 vt lasciuimus. Bona igitur & dicamus omnib⁹ & opte-
 mus, ita tamen vt semper animæ ratio habeatur magis
 quàm corporis, vt quod cuique ad beatitudinem adipi-
 scendam accommodatius futurum sit, hoc ei in præsen-
 ti tempore contingat, siue id triste putatur, siue letum,
 cum nihil tam graue sit, vt id non eleuet spes bonorum
 quæ promissa nobis expectamus. Sic igitur benedicatur
 omnis homo qui timet dominum, vt exhuberet frugi-
 bus virtutum, vt bonorum operum fœcundus sit, vt ani-
 mæ sanitate perfruatur, vt hostes inuisibiles vincat, &
 omnes carnis molestias superet, fide firmus, spei plenus,
 charitate feruidus, & ad bona tandem perueniat sem-
 piterna: benedicatque ei dominus ex Sion, qui fecit cœ-
 lum & terram: Hic quippe benedicendi mos Apostolo- Apostoli.
 rum proprius fuit, vt eorum scripta testantur. Omnes
 fere Pauli epistolæ sic finiuntur, vt eis ad quos directæ
 sunt, gratiam precentur & pacem, non huius mundi pa-
 cem vel gratiam, sed dei patris & domini nostri Iesu
 Christi & spiritus sancti. Nihil ei deesse poterit, quem
 ubique dei gratia comitabitur. Qui autem linguam
 suam ad benedicendum assuefecerit, hic verè Christi
 seruus habebitur, illorum in cœlo copulandus confor-
 tio, quorum morem in terra fuerit æmulatus.

De maledicendi nequitia.

Cap. 29.

5. Reg. 17.

Exod. 22.

1. Cor. 6.

Acto. 18.

Exod. 21.

Leuit. 19.

VT autem benedicendi studio diligentius incumbamus, opportunum videtur nunc scrutari, quantum mali maledicis, & impurae linguae hominibus propositum sit. Semeim cuius maledicta patienter pertulerat rex Dauid, vultus est postea rex Salomon: & ille qui regē incescere ausus fuerat, capite mulctatus poenas dedit, non ab eo hoc passus cui iniuriam intulerat, sed ab eo qui punire debuit aliis illatā, domino iubente: Principi populi tui non maledices. Magis tamen poena illa verenda est, de qua Apostolus ait: Maledicos à regno dei excludendos cum fornicariis & idolorum cultoribus. Qui autem inde repulsi sunt, eos ad inferos cruciari certum est, quoniam impij ac scelerasti non solum bono summo priuantur, sed etiam suppliciis ascribuntur eternis, ita ut lingua nequam nulli perniciosior sit, quam ipsi cuius est. Mordet alios maledicus, & semet maledictionis suae telo conficit, similis viperæ illi, quæ cum manum Pauli apostoli mordicus apprehendisset, nihil illū læsit, sed ipsa in ignem excussa & exusta periit. Perire non debuit, dicet aliquis, quæ non læsit, sed ideò non læsit, quia deo prohibente lædere non potuit, periit autem, quia lædere voluit, & mortē quam alteri inferre tentauit, iuste ipsa pertulit. Sic maledicus dum oris sui procacitate alios offendere concupiscit, licet non offendat, tanquam si offenderit, poenas dabit. Vnde in lege scriptum est. Non solum qui percusserit, sed etiā qui maledixerit patri suo vel matri, morte moriatur. Et in alio loco: Non maledices (inquit) surdo, nec coram ceco pones offendiculū. Maledicit surdo, qui de absente obloquitur. Cæcum offendit, qui opprimit incautum. Hinc etiam ait: Non eris criminator & susurro in populis.

Denique

Deniq; adeo magnum vitium est maledicentia, vt probis honestisq; viris interdicta sit cum maledico consuetudo, dicente in Prouerbiis Salomone: Remoue à te os prauum, & detrahentium labia sint procul à te. De quibus Ieremias ait: Sagitta vulneras lingua eorū. Vulnerant enim & illos qui libenter in alios dicta auscultant, & illos de quib⁹ dicta sunt, si impatiēter tulerint. Ipsi tamen qui detrahunt, multo magis sibi quàm aliis nocent, domino per Osee prophetam succlamāte ac dicente: Cadent in gladio principes eorū à furore linguæ suæ, id est, qui alios linguæ suæ petulantia peruertunt, ipsi cadent gladio diuini iudicis, de quo surgere ultra non poterunt, cum corruerint in interitum sempiternum. Quæris quare in prophetis & in psalmis leguntur maledictiones. Illæ quidem non ex odio execrantis, sed ex vaticinio futurum prædicētis editæ sunt, & cum sanctorum in scripturis maledicta, iudicis dei sententiæ sint nobis qui futurorum ignari sumus, maledicere nemini licet, nisi fortè cum hæreticos impiis assertionibus ecclesiam perturbantes, apostolica authoritate deuouemus. Hoc egit Paulus cum Galatis, quos docuerat, à pseudoapostolis timere: Vtinā (inquit) abscindantur, qui vos conturbāt. Maledixit & Petrus Simoni mago, qui spiritus sancti donum venale putauit, pecuniā offerendo, vt miracula faciendi potestatem acciperet. Omnes itaque qui peruersi aliqua doctrina, rectè religioni aduersantur, quia deo iniuriam faciunt, sub anathemate censentur, vtpote diuersi ab ecclesia, & non Christi, sed satanæ membra facti, pro quibus tamen oramus, vt domino miserante errorem suum agnoscant, & conuertantur, & salui fiant. Atq; ita eis etiam quorum impietatem maledicimus, benedicere solemus, dum illos ab ignorantia tenebris ad lucem veritatis reuocari cupimus & præcamur. Maledictio verò quæ illis infertur, qui maledicendi nō sunt, plerunq; diaboli suggestionem
fit. Et

Proue. 4.
Iere. 9.

Osee. 7.

Quæstio.

Galat. 5.

Acto. 8.

Balaam
Nume. 22

fit. Et tunc quidem imitandus nobis erit Balaam ariolus, qui (vt in Numeris legimus) à Balach Moabitarum rege conductus, vt malediceret Israëlitis. Et e contrario à domino iussus vt benediceret, maluit deo quàm regi obtemperare, atque pro maledictione intulit maledictionem. Amalech deuoràs interpretatur, eumq; designat, qui deuorare animas hominum concupiscit. Sed qui Balaam est, deprehensus inimici dolis, magis queret benedicendo obsequi deo, quàm maledicendo diabolo. Qui enim obsequetur deo, merebitur præmium, qui diabolo, supplicium.

De calumnia & detractiōe.

Cap. 30.

Proue. 20

Sopho. 2.

AD hæc, quoniam omnis offensa quam per linguæ intemperantiam alicui irrogamus, maledictum dici potest, etiam ille qui conuitiatur, qui que famam carpit aliorum, non minus maledicus est, quàm qui deuoratione aliquem damnat. Conuitiis autem contendere atque rixari, insanire est, dicente Salomone: Omnes stulti miscentur contumeliis. Et iterum: Labia stulti miscunt se rixis, & os eius iurgia prouocat. Tales quippe clementissimum dominum ad iracundiam prouocant, hisque per Sophoniam prophetam minatur, dicens: Audiui opprobrium Moab, & blasphemias filiorum Ammon quæ exprobrauerunt populo meo, & magnificati sunt super terminos eorum, Propterea vino ego dicat dominus exercituum deus Israël, quia Moab & Sodomæ erit, & filij Ammon quasi Gomorrha. Ad inferos ergo præcipientes delabentur Sodomæ & Gomorrhæ urbium instar, qui linguam à contumelia probroque non cohercent. Nam hoc quoque illorum vitium est, quod tam impatientes ad ferendam contumeliam sint, quàm audi ad inferendam. Gaudent infilire dorsis aliorum, suo
autem

autem velut indomiti equi neminem admittunt, atque hæc ferme natura contumeliosorum est: Eadem ratio detractorum habetur, nisi quod minus ei creditur, quod iratus opprobrat, quam qui odium celans de moribus pronuntiat alienis, ut quod ipse infectatur, aliis quoque dissimulata inimicitia facilius odibilem reddat. Sed videamus qualiter & hi à domino plectantur. Maria, quoniam Moysen probro taxauerat, lepra perfunditur, & extra castra propellitur. Illis etiam qui de populo ipsum contumaciter offenderant, denegatum fuit terram ingredi per missionis. Ex quo apparet, detractores ab ecclesie communione alienandos, & promissam fidelibus paradisi regionem non ingressuros, nisi ad poenitentiam conuersi sese correxerint. De isto hominum genere Psalmista ait: Exacuerunt ut gladium linguas suas, intenderunt arcum, rem amaram, ut sagittent in occultis immaculatum, quibus & imprecatur, dicens: Muta fiant labia dolosa, quæ loquuntur aduersus iustum in superbia & abusione. Quinetiam ipse dominus minacibus admodum verbis aggreditur detractorem, dicens: Os tuum abundauit malitia, & lingua tua cocinnabat dolos. Sedens aduersus fratrem tuum loquebaris, & aduersus filium matris tuæ ponebas scandalum: Hec fecisti, & tacui: existimasti inique quod ero tui similis? argua te & statuam illa contra faciem tuam. Et quoniam nihil terribilius est, quam incidere in manum furentis domini, subdit propheta & ait: Intelligite nunc hec, qui obliuiscimini deum, nequando rapiat & non sit qui eripiat. Et paulo post: Deus conteret (inquit) dentes eorum in ore eorum, molas leonum confringet dominus. Quorum dentes? quorum leonum molas? illorum utique; de quibus alibi ait: Filij hominum dentes eorum arma & sagitte, & lingua eorum gladius acutus, & alibi, Acuerunt (inquit) linguas suas sicut serpentes, venenum aspidum sub labiis eorum. Quos etiam damnandos declarat, dicens. Caput circuitus eorum, labor labiorum ipsorum operiet eos, cadent

Num. 12.

Num. 14

Psalm. 63

Psalm. 57

Psalm. 56

Psalm. 13

- cadent super eos carbones, in ignem delicias eos, in miseriis non subsistēt. Per carbones & ignem & miseriae, poenae designant inferni, ceteris atrociores, quales reor & ille diues patiebatur, totus quidem ardens, linguae tamen magis sentiens ardorem quam solā refrigerari frustra petiit, ex quo apparet quā graue peccatū sit detractio, quae talem meretur animaduersionem. Quod si melius est (vt Salomon ait) bonum nomen quā diuitiae multae, nonne magis peccat qui famam aliorum praua suggillatione denigrare conatur, quā qui bona diripit, & innoxios exuit opibus. Vnde idem dicit: Cogitatio stulti, peccatum est, & abominatio, hominum detractor. Et hunc quidem veluti pestem quandā nos fugere suadet, dicens: Cum detractoribus non commiscearis, quoniam (inquit) repente confurget perditio eorū, & ruinam vtriusque quis nouit? Periculosa est enim cū peruersis cōuersatio, ne ipse quoque peruertaris, & vna cum illis pereas. Non solum ergo cauendos esse, sed etiā detestandos docet Dauid cum ait: Detrahentem secreto proximo suo hunc persequebar. Si quādo in eiusmodi hominem incidere contigerit, non praestemus aures, ora auertamus, non delectari nos, sed offendi suis sycophantiis malignus nugator cognoscat, & pudore confusus obmutescet. Id quoque Salomon testatur dicens. Vetus aquilo dissipat pluuias, & facies tristis linguam detrahentem.
- Luca. 16.
Eccle. 7.
Prone. 24.
Ibidem.
Psal. 110.
Prone. 25.

De delatorum malignitate.

Cap.

31.

- D**elator etiam qui suis criminationib⁹ discordias conserit, maledicitur in Ecclesiastico, vbi scriptū est, Sufurro & bilinguis maledictus. Multos enim turbauit pacem habentes. Et flagelli (inquit) plaga liuorem facit: plaga autem linguae comminuet ossa. Cui simile
- Eccle. 28.
Prone. 28.

simile est illud Salomonis, Iaculum & gladius & sagitta acuta, homo qui loquitur contra proximū suum falsum testimonium. Delatorum enim ea quoque malignitas est, ut ubi vera crimina quæ deferant, defunt, falsa confingant, & mentes nimis credulas mendacio pervertāt, & ubi quietis ac pacis triticum satum est, super seminant zizania tumultus & dissensionis, & hi quidem prophetico ore condemnantur cum dicitur: Labia dolosa in corde & corde locuti sunt, disperdat dominus universa labia dolosa. In corde & corde loquitur delator, quia duplex est, simulat se amicum illius, ad quem crimen defert, cui tamen auferre nititur quod amabat, eū cui ipse amicus erat accusando. Disperdet autem huiusmodi accusatorem dominus, quia siue falsum, siue verū dixerit: non voto corrigēdi proximum suum, sed in invidiam mittendi verba profert. Cui iterum propheta poenam denuntiat increpando ac dicēdo: Dilexisti omnia verba præcipationis lingua dolosa, propterea deus destruet te in finem, euellet te, & emigrabit te de tabernaculo tuo, & radicem tuam de terra viventium. Sunt præterea qui assidue contentionibus seruiunt, litigant, iurgantur, de quibus Salomon ait, Qui meditatur discordias, diligit rixas, & qui exaltat os suum, querit ruinam. Interdum de re leuissima inter se dissidentes ad maximos furibundi prorumpunt clamores, inde ne manibus quidem temperant. De verbis enim ad verbera facile peruenire, proprium contentiosorum est atque contumacium. Cumque diu obstinatis animis fuerit altercatum, sanguine & cædibus pertinax finitur contentio, usque adeo noxium esse solet, nolle linguæ moderari, & superbiæ vitio ab altercationibus non recedere. Rectè itaque Iacobus Apostolus, Vbi zelus (inquit) & contentio, ibi inconstantia & omne opus prauum. Scriptum est autem, Abstine à lite, & minues peccata. Multiplicantur quippe nequitia, iracundia exardescit, concipitur

Psal. iii.

Psal. li.

Prover. 17.

Iacob. i.

Eccle. 28.

capitur odium ex quo mala ingentia oriri solent cum lingua à velitatione non cohibeatur. Reliquum est, vt qui ita obduratus fuerit, diabolo flagellādus tradatur, & hoc iuxta Salomonis sententiā dicentis: Semper iurgia querit malus, angelus autē crudelis mittetur contra eum. Neq; enim potest particeps esse æterni boni quod mitibus datur, neque expers esse malorumque pessimū quemque manēt: quia malis mentem animumque non auerterit, & odij sermonibus nō abstinuerit. Vnde rursum Salomon ait. Qui peruersi cordis est non inueniet bonum, & qui vertit linguam, incidet in malum,

De maledicentiæ vitandæ cura.

Cap. 33.

VT autem cuncta maledicentiæ vitia deuitemus, imponēdum est ori frenum taciturnitatis. Quēadmodum loquacitas prona est ad lites & contentiones ita silentium quietis & placabilitatis est custos. Vir linguosus (vt in psalmo dicitur) non dirigetur in terra. Et in Prouer. Vidisti hominē velocem ad loquendum, stultitia magis sperāda est quā illius correctio, Et iterū: Sicut vrbs patens, & absque murorum ambitu, ita vir qui non potest in loquendo cohibere spiritum suū. Sic vt ergo vrbs illa quam mœnia nulla protegunt, facilē aditum præstat inimicis, ita inconsulta garrulitas peccatis blandē subeuntibus aperit ianuas cordis. Gor autem quo repletū fuerit, hoc per oris claustra effundet cum in verba proruperit. Ex abundantia enim cordis os loquitur: quæ procedunt de ore, de corde exeunt, hominemque coinquinant. E diuerso autem scriptum est: Qui odit loquacitatē, extinguit malitiam. Tacitus & sensatus honorabitur. Recordat^r est Iob, duo quædam se fando emisisse, quæ emissa noller, & ait: Manum meam ponam super os meum: vnum locutus

Prou. 7

Ibidem

Psal. 119
Prou. 29
Prou. 25

Eccle. 19

cutus sum, quod vtinam non dixissem, & alterum, quibus vltra non addam. Hunc igitur imitemur, & pœniteat nos verbositas, qua certè non bis, sed millies lapsi sumus: quodque multiloquio nos deliquisse meminimus, silentio emēdemus. Bonos viros taciti audiamus, vt discamus. Caveamus autem cum malis multum loqui, ne subuertamur. Rapsaci Assyriorū duci, cum Hierosolymam obsedisset, & plebem verbis ad ditionē sollicitaret, nihil respondere permisit Ezechias rex, & suos tacere iussit. Corruptunt enim bonos mores colloquia praua. Seuerum Sulpitium qui diui Mart. Thuronensis episcopi vitam scripsit, cum se iam in senectute sua deceptum à Pelagianis agnouisset, silentium vsque ad mortem tenuisse Hieronymus tradit, vt quod per dicacitatē deliquerat, tacēdo dilueret. Et tu ne lingua labaris, obserua quādo loqui, quando tacere debeas. A Salomone diuinæ sapiētiae viro est dictum, Tempus tacēdi, tempus loquendi. Os tuū aperi discere volentibus: Contendere autem rixariq; parantibus claudere: neque nisi necessitate cogente respondeas, nisi utilitate suadente loquaris. Quicquid præterea dicitur, superuacaneum est. De omni autem verbo otioso reddituri sumus rationem in die iudicii. Quòd si de otioso, quid de turpi: quid de mordaci: quid de rixoso iram inimicitiasque prouocante: Audi Apostoli præceptum: Stultas & sine disciplina quæstiones deuita, sciens quia generant lites: seruum autem domini non oportet litigare, sed mansuetum esse ad omnes, docibilem, patientem, cum modestia corripientem eos qui resistūt veritati. Et iterum: Omnis sermō malus (inquit) ex ore vestro nō procedat, sed si quis bonus, ad ædificationem fidei, vt det gratiam audientibus. Audi & prophetam dicentem: Quis est homo qui vult vitam, & diligit dies videre bonos: prohibe linguam tuam à malo, & labia tua ne loquantur dolum, diuerte à malo, & fac bonum,

Isaiæ. 6

Sulpiti.
Seuerus

Eccle. 5

2. Tim. 2

Ephe. 4

Psal. 33

1. Pet. 3. bonum, inquire pacem & persequere eam. Audi etiam Apostolorum principem Petrum. Nolite reddere malum pro malo, nec maledictum pro maledicto, sed contrario benedicite: quia in hoc vocati estis, ut benedictionem hereditate possideatis. Memento quoque quod indignus habetur monachi nomine, qui tacere nescit cum oportet, dicente Iacobo Apostolo: Si quis putat se religiosum, non refrenans linguam suam, sed seducens cor suum, huius vana est religio. Deinde ait: Si quis verbo non offendit, hic perfectus est vir, potest etiam freno circumducere totum corpus. Potest ergo omnibus corporis sensibus imperare, qui sic linguae suae fungitur officio, ut non delinquat. Recordare etiam ideò duas quidem te habere aures & os unum, ut multa audias, & pauca loquaris. Lingua si bene vteris, iuvat: si male, perimit. Salomonis hæc sententia est dicentis. Qui custodit os suum, custodit animam suam: qui autem inconsideratus est ad loquendum, sentiet mala. Et iterum, Lingua placabilis lignum vitæ, quæ autem immoderata est conteret spiritum. Et rursus, Responsio mollis frangit iram, sermo durus suscitatur furorem, lingua sapientum ornat scientiam, os fatuorum ebullit stultitiam. Quæ igitur dementia est, cum tui arbitrii sit linguam facere bonam, committere potius ut facias malam? Beatus es si cum beato Iob dicere poteris. Non inuenietis in lingua mea iniquitatem, nec in labiis meis stultitia personabit. Beatus es, si tibi ad dominum conuerso cum Ieremia gloriari licebit, dicente, Quod egressus est de labiis meis, rectum in conspectu tuo fuit.
- Iacob. 1.
- Iacob. 3.
- Prou. 3.
- Prou. 15.
- Iob. 6.
- Ierem. 17.

In fine operis peroratio. Cap. 23.

AD finem tandem operis deo auxiliante peruentum est. Cui soli gratias agimus atque habemus confidentes eius esse beneficium, quicquid à nobis rectè institutum rectèque tractatum fuerit. Nihil autem non

non rectè dicitur, quod cœlestis disciplina veritate firmatur. Quare omnes equidem qui ista legent, rogatos volo, ne fortè incompti impolitique sermonis mei asperitate offendantur, ad ipsas duntaxat diuinæ scripturæ auctoritates atque sensus animum applicent, & quod salubriter monentur, hoc etiam omni studio perficere curent, vt sanctè religioseque viuendo vitam illam acquirant, quæ melius felicitisque optari queat nihil, vitam inquam illam quæ non in terra habetur, sed in cœlo, incorruptibilem, immortalem, æternam, beatam, gloriosam, bonorum omnium plenissimam, & nullius participem mali, non philosophis, non oratoribus, non poëtis promissam, sed in Christum credentibus diuinæque obtemperantibus legi, hoc est, pietatem iustitiamque colentibus. Nihil itaque vobis proderit ô philosophi, scite subtiliterque ratiocinari, nisi etiam innocentem integrèque vixeritis. Neque vobis rethores oratè copioseque dicere vlli erit emolumento, nisi cum pietate & exculti virtutibus incesseritis. Neque enim vobis qui in bicipiti somniaſtis Parnaso, in componendis poematibus Homero atque Vergilio esse pares vsui erit, nisi profligata vitiorum labe, morum puritatem atque munditiam retinueritis. Huc igitur vota, huc studia vestra conferantur, vt si minus liceat eruditione simul & virtutem possidere, magis optetis probitatem sine doctrina, quam sine probitate doctrinam. Quod si fidem, spem, atque charitatem sanctè colyeritis, beatitudinis præmia deo largiente capietis. Ipsis autem qui ad illa perueniunt, impartitur & scientia plenior & eloquendi ratio præstantior, & virtus omni ex parte perfectior, quam nullus vnquam mortalium aut habuerit in terra, aut habere possit. Vbi enim beatitudo vera, ibi & omnibus animi bonis referta possessio. Quod si Paulus ad tertium raptus cœlum, audiuit arcana verba, quæ non licet homini loqui, si nec oculus vis, nec auris audiuit, nec in cor

Philosophi
Oratores,
Poëtæ.

hominis ascēdit, quāta pręparauit suis cultoribus deus,
 profectò ista quę oculis cernimus, quę auribus excipi-
 mus, quę mente complectimur, illis quę omnem sen-
 sum superant, nullo modo valent comparari. Nihil igitur
 nobis ad summam felicitatem defuturum speretis,
 si non defuerit virtus. Cuius quidem leges atque prę-
 cepta in his libris satis (vt reor) abunde quę à me rela-
 ta sunt, non ea inquā pręcepta, quę homines qui errare
 possunt, tradant, sed quę ipse hominum angelorumq;
 conditor deus, in quo solo nullus omnino cadere potest
 error, tribuit nobis. Ipsum ergo audiamus, ipsum
 sequamur, ad ipsius doctrinam, vitam mores-
 que componamus, si ad ipsum, vt sum-
 mo illo indicibiliq; bono
 semper fruamur, vo-
 lumus per-
 uenire.

EVANGELISTARIVM

MARCI MARVLI VIRI

disertissimi, & euangelicę erudi-
 tionis veri doctoris, finit.

1.004.086 14

A D D O M I N V M G V N -

*therum de fide, Meginardi**Præfatio.*

V M me negotiosissimi ma-
gistrat^o cura implicueris, in-
stas tamē & vrges dulce dec^o
meū, Gunthere, haud sanē di-
xerim, vtrū verecundius an
cupidius, vt nouā operā non
tā arduā, & difficīlem, q̄ pla-
nē impossibilē suscipiā. Vn-
de apparet, quòd iniūcti mu-
neris modū p̄functionora meti

ris ad imitatione: dum aliquid ei adiciēdū sperare prę-
sum. Equidem si excubiæ nostræ solis adolescētū inge-
niis liberali eruditione colendis affiderent, quod vni-
cūq; curiculū pleraq; veterū studia sibi vēdicarūt, labo-
ris mala famæ nominisq; momenta mihi penfarēt. Ve-
rū nūc qui præfecti scholarū habentur, gemina p̄ ec-
clesiastico vsu functione multantur. Primas enim partes
formādis moribus impēdunt, secūdas verò literarū do-
ctrinę insumūt. Quorū vtrūvis cū tantū incurras assur-
gat, tū verò cōpositū humanis viribus sustineri nō va-
let. Nemo certē nisi expertus, hāc sollicitudinē nouit ex-
pendere. Verūtamen ego volūtate tua cui me vnice de-
uoui, adductus, in hoc quasi pręludio infernaliū pœna-
rū, tibi exerceri patior, maximē cū iā propinquior su-
scepti actus, plaudite optatissimo, p̄sonā hāc operosissi-
mā deponendā deo p̄pitio auspicet. Illa verò sarcina,
qua nūc hūeros nostros onerare disponis, nō tā me p̄mit,
q̄ elidit: nec tā difficultate grauat, q̄ horrore exanimat.
Luculētissimē q̄ppe dictū est, q̄a etiā vera de deo dicere

PRAEFATIO.

periculosum est, flagitas enim, vt de fidei symbolo cōpendiosum tibi elaborem opusculum, in eū scilicet modum, vt & catholica veritatis integritas eluceat, & hæretica prauitatis venena, quibus eam homines perditissimi aspergere & violare conati sunt, expressis authorū nominibus denotentur. Quam rem cum præcipui ecclesiarū doctores, studio sacrarū literarū flagrantissimi, vsu earum exercitatissimi, ingeniis acutissimi, alij penitus cum idipsum postularentur, declinauerint: alij cū multa deliberatione vix aliquando annuerint, quis nō iustissima indignatione temerarij me, imò sacrilegi incepti condemnet, vt tale quid audeā, qui vix summo ore, & primis (quod dicitur) labris hæc diuina libaui. Sed par cāt exagitare nostrū pudorē. Nemo in me accusator atrocior me ipso, nemo cēsor senerior, & tanto magis supra alios, quantò me ipsum familiariùs per omnia noui. Nec enim sic amator mei sum, vt meā ingenij exiliatē, oris angustiam scire fastidiam. Adde huc, quod ipso genere scriptorum maximè pertimescendum est vitæ labē & cōscientiæ infirmitatē. Quæ cū in exercitijs cōmuniū studiorū occupato nō ita magno sint impedimēto, in hac parte, pñiciofa mihi planè intelligo. Quis enim nō videat parem mereri dānationē eum, qui sacramētū dominici corporis indignus assumat, & eum, qui verbū dominicū prophanis corruptus moribus tractare præsumat: vides igitur facilè nimis, vt verius aliquid non dicā tātæ rei efficiēdæ de me p̄sumptā opinionē, q̄ tibi qui tā deliberato & inoffensō iudicio alia soles exigere, Indulgentior forsā erga me benevolentia induxerit. Sed quia singulare bonū obedientiæ sic impensæ diuinis cōmendatur eloquijs, vt qui ei resultauerit, frustra nomē Christianū vsurpet, nō ausim pro virili quidē parte non præstare quod iubes, si tamen diuini fauoris aura vela nostra nō destituerit. Et quia rudis adhuc tyro in his castris abs te cogor, militare nolo: quis arbitretur

tretur rudimēta nostra superba' aliqua temeritate graf-
fari, scilicet vt quod semel effutiā, sacrosanctū iudicem,
quin poti⁹ quicquid erit quod nobis superna gratia ir-
rogauerit, hoc ad suum veritatis fontē sincera & ple-
naria laude reuocetur, Si quid verò meū, id est, falsum
effudero (qui enim mēdaciū loquitur, de suo loquitur)
nō ego id deprehensum peruerso tutabor patrocinio,
sed tā seuera q̄ debita animaduersione error meus à suo
ipsius parēte iugulabitur. Vt ergo liberiore quodā spa-
tio ea quæ intendimus, in hoc quasi spectaculo possint
exponi, altius ordiendum videtur. Pauca enim de ipsa
fide, nonnulla de varietate symboli p̄ stringemus, tum
demum ipsum symbolū, & pestes hæresum insigniores
illis & quasi capitales, & quæ maximè in ipsam sym-
boli regulam offendant, deo propitio persequemur.

LIBELLVS MEGINAR-

DI VIRI ERVDITIS. AD D. GVN-
therum de fide, symbolo Apostolico, & pe-
ste multarum hæresum.



ST igitur fides, vt Apostolus ad He-
bræos scribēs diffinit, sperandarū re- 5. 11. a
rum substantia, argumētū nō apparē-
tium. Quænam sint quæ fideliū pietas
expectare & sperare debeat, ita copio-
sè in latissimo diuinarū scripturarum
campo diffusum est, vt nemo in hac quidē parte suam
ignorantiā possit excusare. Vt enim aliquāta de infini-
tis breuissimè attingā, ipsa veritas in Euangelio ait: In
resurrectione neque nubēt, neq; nubētur, sed erūt sicut
angeli dei. Et iterū: Fulgebūt iusti sicut sol in regno pa-
tris eorū. Apostolus etiā: Mortui, inquit, estis, & vita ve-
stra abscondita est cum Christo in deo. Cū enim Chri-
stus

itus apparuerit vita vestra, tunc & vos apparebitis cū
 ipso in gloria, ad Corinthios etiā, Oportet, ait, corru-
 ptibile hoc induere incorruptionē, & mortale hoc in-
 duere immortalitē. Iohānes quoque dicit: Dilectissimi
 filij dei sumus, & nondū apparuit quid erimus: Scimus,
 quoniam cū apparuerit, similes ei erimus, quoniam vi-
 debimus eum sicuti est. Hæ sunt res sperandæ, quarum
 substantia fides esse dicitur. Sed quonam modo ut fides
 substantia sit, asseritur? An non omnis substantia corpus
 est, aut spiritus? Appellatur tamen etiā possessio substā-
 tia: Sed quis ex his modis fidei conueniat? An fortē spi-
 ritum eam esse verissimile sit, quia res est incorporea?
 An non potius ipsa fides cuiusdam spiritus, id est, huma-
 næ mentis, spiritualis est effectio? nunquid non etiā an-
 gelicæ creaturæ quandam fidem esse dicamus? Verun-
 tamen modo differt. An fortē generaliter quicquid est
 & subsistit, substantiam nuncupauit, & eo modo fidem
 etiam substantiam esse, intelligi voluit? Admitti quidē
 hæc sententia possit, veruntamen quod subiūgitur, nō
 recipit hunc intellectum. Ait enim: Fides est substantia
 sperandarum rerum. Sperandum quippe est spirituale
 corpus, ut hoc vnum ex omnibus dictum sit. Quomodo
 ergo fides nostra spiritualis corporis asseratur substan-
 tia? An fortē dicemus figuratē Apostolum hoc vocabu-
 lo vsum, ut significantius ipsius fidei efficaciam expri-
 meret? Solenne quippe id Apostolo est, suo quodam mo-
 do translatiuis nominib⁹ rem presentissimē exponere,
 velut ad Colos. scribēs de Christo ait: Quia in ipso iha-
 bitat omnis plenitudo diuinitatis corporaliter. Corpo-
 rale utique propriē aliquid dicitur, cum de corporib⁹
 agitur. Diuinitas porrō quomodo corporaliter inhabi-
 tat: neque enim corpus est. Sed translato vocabulo rem
 aperuit. Nam quia sacramenta veteris testamenti ap-
 pellat vmbra futuri propter vmbra-
 rum comparationem corporaliter dixit habitare in Christo plenitudi-
 nem

nem diuinitatis, quod in illo impleantur omnia quæ illis vmbreis figurata sunt, ac si quodammodo vmbrearum illarum ipse sit veritas. Sic ergo ipse figuræ significatione translato verbo vsus est, vt si accipias corporaliter, ac si diceretur, solidè ac veraciter. Secundum hunc ergo modum figuratæ locutionis, fides quoque sperandarum rerum substantia appellatur, nõ quod propriè earum sit substantia, sed quia fides, quæ per dilectionem operatur, & ex qua iustus viuit, per quam etiã data est potestas, vt filij dei vocemur & simus. Illa, inquam, fides ita firma certaque spe æternæ beatitudinis præmia in ærumnosa huius vitæ peregrinatione meditatur, vt in eorum cordibus, qui charitate quæ per spiritum sanctum in eis diffusa est, dilatantur: iam nũc per ineffabile desiderium ea faciat subsistere. Vnde frequenter Apostolus de ipsa vita nostra futura, quæ iam in ipso homine mediatore Christo Iesu capite nostro resurgente completa est ita fidenter gloriatur, quasi iam assit, præsensque teneatur, velut ad Ephesios scribens, ait: Deus qui diues est in misericordia, propter nimiam charitatem suam, qua dilexit nos, cum essemus mortui peccatis, conuiuificauit nos Christo, cuius gratia estis saluati, & corresuscitauit & confidere fecit in cœlestibus in Christo Iesu. Certè enim in cœlestibus Christus iam sedet, nondum autem nos. Sed quia fide certa quod futurum est iam tenemus, simul sedere nos dixit in cœlestibus. Non enim ait: Excitaturus est nos, & in cœlestibus sedere factururus, sed excitauit & sedere fecit, quia nõ inaniter, sed fideliter iam deputat factum, quod futurum esse non dubitat. Nec minus ad Corinthios loquens cum hanc ipsam fidei immobilem certitudinẽ & quasi substantiam commendaret, inter cætera hoc etiam subiecit: Itaque nos ex hoc neminem nouimus secundum carnẽ. Nũquidnã e vita iã excesserãt, & carnis mortalitatẽ exuerãt, quos tã istãter ad ipsius carnis edomationem

tionem & vite correctioris habitū prouocat? Absit. Sed quia illorū secū vitā futurā tanq̄ præsentem meditabatur, qui resurgentes cōmutabūtur, ex hoc, inquit, neminem nouimus secundū carnem, id est, tā certā spem tenemus futurę nostrę incorruptionis & immortalitatis, vt iam in ipsa notitia gaudeamus, & nō in hac carne mortali, sed in sola illius expectatione viuamus. Hoc ergo modo, aptissimo quidem, licet insolētissimo fides substantia esse videtur. Sed quid est, quod in eadē definitione fidei annexū est: Argumentū rerum non apparentiū? His profectō paucissimis verbis omnis illa inflatio humanę sapientię velut acu puncta diffiatur & exploditur, cui dum aliquid secūs q̄ solemus, ordo naturę celebrat, ab ipso naturę conditore actum proponitur, insanis clamoribus oblatrare assolet, rationē causamq; facti procacissima insipientia postulans, nec aduertunt homines perditī magis quā peritī, in his quę vfitato naturę cursu administrantur, nō incōpetenter cū preſtari possit, flagitari rationem. In his verō quę nouę & extraordinarię diuinitus exhibentur, fidei pietatē exercendam esse, nō temerariā & incōsideratā discussionem. Intelligentia enim rerū spiritualiū, quas animalis homo non percipit, fidei humilitatisque meritō cōparatur. Vnde propheta, Nisi credideritis, inquit, non intelligetis, & in Canticis cāticorū spiritus sanctus protestatur, Ab initio fidei ptransibis. In cōtrouersis siquidem & disceptationibus naturalium, seu quarumlibet huiusmodi quæstionum, assensum fidemque rerum dubiarū præcedens probatio elaborat, & præueniens intellectus cōmendat, in diuinis verō scripturis vt intelligas, oportet te fide quę præcessit, promereri. Quia ergo dispensationem diuinę pietatis, qua salutem nostrā operatur, vel de ipsa ineffabili trinitate & vnitae dei quęcunque euangelica vel apostolica autoritas tradidit, nō humanis suspicionibus vt ita sint, colligimus: sed
ideō

ideò certissimè nouimus, quia fide percepimus, ob hanc
rē ipsa fides argumentū dicitur, id est, probatio & ab-
solutissima notio, & quasi insignitio rerum nō apparē-
tium. Est igitur fides sperandarum substantia rerum, ar-
gumentum non apparentium, sed nūquid non est fides:
rerum præteritarum. Nōne in eadem epistola post pāu-
lulum idem Apostolus ait, Fide intelligimus aptata es-
se secula verbo dei, vt ex inuisibilibus visibilia fierent.
Nōne omnia prioris testamenti mysteria, quæ non cre-
dere extremi sceleris est, decursu temporis sublata sunt
& quasi sepulta. Hæccine ergo credēda sunt ea fide, quæ
sit sperandarum rerum substantia? Quis hoc vel demē-
tissimus dixerit? Denique vt hæc interim missa facia-
mus, nōne tota dispēsatio dominici hominis prædesti-
nata serie digesta & consummata, inter præterita nume-
ratur. Aut hæc ergo fide Christiana non sunt amplectē-
da, quod absit: aut familiarius quid Apostolus eo modo
diffiniēdi innuerit, dispiciendum est. Per omnia igitur,
quæ ab ipso mediatore dei & hominū acta veneramur,
via nobis quodammodo ad perpetuæ beatitudinis ca-
pessenda præmia præparatur. Neque enim in ipsis finē
æternæ felicitatis & felicissimæ eternitatis quæ Deus
est, ponimus: sed per illa in illam ceu finem currimus,
quem omnis fidelis anima in erēmo huius vitæ arden-
tissimo anhelat desiderio. Vnde cum ipsa veritas & ver-
bum per quod facta sunt omnia, caro factum sit vt ha-
bitaret in nobis, tamen ait Apostolus: Et si noueramus
Christum secundum carnem, sed nunc iā non nouimus.
Ille quippe, qui non solum peruenientibus vitæ peren-
nis possessionem, sed etiā viam se præbere voluit veniē-
tibus ad principium viarum voluit carnem assumere.
Vnde etiam illud, Dominus creauit me in principio
viarum suarum, vt inde inciperent qui vellent venire.
Apostolus igitur, quamuis adhuc ambularet in via, &
ad palmam supernæ vocationis sequeretur vocantem
dominum,

futurae praedicationis in commune constituunt, ne forte aliud aliud abducti, diuersum aliquid his qui ad finem Christi inuitabantur, exponeretur. Omnes igitur in vno positi, & spiritu sancto repleti, breuiter istud futurae (vt diximus) praedicationis indicium conferendo componunt, atque hanc credentibus dandam esse regulam statuunt. Symbolum autem hoc multis & iustissimis ex causis appellari voluerunt. Symbolum enim graece, & indicium dici potest & collatio, hoc est, quod plures in vnum conferunt. Id enim fecerunt apostoli in his sermonibus in vnum conferendo, vnusquisque quod sensit. Indicium autem vel signum idcirco dicitur quod omnes ei fidei assensu obediens, in Christi nomine transisse indicaret. Quia hoc denique non scribi haec chartulis aut membranis, sed retineri in cordibus tradiderunt, vt certum esset, neminem haec ex lectione, quae interdum peruenire etiam ad infideles solet, sed ex apostolorum traditione didicisse. Cuius scilicet traditionis haec formula est.

Symbolum
quid.

Credo in deum patrem omnipotentem &c. quae in eo sequuntur. Hunc fidei tenorem simplicissima integritate, & integerrima simplicitate per ipsos Apostolos diuinitus gestum & exactum, sine omni immutatione seruauit ecclesia, vt pote vnicum Christianae * spei fundamentum, quod neque venti impellerent, * alias fidei neque flumina subruerent, neque tempestatum ac procellarum turbines permouerent, licet iam tum inter ipsa rudimenta nascentis ecclesiae nonnullae haereses pulularent, quarum etiam Apostolus ad Timotheum scribens ita meminit. Prophana inquit, & inaniloqua deuita. Multum enim proficiunt ad impietatem, & sermo eorum vt cancer serpit. Ex quibus est Hymenaeus & Philetus, qui a veritate exciderunt, dicentes resurrectionem iam factam, & subuerterunt quorundam fide. Verum illis in temporibus cum exterius tempestas persecutionis sine intermissione per totam
grassa-

graffaretur ecclesiam, nullus locus cogendis erat conciliis, nulla occasio arguendis vel refellendis erat hæreticis: passione, non disputatione omnia feruebant, fidem non loquendo, sed moriendo vindicabant, sanguinem fundebant non verba. Cum verò tonitrua illa persecutorum aliquando dextera domini compescuisset, & per Constantinum piissimum principem serenitas pacis ecclesiis cœlitus affluisset: alio quidem, sed, quod fateri necesse est, magis pernicioso modo periclitari cœptum est. Intestinis enim morbis grauissimè tentata est ecclesia, & ex ipso corpore illius pestilentissime hæreses ebulièrunt quæ latè puagantes horrida erroris tabe multarum animarum vitalia corrupere. Inter quas quoddam crudelissimum ulcus erupit. Arius videlicet Alexandrinæ p̄sbyter ecclesiæ, qui cū in eadē ecclesia exponēdis publicè scripturis pro antiquo more præfuisset, quod etiā Origenes factitaret, sacrilego furore incitatus, impiam euomit blasphemiam, dicēs dominū nostrum Iesum Christum minorē esse patre, nec eiusdem cum eo essentia. Quæ vesania ipsius, cum neq; in ipso compesci propter pertinacissimam ipsius nequitiam potuisset, & aliquorum furioso assensu (vt sunt quæque prauissima ingenia in superbas nouitates procliuiissima) magis magis quæ roborari videretur, iubente ipso Constantino, insigne illud & famosissimum cōciliū apud Niceā Bithyniæ celebratū est, ibiq; ad extirpandam Arii impietatem, & exprimendā omnigenam filij cum patre æqualitatem, apostolico Symbolo pleraq; verba sunt addita, nō quia breuissimè pestis Ariana potuerit expungi, sed quia hæretica versutia multa quæ ab orthodoxis fidelissimè posita erant, callida interpretatione eludere, & in sui dogmatis peruersitatē refringere conabantur. Aliquibus etiam verbis Sabellio & Paulo, quorum hæreses tunc à perditissimis hominibus circumferebantur, obuiatum est. Porro Nicenæ fidei hic textus est.

Credi-

rius &
rigenes.abellius.
aulus Sabellius.
osatenus.

C Redimus in vnum deum patrem omnipotentem, omnium visibilium nec non & inuisibilium factorem & in vnum dominum nostrū Iesum Christum filium dei natū ex patre vnigenitū, id est, ex substantia patris, deum ex deo, lumen ex lumine, deum verum ex deo vero, natum, non creatū, hominifion, hoc est, eiusdem cum patre substantiæ: per quem omnia facta sunt, cœlestia & terrena. Qui propter nos homines & propter nostram salutem descendit, & in carnatus est, & homo factus, passus est, & resurrexit tertia die, ascendit, venturus inde iudicare viuos & mortuos: & in spiritum sanctum. Post hanc munitissimam & saluberrimam fidei expositionem, Arianas blasphemias cum suo anathemate subiecerunt in hunc modum. Eos autem qui dicunt: Erat quando non erat, & antequam nasceretur, non erat, & quia ex nullis existētibus est, vel ex alia substantia aut essentia dicunt trepton, id est, conuertibilem aut mutabilem filium Dei, hos anathematizat catholica & Apostolica ecclesia. Cū ergo hæc definitio fidei à patribus Niceni concilij diuinitus inspiratis edita fuisset, debita reuerentia & accepta & seruata est per totum orbem Christianum, & hoc est secundum symbolum, quod in eadem veneratione, qua illud Apostolicum, vt pote in eodem spiritu expositū, tota amplectitur ecclesia. Nec multò post, cum nondū ex Ariano naufragio satis respirasset, emerfit Macedonius detestabile par Arii. Nā vt ille filiū, sic iste spiritū sanctū creaturā esse asserere ausus est. Apollinaris etiā nouus hæresarcha, in hūc dānatissimū gregē se permiscuit, pertinacissimè affirmans Christū Iesum animam rationalem nō habuisse sed ipsa deitate verbi p̄ ea, dū incarnaretur, vsum fuisse. Vt ergo hæc quoque zizania ex agro dominico eradicarētur, conuenēre apud Constantinopolim centum quinquaginta patres & Macedonio p̄ fanæ sectæ autore dānato, cæteris item qui cōtraria

τρεπτός

Macedoni^{us}.
Apollinaris

traria

traria Apostolicis regulis loquacitate impia latrarāt à cōmunionē ecclesiastica repulsis, latiorē symboli formam promulgauere, quam nunc vniuersalis ecclesia publicè prædicat & frequentat. Est autem huiusmodi.

Credo in vnum deum patrem omnipotentem, factorem cœli & terræ, visibilibus omnium & inuisibilibus, & cætera quæ decantari assolent. Hæc est tertia varietas symboli, prioribus cōsonantissima, nec in vllō discrepans. Ex illo enim quasi grano apostolici symboli, geminæ hæ traditiones germinauere. Post hæc ergo tertiam editionem fidei, placuit omnibus, ne quid vltèrius licitum foret aut addere, aut demere, aut quolibet immutatione variari: quod statutum ratum & immutabile seruauit ecclesia, quamuis nonnullæ posteriori tempore hæreses extiterint. Verum nūc exposita varietate symboli operæ precium facturus videor, si eorū sermonum, qui vel in Nicena, vel in Cōstantinopolitana synodo superadditi reperiuntur, rationes causasque breuiter subiiciam, & quia ipsum principium symboli cuiuslibet quo pronuntiatur: Credo in deum, intentiones aures scrupulo quodam obscuritatis interdum solet offendere, in primis id elucidandum forsan non ingratum studiosis sumam: quidnam sit credere in deum vel

edere in deum, aut credere deo vel credere in deo. Credere igitur in deum est credendo in deum ire, & eius membris incorporari. Sic etenim ait Apostolus. Vos estis corp⁹ Christi & membra. Hoc autem agitur in nobis ea fide, quæ per dilectionem operatur & quia ipsa dilectio desursum est, id est, à patre luminū, à quo est omne datum optimum, & omne donum pfectū, idè ipsa veritas ait: Hoc est opus dei, vt credatis in eū quē ille misit. Credere ergo in deū ppiū est quasi signaculū pdestinatorū. Quisquis enim sic credit, hic spiritu dei agitur, huic pater est deus, hic heres est dei, huic frater est Christus hic coheres est Christi. Illo aut modo locutionis dicitur:

tur:

tur: Credo in deū, qđ dici possit, fu mus deficit in aëra, vel glacies deficit in aquā vel panis deficit ī carnē. i. suo quodā defectu & trāsmutatiōe in naturā carnis absumitur. Credere porrò deū, hoc est, fidē habere deū eē. Hoc modo credūt Iudei, hoc modo dāmones etiā credūt & cōtemiscūt. Credere autem deo, est fidē dictis vel promissis eius habere. Credere verò in deo, eādē fere sentētiā habere cū eo quod primū posuimus. i. credo in deū. Sic enim in Euāgelio Ioānis inuenitur: Quotquot autē receperūt eū, dedit eis potestātē filios dei fieri, his qui credūt in nomine eius. Credere tamen in deo insolētiūs ad vsū latinitatis dicitur: credere verò in deū, lōgē significāti us celebrior vsus obtinuit. Nō ergo quisq; credit deo, vel credit deū, cōtinuò etiā credit in deū vel ī deo. Quisquis verò credit in deū vel in deo, cōsequēter etiā credit deo vel deū. Diuino igitur aspirāte fauore, soluēdū est, quod promissimus. Quia ergo Sabellij hęc sentētia vel potius insania fuit, vt diceret, quia idē qui pater est, & filius, & spiritus est, neq; vlla psonarū differentia est, sed tātū vocabulorū, vnde etiā Patripassiani sequaces eius inscripti sūt, eo qđ patrē passū cōfessi sint, vtpote cuius vnā eādēq; cū filio psonā suspicarētur. Ad cōpescēdā ergo hāc blasphemīā, in prima frōte symboli addendū cēsuerūt: In vnū & paulò pōst, cū ad filij psonā ventum esset, illic etiā: In vnum ascribere, vt dum pater vnus asseritur per se, & filius item per se vnus in differentiam personarum, quam ille introduxit, sana intelligentia respueret. Et quia plerique heretici, vt Manichæus & Priscillianus, duo principia inter se diuersa, & sibi aduersa opinātur. Priscillianus etiam hūc mūdū à maligno principe cōditū affirmat, adiecerē: Visibiliū oīm & inuisibiliū, vt nihil omnino nō ab vno patre deo factū catholicus sensus admitteret. Hinc iam labyrinthus Arianorum Satana architecto multipliciter impeditus, aperiendus est. Cum ergo ortho-

Credere deū

Credere deo

Credere in deo.

Manichæus

& Priscillia

nus.

doxi

doxi operam darent, vt virus exitiale eiusdem hæresis penitus expiarent, & æqualem filij cū patre deitatem euidētissimè declararent: hæretici verò singula eorum dicta ad propriā infaniā sophisticis dolis retorquerēt, coacti sunt plura in eandem sententiam cumulare, ne qua occasio vel aditus decipiendi prophanæ supere sset p̄fidie. In primis ergo addidere: Filiū dei, hoc Ariani velut optatū sumpsere, dicentes secūdū Apostolū, quia omnes filij dei sumus, subiūxere: Vnigenitū, quod Ariani sic interpretati sunt, vt Iesus Christus secūdum eā dignitatē, qua omnes creaturas singulari excelleret gloria, aut incōgruè nūcupari posset vnigenitus, licet sit creatura, atque hoc in loco testimoniū illud Salomonis pessimè intellectū adhibuere: Dominus creauit me initio viarum suarum. Adiecerūt: & ex patre natū: hoc quoq; hæretici nō alienum à creatura esse afferebant, iuxta illud Isaię: Filios genui & exaltaui. Tū placuit addi: Ante omnia secula. Neq; hoc repudiauerunt perfidi de Christo iuxta illos creato. Ante omnia enim tēpora & ante omnia omnino secula, non solum Christum, sed etiam angelos ipsumq; diabolū creatū esse affirmabāt. Adiectū est: Deū de deo, nec minus hoc sinistra eorū intercepta interpretatio. Dicebāt enī, q̄a & ipsi dij essēt, ex deo, cum Apostolus dicat: Omnia autem ex Deo. Vt etiam hoc excluderetur, additū est: Lumen de lumine. Pari modo hoc quoq; vt cetera cauillari ausi sūt. Quēlibet enim fidelē ex deo lumine lumē esse, vt in Euāgelio ipse Christus discipulos alloquitur, dicens: Vos estis lumē mūdi. Et Apostolus: Fuiſtis, inquit, tenebræ, nunc aut lux in dño. Ad discretionē ergo hui⁹ adoptiue deitatis, apposuerunt: Deum verū de deo vero. Hoc etiā hæretica impietas vsurpare p̄sumpsit, dicēs de vero deo, patre scilicet, & Christum verū deum esse, sed factū. Omnes quippè electos ex vero deo veros deos esse, sed factos, alienum quippe à vero deo esse, vt falsorum deorū

author

*author effct. Ad explodendam ergo & hanc tam callidam tergiversationem, subiungere: Genitum non factū. Sed neque hic versipellis quieuit fallacia, opposuere illud Deuteronomij: Deum qui te genuit dereliquisti, & oblitus es domini creatoris tui. Cum ergo tot laqueos belua immanis declinasset, tot nodos eluisset, cum graui vexatione orthodoxi propter hanc tam sacrilegam verborum ventilationē iactarētur, post multa certamina vltro, citroq; habita vnum hoc verbū nulli dubiū quin spiritu sancto suggerente, addidere, quod Græcè homusion Latine verò consubstantialis dicitur. Tum deniq; pestis acerbissima capta, tū strangulata, tum plane extincta est. Subintulere igitur: Per quē omnia facta sunt: vt liquidò constaret, ipsum non esse factū, cum per eum omnia facta sunt. Atq; hæc omnia in damnationē Arianæ hæreseos prolata sunt. Quia verò Cherintus & Ebion & Paulus Samosatenus, alijq; nonnulli Christum purum hominē fuisse asseruere, & ex Maria virgine tantum initium sumplisse, contra hanc tam hæreticam opinionem, adiecere: Qui propter nos homines & propter nostrā salutem descendit de cælo. Et quoniam Martion, eiusq; sectatores de cælo eum carnē secū attulisse blasphemabāt. Valentinus porrò phantasticū corpus, & non verum eum habuisse affirmabat, ad hos confutandos adiecere: Et incarnatus est. Porrò in Nicæna Synodo prætermissum est, de spiritu sancto, ex Maria virgine. Verum hi qui apud Constantinopolim cōuenerunt, vt in hac etiam parte catholicā fidem munirent contra eorum insaniam, qui beatam virginē ex viri coitu solenni more pariendi Christū genuisse impie iactabant. vt Arthemion, eiusq; complices, alij verò eam post editum partū insigne virginitatis perdidisse, alios etiā liberos peperisse, rabiose latrabāt, vt Heluidius. Ad harum ergo bestiarum internicionē renocatum est: De spiritu sancto ex Maria virgine, quamuis hoc in apostolico symbolo longè signatiùs & expressiùs positum sit, cum

6405105

Cherintus
Ebion,
Paulus
Samosaten

Martion
Valentinus.

Arthemion

Heluidius.

dicatur: Conceptus est de spiritu sancto, natus ex Maria
 pollinaris virgine. Apollinaris verò & ipse sua tabe multos infece-
 rat, volens persuadere Christū aīam rationalem nō ha-
 buisse, sed pro ea, diuinitate in carne vsum fuisse, vnde
 cōsequebat eū hoīem nō fuisse vtpotē qui aīa rationali
 caruerit. Cōtra quā tā pestiferā vocē opposuere: Et hō
 factus est. Origenes autē vanitate impiissimā ex philoso-
 phorū lectione persuasus, disputabat quādā purgationē
 malorū, i. eos qui hāc vitā in flagitiis & facinorib. quāli-
 bet maximis finierint, ipsum etiam postremo diabolū
 atq; angelos eius, quāuis post longissima tempora, pur-
 gatos atq; liberatos regno dei luciq; restitui, & rursus
 post longissima tēpora omnes qui liberati sunt, ad hāc
 mīala denuō relabi & reuerti. Ad cōpescendā ergo tam
 perniciosam blasphemiam, addendū censuere post alia
 interposita: Cuius regni non erit finis. Macedonius au-
 tem sacrilegam turbam de spiritu sancto excitauit, quē
 etiam principalis causa concilij apud Cōstantinopolim
 cogendi fuit. Affirmabat enim spiritū s. creatu-
 ram esse, nec vnus eiusdemq; cum patre & filio essen-
 tiæ credendum. Tum sacer ille conuentus ipso spiritu
 de quo agebatur, illustratus, hoc impietatis monstrū iu-
 gulauit, veruntamen plurimis sententiis. Nam Macedo-
 niani quoq; velut prius Ariani, quæ verē fideliterque
 dicta essent, frustrari & labefactare tētabant. Cū enim
 cātholici spiritum sanctū, dominum & viuificātem, &
 ex patre filioq; procedentē pronunciaissent, & hæretici
 hāc omnia in creaturā etiam cadere alienissimis scri-
 pturæ testimoniis perstreperent: tandē aliquando per-
 uicaciam illorum repressere, dicētes: Qui cum patre &
 filio simul adoratur & conglorificatur. Deinde vt illo-
 rum etiam refellerēt perfidiā, qui antiquos dei prophe-
 tas, non inspiratione diuina irradiatos, sed dæmonum
 energia cōcitatos, futura cecinisse iactabāt, vt Apelles,
 post declaratam spiritus sancti cum patre & filio æqua-
 lem maiestatem, munus quoq; gratiæ ipsius, quo homi-

nes dei impartiri dignatus est, prudētissimè subiecere:
 Qui locutus est per prophetas. Et quia pleriq; hæretici
 ab ecclesiastica cōmunionē repulsi, sua conciliabula ce-
 lebrabāt, eamq; ecclesiā superbè mentiebantur, vt No-
 uatiani, aliq; innumeri, ne hac mendaci superbia infie-
 miores auditores dānabiliter lactarēt, ascripsere: Vnā
 scilicet sanctam catholicā & apostolicam ecclesiā: Ad
 hæc cum hæresis iam ex antiquo orta fuisset, cuius mul-
 ti feruntur authores, quæ rebaptizandos omnino cense-
 ret eos, qui ab hæreticis (licet in nomine trinitatis) ba-
 ptizati fuissent, in qua opinione Cyprianus etiam vir
 eruditissimus & gloriōsissimus martyr fuisse asseritur,
 propter hanc hæresim eradicandā, addidit: Vnum ba-
 ptisma, & hoc modo perfectissimā symboli formā con-
 summauere. His ergo nō otiosa forsan, licet breuissima
 tractatione decursis, inchoandū est illud, quod tuæ pō-
 stulationi singulariter debetur; scilicet vt fidei regulā
 latius huberiusq; amplexus, insidias hæreticorum, qui-
 bus hanc regiā viam infestare moliti sunt, quasi trans-
 eundo detegā & patefaciā. Neq; verò hoc expectādum
 tibi est, vt omnes formas errorū comprehendam, omnia
 nomina authorum percurrā: neq; enim facile dixerim
 inceptum hoc infinitum magis sit, an infructuosius: sed
 eas solas, quæ in ipsum fidei textū quasi recta fronte im-
 pingunt. Credo igitur vnum deū esse patrem & filiū &
 spiritum sanctum: Patrem, eo quod habeat filiū: & filiū
 eo quod habeat patrē: spiritū sanctū, eo quod sit ex pā-
 tre & filio procedens. Pater est ergo principiū deitatis,
 & sine vllō omnino principio, qui sicut nunquā fuit, ni-
 si deus, ita nunquā nō fuit pater, à quo filius ineffabili-
 ter natus, à quo spiritus sanctus nō natus, sed procedens,
 quia spiritus non est filius: neq; ingenuus, quia non est
 pater: nec factus, quia nō est ex nihilo, sed ex deo patre
 & deo filio deus procedens. Detestor Sabellium, qui cō-
 fundit personas: nec minus abominor Arium, qui di-
 uidit essentiā, minorem patre blasphemans filiū. Alter

Novatianus

Cyprianus

tori, sed creatores esse animarū angelos volunt de igne & spiritu, malū autē afferunt esse aliquando à deo, aliquando à materia. Patritij vanitatē repello, qui substantiam humanæ carnis nō à deo, sed à diabolo conditā dicit. Reicio Coluthū & Florinū, quorū, alter (id est, Coluthus) dicebat deum nō facere mala, cōtra illud quod scriptum est, Ego deus creās mala. alter verò (id est Florinus) econtrario dicebat deum creasse mala, contra id quod scriptū est, Fecit deus omnia, & ecce bona valde. Ac per hoc quāuis inter se cōtraria dicentes, tamē ambo diuinis eloquiis resistebant. Creat enim deus mala, pœnas iustissimas irrogando, quod Coluthus non videbat, non autē malas creando naturas atq; substantias, vbi Forin⁹ errabat. Abhorreo Priscillianū qui animas eiusdem substantiæ dicit esse cuius est deus, easq; per malignum principē seminari in corpora, quiq; afferit homines fatalibus stellis colligatos. Contemno Paternū, qui inferiores partes humani corporis non à deo, sed à diabolo factas opinatur. Credo quia pater carnē nō assumpsit, neq; spiritus sanctus, sed filius tantū, cum venit plenitudo temporis, vt qui erat in diuinitate dei patris filius, ipse fieret in homine hominis matris filius, secundum veritatē naturę ex deo dei filius, & secundū veritatem naturę ex homine hominis filius, vt veritas geniti non adoptione, nō appellatione, sed in vtraq; natiuitate filij nōmen nascēdo haberet, vt esset verus deus & verus hō vnus dei filius. Profanū ergo Nestoriū dico qui duas personas dei & hoīs introduxit. Natus est enim de virgine deus, eo pacto quo cū corpori nasci docet & anima, nō quia vtriusq; est vna substantia, sed quia ex vtroque sit vna persona, non alius hō corpus, & alius anima sed vnus homo, corpus, & anima: sic post partū virginis, non alius dei & alius hoīs filius, sed idem & vnus Christus, dei & hoīs filius, & sicut vno hoīe aliud corpus aliud anima, sic in vno mediatore aliud deus, & alius hominis filius, vnus tamē & idē (vt dixi) Christus, dei &

Patritius
Romanus
Coluthus
Florinus

Priscillia

Paternus

hoīs filius. Credo igitur eū in vna persona manentē, in
 duabus verò naturis nō cōfūsis, neq; cōmixtis in vnā na-
 turā, sicut Eutyches blasphemabat. Abominabiles du-
 co Apollinaristas, qui asseuerāt ipsum verbū itā carnē
 factum, vt in carnē cōuersum sit atq; mutatū, nō autem
 carnē de Mariæ carne susceptā. Inter maledictos pono
 Ebionem, qui ex viri coitu Christū natū esse audet gar-
 rere, eadē maledictione feriō Archemonē, Cherintum,
 Paulū, Photinū, qui Christū hoīem fuisse absq; deo as-
 serunt. Sacrilegū duco Heluidiū qui ita virginitati Ma-
 riæ cōtradicit, vt eā post Christū alios etiā filios de vi-
 ro suo Ioseph peperisse cōtendat. Proclianū scelestū ha-
 beo, qui Christum nō in carne venisse dicit. Detestabi-
 les duco Marcionē, Origenē, Valentinū, Martianū: Mar-
 cionem quidē & Origenē, qui Christū non ex virgine
 carnē suscepisse, sed de cōlo eā attulisse asseuerāt: Valō-
 tinum, quia nō veram carnē sed phantasticā habuisse
 opinatur: Martianū quia eum verā quidem carnē ha-
 buisse, nō tamē ex carne sumpsisse arbitrat. Cū perdi-
 tissimis cēseo Apollinarē, qui aīam Christi absq; sensu
 & ratione fuisse phibet. In eorū grege de puto. Anomo-
 cum, qui solam carnē absq; aīa Christū suscepisse cōfir-
 mat. Habuit enim cū sua ratione aīam & carnē cū sen-
 sibus suis, per quos sensus veros in passione & ante pas-
 sionē carnis suę dolores sustinuit. Dispereat Beryllus q
 sic eū ex virgine natū prēdicat, vt & deitatis initiū ho-
 mo nascēdo acciperet, quasi ante q̄ ex virgine nasceret,
 deus nō fuerit. Adoro Christū ad dexterā patris in car-
 ne sedentē, Selenci & Hermiæ fabulosam impietatem
 declinās, q negāt eū in carne sedere ad dexterā patris,
 eaque se exuisse perhibent cum ascendit, eamq; in sole
 posuisse, accipiētes occasionē de Psalmo vbi legit, In so-
 le posuit tabernaculū suū. Credo aīas humanas non esse
 à principio inter reliquās intellectuāles creaturas neq;
 simul creatas sicut Origenes finxit, neq; cū corporib. p
 coitū seminari, sicut Lucifer & Cyril. affirmāt, sed cor-
 pus

pus tamō p cōiugij copulā seminari, dei verò iudicio co-
 agulari in vulua' atq; formari, ac formato iam corpore
 aīam creari & infundi, vt viuat in vtero hō, ex aīa con-
 stans & corpe, & egrediat viuus ex vtero plenus hūana
 substātia. Credo vnā tātū aīam in hoīe esse, nō duas, ve-
 lut Iacobitē & alij Syrorū phibēt. Cōfiteor vnū baptis-
 ma in ecclesia, vbi vna fides est, & vbi in noīe patris &
 filij & spūs sancti dat: & ideo si qui apud illos hereticos
 baptizati sunt, q in sanctē trinitatis cōfessione bapti-
 zant, & veniūt ad nos, recipiēdos fateor quasi baptiza-
 tos, ne sanctē trini. cōfessio vel inuocatio annullet, sed
 antē quo sensu sanctē trinitatis mysteriū in ecclesia te-
 neatur: & si cōfentiūt credere, vel acquiescūt cōfiteri,
 cōfirmādos manus impositione. Si verò paruuli sint vel
 hebetes, respōdeāt p illis, q eos offerūt iuxta morē ba-
 ptizādi, & sic manus impositiōe & chrismate cōmuni-
 tos, eucharistię mysteriis admittēdos annuo. Illos autē
 qui nō in sanctē trinitatis inuocatione apud hēreticos
 baptizati sunt, & veniūt baptizari, debere p nūcio re-
 baptizari. Neq; enī credendū est eos fuisse baptizatos,
 qui nō in noīe patris & filij & spūs sancti, iuxta regulā à
 domino positā tincti sunt. Sua pnicie Donatus pereat,
 qui ab aliquo peccatore, licet in noīe sanctę trinitatis
 baptizatos, rebaptizādos esse pditissimē litigat. Perpe-
 tuę dānationi cōtrado Manichęum, Seleucū, Hermiā.
 Proclianū, qui baptismū nihil saluti cōferre affirmāt.
 Nullū catechumenū absq; baptismo, quīs in bonis ope-
 ribus defunctū, vitā æternā habere credo, excepto mar-
 tyrio, vbi oīa baptismi sacramēta cōplent. Indubitāter
 credo pēnitentia aboleri peccata, etiā si in vltimo vitę
 spū admissorū pēniteat, & publica lamentatione p dā-
 tur, quia ppositū dei, quo decreuit saluare qd perierat,
 stat immobile: & ideo, qā volūtas eius nō mutat, siue ad
 emendationē vitę tēpus cōcedit, siue post supplicē cōfē-
 sionē cōtinuō vita excedit, venia pccōrum fideliter pre-
 sumitur ab illo, qui nō vult mortē pccōris, sed vt cōuer-

Iacobit
Syri.

Donatus

Proclian

MEGINARD. DE FIDE


Novatus

Melithus

Papias

Nepos

tatur à pditione pœnitēdo, & saluatus miseratione dei
vivaat. Aeterna detestatiōe, Novatū, eiusq; sequaces No
vatianos oēs abominor, qui pœnitentiā denegāt, & se-
cundas nuptias non admittūt. Pelagiū, eiusq; discipulū
Cœlestiū execrabiles dico, q liberū arbitriū sufficere af-
serūt ad implēda mādāta dei, nec ad hoc dei gratiā no-
bis esse necessariā, cum ipsa veritas dicat: Sine me nihil
potestis facere: quiq; negāt parvulos scdm Adā carnali-
ter natos, cōtagiū mortis antiquę prima natiuitate cō-
trahere, vnde nec eos baptismo indigere ad soluēdū pec-
cati originalis vinculū. Cōfiteor carnis resurrectionē,
& vitā aternā. Amen. Extra ecclesiā oīno esse affirmo
pditissimos autores, Seleucū, Hermiā, & Proclianū, qui
resurrectionē nō putāt futurā, sed eam quotidie fieri in
generatione filiorū arbitrātur. Elemēta (.i. cœlū & ter-
ram) nō credo abolēda per ignē, sed in melius cōmutan-
da. s. figurā mūdi. i. imaginē, nō substantiā trāsituram.
Nihil terrenū, nihil trālitoriū in diuinis repromissio-
nibus expecto, vt Melithus sperat. nō nuptiarū copulā,
sicut Cherintus & Marcion delectant: nō qd ad cibū &
potū ptiqet, sicut Papias autor est & Irenæus: &, velut
his Tertullianus & Lactātiū acquiescūt. Detestabilem
iudico Nepotē hereticū, q per mille annos post resurre-
ctionē, regnū Christi in terra futurū garrīt, & sanctos
cū illo in deliciis regnaturos, &c. æquē impia & sacri-
lega. Origenē cū suis deliramētis profanū iudico, q re-
stitutionē futurā fingit, s. vt dēmones vel impij hoīes
post multa annorū curricula, illi (.i. dēmones) in ange-
licam, qua creati sunt redeāt dignitatē: illi verō (.i. im-
pij) in societate iustorū reuocent: & ecōtra, iustos vice
miserrima ad hęc mala denuò relabi & reuerti opor-
teat. Ego verō iusto iudici & piissimo retributori cre-
do, qui dixit. Ibunt illi in supplicium aeternum, isti ve-
rō in vitam aeternam. Amen.



MEGINARDI

FINIS

1004.08612



Hamrods

Hamrods

Hamrods

